

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社


四庫全書存目叢書

集部
第一三二冊



責任編輯：孫言誠 賀 偉

ISBN 7-5333-0615-5



9 787533 306151 >

EB42/06

四庫全書存目叢書·集部一三二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 46 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一三二冊目次

集部·別集類

屠漸山蘭暉堂集十二卷

〔明〕屠應竣撰
北京大學圖書館藏明嘉靖三十一年屠仲律刻本

.....一

蔡恭靖公遺稿十卷

〔明〕蔡國珍撰
北京大學圖書館藏清乾隆十六年蔡尚才刻本

.....一五二

許東先生文集十四卷

〔明〕張鹵撰
北京大學圖書館藏明天啓五年張永忠刻本

.....三〇五

華陽洞稿二十二卷

〔明〕張祥鸞撰
南京圖書館藏明萬曆刻本

.....四九九

屠漸山蘭暉堂集十二卷

〔明〕屠應竣撰

北京大學圖書館藏明嘉靖三十一年屠仲

律刻本

附《四庫全書總目·蘭暉堂集

四卷》提要

屠漸山蘭暉堂集卷之一目錄

四言

孝思

樂章

迎神

初獻

亞獻

終獻

撤饌

送神

頌

李侯頌

賦

介福堂賦

秋懷賦

陽峰書院賦

文鳳篇

屠漸山蘭暉堂集卷之一

孝思

相國溫公之歸寧也門人屠應俊爲

之賦孝思

於維孝思蒸民之則穆穆我公允迪元德綏
祿辭親中心悽惻赫赫簡書有懷靡及
我公穆穆文振厥聲帝心簡畀秉國之鈞
維王喉舌維王股肱允烈孝思無忝所生
公拜稽首告於天子資父事君無敢遐邇

屠漸山集卷之一

瞻望父矣萬里阻矣蜀山峨峨川水瀾瀾明
發不寐憂心如烇

臣拜稽首天高聽微維父之懷歸寧于家
天子曰都維爾輔予爾行遄歸歲以爲期母
予言是渝毋樂爾私

帝錫惟旅南金文綺維曰羞耆維曰燕喜
帝命下國于峙餼糧乘馬路車以先戒行公
拜稽首受天之慶

九月之交吉維其朝八鸞僊僊朱膺金鑣我

公于邁綏章搖搖百辟卿士出餞于郊烹鮮
魚羔清酒百牢

於維我公吉日斯征皇皇其儀四牡不驚亦
既歸止其迎如雲其迎維何雍雍嘉賓其歸
維何仲冬上旬

父居在堂公肅其躋齊齊愉愉悅且有儀嘉
賓嬉嬉孫子祁祁坎坎伐鼓鼙鼙填筦亦既
樂只萬壽無期

公躋於堂蹈舞將將帝命在中於赫煌煌

屠漸山集卷之一

三

諸父昆弟紛其有行以介景福稱彼兕觥維
父樂只萬壽無疆

我公于歸歲月逝止父曰予子行矣帝命
孔邇予安予樂無父視予易孝以忠母爾邇
思公拜曰嗟無寧父遠

父曰予子行矣母爾遑息徃相天子率是
常服公拜受命式遄其來維天子元臣維
民允懷永言孝思式於九圍

孝思十一章二章章八句九章章十

句

武廟樂章

迎神

於穆 武皇峻德唯神纂圖振烈錫統垂明
奕奕新廟燁燁聲靈鸞華佇景拒鬯儲馨奉
璋攸宜邇求厥成永思無斁 皇降居歆

初獻 武功之舞

維皇烝哉於鑠濟哲八駿業業六師孔捷南
有苞葉觀我黃鉞既震既遏萬邦有截惟萬

邦罔弗同耆武定功

亞獻 文德之武

受 命明明緯武經文厲醜既平髦士攸登
襄襄馮馮保大翊成 皇度永貞昭我德音

終獻 文德之舞

睿聖淵淵令終罔愆末命蹈宣陟配于 天
烈祖有訓允迪其揚之眷予承服基命其康
之基命斯皇百世熾昌駿惠無疆休有耿光
撤饌

禮樂章矣嘉薦芳矣祝辭罷裸告 靈饗矣
告靈既饗降福穰穰篤敘萬年壽考不忘

送神

皇神邈兮旋寢宮寢宮肅兮神有融予惠成
兮穆 皇風歆陟降兮 后惟同肇稽古今
莫無窮承歲事兮萬祀攸隆

李侯頌

李侯者關中李中也爲郡先教化去
強禦豪民嚴鸞者誣之 朝致興詔

獄然竟得白也后以父喪去終于家

云

於昭李侯克慎厥儀肅肅愉愉維德之基民
之觀止左右綏之亦曰歸止維以永思 維
茲嘉郡蔚其文邦崇崇泮宮在湖之陽我侯
邁之不顯其光有孚惠心德音孔彰 青青
者衿泮宮之下於倫維鏞坎坎擊鼓以肄百
禮雍雍雅雅既抗大侯矢其文武 侯曰休
哉迪爾子適有民之孽散亂恒德若殖嘉穀

去其螟賊斤斤天刑率是常辟 民曰丕哉
維斯戕斯孰殺彼孽吾其由之維倭之澤若
雲垂垂迅如其雷式仁以威 彼孽論論胥
誣於天師聽咸中曰維侯賢孰毀弗愠孰正
而償輯柔又剛肆不殞厥問 亦越大故侯
歸於秦遵渚送之里無居人於昭李侯如玉
如金下士作頌且慰我民

介福堂賦 有序

介福者何志 光命也少宰徐公亮

蘭暉堂集卷一

六

若時采簡在 帝衷得推恩所自
誥封母王氏爲太淑人有介福之褒
爰構堂而名焉是故祿賢以逮親達
孝也侈恩以昭德勗忠也圖永以憲
后大義也于是應埏述而賦之其辭
曰

猗斯堂之肇構兮奠吳會之名都鳩百材之
豐麗兮鬱磊砢其相扶翼欄棟以高驤兮肅
層覆而遽遽挹三江之雄潤兮前包山之躡

踈具區波其在下兮雲濛濛而承楣曲瓊丹
穀交方連兮炳白日其陸離繚辛夷以爲垣
兮被杜蘅以爲戶汜光風之塵筵兮自蕙蘭
之瑤圃家室宗以愉樂兮及母氏之壽考也
匪聖善之貽教兮伊哲人其滋起也宅帝揆
以秉衡兮踐辰機以布軌極左右而后先兮
固 皇心之攸顧曰獎孝以勗忠兮汝懷誠
其予輔抑殊典之所褒兮矧惟是其有母介
景福以自天兮昭大命之煒燁承 后皇之

蘭暉堂集卷一

七

駿惠兮羌獨錫此嘉名煥文服其修姱兮麗
翔鳳于雲冠翠翹頤而流珠兮珮琳琳而交
鳴唯令則之宜家兮既永飫于徽音觀 龍
光之昭回兮組纓班其相分斯華酌之既羅
兮擯鳴鼓于東序子孫俛而屢舞兮奏離騷
之大呂芍藥之饌和而后陳兮繁玉食之有
也幕瑤漿以遐薦兮唯酒人之所醕也粵繁
錫之有恒兮抑君子之永譽衆賓娛以既醉
兮亦飽德而雅雅進坻鄂而噉辭兮指南山

以爲侶母欣欣其壽康兮曰萬年其猶未久
歌曰蓀壁兮芷堂爛丹腹兮斯皇華采衣兮
鳴琳琅紛繁會兮浩倡言有萱兮樹之背止
有芙蓉兮山有桂芳霏霏兮芾芾春與秋兮
未艾母壽考兮無疆載申錫兮天慶堂奕奕
兮孔臧越貽翼兮垂耿光

秋懷賦

有序

陸大夫爲儀制郎中積功飭行爲

天子所知而宰臣議階出奉閭臬僕

南華堂集卷二

八

鄙人也撫時即事喟焉賦之于時秋

也因以秋懷命篇其詞曰

何秋氣之殄疊兮倣素律之凄凄申鳴鶴使
戒露兮萎修蘭于枯丘叢林旖旎奄以夕勁
兮游氛殞葉風揚埃慄慄邑邑物錯遷而就
罷兮寥落是朗天高而日微蟬中寂又續厲
兮熠燿的的而宵燐玄鳥沂陰以辭宇兮雁
即陽而南征緊離離其群諧兮予罔涕兮而
懷友生固秋士之易哀兮感物化之難憑送

將歸返故都兮心淹留而自閔子捐故而偶
新兮予怍怍其若履淵不吾知其亦奚怨兮
竊悲夫今之人蹇余生之諒直兮弱好修以
崇方豈唯紉蕙而佩芷兮固茹瓊而沐芳光
陸離以周襲兮中矯厲而慨慷指前修使先
導兮騶騏驎而服飛黃悼世俗之傾隘兮信
多岐而亡羊黨機巧以捷步兮競詭異而改
則予將持頑刃而釋堅兮固齟齬而難入眩
羊腸與九坂兮方世路其猶夷棘刻刻于厥
心兮誘穿檻而寤歌勢軋軋而並轡兮剝白
刃而仇之瞻崛峩以蔽目兮遘峨峨其愉之
混淆濁而伐異兮寶僞而汰真翬然灰謂光
于天兮指日月其不燿岱華坎其污泥兮尾
閭突而溢山婦鬢而男則惆兮鵬一羽而巨
焦明宜虎翼而虺足兮鷄牝晨而暗雄予雖
要明月與懸黎兮咄黯黯而宵黜鬱領額余
增欷兮子揆予之惻惻固鄰德而不孤兮信
內美其必合車間關有兩輪兮耕藉藉且焉

南華堂集卷二

九

偶獲子信姁以倜儻兮又重之以修能協神
人使揆序兮 帝爰褒之曰功彼登倭而抑
良兮陳臬事其以敎華采衣之燁燁兮武蹲
蹲于弁冠夫孰命其匪恩兮余竊疾夫衆女
之善妬而詆淫嗟驕人信好好兮奄乘高而
數度躬絕命猶弗追兮澤膏譏而翼怒予謂
棟且隆隆兮羌撫穢而得路伊霖之效尤兮
奚婪婪其求索余將望閭闔撫神龍兮虎豹
耽耽其礪突鏡鎗阿那以抱日兮雷砰砰而

南齊書集卷

十一

存外夫哲后豈弗寤兮孰九死其以語彼繁
春之蹇蹇兮迅隱軫而北南懷邇邇猶未悔
兮余觀夫裕之與安豈縷數其不可殫兮離
多難而浩歎子欣欣其遠遊兮矯九仞而降
觀朝策馬于燕都兮夕次于魯之郊揖叔旦
而質迓衡兮邈吐哺之上休馳汶陽且弭節
兮祇神宮而淹留庶穆穆其猶儼兮或見聖
而永由存靈光而慨渠渠兮喟侑舞胡以逾
長太息而升降兮迫南征之悠悠歷豐沛而

壯漢兮陟歌風之故臺唯從諫若轉圜兮遵
后皇其弼諧閔作忠而賈怨兮南浮江而弔
鴟夷彼瓦甌鳴以爲惡兮矧黃鍾之若雷躋
會稽之隆崇兮就文命而歷茲既玄玄莫予
聞兮遙絨辭而徘徊躋武夷其隱天兮嶰嶠
嶠乎獨處廓騁四望以忘憂兮迷懷余之連
連伊仙鯉之忽恍兮具靈輅爲予占之帝赫
赫卑而諒衷兮命掌夢使報嘉曰懋戡穀以
自持兮孰險巇而弗崩苟執德之無爽兮般

南齊書集卷

十二

修名之馮馮余服訓而絕俗兮阽危而不能
舍也子玉蘊以自珍兮庶求美而該輔也亂
曰浮雲決鬱秋日曠兮鳳翔于淵鮑魚御兮
余濫與百草同死兮胡驚駘以方驥兮余寧
鎮鈇之利以棄兮胡同鋤刀在室兮心結憎
而莫從子兮荃易晰奚終懼兮

陽峰書院賦

岐陽山者荆楚之名山也學士張公
構書院其上稱陽峰焉而門生屠應

峻賦之

山嵒嵒以駢列兮勢峯岑而極天
蟺蜒宛若以千里兮中后土而奠
南雷雨窈冥猶未半兮迴日月于
中巒接軫翼之靈膠兮赫嶒岷
其若審扼搯巴蜀襟帶施黔表吳
會以外屏環襄鄧而內藩包雄楚之
故都兮勢磅礴而逾厲踐雲夢而
曳洞庭兮羌峭嶮猶未已凌三峽
以戶闢兮介重湖以爲尾並衡荆之
嵒岿岿兮江漢之淵淵繁信美又吾
土兮言占

讀騷堂集卷一

三

良而經始偁拱材于鄢郢兮比岡隰以構宇
臨沃流之瀕洞兮踰墳衍之參差旅楹邃以
複結兮樂攬疊而周施睇浮空之悅朗兮湖
湘濯漚而東匯巫峽巍隤滴瀼兮紛嶽蓮之
倒披影龍蓋以徇霽兮蒼梧雲起而承楣虹
下上以絢景兮霞爛采而涵虛郁郁芬芬敷
蘭馥芸瑤草植秀珠樹粲英西有夏雪之嶺
東睇日華之林異軌涼燠倏忽晦明叢篁倚
猗敷野兮鳥翔集而異鳴橘垂實以林繡兮

松梧韻風而奏音爰周覽而愉懌兮既耽思
而旁訊陳圖史以玄鏡兮漱丘素之芳潤振
大雅于鈞之野兮繩徽聲于千仞騁夷軌于
休廷兮總六轡以互進躋玉堂之奕奕兮嗣
皇墳焉未殞持玉衡而斟酌之兮序天行之
七政懷陽山之巖巖兮邈華宇以崆嶮邈鳴
雁以寄思兮向飄颻之南風陽林合沓而北
驚兮偉昭烈之故宮隆丘翼翼其遙峙兮雲
宵翺而伏龍原作忠以振藻兮陋反騷于漢
雄襲顯敞而陳賦兮唯登樓之未工目予逝
以心軫兮峻恩錫而鴻麗予埃揖夢龍僊之
馳兮爰反駕乎山中陟陽關而矢歌兮聽岐
風之離離

讀騷堂集卷一

三

文鳳篇 有序

文鳳篇爲侍御聞人子壽其母王太孺人而
賦也聞人子之視學南畿也奉母以南母時
年六十有九矣夏六月十二日壽之日也聞
人子出按崑山欲躬爲母壽弗可而以文屬

子蓋自聞人子之爲侍御也歲俱壽母以文
往予觀之皆出當世名公而予非其人也然
有猶子之道焉弗可已也遂序而賦之俾其
族子弟歌以上壽屠應垓曰君子之壽其親
也有三道焉服德以錫愛因類以洽化俾教
流于無窮而聲稱于后世是故頌者有自而
原始有基也壽之上也策休名被渥恩貞于
身而寵徵于其親授無渝澤居無後愆壽之
次也擇方履禮奉身弗辱無外榮無內憂壽

南華真經

西

之次也予之交于聞人子也視其于兄友也
友之信也守道恪而憂世勤也其事 主衣
榮而筋報也是有以壽其母也母年甫三十
而寡居聞人子少也教之以道今成而庸之
朝矣 天子之遣聞人子行視學也又以母
之所以教已者敷教于若人夫茲土也 國
家首善之地今聞人子視學將替矣苟教之
洽而成也則人之頌聞人子者孰不頌聞人
子之母無已也是壽之至也吁唯聞人子之

母人庶其不以予言爲謏也

鳳之舉兮煙冥冥御清氣兮棄玄雲盍徘徊

兮儀 帝庭聲噤噤兮揚厥文秉 皇綸兮

玄宇允陸離兮南下服榮命兮修以娉繫聖

善兮有壽母鳳臺崔嵬兮蒼蒼江淮波兮浮

遠光薰風起兮華有香藥米筵兮冰漿夫容

紛兮曲沼蕙蘭郁兮都房華酌羅兮賓列母

欣欣兮壽康冠蓋宗兮獻酬錯鏗華鍾兮歌

舞作豸之戔戔兮燁其光青衿繩繩兮禮容

南華真經

五

恪組纓班兮兩堦圮遙瞻母兮愉以樂母之

醉兮顏酡瑱流珠兮委蛇迎西王兮瑤圃降

皇英兮清都弭翠旂兮振霓裳悅相和兮臨

風歌疏蓀壇兮蘭藉穆穆兮瑤席鸞笙沸

兮玉璫迫紛繁會兮娛未日壽耆悅兮尚羊

求延長兮膺天慶烈皇皇兮節孝章振文德

兮世世昌千秋萬歲兮壽無疆

屠漸山蘭暉堂集卷之一

唐漸山蘭暉堂集卷之二目錄

五言古詩

諱節婦詩

贈袁子未之戍湖州

苦雨擬張協

贈內

內答

送倫彥式司成

春遊懷友人

蘭暉堂集卷之二

霸陵篇

送董子元南歸兼訊袁兄未之

七言古詩

高陽行

祥麟篇

君不見贈錢汝載

壽兄歌

西虹草堂歌

武夷吟

送林僉憲汝雨兵備潁州

太乙壇歌

贈張參軍

送同年唐子鎮削籍還雪川歌

送友人之蒼梧

送郭寅仲節推太原

送院長華二子潛歸觀

贈吳山人擴

馬上贈武舉生金寶

蘭暉堂集卷之二

至日憩東平飲趙二元實舍席上贈長

句

歌風臺

上之回

屠漸山蘭暉堂集卷之二

譚節婦詩

落景不復返逝水無還期結髮事君子受恩
良不貲世事易終極中道多乖離 乖離在
中道人生苦不保昔爲同心花今作斷腸草
鬱陶呼蒼天淒淒以終老 終老鬱以紆往
者形不歸感君平生歡殺身以相隨殺身良
不難存亦有所爲 所爲亦何如東志良不
渝死者長已矣生者徒區區上有高堂母下

蘭暉堂集卷之二

三

復有遺孤 遺孤何氣氣氣歲云暮復
良苦辛長立有榮輝悟彼泉下人中情迄于
斯 于斯遡離居歲月逾五紀奄忽百歲身
沉憂竟終始感彼栢舟篇哀吟淚如雨

贈素子永之戍湖州

弱齡事篇翰與子諧所歡同芳握蘭芷偶德
璵與璠彈冠入門振衣陟華軒皇心苟子
顧白首諒無愆風波起中道行路一何難子
行戍故越子留滯幽燕孤雲易流邁獨波不

成淵艱危各異勢繾綣何由宣贈子別鵠操
報我以孤鸞

之子產南岳倜儻非凡才荆璞夜投人按劍
忽相猜禍患固有期讒言啓之階秋風振林
木蒼莽晨光開驪駒儼在駕執手有餘哀君
子敦素節在遠分彌諧小人實徇華居親志
恒乖願保金石軀不以秋草衰

蘭暉堂集卷之二

四

驥失意爲龍蛇石室無銘功名山有藏書子
行慎自力吾亦反吾廬

苦雨擬張協

玄雲駐夕景層陰散晨光祁祁貫炎序萋萋
迨金商綠苔積基階亭霞綃堂皇修途爲淖
淵高丘亦洄襄翔禽止叢薄幽林紛萎黃索
居淹晨暮感時令神愴不惜蕙花歇所嗟蕭
艾長徙倚望天路佇立瞻秋陽

贈內

良時飭徒御予當遠行游上堂戀慈親入室
語好逮王臣奉時役不得顧晨羞井臼有常
分薄終義所尤携手再三嘆出門悵悠悠室
中四五鵷眷眷不能留遠期在終歲忽往爲
三秋念我同衾子兀兀紛離憂離憂多苦辛
心轉如車輪煌煌衆星列迢遙隔參辰鯁鯁
雙鯉魚一浮而一沉楚橘不北徙越禽有南
音贈子明明鏡可以鑒我心

明月照高樓徘徊在林木秋風振原野零露

詩集卷五

五

生庭綠蟋蟀鳴壁間嫌嫌逝華屋四顧何蕭
蕭感此景光促念爾不能寐振衣起躑躅別
易歲月長會阻百憂續猗蘭芷芳欲采隔
河洲團團桂花樹何以結綢繆南山有轉轂
易水有方舟中情信繾綣會合當自由

內答

昔與君別者乃在舍東溪溪水載君舟妾心
行復如君行日以遠溪水逝不返賤妾守空
閨坐惜歲華晚愛來陟高山長嘆望所思人

生不滿百三載爲頃臾白露萎蔓草焉得長
盛滋浮雲出山谷漫漫無前期願爲雙鷺鷥
嚙影戲清池不願爲飛龍矯矯眇天達

感君明明鏡團圓若秋月妾心良不虧君意
有盈缺憂思亂心目攬鏡如沉灰何當奉膏
沐拂拭生榮輝君子敦素心不以新故衰豈
無桃李芳俯睠園中葵豈無羅紵輕被服故
所衣豈無梁肉貴采掇故山薇君諒秉高節
賤妾空踟躕

詩集卷五

六

送倫彥式司成

高皇締洪業濟哲肇人文敷命浹遐宇稽古
登疇英崇崇辟雍建奕奕巽居新鍾山貴龍
景鷄臯翔瑤林圓流協天造丙舍若雲憑步
彼淮水流湯湯周其陰執言憲黃髮委佩趨
青衿八方文軌輳萬葉黃髮振陛下念祖
烈踵武俾周成三宮聖帝則四圭流德明成
人肆無數洪化昭若神於赫文武闔莫茲豐
鎬京峩峩髦士宜離離飛鳳鳴選德握化紀

眷子爲國禎奕世獎休懿操翰侍明庭煌煌
帝命將肅肅南轅征旌佩豈云遙俎豆由茲
陳黃鍾宰殊叩衆流會有盈衣冠示民則羽
儀章國經濟濟橋門聽溫藻敷丘墳踴踴國
子徒率履有儀刑式謝何晏辭亦陋桓生榮
采萍遲鳴鹿飛鵲集嘉林聲光自南國大雅
流餘音

春遊懷友人

淹愁謝冠蓋耽寂懷丘林言與二三子薄遊

曹子建集卷三

七

向城墮習習谷風變嚶嚶黃鳥鳴弱草有嘉
意流泉動春聲俯鏡潛魚躍仰睇故條榮乘
時鮮陋質被野多鮮英觸景豈靡諧感舊情
所欽物理互云代人事無終傾達人順元化
游心付沉冥

霸陵篇

憶昔漢文帝行游霸上園遙指新豐道回瞻
渭水原倚歌未終曲慷慨啓長嘆柳發北山
石紵絮斷其間左右相噉噉嗇夫前致言請

觀秦皇帝壯哉營鄠山白日避層闕銀流涸
重淵玄臺玉衡建幽圉青黎懸六宮既同盡
千夫亦何寃金湯萬年固陵谷湏臾遷愚民
諒何知厚葬乃其愆片言感宸極納諫如轉
圜高陵不夷塹卑渠瀉通泉聊供陶冶器無
改山澤觀當年景遺詔後世稱高賢巍巍霸
陵廟迢迢至今安

送董子元南歸兼訊袁兄永之

董生鸞鳳質儀羽何繽紛二十作文賦麗藻

曹子建集卷三

八

師機雲投策羨賈誼懷繻陋終軍躊躇四方
志而不纓世氛白駒謝空谷鳥鳴懷高枝來
賓觀王國整駕竣天達致我故友問贈我瓊
瑤辭英英縷文玉粲粲呈明珠盍簪金石叩
儷奏墳簞俱北轅始停轍南江理歸柁商風
協悲端登高不能別蕭蕭江漢秋悽悽霜露
結憑君訊袁安應卧丘中雪援琴奏陽春疇
能變寒節

高陽行

菁山先生謫傳保定保定古高陽也

于是門人屠應竣爲作高陽行

君不見高陽酒徒氣若虹酒酣仗劍謁沛公
褒衣側注反遭罵豎儒瞋目稱而翁軍門拾
謁使者入麾矛雪足來趨風儒冠自昔爲人
下豪士纍纍走中野公卿半屬鼓刀人塵埃
誰是彈冠者侯門我我仁義存金貂白玉多
殊恩九達車馬若霆擊中臺咳吐如春溫丈
夫風雲不自致寧能嘍嘍齷齪趨華軒菁山

南唐書卷之三

九

先生真崛奇文章垂世光陸離懸黎結琬世
莫識陽春白雪和者誰憶昔予爲門下士諸
子森森並蘭峙白晝行歌秦駐雲醉後清心
越溪水即今已及十年餘人事升沉豈堪紀
鳳儀未上金門書呂甥尚曳東郭履逢也雖
負鴻漸翼失勢青雲未能舉去年有詔收駿
骨沈咸十躡始一起先生豈是百里才驥伏
鹽車垂兩耳幾年臥遊湘水東洞庭雲夢清
若空青蠅營營止叢棘白露颼颼摧孤桐長

安春半氣猶烈上林木水柳條拆潞水方舟
不得行匹馬蕭蕭踐冰雪高陽客舍行人疎
糜珠斧桂爲晨餽天寒首宿芽未茁夜深廳
廳時相呼鵠袍諸生半僵臥玉署談經能聽
無君不見黃金我我千尺臺昭王樂毅俱蒿
萊漸離擊筑已絕響荆卿易水歌空哀吁嗟
乎人生得失何須數尊前俛仰成今古時來
北闕繫金魚歸去南山射猛虎

梓麟篇贈陳太史館長

南唐書卷之三

十一

祥麟墮地氣已振虎豹辟易百獸馴明珠出
水光猶濕置之朗然來照人仲冬十日月初
沒東方熒熒半明月我時走馬尋酒徒恠君
意態何恍惚冠欹履蹶不受謁室中燈燭隱
復張雲霧氤氲飛北堂君行揖客猶倒裳但
聞有物啼嗶嗶鳳雛在巢文錦藏龍駒赭沫
漚毼光看君蘭芬兒蕙質炯若寒水映瓊室
令我未見已心失丈夫生兒百不憂桑弓蓬
矢志遠游長大射獵青海頭我先解贈雙吳

鈞終童棄繻何足羨班生投筆會封侯

君不見贈錢汝載

君不見驂驅自負千里足蹴踏鹽車猶噴玉
櫪下驚駘飽芻粟古來達士多賤貧高文瑰
璫能誤身姑蘇錢郎三十餘去年獻賦承明
廬爭傳綺麗似相如今年宰邑向山郭束帶
逢人氣蕭索雲峰合杳洪峒孤石瀨潺湲合
江閣山水蕭蕭亦堪樂落魄寧受簿書縛我
觴勸君君莫嗟誦君秀句凌層霞左持干將

南華集卷三

上

右鏌鈇東游青海西流沙

二言錢作

秋風會振雲

中烏春城不種河陽花此去若逢勾漏令爲
予長揖問丹砂

壽兄歌

蓬萊之曲仙人居金函玉訣藏玄書當湖如
空曉雲沒望中宮闕開璠璣我兄昔抱滄洲
趣投簪未老棲煙霧濯足還從天漢源挂衣
却向扶桑樹鸞歸丹穴龍在淵清芬海內令
人傳層冰泠泠映秋月寒松漠漠凌紫煙吾

家世卜當湖里奕葉衣冠蔭喬梓驚鷺時看

郎吏衣星辰晝聽尚書履伯父英英三一翁

鵷生三鳳鳴梧桐仲兄雖逝伯也奮中朝

烈烈推英風我兄獻賦長揚畢天子爲歡

親造膝義冠飛豸立螭頭白簡搖霜照雲日

有時嚙命下星廬南觀百粵西青徐山川歷

歷迎龍勅蛟鰐噉噉避隼旗人生富貴如朝

槿懷忠磊落摧孤憤三逕猶存湖水清急流

自昔推高隱小弟金門乞省回况逢初度薦

南華集卷三

上

霞杯親瞻壽域開東海爲愛星文接上台鶴

鷄無聲秋色淨鴻鴈澄江影相映田氏荆花

正好顏謝家池草爭傳詠彩衣聯翩趨玳筵

又看玉樹臨風前墳麓未奏南山曲琴瑟先

調棠棣篇

西虹草堂歌

南畿自古稱佳麗萬戶煙花開中第臺城日
上飛紫霞鍾山天虛浮王氣高皇垂統建
大都龍蟠虎踞開皇圖金闕直從中極見朱

樓上與浮雲俱興宮蕭蕭暮煙起三閣豪華

已凋癯鵲鵲秋高霜氣寒盧龍月冷波聲細

君不見淮水橋邊石鳴瀨萬雉爲屏水爲帶

百丈虹垂西極前五緯光騰紫清外草堂縹

緲枕絕壁樓臺半映羣峰出五雲煥耀歸鳳

林九霞燦爛來龍窟萬里天迴嶽樹暗大江

潮落渚沙青滄洲日暮風浪靜倒影獨照虛

堂明堂深地迴人莫到石房孤懸巖巖巖幽

鳥寒蟬倚日鳴紫蘅碧杜含煙笑龍門有史

名山藏茂陵獻賦通明光風生螭陛搖簪筆

日煖蘭臺見鳳凰翩翩五馬來東郡漢家循

吏今堪並赤羽朱旛海上行金函玉節台階

近每凭郡閣望石城蒹葭露淨鴻鴈鳴星臨

北斗鄉關近木落南天江水平明草堂已作多

年別披圖把酒情偏切從君盡節報 清朝

白首相携臥煙月

武夷吟

送李侍御元陽按閩嘉靖丙申病中

作

予年二十頗好奇志遊五嶽訪安期微官束

縛歸未得往往按圖披武夷武夷山水誰爭

長大王峯高九千丈鷲嶺泉飛赤鏡開鳥道

虹垂紫霄上虎踞龍驤天際來千花寂寂照

層臺陰崖時見靈仙度陽整晴看日月迴一

谿初疑路中斷九谿曲曲明如練幽巖欲瞑

忽自開瑤草蓬丘望中變仙壇鷄犬不復聞

草樹猶含五色文朝光下見滄溟日暮影遙

連越雋雲我欲從師問真訣飛心每寄空山

月玉女峯頭授錦符曾孫笛裏吹晴雪李侯

攬轡使八閩武夷仙人來作賓霜風不入桃

源樹羽旆先行建水春憶昨石渠同侍日惟

我與侯情最密十載同爲畫省郎九霄近奮

螭頭筆螭頭白日下鸞書絳節行空萬里餘

蛟鼉解避君王勅烏鵲爭隨御史車桓桓馳

馬誰能及白簡風生氣山立碧海烽煙晝日

清荒林豺虎潛宵泣君侯壯志真嶙峋况復

昌時能致身鴻名會與山川久成功歸勒彝
常新燕南柳花飛暮春欲拾瓊瑤懷遠人青
雲交結盡奇士眼中冠蓋誰相親江生以躋
躋古烈士逸氣峻嶒去天咫諸郎併妙思精
入玄秋月娟娟照寒水飛鷹擊罷祥鸞驚薦
書何日開華軒只今棟梁急文木古來桃李
稱名門予病故人成契闊上書欲歸辭未達
方朔金門自陸沉相如著書苦消渴幾欲乘
風挾兩生武夷尋仙食紫蘅君侯炯炯雙瞳
明他年亦見丹砂成予隨三子何所作白首
相携朝玉京

送林食憲汝兩兵備潁州

虛庭落日明嘉林薰風吹我堂上琴故人言
別赴河潁使我不覺生離心援琴欲奏商聲
沉感時懷昔多哀音憶昔與君同侍 輦奏
書朝 聞夕稱善扈 聖親登太乙壇承恩
數奉甘泉宴須臾雲雨各西東北風栗烈南
飛鴻君度石梁看曉日予隨蘭省臥秋蓬故

南華堂集卷三

七

南華堂集卷三

六

人才高人所羨飛藻如煙燁如電建節警臺
日月懸橫經彤署星辰爛寒霜飛空淒北堂
三年入謁來明光此時正奏甘露至金莖不
動天風香露乳聯珠瑩飛雪松雲晝開暮還
結故人新自故鄉來應飽瑤華弄松月夜談
坐聽填填雷擊霄碧玉翻空摧閉門共讀梓
異志出門向人還語誰九遠車馬朝來會共
議明堂草書對近臣新冊定陵功常侍總承
開府貴君不見人生得失難自量天道盛衰
寧有常朱陽受節蘭蕙芳零露夕變葉葭蒼
時來立取封侯印老去猶爲執戟郎又不見
披裘採薪登后車篋篋在御朱桐虛歲歲南
山叩哀角年年東觀著遺書君行梁臺度潁
水梁苑薔薇夕煙起汴水微茫畫不流唯見
邱原暮塵紫鳳城東山龍作盤萬年 陵闕
天南端黃河千曲淨迴練蒼崖百疊驚高鸞
此中騎士俱羆虎故人有文兼有武嵩少雲
生拂羽旂淮海風清雜鉦鼓煌煌絳節坐臨

戎祖豆長垂鼎鉉功縱使沙場親校獵絕勝
芸閣賦雕蟲

太乙壇歌

太乙壇高凌紫氛宮中夜夜延神君金盤千
尺瀉朱露莖臺五色飛龍雲撞鍾鳴鼓邀百
祥回旌駐蹕瞻景光石檢親封綠文闕河圖
著紀赤符昌九華燈明列星爛八變樂終萬
靈見至尊端笏禮中天北斗垂芒指前殿皇
皇圭璧奠甘泉奕奕樓居通列仙侍祀獨有

南華堂集卷三

七

東方朔登歌新協李延年白茅授冊侯五利
青鳥騎書作前使貝闕徘徊河漢沉絳節續
紛王母至武皇北面來相迎稽首至道聞要
精能驅三尸鍊五魄可以閱世爲長生帝聞
斯言再拜受宴罷言歸樂無有祈年何必汾
水陰無爲自享南山壽

贈張參軍

早向錦城擒點虜壯從天將斬休屠四十謁
帝白獸闥五十腰懸金鯉魚男兒賭命報

明主昨日雲中馳羽書

送同年唐子鎮削籍還雪川歌

雪川之水清且閒五湖映帶流其間草堂突
兀在何許九畹有蘭山有芷銅官峯高當坐
隅金沙泉落青天孤熊羆咆吼向空立魑魅
窈窕窺人趨君有匣中三尺劍提携欲獻明
光殿 今皇高築黃金臺銅龍雙嘶闔闔開
治安要策至尊喜年少今看賈誼才貫城星
高隣帝垣紫芒夜耿層霄寒白雲幽署春日

南華堂集卷三

八

淨空庭古栢雲盤盤山鬼宵行倚金穴姮娥
飛奔入明月五侯七貴多 帝親玉樓椒閣
香氤氲殺人誰敢問姓名但見白馬垂朱纓
羆虎桓桓守金闕抗疏叩閭身首裂誰能天
上犯龍顏君倚赤心干日月天王覽奏意允
之左右竊視相戲吁作書走報梁竇恐百計
回天天欲動九重震怒禍莫測金鼎紅爐燎
飛翼宰臣力救天解顏萬里生還偶然得潞
河邊頭飄柳花平江落日明蒹葭山猿夾岸

喚行客妖魚射人吹暮沙三山扞潮江若旋
輕舟脫險如疾箭薰風習習吹香薇南雲片
片傍魚磯歸時正值荷花發荷葉翻翻好製
衣荷衣夜寒秋露急江行蕭蕭淨秋色逐臣
此時應嘆息人生富貴豈終極丈夫要在能
死職君不見蒲田林尚書一言不合歸故間
又不見四明楊給事朝侍金門暮田里朝廷
不可無直臣法行始覺天王尊麒麟在山豺
虎伏狐兔豈敢窺車轅我歌送君君鼓缶相

南唐書卷十

元

看各盡盃中酒君歸且臥白雲間紫詔盤龍
伴賜環

送友人之蒼梧

朔風蕭蕭雪作花曉月半壁浮銀沙清輝可
贈不可掬瓊瑤散漫隨行車上林柳條寒未
茁五嶺梅花春正賒蒼梧煙煖夜成霧潯陽
水明朝絢霞岐路向君稽首別遙緘椒醕訊
重華

送郭寅仲節推太原

郭生三十佐雄郡馳車都門向三晉太行迴
蜺天際來千里崔嵬作名鎮五臺雲氣仙人
家雙旌迢遞拂層霞天池漠漠水爲鏡雲樹
蕭蕭雪作花春色欲回邊地草春風先繞使
君車汾河簫鼓朝行縣錦閣琴尊晚散衙唐
風陵夷久不作良士瞿瞿戒荒樂保障由來
異鹽絲利刃今看試盤錯

送院長華二子潛歸親

江南景色漸芳菲遊子况從天上歸遲日分

南唐書卷三

子

暉聯棟萼高雲流采貯庭闌金馬蕭蕭玉堂
客紫鳳嚙章下南國山川行處有光輝間里
相看俱嘆息鑿帶承恩白玉新萊衣細履
金麒麟文魚旋向蛟冰躍烏鳥偏啼綺閣春
芝蘭芬馥桑榆景墳笈遞奏瑞臺迴嘉賓總
是漸遼鴻珍筵賜出仙調鼎惠泉釀酒春正
濃南山獻壽樂無窮但使白華明永晝肯將
靡鹽易三公

贈吳山人擴

山人出山何所適來作長安五侯客攜蕩朝
飛北海雲磨崖夜泣南山石長安二月花滿
煙意氣翩翩俠少年千場博戲章臺下百發
鳥號細柳前山人敝衣衣後穿拾謁欲向何
人憐投珠委玉盈尺箋饑來不售囊中錢短
歌爲君君自慰且拂琅玕謝時貴王生解襪
只自嗤世間那有張廷尉

馬上贈武舉生金寶

金寶以歲庚辰舉武試時學士石公

甫爲考官今廿年餘矣猶以敝衣走

手

風塵中兵憲陳君令護予行予憫之
爲賦長句

翩翩飛騎突且雄橐垂七尺高麗弓向予長
跪馳素封來自天津陳長公感君來緘重君
使汝才且雄者誰子云是熊峯門下士緋衣
已隨塵土緇壯心尚逐風雲起長公好士輕
黃金求才不憚幽與深幕下立談收劇孟坐
中飛檄佇陳琳白髮自知無長物青商猶自

有哀音我聞其言感且嘆古來相士輕貧賤
驂騑豈少伯樂無世上紛紛寧足羨曾冰體
體黃河枯旄頭西指當滅胡策勲報恩真丈
夫挿貂橫玉盈上都封侯之骨汝有無贈汝
腰間金僕姑

至日憩東平飲趙二元實舍席上贈長句

四明才人趙元實絕壁寒松倚蕭瑟逸興飛
翻東海雲赤心直指扶桑日前年天子罷

郊雍金書煌煌命上公秉圭植壁對上帝

奉璋錫昨俱宗工諫臣如麻但僵臥君獨抗
言陳不可批龍已荷明主慈履虎真逢貴
臣怒去年過飲倪生家夜深酒半人爭譁仰
天白眼罵流輩嚼盃膝席陵豪華人言趙郎
太孤立委心置人人不識徒手欲裂丞相麻
直腰不共將軍揖坐令談笑生戈矛白王被
點黃金投鵠鴈一枝聊自適驥驥當途遂晚
收我來山鰲逢長至晤語相歡故人意墨綬

猶存粉署香鑄宴曾雲赤墀賜自從天上聽
簫韶歸向人間厭歌吹即今束縛如拘囚青
山對面不得遊尊酒豈能容傲吏冠帶時催
見督郵落魄魄但知爲善樂簿書兀兀使人愁
尊前起舞歌向君人生得失如車輪君不見
甘羅孺兒能貴秦買臣四十行負薪又不見
田郎一言取相印馮唐十年官不進天道陰
晴難豫期物情反覆那須論我今已與滄溟
期君才不久蓬蒿居盛世豈應無狗監是誰
能薦馬相如

南唐書卷之

五

歌風臺

漢皇昔日還沛中四海爲家憶故宮沛中父
老獻牛酒爭識當時隆準公咸陽宮中鹿爲
馬芒碭山上雲成龍子弟遞進鳴歌鍾酒半
泱泱歌大風湯沐之邑恩澤隆千秋萬歲樂
無窮人生悲樂須臾改猛士之思復誰在韓
彭已醢英布誅遺令猶令檻樊噲古來豪傑
總堪悲沛水東流西日微歲歲山川猶故色

風雲不向沛宮飛

上之回

上之回乘六龍龍文五色雲九重參駕日月
前飛虹逐虜蕭關道祀帝甘泉宮別館迢迢
與天通屬車絡繹渭橋東翻翻豹尾翔煙空
瑤池終燕歌秋風歸來萬歲樂無窮

屠漸山蘭暉堂集卷之三目錄

五言律詩

贈傅封君

送閻公甫太守赴保定

雪後高子業約登毘盧閣不赴

寄內弟黃韶孚

夜

送陳約之謁祀 孝陵三首

夏日延綏捷至奉寄總制唐相公三首

送陳給事使琉球三首

寄題孫氏園亭次馬編脩韻

秋日宴馬都尉第

訪念上人不遇留贈

送同年謝子儒致仕歸蜀

春日謝人惠扇

秋日城樓餞王主事時魁

夜遊城西寺懷陳編脩約之王吏部道

思

趙武庫元實移居賦得堂字

駕詣南郊

大明門候駕

西園

甘露寺次韻

戚懷王輓歌四首應制

送唐生

宿唐安禪林

道雪

寄胡太常經

屠漸山蘭暉堂集卷之三

贈傅封君時封君在京師與其子給事
學禮同陞謝

之子登青瑣封章下 紫房拜恩同禮數侍
從有輝光世濟衣冠盛朝分劔珮行過庭論
諫草持以報 君王

送閻公甫太守赴保定

五馬春日光言赴古高陽關臨紫荆險水繞
白溝長政事日多暇風流君未央如過樂毅

廟爲一拜昭王

雪後高子業約登毘盧閣不赴

都門一夜雪春牛尚封條柳色祇全未梅花
應共飄登高看霽景良友暮相邀立馬嚴城
迴非關剡水遙

寄內弟黃韶孚

吾憐黃叔度雅興迴難羣俊朗三秋月孤高
永夜雲爲文無近體對酒即微醺一自楓橋
別清談不易聞

夜

披襟散塵慮永夜一行歌明月滿金闕晴天
闕玉河清心雙鶴唳適意片雲過本欲懷歸
隱其如良友何

送陳約之謁祀 孝陵三首

漢帝郊雍日祀官拜鼎湖山川紫氣龍虎
闕黃圖雲擁金輿寂天橫寶殿孤岐豐根本
地千載見文謨

萬歲橋山路三春草木青乾坤黃鉞在風雨

翠華扃北極通羣帝中天覲百靈當時貌虎

佐一一扈青冥

爾作朝陵使春風絳節催別離頻駐馬相憶
更登臺氣色蓬萊迴江山寢殿開甘泉歸奏
賦遙羨子雲才

夏日延綬捷至奉寄總制唐相公三首

北虜安危繫中原節鎮雄 君王親授鉞相
國坐臨戎瀚海軍麾動狼山轉戰空遙聞六
月頌不數太原功

胡騎窺秦塞宗臣出漢疆長驅龍厯馬百戰
虎賁郎策授天人秘營連象緯光何當窮絕
漠臨斬左賢王

萬里塞雲黃秋風胡馬強將軍屯細柳天
子射長楊戈劒明朝日旌旗拂夜霜中興漢
業威麟閣有輝光

送陳給事使琉球三首

絕域天王使三年諫省郎星辰傳鳳詔冠
冕授蠻王蜃氣鴻濛合潮聲日夜長錦帆滄

海上南望有輝光

南荒饒霧雨窮島接風濤下瀨樓船迴馳封
使者勞夷官趨弁服海色照麟袍若道唐虞
際應瞻日月高

帝遣辭青瑣乾坤屬壯遊九霄持漢節萬里
赴炎洲日抱蛟龍躍天函島嶼浮遙憐張博
望銀渚問牽牛

寄題孫氏園亭次馬編修韻

地選三吳勝池通碧海波紫鸞棲澗竹黃鶴

舞煙蘿谷暝雲霞合山空夜月多憐君真豹
隱吾亦問漁蓑

聞道洪崖子相邀江上山潮觀滄海盡林臥
白雲間爲圃滋瑤草還丹駐玉顏蕭然天路
隔逸駕迴難攀

不待金門詔遙從水竹居地僻三島近人是
上皇餘苦栢堪爲飯名山好著書興來還把
釣不是美淵魚

秋日宴馬都尉第

爲識天人貴雲中別館開開簫度鸞曲觴客
在瑤臺飛閣秋光入層城紫氣來月林歸騎
擁凝傍鵲橋迴

訪念上人不過留贈

龍象經行地飄飄何處山相看石林晚高雲
猶未還焚香嶼坐久落月道心閒永願離人
世從君來閉關

送同年謝子儒致仕歸蜀

畫省爲郎早飄然遂拂衣孤雲度秦隴萬里

赴庭闈迴馭心元切題橋願不違林泉獨往
地黑髮似君稀

子貞棲谷口潘岳賦閒居長揖辭明主爲農
返故廬雪消已嶺出天入錦江虛莫待楊雄
老潛夫早著書

春日謝人惠扇

眷情遺寶篋延握近朱暉啓窗涼風動披襟
滿月輝光搖霜蘭細彩散蜀雲飛虞薰如有
奏流吹助音徽

南樓堂集卷三

七

秋日城樓餞王主事時魁

此日登樓別長懷祭也文隨風望征蓋聽鴈
惜離羣露零山桂碧日斜江草曛因君動歸
思遙寄越溪雲

夜遊城西寺懷陳編修約之王吏部道
思

徙倚珠林晚停盃憶往年臨風雙玉樹望月
倚金天棄繻終生少投沙賈傳賢漢廷誰復
似萬一聖君憐

趙武庫元實移居賦得堂字

高士便踈曠居臨御苑傍開尊秋月滿列
樹夏雲涼水鏡搖朱戶風琴奏石房登樓新
有賦王粲謝登堂

駕詣南郊

華蓋團闔闔勾陳肅羽旄雲披丹鳳闕日抱
袞龍袍萬乘嚴柴望千官走譽髦景光霄
燭處遙識必官高

南樓堂集卷三

八

九天來行殿神仙候靈編海嶽開懸知受

釐日還訪賈生才

大明門候駕

琳觀齊龍軌前驅開鳳城天旋黃道迥路入
紫霄平韶樂傳空下鸞旂拂露輕年年承
帝昴端拱育群生

九重移寶輦萬騎發甘泉大輅風雷翊華旌
日月懸鳴珂隨廣樂瑞氣引爐煙鴛鴦瞻霄
漢龍光玉几前

西園

卜隱西園勝虛堂引夕暉溪行明月伴林坐
白雲圍震澤秋光接金庭野色微鶴鳴霄露
薄涼入薜蘿衣

甘露寺次韻

甘露千年寺羣公攬轡過樓空吳楚盡江濶
雨雲多蜃氣連蒼海琳宮隱碧蘿苦聞幽絕
處白日走鼉鼉

咸懷王輓歌四首應制

南唐書卷之九

九十

暫輟溫明殿長扃永夜臺縱山空悵望帝
子不歸來唳鶴驚華表懸黎度劫灰彭殤同
幻世莊理謝深哀

崑府璫璵並金枝棣萼分中宵沉寶氣一幹
委流雲綠宇題仙籍龍光闕冊文岐嶷應不
昧留戀奉吾君

西嶺曙光微行歌薤露晞珠從仙掌墮莫忽
舜階飛劒鳥光玄壤衣冠奉素幃春回邊草
綠不共少王歸

十月西陵道陰風悽以寒輜軒猶列戟香嶺
能鳴鑾雲臥珠衣寂山迴寢殿安千官同灑
淚寧啻魯人觀

送唐生

杖策欲誰親侯門不禮賓空彈馮氏鋏莫救
范睢貧玉露凋紅樹金風起白蘋蕭蕭南去
鴈飄泊自爲鄰

宿唐安禪林

北闕初辭綬西林來閉關無營干劫遣因病
一身閒初月寒逾迥孤雲晚自還不須長面
壁出郭是青山

道雪

回風吹急雪積素滿平沙獨憶趨朝日人携
滿袖花窺淵迷曉鷺啄屋有飢鴉欲趁樵夫
徑尋煙過酒家

同雲凝朔野浮月湧銀沙照影疑無地翻空
只有花山山俱種玉樹樹欲沉鴉却恐袁安
卧時尋野外家

寄胡太常經

憶昔從南狩帝君接鸞行瞻依天咫尺旬日
路荆襄羽仗中宵合龍雲五色光清卿今已
貴不是舊馮唐

屠漸山蘭暉堂集卷之三

屠漸山蘭暉堂集卷之四目錄

七言律詩

春陰

花朝後雪東友

漫興

鏡光閣雨

雨晴又作

駕詣泰神殿禮成屬雪至

伏日移居

春晚過諸一丈留贈

寄趙景仁

喜雨次韻

聞南太廟災

病起

朝陵

經筵日值初度有述

九日早登城樓

暮歸登西樓再賦

病中東張郎中臬

簡金侍御敷華訪密雲赤肚仙人

大駕朝陵

駕幸西山

駕幸九龍池

駕登十八道嶺

遊城東觀

寄張揮使淮

題張學士仰宸樓

謝張學士西臺

奉和嚴相公居守京城巡門作

送蘇侍御謫宦潯州

燕邵氏園亭賦贈

王侍御瑛招登崇文城樓有作

齋宿院署

登太白樓

寄呂水部

渡江望金陵與盧職方同賦

晚發移封過飲張戶曹官舍

奉和宗伯嚴相公元旦賜光祿酒饌

恭紀一首并次來韻

再和嚴相公詔賜直廬有作次韻

春日過瀛海公第有感

懷趙景仁唐應德二翰長

夜懷趙二元實

贈松江黃節推協恭

夏日送魏中丞巡撫河南

晚宿禪林明日家兄同諸公携酒相別

謝張學士西臺

晚憇東平劉中丞原清招飲不赴投贈

短章

晚登嶧山

投贈諸憲副楊伯

燕宗容姪湖上樓

遊金澤寺

寺中喜聞富憲副子超來訪

秋夜望泖口

上元日立春有作

屠漸山蘭暉堂集卷之四

春陰

二月之交愁太陰野雲寒日轉蕭森西山白雪朝含凍朔塞浮煙晚正深苦見梅花思故里忽聽鴻鴈損春心簿書鬱鬱仍多病對酒聊爲莊舄吟

花朝後雪柬友

昨日花朝花未開陰陰朔氣滿燕臺夜深月向榆關沒天際雲當碣石來湖海積冰龍盡

蘭暉堂集卷四

四

立河山飛雪鴈重回虛堂寂寞難乘興憶爾陽春寡和才

漫興

南風吹晝沙霧黃遠在燕臺思故鄉火雲炎日暑三伏江檻野亭天一方即愁蠅聲惱饒睡况有客子來相妨行歌抵暮遲明月栢林露葉鱗鱗光

鏡光閣雨

鏡光閣在帝城邊遙控西山奠北川忽有

風雲來絕塞坐看雷雨下諸天微茫野色俱堪畫滂沱中流好放船東下林塘更幽絕江南秋望此依然

雨晴又作

琳宮飛閣先朝建望遠憑高思不羣倚檻風煙千里霽行空日月二儀分南來御氣通金闕止去羣山擁塞雲寂寂四天開法鏡夜深光彩動星文

駕詣泰神殿禮成屬雪至

蘭暉堂集卷四

五

中天奕奕迥神佑聖主明禋出近畿璧月乍臨雙闕朶璫華旋繞六龍飛光迎御氣浮仙仗色晃重雲覆羽旂共喜俊髦陪顯相時從清切迂天威

琳宮新闢故郊前我后齋心格上玄夜旣景光團御帷曉看靈雪舞鈞天神仙自捧靈符闕法象遙瞻帝座懸不向甘泉論漢禮還占神鼎過周年

伏日移居

紆徑堂開亦自幽况逢晴日俯林丘緣崖蘿
薜娟娟淨倚郭雲霞黯黯浮幸有樓居堪避
暑即妨叢木易悲秋憑高轉極鄉關望病眼
微茫潞水流

春晚過諸一丈留贈

春堂背郭覆春雲郭外西山對夕曛開徑日
淹高士駕閑門時草太玄文江南共憶梅花
發北地愁聞鴻鴈羣愛我爲留徐孺榻欲將
仙訣問茅君諸君素好談仙故云

寄趙景仁是日適有邊報

朔氣陰陰晝不分逐臣消息苦難真幾時定
卜空同室盡日遙瞻太白雲三鎮尚淹秦戍
士五原重下漢將軍愁心萬里隨天遣爲折
梅花一寄君

喜雨次韻

高雲片片晴逾熾急雨暝暝暮始來卽有涼
颼生海嶽驚看瀑布下樓臺江村雷電虛偏
壯夜壑蛟龍勢未迴病起喜看生色異郡齋

原有作霖才

聞南太廟災

金陵自昔建皇輿太室中天烈祖居聞
道震雷三伏後遂令煨燼百年餘朱旂寶鉞
空人世玉冊金輪返太虛帝遣祲祥憂聖
主諸臣應有諫彤書

皇祖開基立闕宮萬年宗祀兩京同南天寶
籙歸空象列聖英靈御赤龍漢道罷遊原
廟主黃軒重失鼎湖弓微臣北望情何極淚

灑秋原向碧空

病起

山郭雨餘涼氣深更逢朝雨淨初林閒居忽
漫開三徑卧病優游戲五禽倚閣醉酣時遠
眺沿溪秋晚稱孤吟獨從天末懷諸友遲爾
嚶嚶黃鳥音

東郭爲園枕碧流羣峰合沓俯林丘村閒晝
日驅黃犢客至晴溪散白鷗壁月近臨珠樹
晚園近東禪寺銀河西指越山秋思玄欲擬張平

子臥病無心詠四愁

朝陵

本朝宮寢居庸北百二河山枕上都
隧道陰陰連大漠金輿寂寂闕蓬壺
天留碣石爲華表水繞桑乾作鼎湖
欲寫神功鐫嶧嶺窮崖絕壁倚天孤

經筵日值初度有述

紫宸朝下隨仙仗講殿晴臨敞御筵
閣道星辰迴玉几層霄日月照瑤編
罪罪絳霧爐煙

御學集卷四

八

合片片卿雲雉扇還此日侍臣沾鎬燕
年年初度奉堯天

九日早登城樓

帝城樓閣俯煙空九日登臨曙色通
仙掌日華浮露白蓬萊霞氣建標紅
諸天臺殿虛無裏百疊河山指顧中
定是風光牽醉眼朔雲遼海望無窮

暮歸登西樓再賦

客思逢秋已自哀登樓強復當登臺
寒煙晚

共青林合朔氣初傳白鴈來雲散夾城雙闕
近月臨西嶺數屏開紫萸黃菊俱堪把落帽
臨風更舉杯

病中柬張郎中臬

閉閣經時思悄然綠階芳草欲芊芊啼鶯日
送千門曉宮樹晴含萬井煙東第綺羅淹白
晝西園桃李照芳年何時試共張京兆走馬
章臺垂柳邊

簡金侍御敷華訪密雲赤肚仙人

聞有仙人下紫庭欲從君去問長生夜眠米
澗魚爭躍行嘯山林鳥不驚在野但看雲冉冉
御風時覺晝冥冥亦知畿甸乘驄貴爭似
蓬萊跨鶴行

大駕朝陵

七陵晴望鬱崔嵬直北瑤光接斗回每歲祠
官供伏臘祇今仙蹕觀蓬萊九天日抱龍旒
轉萬壑雲蒸雉扇開聖孝即看膺茂祉發
祥先已叶高禎

駕幸西山

行宮迢遞接仙臺郭外驂驪羽騎來山護皇
輿千嶂合天臨宸極五雲開春畱翠柳供行
幄香引繁花獻壽杯獨愧周南流滯者侍臣
遙羨栢梁才

駕幸九龍池次韻

地轉龍池波渺渺天遊龍騎畫駢駢雲中影
動金銀闕鏡裏春浮日月旂瑞協舜河繁寶
錄慶符周沼散靈輝巧隨帝幸供清樂故

遣泉聲百道飛

駕登十八道嶺次韻

宸遊十八層雲嶺駕轉飛龍第一盤雲擁霓
旌屯萬騎花明黼帳引千官簫韶聲奏鈞天
樂河洛圖開五嶽境即擬岡陵同聖壽更
看滄海淨重瀾

遊城東觀

病起尋遊強杖藜琳宮寂寂枕迴溪繁花向
日俱宜笑幽鳥逢春各異啼雲滿客衣庭樹

合氣薰山酌芷蘭齊郊行亦有桃源在明日
重來路不迷

寄張揮使淮

將軍投老罷臨戎別業初開勝郡東松下拂
霜看寶劔花間遲月引雕弓秋風羽獵愁無
地春水樓船若在空中郭外蕭蕭多暇景賓筵
日日駐文雄

題張學士仰宸樓

宸章奕奕開南極雲閣聲聲控上游鳳藻龍
光迴紫笈金繩玉牒隱丹丘星河入座天文
麗湖嶽當窓御氣浮萬卷鄴侯真不數春風
遙並曲江樓

奉和嚴相公居守京城巡門作

九重仙駕御秋風百疊河山映遠空鎖鑰暫
移黃閣下璣衡只在紫微中思文日日昭皇
略嚴警時時簡帝衷關內獨留嚴相國不
教遠數漢臣功

鬱鬱西陵寢殿重乘輿秋祀指離宮風傳

虎旅三千合天遠秦關百二雄冉冉絳煙隨
幄大惶惶仙樂下雲中經綸每捧明公作侍
從慚無一字功

送蘇侍御謫宦灤州

三旬簪筆倍恩暉十載郎官與世違霜動
栢臺蒼隼擊秋高灤水落鴻飛謬隨鳴馬辭
天伏欲繪雲龍緝衮衣岐路蕭條何所贈
朔風涼月思依依

燕邵氏園亭賦贈

邵氏園亭

主

邵名輔 太皇后姪能文好賓客

舊家恩澤最知名 賜第原經將作管庭戟
書虛懸薜荔清蘭秋馥藉葱珩堂中賓客時
投轄幕下兒童解請纓底事避喧辭世賞却
從方士學長生

王侍御瑛招登崇文城樓有作

裁得登臨已絕塵青山歷歷向遊人中天樓
闕光分映萬戶煙花晚更新雲起諸陵俱五
色月臨華沼漾重輪不妨日日陪高會坐倚

曾霄奉玉宸

齋宿院署

城上旌旗接建章晚來鍾鼓動昭陽紫雲遙
映三台色明月高涵萬象光袞職趨鏘瞻紫
祀齋心玄漠卧焚香腐儒謬廁金閨籍仙侶
相看瓊樹芳

朝廷典禮崇元祀 制命傳宣下五雲仙館
地閒丹禁接帝城春煖絳煙分花間遲日開
書卷松下清齋共鶴羣遙憶甘泉諸扈從歸

時應獻長卿文

長卿文

主

登太白樓

當時不見謫仙人城上高樓空復春勢極中
原臨岱嶽境非吾土異三秦遙憐避地東方
朔生有相知賀季真斗酒狂歌自今古志存
刪述與誰論

寄呂水部

水部清閒屬上才晴沙煙舫畫圖開江淮萬
里浮空下吳楚羣峰湧坐來貢賦卽今通止

極 王官每歲出中台自公退食應多暇
月題詩謝眺臺

渡江望金陵與盧職方同賦

滾滾長江接太空登高望遠思無窮
春潮自繞三山外形勢遙盤紫極中
萬里乾坤異南北中流日月耀西東
天邊銀漢何如此使節星槎或可通

曉發移封過飲張戶曹官舍

春日雨餘煙霧輕香飄畫省自分明
當階殿

南唐書卷四

五

楓松千尺對客時時驚一鳴白晝簿書無底
事長淮風日有餘清琴尊正好催征棹回首
南天一愴情

奉和宗伯嚴相公元旦 賜光祿酒饌

恭紀一首并次來韻

青陽御曆啓芳辰紫殿頒 恩及禮臣煖挹
上尊春共到香傳神鼎氣猶新登嘉定効南
山祝斟酌懸知北斗均鎬燕汾歌俱往迹爭
如元日被 皇仁

再和嚴相公 詔賜直廬有作次韻

台垣奕奕紫庭西地近蓬萊瑞色齊
雙觀月臨鳩鵲迴五樓春見鳳凰棲
層霄夜永傳仙漏中使時臨捧御題
爲識履聲天上聽錦袍猶有異香携

春日過瀛海公第有感

千家樓閣映朱軒猶見沙堤接禁垣
有劔只慚吳季子無人重過趙平原
花明戟戶春常寂鳥識雕楹畫自諠
試看五侯歌舞地玉臺

南唐書卷四

五

金埒鎖黃昏

懷趙景仁唐應德二翰長

玉樹金標兩少年紫廷親侍 聖人前
歸臥故山今幾歲著書玄室動盈編
蘭生幽谷元同馥驥失青雲只自憐
郢曲陽春知寡和何因重得奉朱絃

夜懷趙二元實

兩過西峰踈積陰朔風南鴈有離音
幽居不爲交遊寡直道翻令感愴深
手炷微香清獨

夜坐隨流月徙前林驚湖水澄如練倘共
巢由一洗心

贈松江黃節推協恭

使君高雅更能文佐郡風流世共聞官閣夜
延三泖月訟庭朝對九峯雲及門盡是文鴻
侶飛蓋行聯振鷺羣爲道漢廷徵拜急暫時
江左借餘芬

夏日送魏中丞巡撫河南

帝曰洛陽天地中河源嶽望九州通省方爲

主

主

倚台臣重授鉞遙兼節鎮雄雙闕雲飛章並
入三台霜白簡猶同不愁南國民多愠身領
薰風出禁宮

晚宿禪林明日家兄同諸公携酒相別

寒宵刻漏傳清禁初日珠林散玉珂盛世乞
歸明主賜賓筵離思故人多雲山到處移
簪紱鴻鴈從今謝爵羅歸領春暉娛壽母并
將花萼間笙歌

晚憇東平劉中丞原清招飲不赴投贈

短章

義旗初淨楚江氛報國無家豈論勲三鎮擁
旄占勝氣中臺執法應星文素書早歲傳黃
石綠野新開臥白雲共道東山多景色獨隨
卿月望氤氲

晚登嶧山

丹崖蒼壁出人閒暄色空濛始到山親共白
雲分石徑獨隨明月叩松關風清遠壑鍾能
度石鍾有霜冷孤桐鳳不還嶧陽有孤桐欲問秦碑

主

主

何所處萬峯寥寂水潺湲

投贈諸憲副楊伯

宦途擾擾駕難迴此老高風衆所推郭外一
區惟舊業門前五柳不新栽諸會尹爭誇佩玉
趨朝早况是橫金出鎮來中外薄遊三十載
只畱孤月照霜臺

燕宗容姪湖上樓

十里澄湖接遠天飛樓百尺俯蒼煙雲山影
落帆橋外星漢宵懸几席前坐看陰晴俄異

色醉憐花草各分妍莫將歌吹臨流發試聽
龍吟或在淵

一上層樓絕遠氛雨餘猶自氣氤氲煙中萬
井明斜日天際羣峯歛夕雲霽景波光元並
接林香爐馥細難分吾家小阮風流在河朔
尊開客每醺

遊金澤寺

珠宮迢遞自前朝琪樹曇花半寂寥高閣凌
空先見日半湖時湧暗通潮林間石丈吾當
拜海上仙人坐可邀境僻不容塵客到却知
人世有雲霄

三江東下水迴颺選勝開山地不偏蜃海蒸
雲常五色虹橋驅石已千年空林梵樂啼幽
鳥沿浦樓居有畫船寄語當時張季子不因
鱸膾也應還

寺中喜聞富憲副子超來訪

蒹葭秋水露將寒每憶幽人夜未闌行採紫
芝來海上佇聞青雀蟻江千風傳雲閣聽來

鴈香挹翠尊有佩蘭海內故交應不減相知
白首似君難

秋夜望泖口

萬里煙波接素秋羣山歷歷俯中流瑤光不
見蛟宮月幻景遙成蜃市樓水散五湖天共
遠潮生東海地常浮乘桴不是清時願欲訪
仙人在十洲

上元日立春有作

上元物色總輝輝韶律忻從霽景回寶炬撒
明將臘盡銀花爭巧獻春開寒消璧玉光能
麗氣轉銅龍漏自催却憶青陽稱萬壽標回
北斗近天杯

屠漸山蘭暉堂集卷之五

五言排律

奉寄宗伯嚴相公

送許亨夫歸洛省覲祖母高太夫人二

十四韻

壽姚司馬二十韻

西湖山中訪田郎中即席賦

奉壽相國瀛海公五十韻

送盧給諫奉使荆湖兼便道省覲十二

韻

夏日同華侍讀察仲兄副使坤侍宴相

國李公園亭敬謝十二韻

贈司馬蔡公出總兩廣軍務兼經略安

南詩

送孫學士貞甫之南都十四韻

相國二公建府第成奉賀各十四韻

送符太僕錫知韶州

送孫進士文揆奉詔歸吳興省侍




送中丞洪洋趙公鎮關中詩

司徒李相公壽章十韻

謝疇初發都憇唐安寺

七言排律

送胡侍御謫官廉州



屠漸山蘭暉堂集卷之五

奉寄宗伯嚴相公

玉極璣衡北金陵海嶽東乾坤雙闕建禮樂
二京同辯治分髦俊占雲互鬱葱萬年弘述
作三極會昭融文憲今誰寄儀刑有鉅公明
明瞻北斗肅肅位南宮大雅聲華重三朝寵
命隆君王懷啓沃時又屬帡幪夏父春秋繫
伯夷堯舜逢御釐嚴陟降郊社扈升中劒佩
趨三殿韶英總八風紆謀前哲近摛藻後儒

蘭暉堂集

三

宗憶別宮花麗追陪院燭紅每思歸畫省忽
爾見丹楓日霽雲鴻杳秋高海霧空鳳凰樓
閣異龍虎霸圖雄封禪卑司馬威儀老叔通
疇咨推國輔簡擢自宸衷磊磊圭璋器條條
社稷忠致身應旦奭王業重岐豐斟酌符元
化旂常紀上功行看歸補袞不必兆非熊

送許亨夫歸洛省覲祖母高太夫人二

十四韻

憶昔先皇日人傳烈祖名投鞭蒲海淨攬

樂朔方平塞月臨鉦鼓邊雲引旆旌匈奴失

右臂屬國繫長纓不戰天聲厲依營勝氣橫

全軍有充國萬里即長城獻凱紆天眷調元

倚國楨雲龍瞻緝衮日月照持衡赫赫麟圖

煥萋萋貝錦成紫芝堪避世綠野遂辭榮德

業傳來裔登庸總俊英八龍看並躍三鳳已

齊鳴奕奕推名族煌煌兩上卿煢同丹陛聽

星接紫樞明介福欣慈壽含章實履貞遙分

天祿養不就版輿迎將母歌王事爲鄰軫

蘭暉堂集

四

聖情蘭孫能省覲玉樹爾崢嶸軒蓋趨中土

衣冠祖上京去隨燕地鴈歸聽宋郊鶯萱室

賓筵啓繁臺錦霧生香傳青鳥使樂奏紫鸞

笙淑氣蒸春酒晴光汎若英洛神呈寶籙嵩

岳倚雕楹愛日暉暉永仙霞冉冉輕謬誇西

母安此地有蓬瀛

壽姚司馬二十韻

海嶽鍾靈闕英賢錫佑昭風雲乘景運日月

直丹青奮策天衢步含香盡省寮門墻餘鸞

舉藩臬屢薦喬水土平惟禹疇咨命屬亮專
征邊埃靜制閭漳煙銷九伐猷偏壯羣蠻勢
不驕官階推八座綸命寵三朝夙望儒林
重傳經世業標嗣麟儲燮理儀鳳下蕭韶

北闕章初上東山隱遂招基枰仍著述杖履
自飄飄對几稽峯酒鈎簾湘浦湖松苓滋益
健蘭桂秀偏饒優薦時歸疏完名日瑩瑤蓬
萊開令誕寧宇慶茲朝白髮丹心在靈書碧
海遙天應壽平格道已配參寥未許鏡湖老

還看玉燭調越臺華宴罷星極耀中宵

西湖山中訪田郎中即席賦

尋幽罷拘束野服來山中水靜明天鏡巒深
隱梵宮風前諸磬發樹杪一燈紅滄海開簾
盡飛泉捲幔空卧龍潛巨壑鳴鶴應高風絕
壁蓬壺近澄流弱水通入林看野鹿遵渚聽
歸鴻露淨丹楓浦煙深芳桂叢洞門留霽雪
石室綯陰虹故友三年別清尊此日同追遊
漸謝眺作賦有楊雄勝地登臨會凌雲思不

窮

奉壽相國瀛海公五十韻

皇極符元化真賢翊聖人元精會恒霍緯象
驗星辰賚弼今生說中興昔降申早承金馬
詔遂作紫微臣麟鳳千年瑞圭璋絕代珍摛
華優漢魏玄理失莊荀列案儀青觀橫經侍
紫宸掄材收鷺羽作士奏魚鱗禮樂羣公表
儀刑四海遵神人序宗伯郊廟賴明禋授俎
登莘野非熊叶渭濱雲龍徵氣合魚水喻情

奉壽相國瀛海公五十韻

六

親法鉉承三足台衡委一身南山維地紀北
斗握天鈞燮理三公重彌綸六典均代言凝
庶績端揆領朝紳夷險無移節調和若有神
雲臺看氣象天闕播絲綸更化絃方鼓迂衡
俗自悖四時風雨若一氣廟堂勻皇澤由茲
暢玄風賴以淳循牆惟俯偃望嶽轉嶺岫量
納滄溟濶名鑄鼎鼎新恩將人並濟心與世
同仁霄漢勢甄拔江湖絕隱淪周公何几几
夫子獨循循簡在恩逾渥褒榮禮荐臻 睿

章頒繡榜密印剡文銀別館春遊共平臺畫
接頰腹心真有寄匡弼豈無因作賦時磨
帝歌曲坐賜茵帶圍鮮綰玉袍采爛粒麟
賜第輝瀛海沙堤切紫闥哲人宜百鍊殊錫
每千縉宥密基圖秘臣鄰直道仰壯猷元老
在無敵聖王真千羽三苗格衣冠異俗馴諸
邊淨烽火重譯貢球琳粲粲三台潤雍雍萬
國春乾坤齊六位日月奠重輪亮采熙虞載
疇庸贊 帝仁海籌新介社天酒更分醇池

南華集卷五

七

藻文魚躍園花紫燕賓丹砂元有訣玉曆筭
無垠宴啓瑤池似庭開廣樂陳紉芳榮蕙蔭
節晚茂松筠劍珮承華躅風雲滿後塵龍光
時奕奕麟趾盡振振瑞應蒼龍日祥瞻紫氣
晨願承天五福併以壽斯民

送盧給諫奉使荆湖兼便道省親十二

韻

天子正垂衣瑣闥封事稀 命從三殿下思
逐五雲飛使節荆湘郡仙查牛女磯喜將晨

省便兼得晝遊歸暑月乘深境清秋拜令聞
風雲傾四牡日月引雙旂鳳采文章麗鸞音
金玉徵壺觴增壽祉閭巷借光輝湧闥金峯
入開軒玉水微庭椿團紫霧堂草絢瓊菲莫
惜承恩澤須當慰渴飢皇華春萬里相憶在
王畿

夏日同華侍讀察仲兄副使坤侍宴相
國李公園亭敬謝十二韻

上公開鳳閣賓從集龍門命席花分戶披軒

南華集卷五

八

竹近垣某傳商鼎實香襲尚方尊梧日晴逾
麗松雲濕不翻座延西嶺色池接禁河源泳
藻魚爭躍窺簾鳥欲言暫于綸綍暇寧謝勸
酬繁解玉園蒼栢充幃采弱蓀篋墳慚廣樂
儀羽接文鵷飲德人忘醉餐和晝不暄月林
歸騎緩城柳暮鴉喧回憐桃李樹生長在名
園

贈司馬蔡公出總兩廣軍務兼經略安

南詩

憶昔談經日猶聞奏績年鹿鳴棠樹下鳬漾
水雲邊上帝垂嘉穀烝民賦大田不惟來慶
晚亦切去思偏侍聖登青瑣齋心草密箋
日華浮玉几星彩煥瑤篇袞緝垂衣後鱗批
逆耳前茂先推辯理楊子謝文玄丹地芸常
馥文墀鳳獨騫班崇叅省閣職近亞貂蟬作
士臯陶陟明刑盛古傳廷無三尺枉門擬駟
車旋赫赫中丞貴煌煌八座臨宏材當重鎮
神畧冠羣賢白簡迎霜動烏臺借月懸青徐

南唐書卷

九

瞻露冕海嶽危行旃入簡台鉉命功垂琬琰
鐫上卿新節鉞五嶺舊風煙推轂威儀備分
麾寵數全匪頒中帑幣張祖大官筵日抱熊
輿躍雲隨隼翼還折衝唯俎豆氛祲霽山川
荒服安南國虞廷直北天車書原混一包貢
會黃綠舞羽三苗格投戈九伐捐長城今屹
屹王道本平平柔遠經綸秘和戎禮樂先遄
歸懷仲甫天子邁周宣

送孫學士貞甫之南都十四韻

玉扉唐北署金闕漢西京視草黃麻重讐經
白虎榮高皇昭峻烈哲士翊承明經緯風
雲合文章鼎鉉名兩都開冊府奕代簡儒英
出入雙蓬觀清虛切鳳城御香臨戶馥溝水
接垣清並是鴛鴦侶無論去住情東朝紆後
命南國抗前旌湧座鍾山入披簾楚岫平索
鈴沉晝漏蓮炬晃雲屏班左堪同駕機雲愧
後生雅陳儀鳳奏書擬獲麟成文昌宵散采
南斗避光晶

南唐書卷

十

相國夏李二公建府第成奉賀各十四

韻

右第啓瑤京中樞接太清選圖呈海嶽占
景協璣衡勢合千櫨壯高臨百雉平象維扶
棟宇星斗掛簷楹貝闕遙分色銀峯近列
屏三階陳戟衛四關引髮英戶絢朝霞色軒
迴納曜明璇題嘶御墨層閣抗文旌爲沼
滋魚藻疏畦長綠苹振振麟炫彩嚶嚶鳳流
聲劍履趨朝服風雲擁坐生榮光浮玉燭

華露挹金莖周召偕民極東西莫國楨聯輝

環帝座日月扈天行

夏相公第在城東故云

夾道青陽左平堤紫極東星辰臨甲第日月

啓簾櫳金是君王賜材呈將作工天廻八

柱壯地切泰階崇雙闕連輝表千家屬望

中瑤光映奎壁宸藻駐雲虹閣爲絲綸闕

臺陳鼎鉉隆巖巖成巨嶽屹屹擬元功疊石

蓬丘近圖瀛碧海通乳潛原大壑驚翥擇高

叢院竹參差綠宸楓遠近紅戟庭看列駟

蘭亭集卷五

上

蘭寢協維能愧籍龍門後私懷燕賀同羣方

瞻夏屋從此庇無窮

送符太僕錫知韶州

振玉陪朱輅橫金下赤墀嶺煙隨五馬海日

映交旗地煖春常貯庭閒畫自遲留賓丹荔

馥揮藻錦雲垂端笏清諸縣投戈靖百夷野

棠行作蓋山月夜褰帷風靜涵暉谷天臨桂

水祠載看循吏傳併嗣魯駟詩

送孫進士文揆奉詔歸吳興省侍

振鷺羣飛日南咳侍養歸紫廷新詔命故

國存光輝橋憶曾題處經傳舊下幃壯遊驚

歲月捧檄向庭闈海口春常駐江雲晝不飛

上尊添壽華宮錦製萊衣蘭氣縈芳甸湖光

接翠微菓探珍樹實魚選寄筒肥錫類恩

逾渥移忠願不違簡書知有在來騎早駢駢

送中丞洪洋趙公鎮關中詩

專土復臨戎長城倚上公嚴威清塞外淑氣

滿關中節鉞唐開府山河漢故宮折衝紆武

蘭亭集卷五

上

畧禮樂自文雄問俗耕耘遍觀兵敵愾同星

占紫微潤月候白狼空經濟無遺策蕃夷不

異風佇看歸吉甫燕賚有彤弓

司徒李相公壽章十韻

平格昭華運元公應紫台具瞻隆棟吉獨運

大鈞回奕世登三事聲名動九垓駟廷符鵲

印麟紀閼鸞臺綠野歸閒闕清尊獻壽開花

明新樹蕙菓出舊調梅甲第丹青近神仙玉

府來陰陽當再理日月願遲廻琴曲南風奏

天漿北斗催 聖明懷舊輔 賡載佇康哉

謝病初發都愁唐安寺

寢瘵忤時役 謝榮欣素心 迢遙朱陛辭 燕息
紺宇深 結軫幸還轡 披褐行負薪 遙羨歸鳥
翔止鑒浮雲 停暝色 動虛壁 寒聲起 平林耳
目罷縈結 丘壑洽沉寘 仰懷 明主遇俯睇
羣彙征 戀闕類子牟 還邛非長卿 玩世豈方
朔 守玄準 揚雲寒廓江 海姿緬邈 邈廊廟情握
瑾 厠羣碩 飛蓬垢華簪 庶免狗祿耻 敢希知
止明惟矢 民間誰或嗣 康衢音

送胡侍御謫官廉州

侍御舊宦嘉禾有甘棠之愛焉近以
抗疏獲譴感時撫舊惻然有贈云耳
甘棠漠漠遺陰在 柏府淒淒曉色清 爭道封
章向雙闕 驚傳逐客下孤城 朝廷補袞誰
能預 臺諫匡時義不輕 神鼎豈容臆 魁遁高
梧今有鳳 鳳鳴一麾滄海官 猶在萬里鄉關
夢亦驚 遠水楚天無鴈影 秋風秦嶺雜猿聲

賈生共惜長沙傳 汲黯終辭禁闥行 山繞九
嶷雲欲暮 珠還合浦月初明 南江獨處依銅
柱 北極遙看是玉京 寄語大廉秋月道 好留
晴影照歸旌

屠漸山蘭暉堂集卷之六目錄

五言絕句

春深

秋水亭二絕句

絕句八首爲趙考功賦

七言絕句

病中聞來丹陽至郊外有懷

漢宮詞十四首

送王評事還畱都

蘭暉堂集卷之六目錄

桐江辭

題畫

喜王二丈相山至奉訊二首

寄訊諸少參揚伯

七月七日李尹過訪

寄華學士

屠漸山蘭暉堂集卷之六

春深

階前芳樹林爛熳花爭吐不見如花人徘徊
春欲暮

秋水亭

結亭枕幽壑秋水盈盈來仰眺梁王宮俯看
靈運臺

流水在階下白雲出前山悠然見秋月雲水
相與閒

蘭暉堂集卷之六目錄

絕句八首爲趙考功賦

點蒼山

不知山高卑半壁懸日月蒼翠何陰陰中有

瑤光發

十九峯

參差十九峯峯峯玉芙蓉空山照明月散影

青天中

十八溪

溪溪綠碧峽曲曲有人家尋源迷舊徑行處

情桃花

兩關

重關雖云險消沉竟何極不見蒙段城連山
自秋色

高河泉

上接銀漢流下矚滇海源龍從何處歸明月
波中翻

洱河

榆河西北來森森水天碧倘遇乘槎人爲訪

支機石

天橋石

仙人朝玉帝絳節兩茅龍功成携手去笑語

五雲中

雪屏

遙峯開玉林炎空映寒雪會興膚寸雲來滌

人間熱

病中聞來丹陽至郊外有懷

臥病逢春春已分夾城啼鳥靜偏聞無緣爲

下王喬履咫尺相思隔五雲

漢宮詞十四首

鳳闕中天接彩雲玉樓仙掌氣氤氲河出崑
崙呈寶籙天迴華蓋結龍文

瑞色葱蔥繞桂宮太平歡賞萬方同千行歌
舞新宮效百隊金貂舊侍中

才人通曉直金鸞羅綺新粧照夜看紫殿笙
歌天上沸掖庭燈火漏中殘

雙雙青鳥戲果思寶鴨香幃睡起遲詔遣鸞

儀催月姊預將龍舸戲春池

七寶爲臺錦作墀曾將金屋貯如眉菱花玉

鏡當年賜春日絨愁不忍窺

內家端午各分香寶扇團圓命縷長最後婕

妤親拜賜君王自製紫萸囊

外戚新封萬戶侯六宮重拜大長秋侍臣闕

下催龍勅玉陛當中賜紫騮

金閣沉沉奉燕歡彈碁六博夜將殘九霄月

過觀花殿連袂閑憑玉闌

複道傳呼御輦過遙聞仙樂動雲和黃金縷
買長門賦逝水終慚太液波

西嶺香臺閉玉衣松杉寂寂草霏霏春魂爭
逐花間燕日向昭陽宮裏飛

嬌歌艷舞兢芳春一見君王寵幸新昨日鋪
宮傳內降天家別冊李夫人

碧海仙人駕鶴來景光夜燭通天臺珠衣才
人禮王母步虛聲逐秋雲開

露闌碧梧下金井霜風水殿鴛鴦冷班姬獨

宿長信秋紈扇徘徊明月影

金殿重重內苑開離宮處處勝蓬萊中央更
起長楊館圖畫親經御手裁

送王評事還留都

玄武湖西憶舊遊蕭蕭煙樹萬重秋十年勝
地君重往山月江雲引別愁

初向鳳池看振羽又從瑤海嘆離羣憑君往
訊鷄山竹百尺新梢會拂雲

桐江辭送沈子椿尹桐廬

桐江源自海門來江清月明山倒開千里晴
雲連紫蓋半空丹壁倚荒臺

雙旌彩鷁下丹霄吳越中分一水遙望月須
登天目嶺看江應盡海門潮

桐君山在白雲邊海霧初開江日寒獨上古
臺看直北五雲深處是長安

題畫

沙上春風楊柳新澗邊春草刺苔青南山秀
出飛雲外江水縈洄孤草亭

畫裏分明憶舊遊羣峰相對草堂幽疎簾野
竹三更月桐葉江風萬里秋

煙雨南天荔子丹瓊枝相對晚風間一從飛
騎紅塵後留得餘甘飽白鵬

雨過遠江催暝色殘霞曳日明沙磧蒼山相
對野猿啼一片飛帆楚江碧

霽色滄江遠槐陰古渡前雲移沙上日船壓
鏡中天

寒霜飛吳空層崖散玄纓欲待天風吹輕舟

濟煙海

臨流坐古臺悠然揚遠眺
低頭拾墮雲自共青山笑

喜王二丈相山至奉訊二首

萬里橋西望駟車
百花潭上憶雙魚
知君曉發峨眉雪
應拾瑤華贈索居

長楊爭羨子雲才
天祿崢嶸遲爾開
蜀地梅花知爛熳
爲携春信渡江來

寄訊諸少叅揚伯

蘭華集卷六

六

高人吏隱心常寂
異域民淳政轉閑
採藥未逢勾漏令
探奇先過碧鷄山

山雲寂寂朗江虛
明月亭亭照索居
自是南天無過鴈
三年不寄一行書

七月七日李尹過訪

落日澄溪漾紫霞
朱幡對對轉晴沙
懸知銀漢乘槎客
來訪成都賣卜家

寄華學士

手折江梅一贈君
玉堂孤月想幽芬
金鈴夜

寂爐香細應夢瑤華到白雲

屠漸山蘭暉堂集卷之七目錄

奏疏

應制陳言疏

辭俸級疏

乞歸省疏

乞休第一疏

乞休第二疏

奉旨議薛瑄從祀孔子廟疏

乞疾疏

蘭暉堂集卷之七目錄

乞疾第二疏

屠漸山蘭暉堂集卷之七

應制陳言疏

刑部奏為應制陳言事臣等伏覩制

命百官稽古議禮考天地日月羣神

合祀之是非博采羣議責之必言廣聽克讓

合天下之心以奉祭祀臣等有以知陛下

之事天明事地察也臣等竊聞治人之

道莫急於禮禮有伍經莫大於祭祭者非物

自外至者也自中出生于心者也陛下慮

蘭暉堂集卷之七

二

大祀之典神祇失位聖心所格上通于天

卽此心也祭祀之本立矣臣等伏念陛下

開兼容之路而臣下犯緘默之戒誠有大不

可者竊以古昔所聞弁愚陋之見為陛下

陳之竊惟本朝大祀之禮所可議者三而

願加聖心者四夫古之郊祀其詳不可得

聞矣禮曰燔柴於泰壇祭天也瘞埋於泰折

祭地也周禮大司樂冬至地上圜丘之制

曰禮天神夏至澤中方丘之制曰禮地示

則天地之分祀明矣自漢元始以後議者牽合附會廼合祀天地于南郊后世沿訛襲敝墮墮古典中間分合之議迄無定制我朝驅逐胡元統一中夏凡典章文物一舉先王之盛而祀天饗帝禮之大者顧尚襲漢唐之舊儀此其所可議者一也古者天神地示之祀必求諸陰陽故冬至祀天夏至祀地日月星辰司中司命飢師雨師天神之類也合之圜丘社稷五祀五嶽山林川澤地示

南齊書卷之

三

之類也合之方丘至於六宗四望又皆有專祀焉是故陰陽定時上下定位分合有宜此百王不易之禮也后世孟春郊祀從以羣神配至千有餘位晉賀循已非之况其他乎我朝創立郊殿緣以二十四壇去其淫瀆之祠稽之祀法亦云正矣然日月止一從祀而朝日夕月之初制弗行神祇人鬼上下聚列而天地卑高之分未正此其所可議者二也皇祖卽位之初創制立法首建圜

丘方丘于鍾山之陰陽每歲分祀天地又以仲春秋分專祀日月自十二年以後始創合祀之禮則分祀亦皇祖之舊也夫從祖而與古弗令固不若從祖而循古者之尤爲愈也况王者之制多更數世而后定其儀文制度亦必潤色損益而後全我明之興百六十年海內乂安方外賓服制禮作樂稽古憲后此固其肯矣况陛下制心禮義見其精微建中和之極宣人情之所安去百代之敝文以復三王之舊此萬世一時也此其所可議者三也臣等又竊聞之禮曰天子之祭也與天下樂之是故表文以備物修德以立本其御下也蓋之如天容之如地照臨之如日月體元育物無有疾戾四海之內歡欣交通明德馨香上帝悅豫由是宣之樂以達中心之和故郊之樂六變而天神降地之樂八變而地示出此無他致和之極也伏惟陛下懷保小民慎簡守令而郊祀之

南齊書卷之

四

禮下詢臣工無間小大 帝王之德誠無以加矣臣等竊覩 制命之詞不無尚疾異同之論是以私憂過計誠恐在 廷之臣或有考禮不定執論不一上干 天威 陛下因而怒之則 雷霆之下或多摧折者其於盛德誠恐少損萬分之一伏望 陛下體古聖人隱惡揚善之心用其公言容其拂逆俟彼徐考而自定則 聖德益昌而感神之本無不至所謂願加 聖心者一也禮又云天子五郊則受命于祖廟而作龜于禰官言慎之至也夫以歲郊恒典而先王至慎如此况夫創建 鴻業廢百年之舊以定 中興之治其可不慎哉書曰汝則有大疑謀及乃心謀及卿士謀及庶民謀及卜筮 郊祀之禮陛下所謂巨疑者也 聖志先定卿士協從固有不待言者臣等尤望 陛下告之 祖考決之著龜上稽 天心仰承 列聖夫苟從矣乃命禮官稽漢唐故事刊刻 聖制頒

之 宗室及南京各省官員俾其博考古制俟以歲月各列條件 上陳必待人謀僉同然后斷之 睿思肇舉 大禮則所謂大同之慶身其康強子孫逢吉者在是所謂願加聖心者二也 國家 大祀殿之制規模宏麗窮極尊奉凡百六十年來 天帝降格百神萃享自近郊數十里望之鬱然穹窿為朝廷南面巨案今日不殿而壇則 大祀殿將安置之萬一有所改易議及簷棟誠恐天神震驚 朝野異色而小民無知者亦必狂視駭聽訛言相驚大非 國家之利所謂願加 聖心者三也夫 殿宇既不可議室祀又非古禮則 大祀殿必將存之而園丘之祀又必建之他方其 齋官服殿朝房樂院亦必創為新制與舊相等方丘之制又必與園丘相等其人力工價玉石土木之費必將數十巨萬况今 仁壽宮 先蠶壇起工在即誠恐今之財力有所不贍伏望 陛下

豫令戶工二部度其經費量今日之財力既周二壇之外足餘 國用幾年然後鳩集大工成之不日則 陛下制豐保大之慮周而亦無時絀舉贏之患所謂願加 聖心者四也臣等下愚不足以對揚 休命謹昧萬死塞 明詔惟 陛下垂神明之聽以無忽芻蕘之言天下幸甚

辭俸級疏

具官 臣某等奏 臣等愚不肖賴 陛下神明

勅奉役使列職省署荐被 渥澤實授郎中

七

員外郎自惟駑下雖殫心就列猶不足與中人比程較力情官糜祿無所底罪近蒙 詔勅所司簡才侍從吏部不以 臣等為不肖猥加推舉 陛下至仁亦不以 臣等為不肖曲賜甄錄改授 臣等翰林院脩撰編脩 臣等又自惟萬萬不足以應 明詔承 德意仰惟 綸命嚴重惶悚未敢辭請十二月二十六日該本院關給伍品原俸分逮 臣等

切惟翰林諸臣日侍 天子左右供事講筵協勤史局積勞計歲以次敘遷方得登陟伍品 臣等雖歷任外曹僅逾兩考顧自 新命以來尚無尺寸足以自効濫等清班忝竊厚祿展轉內揆實切不安况官有恒列祿有定等故稱勞餽廩哲王之經也後食矢事君子之節也 臣等愚不肖私有願焉又嘗伏讀累朝故實如先臣周忱以進士乞改庶吉士劉球以員外郎改侍講張敷華劉大夏以庶吉士乞授主事是四臣者皆弘偉睿碩明作熙載之賢也生稱名臣沒寧休謚人至于今誦之然或入則內焉或出則外焉豈敢擇便途希厚資以為身利哉彼誠有以自寬而覲酬知 明主也 臣等愚不肖又私有慕焉伏望 陛下少垂 天鑒俯察 臣等所請非敢欺飾特容 臣等辭免五品俸級止以新授職銜照常供事使得便于班行少圖報稱 臣等下情無任祈懇具官 臣某等奏

乞歸省疏

具官臣某奏臣竊聞之王者推孝思以錫類人臣不懷祿而遺親上有渥施下無悖德是故化畢究而忠可移也臣伏考大明會典兩京文職離家六年欲給假省親者聽臣有以仰窺聖朝體臣之經也臣愚不幸年甫十五先臣勲卽棄遺諸孤奄爾弗祿臣於兄弟爲最少又多羸疾每疾幾不起氣氣餘息日依母夫人牛氏母氏撫之輒泣涕洟未

卷之九

九

嘗旦夕舍也迨後漸長奉母緒訓稍通詩書大義荐被洪澤賜丙戌進士授官京師母得就養京師戊子之歲臣趨役江西得便道奉母以歸使程有經遠遽返命時母病足痿弗便迎養距今已六年餘矣臣因思母致疾前歲具疏乞歸伏蒙勅下有司日夕寢閣臣亦瞻戀治朝依違班列力疾出就事又幾年矣烏私情無任感惻切念臣侍從闕庭上覲明主之餘休下有

朋僚之交孥妾之養覽觀弦誦足以自娛猶以沉思致疚臣母居疾闕閭之中垂老踽踽形影自弔而幼子又遠在數千里之外休戚不可以數聞其隱鬱思臣之情更當百倍萬一緣臣致損有不忍言則臣雖殞身萬死莫可追贖況計年歸省係朝廷盛典著之令甲以臣揆例委無所妨故敢冒紆微衷仰干天聽伏望勅下吏部查照前例聽臣回籍省侍依限前來供職儻母疾向愈臣卽奉迎來京勉効犬馬之力以圖報稱臣區區下情無任隕越祈懇之至

卷之九

十一

乞休第一疏

具官爲患病陳情乞恩休致事臣應埈海濱之鄙人也竊祿於聖明之朝蓋十有四載茲矣由丙戌進士改翰林院庶吉士奉旨留本院用繼遷部署簡復史職荐擢今官蒙被渥恩無尺寸足以自見而愆罪日積遂致人言仰荷聖慈不加誅譴臣雖至

愚誠願效牛馬之力以上報豈敢退卽安宴
荒遯 休時願臣有迫切不得已之情不能
不仰訴於 君父之側者臣少也不天童子
喪父兄弟數人惟臣最弱母夫人牛氏憐臣
特甚臣又不知自慎致患咯血之疾每一舉
發輒近危殆母氏皇皇深憂鮮有寧歲及壯
疾痊身幸察舉臣竊欲奉母來京以爲出忠
入孝得以兩全可幸無罪而母守志家居不
遂迎養雖時遣人勉臣以事 君大義然臣

論陳書卷七

十一

母子相懷之情蓋未嘗釋也去歲冬臣不幸
夙疾復發今春爲甚卽欲具疏乞歸恭遇
聖駕南巡臣職在扈從爲臣子者同懷戀
主宣勤之情非懷土陳私之日也以故疏復
中寢今幸從 御北還疾猶未減臣切惟母
氏聞臣之疾憂必深臣聞母氏之憂疾益甚
則臣母子相因之疾蓋未能愈也夫移孝爲
忠者臣子之心也獎孝勵忠者 君父之恩
也臣查得今甲所載有兄弟者不得侍養而

侍養又以親終爲文是人子視親易窮而懷
祿無已非臣之所忍言也惟有疾放歸係
國家彞典職司具存伏望 聖明察臣之言
憐臣之意 勅下吏部查臣別無違碍 允
臣所請使得退休于家保攝餘生以奉母氏
就邁之年同戴 聖朝純孝之治臣獲遂愚
志死且不朽死且不朽

乞休第二疏

論陳書卷七

十二

具官爲自陳不職再乞 天恩休致事臣應
竣至愚不肖由翰林院侍讀蒙 恩改陞今
職該吏科給事中周琬等劾論臣等罪狀臣
時扈從 南巡不敢別具辭請恭遇 聖駕
還京臣因疾乞休 命下吏部間隨該吏部
題覆將臣等銓註今官節奉 聖旨是欽此
續又該言官先後劾論節奉 聖旨屠應竣
等已有旨了欽此切念臣以犬馬賤臣仰塵
任使在論劾諸小臣中惟臣歷俸最深愆罪
最著伏蒙 天慈不加誅斥 曲賜留用雖

殞身畢力以冀上酬 獎遇固臣子感恩
圖報之分亦臣隱懷不欺之心也但臣反覆
念之人臣之事君也養節廉以自勵乃能砥
行不污效忠自見至于含垢茹濁持祿慕榮
則他日必將容悅依違顛隕在列故懷利者
無饜之階也冒進者患失之原也臣自歷任
以來五厠省署三列館職曠官旅進前後八
更尸素之愆無所容死乃者冒承 優簡叨
與 官僚服輔導疑丞之重徼引源端本之

南齊書

三

功臣反側憂惶益難報塞人言之及夫復何
辭但臣遴選之始重被指摘積憂沉疚心志
無以自明乃欲救之晚途拯于既溺臣之不
能臣竊自審矣夫講讀乃 經幄論思之臣
官僚受 元良啓沃之責二者之任先後惟
均如臣至愚不肖爲賢者所不容誠不可一
日冒冠裳之列依 臨照之餘輝乃欲光翊
休德羽儀 東朝臣之不能臣又竊自審矣
况今日 聖明在上 官僚備員皆彬彬儒

碩留臣一人不足加益而去臣一人亦可以
少存進退廉耻之誼此臣所以再二陳 請
而不能自己者也伏望 皇上察臣愚衷特
允前奏俾臣終老林壑少厲節廉之初服以
仰瞻 聖朝重離麗正之光臣無任隕越祈
懇之至

奉 旨議薛瑄從祀孔子廟疏

先該禮部題覆言官建議請以前禮部左侍
郎薛瑄從祀孔子廟廡奉 聖旨是着翰林

南齊書

四

院詹事府左右春坊司經局國子監堂上官
人各上議欽此欽遵備行到臣竊惟王者
褒崇聖學秩祀諸賢所以殊有道昭民則報
功弘教不易之恒矩也 陛下建德中興禮
樂明備丕釐殷典統一道真茲者復以薛瑄
應否從祀下侍臣博議賜制臨決以嘉惠斯
道甚厚示後世誼甚美臣誠愚昧不足以奉
休命禪末論謹案瑄勤學好古講道授徒進
無比周退無顧望居位盡職行誼卓然其所

著讀書錄篇帙雖簡要皆周程朱子之格言
反之於身冲然篤悟內不自誣外不誣人固
聖學之流宗儒者之遺範也或者乃曰從祀
以報功貴釋經以衛道臣至愚昧竊謂不然
夫孔子所以刪定六經垂之萬世者固欲學
者博求畜德飭已反躬知性修身由微至著
于是聖人之功化可幾也豈徒垂空文資誦
法令後世知有經籍云爾哉去聖既遠重遭
坑焚之禍道術遂廢當其時能補緝舊文修

書學集卷七

主

明六學使聖人之言不絕于世後之行道者
猶有所持循則二十二經師之功也宋儒彙
興微言盡發道學章明迄至于今無所失墜
煥乎不待論說而後顯苟能奉彙訓慎力行
求無叛于道斯已矣雖馳辯若綴華反無益
於支離也是故議賢以祀也漢晉貴傳經
本朝尚篤行所值之時異也竢雖無所註釋
至其律已處官之狀求之聖門可謂篤信好
學有所不爲者矣臣又惟今之儒者非無所

論述之難也黨異伐同抑古自是剿經傳之
緒餘以肆其曲說詆譏儒先尋末失源言有
枝葉其流將離經背道爲世大疵無乃學未
有獲而空言以眩世者之過與如瑄者斥言
任行斤斤不踰且常科目詞章之餘崛然奮
起卓越自信卒爲 本朝理學名臣稱首顧
不異哉夫古之有道德者生使教焉沒則以
爲樂祖祭于瞽宗瑄流風遺行爲當世所推
得自聞見以之侑坐孔庭明示崇顯實 昌
文之公議昭協之令儀且與古祭于瞽宗之
義合臣愚以薛瑄從祀可惟 聖明俯賜裁
擇折衷羣言

書學集卷七

主

乞疾疏

具官臣某言臣應埈壤畷民黷蒙末學素
操微陋之行鮮技能之譽誠無足比錄于時
蒙被 渥恩數加寵借俾得陳經 廣殿翊
善 東朝以臣之非才既不能裨益論思效
虞箴謏誦揚 聖哲之洪休又不能嚶宣六

學折衷其有要備他日 承華之遺缺應職
廢官無所底咎臣伏自惟念上軫 聖明過
舉之仁加以臣子不容自己之義庶幾勉効
纖芥以報 恩畢死至於卽安懷土冒昧陳
乞誠非臣分所當得言但臣夙遭閔凶生甫
幼弱慈父捐棄遺臣兄弟六人依恃寡母賴
承平餘休先臣緒教服官力穡給饘糜以奉
晨暮又不幸家門單微臣弟應珽壯歲先天
今年五六月間臣兄應圻應坊相繼淪沒臣
母盡傷病卧日在牀榻之間臣重懷兄弟死
喪遺存僅半又身在數千里外不能奉持湯
藥望母氏憂苦衰病之餘容沉憂傷肝左目
赤翳居若雲霧往來旦晝中晦出則泫泫下
淚咫尺不能知物且臣覲望速愈飲涼藥過
甚中滿痞結時忽眩暈驚恐驚以為腹心之
疾陰陽交絡非經歲法不可療也臣聞立節
之士以身殉職不以職養身臣方加意藥餌
安燕之故以曠陳力匪懈之任是以職為養

也卽使列在冗官法猶不得無罪況與彙進
之士被清華之選而不能勉行以彰志法其
何謂縱 皇上寬仁不加誅譴顧臣抱不測
之疾猶僥倖苟祿怡然負乘無所深耻非臣
之所能安也伏望 皇上俯察愚忱 賜聽
微志 勅下吏部容臣守先臣遺軀歸卧林
壑以少延喙息倘痼疾向愈臣當仰乞 餘
慈身備末職冀畢狗馬遺力蜂蟻陋忠臣瞋
目至願無任悚懼額懇之至

乞疾第二疏

臣言昨臣力疾具奏乞 恩放歸伏蒙 勅
下所司未經覆 請旬月以來病勢委頓邪
火纏緣中摧維絡榮衛逆而不融或竟日不
能食飲終夜憤懣形廢若休臣伏自念臣子
之誼所以勉竭愚庸服節忠孝者徒賴有此
身也臣沉痾早衰萬一先草木委朝露則臣
雖隕誠畜志欲以上酬 恩遇下奉母慈復
將何從哉伏望 皇上鑒臣危衷 申勅吏

部庶察非他容臣暫歸田里靜攝歲時兼得躬治方藥萬一壯歲易療神精復完則他日雖執戟荷戈典牧疆圉特奉身周旋惟陛下所命耳臣急切哀懇言不擇詞若懷寒冰無任恐慄

居漸山蘭暉堂集卷之八

序

石湖志略序

送姚大夫守金華序

恩壽偕慶詩序

盧封君來挽詩序

贈禮部郎中陸君肯堂守撫州序代作

送夏子公輔領教漳浦序

送給事陳君使琉球序

贈山西參政趙君之任序

贈白子貞夫使韓藩序

贈嘉善尹徐君褒勸序

送晉大夫習齋先生任台州序

吳浙水政圖志序

贈郡守司馬公入覲序

送大司成朱嘉王公致仕歸養序

贈太史王紹甫視學山西序

送饒子問之江南慮刑序

屠漸山蘭暉堂集卷之八

石湖志略敘

盧子曰予世家石湖伯氏嘗詔予曰石湖吳之巨匯也自范文穆顯名于宋越茲流播顧后世弗紀焉予既爲文穆祠矣其使之世者奚不在子乎于是緝石湖志略成屠應堉序之曰夫石湖故不有志哉其詞支其事衍獎誣誕而略近其弗可訓已夫志略也其事核其詞修兼總類析大義彰矣是故辨方求勝

蘭暉堂集

二

軌度以次是輿地之經也序本志沃澤支流庶土作又厚生賴焉序流衍泉壤融結卑高以陳凡山澤之奠以胥勝也序諸山登高覽勝瞻焉慷慨哲士所共序古迹湖山降神世有攸萃匪人則湮也序靈稟水深土膏厥產維茂有庶鮮粒食之利焉序物產死生之道咸秩之祀井丘之封久不可以荒也序靈棲后世異端曼衍官室繁興然亦形勝之助矣序梵宇夫邪說不可弗亟返也序書院書院

文穆所祀也今昔異時仁知異樂感而動者人情也序遊覽是故滌源流之與標生物之備具地利焉闡沒世之休使聞風者起具人道焉廣廢興之戚以稽治亂之異具天時焉其弗曰徒作也已

送姚大夫守金華敘

司寇職總天下刑獄凡簡孚聽閱明允奏讞之繁寔倍他部其致刑條格命之天子者歲有益損多遺亡之憂故卽署之明故實平

蘭暉堂集

三

比服者僚采質之以稽厥中其銓衡亦重以外補姚子爲司寇大夫者六年秉法去咎平慮矩行無毫髮私官以爲準遭聖天子中興嚴親民之官詔簡守令廼出姚大夫知金華大夫士餞之有弗豫者屠子執爵而前曰敢告大夫士大夫士之弗豫也以慎內也姚大夫之出也以慎外也司寇明刑以弼教也守之教養民以去刑也官之有外以承內也君之建官以理民也夫固一而已矣姚大夫

明刑以內宣教以綏外內則條采繩之外則上下安之罔不宜矣又執爵而前曰敢告姚大夫守之又民也緝之而後教知大夫無擾民夫教明倫而已矣是故父子天性也夫婦人道之始也壬恤睦和王化之原也金華之俗其君子敦名義崇文憲嘉哉優優乎古之遺風也抑予聞其民有舉女而致之殤者曰懼無以行也有娶妻而禦之歸者曰懼為聘也有忿鬪以亡身者曰無以辯也此亂民也惟大夫刑之夫女之懼無行也以厚歸也限之禮則易歸而女多舉矣女多舉則婚姻易而無禦妻矣示之壬恤睦和之道而日警之則無忿鬪矣教之不行守令之罪也明父子之道端生人之原昌昭平之俗惟大夫勉之夫守宣教以去刑而已矣是故大夫之在內以明刑也其守也以去刑然則孰重乎大夫曰諾哉敢不夙夜于是君子又進爵再拜而別

恩寄偕慶詩敘

嘉靖丙戌春龔子鳴治舉進士第一授官翰林脩撰越再歲大禮書成蓋龔子將考績矣於是詔封父脩撰母林氏安人龔子之同年與其友仕于朝者矢歌頌焉以紀恩且介壽禮也屠應埏曰是舉也具君臣之道焉具父子之倫焉具朋友之交焉可以廣孝可以厲忠可以惇教可以勗義夫為人子者殫敬極愛飭躬致養凡可以榮其親者靡弗欲也夫分之弗得靡敢踰也聖王因心以脩制縣制以飭文修文以章秩品秩以定情上自王公下逮羣吏一命之寵烝于其親是故孝思咸若協氣休應上有渥德下無滯志是之謂廣孝夫為人臣者任祿量事懷德効忠苟君之惠終身弗忘也矧庸其身而逮其父母乎是故被茲顯休恒懼顛越陳力荷重圖惟厥終無敢晏處以速官謗是之謂厲忠父母之於子也少而教之事焉長而教之學

焉知仕而教之忠焉適君庸其子而錄其父
母之教矣其顧不惟君之報已者而責之子
也其將不夕勵而日儆之以求無替于其后
也是之謂惇教友之於義也達善而誨過錫
愛而敬其親是故頌之世德俾弗怠也侈之
君恩俾弗忘也譽之賢俾圖慎也樂其親之
壽以嚮德也愛敬備矣是之謂勗義子龔子
天子侍從近臣非若人偶也和而毅文而好
修龔子之行也封君者仁而不華太安人之

讀書集卷八

六

聖善也亦非若人偶也則朋友之頌其顧若
人已乎夫不聞候官人之謠乎曰臺沙其封
南隩以通先元後公是謠也載在郡志自晉
至今千年矣龔子生之歲而南臺沙歲丙戌
而隩之路通龔子固爲元矣奚不爲公乎夫
山川之秀畜之千百年而生一人焉其龔子
又足以當之而日承 明天子之眷則其迪
忠綴祿以孝其親而聲施之后世者奚若人
之榮壽已也龔子識之其亦日務明德也以

無忘諸君子之義

盧封君哀挽詩序

屠應埈曰嗟乎予讀盧封君之挽歌而論其
子之賢也愛其人逮於其親父之弗知視其
子表德以彰教因心以錫類是故蟲祝而化
繇染則變而况於父子之間乎召人之頌召
康公也爲之賦甘棠曰弗剪弗伐召伯所茇
愛其人惜其所茇而况於人之親乎其生也
爲之榮焉其死也爲之哀焉惇官僚之義以

讀書集卷八

七

宜其衷是挽歌之所由作也迺予爲刑曹郎
盧子子貞爲大夫諸大夫雅相善也予見其
恭肅而溫肫肫而閭閻無稽獄無怨言賢不
肖與之交充然若有得矣又嘗見封君者與
之書輒數百言據事正詞平刑種德詔之勸
戒而福禍之弗疚矣予是以知封君之爲父
而子貞之爲子也庚寅春封君壽六秦諸大
夫謂予曰盧子之祝其親若之爲盧子祝不
可已也子其爲之文予曰諾決旬而報焉曰

封君病矣盧子聞于鄉之人上疏將歸省諸
大夫又謂子曰盧子之憂其親無弗爲盧子
憂也矧其歸子其餞之文而道之情子曰諾
又明日廼報訃矣于是諸大夫胥相吊焉而
來之以辭懷德象賢諒生而惜逝非其中心
之戚弗可已也而假之聲詩奚若是之悲歟
是故先民旣沒而德音猶存者賴之于紀述
也黃鳥薤露之歌是義也豈維今之人哉豈
維今之人哉故子讀諸大夫之歌而益諗封
君之賢也

贈禮部郎中陸君肯堂守撫州序

八

贈禮部郎中陸君肯堂守撫州序 代作
辛卯春正月禮部郎陸子肯堂擢知江西之
撫州撫州居潁汝山谷之間民剛而不屈樂
爭而尚氣僉謂宜精悍果毅者治之而肯堂
寬中碩量率禮斥術固循良人也廼其僚友
以肯堂咸造于堂請有終教于是序菴李公
甘泉湛公則咸揖子曰惟肯堂良屬也惟撫
州先生之隣土賢其人宜有贈導之風土則

緣俗而民安先生又弗可弗贈也子

堂而告之曰咨來肯堂惟撫州宜子維

又撫州也子嘗知夫魚乎其在水也適適然
彼寧有所擾于中哉伺伺其影而取之罟罾
泔汕鈎鉞之器朝夕焚焚焉與魚角也魚斯
周章惘躍而不知所逃矣裂其罟罾燬其泔
汕送鈎而棄鉞夫魚豈不欲相忘于江湖
民猶魚也撫州之俗古稱儒雅野耕自給露
積不垣而人物亦冠冕一路豈其初樂爭而

尚禮哉夫亦爲之上者恃其精悍英達之才

九

而過爲周防劇厲之術峻威密禁飭詐緝文
矯節易慮日切切焉務鈎鉞鞭朴之具以與
民角而民不知所出也是故嚮卷慄慄變聽
駭視威習而不畏禁玩而不揆詐施而導欺
文侈而益事上矯而下爭志易而欲競日以
僥僥遂逐而今之民非古之民矣夫亦懋愛
崇德敦信秉禮執經定慮優優焉躬子諒易
直之政以爲民先而民知所歸也習而安焉

睦類而樂上是故愛流則親德薄則化信乎
則忠禮達則敬經正則明慮定則理故君子
之于民也不誘而親不强而化不督而忠不
毅而敬不察而明不密而理民狎于野而官
安于上油油焉相忘于其初非循良之効乎
肯堂其無疑哉和顏色而入市凶人不加陵
焉忠信之至豚魚可孚矣孔子曰斯民也三
代之所以直道而行也肯堂無改于循良之
素哉奚撫州之足治于是肯堂再拜曰善哉

南唐書卷之十一

十一

乃今觀尊劍之遺制而振我以干羽之舞矣
願矢素心教尸民牧

送夏子公輔領教漳浦序

國朝鑒古昔選舉之法著在功令命憲臣董
學于四方察郡國民之俊秀者補學官弟子
其通一藝以上歲給廩就簡可者上春官籍
奏乃令學士課其下才者罷歸諸能稱者遣
受業太學其高第授郡邑諸學官復往教第
子比能就事與科甲相十五得人彬彬盛矣

比數十年教法日就弛憲臣即易以廩與人
其食廩久者積二三十年不問可否輒以敘
上春官就學士試亦復不問可否輒報稱曰
憫老而惠窮以故濫入太學若輕與郡國學
官學官復不善教弟子敝端相沿德意湮塞
于是天子下詔若曰益聞賢才者治世之
首務也登明選茂胥暨于位以承翊休明而
局于甲科奚無遺良焉問者有司上諸郡國
弟子率庸不任用朕甚患之夫優老而惠窮
所以養齊民也掄賢以翼治而曰云云則國
家奚賴焉其令宗伯選擇可否務黜庸老毋
拘十七以上期得真才勿患后用于是宗伯
乃試諸所上學官弟子凡數百人而屠子爲
郎得與觀其文乃竟得夏生等數人餘又數
十人時省院凡數試予輒曰是夏生試首矣
已而果然言無弗售也會京師方屆鄉試
詔許夏生等得就便試予即復曰是夏生數
人者舉矣于是舉數人者而夏生于予言獨

南唐書卷之十一

十一

不售乃竟以高第授漳浦學教諭過別于予
惘惘失容恍兮有弗平之色予乃告之曰子
未知哉子之與計偕詣都也固浮江沂淮逾
于河走齊魯之郊而望岱宗之險乎曰然今
茲之歸其又將沿故塗下錢塘望東海馳逐
吳楚適粵閩之疆乎曰然曰子見夫舟車之
利乎軫軫惺惺駕長風走平陸穀擊而鱗次
瞬息百里雖波委矢激烽逸猶以爲緩及其
冲橫颺經水維困于叢林峻坂之間晉良越

南齊書

三

師次且顧望咫尺而不得進由此言之順逆
勢也遲速時也然豈可不堅其鉤輶而周其
飛施哉哲人不異勢而貳視君子不貳時而
徇心予故有測于子售弗售予視子猶故也
詩曰鶴鳴于九臯聲聞于天魚潛在淵或躍
在渚苟有隱美何患弗彰君子履其常小人
易其方卑志役身眩外移內是猶怒旱而廢
溉戚澇而弛堤困也靡日矣何功之有子勉
哉 主上惟賢是用無間側陋行矣自愛之

漳浦教漳浦弟子其亦告以予言

送給事陳君使琉球序

琉球王世子清表曰臣世被中國厚恩樹之
島夷以藩屏東海外先臣真憑 天子神靈
獲終于位孤臣清議嗣惟是微于元命弗敢
寧居謹昧死介陪臣長史潮以請潮渡海至
表 聞 制曰可禮部議冊典簡所宜使者
具名上故事凡使二人而正使以給事中往
時當往者率悒悒憂動色陳君應和爲吏科
左給事中有賢譽而君亦壯不憚往乃疏名
上 天子素知其賢報允 陛辭復 詔賜
玉帶麒麟服云屠應峻曰東南夷內屬者以
數十琉球蓋其一云 高皇帝放驪胡元摘
飭異域諸海外夷狄君長振懼 威德交臂
屈膝以稱臣歸死而琉球始通貢獻中國
文皇帝時命使者就立其王 賜之冊命被
以印綬冠帶世爲外藩臣得遣子入就太學
是琉球爲龍王駁駁向聲教矣 天子躬

至德中興諸國益効職無敢墮怠聖恩光施
存定荒裔而琉球之使也陳君實尸之行矣
壯哉予嘗讀太史書至相如之使印笮也道
蜀蜀守令郊迎負矢以爲寵而相如亦卒能
其使事予未嘗不灑然心善之也至觀博望
侯騫傳則以一介之使凌絕海外結軌殊域
歷上古不王之國爲漢繫空向導隨流而接
則又遽然喟慕雖其行不揆于古有壯志焉
今以行人往來之域通外邦之內臣而使若

陳君建

西

言海外則怛怛動顏色矣古今人若是遠也
陳君建 盛明之節照耀燕趙齊魯之郊浮
江達河逾于淮沂錢塘之波騁于故里其守
令亦將止嚮先驅若相如然斯可謂寵矣而
又馳東冶沿潭水睇無諸之域橫海東下梁
彭湖指中山觀日月所出沒俯視蛟龍巨鯨
諸怪之嬉游也若陸行牛馬然蠻夷之俗振
天使王侯以下羽冠螺飾盡喘息迎謁
而陳君執符被服拱揖于其上知不知望之

以爲從天而下斯天下之壯觀極寵而博望
審所肆說而不得者也斯不亦壯哉抑君
天子之近侍臣也雖蠻夷亦將于君而觀式
焉夫言動與取身之經而使之節也宣昭皇
度茂貞使命以風示 天子之德于諸蠻不
在茲乎不在茲乎夫以陳君之賢而使事又
壯不憚往其于茲也吾有以測之矣

贈山西參政趙君之任序

陳君建

主

則數數道趙君矣稍長從諸兄遊諸兄又無
不凡事趙君者比進給事中敢諫諍章數十
上時予爲諸生傳而觀焉侃侃烈烈風霆
擊而矢馳靡弗中也而又值 今上改元飭
新政予謂趙君當遭時而奮用乃疏居疾于
家者數歲而起還故官擢都給事則趙君第
進士逾二十年而給事亦十年逾矣顧又疏
觸諸權貴于是諸權貴視趙君猶仇也而趙
君獨毅弗畏顧乃都給事率望內卿佐而趙

君獨不憚外遠茲擢也則予告曰夫屏藩厥
政紆黃而施朱紫政官不卑矣予位浮之是
懼屏應援出謂人曰賢哉趙君持其素將奚
弗宜也夫奚有于是矣或進曰吁夫趙君故
爲推官也明也是擊奸又暴刑罰之司也其
給事也良也是宣幽摘伏悉忠而翼德諍承
之所揆也夫參政綏誠以保民矩度以則賦
易刑而惠釋內而外是其列殊矣而山西又
天下之北藩也民憚而賦瘠風土異焉卽趙
君抑又能明若良也屏應援曰否子不觀夫
今之內仕者與循知葆身繫祿而畜望與時
趨焉以幸其久而崇也卽與之言外則懷懷
而弗豫聞是故政未蒞而志靡未又民而先
棄之乃其尹政與民也又奚得不弛以怠也
賢哉趙君居職而務舉其以諫忤弗懼也乃
怡怡不憚外又茲敏敏焉浮位之憂是故政
未蒞而志精未又民而先愛焉則其尹政與
民也又奚得不肅以裕也夫天下顧有加之

書集卷之六

六

意而弗舉者乎今夫農陳疆浚洫擇種時植
原灌倍力則區種乃可百斛情農自勞樹之
田逸而弗顧則雖有天時焉乃弗攸獲卽獲
亦鮮矣故天下患無意耳緝之熙熙政乃弗
渝乎于厥心民是用情苟必歷職而後効地
同而後習則越錦不燕適職足盡天下而後
稱良也有是哉予故曰趙君奚弗宜也而何
有于山西是歲也君之子伊第進士繼仕于
朝君之出都門往鄉大夫祖焉子伊侍衣冠
抑抑而後先而褒如于是觀者咸以爲榮
贈白子貞夫使韓藩序
屏應援曰學者宏辯典紀考撫古昔然于當
世之務靡義焉夫海內形勝扼塞險隘與諸
豪傑賢士大夫非身游覽焉若相次其論議
而欲習觀於天下之故何由哉予觀太史遷
產于龍門其於河山以北詳矣乃南遊江淮
歷岷漢沅湘返于齊魯道彭梁以歸又西使
巴蜀南略邛笮昆明蓋是時轍跡半天下云

書集卷之六

七

而所與論交又皆盛漢鉅公名儒遇又紬石
室金匱史紀秘文及漢興以來故實功令行
事之迹靡不畢究夫然後倫鳩百氏撰述世
傳以成一家之言斯其用心勤矣余獲交縉
紳間雅與江南白貞夫善夫固洽聞博物君
子也素從其先公游于闕越吳楚之間習其
聲名土風之故又善與四方士接也四方士
緝緝歸往之比入仕則爲春官郎 國朝春
官典乘與官禁宗國細鉅諸務及教化禮樂
職制與天官秘書下逮醫卜巫瞽藝事其于
損益建置之際章矣 明興以來至 今皇
帝協紀于諸神定禮樂建 郊祀受符應隆
文殿秩垂我 明萬世盛典而子與貞夫從
諸大夫之末得展采錯事承休于明堂無太
史公流滯周南之戚而茲役也又寔以哀冊
于韓襄事建節 宗藩弛禮 王室以觀我
明雍睦時庸之典行又道河逾洛望復函巴
隴之險止于空同金城盤紆陸海殷阜帶河

表華歷秦漢唐宋之遺墟吊其得失之原承
觀風謠而經理其要會斯固壯夫所以游日
感中振發才英而未思不朽者也抑又將求
三秦諸豪傑而與之游若武功康修撰海鄠
杜王檢討九思子友平涼趙時春是皆鴻翔
鳳翥彬彬斯世文質之士也相與裁其章斐
采擇異聞損益王度以俟他日撫遺補藝述
明聖之休光次功臣賢哲之餘烈以爲一代
世史藏諸名山貽信後世顧不偉哉明世弗
紹史記放遺子也竊有志焉而非其人也故
于貞夫之行子若將有望焉子若將有望焉
贈嘉善尹徐君敬勸序
嘉靖癸巳歲徐君仁卿以進士來尹嘉善嘉
善素稱良邑顧近日民間俗遞稍稍渝矣徐
君謹身勤政飭教糾刑朞月而民胥悅舉亦
微微起會民賦之入先他邑于是督賦司徒
曾君移文褒焉史埃曰予觀子若舉也可以
賢徐君可以賢褒徐君者可以爲徐君屬可

以厲未受褒如徐君者可以厲受褒如徐君而政弗逮者可以使徐君逸于人民可以使民益一于徐君可以賀徐君之能大受也夫尹之於民最近也而蒞于尹之上者寔繁是故使下則易遂弗厲弗遂也厲則怨事上則務悅弗諂弗悅也諂則污仁以孚下誠以格上賦入而民弗以爲病貞于居而上獲焉惟徐君能之故曰可以賢徐君舉人者政之綱也使臣天子之耳目也舉之戾則政麗升以

書

干

其賢則可協而王政舉矣管仲不以人事上君子譏其不忠士林國之稱賢也衆仲臣悅焉故曰可以賢褒徐君者書曰慎厥終惟其始又曰惟懷永圖圖之不永前休是墜甚矣君子之貴久也久於其道而化成矣褒之以勗其父也故曰可以厲徐君上者褒以賢賢者褒于其上則人懼于不賢而弗敢棄也故曰可以厲未受褒如徐君者予聞徐君之受褒也損資捐幣弗以勞財展事而已矣其他

者或否也故曰可以厲受褒如徐君而政弗若者昔者子貢問政子曰政在安上而致舉上之弗安則政壅塞上壅下塞行罔攸逮上苟安也則順而沛于下故曰可以使徐君逸于人民小民者信其心而聽以聲也信心則易移聲聽則易感今徐君之受褒也民將曰吾固賢之而惠其澤也今亦以賢而褒于其上吾何敢以違賢也而民志定矣故曰可以使民益一于徐君徐君之褒其僚徵文于予

書

圭

以賀或曰此可以盡徐君耶而子之賀以文也曰子未知乎維山之高積石累壤相梓之茂維其所培匪積勿高匪培勿茂故曰崔嵬在望跬步是延尋丈不剪巨幹參天棄其初而不知積謂未足以遽益也而不加培焉皆過也徐君之爲尹始基之也曾司徒之褒也培之初也皆賢者之兆也兆可行矣而吾邁焉則罔將使四方被其澤如茲也而其受褒于天子者故曰可以賀徐君之大受也

送晉大夫習齊先生任台州序

晉大夫自嘉興判擢貳于台州郡守司馬公
偕其僚徵言于史竣史竣曰子于晉大夫之
行也蓋有徵于世云 國家均齊海內統一
治官凡自臺省下逮羣吏惟能是使靡有外
內罔弗師師又也 宣皇帝以後治體一變
矣是故選仕而威繁易位而通視凡 京朝
官率泄泄不願外其外仕者亦心榮內焉逸
勞殊情遐邇異勢顧自成化以來然矣予少

晉書卷八

三

從先大夫遊于四方四方仕宦有謫遷至者
卽燁燁務自表見而尊官長視之亦儼與亢
禮蓋弗爲異也 今皇帝神聖臣下莫能及
其大僚亦恐懼弗稱德意飭法厲治百令
明肅是故安常循職之吏守尺寸而蹈愆尤
放言奇節之士非治朝而干榮譽以故京朝
官亦往往外徙今全浙十一郡其僚左自謫
遷來者蓋十五也抑予觀今昔諸君子凡動
遭拂逆卽持祿養望高自稱引不務習民事

以故非大徵拜其治民功亦不著抑使諸君

子業仕宦時卽爲郡縣其又能執符被服晏
然民上否也晉大夫之判嘉興自部郎中謫
也其浚嘉三年矣勤政恤民夤夜弗怠卽事
靡細巨凡職之可行與可以達之守而行者
靡擇以自逸也以故嘉之民日頌晉大夫而
聲譽亦憑憑起是與諸君子之養望自高而
勲庸弗著者其得失如何也賢者不易民而
損治君子不恃外以益榮晉大夫之台州其

晉書卷八

三

治台州者猶治嘉興也則循良之傳方自此
始而陟華履要垂功名于本朝者亦未必不
自治郡基之矣竣不佞謹書以爲晉大夫贈
并以質之郡公

吳浙水政圖志序

屠應竣曰予觀游燕薊兗豫之間見中原之
水河爲宗然其壘斷寔滅此殆有天意非人
力所能制也江淮之南吳越之間三江五湖
表裏襟帶沃壤斥原彌望而有其他陂山通

道朕引亭蓄河渠之數以億萬計也此皆有
人力浚防水旱之備焉而地濱在東海夾障
之費歲數千萬卽稍稍侵決吏不時緝輒有
溢溢湛溺反壤之危又漁艘海賈往來其間
小則剽竊甚則交東夷爲中國患故國制以
憲臣總江南十五郡水政職專而理劇視他
僚重倍也 天子臨馭之十二年詔有司若
曰夫財用所以經國也水泉濬浚所以生五
穀也比者東南數郡旱澇失序貨源堙沉而

書

書

租挈甲他郡元元流移朕憫然無寧慮其令
有司務舉才雋以行水懋利毋循故常于是
銓曹具儀部郎朱君上乃擢按察僉事以往
君旣至則行視諸山川形勢財用長久之宜
物土均野博議利害囊爲圖志則間以示按
中覽而嘆曰嗟乎甚哉水之爲利害也禹之
平揚州也厥田下下今田租乃當天下十九
軍國取給焉豈非工力底緝耕勸勞之漸哉
夫爲政者始未嘗不勅火后稍弛靡也而興

利者苟浚民以給賦至言水政則曼視而哂
耳是何異索夏米而榮橐木也于國家何賴
哉明興以來東南經理之臣夏忠靖周文襄
其最矣揚廷獻之于鹽城民猶賴焉至白苧
海堰之費其虛實于今如何也夫淪源所流
深注時泄增埤益障三者水政之綱也是故
揆川澤之原量輪納之宜順水性之所奔湊
大川無防小水得入所以慮始也原隰洊勢
山壤別任深溝浚洫瀦寫無壅旱不涖絕水
不爲敗所以導利也江南之地土驟水溢衝
決爲患畝澮之間陂岸故設因類舉廢倍薄
就堅使游波迫而弗入至于捍海之役無取
具文歲征捷石以漸集事不爲奸吏豪滑之
所侵牟所以豫患也三者事便而易循民悅
而未安勢無格弗行也而有司率怠弗事其
憲臣亦復懷逸畏勞歲不一再行郡邑至水
患漭湧須臾民后死以思救援曾不得見其
旌節他尚何望哉朱君者天子之所簡而使

書

書

也予習與之游又何其慤慤不反君子也夫
圖志之作辨原委具經略論周而慮遠三者
詳焉吳浙之利其將有興乎其將有興乎予
故竢于朱君而并望于後之司水政者

贈郡守司馬公入覲序

嘉靖乙未春正月 天子臨于明堂諸侯受
紀通計諸章幽而誅賞之先是海內之長吏
胥載其職以聽成于京師于是嘉之庠聯其
師生來告于史竣曰夫贈人者未有不貴言

嘉靖乙未

王。

者也懋德者頌劇善者規過司馬公之守吾
郡也宣慈敏斷亭法循理治蓋彬彬矣又數
羣諸生而試之陟才賢而寬其所不能是民
之表之道也澤流思愛淑訓思教能無言哉
能無言哉史竣曰嗟乎予之居疾于雙溪之
游日與父老子弟相游而觀俗也其于郡邑
得失戚喜之故詳焉夫學校風化所首被而
輿論所由出也予于諸子之請也蓋有感于
當世之故云國家設郡以來嘉之稱循吏曰

楊公也 章皇帝時凡守令九年而陟是故
其政洽其教流民之思也永迺後或六七年
或四三年蓋至于今極矣癸巳之歲予在京
師則日聞郡之守何公良未幾以讒去治難
嗣也時司馬公守懷慶二歲矣治聲最銓曹
郎鄭君子京數數善懷慶守于是移公守嘉
興也蓋六越月而政行俗而民悅而公且考
績以二載矣即又以 國制入覲覲又且陟
去故嘉之賢守恒弗久也夫養材于林也固
其時植時其灌溉裕而俟之是故豫章七年
而生可識也今之責于守令者不然守之以
簿書急之以歲月示之以米鹽毛犂操切之
苛少不稱則指而繩之曰是吏之不職宜黜
也即其職也又數以遷去則是郡縣半無長
也而迎送往來之費不與焉官無恒業民罔
安治位佚而多援處適而易撓俗苦更法習
眩二教甚者下洽而上睽始昧而終晰則材
不肖之實固已舛矣和琴瑟而日更弦授人

以牧而時時擾其羣曰求以久不亦遠哉今天子明聖思治一紀餘矣夫守令者民牧之職而治亂之原也愛民而弗擇之牧是忘民也任賢而弗終是棄才也慎使勑成崇禮敦報弗責以苛是故官無釋位士無回轡民殷而不惑治久而能昌庶乎天下之治可幾也而奚患于嘉之郡無楊公嗣哉予故感于郡而重慨當世之故云

送大司成朱嘉王公致仕歸養序

黃真乃

卷

今天子十四年乙未春三月甲辰司成先生王公上疏曰臣激言臣蒙被休命又少嬰狗馬疾晚暮益競競甚臣父母年俱八十餘日夜慮弗臣觀臣亦日夜但慙慮弗獲久侍臣父母心志顛越墮職隕孝死無所底謹昧死乞致仕歸養報允時諸生隸國子者無慮數千百人惶惶僊僊咸詣館下乞留不可史竣曰噫休哉自昔聖王之設學也將以教天

下之有親也三王四代其此之刑夫是故養老之義尊焉今天子興化崇禮以孝先天下施于無極雅升譯服靡不知順且敬焉太學者化理所繇出也司成建國中與天子分治教故化敏而功流甚鉅夫拔民之俊升之爲士士苟有行民必由之士者民之表也司成教士使尚習以倡民然後民知表而趨之夫使有親不獲盡其養非所以詔天下于孝也昔唐陽城爲司成論諸生還養者百數

黃真乃

卷

十人夫城固未及以身教也言之流行敏於鄙傳故曰君子之教以率也非家至而人見之也今先生且身以孝教之矣天下之士觀風隴越之間有不油然而慕以茂德式類者乎抑予聞之人臣未有遺其親而能忠于君者也古之人一跬步而弗忘父母是故守官臨治恪共弗佚以求無辱焉所以廣愛也今海內髦俊憑憑日登翼至治苟其間萬有一焉僊僊眷局懷祿弛恭事上弗類是不爲辱

其親矣乎惟忘其親而后弗知辱焉是不孝之太也先生日皇皇焉捐膺仕緝休聞以徇一日之養弗忘孰大焉今之大夫士聞觀于茲行有不惕然兢兢日念其親以繩善迪履求無辱者乎是故詔于國子諸生胥刑焉詔于朝大夫士胥刑焉是先生之教之大也

贈太史王紹甫視學山西序

昔余讀司馬氏漢後諸紀錄未嘗不雄麗其文曰嗟乎漢一代之業若此矣自高帝以降逮于孝武潤色鴻猷恢張百度文質炳然庶幾哉使時無司馬氏紹明典憲論著當世以昭宣遺烈傳於久遠則漢諸君之治微乎其究稱已及讀遷自序然後喟然嘆曰古之志史與其文之發蓋括乎其志矣洋洋哉固遷之雄於文也遷二十南游採舜禹故蹟歷窮海內講業齊魯觀夫子遺風以度求于聖人宜後世無有如遷之爲文者然余猶恨焉其稱唐虞之際略矣將世遠而莫之聞邪夫遷

書

序

世系河內居龍門之野其去陶冀之都邇甚然覽尋之跡不少概見至于統一道論則靡有幾焉何邪夫遷之志固文焉已也余嘗思與俶儻之士論次帝王之世觀求故地揖讓其后人以思淑先王之化尚鬱鬱其餘乎惜余志之未有同者使遷之闕遺挈然哉太史王紹甫氏補館職踰二年居恒自怡爾曰吾出入禁闥執彤管論議上下無深底于事實吾難乎爲史矣遂出視學山西於戲紹甫其

書

序

誓乎負遷之志邪夫史官出視學于外世咸以爲貶取也紹甫揭焉從之豈倡諸于流衆者固將布乎天子昭雍之化以陶冶士類協中和之極其功力詎止一史官已邪明興百六十餘年丕教誕洽髦俊馮焉烝休軼古蓋自孝皇帝以來而海內文章之士闡辟瑰璋駁駁乎有漢之遺矣今天子襲系世熙洽修明禮樂丕休震于神人功茂之存較於漢武不知幾踰越也固應有遷材應纂述

之列以垂憲彛于萬世而紹甫殆其人乎至
于典訓宏遠詔詞深厚貞一聖統開示來
哲所以頒黷舍布兆庶者渢渢乎精一之旨
又命之敷焉固紹甫所腴聞而日紀之也今
茲之往其茂所以對揚上意者乎夫平陽
蒲坂之都古帝王始基之矣河汾龍門先賢
之著遺也北循大行觀太原之墟則禹之標
棧行焉此其所探游聖人之軌迹也流風遺
烈往往而存乎其人焉其有以遐觀神往周
取內斷契典謨之遺究遷史之闕淳英華而
沉于唐虞氏之實者乎夫搜蒐故聞網羅放
逸使國家盛美泱泱然流行于後誠史氏之
職也至于紹承聖緒明翼主德鬯宣化原
以章道而淑士吾未之有見焉紹甫茲往其
庶能進于斯乎予不敏切有望焉而弗能已
也

送饒子聞之江南慮刑序

往予受讀律令諸篇則嘆曰嗟乎人之情若

是其滋偽乎何曲慮而逆坊之也比服官西
曹累囚陳道園土之中關三木曳當卽者百
十為羣崩角搶地呼號之聲相聞于是傾耳
洞目掩袂而反走心慘慘焉歸卧數日猶弗
能平也迺後披諸獄辭則皆陰狠疾鯨獸典
淪化有萬弗一原者焉于是又張目盛氣撫
案而起易慘以忿釋憐以怒恟恟焉恐其人
之連誅也迺予則恍然嘆曰嗟乎予乃今知
情感之易流而予心之數化也君子平其情
不淆于中和其政無遷于外因時成舒與物
推移執衡御輕不逆以私是故古先王之于
刑也有三石之平五聲之聽八辟之議三刺
宥之法左右棘之辯惟惟執執以衆輔志無
淫于人凡以求民中一主德協刑罰之用而
宣昭平之化也主上卽位以來至仁茂德
浹于元元雖巨惡元惡歷四三年未有所論
取也而慮刑之使奉明命巡郡國者至是
凡五出矣茲命也詔使者得佩銅章并按

糾諸有司之弗率者而饒君子聞寔將事于江南予惟江南爲畿輔要區土沃而民易訟其守令居民上者隸之京師若諸藩臬之長焉握權自貴易與部使者相低昂也至諸胥史豪滑尤善脂綠鈎棘倖伺意原巧文詭法竊風旨以詆欺愚民而下緝緝易應之是故刑之平也視諸郡爲難矣抑予又揆于予而知情之易眩獄之難持也可不慎哉可不慎哉曲仁曠慈赦奸赦故非以協中也教民蕩矣厲節遠惠勵法尤志非以降德也教民渝矣二者非主上所以命使之意也是故下弗知則而羣司知有辭矣夫固德沉慮所以御俗也詳讞周度所以自盡也緩辟終慎所以盡下也若是而情庶其弗眩矣乎予聞之君無私以畜下也臣無私以事上也故羣濡並育而人弗以爲恩擊刺焚辜而人弗以爲怨同德而異用因物而究施是人主之權也承威德之中調慘舒之節不在平刑之吏

乎予于子聞有望矣

屠漸山蘭暉堂集卷之九

序

姚先生集選序

送周錫之任福州序

送司寇唐公歸養序

送謝鳳儀爲重慶推官序

送沈子宣知山陽序

江西鄉試錄後序

武舉錄後序

武會敘齒錄後序

茅隱君壽序

凱雅序

贈侍御王君按閩序

王氏世行錄序

贈曾少參序

送張湖州序

秦泉集序

屠漸山蘭暉堂集卷之九

姚先生集選序

姚先生者嘉之豪賢人也名綬字公綬英
皇帝時起家進士拜監察御史出理兩淮醴
政禁奸摘隱推抑豪右于是謗喻喻起未幾
出知永寧素剛直不任吏則嘆曰嗟乎夫人
生于世若馳電也進不能憑湘清時勒功鼎
室退則捐軒裳窟巖穴修素辭以自見耳乃
竟解官歸放浪江湖間因神仙之說以自廣
稱丹丘生又稱穀菴子善楷書圖畫所著文
詩千餘篇久日散逸後四十年曾孫增始聚
次之蓋存者什二三云屠應埈曰吾郡當吳
越山水之交土衍而澤秀蓋多博達宏雅方
聞之士云漢武帝時登選俊茂黼黻章軌而
朱買臣莊助父子則以吾郡之彥著聲公朝
龍驤鳳儀軼覽千仞矯矯文學之宗也英哲
代興篇籍日播縫章異制咸夏殊曲皆彬彬
兼有其文質焉嗟乎盛矣近世巖穴之士剽

見襲聞姜腰章句蓋于古鮮稽也至于縉紳
先生寅亮休延纏糾榮譽雖時時有所論述
欲以振緒文林協玄典素豈不罕哉先生少
雋異不諧俗好仕又才數年竟自免去徒欲
以空言憲後迹今所有雖縱軌岐路兼義謹
雅究其用心固已雄視當時先登儔匹矣予
生也晚不獲窺聞于先生而風流嫺雅每從
長老言之未嘗不心慕也乃片其簡端若此
送周甥之任福州序

周甥子信錄

二

周甥子信錄太學生任福州府經歷問爲經
歷於舅氏漸山子漸山子曰嗟乎官各得踐
物官而後政可紀也今夫吹笙於堂大巢施
小和應則協之而成聲大車之登於阨也必
資輔轍焉不其則匡且蔽故物無不舉者萃
用之具也人獲效功者鳩治之法也今天下
諸府咸建經歷與五府都察院均焉經歷之
隸於守也則猶大車之輔笙之和也流牒有
印抱牘有吏案閱羣政咨議善敗稽日月之

要導上下之踪駁行否之故以程於郡守受
而斟酌焉其弗關經歷及於憲者制弗得行
也往余視五府則見其鉅務纖舉討奏繹議
必唯經歷承之一時長伯惟署銜坐嘯而已
又何其專且重也至諸郡則不然印歸郡守
篆奉入出經歷罔知吏不呈牘輒代之署惟
交手乾沒簿領俛僂而進嚔諾而退卽咫尺
之務弗敢有所可不然唯也此其故何也始
由一二警詬之夫操印爲市郡守蓋慎重云

周甥子信錄

三

及其父也利顯決自適若弗知有經歷經歷
亦憚稽閱旦暮侍長吏幸委印便於是人謂
經歷爲疣員是可謂官各得踐物官耶諺曰
不防其頽漸至無寸小和弛者大巢孤隻輪
缺者全車佔其時端積漸使之然也福州固
海濱之域而喜諷誦之郡也民敦應矜文史
多循厚若經歷之得其職與否余所不能知
夫固天子之命吏焉其守賢甚爲選其所
職守固其愛也抑余聞之植心爲志比志爲

術踐職莫如擇術獲上莫如作志昔人爲潯陽小吏以公卿自待竟成公卿牛衣自卧志爲京尹卒攝京尹志之所往慈石可破守以矢術動乎鬼神故少府時力貫穿射遠剖微中的者志先之也號鐘濫協而不讓澗梓修牙之能能不巳其鳴也故曰守官不如守道丈夫慕義何處不勉焉子無歎於經歷之爲流員也人固有還子之職者詩不云乎神之聽之介以景福此之謂也

送司寇唐公歸養序

嘉靖戊戌夏五月少保司寇唐公疏乞致仕得侍母鄭太夫人養 諭答曰朕嘉尚書龍孝其賜乘傳歸先是 上春祀山陵召勲輔三臣對行殿武定侯勛因問議九卿大臣得失語密弗傳也俄詔罷梁司徒材唐司寇請歸又允衆始疑兩尚書不當得去予謂不然夫王者之理天下要使教流弗壅而已矣教不及輔之以刑故刑所以絕教而糾治也忠

孝者教化之大端也薦紳大夫去父母官四方者豈盡無白華南陔之誼哉操幸榮遇微尺寸以自見是故志佚而不知返也身瘁弗偶于時功策莫究其願制之有命抑違親而徇焉廼或媿媿忍愿竊潤使釜之祿甚者昧墨奸當世法辱身而耻其親此又其下靡譏也司寇公初爲御史按江西適宸濠變後勘亂寧民民至爲祠祀生御史奉制總邊務斬首虜千餘級功在威寧伯王公鉞上大同卒

唐公集卷五

五

叛導強虜爲外援緣邊振動公帥師臨河聲渠套虜急解圍去召司寇未幾遼陽卒譁宰臣論呂中丞經激致變當死公詳議得減戍奸人劉東山告張延齡變事詞連 太后宮公與錦衣指揮王佐先后力辯釋此俱事關安危銘在 宗社諸細小不論所以秉德植功揚親不朽者甚茂無極也願力以母老亟乞去斯不謂篤孝純慕爲世規矩者哉夫君之于臣進退呵譴易者謂爵祿足以羈縻而

榮辱之也士大夫就官爲居怙寵自固斥之
使去猶累日而不怡是故難退之義微習競
之風熾主上方內厭而恩飭卽梁司徒清
強骨鯁當世少雙然予歎其去猶弗像知請
也司寇公位列壯斗職兼保傳卽日建太
子選羽翼公當爲宗臣乃奄忽委捐不以易
朝夕養所以砥礪頑懦裨益休明啓主上
優厚士大夫庶耻之節于忠孝之誼至彌敦
矣使公在位不去歲平反數十人又歲戮元
惡數十百人其弼亮教化未必遽彰明若是
詩曰孝子不置未錫爾類是教之所以不置
也夫

送謝鳳儀爲重慶推官序

巴蜀距京師幾萬里疆域險絕山川阻深故
仕者憚焉丙戌冬十月謝子鳳儀受朝命
爲重慶推官人曰慎哉選矣屠子曰選矣夫
人將不爲耶夫選又奚患矣君子之仕也行
其道無擇地矣弘其化無擇民矣夫選又奚

患也子聞重慶之俗崇朴悖信重本力穡弦
歌四聞侗儻尚義鬱然文教之邦也其又何
選之有詩曰旅力方剛經營四方又曰無已
太康職思其居職之不思雖康奚補苟志于
經營則四方一也謝子勉之謝子曰喏願聞
所以治蜀者屠子曰治在無意而已矣夫環
數百里之地建以爲郡統萬民馴庶政者守
之事也糾五刑慎明服佐守以弘化者子之
職也夫君子之與人也鹽梅甘苦以相濟也

其視民也手足腹心以相恤而弗忍棄也政
有長焉民有善不善焉吾無所容吾意也是
故承善而莫違人弗以爲諂也徑議而巨違
人弗以爲激也曰政求入而已揅法而毒姦
人弗以爲厲也緩刑而赦疑人弗以爲縱也
曰輕重求中而已如是而上下交善矣夫今
之爲政者豈獨急若事而尸民上者之爲罪
哉致天下之多事焚焚焉擾而弗寧者皆自
意者之罪也是故媚不善過也拂善亦過也

吐剛而茹柔過也必曰無罪而茹剛柔有罪而舍之亦過也媚不善喪已以干澤也拂善搆人而自標也舍剛怵威以獎奸也剛必茹肆悍以貪功也四者皆有意之過也夫治無意而已矣夫玄寒厲風寒者弗怨虛舟之觸楫心弗怒也網罟設則魚鳥驚矣執刃橫道則行者不敢逾矣是有無意之別也謝子審之謝子與予聯貢于南幾又繼武于甲科視其容若言溫如也確如也其行峭如也溫而謙則弗肆矣峭而莊則弗隨矣皆非有意于私者也夫其確而信也則能受盡言故于其行敢以是言進

送沈子宣知山陽序

屠應竣曰屠與沈世姻也而予與子宣爲同年進士云子宣爲進士者半越歲乃拜命知山陽山陽之域俯臨江淮控制齊魯富中都之要會扼天下之襟喉其冠蓋車騎馳突下上者輟輟殷殷晝夜行不絕方舟漕運沿數

千里而至集如蜩毛進如鋒矢歲以數千萬計其行李往來者倍之是海內之劇邑也今之上則又有臺憲督帥郡守之官位尊勢重操尺寸嚴叱咤無敢抗者其民朴而貧力農務漁敏勞任役故植生之難而死亡繼之矣子宣宰是劇邑撫下安上可不謂難乎雖然劇而困者徇人者也難而躋者自徇者也有所徇則氣阻氣阻則志移志移則力餒矣今夫所謂令未爲則思避也旣爲則平之而厭也暮而聲弗揚則恐三年而弗摧則大懼矣是以官爲寄以職爲累也迺其間或潰貨而沉千畧而譎眩民而飾說上而靡肆慄而厲非徇已卽徇人矣有不困而躋者乎子宣之爲山陽也苟上體 聖皇建官保民之計下軫元元從上懷生之情思易園艱貞于厥度其于久近戚樂榮寵之故淡如耳如是則志定志定則氣昌而力堅任必勝矣又何困且躋之有是故匠不擇木刀無釋堅惟劇且難

才始畢見山陽固才者之質也隱其才而弗試其誰知之周書有云罔曰弗克惟既厥心心苟既焉弗克何慮矣子宜其勉哉

江西鄉試錄後序

皇上招選俊良翼我嘉靖既七年于茲爰納廷議新舉試之濛矣臣襄臣應竣寔受命有事江西時則相顧愕曰艱哉偲偲乎貴之重也惟誠有孚惟公罔攸昧其慎而已廼暑月南下比秋入其郊濟彭蠡瞻匡廬則又顧

重刊

謂曰偉哉恢恢乎壯而靈也其人顧弗秀乎既入其境廼御史良材而下揆物班事靡敢不恪則又顧喜曰諒哉休休乎體上意也士弗奮庸而承德乎廼類士所試而終闕之曰確而周知精義矣紓而弗踈麗而則知言矣敏而斷正而能濟可與謀矣義精則達知言則明可與謀則殺是弗當舉乎于是舉者九十五人而簡錄其文以獻臣應竣敘其末曰若古鄉士之選不惟其途國家采酌

並用然卒重科目矣至是命廷臣司試事

蓋視昔益慎云則興茲舉者自視愈弗可輕也夫士之處世博節高議戚戚焉有不逮用之憂比其用也庸有罔功者矣諸士固明揚待用者也其嘗懷所以自見者乎行而違其言曰儉有初而罔終曰悖二者非君子所有也故體用內外一而已厚積者昌本固斯茂君子之學培其中而菹物裕矣士罔不欲爲君子者而或儉以悖何也夫可欲斯誘矣畏

重刊

士

斯蒞矣艱斯辨矣易斯忽矣偏執而弗化斯廟矣時可進而務趨斯蕩矣志眩于中而守喪于外豈其才之罪哉是故仕以行道非于潤也以惠民非擇位也易履而志同異授而自任重凡以無愧焉耳今夫楸楠梓杞諸木之良也工師者擇焉楸楠宇棟隨所受無弗當者夫人懷寶入市而棄之中衢曰凡以眩人而已顧不大惑矣乎詩曰藹藹王多吉士惟君子使媚于天子又曰藹藹王多古人惟

君子命如于庶人言吉人之用而宜也諸士
所哉

武舉錄後序

維秋九月武會既同將報成事于上臣應
竣乃稽首而嘆曰休哉不降乎是治之昌而
教化之淪洽也形效斯觀矣今年春臣佐一
二元僚典閱文試其言宏肆而揚厲至于終
篇經武之略益有餘規焉逮茲試也借右論
德臣治暨諸同事臣授冊覽觀之言斐然殊

武舉錄後序

三

章極王霸之謨用究孫吳之精要援古往以
證形實馳仁騁義異慮同程則相與駭曰是
所校騎騰步蹕射命之力貫侯者歟何其文
之秉道式經備雍容揖遜之禮也臣于是知
文武士之具材矣昔者先王馭世戡亂定興
弛張並用才賢馮生則亦有靖內攘外附衆
威敵不二心之臣周懿兼美立國家之藩屏
焉至于六月之詩稱吉甫文武則周道粲然
復振中興之盛于此其徵之世詘道離取舍

異嚮秉文者黜介士弘武者譏儒行聖王全
備之道缺而弗章明興以來威德肅昭統
一皇度主上承天續服建文武全德
作之表極耿光駿烈觀我二祖綱紀禮樂
天地爲昭焉凡在函夏莫不循承休用踰躡
純景至于紳掖受矛之士雲從颺馳胥應于
世皆彬彬兼有其能得人之盛于斯乃見非
聖人之化之所顯冒則士之興也其能若此
夫武者猶謂閱武肄兵授文不足以得士夫
文之用固莫殊兵也屬事錯辭然興于其
意是將之主而三軍之仰令也閑徐衝擊進
退從律批亢擣虛隨意出入是堅瑕之交而
奇正之攻取也故能因形變化制思于不窮
非天下之至爲兵者莫能與此而謂是不足
以觀士其然哉故臣于是舉也竊意必將得
人焉而益徵我皇上治化之洽嘉士之得
蒙其盛也至于建置之式共武之臣暨胥飭
于多士則臣治蓋先述敘之云

武舉錄後序

三

武會敘齒錄後序

夫齒之尚也先王所以教民敬讓修和德之端而執上下之志也豈獨紳掖之士庸爾哉自武功爵興將繇世選往往矜蔭敘席寵溢像交而易有携心凌僇而難爲其下亦罔或馮翼以成駿烈志士悼焉乃者武舉循制英游彙征旣集宴于中軍復私申敘齒之會錄而次之木予得而觀之殊產著之毗與統絳勳庸之裔相指誓爲同盟揖遜而偕列彬彬

南唐書卷九

南

焉忘勢蹈和將以尋世好而共戴翊甚盛美也語曰軍門爲和門不和于國不可以行軍不和于師不可以爲將夫武者聯衆以集務者也故和莫先焉越昔文武之將恭敬愛下靜慎而有禮因民導順與衆迪勤裨帥協心卒伍緝睦是故內無畔旅外無強寇和德允洽而聲績於隆也予嘗觀之戰陣之用也旗幟矛戟金鼓齊一閑閑翼翼異地同律故百攻而不北較弓弩之材也取質于革紉之以

絲膠漆凝液綢密具宜故其強足任也子諸子其無亦是鑒歟比志爲德胥成爲功均力爲勇致果爲毅衆好咸致之衆侮咸禦之桓桓哉是將之所以無兢于天下也苟踴躍齒讓之末中戾而陽浮志乖而靡羣將領相惡部曲讐上妒功而傾成嫉能而怙專天下之事幸成則罕矣法有之至無敗者仁義之陣至不敵者兄弟之兵故曰一人讓敘百夫順志衆心干城兩謀斷金斯和一之必效也子

南唐書卷九

車

諸子慎焉

茅隱君壽序

往予浮觀于江淮長波迤邐委輸無極其蛟龍鯢鱗龜犀珠玦之屬殊暉異質繁采揚華盖目弗暇究也比又躡嵩丘梯岱崇息駕數百里之外瓊草丹芝天琛夜玉珍詭煇耀叢達于其麓子蓋駭而嘆焉以爲是无氣之漸靡積靈毓之致也嘗以是究觀于世邦國熾隆景祚無斁乃有繼晷馮翼之臣俊髦在列

不揚顯休下至紳掖蒸庶之家樹善累世天
苟欲昌大其宗者則有子弟之才庸偉博碩
克自表振而其先人亦因以厚享于時蓋歷
觀靡效也予世家平湖與吳興爲接壤其俗
洵美而好修比進士茅君順夫與予游王立
淵淳儵然物外觀其文鵠峙鸞翔健建雲委
炳焉有漢晉之風予每奇羨之欲考論其世
行以爲必將有本也會順夫奉 詔例得歸
省覲因徵予文爲父隱君壽詢其先世朴行

卷之五

五

力農樂振人之急以積善聞于鄉蓋代有厚
施焉而隱君更坦中無管憊慨博愛喜交接
大夫長者予于是始喟然曰是所謂山川靈
毓發之詭異之珍者耶其真有本于世矣夫
闕積者銳發厚壘者激流惠敘洽者逾恒而
篤享天道之經也故曰善濟則昌實乎則光
世之才子弟若順夫者予所鮮觀則其後報
奕世而食休于隱君寧有涯哉順夫歸爲予
三致言頻首稱隱君壽其令順夫過來茂績

自樹以益昌大其宗而隱君方優游耆耋歛
錫榮祉引聲光于無窮則固厚自信于予言
而益以是博觀于天下無爽也隱君居南溪
因稱南溪叟今年蓋五十有二齡矣

凱雅序

乙未冬十二月河南妖賊高寵叛先是寵家
扶溝依山構祠詭言鬼神事巧發微中百姓
日謁祀祠下稱神君或自他郡縣來輒委錢
帛去黨至千餘人巡撫中丞簡公下令檄捕

卷之六

六

衆弗可公曰不然禍本昌矣愚民易以聲眩
難以理論衆集尚譁可怖而走也遂下令衆
解殆半寵率餘黨反攻尉氏出死囚益張旗
幟建名號發兵且西公議以 聞衆又不可
公又曰不然貞臣無匿瑕無遂事惟職之共
乃立疏 上時變卒起中土震驚民往往竊
匿山谷間唯京師亦訛言甚 天子親召二
三臣計兵事公內謀淵覽弗竣報命輒會巡
按御史李君錫命都指揮胡永錫總閱戎器

簡精卒千人往先摧鋒命參政查應兆副使
顧鐸僉事駱顥王昂袁士奇各守封守保司
分民豐稷糧簡甲乘聲爲軍援毋逸奔寇命
布政孫懋胡繼宗按察使李顯都指揮王寧
若諸采察稽府庫揆武衛詰奸暴先患祇備
于是官軍進逆寇於鄆陽大破之遂追獲於
真陽全汴底安 朝野胥宴凱闡 詔錫中
丞公以下金綺有差仍命偕御史王君錦簡
諸臣之有勞者燕賚之有衆矢歌爰頌成績

卷之九

六

大史氏覽焉採周人賓饗盡下之義名曰凱
雅敘之曰予之使汴也適觀凱燕班軍庸左
使胡公蓋語予其故云于是作而嘆曰嗟乎
夫事未有不崇于斷墮于疑也易曰幾事不
密則害成言斷未豫也夫弭寇者碎救水火
然燎原決陂流逝奔轡馳逸機激不瞬息千
里而蒞事者方比重植材于徐埃其自定則
害之漸靡鮮有幾矣 先皇帝時流賊劉七
等倡禍初才數十騎耳兵追及之竄大澤淤

中一晝夜不得出分必死衆旁睇弗敢近乃
遂橫驚奮擊曰國無人焉蹂躪齊魯膏血河
泗達官長吏死鋒刃者以十數其弗良有司
扁城邑而走者無筭也川蜀藍廖之始也亦
然近歲青源之旅大同之變卽十夫之力傳
檄而定弗難也宗臣喉言和剿靡決師老于
外財糜于內 主上惕焉憂之屈策捐忿嘔
煦遙育介然猶懼其弗若也屢乃得之吁亦
殆矣卽寵之殷也講張幻構衆流千百非若

卷之九

七

烏合寡儔爲舉雲散也中原曠騎馳突往來
非特阻山阨險睢恣自佚竊旦夕之命已也
中丞公先事獨斷解其羣黨執止渠曾七日
遂大定全河洛數萬元元之命省國家經費
鉅億萬計而海內鮮言其勞縉紳先生靡究
終始予甚惑焉語云張豎罔功射兔有庸殆
謂此矣予職史事專紀述得詳厥原告之來
茲云耳

贈侍御王君按閩序

侍御王君按閩有廣而頌者有什而雅者史
竣氏於其行也告之曰夫命使之按于有土
也其省方之遺意也夫事權莫重焉執之莫
或撓之軒之莫或輕之擊之莫或植之執重
馭輕受命無敢貳苟有利于民社匪國制奸
者咸獲便宜繩之不從中覆今茲之按省方
之遺意也事權莫重焉惜也今是其役而漸
靡否也執之或撓之軒之或輕之擊之或植
之其卒也薄書嚴期會焉應趨差謹放焉將
迎供億之疇臚過而下不及焉日斤斤務職
舉以爲替粥粥焉惟歲易之期之盈又其下
也餒焉衷欲而色亢暴也是其不覆位而民
詒罹者世其幾矣按之郵與按者之郵也福
建古閩粵地也僻在南服俗醇而人樸自晉
以還稱名土焉得王君而按之其敝也免矣
自予之識王君其立朝也履方信道與異非
同其按圻甸也刈剛佑良先聲所臻貪嘿者
之去窮日力焉此其犖犖大者今茲之事舉

下學集卷九

手

而措之而已夫號爲人上者非民不康又之
患立而不自克之患苟慎自克又何溷焉故
予觀王君而知其免于敝也王君曰然何如
史竣氏曰按者所則也非則人者也按者所
藉也非藉人者也按者所警也非警人者也
是故監司窺之以淬竅其節羣黎視之以息
耗其風姦充偵之以冒寢其惡國家賴之以
休龐其治故按者必匡已而後率人此居身
之珍守官之大節也官之所邪也則言行以
爲消是故可言也不可行君子弗言也可行
也不可言君子弗行也故曰言之不可再行
之不可復者有政者之大禁也而況于不可
行不可言者乎君子慎此二者雖天下將裕
也於省方乎何有子故觀王君之素而知其
慎自克以乂民也

下學集卷九

圭

王氏世行錄序

某曰予讀相山王子所緝世行錄喟爾曰美
哉優優乎有來也哉今夫天下之稱珍物也

未有無本者焉隋珠淵鍾下壁嶽韞九鏐冶
鼎孤桐中律重丹流赤淳藍出青物誠有之
而况君子之世乎罔躬惠而覆裔瞻已債而
熾比積善累德終裕苗胤若王氏之世濟厥
行以有相山子也可不謂然哉抑余觀爲人
後者非其先不淑之憂而忘先美之惠乃或
貴聞賤目眩遐泄邇人有輜德菲善則中祗
表宣述之猶若弗逮至于壘勢階利固交途
昵則于其先碑銘頌述商譽浮情張細閱巨

南華集卷九

圭

極然道之尚懼室之爲過顧其身先世懿美
則沒沒罔紀類湮滅弗聞于時舉而問之猶
默無以應是抑先業而拘囿之也忘本孰大
焉是以其究也辱身不以爲尤毀名不以爲
垢何也以爲莫貽其先耻也相山子歷職館
署晉司封大夫邁道厲節寅恭在僚跬步之
則周還之度夔夔若將有越焉所以張皇前
休而揚聲厥嗣者穀乎其至也乃又纂錄往
行彰而布之次世以詔遠念祖以繩德前無

遺燬后罔忝事皇皇哉著思若存可謂能有
終矣是故君子愛親以守其身敬親以求其
名則奚尤且垢之有此迺傳之所謂純孝者
乎非純孝孰能不忘其本若斯也哉

贈曾少參序

夫人臣之事君也徇祿者虛榮積勞者實舉
故非高位艱致之爲患也畢慮宣猷服勤履
節竭知無反謀盡誠無餘計致義而遺利執
直而輕患處危若佚素位弗佞則庶乎古之

南華集卷九

圭

道哉今之少參曾君其有是行矣曾君舉癸
未進士時上方優容聽納延攬羣言詔選
試進士補臺諫官諸進士彙踵待試惟恐不
得爲臺諫官者而銓部召曾君試獨不往尋
乃除祠祭主事時創立世廟議通太廟壝垣
曾君上疏力爭忤旨左調外任諸臺諫爲論
救三上得請宰臣脩明倫大典召充編纂官
復以非職抗辭於是直聲益大起士大夫知
曾君者無不擊節稱嘆緝緝衷慕之謂將亟

服大僚以有所建立也顧歸居數年還補主客郎中昔之知曾君者落落各去而曾君亦未嘗施伐於所不知曾君者也竟以久資出補浙江叅議浙江方奉詔採鑛夫利民所死爭也奸宄或以搢民而內使且乘機漁奪曾君覽利害救德厚以身禁緝內使內使心害之終論之朝逮繫錦衣詔獄徐乃得釋調福建叅議云余竊觀今之進言者其盡忠弗回不可謂鮮也其或纖舉毛舉釋鉅爭細非

南華集卷

書

必冀上之必聽也緣是而黜則曰始以言黜終亦以言陟故諫則近實直則近名是以言為餌也揆之憂國愛君之忠則非矣而論者率避其名不數年越遷大位猶若有未酬其昔者然則廟切之禍其仕進之捷徑哉又其不然則一蹶自廢悒悒欲望更白為黑萍鳬於天下雖至辱身而不自汚易執而不惜以為世之莫予知也是二者有賢不肖焉其相去無幾矣曾君初不欲為諫官乃以諫著

冲然若無深晦弗迷繼以久資補官翊翊益慎無所干悔竟以修職構奇禍可謂忠未盡顯信而取疑矣顧言論風旨無少下人者以為一日居位必上不負簡下不忝事遇為美也厚建弗拔堅抱弗脫大直弗革曾君其猶行古之道哉夫人之忠也以人知之為賢曾君則以不欲人知之為賢故人之為忠而有以為也曾君之為忠而無以為也余高其誼遂述而贈之

南華集卷

書

送張湖州序

予觀秦晉之墟蓋多峻朗弘毅不羣之士云張子者晉之選也初與余同舉進士簡庶吉士時宰臣務更革制典出諸吉士于是張子知三原三原之政稱明焉入補兵部主事進郎中凡兵馬傳置諸務豪滑所窟穴者釐革幾十九且六載再考績矣則又出張子守浙之湖州余謂出守為紉資張子顧愉愉不決旬以往居應境曰嗟乎君子之仕也以行義

履道不越而已也是以榮莫大于守官顯莫
過于達志行莫病于尸祿耻莫尤于內疚而
爵秩之崇卑無與焉夫郡之有守也以君千
里長萬夫位尊而責重不可謂不榮且顯也
君子將不稱之懼矣其奚紬也夫且今之所
謂榮與顯者紆金襲珠出入巖廊之上雍容
高議終歲而無民事是其身則誠足安也然
未知其職之所共也是故侍幃幄不能據處
畢誠奉 明主之弘休而規箴其闕坐廟堂

書

書

不能侃侃正色表儀羣工振清明恪慎之風
司論列不能察利害陳得失糾違弼直有端
勁恭靖之節管管焉予恐不能無疚于其心
也至于歆歷州郡典司民牧又感感心自恨
無所振施加貶于其下容容史史冀一日之
陟以爲樂則君之所首以又其民者將若何
而已也嗟乎其亦植之表者弗震而化導漸
靡積輕重之過哉是故先王之立政也擇才
布位出入均勞遠邇一體中外第遷賢哲胥

進勢無恭重焉故能杜僥倖之門絕財賄之
途殺固寵之志僚庶躬躬旦莫無愧思媚庶
民以承天子四海之內軌清紀順休烈弗闕
而頌聲流浹也迨夫治之季也士大夫貴內
賤外悅逸惡勞安冒進而耻事實居朝爲尊
親民爲卑苟簡之習成鞅掌之嘆作君子病
之而弗能返也嗟乎殆矣往予稽故實知宣
皇帝時加惠天下嚴親民之選乃畢閭閻郡
缺九守焉勅公卿廷議推能得况鍾以下九

書

書

人 帝躬臨軒勅治錫燕賦詩世咸以九人
者爲榮其在郡則皆矢力布忠勤民善治蔚
然爲當時良吏是以上下豫康政不逾朝而
天下咸度固憂民之効而化導之功也今之
執政者之簡守于湖也其將體 宣皇之遺
意矣乎抑不知其將推是心於天下郡也否
乎張子乃亦有九人者之風乎語曰豈曰無
之安適行之湖故雄郡也其可行也矣又民
者弗濡也又浚之弗植也又棄之湖之民病

也又矣張子其將博恩廣施舉利舍害使封域之內咸獲嘉祉濡而植之矣乎夫拯民於沈溺奉至尊之休德其與居尊而無所建明孰爲榮且顯也使徒懷快快之志無本末短長之効與云云者等則予也將不敢有虞于天下矣予也曠祿而內疚者也故於張子之行述而告之

秦泉集序

夫詩人聲之精者也志感物而氣宣音比律而節會言該有象思入無垠變化協天地之

章情狀接鬼神之秘摛草木之賁藻爵鳥獸

之麗文寄興乎風雲舒嘯于溪谷雖巨細殊

揆而神理同原如瑤光火齊不施以丹堊縣藜結綠不繪以銀黃雪煇含暉耀燁吐曜乃性情之極致而道德之流行也迨夫排比作而大義非雌黃勝而遺響絕雕玉駢巧飾羽眩奇晉魏以還大雅不作浸淫逮于陳隋侈靡日流六義總廢綜華究實中盛于唐后有

作者則以唐爲宗矣明興統一經術詩道未振而緝熙藝苑朝不乏人至成化弘治間寓內晏寧協氣充滿薦紳先生得以沐浴膏潤枕籍圖書闡曠抽玄銜腴絢質反衰世之絕軌彰熙洽之懿休纏纏洋洋天下靡然興于詩云于時學者率祖杜氏近乃崇尚初唐而彼此互觀聚焉虎煥譬則椒蘭菌桂殊榮異質而各麗其馥球琳弘璧錯陳閭列而名擅其精不朽之傳埃諸所好豈不猶今哉秦

泉黃子名佐字材伯以嶺表之秀弱冠登庸

操珎麟臺蜚英玉署才致超越有雲霄之舉

久矣既乃反駕碧山濡醇羣籍龍吟瓊海鳳矯羅浮發之聲詩會詮條貫觀其五七言近體雄深麗逸旨遠格精足以入室王楊升堂李杜至于賦樂府古詩兼總古今旁通音調端方入矩圓融出規殆憑軾而馳漢魏結轡以馭風騷也夫其以冲曠絕塵之思闡肆博物之詞大者該九閭遠者披八紘高者擊膠

葛之上細者析秋毫之內利若刺刃光如連
貝辯合懸河捷擬遺風調六間于黃鍾齊九
莖于大籥寬電激光乎青几咸夏作聲于素
札可謂學林之鉅匠昭代之名家矣昔唐盛
時張文獻公九齡亦奮迹五嶺倡雅中朝峻
節微文爲世名相典刑靡爽遺集具存卽泰
泉子所著體裁無減而篇什之富過之今方
視篆南扉羽儀東禁他日列位台衡勒名
吳鼎宣經管之休問播雅頌之元聲以黼黻

居漸山蘭暉堂集卷之九

手

大猷襄潤鴻業豈徒儲芳于尺梓銳意于空
言哉集凡十卷其門人李君時行尹浙之嘉
興因携刻之屬予爲序泰泉子于翰院爲先
輩嗣又並官官宋子歸卧山中心所嚮往究
觀終帙敘諸簡端世固有以予爲知言者爾

居漸山蘭暉堂集卷之九

居漸山蘭暉堂集卷之十目錄

碑記

任丘縣王君河碑

勅建太平寨忠義廟碑

上壽堂記

陳氏祀田記

雜文

述諫

行原

鳴榔解

仕解

雷解

說弓

中麓說

讓陸大夫文

書

與陳約之書

與呂生書

屠漸山蘭暉堂集卷之十

任丘縣王君河碑

任丘去京師不數百里當燕趙齊晉之交水陸輻湊河自滹池而下東南至河間又東迤于郎莊滹流縈紆又東南匯于陵城凡商賈之所貿遷區野之所浸漑百利是興腴壤攸賴也數濬弗若泉源堙沉淵藪墳墟荻莽載望于是民寔病焉蓋歲且十越矣邑大夫王君齊至之暮年則喟然曰夫令民者將導利

而胥播于下也民賴其利而淤其源則焉用

二

令矣乃鳩工量材乎上董下物土之經因其便故徒庸之費取諸羨資順民如流民趨若赴不踰月而萬衆之功聿成蓋邇源而達于邑凡七十里廣十餘尋亘以巨堤裒若橫帶較之往昔形利無倍焉邑人士則相與言曰嗟乎夫自吾邑之建而水陸之勢無便也自斯河之弗達也陸輓車擊肩負而蹢躅凡百穀之任千夫之力弗若一舟之致也引泉鑿

流抱甕行汲數里而一罷凡盡日之功不若瞬息之便也今茲之有河也舳舻鱗次帆檣下上千里之材五方之貨陸弗能致者不踰日而集于城下矣四民之所往來習勞而就逸者不行役而濟矣室廬相比周城而居挹之河而注焉若家汲而戶輪之足矣夫斯河之浚也王君之澤弗可泯也廼遂稱爲王君河云而邑博劉生達等敘其事乞文于予予聞而嘆曰懿哉所以名河之誼乎予讀召康

公之詩曰蔽芾甘棠弗剪弗伐召伯所爰又

三

曰弗剪弗拜召伯所說夫甘棠非召伯所自植也非有滋溉樹藝疏浚培築之勞也而甘棠又非有流衍汪濊之澤也愛其人思其所說猶曰召伯召伯者焉而況于經營數引心力周咨之所建者乎惠流者思功達者世渠稱鄭國井美耿君秦漢以來未之有改也夫高城深塹邦邑之所以爲固也禦暴與利循良之所以未喪也夫斯邑也任君城之是故

以任丘名焉至于今民猶載矣后之言王君
河者則自今始也重休藥美播之無疆其將
有徵于斯文乎銘曰

壯哉任丘翼燕控幽瀛海外靖范源內流陸
次萬穀水集千艘沃原膏土厥壤可游河流
泌泌歲久而室彼流渟斯蔓焉沙磧方舟絕
維隰原罔績歷歲伊久民用胥戚惟我王君
志淑而明日惟令職政在惠民河流弗達利
源是堙迺洪誥治身率以勤下令若流民赴

重刊

四

若決堤障雲馮鐸春烽列丁弗知億儲罔告
竭崇功隆隆成之不月慈彼河水流之云云
濬源自東匯于茲城行坤發潤應乾煥文淵
泉溥博元功聿新翼翼重輪斌斌浮鷁晝夜
交馳百里一息纚纚五財川至林立洋洋甘
流家濡戶給慈彼河水流之漪漪形澄內朗
玄德涵虛惟我王君惠流在茲至平偏物止
鑑無私於惟任丘任君城之惟邑有河王君
管之河流冲冲桓桓崇壘二君重功萬祀攸

同

勅建太平寨忠義廟碑

史竣曰休哉淵淵乎先王之御天下也賞不
遺幽罰不淫遠惠流而不費威震而不存風
被澤動功洽后世所以導物開化經世軌俗
者遐乎莫之敢忽也高皇帝剪馘胡元昭
真華夏而燕朔諸州喪淪于祀者亦始復我
帝王疆土之舊倬德天地邁功湯武越既首
環元忠臣余闕及殷祀先代休烈懿臣肇修

重刊

五

天常茂建人極百五十年來朝有批鱗定
野多死綏之士雲蒸霧變異世同揆皇皇哉
及一變之功若是至已皇上綏文詰武
萬宇和洽越十有五年侍御金君敦華奉
命按畿輔諸關軍事建節還御憑阮遙覽于
是憐焉悲曰是地也周陟諸胡分勢强虜豈
無干城諸岳扞外勦內甘死蹈節之臣乎豈
無膚饒腹者袒刃決背楚部陷堅致命不二
之士乎此而不錄以勸難矣于是疏建忠義

廟于沿邊四路以分祀死敵諸臣而是廟則
隸之太平寨云廟祀官軍周朋而下若干人
博采羣議允若輿望獎義貞度庀物稱勞不
踰月工迄成介使者來徵予記嗟乎嗟乎夫
王教之作也始未嘗不飭終以玩也匪浚則
湮弗植則仆恒度而時振之故操弗倦而人
靡有匱已自夫教之衰也士知死而不知耻
于是懷二心以事上忠義之道鮮焉故危言
色厲氣溢于平居而微執恐訕醜顏苟難旁
睨則鷹擊豹睥無少下邇預危茹詬承風突
竄者衆也夫大同遼陽謂盡非朝廷素訓
之卒哉感曠悍肆外靡禦寇而亂內訌居若
煦煦備驕子其終則秦虎而假之翼也豈其
性誠異哉耿乎勸懲之未盡漸靡之習非也
是故社金蒙革委誠敵愾者時弗知聞而嬰
禍選悞于睢罔上者或登大僚洞府達腋元
隕弗懲顧死不得以蒙澤其全軀保妻子之
臣從以議之嗚呼難矣難矣斯廟之建也崇

死以詔生樹往以表後是不足恢恢勸乎室
庶放牧望之翼翼而聲聲勇夫哲士過者歎
嗟沾臆其否也未嘗不額感汗願驅疾以睨
也嗟乎嗟乎人之生等死耳其延促于世須
臾也貪夫徇生畜縮竦慄自視恬然久矣生
爲游氣死爲萎草聞者弗知見者罔道哲人
狗義守死潔身氣蒸霜雷騰虹薄星聞斯獄
嶽酸鼻撫膺故義士不忍須臾之久而易萬
世之名不以同盡之生而喪吾弗死未存之
氣夫今而后可以喻也戰陣不果不可謂勇
封疆不守不可謂忠墮職廢命不義之大者
觀于斯廟可以知耻矣予既以廟事文之碑
復爲迎送神辭三章俾祀者歌之侑神焉金
君名燦予同郡人具弛張之才今之名御史
也后世于是乎規政矣辭曰振金兮交鼓醴
港兮蒸俎雲馮馮兮莽蕭蕭靈不來兮日將
暮瞻靈兮鬱紆紆繁會兮九衢靈刻刻兮抗
旗班白馬兮朱衣紫道望兮平原怒日罔兮

如顏揆長劒兮控鳴弦天窈杳兮日晝寒陰
沙零兮夏雪冰鱗鱗兮夜波今天時殫兮厲
兵接洞犀革兮首身裂揆者武兮又以忠威
靈懟兮神愈雄悅昭朗兮旋故官光有俊兮
氣靡終米續紛兮御華宇冷冷風兮又以雨
騰虹燁兮雷填填天聲飛兮土爭怒倏既假
兮惠成焱遠逝兮揚於橫北海兮歷幽雲都
恒霍兮偶列星歲事秋兮為民正登警虜兮
振靈武徒呈皇兮植戈以舞

上壽堂記

今天下江南稱嚴區焉顧惜民侈士便巧淪
佚多瘡痍天札之虞崇德為浙西朴邑民驚
而勤士質直尚氣有長老先生之遺焉故其
鄉亦多黃髮壽考者云周德茂者邑之隱人
也年百有三歲身見其雲孫矣而子男年亦
皆七十餘孫亦年且五十髮番番侍也先是
孫墳卽故基構堂焉扁曰上壽每歲時奉翁
居之子孫相率進觴賀老穉續紛五世咸秩

而賓客婚姻豪傑持酒肴自四方至者方輒
浮駢川湧間隘莫不爭覩遺老頓首而出訢
訢如也予聞之以爲盛事希世鮮觀意翁之
爲人蓋有陰福焉間從其曾孫給諫君游問
之則曰曾大父無他奇性朴雅孝弟喜賑施
人之急常從兄自外賈歸盜劫兄將刃之大
父急謂盜曰予有老母非兄食不甘寢不寐
也願以身代兄死語竟橫涕長潛肉袒請就
刃盜義之并釋兄弟母胡夫人病則籲天曰
文忠不孝不能善事母願以身代母死既又
嚙股肉和藥進母病起瘡亦愈君子曰嗟乎
天之報善人有徵也哉予觀今之言壽者咸
樂生而戚死其于利害榮辱雖至細小輒較
量自便顧助勸勸晝夜馳逐豪芒之利曰
以自養也甚者視族姓兄弟如途人雖衣鷄
懸釜若罔知聞矣身泮萊廢禮法日戕其父
母之遺軀焉至病疾患難則呻吟哀苦縮
自愛惟恐弗延也此其人抑又能捐頃刻之

命脫兄于羣盜之手哉彼待父母抑又能忍其身忘死以重傷否也夫周翁非逆知盜釋而身完無恙也分必死耳即弗死又非逆冀其必壽也顧卒弗死又且壽壽且益高其視今之人躬厚以自延者若以爲可無死也廼或弗壽輒又天以死嗟乎嗟乎予于是而知天之道有微也已屠應垓曰章皇帝時韓護衛朱氏者壽也仍父子繼皆幾百年又皆身見其玄孫韓王上之朝以爲元化所漸被

孝

孝

而治世之人瑞也上下詔褒之復其家終身月賜米石帛二匹乃周翁壽過之而行尤篤厚于有司未有聞者何也抑予從給諫君觀其家多君子長者如周翁亦宜如周翁壽顧不止父子代相繼已耳故予于斯堂也又習知壽周氏者之歲無已也

陳氏祀田記

陳氏于鄞稱世族凡二千餘人至光祿君應和始置祀田奉先宗廟世祀初光祿君爲

給事中奉詔持節冊就封琉球王清國
家凡使琉球者念通海外絕域今有司給供
具甚盛踰等君輒自抑損費減十二比至琉
球方產珠麗一無所問國人服其庶高事竣
歸王清奉黃金一鎰爲使者壽卻去不顧王
清具其狀上之朝詔使者受金再辭乃拜命
金如圭微圓色紫陳君既受賜則以其金購
田十五畝稱祀田田在縣南某鄉畝入鍾足
供其春秋祀事予于是益未嘗不咨嗟稱善

孝

孝

也夫琉球于東南夷最遠去京師三萬餘里
冠帶所鮮被教化殊略也顧能秉執禮義其
視天子之使也若尊威神焉無敢以其土地
之毛有所消請也即所餽金固微裁足通禮
而已猶以使者故上之朝可不謂斤斤藩臣
之節哉政佚之國其臣必頗故雖官市都邑
之吏官禁近者典憲在前刑法在後賸賸流
聞猶若無畏也而使者于海外恪忠無私交
抗節沉寔潔身無知之域足徵我中國風教

燬基 主上湛恩天需涵濶沃邇獎共靖之
臣優守藩之國昭德布齊褒應如響情之所
通裔夷弗遏休哉君臣之際乎而君之懷

上之賜也無敢以爲私藏比義聯族追遠敦
孝樹之土田殷薦宗廟以昭事其先人錫厥
胤嗣所以示后世誼至休明也煌煌乎諸美
備矣往予觀太史公傳陸賈謂曹使南越卒
令王佗稱漢臣受其賜索中千金裝歸具車
馬酒食歌舞愉樂以爲賈善夫南越悖慢易

附錄卷之六

主

漢其于琉球無足論較乃賈爲漢使多私受
金弗以聞徒持歸事產極欲爲樂此與陳君
處琉球金事相去殊絕而儒者論古人輒以
爲卓異不可及此與目聽何異哉予故併記
之以示來史陳君名侃字應和予同年進士
論篤有雅操今爲光祿少卿嘉靖戊戌夏六
月壬寅朔日

述諫贈給事前給戴若

嘉靖己亥春二月 上將南巡楚服謁祀

先皇帝園陵詔集廷臣議時二三大僚暨諸
臺臣上疏諫弗允給事曾君挺李君逢周君
琬謝君廷臣繼上疏諫又弗允乙卯 駕發
臣民奔走至京西門給事續溪戴君歸具疏
極諫其略曰臣嘉猷伏見 大駕南狩其留
居百官六師萬衆瞻仰戀慕弗忍寧休皇皇
來歸茫若有夫至相對泣下此見聖德感人
戴若父母弗能一朝離也 太子二王幼在
襁褓怙依顧復更萬羣情保育之責至艱且

附錄卷之六

主

重臣惟 陛下俯念臣民眷懷哲嗣天衷隱
紆有獲焉不能自己者矣且 陛下親馭萬
乘涉荆楚之遠彊以卜 二聖幽貞之邑孝
至隆也臣愚以爲天子之孝顧宗廟社稷安
否耳宗社有萬年之安則二聖有永垂之祿
雖玄兆北遷梓宮南附二聖之靈亦必歡然
底逸 陛下令一二篤厚大臣憑神靈奉成
命謹護往來不過三月之間可以卒事萬萬
無患固不必躬出萬有一危之途若士庶人

終身之孝也臣愚伏望 聖駕卽日旋歸使
後世頌 陛下孝德之光隆于二聖而重憂
宗社若此天下幸甚至供億浩繁財用虛
耗北虜竊伺小民流離意外之虞種種宜豫
此在 聖明固已洞見臣不敢言疏具命使
者馳詣行在以聞時 駕行疾甚疏至 駕
已越衛輝衛輝行殿災 上怒甚訥言持疏
弗爲通使者叩頭力爭疏迺得入 上命達
嘉猷繫京師詔獄埃後命乃理越兩月駕還

南

南

命併逮燧等俱奪諫職請邊方雜流一官吏
應埃曰懿茲休乎 國家養士之盛于此足
徵哉語有之庸夫狗身中士眩慮故臣之不
欺者古稱難焉今 皇帝以來予數親見之
矣 皇序紹弘大禮三定廷臣集而諫者數
百人其譴若戍者蓋十之一焉羣言殷興獄
事肇易廷臣集而諫者數十人其譴若戍者
蓋又十之一焉至于禮樂營建刑賞廢置凡
國家舉大政事廷臣先後諫者又輒數人其

南

南

譴若戍者蓋又十之三四焉雖誼違若時忠
忌廟上昧古昔先信之誠至于獻誠畢辭有
犯無隱隱然自謂抱不貳之誠揚厲翼之
志者矣是役也 主上達孝省方述古先帝
王之職軌而諸臣上言者復至十數弗以往
故有所萎蕸也 主上濡謳淫覆無所摧震
而五給諫亦僅得謫遷以去可不謂恩且幸
哉南巡時予職在扈從神人效靈億兆僉應
徒御侍以無恐然往返底勤幾六千餘里追
憶身所經歷則諸臣之言固亦先事究慮弘
保稽謀者也至于讀戴君所馳疏反覆忠婉
蓋有餘愛焉予不覺動于心爲之潸然涕頌
也治朝養士之効主聖臣直之符其煥乎明
章也哉予方職史事欲緝諸諫辭爲五諫臣
傳以示之將來彰國休美而或者乃哂予曰
嚙子不聞周君謝君之言乎其糾 東朝諸
臣也而子亟稱之嗟怨也夫予曰唯唯否否
是不然 國家授諫立官以公嫚惡昭勸戒

風厲士大夫而史氏者且推之以詔後世者也二君子之論糾諸官臣也子謂之盡非公哉而予欲以介然私望匿諫者之微詞則予之職顧墮而二君子之言愈公且昭也于是述其槩爲戴君贈戴君益予同年進士云

行原贈李子大禪

予童子時則聞嶺南有李子矣比弱冠則李子尹錢塘平湖去錢塘不二百里聲相聞也戢戢而明明錢塘之民畏愛焉既又主稅臨

清臨

去

清臨清當齊魯燕趙之會貨數而滲姦商巨賈多豪滑不易治卽李子治之無弗曰廉而剛也旣又遷禮曹予爲同官卽日叩其言風勁矢激無少避性又孤介甚視聲利若在污泥中其聲利人視之亦隱然巨仇也予見其家無官資內一老婢徒跣負子踉蹌行也其婦喪日夕撫其子戚戚而神傷再踈乞歸葬不得請不已人或病李子爲愛予嘆曰嗟乎夫所以爲李子也夫婦也父子也人道之綱

也綱舉而目成就理矣甚哉情之移人乎鼠穴弗室河流滔天寒灰星發之燎原侈然而敦倫交物而售愛故以色投者終必畔友不以信者愈狎而愈猜心難操存而情無紀極禮義者情欲之經也苟無禮義之經焉則其甚也子且失之于父而况于匹妃之際乎諺有之愛母者腹子欺公者忍室旣迷厥原而百行弗飭矣諒哉李子之爲道也誼誠結于心而不可解夫故死生之弗易且李子之

鳴楸解贈黃考功德兆

古

鳴楸解贈黃考功德兆

齊郡黃君德兆仕于朝退耕于海野居數年大宰舉其才徵還郎中道首城止舍舍庭中空夜聞聲焉聲之所起如風颺颺迤颺羣丹

枝柯相樛飄舉升降涓泉若流若然勃鬱激
逸轅鞠疾浪汨截駭騎崩奔綿延抑歷翕協
醴醊迭盛更微若諧或怒恍惚靈變幽暮遶
迂究若有端視不見所邑大夫晨馳而告曰
是之謂揪鳴者也揪植于舍且數百歲矣曠
世一吽聲聞嗶嗶土人志之曰維楨祥理或
晰而莫折事有微而必彰陳寶鳴而節來室
木葉而蹶張鶴鳴陰而爵縻鳳止岐而德昌
宜哲民則以興業典冊輝而垂光也海野子

南齊書

太

來以告少微生曰吁有是哉運化莫齊氣感
斯激應月以潮矢風而疾龍矯雲翔電迅霆
擊予觀夫物之感于聲也清商奏夏木零處
女嘆巍城震彤昭豐鼎雉升宮鐘應銅山傾
風出囊而應嘯獸仰沫而翔廷石何憾而質
隕水何感而淵騰虛管協候空谷投音固無
心以類致亦頑冥而兆靈吾請語子以揪鳴
之微可乎夫人之爲精也撫英韞靈委端于
天體則軌曜智越垓垓故能淪格晦邃徹歷

幽玄所變變動微入無緣也王者循民辨政
鳩度治官裁紛釋憾匡奠以安皇皇羣辟掌
之宰吏明掄周虞登賢斥鄙百度齊均四海
咸乂于寔哲良宅揆繩馭迺今服休采列冢
貳者咸抑皆緝緝濟濟視民若子競競緝緝
位暨于理哉其或誦誦夫詭脛始適狂殫民
厚殖背道自滅仇若秦越刈若莠稂急若束
濕薪剽若振萎黃令鴟仗殺牧羊以狼上下
弗恤隕越爲昌于是羣黎畢連籲天自辜大

南齊書

元

東典註鴻鴈矢歌外易陰陽互睽天蘇斯揪
之鳴恍與爲徒也亦有憑憑俊乂屹屹幹楨
荒遜在野播遺弗賓容瘁楚澤名淹衡門藿
藜弗給山澤長辛圭壁膚玷驛駟棄握窮微
終遷沒身未謫南冠伏縈圍轅執戟天生若
才用之不幸則亦戚慄屏忤情管氣蒸俯觸
草木朐通神明淵撫瞑聽寄之斯鳴子方亮
凝丞弼后先踐斗樞提衡銓選黜蠱吏寧章
化元植登曠哲甄崇逸賢景風四協穆氣不

奸神之聽之福祿來延名勒洪鼎功被朱紱
嗣卷阿于國雅張廣樂于鈞天斯固感概鳴
于茲夕信禎祥之不愆也

仕解

菁山先生第進士仕于 朝者一年補蒲圻
令凡從先生游者咸弗懌且曰惟先生亦將
弗懌也以語屠生請其故曰內外之仕異矣
逸勞戚樂夫顧弗異耶曰然則先生無弗懌
矣應竣亦無弗懌于先生夫仕求行其志而

南華集卷

辛

已龍蛇之蟄以求伸也鋒刃之利以試堅也
夫志求行而已夫逸樂以榮內者將志行而
職舉耶抑由由焉淹歲月懼過譴爾也故矢
言匡論紆謀曲計而格上以宣澤者鮮矣敦
化操法據典任怨序職糾違而剴以遂于下
者鮮矣不可行而言贊也權弗屬而欲行罔
也任其事而弗能行尸也欲行而衆弗一時
弗便諄也其志果行也乎哉而令也莅位而
上安序屬而下率布政而人歸令出而罔弗

服而又近民而威惠之施也便故公卿失色
于國都者令得專制于一邑矣而謂志果不
行也乎哉予未知夫馬之良者與奔躡飛電
過如飄星驅策下上弗駭也踰太行超函谷
竟日而致千里夫然后才始畢見而驥之名
稱始殊今夫選方之獻天廐之畜非盡凡馬
也然逸而弗御飽上樞嘶豐林日羣于凡馬
之中而才不一試選焉無聞是逸勞戚樂致
焉者之殊矣先生厚積而悅施慎修而務濟
志行于仕而才見于外其奚弗懌之有先生
聞之曰生知予哉生知予哉予固無弗懌也
夫知予之得行而弗知予之弗善于行也如
之何屠生曰應竣固有以知先生矣昔予事
先生者三年問為令先生曰政在儉儉則弗
取人故民安民安則愛生而務畜罔弗又矣
應竣識之他日請益曰政在和衷強曰抑弱
曰保姦曰刑枉曰直皆所以牧民也殘弱侮
枉賊善也畏強怙姦牧不善以敗善也故政

南華集卷

辛

乖而民亂矣二者喜怒奸之也喜怒奸其中
斯好惡紊而善惡靡所定故曰改正也正其
情斯和衷矣應綏又識之是故端儉正則和
物審治二者爲治之本今之所難也而先生
言焉其顧弗能行乎且先生之教也不苦不
甘引明而通蔽夫善教又聖人所重矣秉二
善而教以導之其奚弗善之有詩曰爾之教
矣民胥傲矣

雷解

己亥秋七月朔雷擊 奉先殿右室是夕鼓
樓災宗伯稽古陳議請明黜大僚以勸天戒
于是司寇屠公僑南宗伯呂公楠請罷詔可
僉戚戚心異之以爲黜之弗若也史某氏解
之曰吁夫天之赫怒以威也爲雷爲霆陰薄
陽摧隱轉若巡斬訇若追颺揚電矯號號虺
虺磅礚鬱律礚薄迅越千轂駢擊萬礮虺伐
駭氣漂奔殺機闕發當是時也丘崩嶽遷魑
潰魍魎幽人秉危儵忽亡魄窮暴失勇象卓

喪力子婁罔施其精拳都莫措其疾行若負
刃更安得穴身眇定舉面鮮恒色及究其所
摧滅也則號得免先逆脫疇戾迪而抵攢武
轢擗而罔戛不滔之命罔渝之理亦逸而已
矣廼或嶢華挽瀉其石虬木摧折其枝故宮
焚薨雋宇壞桷釋此糾彼其故何與天道恢
恢當威見值逢衝則擗遇披則入固非斤斤
以哲微纖纖若飭職也將嚙噬慘嚙致毒所
觸隱若虺場云爾哉今夫萬乘之怒九重之
威嬰嬰赫赫亦猶霆雷也劇然廣運逆意則
誅珉瑜在御當者爲奇星脫函車之獸網漏
吞舟之魚故愛之加膝憎之首履惡之成屋
跌好之生翮羽慘煥爲冬春進退異虎鼠崇
之則跨騰青雲之上抑之則委塗黃泉之下
朝握夕損安論潔污猶之雨露所潤日月所
臨函氣者育失化者零豈云荃蕭之芳賤騶
拂之美惡鸛鷺之驚與仁哉雖然天不可慮
道不可幾仕無常遇士有恒持嶢華不以顛

石損其形虬木不以折枝毀其幹君子不以
罹阨決其維是以三閭九遷而未悔孫敖旅
進而弗愉展季抗述于三公姬旦孫德于碩
膚豈其情之爾殊哉固以義爲不可離也故
齊得齊失達人之極融融娛娛味道之腴遺
物定志守德之止改玉改裳不改其行至人
恬漠與道翱翔損華宅實時暗久彰斯非美
乎且聞之舉世同好矚然莫消慎修可願神
聽不怵火齊彌光乎莫眈大屈厲質于重銷

卷之三

七

隋阿別利子糾紛新栢辨節于後凋衆庶憑
朽乎株木賢哲蜚聲于寥寥二先生者獨行
不懼脛世不幽覽輝千仞德音矯矯詩曰潛
雖伏矣亦孔之昭其斯之謂與至若堅礪于
砥絲涅而緇鏤剛以折荃化爲萑蓬則去窮
易執射時則固二先生之所議亦非僕之所
敢知也

說弓

有持大黃于市者勁柘疾角深劬固撫力中

六鈞質素而弗緣三月而莫之售歸取敝頭
而飾之穹隆重形象幹珠璣稱價千金觀者
忘瞬于是通侯諸豪互市疾得持弓反走道
逢飛鴻繳矢而射之矢墮車下弓分爲兩惶
惑慙悞俛首盡氣終日而不敢言也嘻虛病
哉今之用武者其若此矣古之論將也惟其
才不惟其類是故舉于國族于大夫士于卒
伍甚者于管庫奴虜曰求任其事焉今也惟
其世不惟其能所推轂而遣分閫而治者非

卷之三

七

帶礪綺紈之子不與也聖金貂披紫符若兒
戲然寄空名于三軍之上耳至其蓄縮逗撓
邪掄外玩身不以爲耻而任者不以爲非曰
制也習有故焉題今轉漕之法也令甲曰服
勤而事集者三歲而陟不問其等是不習有
制乎然所以僉揚而延簡者非指揮又不與
也迺千百夫之長也瘁力殫知督輓而會期
終歲逾紀老死不收上有世及之私下多抱
閹之怨嗟乎以勸難矣千戶羣君巨川武而

才者也督漕于今七年會有制武官得入
粟市級署事于是羣君入粟爲指揮得署事
橫金衣朱入謁屠子屠子曰善勉哉君之才
大黃之材也鬻之七年而不售今也幹飾而
賴文行且爭市而服矣其毋敗于飛鴻爲市
者所醜以呈六鈞之功則僉揚而廷簡也其
弗自茲始乎予且觀矣

中麓說

往予觀于岱宗循徂徠而東岡嶽鬱岬破峩

中麓說

庚

嶙峋奔崩而前者蓋目弗及覩也又東沿章
丘登胡山峭蒨迴複岑嶠參差中峯穹窿標
野異狀遙瞰滄海蒼濤在下極扶桑迎朝曦
潮波汨起光惟詭絕不可殫盡其陵麓宸隆
壤埴彌望稱齊魯之膏腴焉蓋元淑之委奇
而仙靈之都也故其地亦多鉅人長者有山
嶽之致焉司封李子伯華嘗居其中自稱中
麓子時與予道胡山之勝欣然樂于予心若
再游其巔歷歷睹記之也予嘗謂學士先生

之于世也雖靜躁殊軌取舍異途然大約可
知矣道巖穴者紉朝市計富貴者羞沉淪孔
子曰道不同不相爲謀信哉嘗比而論之不
賓之士絕塵高蹈蟬蛻于塵埃彼其視世若
垢也故踰然而自清雖失其中行然志意足
高矣至于貴顯廊廟邀焉山林之思則將浮
沉洪濩局促寰區營營與利馳逐也顧身沒
而名不揚諺曰注瓦者工注金者家何者得
失愈厚則內視益取也今之縉紳樂仕者亦

中麓說

庚

往往雅志山林至命以自謂然矯易去就則
相遠遠矣豈所謂道不同者非耶古之哲人
行泥而乘雲身處煩囂之中神馳劍曠之域
豹隱龍翔鳳覽蟄屈得時則行知難則退翩
翩居貞其于富貴巖穴無有也故能揆道豫
慮抗志潔身垂休而譽無斁矣豈若牽帶撓
忽入而不出如世之爲沾沾者哉中麓子鐘
毓靈會潛居玄思所以周矚迅觀制用于世
者深矣故其仕也矯乎嶽岑淵澄山峙爲時

名大夫乃其踐治官進退羣吏必將屏黜榮
僞匡鎮流俗獎寥廓之高蹈振阿澤之幽人
使縉紳平居自厲有誚身不辱之節則中麓
子于胡山之致得之蓋益深矣若夫沉冥物
外盤桓崇壑習勝而不能釋則東人士之所
共于中麓子何有哉

讓陸大夫文

天子熙寧海內宴然無非意之微與禮飭樂
絃和神人乃肇建 七廟紹隆古之上儀垂

南齊書卷之

卷一

範罔極復繕治諸宮室臺苑示後世無所加
也惟時 詔二三文武大臣經理諸務司空
紀材百工協敘于是武大臣侯助論奏工曹
主事瑞杖工官某死下詔獄維治陸大夫幼
淳時為繕部郎中上疏曰臣時雖言臣聞為
人臣者毋曲言毋遂事宜和協誠靖共厥位
否則有刑所以杜不軌懲壅蔽也乃主事瑞
素未與工官某接何得輒杖以死武定侯助
習怨瑞輒誣按且弗集諸經理臣擅署名進

御所欺罔詎上大不敬請逮治臣時雍病憤
不任事請罷謹昧死言詔下御史臺御史臺
奏郎中時雍先事規禍宜併案乃謫陸大夫
提舉廣東鹽司諸公卿以下觀大夫者率咄
咄為大夫頌枉史應堧見讓之曰嗟乎陸大
夫來若有罪吾數以責爾若聽毋忘夫有國
家者厚府藏儲錢穀豈有他哉將以建事而
快意也今 天子創立鴻業鳩管駿功是故
其用財宜若建瓴之下焉民趨之若涌泉之
赴焉雷震響馳衆舉雲集而後不日之程可
稽也迺大夫躡躡細靡底勤夙夜計徒經物
出納辯等其視公府之積也若私資焉殫慮
繁度而弗忍釋也衆庶懷怨豪強切齒下不
以為恩而上不以為便是大夫輕重易揆罪
一宮室迺運輪宇炳奕金壁之光垂垂燭地
聞者愉耳觀者逸目其幸就而見之以為神
仙之宅帝天之廷莫不大喜崩角悅怡而歸
而大夫稱首功乃獨俯而戚曰是國用之所

南齊書卷之

卷一

鱗集民力之所輻湊也是大夫欣戚伏情罪
二諸工聲殷大賚駢及上自徹侯公卿下逮
攻工胥史無不蒙被渥澤命筵授几被絳衣
坐垂垂交輪左持醴有右擁金綺橫視揚揚
以爲受恩逾量萬世無極而大夫中坐悒悒
復叱叱曰臣等以奔走微勞引繩督墨因力
就技歲廩大官日廛勞問終始一工而旬日
蒙恩者以十數彼邊塞之士被堅秉銳身暴
露于野幸尺寸之功以希旦夕之賞文吏薄

南齊書

手

稽軍庸弗錄賞之弗洽臣寔耻之是大夫矯
節以抗衆罪三臣子之于君父見其愛亦愛
焉惡亦惡焉是故莅官者遇下則視遇等則
議遇上則俯遇君之所幸則偃倮而走耳武
定侯助 天子之所尊重海內所共知也其
寵靈之所憑藉勲威之所鎮懾將何有于大
夫而大夫違君之愛淪士之分于國之紀以
議宗臣搢扇鬚而侮之靡不幾矣是大夫不
量力而干上罪四夫人臣勤勞終其身冒一

罪猶定以死而大夫叢脞積累蒙誤思遷海
外竊以爲大夫何幸也大夫往矣其急改行
易操無蹈于初非無斤斤以密廉無狹狹以
貿直曠惠以逮下戢節以媚上異恭以覲
浮沉以就俗則大夫之謫自是且進矣不然
予未知大夫之所稅駕也于是陸大夫起曰
謹謝子子行矣吾聞之矯矢之絲不可以紉
水蓬累之士不可以駕車人固各有志也子
往矣子無嘵嘵以汚我遂登車不顧而去

南齊書

手

與陳約之書

約之足下僕不佞懷悃忿之褊心蒙丘壑之
陳姿土缶乖首乎大雅已謔異曲于陽春自
分與世寡所儷也而二三知己如足下者乃
獨傾蓋投歡飛聲嗣節聯禪周道決驟休庭
優游省闈則並縻方鑣揚摧古今則鐫金叩
玉共余禍于祗苑班纓組于瑤林每屈令宵
燭湛清酒明月在戶蘭燈並輝飲若沃漏卮
汎若噓溫谷天地一瞬生死俱捐樂哉斯乎

以爲千歲無爽也良時難豫盛事無常至于
今三年耳足下執憲湖湘王生秉文鄒魯應
德解綬鴻樓丁東吳而僕曳裾陸沉于司馬
參商殊麗江湖異途靜言思之恍爾有卽若
次律索遺于故詭迹虛希聽于足音也是以
未寐寤懷向風馳思西望懷仲宣之賦南首
高延陵之節東睇汶岱又憶子長過孔氏之
廬徘徊而不能去也嗟乎君子同道身聯志
親哲人樂天晉退無夜僕初春抱疴今夏之
季矣想足下已知之歲年未衰顏髮就改寧
受重馳悠之器哉方將稅駕吳丘反舟蠡澤
睇髮天台之嶺濯纓東海之波飛觴蘭亭探
奇禹穴然後耽思六籍總貫一家斯亦達人
之大觀不朽之盛事也苟神會有徵盍替偶
志則延平之劍豈隔殊淵卞氏之璞終爲世
寶耳處叢多棘習險易傾足下與王生慎之
裁言無敘聊布鬱衷時因翔鴻竚聽逸響

與呂生書

近臘月中朔氣寥寂層冰彌野溫土殊可念
甘啜凍葵霜蠶手裂不任七鬯山荀林橘芳
液薦齒邈然興思矣比孟春時條風吹林草
木芽茁雪尚時下然雲易舒耳夕月映郭寒
星濛濛然時或明滅漸久則瑩然眩觀萬宇
浮潔宮殿鱗鱗然披瓊玉也曉入院署春陽
暉暉松枝布庭踈陰畫淨玉河水連漪與雲
光迤邐輕儵出游羣鷗上下悠然鶴鳴時復
與飛泉雜響此時心清神娛徜徉忘倦矣故

蘭暉堂集卷之十

韋

鄉花卉蔓發湖山可觀踈梅飄香蒼幹披月
竹風拂徑鳥聲嚶嚶相聞似更逾此樂也然
迥焉幽居幸絕塵事二三友惟文字往來亦
近住隱矣多念曩昔與足下臨流飛觴攜手
稱詩南北萬里春焉于懷足下以清廟之才
幸能自致使應埃無寒宿盟則建禮同昇承
明並下友朋聚樂他又奚言臨風悵然不次
屠漸山蘭暉堂集卷之十

屠漸山蘭暉堂集卷之十一目錄

墓誌銘

勅封承德郎南京刑部主事坦菴張公墓誌銘

墓誌銘

故宣義郎簡菴陸公墓誌銘

亡兄文濬墓誌銘

封刑部主事劉君墓誌銘

明故成國公贈太保謚榮康朱公墓誌銘

銘

墓誌銘

明故賈母安人姚氏墓誌銘

明資政大夫四川布政司左布政使一

菴陶公墓誌銘

長醉翁卜君墓誌銘

樂善沈翁合堇墓誌銘

故春湖俞先生合墓墓誌銘

包隱君墓誌銘

姪鐫壙誌銘

屠漸山蘭暉堂集卷之十一

勅封承德郎南京刑部主事坦菴張公墓誌銘

墓誌銘

屠應竣曰予嘗再謁張封君矣踈髯而廣頰愉愉可親也殊不知論議至其論議則剴切無隱中時嘗好問名山水比觀李子邦良所為狀不誣哉封君諱記字巨博其先臨川人六世祖志順避元亂徙南昌為南昌人志順生伯安伯安贅居木山生希孟希孟生簡明

墓誌銘

二

簡明生穎是生封君封君少業舉子通諸經矣則嘆曰嗟乎夫業規規困人志奚足為也遂棄去既應辟為藩司掾藩司官長重器之數舉以就第卒不就又嘆曰嗟乎是奚浼我夫烏為遂腐鼠而自飲也鴻鵠翮然奮飛而不息夫物固各有志耳又棄去歸卧林壑間治畦圃手植諸花木時命酒欣然坐其下終日益人莫窺也家無多貲顧好施與人人以困告即不問家有無解卽推已衣食與之矣

吊死問疾必先往後罷又鳩里中子弟延塾
師訓教之不受費里中多德封君封君性坦
夷甚率不記嘗所德者尤惡機事凡局圖技
藝巧而爭者不習也與人居黠黠似愚不嬰
情去留每自稱坦菴子然其處家庭恪慎無
過母早喪終慕不倦日事父側凡應對言不
聞垣一方以身率子弟多可法生平好遊覽
長子欽官南京卽之南京其季鰲官京師卽
又之京師廼竟卒于京師封君生正統癸酉

南華子集卷五

三

卒于嘉靖辛卯享年七十有九素饗錄無疾
一疾遂不起配熊氏廣西僉事熊公景次子
也子男四長欽南京刑部郎中次錢驛丞次
鑑方待選次鰲翰林庶吉士歷禮兵二部主
事女一適鄒湍孫男五統綬緯緒纓綬緯俱
補郡弟子員孫女五曾孫男一昆瑞初欽官
主事時秩滿三載詔封公如其官故人稱
張封君熊氏封安人先三年卒封君畜德弗
耀逮其諸子行饗之矣且子孫成立者已親

觀三世而封君卒時仲子錢適來及諸孫曾
俱侍屬續無遺憾天之報善人有徵也哉錢
等扶柩歸南昌木山與熊安人合葬于灞西
溪湖山牛皮岡之陽而徵鰲之同年友屠應
堦爲之銘銘曰嗚呼封君取嗇而博子坦坦
率履其社纚纚既食于子亦未綬是

故宣義郎簡菴陸公墓誌銘

屠應堦曰盛哉鄧有陸氏云非直其仕者皆
良大夫也顧其家有隱君子焉往予官刑曹

南華子集卷五

四

咨故實覽觀尚書瑜所獻狀卓然一時名
臣也間從其從孫銓游爲予誦說宣義公隱
行則嘆曰嗟乎有本哉有本哉公諱儵字文
亨別號簡菴子弘治間入粟實邊賜秩宣義
郎乃人又稱宣義公云宣義公自上世居鄧
高祖睿贈尚書曾祖應祥祖琦父琬贈御史
母錢氏孺人御史蓋生五子焉長偕次儀次
公次份次俾副使副使最少爲儒生失父母
早諸兄弟皆異產居殖貨儒生躬治家其欲

以家食病志者數矣宣義公慨焉憐之獨不
異產居乃并縮家政以故俾得卒業舉進士
爲御史歷副使副使遂終官不問產惟日敬
事宣義公產亦裕宣義公又誨諸從子咸有
立也家嘗畜二貓貓乳子啣置堂而偕棲而
適乳之呶呶不擇子子亦不獨有其母也于
是鄞之人誑曰咄斑斑尾純純羣兒連卷腹
兩母貓母綏綏入則顧誰聞于朝大學士長
沙公爲之歌入載秘史于是宣義公之名殷

宣義公墓志

五

殷動天下矣宣義公又性好施里中貧人謁
所欲輒貸所欲與券不却然時時亡之里中
豪滑兒卽謂宣義公善亡券卽詐爲貧人持
空券來請貸公亦竟貸不記券其償者十才
二三耳正德己卯逆藩亂江右都御史孫公
燧死之其子與喪歸將葬邑人訟其墓購重
值急甚其子貸弗得謁宣義公公嘆曰嗟乎
孫大夫捐不貲之軀爲國殉難苟其母死予
百口之弗恤矧茲金乎乃立出數百金與之

邑之人又無弗頌宣義公矣宣義公言曰夫
兄弟與身子之與兄弟子一也愛兄弟不若
身忘其父母也愛兄弟之子不若子忘其兄
弟也故其愛兄弟若子無弗若其身與子矣
其弟若弟之子愛敬之亦無弗若其愛身與
其父母矣故鄞之人有弗孝且愛者則衆且
戲曰是胡弗若陸宣義已也嗚呼是可謂篤
行君子也已矣公生于正統癸亥二月十一
日卒于嘉靖己丑十月二十九日享年八十

宣義公墓志

六

有七娶徐氏范氏子男一鉉女二孫男三淳
滂沛孫女二以庚寅正月十二日塋于西山
之陽越明年其從子叅政鉉令其弟卽中銓
撰次其行徵予銘而太史鉉爲之表三君皆
副使公子予所謂良大夫也嗚呼是可以觀
宣義公矣銘曰棟隆遽遽興于崇基豐如憑
如賴彼峽岬翼翼宣義陸氏以光矢其德順
俟天而昌民斯誥斯孰僞而格物協厥靈神
載之德肅肅丘中樹梓與桐言庇其宗奕世

有融

亡兄文潛墓誌

兄名聖字文潛弱冠補博士弟子制凡博士弟子稱者月予廩石歲進貢而兄食廩幾三十年遂以老近令不得以弟子老貢以故兄不獲貢死家貧甘勤苦一晝日能書字至二萬餘性介僻絕俗雖諸父長者非歲時若有召不至至亦無他言徒就席起居輒罷去又善面片人踴躍行一意而已頗嗜酒月得

廩輒償酒負餽居城南或竟日突無煙惟楞

十一

然卧也諸衆人有問道率卻不受或雅所敬重受之乃曰使屠君受若遺若顧不重耶以故人憚之不敢數有道也時博士弟子多就官長往來或代去不問賢不肖率徵文立石頌德政諸官長亦數數與延譽兄見之面盡赭目注視久之曰嗟乎此與弓人使盜得食何異死不爲也至公事宜廷謁或就博士授經諸弟子謂無所於稽也多不往兄獨如期

往冬月寒甚衣布單衣被鶴袍曳垢帶踉蹌行風雪中頭種種也娶倪氏年五十無子或勸買婢兄笑曰若見富貴人多姬妾顧皆有子耶天欲使我有子則我壯時子生不死矣今故使我貧且孤也卽有婢又安所得食乎乃竟已以嘉靖甲午四月望卒壽才六十有七年也諸族姓爲之具棺槨塋于城東白芎

原

封刑部主事劉君墓誌銘

廩輒償酒負餽居城南或竟日突無煙惟楞

十一

始余校試豫章得肄四詩者讀其文釋辭沛思至終篇猶若不竟其意焉曰士有文若此乎其源注深長矣遂列冠諸詩士先比揭氏名則劉子起之也明年起之連舉進士仕爲刑曹郎雅說余于卽則數道其世行乃知有今封君蓋翩翩遺世隱君子也則歎曰語有之獨飛翬翬有子爲獄夫起之誠賢不猶出其父之型植乎自是余雖未識面儀然心嚮企之乙未夏五月起之忽以歟訃告越旣旬

乃持同官張子濟甫狀踵麻經案案映旁若
涕長潛橫下泣進曰伯躍幸以先君子之德
獲茂奉先生訓從搢紳之列且數年日夜殫
心志期不墜遺體茲天降割于先君子伯躍
不忍勦絕圖不朽冀永世惟先生定惠知死
者願貶責一二言留紀著玄石於子曰悲乎
士策名爲臣苟有不替顯親之志卽忘所樹
立鮮矣孰令起之不懈若是乃速奪其親之
年都從其請志焉曰封刑部主事劉君者南

昌羅池里人也

九

昌羅池里人也名傑字某其先出丹陽郡唐
末避黃巢亂徙信州玉山曰歸之者宋寧宗
時仕南昌因以官留家傳三世爲孔文孔文
生孟孟生仲仲生叔叔生季季生子明娶余
氏生君君爲童慧發長慕學受詩業應舉家
世貧兩兄復早世懼弗克力養或曰夫儒難
必成耳顧又患弗專卽爲祿吏易致身又不
廢生業也君信之入謁郡守郡守見其異之
曰若不爲儒生邪曷驚志易素嘗哉夫屑小

者大遺計速者忘遠若勉哉卒乃業也君繇
是奮思強學駁駁乎閤肆于前矣然每試有
司輒弗薦君歎曰良田刈鐫無失勤而不遇
豐年則非命也與遂捐去授諸子弟業後起
之聲實日後蔚君復喜曰吾不能自見于身
卽子儻有立吾蓬戶褐衣訖吾身忘恨矣洎
起之旣通顯則又數詒書詔誨曰士貴自振
立吾身隱而志欲章斬汝能不緇蟻也若俛
仰僥時苟趨利祿則吾曷賴矣夫其善迪蓋

壺壺焉於乎迹其志豈非魁梧長者之遺乎

十

君爲人尤樂崇義行劉氏世澶衍蕃衆宗法
舊立而宗子墮替君率族衆修譜明系擇長
賢一人爲宗子俾世統勿壞劉氏用翁翁焉
先世逸塚有侵於他族者君按譜理諭宜以
至誠侵者竟還之諸凡所著賢者類不可殫
序要之力學不謀其身直行不詭其志可謂
易諒砥行異於矯世稱奇者矣抑前仲後闇
無不彰天之理儻可信乎君配熊贈安人先

卒繼孫子男三長伯躍即起之今爲儀制員
外郎次伯翔補校官弟子次某孫男子四君
生成化丁酉八月六日歿今乙未四月二日
年五十有九起之歸將卜塋于某地塋以某
月日銘曰駢駢服鞠不可使駕鼓車松栢旅
闕不可使柱官間遺秉失帶溢其後儲若丘
既委積世豐敷竊厥玄冥有封翼如於千斯
祀尚永安究乎若區

明故成國公贈太保謚榮康朱公墓誌

朱公墓誌

三

銘

成國公姓朱氏諱鳳字鳴周其先鳳陽懷遠
人也六世祖亮從 高皇帝起兵授燕山護
衛副千戶卒子能嗣事 文皇帝于燕邸革
除間朝廷數言燕事 文皇帝居愜悵深念
能奮曰嗟乎明主能先敵以拓基壯夫不習
危而執諒顧能無徒死耳事急矣大王豈無
意乎于是 文皇帝然之決策內靖及與諸
軍戰能甚力陷堅摧鋒功最天下既定封成

國公子孫世世弗絕征安南歿于軍追封東
平王暨其三代謚武烈子勇嗣侍 睿皇帝
北狩死于兵追封平陰王謚武愍子儀嗣留
守南京卒謚莊簡子輔嗣繼守南京加太子
太傅拜平胡將軍卒贈太傅謚恭僖子麟嗣
奉 命謁祀 顯陵道卒無子公以恭僖次
子嗣八年薨立 皇后親蠶儀迨建 四郊
俱與衆謀議授五千營坐營十一年 命代
祀 大社稷十三年四月有事于 太廟命
捧 文皇帝至五月命掌中軍都督府事十
四年冊立 端妃命充正使持節展禮五月
疏乞罷政 上允之十二月復命充正使持
節往冊封 荆王明年三月 上啓謁 七
陵命禮部疏勲舊臣詣 孝陵告祀因 諭
兵部馳召公還公兼程赴命中道疾作疏聞
七月六日卒于家 上命有司議卹典贈太
保謚榮康娶白氏繼徐氏俱封成國公夫人
子男三希忠希孝希祖公生而穎秀少習尚

書春秋武經俱務通大意事父母孝處友信
教子嚴而有方御衆恩而不狎性喜飲酒飲
輒醉煦煦笑言與物無忤善交懼士大夫賓
客自四方至者雖貧賤必與均禮幼頗豪宕
及嗣大命在 朝廷斤斤簡質見于體貌
上以故親信之諸凡大典禮多翊贊其間輒
被 恩賚歲時朝會 上以公宗臣班特進
中陞率羣臣贊拜稱 壽 制命宣答臚句
傳寵光赫煒禮與羣僚絕云國家受 命創
圖經綸天造 高祖攘啟裔胡 文皇緝寧
內難豪傑嚮動武人屈起俱能翊扶王運啓
集犬勲依日月之休光憑雲雷之渥澤丹書
信誓封爵三等慶流子孫與明無極也承平
既久兵革罕試聯蟬鳴玉接踵于 清朝建
節啓疆鮮功于制閭要以酬獎世臣斯亦畜
銳養威之策也往予與成國公論事實持重
無他華然亦諤諤有以自奮間嘗語人曰鳳
也位上公蒙重祿于國家未有尺寸譬之秦

虎上林飽駟天廐徒有其名耳然敢忘爪牙
之利馳驅之節哉兄麟居疾荆湖公間之節
沂江往日夜不少憇時春水盛人或諫之公
怫然曰夫君臣父子兄弟人之紀也兄疾困
死生且不保而吾方于徐自便即國家有急
豈能賴旦夕之用哉由是言之較之絢綺之
子世祿尸素者異矣使其遭時有以自見豈
遠忝于其祖哉銘曰朱氏煌煌翊我 二皇
亮始雲憑能實龍驤宗工元命再世五王烈
烈平陰狗忠允滅追孫不祿弟熾而昌耆武
雖緝揆文克襄嗣彼先哲休有懿光
明故賈母安人姚氏墓誌銘
按狀安人姓姚氏其先姚江人也避元亂走
嘉興因家焉曾祖伏祖驥父禎俱有隱德成
化間有御史綬者工詞翰爲郡名家寔安人
從叔祖也以故安人生而聰敏知書大義賈
氏西溪君者封君素養父也西溪於姚氏以
家聲相聳又稔知安人賢遂令封君委禽焉

既歸賈氏則封君兄亡矣於是安人以長任
事能善事封君父母又善工蠶繅每歲必率
協共事獻成于姑惟所命未嘗以私勞望也
西溪君先卒時封君爲學官子弟藉藉有聲
矣竟以養母奪志無意進取督學者嘉之亦
竟遂其志優以衣冠焉安人曰汝以孝聞姑
爲賢母蓋過祿養矣他何望哉姑性峻急卽
諸婦無能當意者顧獨宜安人報稱曰孝婦
孝婦安人性仁恕不妄言笑御下人益恭肅

論孝婦

五

見貧乏者惕然思成之與諸叔居終身無迂
言有已嫁姑者家貧無以自業安人爲迎養
且爲嫁其女云性儉素至老猶紡紉不輟不
理于綺華惟歲時一飾冠帔而已顧於教子
廼獨不計費至脫珥簪具爲延師友以故其
子名儒學有成立舉甲科嘉靖辛卯任刑部
主事會有恩詔得封母爲安人名儒任刑
部時則嘗謂予曰不肖適奉母氏書曰式敬
爾猷明清爾心願愚不肖弗克祗若焉及掌

司奏牘則又嘗謂予曰不肖適又奉母氏書
曰勿以責重而矜勿以獄乎而喜願愚不肖
弗克祗若焉余時心竊嘆之而賈君亦敬奉
母訓典職數年無情事於戲安人於賈氏可
謂大賢婦母矣子男二長名何大卽名儒女
一孫男女四抑予于安人之故也則喟然嘆
曰嗟乎禍福之遷豈能豫哉癸巳之歲賈君
爲刑部郎中予親覲見之也時考功吏散法
受賂事覺衆莫按賈君卽立逮按國制京朝
諸曹官尊等耳然吏部獨得據例黜陟人以
故諸曹官莫敢忤時賈君獨以按吏忤于是
考功大夫則計出賈君知姚安姚安夫京師
萬里土多瘴疫善死人而賈君之姚安則道
出嘉興適太安人病篤乃留獲晝夜侍比卒
又獲裏事無他憾而直聲顧益起越六月遂
改知贛州向之以計困者寧豫爲幸也豈不
有命哉豈不有命哉是故人有謂計勝命者
愚也予偉君之行誌母墓而爲之銘銘曰淵

論孝婦

六

有珠流斯炫斯實之累累載俎其輝闡有隱
美式穀是誨

明資政大夫四川布政司左布政使一
菴陶公墓誌銘

嗚呼予忍銘陶公墓耶予言陶公事未嘗不
酸鼻撫膺仰天而飲泣也卽予弗忍銘則知
陶公無若予者嗟乎傷哉予從仕數年見今
時士大夫固多循良長者然睢忿暴亢瘠民
以自厚者不鮮也亦多躋歷華要高享其天

陶公墓誌銘

七

年而子孫蒙利數世乃陶公較之有差矣顧
其年不甚壽妻子剿絕靡莠遺焉天之報
善人何徵哉公名照字時明稱一菴子其先
宦事宋十六世祖以將仕郎扈蹕南渡九傳
至菊隱君始定居秀水之鴈湖人稱鴈湖陶
云菊隱君且歿戒子孫弗爲元官於是子孫
業農者終元之世曾大父鉦大父濟父松母
張氏 敬皇帝時公才年二十餘與兄煦同
舉於鄉繼又同舉于春官于是人又稱鴈湖

二俊云公始拜都水主事以母憂起改刑部
錄囚蘇淞蘇淞者嘉接壤也親戚賓客交通
焉人爲公難之公至通如平生乃有犯悉真
之法曰吾公私弗消也未幾出爲廣東僉事

廣東故多蠻獠滑時大盜唐大鑿者起患
潮梁閩琛者起清遠皆號萬人公祭土兵陳
朝亮者才也乃召朝亮入授以進止果糧逮
捕不煩帑藏廣中悉定戊辰以父憂起改湖
廣庚午拜四川參議時監鄆作亂蜀人驚擾

陶公墓誌銘

六

先是公過新都新都者道衝而無城公慮無
守卽日命城之城畢而寇至人賴以安竟以
平鄆功授從三品俸加賜金綺壬申以副使
備兵威茂威茂古羗夷也邊郡瘠耗而守臣
徐叅將者性鷙酷日鞭撻軍吏於是羗夷聚
數萬衆謀奪叅將公單騎出撫諭以威福衆
泣拜解散然猶忿忿于叅將公乃繩其部下
以擲羗夷心而叅將者竟怏怏弗平于公詔
公致變議者莫能明公亦自薄其官遂居疾

爲湖之上者數年庚辰復官河南時制河南以憲臣監小灘兌兌常不足往往取足於官歲不下數萬金又總部京儲者率逾年不完責償民間幾亦數萬習弊滋甚公所至立規畫謹簿書抑豪右節浮靡秋毫無犯公私兼裕焉乙酉陞雲南右布政尋陞四川左布政先是爲雲南時有盜稱大眼者鳩衆橫行岷峨間阻險深入歲不能下公至卽平定之于是詔復賜金綺公性斤斤簡勅言不出口

南寧集卷一

元

未嘗面可否人至所歷乃表表以武功見相士夫外寧有旣哉在四川以繼母憂去又二年遭讒罷官家居幾十年迄無怨語嘗謂人曰布政縮司錢穀訪翁翁易起人眩應自飭而吾于徐弗以外儉當逆瑾時人有官不忠不能顯而吾優游舊僚要之無疚耳與鄉人處油油煦和無間賢不肖善振施族人賻賻其死喪人咸德之平生無怒容雖臺與臧獲弗嚴斥也配梅氏繼朱氏先公半年卒子男

培后二月天死今俱在殯初公以培議姻于予也朱夫人卒予往吊焉適公病亟予就視于閨中公視予曰嗟乎天固以予子清先生也繼又曰予內子死妾劉者和而婉劉保其內先生禦其外培猶有父若母也予敬諾時甲午九月十日耳越六日公竟卒年止六十有七子培夭以病痘嗟乎傷哉天之降禍于陶寧有紀也欲殲其子先奪之母焉覆其身斬于其宗焉一歲而三喪會並發俱定時所鮮遘鬼神者寧有知否也予言之予不知涕之無從也已公存時以猶子里爲嗣女四長贅壻舉人吳超治命偕里紹其家次歸常德守陞邨次指揮項元淳次沈茂元墓在秀水思賢鄉里若超以丙申歲冬閏十二月二十日襄事朱夫人子培會塋銘曰陶氏英英代有令人在宋允熾于元弗賓公振厥聲載德懿文弗泯于俗遵彼先民善積罔祐爰進者數木披其心樛枝則附奕奕新阡松栢丸

南寧集卷一

子

光有隆雙丘覆彼三棺

長醉翁卜君墓誌銘

長醉翁者名宗洛秀水思賢里人也性喜飲酒飲輒醉醉愁不辨人人稱曰長醉翁君聞之喜曰吾長醉足矣亦自稱長醉翁云曾大父璿璿生顯顯生周周生宗洛世爲里中富人正德中以訾補太學生制太學生得補郎官員翁顧謂里人曰人顧能自貴耳卽組緹奚爲哉往予請長安觀諸貴人乘朱輪拖龜

龜碑堂集卷二

主

奮騰疾雷叱咤當世當世士方蟻附之且旦暮若晞露奄忽死矣况入粟卑資乎吾醉已矣里人再諭之卽晉曰夫貴人能積財不過多置鍾鼓婦女飲醉酒善飯遺矢耳非與吾異也吾笑若慕遂不復詣太學日蹣蹣居忽復偃卧賓客或衣冠具禮謁卽闔戶辭曰吾不能曳袍執經見國祭酒乃令設冠裳見里中兒耶竟不報或袒裼躡革造之卽欣然曰是習知長醉翁者延與飲盡數晝夜乃罷人

輒笑之竟其生不與世忤亦不問家人生產

作業起居一室中至苔蘚生几下行遇丘土

卽笑指曰此隆隆糟丘吾他日求歸者與父

之人亦稱長醉翁曠度有達士風性最孝弟

有同母妹者嫁予甥爲婦歲時歸寧問所欲

卽挈與往或不言卽笑曰母有一男女耳不

足非財也輒自擇所愛推與之人以故又稱

長醉翁孝子男四人長大同次大有俱有才

譽次大觀大順大同舉嘉靖戊戌進士未拜

龜碑堂集卷二

主

官翁遽卒卒之前可十數日呼大有曰來吾平生無顯善亦無隱惡今死矣而兄幸一第爲時才賢無所恨吾見吾郡邑諸官長卽賢不肖人所指稱上逮父母可不慎哉吾死當以六月三日至日悉召宗族子弟數十輩前沐浴跌坐氣奄奄逝享年五十有四越月計至大同哭踊隕越幾不生數日乃假粥杖起崩角累繫口弗能言也予觀近世經禮崩壞士大夫聞父母喪者方啣恤爲禮容與賓客

周旋繩墨又謁謝諸貴長者而吏制猥續復
令京朝官堂謁面稽其大僚具品服襲錦秉
簡陞辭天子乃得去此豈錫類彰教律忠
以孝之誼哉予時欲據典奏罷以非職輒止
若大同者予所鮮觀長醉翁教子孝蓋足徵
也從其請爲之誌若銘銘曰世方蠶起而君
若類彼醒孔棘君衷恢恢萬世一息醕丘永
歸異乎予榮生爲妄而更述死悲也

樂善沈翁合葬墓誌銘

樂善沈翁

幸

秋官大夫沈君翔卿以進士茅順夫次其先
大父樂善翁行實問予誌若銘予雅與大夫
游且習知順夫是其言不誣按狀樂善翁者
姓沈氏名澄其先諱慶吳之安固里人也慶
生子壽壽生文文生榮榮生士明始遷烏戌
曲家焉士明生翁翁性仁孝子諒朴衷無他
腸與人游未嘗忤也晚乃自稱樂善翁人亦
稱之爲樂善翁云翁初長鄉賦有司罪他賦
長翁矍然曰吁賦長均耳乃吾亦可以加此

夫於是拜其先像泣曰死而死耳無使受污
污未猶不可潸况先人之遺體乎夫吳之民
所以赭服幪巾僇及其先人者徒以貲厚役
重故也于是遂廢著不問家人產業日與里
中豪士飲酒歌呼放浪山澤間晚歲益貧漠
然弗厭也里中少年嘗有侮翁者翁弗與較
顧善下之少年慚謝去更卑事翁翁卒之日
里中知與不知相率赴其喪無不泫泫泣者
嗟乎予究觀于世其叢貨厚殖務富以自殃
者不鮮也顧沒身而弗覺苟臨利害如毫毛
卽眦睨擊逐至以生死而翁獨能散貲全身
執柔巽以御暴是故逸于智無勞于利任于
容人無任爲人容若翁者其有君子之度矣
翁娶徐氏生子鑑以正德己卯冬十月十二
日先徐氏卒鑑讀書善屬文爲學官弟子員
舉歲貢遊南太學躬勅行不治家故貧益甚
日飯不再衣敝不更又不樂爲貸嘆曰壯兒
弗克起家已矣顧無以養寡母奈何母笑曰

兄來吾語爾夫南金垂玉生孰其子哉一人
得之而富衆人失之而窶是各有命也爾以
而志事我顧不美與數年鑑謁選領元氏尹
其子應龍舉進士鄉人口嗜天道不爽也乃
元氏有子樂善翁有孫矣當元氏之居縣也
念母甚曰有子不能事母曾欲子民耶卽解
印綬上御史不可廼使屬其子乞南官便事
太母子遂乞南官得司寇卽迎太母就養會
建立 呈太子加恩百官得進封父母元氏
又趣使謂子曰人生適志耳富貴何爲母養
既衰無去日遺悔也願棄吾官就而封扶母
以歸子如命以請適改北司寇卽因又奉太
母北居一年疾卒在乙未冬十一月二十有
四日元氏聞訃號痛徒跣疾走都門扶襯去
于是鄉人復曰嗜孝哉沈氏之世也事生以
祿執喪以禮可謂能子若孫也已翁以景泰
甲戌生母景泰庚午歲生以其年月日合葬
于其鄉之原子一卽元氏元氏子三長應龍

翔卿其字應鵬應鸞應龍今爲郎中階奉直
大夫 詔封元氏如其子官銘曰沈氏奕奕
世種其德若農服穡聲翁殖之元氏力之司
寇獲之美載厥世以食于孫子嗚呼懿哉

故春湖俞先生合墓誌銘

史稱暮年樹穀百年樹德余觀春湖先生行
績不誣哉不誣哉先生姓俞氏名獻字廷貴
別號春湖曾大父道成道成生天澤天澤生
士弘士弘生獻兄弟五人曰琛玘璿璧璫

春湖先生墓誌銘

表

自上世居平湖然莫詳其所始云予幼侍牛
公言平湖之俗以爲敦朴慷慨好誦說詩書
有古長者之遺風焉比予游觀里閭乃往往
失其故實若先生則猶行古之道者與夫俗
所以貴敦朴能誦說者以爲嫺睦好禮義誠
緩急足恃也夫其處昆弟朋友之間平居恹
恹強笑語以相取無弗如如樂也一旦臨利
值危遂悄忿凌轢若不相識殊于胡越寧陳
腐捐倉庾而弗忍以其餘施諸姻族是傾可

謂好禮義足恃者耶先生性誠孝與兄弟友
甚兄琛者慕義易財勸稱古俠士時時罄所
貲授人先生卽時時以已貲進瑣事弗吝弗
敢行惟恐有歡心弗稱也有姊早寡遺孤累
累先生撫之長爲擇良子女婚嫁之所居田
有邇人舍者其人業侵之先生卽徙其疆若
素亡田者竟弗與言于是里中之人無不頌
先生誼也是其于骨肉鄉黨之間于姁姁若
今之人遠矣平湖者僻在海隅去郡省稍遠

卷之三

三

民視令喜怒卽旦夕異生死以故邑中豪滑
兒輒伺纖微恐動細民處奸而網利先生歲
督鄉賦獨愿恪無私營邑令熊居士選者弘
治間循吏也則敬禮先生引與計事凡先生
所計事行之民民輒曰神令神令然弗知先
生言也他日所親或有所謁先生怒曰夫吾
所以奔走事熊君者固以其人公應吾足事
也寧陰伺顯取若諸豪滑無賴者哉遂謝弗
與通于是里中人誥曰郭東俞君當春握冰

蓋言先生之無以利易節也夫苟授一命于
朝有所施被見于其下則其行義卓越豈不
爲時良有司哉先生子男三人曰金銓鍾金
爲學官弟子就業太學積藝弗庸遂謁歸視
親終身不仕金之子谷伯舉進士任工部郎
中時大工繁興奸豪窟穴其間而郎中夔夔
節慎遂忤貴戚大臣請外去蓋先生抱貞履
潔期樹于時而其閔未施者固自其孫明章
之也天之祐善報德有徵也哉先生娶華亭

卷之三

三

郭處士女柔患有女德善事其舅姑先生素
喜飲酒竟遠疾郭氏以憂瘵先逝先生尋亦
不起先生生于某年月日卒于某年月日郭
氏生于某年月日卒于某年月日于金等卜
以某年月日合塋於某鄉銘曰於休先生抱
鼓懷珩積行不試古之遺民陽山嶽岑湖水
沄沄亦有桐梓在湖之陰於休先生不遐德
音

包隱君墓誌銘

嘉興稱名族則雙溪有包氏包氏之族非甚
繁且熾也然子孫多修其先人之業務孝弟
耕田讀書或起仕于朝率斤斤奉禮法不預
其職以故人稱包氏云予與包氏爲世姻又
與隱君之子汴遊習知隱君及觀其姪侍御
君節所爲狀秋嘘曰是誠隱君之行也哉隱
君諱憑字信之父池陽太守諱鼎母宜人沈
氏池陽公生七子君最少憐之君生而秀異
身長七尺餘修髯濯貌玉立靡表望之儵然
異人也甫七八歲時卽機警善應對池陽公
燕賓客命諸子侍輒探字爲賦君應聲出奇
語賓客盡驚年十七善爲文補郡諸生諸老
生咸以爲弗若也池陽公故倦遊弗自決一
日得君所奉書啓重緘讀之無他言惟左太
冲招隱詩耳池陽公亟賞之卽抗疏解章綬
歸池陽公素廉囊無餘貲乃盡贅諸子君贅
平湖袁氏袁氏翁素重君多分與僮僕財產
以是得畢力學問然數試有司輒弗偶有快

快心一日忽嘆曰嗟乎夫人生去死之期至
近也富貴于身至疎也卽儒生糾纏章句間
善卑卑困人意白首無以自見夫以至近之
期從事于糾纏自困之業以幾至疎之富貴
陋亦甚矣昔者楊子雲桓君山非大富貴也
其爲文非欲售時好也然後人以爲挾其書
貴擬千石富踰荷頗乃富貴身自有之矣必
曳朱輪居華屋之下哉于是遂棄舉子業隱
居溪上發古書盡讀之數年會池陽公卒亨
變遷疾則又嘆曰夫人貴讀書多聞識者歟
以窮天人達性命有益吾心也然書顧浩汗
讀之數年尚不能窺其際于吾心何益哉乃
又棄其支蔓之學專心莊老自稱澄心居士
日與方士究論養形鍊神之術遊吳越諸
名山訪求神仙庶幾遇之意欣然樂也則又
嘆曰嗟乎使予遇神仙楊子雲桓君山奚足
爲予道哉竟如是終其身平生性夷曠未嘗
睚眦人人亦無睚眦之者又好施與往所得

婦家貨盡分與諸貧昆弟又日召諸昆弟宗族置酒樂飲至罄其貲乃已且不問家人生產作業以故家遂貧正德庚午仲兄志卒以遺孤二子屬君君涕泗受命携恤教誨垂二十年遂各有成立二子長節次孝俱舉進士擢兩臺御史執憲南北當世以為榮母從縉紳道君行未嘗不泣然泣也嗚呼君可謂篤行君子者矣君生于成化丙午卒嘉靖壬午才五十有七于神仙竟弗遇也子汴

唐生集卷十一

墓誌

膳生好修能文當振君之後娶華亭張氏

二長適秀水項相季嘉善薛孝俱國子生

男四長樞芳聘平湖曹氏次桂芳聘秀水

氏餘幼孫女二長受聘海鹽倪氏子秀秀水

諸氏子于汴將以君卒之明年癸卯冬十二

月某日葬君于白苕鄉之新阡以誌銘請予

從之為之題曰包隱君之墓銘諸幽銘曰亦

有君子載德而處龍蟠于淵雲密弗雨霖彼

名山庶幾羣仙生也弗遇神當與還

姪鏞墳誌銘

伯樂遇驥于途顧之嘆曰鑄哉此真千里駒也市之數百金踰逾月馬病腓死人讓之則又嘆曰嗟乎夫馬顧能千里與不能千里耳即良馬無死則原氏弗貧終生弗天乎悲夫予之視鏞殆厥謂駒千里者非歟而遽天以死也甲申歲予得請歸省太夫人因上先塚會族子弟族子秉鮮事父業唯姪鏞修然年長予也必則有鉅鏞秀予召鏞

唐生集卷十一

墓誌

與論舉子業鏞曰精乃稍與論述古文

通其大意因就予學明年春詣京師鏞謁

偕不許則密走肩陽謁屢負書行風雨

無一人隨者予驚曰志哉遂留不遣進學其

厲每寃臂之不寐也冬月苦寒鏞以續障扇

日擁面坐于大榻以為不祥比又病肺因謀

遣之歸不獲而獨時時往釋氏喜談說空寂

傾日病瘵甚更大醫百方療之不効忽一日

上氣喘欲絕嘔血一升許淚蘇蘇下子起抱

之則顧曰悲夫吾弗及慰吾叔父死且無有聞也又曰吾幸獲從吾母于地下父老矣竟弗能一朝養乎婦甚幼必令更適母貽父憂是在叔父言頃之死死四月始獲歸其喪于病亦幾殆嗟嗟鑄乎使爾生弗慧弗子隨也弗子隨又奚旅食以死終不一覲爾父與妻訣也爾魂營營乃卒依僮奴携觀返歸冲波沿流數千里筑筑孤也嗟乎天乎使鑄至以毒也是予之罪夫是予之罪夫鑄生于三

不蘭亭集卷十一

三十一

癸酉卒嘉靖乙未年才二十有三顏督而順目炯炯視弗類天者妻沈氏方在疚予未護其操行銘曰嗟爾鑄若苗翹翹弗食爾獲農盡以勞嗟嗟爾鑄

明中憲大夫貴州按察司副使致仕

村諸先生墓誌銘

往余童子時每從湯先生霽胡生澁造苧村先生歸未嘗不克如其有獲也今二君之墓皆宿草矣其又奚忍復銘先生墓哉悲乎悲

乎先生器宇清明健談辨時出詆譎工於詩辭不矯不附不矜清其接厚利也若忘其處蓬華若大厦也以故人無少長咸尊禮之云嗟乎余蓋遊縉紳間見縫掖之士為赫赫者尚威而憲惠慕皦皦者喜譽而止實或乃攘華要以自利怵巨貴而劫於勢者斌媚縱弛鮮有立矣至其下者揣摩機識忍蒙詬詈博巨資以利永久盱眙罔上而不足齒焉先生初令兩邑內歷曹署外鎮藩臬未嘗好近

不蘭亭集卷十一

三十一

務矯飾拙勢遺利而所蒞咸著聲績其舉士也與今閣大臣貴溪公同年雅相好也先生出魚福建責谿公張祖都門其擢賢州也謂銓司楊某曰諸某者雅秀人也豈宜以西南荒壤居之哉余聞之曰附訛先生竟不答也是其人矯然雲泥之外豈以夷險非美殊志者乎既乃見幾勇止內無絳胃歸居東郭之外舊廬蕭然不問產業日與其所厚善徜徉山水觴詠為樂劇談古今琅琅傾聽性又

善攝好外家傳語或無賓客則靜坐偃息時
延黃刻叩玄秘說化術不營營為子孫計人
謂其近神僊人即期順無論也而年僅踰六
十豈脩短之數固非所諳哉按狀先生姓諸
諱偁字揚伯號芋村子上世由宋汴來徙紹
興已六世祖壽徙嘉興遂為嘉興人壽生安
安生貴資生士明士明生忠為梧州守梧州
生四子仲子數好讀書通陰陽家術余童子
時師之贈按察僉事寔生先生云先生幼辱

不蘭堂集卷十一

三十四

多疾然即有志槩年弱冠盡通經史百
補邑弟子貢令譽藉籍中正德癸酉鄉試丁
丑舉進士授黃梅縣令黃梅素多桀難治令
至者輒相繼罷去蓋未嘗有三年終者也時
值宸濠構逆兵士仰給縣官民罷遺餉多就
亡匿先生摧抑豪右撫循疲弱亡者稍稍集
越二年以父制去任起改大名縣大名為主
畿輔邑土風淳龐因俗而治不事紛擾民至
於今思之丙戌徵為刑部主事丁亥丁母周

氏歿庚寅起復主事進貢外郎尋陞福建按
察僉事歲弊剔奸覈理蛇蠍盡舉丁酉擢貢
州叅議責土官遇上官至例輒有餽先生卻
之一錢不受有安宣慰者大酋也法當承蔭
然非預業賂莫敢請先生知之即為判牒此
其服廉守介雖子罕之卻璧勇安之揮金何
以尚之越二年擢本省按察副使持明懸平
輕重咸適平反之家有繪像祀先生者於是
吏憚而縮民恃而舒夷休而震知先生之不

不蘭堂集卷十一

三十五

可以罔僥矣然而遇事不私無所阿比或悒
悒不自悅辛丑春竟上書乞致仕怡怡然若
舉重負而釋之也先生居常無愠容亦無情
色不畜姬媵樂與後進雖卑幼有過不面斥
之諷之使改而已有二科者貧無嗣也事之
生死盡誼雖古之篤行君子何以加諸即使
徒唯唯致位卿相奚足多哉先生生成化丁
酉卒嘉靖癸卯壽六十有七配俞氏累封宜
人子一夏庠生娶馮氏繼顏氏女二長適周

于德次達張桐孫男三鉅聘包汴女鉅聘鄭
鑾女鉅聘陳詒女孫女一許聘沈茂完子夏
卜嘉靖乙巳年十一月十三日壬申葵先生
於永豐鄉祖塋謁余為銘銘曰 名以德永
不可謂短崇以行著不可謂蹇身沒而聞存
不可謂靡遠嗚呼先生上壽雖漸積則有餘
崇立巨澤實生璫璵嗚呼諸氏亦熾其貽矣

蘭暉堂集卷之十二

三十六

屏漸山蘭暉堂集卷之十二目錄

墓表

廸公郎平湖縣丞于君墓表

明故郁母顧孺人墓表

南谷吳君墓表

傳

京兆君傳

尚書吳公傳

行狀

明中奉大夫江西布政使司右叅政項

公行狀

故封奉政大夫吏部文選司郎中呂公

行狀

誥封一品夫人母牛氏行狀

故中憲大夫湖廣按察司副使伯兄九

峰公行狀

祭文

祭太傅文正謝公文




祭陸孺人文

祭袁經文

祭謝顯之文

祭方時雍文



屠漸山蘭暉堂集卷之十二

迪功郎平湖縣丞于君墓表

史竣曰予世家平湖平湖于湖為沃壤有魚鹽之饒賦歛滋重正德以後吏治駸駸佚矣近時民間稱良令有黃岡陶廷獻丞則于君廷獻不半歲以憂去于君至歲餘遂以死悲夫于君諱躍淵字從龍上世居涑陽高祖彥禮避兵禹城遂居禹城彥禮生冲冲生瑄瑄生昊昊仕為浮梁丞配馬氏是生于君于君性早慧弱冠走京師受易于今相國任丘李公講業于國子一時聲隆隆起顧獨好黃老方技書時時取觀之又不欲為時文以故竟弗第正德乙亥居浮梁君喪病毀甚病起則手樹墓栢千負土累累行晝夜守視即死輒易去比終喪栢林立矣于是禹城諸衆人無不咄咄稱于君孝者邑諸生舉其行將上之朝于君聞之仰天嘆曰嗟乎是使予里中有弗孝者予弗忍也乃止弗上家素雄有

資善賙恤姻族母有女弟寡則築室近母寢
迎事之猶母也又善交四方諸貴豪傑振人
之急無問踈遠以故人爭歸之每歲母壽辰
置酒高會四方賓客至者充里巷車至數百
兩轉轉次也則相率捧觴上母壽于君從旁
膝行受觴持以進栗栗而雍雍于是觀者又
無不咄咄稱于君孝也壬辰就試天官授丞
平湖則單車携季子來平湖時平湖治苦峻
急且厚取于君則獨事寬釋又獨無取嘗語

卷之三

三

人曰嗟嗟夫平湖民瘠矣公賦且不給顧重
取以自利是牧羊而日餒之又鞭撻之以死
予弗爲也會又思母甚日父子相對蘇蘇泣
乃欲棄官歸時大吏聞其歸則曰是丞也廉
弗可使歸適欲遣官督漕京師糧則又曰是
丞也廉可以宰利矧又得便道省母也乃署
于君督三縣糧赴京師中道病暑比抵家入
謁母畢出就寢遂卧不起病篤則呼其子曰
來來天乎予之罪也夫子不克事母已矣乃

使母見壯子之死以傷也天乎天乎既又曰
來來予之仕平湖子雅知平湖屠君是不善
諛人子死爾其謁屠君表予墓竟以嘉靖癸
巳八月十二日卒於家四方賓客來吊賻者
至千餘人君有子三三穉穉是歲冬十月
癸遵治命來徵予文表墓某在城南薛丘嗟
乎諺有之藁葬晦金沉幽晦身不誣哉不誣
哉國朝旌孝舉廉詔歲時下也卽眩嚮以
自文者不少矣今禹城言孝子則率知于君
于君獨抗言不願表見仕又才爲丞丞人又
知于君廉顧又以母故亟乞歸歸又輒死是
使後世孰知有于君者矧其子走千里求列
其父名而予職在太史弗可沒也以故撫其
行表之墓道俾來者有觀焉

卷之三

四

明故郁母顧孺人墓表

余與外弟黃君鳳儀游時時爲余道其友郁
母顧孺人之賢卽細行皆可誦說輒喟然曰
嗟乎使遇裨官史氏能不紀載也夫歲壬寅

冬十二月孺人卒其子蘭之居喪也累景疚
哀毀不蔑禮語云其母慈者其子孝有子若
此謂非母教之足徵也哉繼乃持副使吳君
鵬誌來乞余爲文表孺人墓事皆核而不浮
余又信吳君之不誣其言郁子之不誣其母
也按誌孺人世秀水人父曰顧翁翁初未育
子乃贅郁君致孺人卽與其夫佐顧翁理家
家蒸蒸日益裕顧翁後舉二庶子孺人遂請
偕其夫異居財產無所與顧翁病且死孺人
出已貲爲治終具甚備歸郁氏善奉其翁姑
中饋以時事死惟謹佐夫理內政積仁累義
賙恤困乏故郁君於兄弟間時有捐代且讓
其先世所分田廬於仲兄又督誨其季弟俾
有立孺人雖一子訓之甚嚴幼懲之義長肄
之業又命之擇嚴師友其子遂以雋才舉浙
江鄉薦先是郁子之獲薦也孺人弗甚喜逮
三就春官試弗第亦弗甚愠嘗語其子曰蘭
識之士有常賢無常遇顧自樹弗弛耳又嘗

曰蘭識之人情勞則思善逸則習侈侈以荒
業非吾所爲汝家訓也故日夕勤事不怠顧
翁嘗逋官需千金繫獄咎械孺人聞之泣曰
悲乎是吾父也卽不幸糟糠不厭猶以身代
況於財乎吾寧廢家無爲忍父推辱于是
捐千金卒解父之獄云屠應堦曰嗟乎夫人
之於利也非偉男子倣儻有大節者未能輒
灑然無累也婦人性柔柔近室故徇利而溺
情者衆矣孺人旣以身爲父理家父有子讓
與諸財產無少靳惜斯非其見義忘利卓然
有士行者耶推此志也卽孺人爲丈夫則季
札之讓子臧之義其庶幾可能矣夫旣以父
之財讓非已有又能捐已貲千金贖父罪慈
仁慤勲出于天性是漢之緹縈所爲痛憤于
淳于公者也志又足悲矣抑余觀古今人稱
令妻慈母恒鮮兼善何也婦職婉而易弛母
教溺而靡節故微音罕流而懿教難振也今
孺人能佐其夫以道憫窮好施煦煦得兄弟

心又緝緝爲鄉間所愛敬至其誨子嚴毅若父終始罔渝得喪進退貞志若一婦道母儀具美無爽矣斯不足恢恢勸乎余故撫其略章之墓道使後之覽者無忘所式云耳

南谷吳君墓表

歲乙巳月日吳子遵將葬其父南谷君于審山之麓持其友給諫查君狀來乞予文表墓子與吳子雅相善不得辭狀曰君諱璧字瑞卿號南谷上世休寧人始祖天球以宋慶元

南華集卷十一

七

間來權醴海寧因家海寧硤石鎮世有令德至衢尤慷慨任義敦孝弟稱樂義翁翁娶芮氏是生南谷君君善承父志奉伯氏尤謹伯氏沒撫諸遺俾有立諸姑寡弗嗣者終其身養焉宗鄙賴以舉火者蓋十有數家狀又曰君弱不勝衣幼多疾不竟儒業然心悅儒有儒生來輒灑掃治供具厚尊禮之性嚴重治家有法訓諸子蒸蒸以義諸子咸自勵服勤蹈禮子遵遂以雋才舉浙江鄉薦及罷試春

官游太學歸也喜其得侍涇野先生涇野者今之名賢宗工也繼又誨之曰夫所謂賢者力行孝弟無心媿而已若徒倖榮媒身厚自標樹豈達士之經哉狀又曰君儻有大節臨事無顧慮對客終日凝坐精神瑩然無弛辭調容不妄訾嘯然好面折人鄉之人多嚴憚之嘗有遠人來就舍者遺金忘持歸君促追畀之毫髮無所利又山東田賈儼隣王氏居者三十年病且死君爲完其殮藉其餘財

南華集卷十一

八

以付其弟若壻云屠應峻曰嗟乎予觀于南谷君也蓋重傷今之世焉夫先王之經世也建利以定義別名以立制有親親之仁與人之義媯睦之實慶唁之文敦讓周恤之誼友助扶持之道所以垂訓者至矣今世俗人私其所幸好心志無檢至有父子相夷兄弟不相悅甚者爭毫釐相擊矣有甘心餽棗馬列名姬陳鍾鼓無所恤費及義施顧靳靳一錢弗忍者矣有平居號稱知己誓生死不相負

一曰值利害卽講張露斷不啻若豺狼焉斯其人於先王經世之意不漸焉盡哉君孝敬淳深因心斯至敦穆之愛人無間言至于交與之際生死不渝還亡金于舍客明遺利于孤旅義聞鄉評仁施存沒不可謂篤行君子乎雖曰未學其亦古先王之遺民者耶卽使能明一經獲顯第毀蔑恩義以取卿相大夫積珠玉錦綺其又孰失孰得哉故曰苟允德義貴賤何奚焉且予聞之天道無親惟善是

南齊書卷之

九

與不於其身於其孫子今君之子皆翹然好脩將有以顯其親者斯不爲有後乎余故撫其大者章之墓道使覽者毋忘其孝敬之實以克振厲云耳

京兆君傳

英皇帝以后嘉興有大臣者三人矣大學士文懿公原大司馬襄毅公忠迨吾先公康僖皆有功德于時崇爵顯謚錫之天府以施于後世其子孫亦多修其先人之業故郡稱世

家者必曰三氏云京兆君姓呂氏名言字伯時文懿公孫也文懿公當英皇帝時簡入內閣佐上理庶政無弗當上意者而職又教導太子文懿公卒太子泣謂上曰呂先生死矣呂先生兒在于是上亟問所謂呂先生兒者而公長子憲入奏計乃詔以憲爲國子生尋授中書舍人仕至太常卿太常卿娶沈淑人生京兆君性簡朴異羣兒而又故呂氏也羣兒皆畏事焉七八歲時同羣兒

南齊書卷之

二

出野野有鶯兒或竊鶯歸君怒曰若弗學他卽學盜吾不願見盜吾終身不願食鶯矣于是羣兒匿弗敢見也當是時君業時文矣比又從太常公業詩十五六時諸老生以爲弗若也志氣銳甚謂可立致上第顧數試數不第乃以蔭補太學生又數試太學數不第其以爲弗若者皆數第也君乃自諉曰吾先聞人之裔也吾祖道德紆謀帝懷其后太常公寅直亮采無替顯休夫人所自致者奚一

第已也雖一命足以見志矣遂棄不就試歸
歸十餘年而當正德甲戌始入選試吏部授
太平府通判太平近江商賈往來郡故咸有
稅通判至則令曰夫商賈國有恒稅郡今又
稅是重以困也其弗稅商賈益纒纒來集矣
初高皇帝起兵鳳陽與太平諸郡接壤詔
減諸郡田租然令戶飼馬官就閱其駒歲歲
上之民無所苦其后政敝諸郡民日貧飼馬
馬多死率購他郡駒閱之官官索賂弗得則

南康縣志卷之三

三

曰非良駒也斥弗遣必賂乃可而京師遠數
千里復以其駒馳數千里比至則困敗不任
用廼計其費太率三致一耳以故太平民竄
匿不願飼馬通判職專馬乃宵旦經畫行邑
勸勞如故事每一令出民必曰新判令也便
便于是竄匿者稍稍歸君又嘗有馬政疏矣
其略曰制不可更法不可泥今江南駒少北
地多且良請令民歲輸銀上之太僕太僕就
京師購良馬卽馬不困敗而費省十九官民

兩利會君以繼母喪歸不果上居繼母喪三
年而改應天府通判以故人稱京兆君京兆
君至則江南大饑人相食流民就食應天者
數十百萬而又疫甚死者遍野君受節賑濟
親給食飲不少避流民存活十三然自是君
病矣遂懇乞致仕加左府經歷致仕致仕者
又一年而卒春秋蓋五十八云夫京兆君歷
二任幾八年矣妻子弗以隨惟一童子年十
餘耳平居治政常日昃不知食卽食無重味

南康縣志卷之三

三

數日才一舉肉弗飽也中丞吳公時巡
撫江南呵叱羣吏無敢近每見君入必肅然
起曰廉判來廉判來以故僚佐多忌之而又
好議天下事若濶遠無近功然卒有大致乃
人曰京兆君迂君亦曰吾迂吾迂弗較也性
篤孝少喪母晝夜泣不絕時太母徐孺人在
也比太常公娶陸淑人陸淑人善嚴于是托
公于母家朝夕惟徐孺人之慕時時號曰豈
有人子而弗善事母者哉夫子故有罪也于

是道回徐孺人始大喜太常公疾延醫吳門
六月南風昌舟弗進君陸行負舟行百里弗
知病顧病弗愈者旬月而遭太常公喪于是
大慟幾絕凡三年而後復故太常公卒時君
一無所取惟陸淑人所欲與弗私也是其人
豈內外異致者哉予觀世之人有一能者率
皦皦務眩外惟恐人弗知密構顯頌馳逐公
卿間以故並躋寵榮京兆君懷異才善自守
論議勿下人遂負氣阨塞抑鬱抱病死嗚呼

金華集卷十一

七

傷乎往予遊南都時與君同舟也前有欹橋
君遽起曰夫舟行值橋墮柁之何泝橋危途
行安乃遂途行此其心豈行險弗知命者其
顧肯皦皦營利若今之人哉諺云弗視其明
視其冥冥是非其冥冥者耶京兆君娶項氏
襄毅女孫與子婦兄弟也生子科恂恂而文
爲予父嗚呼源流遠矣

尚書吳公傳

吳氏者吳江世家也自始祖千一公十世有

隱德而發于少保公洪少保公歷官南刑部
尚書正德間以忤逆奄瑾勒致仕子四人公
最長諱山字靜之號初菴公生而英異五歲
喪其母夫人王氏卽戚戚知哀不遂兒童羣
戲十二歲能屬文時少保公筮官南都公從
居南都卽中萬某者善相人見公甚奇之曰
卽南都諸公卿兒無若此者是父子並官上
卿兄弟嗣顯公聞之笑曰如卽中言萬石君
顧復見哉年十六補邑弟子員弘治乙卯舉

金華集卷十一

四

應天鄉薦戊辰與弟嚴同登進士除刑部主
事歷陞員外郎中庶隅抗直不撓疆禦有富
人坐法當死夜持金潛遺公公斥還與之旦
白其事置之法于是豪猾悚懾靡敢犯者然
亦以不能逐事類仰奉權貴人故九載秩不
遷正德丙子奉 命錄囚江右先有兄弟共
殺人者咸論死公意憐焉憐之欲出其一夜
禱于神乃忽悟曰殺人者死協謀者坐遂俱
決之其他疑獄平反者幾百餘人民稱無冤

矣 武廟南巡諫者多忤旨抵罪公亦諫

詔廷跪五日庚辰擢山東副使理驛傳清軍
務釐革宿弊區畫中理大戶有侵盜官糧者
罪及餘民公竟直之時暑月諸司多所逮繫
公輕重量出之獄無滯囚廼有塞井復深民
感其惠爲之謠謠曰彼泥者泉弗浚而復錫
我則福居無何擢陝西右叅政嘉靖甲辰改
浙江假道歸省纔逾月而少保公病卒得視
含歛無遺悔丁亥服闋授福建按察使聽斷

南寧集卷三

五

公明吏民懷畏謂少保公嘗居是官也民之
語曰鳳之棲兮其雛來儀民具是依已丑擢
江西左布政使旬宣有方綜理周密禁豪登
羨清節不渝辛卯有巡撫河南之命時水旱
荐劇公條陳賑恤民賴更生初河南運額公
在小灘久之民弗便 武廟時移之臨清
又弗便乃移兗州隆民稍稍便矣而運官受
臨清重賂呈御史奏勘公指揮便宜御史終
聽置之公以河南惟河患爲甚遂根極利害

著治河通考十卷行於世成化間親王居河
南者纔五府錫封旣益天胤日繁自郡王將
軍而下幾數千人歲入不足以需常祿公疏
請以歲運之餘暫補不給一時賴焉伊王素
柔懦休宦暨保金等害及無辜公疏請正保
金等罪而責王俾之自新臨漳王府將軍祐
掠者招納亡命奸法軌時侵掠民間民咸苦
之卽祐掠至無不懾懾恐罷市肆閉戶竄逸
前後諸撫臣至者莫敢問也公聞其狀疏免

南寧集卷三

六

爲庶人迺遁匿京師巧詆恩貸又奏誣公等
主上方事敦睦而元宰永嘉公與公素有卻
遂左遷浙江叅議時同黜者都御史毛公伯
溫御史王君儀也于是直聲顧益起公亦厚
自砥礪不以謫故窘其才乙未擢江西叅政
務戢豪右便窮困其爲政如其爲左使時也
尋擢南府水丁酉以僉都御史巡撫四川遂
論罷諸武臣不職者緝其豪猾舉都督何卿
叅將李爵等使守松潘敘瀘今並稱名將人

以公爲知人又疏改廣元縣以爲州治問疾
苦舉廢墜省繇後務農桑惠流全蜀聲播萬
里明年晉右副都御史提督南贛軍務夫虔
州者四蕃之衝山之面背賊之叢藪也哨聚
剽掠俘雲爲甚公廼申號令修器械嚴警邏
節候望不半歲殲其渠魁威德遍溢人以爲
善繼陽明王公之后云先是公自蜀抵贛中
道擢刑部右侍郎既得命人謂公宜亟趨朝
便公謂曰前巡撫王公浚守予代者將替矣

嘉靖集卷十二

志

予弗往復守代予者是予處其逸而王公恒
勞也乃竟抵贛人稱公爲長者既又晉左侍
郎居侍郎越二年辛丑遂拜尚書明罰卹刑
庶獄詳允威稜截然無所顧避時翊國公郭
勛橋虔怙勢竊攘威福志在莫測諫官舉其
罪上之始天子震怒下廷臣議後稍解議
者故多聯言輕重靡決公自奮曰夫人臣有
直節無遂垢以勛之權及今誅之殊尚善也
而但萎腴咋舌又手雷同豈稱法吏意哉乃

陳其不軌論棄市坐黨附者咸有等具獄上
聞久不報會秋當報囚勛竟死獄中上怒
公輒獻後期詔免官去朝士咸竊竊焉惜之
公嘆曰臣家起布衣非有尺寸之效而父子
累世被恩生死之年永懼不報廼今顧以失
職賜骸骨還故里非老耄之幸哉又顧其子
宋曰爾知先朝尚書劉大夏乎被罪戍邊廼
即日荷戈就道顧不健歟于是市車陸走不
役公騎角巾私服猶恐人之覘知之也行未

嘉靖集卷十二

志

至彭城七十里公體憊欲假息民間無可居
者乃休舍利國監驛忽語于宋曰予病矣夫
其殆也丈夫蓋棺事廼定吾廼今死無恨矣
遂逝時壬寅冬十一月七日也公蓋壽七十
有三年矣先是公之就宦也必以棺自隨曰
倉卒中寧有備者乃今終于僻野而予宋竟
治所携棺奉襄事人固謂之識云公儼然
梧聲洪若鐘爲人峭直不與物有接其談笑
充充然如重獲也然鄉人以寤之故求者必

劇爲周旋至有以私謁事者則嚴拒弗納已性又孝友大衆嚴先卒公撫其孤亡異已子少保之蔭宜及長孫義讓之弟嵩督誨少弟崑登嘉靖戊戌進士少保初宦京師命公析諸弟則自取敝廬朽物斯非其敦愛由來靡假者哉家居更廩飭其宅西有隙地人或勸之取以營室公曰此官亭址也不可仍梵井其上以便汲者邑令張君明道今之木強吏也聞其事善之卽構亭其上名懷德井仍作

周府君墓志

元

記表焉吳中歲嘗饑獨連負者萬石折其券至今言者猶嗚嗚感公德也公有丈夫子五人長邦棟元配毛淑人出娶徐氏邦棠側室張氏出娶王氏繼沈氏邦楨娶史氏邦杰娶顧氏邦棐娶予仲女俱繼室劉淑人出女四人孫男九人邦棟等以甲辰春二月十五日薨公于邑城外梅里村虛圻屠應峻曰國家準周建治庶政掌于六官尚書總喉舌之司酌台衡之運非宏德碩望推賢朝宁及上

意所殊眷者莫之得任也况父子世登斯位也哉明興百八十年來父子官尚書者凡十有四家海內侈談以爲章逢之異遇然就今而觀其奮庸熙協垂休揚烈銘勒金石者非無其人至于拱默于睢無所可否外席隆寵而中慚尸素者蓋亦有焉望崇者易驟任重者多仆豈不難哉公父子世典邦刑循三尺法平衡天下少保丞弼三朝以直節去位著稱當世公早歲登庸敷歷中外蹶而復起遂膺簡錫之命蹇蹇侃侃條振囊章使巨奸伏氣懾息庾死不敢他望雖被罪褫職身斃名立終始靡改辟之璫瑜之性寧毀不渝麟鳳在廷馴而不狎庶幾哉匪躬之節鼎畫之臣矣可不謂世濟其美者哉予故詳其行告諸來茲俾言世家者有考云耳

明中奉大夫江西布政使司右叅政項

公行狀

狀曰公諱經字誠之姓項氏上世故洛陽人

曰宏度者公九世祖也宋室中亂避地嘉興
遂家嘉興蓋嘉興始有項矣宏度生儀甫儀
甫生伯通伯通生達卿達卿生永原永原生
邦邦生衡世有令德闕弗施而生子忠忠舉
進士爲刑部主事土木之變主事從英皇
帝北狩矣歸而進郎中屢遷兵部尚書有大
功于西邊還定荆襄卒謚襄毅襄毅性剛果
任怨身犯難者數矣乃卒全功保身數錫胤
嗣卒之日詔錄其子若孫爲千戶世世弗

卷三

三

絕云襄毅配鮑夫人生二子而公長也次曰
綬公生而哲靈八歲卽善記誦少長卽善文
辭一時之士學記誦文辭者無弗推服公也
比弱冠以蔭入太學遂就試太學太學諸生
又皆推服公也爲太學生者四年而當成化
辛卯是年舉順天鄉試凡爲舉人者十七年
而當成化丁未是年舉進士明年授南京福
建道御史奉命簡閱內庫內庫者豪貴所
潛也公既至循故實稽錄羨餘內庫無敢冒

卷三

三

利者比文視南城南城人無敢夜聚按江表
江表寧凡上章論利害者十一皆宛曲盡事
體不務皦皦名故人亦莫可知也已爲御史
者又七年而陞太平府知府知府至則嘆曰
嗟乎太平建康南屏也左江右淮雄據三面
實惟國家股肱郡然太平民貧矣不寬不
可於是身拊循之凡流亡來歸者萬計彭中
丞禮刑御史鳳交薦于朝而襄毅公逝矣乃
公奔喪回太平民留者充道道不行公泣而
諭之乃稍稍引去而公兼程馳回悲殞號極
幾不生凡六日而後食飲人弗強之弗索也
是非其至孝若是哉服闋赴銓部移治臨江
臨江與袁筠諸郡接壤也土寇漂逸出沒其
間前有司率玩暘慮他變弗敢動民無休居
公至惻然曰夫臨江與太平異也寇弗擊民
弗寧乃立捕諸豪賊百八十人按之一郡肅
然時戶夜竊矣逾年臨江大饑米石千錢存
司方請賑公曰民饑甚矣必請而賑是含口

以待斃也。賑而弗請罪在太守。太守寧以一身活數萬人。于是發府庫金數千建和糴之。瀛民賴以存者無算。而監司督賦方急。公入諄曰：「化理民命爲重。民億矣。以杖驅之。是東羊加石而沉之淵。直速死耳。民盡死。賦從何出？」太守死不奉命。太守死不奉命。監司怒。繼而歲太稔。民感德。報稱賦。繼繼然入。恐後矣。卒爲諸郡先。監司悅。時中官瑾用事。權擅天下。天下吏多賂中官瑾者。其有司以上賂各有等也。公弗賂中官瑾。怒。或以告公公曰：「乃人各有志也。彼烏怒？即怒吾命耳。卒弗賂也。然心知禍之及已。尋乃移治汀州。公曰：『禍止是吾幸矣。』」迺日之汀州。臨江民留之。猶太平也已。治汀州者。暮月政盡。舉迺檄公致仕。汀州民留之。又猶臨江也。已公卽夜遁去。中官瑾怒未已也。時公弟綬爲千戶者。進指揮矣。而又從征廣右有功。於是矯詔縛綬。緇戍遼陽。居無何。中官瑾誅諸賂者。皆敗臺。

諫薦公抗直可大用。公曰：「吾乃今可休矣。夫八處世若飄風耳。吾五十餘矣。吾寧千里爲吏。俯仰人作強壯態。吾孰若林臯自怡也？」乃自號怡菴翁。具疏請老。上允之。授江西右叅政。蓋致仕者又十年而當。今上登極壬午。又七年。大禮書成俱推。恩天下。詔兩進階。至中奉大夫。云公生于景泰壬申。卒嘉靖己丑。享年七十有八。娶趙氏。繼田氏。王氏。子男三。長鏞。卽千戶。今從征交南。次鎧。鴻臚序。班次。錫刑部主事。女三。長適南京左府經歷呂言。次適應。竣。次適太學生沈維鏐。孫男四。元淳。元深。元宗。元濬。孫女七。方公之卒也。應竣奉使江右。道嘉興。子鏞亦以奏凱。故歸省。錫在告。皆得周旋。以訖終事。可謂無憾也已。竣又嘗聞公之教其子曰：「夫起家者。猶治田爾也。項氏之先有厚畜矣。至我襄毅公。關之樹稼穡焉。而守于子。夫善守者。未必有終也。小子識之。其毋忘爾祖矣。」嗚呼。言猶在。

也公風度爾雅不細謹美鬚長大其處父子兄弟皆可誦說方少時襄毅公遭讒屏居公亦夙夜抑畏懼遺父憂比爲御史而弟綬以指揮署蘇州衛公令綬奏署嘉興所以侍襄毅公猶已在綬亦善事襄毅公若公在也襄毅公卒時又有幼子矣公周悉撫愛訖有成立襄毅公廡無所遺卽少有遺公盡分授之弗私也教子嚴而有方初公爲舉人居鮑夫人喪比又居襄毅公喪皆善執禮不隨俗其

事襄毅公

章

子弟無敢弗執禮居喪隨俗者迺昏娶不論財其子弟無敢論財者居常不私謁郡邑其子弟無敢私謁郡邑者方仕時逆瑾播虐雷奔烽裂無敢近公乃抗節自表見人卒莫能害蓋亦有天幸焉及 朝政湔濯起廢之日乃引身家居是豈避難而止知進不知退者哉公素疾矜代弗自敘述應垓生也晚從子鏞等得其大者而弗詳也然公之風因以著矣鏞等將以公卒之年月日葬公于 山惟

是墓中之石所以垂示久遠鏞等方開闢積首詣 元老以請惟採擇而存之使亡者事行弗泯此恩德至厚也謹狀

故封奉政大夫吏部文選司郎中呂公行狀

屠應垓曰嗟乎夫士詭鮮彰隱美難耀也是故懷獨行君子之德鬱湮無聞焉浚源滌流廼世善可稽矣呂公者豪賢人也有古俠士之節焉顧隱而弗宣廼其子通政君貴榮于

事襄毅公

手

時而呂公遂聲施于當世呂公諱綸字文佩上世居台州呂國義者仕故宋爲尚書來徙崇德今崇德稱相庄傳保村者則以尚書也尚書沒呂氏衰矣蓋數世而生岳岳生璵而呂氏稍復振郡委督賦萬石爲賦長人稱萬石君江南民畏重賦尤益畏賦長即聞役輒趨趨牽妻子竄惓然如被重刑也凡民賦弗時入與強豪弗任賦者坐賦長代之輸郡縣供張糗糒及諸歲時餽遺無細鉅必給自賦

長慄慄盡毫髮以故輕者覆產重者乃至死
萬石君既比歲爲賦長家復衰時呂公業儒
通大義矣輒奮曰夫儒佚時者也瘁而緩功
靡而罕紀顧吾父理家如拯焚吾方濡升斗
之水吾旦夕之弗沃而暇坐需歲年之効哉
且儒不教人孝乎即子逸而親勞非孝也誦
歌容裔循尺而進寸鄙孰甚焉于是遂棄儒
佐家政萬石君又嘗與蘇人徐鑒合賈鑒豪
賈也其僮往往持質券質至千金鑒覺即誣

萬石君給千金廷奏之下巡按御史御史檄

蘇郡縣官雜治鑒即又賂蘇郡縣官于是萬

石君誣伏千金乃呂公則又奮曰夫千金易
與耳古稱上賈乃以空拳致資鉅萬即父在
金且復來吾忍以千金易吾父乎于是即罄
資立輪千金然自是家益衰顧強力厚事其
父母配郭宜人有令德亦善相呂公萬石君
取姚孺人姚故族也衰益甚晚歲姚孺人病
憐其家時時欲有所遺郭宜人逆知之即先

意遣往他日就榻謝姚孺人始懷焉知之曰
賢婦賢婦比疾革則又曰嗟乎吾子若婦賢
吾無以祝吾願吾孫若婦猶吾子婦也乃呂
公則竟生通政君可不謂有天也哉呂公訓
通政君嚴童子時即勸誨之曰夫儒生所貴
者以事君善忠又民良也吾不及遠見見官
吾地者焉循良載于今無幾也若佚渝而曠
位甚者乃以厲民怨叢于身而詬逮于親辱
莫大焉小子識之哉即他日弗爲吾辱吾幸

矣比通政君舉進士又勸誨之曰小子弗識

予言哉汝乃今可忠且良矣吾幸有先人之

廬舍猶足及子慎毋辱也比通政君授主
事督漕清江得始封呂公而主事督清江有
時望荐歷兵刑二曹郎中嘉靖甲午天子
詔吏部若曰夫進賢關國家盛衰乃文選秉
銓衡重任邪正所自庸非得才賢弗充稱仕
使其茂簡以聞于是冢宰既呂郎中上維時
天子神明宰臣斤斤銒百度郎更循法守職

求免過而已無以自表見而文選更錄
易稱前郎中率忤 旨斥調去以及呂
緣故亭法叅酌厥裏繩德意來衆思上自公
卿薦紳之屬下逮臺輿無不曰呂郎中才也
是年八月 皇太子生推恩廷臣呂公得進
封文選郎中階奉政大夫時適就養官邸則
又勅誨其子曰嗟乎恩茂者鮮報受重者易
渝夫執權而低昂易則傾矣小子慎之哉國
有憲常弗私爾貸既又曰凡吾所以來將有

東坡全集卷三

手一

以規爾且訓劓之也今人幸稱爾才吾弗患
矣于是亟還還逾年而子郎中遂進通政列
于九卿也呂公性倜儻善振人之急即力所
及不問利害厚施而薄望惟恐人有知也見
人善雖故弗識譽之也見不善雖雅所厚亦
面斥弗憚忤以故人多德呂公服其諒平生
喜飲酒又善爲詩獨慕陶淵明之爲人因樹
菊舍東園中每秋日觴詠其間采英而食焉
誦淵明之篇悠然終其身無他營矣因自號

友菊道人往歲予居疾于家則往謁呂公湖
上顏丹而踈髯望之翛然異人也予謂呂公
宜壽時飲至醉據席大噓慷慨論天下事不
能休似精有力者至言神仙之術尤辯析可
聽予謂呂公益宜壽沈生者業相人則予告
曰呂公者神內滴通政君貌潤而氣痿宜有
故予謂言術者善誣人也而呂公適又遺其
子書固無恙予益謂沈生誣越明日乃計至
矣寔甲午四月三日也呂公生六十有七年
顧不甚壽嗟乎死生之際固誠有命哉乃沈
生者則竟非誣也呂公有子男二長希周即
通政次希蒙孫男女九希周卜以某年月日
塋公于某山之原

東坡全集卷三

手一

詰封一品夫人母牛氏行狀

天乎天乎孤應其忍復有言哉應方童
子時遭先公之喪歲多艱疾辱馬餘息日貽
母夫人憂弱冠登仕羈京師積數歲纔一歸
省覲比方得請予告解謝世故意周旋朝夕

奉淑水之餘歡而歸即遵病病少間母夫人又長訣不待嗟乎傷哉是命也夫自夫人卒距先公卒凡二十有六年孤應坤等將奉夫人柩以癸卯冬十月二日遵 詔命啓先公兆合塋于縣東鄂陽山之原先公諱勳歷官太子太保刑部尚書贈太保謚康僖別有家誌國史傳惟夫人之行甚懿弗可泯也應坤乃抑哀忍死追憶大凡述爲狀狀曰夫人姓牛氏牛氏淞以東貴族也世居處州自始祖

卷之二十一

三

至于父兄五世爲將軍康屯保豫功在王室凡 璽書臨遣褒諭絡繹煜燿其家他姓莫望也且治家習有禮法兄弟同居爰者百三十年內外不渝上下交飭以故家聲籍甚號稱禮閭父洪官都指揮累贈光祿大夫娶餘杭鄒氏爲尚書文敏公女孫康靖公元女鄒夫人生二子一女長桓右軍都督府都督同知次模女即夫人夫人生而哲靈長益端淑知讀書通太義纂組女工不襲巧不飭靡

時以爲式光祿公奇愛之年二十未輕字也時先公官刑部右侍郎喪先夫人林氏會奉使便道歸謀可以嗣室者杭父老林元高謂先公曰明公知牛氏有女耶夫不欲賢偶即已矣必欲賢偶非是無可者于是先公介林君請至再光祿公疑其年弗若也侍御吳公一貫方按浙謂光祿公曰夫擇婚者貴均以族族均以賢年之短長乃有命耳光祿公強聽之夫人年二十三乃歸先公時王母陸太

卷之二十一

三

夫人猶在養也夫人日夕侍婉而頌委委而于于陸太夫人喜曰吾不意暮年更得賢婦也恨不得事吾夫若吾姑耳先公比已舉二子應坤應坤既又舉二子應圻應圻既夫人乃生應垓及異母生弟應垓夫人煦煦携煦均若已子先公視諸子亦猶夫人子也諸子視夫人亦不知非夫人子也故先公嘗謂人曰自吾得夫人無室慮焉先公娶僅三月即留夫人家居而身自詣 闕報命未幾丁陸

太夫人艱歸服闋起右副都御史復左侍郎
九載秩滿晉右都御史陟尚書夫人隨居京
師者十餘年公卿大夫有過先公者見內外
斬然庭虛無人咸以爲先公之弗携有內也
至留賓酒食稱賓至飭簋潔豆殺蒸品薦賓
不擇旨則又相顧嘆息以爲先公之有大賢
內矣先公累官皆法曹職典刑獄每大獄當
讞中夜悵悵思不釋遇平反即喜夫人覘知
之乃起賀曰善哉余婦人知識不遠不曉理
義然幸事公克庖厨設宴饗執宰割雖微物
必囁囁痛死此亦可哀之至也而况于人乎
余見公之于獄審矣能審者法必平是以賀
也先公以爲然正德初劉瑾以中官用事一
時大臣候閣諫弗聽而規勢利者輒陰附其
門下先公憂憤廢食寢欲去則念 先皇帝
恩弗遽忍一日焚香具跪草夫人見之嘆曰
此非公乞歸疏哉語曰紛紜一縷亂反一莛
物之相累固然也閹豎之患幾及大人乃不

以此時蚤自脫于羅網之外而固卿相之位
重榮寵之權以不能免于奸宄之禍悔焉及
矣即念 先皇帝恩他日訓子善俗苟有能
繼公者報未艾也于是先公益以爲然再疏
力解政至瑾勢益振凡大臣忤意者輒構奇
罪比瑾敗諸附瑾者多獲朝譴去而先公得
宴然肆志進退無疚故先公居常自嘆以爲
夫人之善有助也先公居家十餘年凡內政
悉委夫人夫人綜理周悉輒當先公意及先
公疾革有羨財未析者欲盡貽夫人夫人流
涕曰嗟乎夫喪而規利吾不忍也且余多病
子又少或不能承先業以貽先人累固不如
竇立請悉與諸子均之至于今郡之縉紳猶
能舉夫人言嘖嘖稱服也夫人居先公喪日
焚香處一室足不踰閭衣䟽糜飲雖八帛寸
綺不以飾御惟旦暮責應使知學應使亦
奉訓無敢惰怠幸舉嘉靖丙戌進士改翰林
庶吉士得奉夫人就養戊子遷刑部主事奉

詔校文江西便道得奉夫人歸既竣事欲奉夫人偕往夫人笑曰爾未知予意哉老婆婦無遠數千里就幼子養豈其情哉凡吾所以往者懼爾少未能爾官欲身誨爾也爾慎之蚤官易盈世祿鮮禮必毋改其初則善矣乃卒不往而應峻留婦侍夫人居獨返就職癸巳改復翰林脩撰得舉例乞歸省居僅一年丙申進侍讀會皇太子生詔使河南諸藩復假道歸省居僅兩月已支進春坊右諭

應峻妻李氏

三

德遂謝病乞歸侍先是數年吾少弟天死兩兄繼卒伯兄又卒夫人時時哭曰昔者吾有斯子吾幸見其有立以爲將益允先業也而相繼殞于中路嗟乎天乎吾何罪而忍奪吾壯子使不得奉吾老也時諸子存者惟兄坤與應峻而應峻又疾甚殆殆夫人居每齟齬不憚明年六月忽寢脾疾疾殆半歲呻吟瀕危者數矣卒未嘗出一語語形神不毀目炯炯如平生人望之咸以爲夫人無恙也然應

峻視夫人實骨立心竊皇皇悲怛怛亂矣冬十一月九日夫人忽出兩手脉自診顧應峻曰余殆矣脉氾氾若颺忽又中絕余固弗起矣夫人泣應峻泣峻嬭與諸孫盡泣夫人曰止止余自少饑不能盡餐渴不能長飲肱可摺而斷骨可擠而折也惟此氣數數所謂疆人耳而僅能自慎壽近七袞以天年從爾父于地下余足矣乃急召兄坤謂曰吾死無他憾所不釋而弟耳疾未聞乃遭大故毀而易傷非孝也子之身父母之身也保身以慰親非禮之大歟爾必善諭之兄坤泣受命又呼應峻曰爾知有佛乎事死者禮佛以資福其然歟應峻重傷夫人之心未對也夫人曰嗟乎予之于佛至矣捨施無論財尊禮無慵力予無所用于禱矣夫死者貴安予婦人也即死而羣僧披緇誦譯喧咻于予側予魂魄有知將長竄之不暇非所以求福也應峻泣受命又呼峻婦曰予沒之日浴必抗衾拒用浴

衣必屏諸御惟老婦二三人襄事足矣母暴
吾體也 埃嬪亦泣受命乃出所御簪珥悉與
諸侍者少長咸有等曰他日必以此念我母
相忘也言畢目遂瞑息隱隱若炊盡一晝夜
乃逝嗚呼痛哉夫人天性篤厚樂生哭死靡
不盡誠尊老慈幼無間貴賤居處貞而有恒
遇諸子愛而不溺御僕滕嚴而弗苛撫諸婢
如母子視介嬪如姊妹子諒寬易了無忤忌
雖悍妻妬婦聞夫人賢者無不惕然若有感

卷之三

三

也自奉善貶損服短衫衣澣衣美皂布食不
兼味日課家人紡績底勤率下雖羊豕鷄鶩
之食必身自視斬斬菽粟不妄與至賑賙貧
乏多寡無吝有所請貸終身不責償宗族姻
黨閭里賴以舉火者歲凡數家又善匿人微
失有顯過能自服亦喜釋無宿怨以故人皆
懷夫人之恩即有寒暑之疾無不以其私奔
走道路籲呼請代問卜筮者相及也每歲時
薦幣必罷罷中夜起躬自辨具或有事祀禱

咨且道說若與面接周席而趨適食而祝終
事猶若畏嘗曰夫祭者求神于冥漠之際幸
而格者吾誠耳誠不自盡而以偽飾禮不如
其已哉故終身無敢怠也夫人事先公能記
億先朝故實嘗謂應曰汝識之 孝廟時
后家與河間民訟田也物汝父與高都御史
往勘而令中官劉輔與偕汝父廉得其情抵
后家張喜等罪由還民間中官輔入報時
帝后方會膳 后怒罷去 帝亦怒護輔不
已汝父懼且得罪明日 帝召輔曰昨汝入
報時值后怒吾故亦怒汝令外臣聞之將恐
懼無肯任事者于是立賜汝父白金文綺下
命諭勞汝父言之未嘗不蘇蘇泣也應後方
少聽夫人言有動于心焉若此類者不能盡
述也夫人生于成化乙未卒嘉靖壬寅春秋
纔六十有八初夫人生時有日者過之賀曰
金木相維公侯之妃是與兄皆當貴今兄桓
列上將階柱國夫人兩封至一品敝霞橫王

文武並耀亦一時之榮矣夫人有子六人應
墳湖廣副使娶李氏繼錢氏應坤雲南叅政
娶陸氏應圻娶張氏應坊娶王氏應垓娶項
氏應垓娶吳氏圻坊垓俱國子生女三人孫
男十有六人鈞鉞錡玄鉞錡仲律仲行鈞銳
餘尚少孫女十有三人曾孫男八人曾孫女
六人每吉日上壽將將緝緝長穉交携嬉戲
膝下亦足以娛夫人而今則竟長已矣嗚呼
痛哉夫人懿行甚衆雖細小皆可誦說應垓

墓志銘

卷一

恐其近蕪蕪且弗能文也故姑述其大者惟
明公採撫要畧賜之以銘使永世垂範幸甚
不朽

故中憲大夫湖廣按察司副使伯兄九

峰公行狀

屠氏故陳留人上世弗詳也宋南渡時始來
徙浙蓋昆弟者二人其一過錢塘居鄞一止
嘉之鹽城後鹽城分爲平湖遂世爲平湖人
自宋歷元子孫居積巨萬任俠有氣稱豪里

中高皇帝時凡里中諸豪悉窮治無所于
貸而屠氏遂被錄徙寘盡沒入其貲吾始祖
曾一公以出贅楊氏身僅得免未幾楊氏亦
被錄吾始祖以他姓故復得免今卜浦濱武
塲廣袤約二三里許猶相傳屠氏故居遺址
云曾一生亨一亨一生澤民澤民生湘湘生
機六世有隱德而至吾先康僖公始克自振
樹以昌大其宗時屠之居鄞者亦積至巨族
弘德間先公位司寇鄞之伯丹山公位冢宰

墓志銘

卷一

兄弟並列上卿焜耀當世於是當世稱著姓
則江南有屠氏焉先公生子六人兄最長諱
應墳字文伯居近九峰因以九峰自號次應
坤應圻應坊應垓應垓兄生而穎異先公鍾
愛之凡一時巨公名士多造事其門下齟齬
聲譽藉甚弱冠領正德丁卯順天鄉薦舉辛
未進士當是時賜宴 恩榮諸公卿士咸與
與奉禮法兄竟被酒詞中頗詆及上相公卿
士嫌其傲不遜是年進士選儲翰林兄以故

不獲與選授禮部祠祭主事時先公請老家
居兄得陳情予告歸省還改兵部職方丙子
歸居先公艱執喪無踰禮已卯服闋改禮部
精膳員外郎尋遷祠祭郎中人有建議毀京
師諸淫寺事下部議議者多惑幻冥禍福立
異有滑稽之心兄主其事一夕發檄遍京師
盡毀諸寺無復艱慮其遇事剛毅類如是時
武廟崩今 皇帝入承大統祔 郊社裡
宗廟殷祭上下群方諸神以幽贊神祇百靈
暨上 兩宮徽號諸大典禮兄與有勤勞秩
當遷而少年多銳氣不能踴躍逐事守尺寸
承奉大吏適竟謫為楊州鹽司判官鹽司者
泉貨之藪也大買賓集誘刺易與况怏怏抱
恨心日與泉貨為伍其勢不克自拔士大夫
咸竊竊焉兄至則執準守憲統御輕重未嘗
與時俯仰以獲贏利以故富商不得持貨奸
吏以待急輕賈不致亭次售賤以滯時公私
兩利上下平準于是商人無不誦允德者而

元廉聲日益起甲申擢鎮江府同知鎮江郡
大而區沃且當東南之衝輻輳百物最號難
治而同知者又非守若也才益難自見兄則
審利病平煩劇區處中理不以位窘其才鎮
江人翕翕稱之乙酉擢僉事按察河南攬轡
矯矯肅然澄清之意殆無伍也獨與其僚王
公應鵬及其鄉大夫李公夢陽相友善二公
者海內聞人也一日與李公登梁臺則顧相
嘆曰嗟乎此非中原故都哉方金人之南也
群醜烏集首虜猥越使宋室諸臣慷慨抱節
因中原安土之衆豪傑憤志敵愾之志北向
陳兵人勇百倍則河洛不楚清而燕雲可併
復也顧顧首縮竦竦望風長竄神鼎陸沉君
父淪沒豈世運固然哉夫亦寡謀失慮國無
人之故與於是李公嘖嘖賞之又他日過夷
門則顧謂王公曰嗟乎竊遘有命顯晦有時
數奇哉候生才留不讓儀秦而蹇厄過之微
信陵君則已矣是命也夫夫信陵君之好士

也大梁墟中今過之亦有執轡恭者否乎且人之於世生死瞬息無幾也所不朽者名耳今吾幸覽古之遺跡益以重懷功名之未立而後之人無所干聞也豈不傷哉于是王公則又嘖嘖賞之是其激烈慕義之志蒸蒸然必欲揚名當時垂功後世以故挈綱振紀禁奸輯良執法無少屈撓而士豪世家又目不敢視擬跡不敢行然稍尚操切雖同僚長者或意有所先則輒自爲之無所咨詢由是薦

卷之三

三

紳中多不協丁亥權湖廣屯田副使其爲政如河南時務抑豪右便窮困治最有聞迺竟以故河南謗被論當調用時特旨賜致仕則衆嗷嗷焉以爲有所忤大臣陰傷之也而事從中降亦莫可曉夫其廩以遠利詳以理賦嚴以督奸恤以柔民皆炳然可觀使當宁者矜其能寬其罪則業亦備矣而局于淺窄不能殫試可慨也凡爲人簡易高諒磊落不羈與人交坦坦無他腸然亦倨慢且峭直又

好議論人短長故多所致怨至其孝友天性薦至先公卒時諸弟所以下多幼兄踴躍大慟曰嗟乎父之誨羣子也躬自講授窮晝夜孳孳弗怠蓋俱欲教育爲聞人今予幸謬舉一第而父奄忽棄群子衆衆罔知所自立嗣後雖或有顯庸者而又不逮是吾父又能復有知否乎于是視諸弟緝緝煦煦惟恐弗有歡心又懼弗得成名人也諸弟如有疾則旦夜自臨存問流涕被面躬楚楚如不勝或居官被謗議輒拊膺齒嘆含恨莫釋家庭言論雖少不遜亦嘻嘻道之未嘗色怒最少弟有遺姪視若已子保愛携恤積數歲靡有怠也此豈有所勉飾求外眩靡衷者哉此可以觀其大矣性頗好詩文今所遺有維揚集潤州公餘稿家居適自貶約務米鹽多所靳恤數年不製衣累日不舉肉有貴重之客過之或竟日譚笑亦莫置飲食不忍以分毫利與人雖子孫亦瑣瑣不忍與盡與居官時若二人

焉或諫之曰夫人之積金不過身自愉樂設
綢帳構堂榭列同志歌呼飲酒極樂終年下
以遺子孫無他耳公于此數者未數數然也
廼居常次且起卧若有遺行步若有思慮頽
聚眉繭焉役役而莫知自己也不亦過乎兄
解之曰家匪營弗盛非儉無成且先公力盡
以起家而予又幸賴先公以有餘貲而廼身
安逸樂而心誇矜勢能之榮斯不亦傷先公
之心乎于是卒弗改家居凡十二年以嘉靖

辛丑三月十有八日卒距生弘治己酉八月

三

二日春秋統五十三矣嗚呼傷哉元配嘉興
李氏爲知州李楠女知州無子其嫁女多資
財正德辛巳七月十一日先兄卒生子鈞以
先公廕補太學生女二長適方元偁次適沈
維錄俱庠生繼娶淞江錢氏爲廣州知府錢
岌女生女二庶子四鈞續錄庶女三幼未
聘孫四耿光觀光謙光化光孫女一嗚呼先
兄懿行甚衆不肖不敢文又不敢忘其細小

僅載其顛末以備大人君子採擇賜之銘以
傳世信後使永托不朽幸甚董狀

祭太傅文正謝公文

年月日某等謹以束帛牲醴遣某致祭于少
傅兼太子太傅吏部尚書華蓋殿大學士贈
太傅謚文正謝公之柩曰嗚呼於皇純佑定
生哲人英英文正邦家之禎承休邇否玉振
金聲弱冠厲翼 純皇是嘉清問克揚天休
薦加奉轡 儲皇羽儀承華協贊三善仰培

萬機勞如疇咨弼諧文華肅清義我平臺

聖

玄德穆穆潛光萬邦俟式帝出於震允懷厥
功崇崇天樞簡茲登庸於穆元化斟之酌之
王言作命佐時若之維 帝聖哲任賢弗猜
帝穆在中召公其來于時三公惟劉惟李寔
維雍雍借侍宸扆惟曰肱股亦曰心膂聽履
則識造膝則喜嘉謨 帝俞衆則莫聞道洽
政宣日惠于民休茲三公推賢有容明明卿
佐濟濟百工惟 帝聖哲亮功敦裕中朝休

明四海咸乂昊天降威威我顯休於穆敬
皇邁疾彌留乃召三公末命是宣王几用璽
金勝啓絨時維武皇誕膺天序彼閭伊何
敢姦國紀公曰嗟嗟維邦之忒邦縣典刑其
致恒辟諫書載陳帝始弗違肅有譏人啓
之禍階維關編編拊時天威李曰昇哉維裕
克勝二公曰吁先皇有命我躬受之毋敢
顛隕公言益莊關日以昌劉公北但歸公南
荒振衣姚山濯纓纓江位勲志申身逸譽張
英英名胄錮及孫子滔滔東山歸逾二紀維
皇中興登賢晉明皇曰返公復之台衛明
明綸命肅肅安車行人將之日馳以驅衆曰
其辭公曰就途老臣抗命時予之辜我公至
止皇命焯焯國有壽耆士有儀刑衆曰其
留公曰歸哉年不逮志居功履危出以恭令
歸曰行義皇恩不愆始終允備什音自南
廼徹帝聰帝曰嗟嗟是惟宗功乃召冢
宰宗伯司空錫之塚田崇丘隆隆祭以天章

靈謚休封明明敬皇陟降在天公拜稽首
庶無覲顏敦節完名範世作則民載德音史
紀成績緇予門墻喬嶽具依南望玄廬山川
間之眷言秉紼繫此簡書累觴薦藻茹哀陳
詞

祭陸孺人文

嗚呼孺人肇允才淑王潤蘭薰緝熙內教抗
節惠心婉孌居室溫恭有行於維盛氏世邁
明德肅肅上公文武作則誕茲哲靈含章貞
吉言相夫子肅雍宜家惠齊魯斯孝承白華
豆蓬孔碩琴瑟靜嘉時唯夫子矩行修辭紆
徐玉堂期翔形墀乃登瓊閣袞職是司義義
鼎門抗章再陳迅隼秋擊威鳳翔林神奸夜
泣宵人晝奔帝庸其言既俞則咈犴獄再
離天威震越讒言雲興陵陸日月孺人曰嗟
子唯諍臣志士死職履忠殆身英英夫子九
死弗悔赫赫炎荒薄篋萬里孺人曰嗟臣皇
自恤上帝明明反子則日子有壽母唯威

以思子有弱穉弗任馳驅子服自公予勤其私嗟嗟孺人心疚身瘁俯仰承育幸慈不匱胡疾彌留以死無懟予聞有言善則獲福云何孺人德永年促結球光豈朱榮春衰穉者孿孿淙淙云悲雅時夫子詔歸自東獻歆故庭葺彼新宮沉陰是即遙思筑筑嗟乎孺人偶德重光夫貞婦順身摧壻張絨辭酌醕薦茲德芳

祭袁經文

屠子館于京師鄉人上之京師者無弗覲也袁經弗覲人道之屠子曰弗覲也故弗識曰經吏也而貧衣不掩膚口絕咽者旬日矣明日往問之經曰嗟嗟貧者慎謁疑乞也乞則不敢夫往來之禮以飾生也瀕死矣奚飾焉屠子覲之栗經曰覲而授乞也弗覲而授矜也人之矜也不愈於惡乎受之廼七日而經死矣屠子曰嗟乎夫在官者浚民膏以自肥也蕩檢者輕役身以干潤也邈乎其知耻矣

死生之故莫大焉袁哉經也生莫憂於貧無以養也死莫傷于客于其途無以歸也極莫威于短折哀哉三者具矣而守之弗貳其難乎或曰經弗得于其親屠子曰失其親而回邇以死誅也守已以甘死弗可哀乎吏弗貨貧弗覲其庶矣于是賻其喪而祭之

祭謝顯之文

嘉靖壬辰秋八月己卯朏少微山人屠應垓紫酒東帛遥祭于謝君顯之而哀之以辭曰嗟乎予于顯之之死也蓋疑于天人之際焉璫瑜璜璧世所謂至寶也山川之精畜焉積之久而其神始完又遇人焉而後珍即久而完矣遇人而珍矣而又即棄以毀也則其畜之也若虛而其久也若棄天道又奚徵矣戊子之秋予校文江右與廬子師陳偕予數數有異夢顧而曰是行也必得夫壯梧嶮偉奇節異行之士云比錄諸士觀其文遠音而宏肆則按其多良焉予二人相顧喜乃又簡頭

之擢第第一明日宴鹿鳴顯之褒然于于來
氣肅而貌凝弗自溢也而又故有行譽予二
人又相顧喜明年顯之第進士蓋省之舉第
一者不第進士數十年矣而顯之爲聯第間
與之論事無細鉅歷歷若覩見裕而決也予
二人益又相顧喜甚知顯之有異才會 詔
簡進士給事中而宰臣首器顯之其忌者弗
便也則萑萑造謗甚于是黜顯之出令慈谿
顯之緝緝端實行崇教化動効古良吏未幾
病弗起以是治弗竟然至今慈谿人言謝令
死而泫然泣也嗟乎可以觀顯之矣予之夢
之異也符者殆有人焉而顯之則竟已矣悲
夫悲夫抑戊子距今四年耳去年秋師陳死
予哭焉今年予又哭顯之焉夫人生不百年
即百年須臾耳而四年之內哭其良友至再
使能至百年則死生悲感變化之故予又能
逆知其幾也悲夫悲夫故于顯之之死率友
以慟而又宣之以詞

祭方時雍文

嘉靖壬辰秋七月既望友人某謹刲牲暴酒
敬進于方君時雍之靈而哭之曰嗟嗟方君
奚竟若是已也乃六月乙巳之夕方君病革
矣予亟視之氣蒸蒸出汗淋然下也已乃瞑
然睜目曰咄吾食祿七稔矣吾何益于時而
遂安以瞑也已又撫膺曰嗟嗟夫吾翁八十
有三矣乃期耄時見壯子容以死也已又解
紼息不止移時絕予哭之慟曰嗟嗟方君奚
竟若是已也予竊觀夫今之人縷言繪行儉
陂有隱中以游公卿躋膺位者不少矣即其
家居非皆素篤厚君子也顧又享高年死牖
下乃方君惻直不善宦輒好面斥人不覘所
難受顧人面斥之無難受也且務敬敏行不
與俗偶以故仕不進積六七年官止司副耳
其家居事父孝父不就祿養竟其官不携妻
子就養父愛其幼妹乃貸直厚嫁其妹其兄
死事嫂如其兄撫幼植愈其子也君方來京

師獨與其幼姪偕殖死君悼之甚竟以是寢疾後其殖十日亦死死時猶喃喃不忘官若其父也是其于言行篤厚於今之人如何哉年甫下壽仕不更一命而禍極于族死悲莫憐于父垂沒而弗能待也而又旬月喪其叔若殖二人焉雙棺殯斂而皇皇即萬里歸俯恃童僕耳夫是生人之至戚而方君身歷焉天道其竟若是已矣予何言予何言嗟嗟方君是日棺就途歸矣魂之之也其亦歸棲于

故廬

蘭暉堂集卷七

七

蘭暉堂集四卷

浙江汪汝霖家藏本

明屠應竣撰應竣字文升刑部尚書勲之子嘉靖丙辰進士官至左春坊左諭德明史文苑傳附載王慎中傳中應竣爲文善比事屬辭詩法汎濫諸家時有獨造一時名出其父右然筆於華藻蘊蓄未深是編凡詩二卷文二卷與其父集本別行後其曾孫繩德等又取勲所著太和堂集與是集合刻名曰屠氏家藏二集云

蔡恭靖公遺稿十卷

〔明〕蔡國珍撰

北京大學圖書館藏清乾隆十六年蔡尚才

刻本

附《四庫全書總目·怡雲堂集

十卷》提要

序

先冢宰恭靖公為有明一代名臣
朝豐功偉業炳炳烺烺載在國史直與日月爭光惟是其生平著述等身惜遭兵火
然燬殆盡昔從敗麓中得詩一帙皆其歸
田後髮年所作公手自丹鉛塗竄歲久字
畫漫漶尚才寶藏篋笥垂五十年潦倒名
場自愧弗克負荷以光顯先緒今蹉跎老

怡雲堂

序一

矣懼先賢手澤一旦隕墜敬將公見存奏
議記傳併當代名公巨卿書啟弔祭之文
先朝諭誼贈卹之典都彙為一集以貽諸
後世詩凡二卷皆今體篇中多不注日月
先後奈余生也晚無從考訂謹從體類編
次而已嗟夫當明神廟時凡內外秩官陞
補黜調俱一切停閣幾於綱紀墮廢國是
紛張我公以近八之年獨膺銓衡重任而

又無左右侍郎竭慮殫謀嬰疾盡職迨至
神耗病劇萬弗獲已始奉身引退調養衰
頽優游林泉十有餘年憂國奉君之心愛
民慮遠之念往往托諸禽鳥水石林巒之
趣亦良足悲已今莊誦其詩哀而不傷思
而不怨拳拳乎忠厚和平之音與古風人
之旨無弗啗合後之君子讀其書以論其
世知公忠孝本於性生而出處之際無所
怡靈堂

序二

苟且如是是亦足當嘗鼎之一臠矣刻既
成附數語於簡端時乾隆十六年歲在辛
未菊秋之吉重姪孫尚才謹識



蔡恭靖公傳

蔡國珍字汝聘號見麓別號虬阿奉新人嘉靖三十五年
進士鄉人嚴嵩當國欲羅致門下國珍不應乞就南爲刑
部主事盜七十餘人久繫獄得其情減釋過半就改吏部
進郎中出爲福建提學副使以侍養歸遭母喪服除遂不
出家居垂二十年張居正既卒朝議大起廢籍當道薦刻
十有六上萬曆十一年仍以故官涖福建遷湖廣右叅政
分守辰沅洞蠻亂將吏議勦國珍檄諭之遂定歷浙江左
布政使以右僉都御史提督操江召爲左副都御史歷吏
部左右侍郎與尚書孫鑣陳有年綜核銓政擢南京吏部

怡靈堂

卷之一 傳

尚書二十四年閏八月孫丕揚去國帝久不除代部事盡
弛其年十二月竟廢大選閣臣及言官數爲言明年二月
始命國珍爲吏部尚書三殿災率諸臣請修省旋有詔起
廢國珍列三等人品正大心術光明者文選郎王教等二
十四人才有足錄過無可棄者給事中喬允等三十三人
因人誑誤釁非已作者給事中耿隨龍等三十六人竝請
錄用竟報寢明年正月倡廷臣詣文華門請舉皇長子冊
立冠婚言必得請方退帝遣中官諭曰此大典稍需時耳
何相挾若是乃頓首出給事中戴士衡劾文選郎白所知
賊私除所知名國珍爲辨且求罷帝不聽因詰責吏科朋

此貶都給事中劉為禪楊廷蘭張正學林應元士衡秩並
調外以慰留之御史況上進因論國珍帝察其誣不問國
珍遂稱疾累疏乞休先是丕揚坐忤張位去官位欲援同
已者為助以國珍鄉人汲引甚力及秉銓一守成憲不為
位用位惡之國珍求去益力疏凡八上始允乘傳歸疾痊
仍著撫按官具奏起用初楊魏為吏部與內閣相比得居
位八年自宋繡陸光祖與內閣相抗權雖還部身不見容
至國珍率未浹歲去惟丕揚閱二年時咸議閣臣忤而惜
國珍等用未竟也國珍講求性命經濟以學行稱操清養
粹素履澹然為時望所屬家居十三年卒年八十四贈太
怡雲堂

卷之一傳

二

子太保賜祭塋諡恭靖

贊曰古者冢宰統百官均四海即宰相之任也後代政柄
始分至明中葉旁撓者衆矣蔡國珍清公素履秉正無虧
彼豈以進退得失動其心哉

明史

蔡恭靖公詩稊卷之一

五言律

秋詩三十韻

曾侄孫尚才

乘雲雙鴈隨激水一鵬神達體從衣薜蘿梳任首蓬龍文
囊裡劍蛇影酒中弓衰去無他嗜加餐賴晚菰
削跡依山郭衙門半掩松寒煙澄野色晴漠漠川容食客
甘彈缺諸生勉賃春風塵能茹苦庶可躡高蹤
秋齋擁膝坐落木叩疎窗風聲喧巖巖雲門吼石淙雙虹
晴跨澗一鴈晚橫江觸景生幽思吟魔未盡降

怡雲堂

卷之一 五言律

柴扉歸卧久世局幾番移意緒琴心發歎名劍首吹市寧
收駿骨宮但如蛾著恬澹無他嗜償書酒一瓶
投劾賓從息郊居俗累稀寒巖松骨瘦秋圃藥苗肥難遇
開顏笑欣逢賜老歸鷺塵渾不到直探北山薇
鷄序承恩日龍鍾遘病初忘機憐海鳥盡技惜黔驢空谷
鳴寒溜晴川帶積淤不堪離索甚唯有賦閒居
舊隱愚公谷秋山勝畫圖儘拚逢醉尉何意著潛夫畏路
甘迴馭名場愧濫竽超然塵壤外蕙豈疑珠
藥餌維衰老林泉狎遁栖已歸安石野只灌漢陰畦上國
饒秦帛中原息鼓聲北窗慵睡起蘭麝噴金猊

匡濟元吾志沉綿與願乖世途惟委運生事但安排劇
明先著居恬讓後柴晉人輕一快何用更爭蝸

山風吹短鬢草露滴寒莎秋意鴻聲得年華駒影催湖光
澄比月巖響沸成雷聊用娛餘日陽春憶鄴才

聖恩優老病山意復沉淪默坐觀元化清遊躡采真欲知
千里駿須問九方歟自得何從覓冥心會大鈞

流火秋山淨殘霞送落暎出林螢帶葉度渚鴈將雲繫帛
推中將書裙想右軍高閑塵不到卓爾迥離羣

一畝空山宅煙霞任吐吞蘿迴溪抱石焚曲水纏村自守
停車巷誰知設廚門白衣人已杳寂寞倒芳樽

怡雲堂

卷之一 五言律

二

北雲將一鴈落日倚闌看江露蓉花紫林霜柿葉丹雄詞
忘挾藻雜佩憶寒蘭四望無他碍平地得月寒

金氣澄空谷持竿暮雨灣遠天雲接樹落日水浮山點業
麒麟閣聲威虎豹關衰遲唯鍊藥此外總堪刪

何處秋容淨空村落水翩霜氣鴻鴈渚夜氣斗牛纏自續
庾樓賞誰爲吏部眠幽閑無所事瀟灑是良緣

結廬當谷口落木任彫蕭衰藉金丹鍊愚辭玉燭調勝遊
尋水石博采及芻蕘無吏妨吾飲何須遠過橋

蜀棧常迴馭鷗林幸托巢抱病嬰藥餌隨分息蓬茆自種
三花樹誰庸五石匏棲遲無外意不遣世塵淆

遇疴違密勿隨意任蓬蒿匣貯虹文劍囊藏奪錦袍蔭松
蒼局靜出竹酒帘高尊鱸良堪嗜吳江亦自豪

株守秋山裡洞庭應已波風吹干畝竹霜倒一池荷樂意
離樊雉危機撲火蛾高閑堪送老酣暢更如何

落木秋山淨松蘿飲露蒼泳鷗隨水曲過鴈受風斜我已
辭魚袋誰猶識兎置況今衰暮甚不復問京華

稻梁猶在野秋色滿山莊新月簾葭淨斜陽橘柚光力窮
知敗馬水擾見頽魴幸獲豐年賜謳歌帝道昌

清簾喧寒谷殘霞蕩水明逢人揮塵語訪景杖藜行沼靜
山陰直林迴月影橫優游唯所適不復惜浮名

怡雲堂

卷之一 五言律

三

微風吹澗谷黃葉滿郊垌晴潘雲中白晚峰天外青息心
同野鶴縱意得霜鷹幽思何從遠樵歌隔浦聽

一歲秋將半嘲吟學杜陵但看鷄跼集何意鵲頭微安憶
爭枝爲讒嫌止棘蠅自離塵網外清淨得真乘

狎遁非遺世澄心數孔周孫休驚鷺養象罔足珠求緝性
皆鞭剗庸心卽贅疣此中如有得便可與天游

煙霞牽逸思水石淨冲襟遠樹標寒色疎篁散晚陰黃花
栗里意白雪郢人吟清暇有餘興比鄰貰酒斟

金風發清籟雲木互相參日氣蒸紅樹天容湛碧潭卓生
顏氏苦鱸與季鷹甘世味渾忘却冲虛學李聃

繞舍簷窗密清光捲戶簾夾溪紅樹直倚漢紫峰尖山晚
林容變江寒水族潛不須嗟落葉撫景正酣甜

見幾須用哲因病解朝衫已獲松蘿境寧憂意以讒河東
矜一諾魯廟貴三緘安分遊人世高閑自不凡

感舊

忝居喉舌地寵厚病斯承落日明紅樹清霜老綠藤嬰麟
空獻納附風愧凝丞迴憶三朝眷無時不服膺

白谷

白谷稀賓從滄洲狎逸人露侵苔色古霜借竹光新獨乏
迴天力空衰報國身取途猶有意老馬病何頻

怡雲堂

卷之一 五言律

四

悵望

夙抱煙霞意匡時愧未能棘槐空笑秩衡鑑損英稱久已
違堂陛無緣效股肱九重翹首望知隔幾多層

松窓

偃卧松窗下清秋忽洊更林霜圖畫色蒼月杵砧聲敢望
堯樽酒寧希傅鼎羹浮名俱不着保鍊足吾生

辱周明卿遠貺率此致謝

索處夫何事秋聲在樹梢折麻勞遠使裹飯憶窮交不作
泛槎客唯希遊及庖熙恬隨所適真樂豈絲袍

竹萌

卧疴更歲久賜告荷恩榮紉佩憐蘭臭加餐賴竹萌機樞
稱矩矱出納足章程吾老甘貧病鹽梅愧傳羹

衰退

謬叨非望寵授揀得通津謁陞容持橐鷄班許曳紳十年
同逆旅四海若比隣卧病今衰甚難追綺陌塵

學步

學步原非質邯鄲失國能乞身就丹藥卜築陰蒼藤香漏
違三殿輕肥謝五陵賜環猶有意祇奈老難勝

歸來

累疏因多病詔歸舊水邱縱情黃鳥谷卜築白鷗洲已服
怡雲堂

卷之一 五言律

五

蕞蕞食寧思秬鬯占優閒誰與賜無念不宸旒

一邱

玉露澄金井空齊自寢興竹林誰得友蓮社幾逢僧乃有
一邱水祇緣二豎凌衰來溪墜戶寧計鵲頭徵

素餐

曾竊天朝祿時清飽得嘗名途希駿骨畏路剩羊腸一病
隨辭緩三緘遂括囊素餐何所補世澤詎能忘

中宵

十年寄槩澗秋色飽嘗經樹影雲園野蘆花月滿汀名慚
南斗雋文憶北山靈天地容吾朽中宵夢帝庭

草閣

赤日楓林媚清霜
草閣寒衰眠常少
寐晚食得加餐懷友
思空谷居官愧伐檀
分陰宜慎惜駒影隙中看

中秋

一年秋又半轉覺歲如梭
晴露肥禾黍岩霜老薜蘿
興來尋窈窕醉後舞婆娑
清福還誰得風塵幾漫波

索居

塵攘催人病索居
達市屢垂簾辭落木開戶納鳴泉
鄭谷松株七淇園竹箇千
隨方清趣足管領是良緣

蒲散

怡雲堂
卷之一 五言律

六

昔曾叨侍從名與寵俱沾
遇病身何補避賢道在潛
遊情尋楮穎却老倚湯砥
蒲散皆榮賜寧知十載淹

池亭

天光湛池沼瑩徹玉壺冰
繞郭鳴寒杵隔林透夜燈
才非冀北產名愧斗南稱
於世嗟無補猶知避綴矰

蟻陂

風高蟬語噤金氣淨塔廳江
霽芙蓉艷園秋橘柚馨
蟻陂甘寄跡麟閣罷圖形
為憶君恩重黃麻似六經

倦起

簷牙上殘照倦起事登臨
疎竹涵風細高杉得月深
當樓

三弄笛隔水數聲堪無限
閑中景誰猶問橐金

寓意

衰慵逢聖世康濟若爲勦
已自甘投劾還誰賦解嘲
論材思竹箭謀國想桑苞
食德常存念唯期際泰交

秋望

煙霞容吐納身世任沉浮
和壁悲何益隋珠暗莫投
時應共杖屨秋望足既篝
此外無他慕虞力學解牛

昔忝

昔忝崇班重無何引病潛
山川符已剖風月價應添
碯水怡公望牛溪隱仲淹
幽光皆管領知不損吾廉

怡雲堂
卷之一 五言律

七

秋光

秋光清客慮衰鬢映霜明
山合團雲近林齊覆霧平
擎天思玉柱承露憶金莖
華艷非吾事漁耕畢此生

寒夜

流火山城夜寒光絕四隣
芝園麋作友荻岬鴈成賓
魚鳥甘時券風煙濫秉鈞
秋溪清夢遠迢遞到楓宸

斜月

夕陽低遠樹斜月上高岵
既隱南山豹寧爲東郭覓
馴鷗隨去杖屨無帶歸帆
文與長卿異何須問狗監

紫萼

采真違俗遠秋色更徬徨
浪邀鷗泛流雲逐鴈翔食惟
甘紫蓼夢已悟黃梁散櫟逃斤斧非才乃大祥

暮秋有懷鄧汝欽汝德昆季

寒芳澄橘柚野曠鴈聲幽
巷月鳴新杵山霜換敝裘
賓遊嚴折俎民德重乾餽
二仲今誰在開樽待獻酬

聞笛

江蓉妝野色巖桂發天芬
洞口雙山合溪頭一水分
霜鐘穿樹入風笛隔村聞
舊句如相就遲尊坐夕曛

霜村

臥病空山裏秋容靜板扉
平沙寒水住迴石曲藤依
晴谷怡雲堂卷之一五言律
八

煙光澹霜村木葉稀
願思招狎無相與坐漁磯

歸田

爲問歸田樂幽溪快性靈
桂風薰薺軸藜火照劉經
釜自嫌塵甑疊應耻磬瓶
晚菰聊足食不負北山銘

籬菊

涼風飄客袂落葉浪侵簷
寒色千籬菊霜氣兩岫兼
傳書思過鴈把酒待明蟾
一段清幽趣回看幾得兼

山中二首

天香入夜清秋氣襲衣輕
邊鴈將雲至林螢飲露鳴
病來遠鷺序機就息鷗盟
無限山中趣兼收孰與爭

風塵常自遠山水鬱相親
保鍊寧憂病耕耔不患貧
生涯憐曳尾壯節憶嬰鱗
何事仍圖國巢由實外臣

竹坡

林泉隨所適懸溜似鳴珂
日月餘鳩杖門庭自雀羅
傲霜松踞戶委露竹緣坡
止輦思文帝將聞喜起歌

楓林

秋色楓林外寒聲竹徑前
鴈瞻蘓武帛鱸憶季鷹
舡世業綿弓治時名罷繫
鉛傳經如所願獨誦書檣篇

山屏

山屏盡日展夕照染溪痕
霜葉迎風舞潯松雜瀑翻
自應怡雲堂卷之一五言律
九

潛豹谷誰復觸羝藩
腐鼠知非少從今莫嚇鷗

晚村

潦盡江村晚霜氣早鴈催
潮聲穿樹出木葉度牆來
白雪憐吳調黃華借楚材
高閑聊送日遠意卽春臺

暮禽

境僻風逾駛空齋落木侵
斷雲依樹隱流水到門深
沙霽邀寒鴈村昏急暮禽
隔溪聞弄笛牽動望辰心

桂軒

當軒雙桂馥壓徑一藤橫
習靜原捐俗尋真肯近名
沙晴邀鴈落谷暖隱遷鷺
無復纖塵到栖遲慮不撓

草堂

細雨纖埃浣寒光覆草堂江蓉嬌冷烟池菡萏秋妝幽意
淮山桂湛思召父棠藉茲怡晚景隨處仰垂裳

醒睡

地僻稀賓謁行遊伏睡魔巖風騷虎豹江月蕩蘆花夜匣
雙龍銅寒門一雀羅本無奇可問好事孰相過

山符

病入煙霞鳩山符任自操已吹戴晉劔寧佩呂虔刀列序
恩祥鳳啣思想巨鰲長安隨日遠魂逐北鴻翔

出門

怡雲堂

卷之一 五言律

十

出門聞漱玉樹杪一泉懸已捧抽簪詔猶餘買硯錢譚溪
空捉塵意得自忘登障礙應皆撤無勞問草玄

槐窓

薛荔遮溟谷空階意興耆桂風熏架帙槐日映窗紗自綴
悲秋賦誰乘奉使棧杜辰瞻彩耀遙爲薦流霞

持竿

垂蘿懸露簾落木挾風揚白水持竿坐清樸解珮嘗能書
晉石吏宿學漢中郎高目悲生事天工想贊襄

新筓

捷戶空山裏巖扉落木高日蒸衣染汗霜拂劔吹毛有意

摩周雅無心續楚騷新筓今正熟洽比且烹羔

息肩

榮路早回首危途久息肩印膺新采帛座擁舊青氈已識
泥龜意更尋芻狗篇獨慚垂老馬取道莫能先

看竹

抱病梅峰里逢秋看竹行枝寒樓雀亂風急過鴻輕日下
三台座雲中五鳳城恩施慚未報幽獨祇私盟

秋山

歛足秋山裏清歡飽得諸望溪辰以北名愧斗之南風月
千簾徑乾坤一葦巷衙門歌沁水不負此抽簪

怡雲堂

卷之一 五言律

十一

投閑

秋水連天淨山懷漱一方玄門尋東嶽藝苑漱群芳此日
思推食何人問曹漿投閑聊自遣奚讓漢園黃

秋葉

秋高自搖落狂葉不須風池動光難湛山寒勢易雄笳聲
連斷鴈奴氣憶長缸閑寂無邊好誰猶問短蓬

閒味

泌衡怡老病秋興客思增一入離群谷稀逢出世僧迎機
時捉麈訪友獨擔簦宇宙閒人少真閒有幾能

賜傳歸里水石優游悉仰聖慈感逾高厚矣更荷存問

銘勒何極山林魏閣寤寐時繁非楮墨所能盡其

形容焉

憶昔遭逢盛慚子寵渥奇御煙浮禁藥曉日映果思一病
甘辭棘經年得採芝衰遲無補報念遠但傾葵

抗疏辭鳳掖簪筆罷龍墀謝眺携雙屐桐江釣一絲願和
饒伏免濟乏足存鵬藉此供餘日能忘覆載私

日墜楓林晚秋山節易哀霜氣寒薜荔露氣濕萑苕津畔
衣紉蒹樓頭笛落梅地偏逢幣使仰附薦霞杯

久已紅塵隔誰猶問隱倫詔優多病老山谿倦遊人違俗
從時棄忘機得物親懷恩溪罔極何以答楓宸

怡雲堂

卷之一 五言律

士

山古雲依樹林空月近人十年題士鑑一病謝朝紳志自
甘冥厲功誰意畫麟猶餘獵諫在有待奉綵綸

憶從嬰藥餌投劾事耕耘無路陪龍袞何由薦鴈繡明珠
嗟按劍散操喜逃斤猶抱懷恩意常思貢一芹

金氣澄山郭乘風俊鶻驚寒雲迴石磴秋水減沙痕意得
甘棲鷄神遊任化鷗地偏芹曝在願與獻天闕

爲厭風塵擾攜情早住山柴門通竹境草閣傍松灣三徑
叨新賞一官慚舊稟瞻辰涼月夜支枕憶鷗班

谷樵

行止非吾義淮南不用招澄潭留月住落木挾風驕幽意

三江釣生涯一谷樵尋常看澤鷗頗自得逍遙

竹徑

寥落何勞賦隙駒難暫停風霜更運竹日月紀堦棠老樹
搖疎影高花送斷磬山居堪達意誰復任飄萍

疎林

巖幽秋思真砌冷候蟲鳴金粟風飄桂黃包雨熱楸林疎
峰葉出江淨浪花平虛白無機事遙思洛下英

醉金壇于元時二首

時光奔似驥涼燠遞相尋寒色霜前葉斜陽水上客仕途
紛弑玉世路易商參久矣吾衰甚誰猶悔解簪

怡雲堂

卷之一 五言律

士

林下端居久匡牀偃卧牢夕陽薰秋岬晴露滴松泉利涉
思舟棹忘機陋枯棹幽偏唯自適非復務名高

運客

索居秋谷晚林外度疎鐘浪跡惟漂梗虛懷孰采葑江寒
喧落鴈砌冷思鳴蛩舊雨如相過淚譚未許憐

秋容

老去逾疎放頭蓬不暇梳祇綠空叱馭非欲故懸車橡栗
供朝饌片葵足歲儲秋容何處覓落葉滿庭除

望遠

晴澤邀鴻集寒枝引鵲爭印苔雙屐沒截浪一舟橫有意

傾囊舊無由寄杜蘅京華何處是望極遠心驚

秋巖

坦腹垂蘿宅秋巖夕氣嘉愛德子木菱渴恃邵平瓜蟲篆
存印索虹文隱鏤鉚清宵追龍渥伏讀蕙黃麻

明月

名已慚高士文尤怯大巫清霜寒橘柚明月借菰蘆衰骨
應辭綾英年浪棄縹緲行藏循道義我學一人儒

蒼屏

老去耽泉石風塵避野坳天光涵白水秋色淨蒼屏虹綵
仍藏匣牛刀憶發硎幽偏唯所適翹首盼綸庭

怡雲堂

卷之一 五言律

古

風雷雨雪交作

春到已踰月天時迥不同忽驚雷撼雪遂作雨隨風注砌
添瓊液霑花減玉容韶光何日發排浪滿江紅

睡起

睡起披襟望秋林雜紫黃繞籬紫路小拖練挾溪長道險
迴良駿岵夷牧後羊但存平等法隨處是康莊

曉

天地方交後陰陽正互爭日光排霧出雲氣漲山橫霜谷
凋林影風岵怒瀑聲何當春意動花底弄新鶯

閨却秋有作

不到長安久風波起禁中欲令空國去遂指與夷通賢望
紛非是元凶競異同只疑才未遠誰作傅巖雄

贈劉都督擊倭

將門常出將騎射首戎科聖武實昭布兵情費揣摩登壇
軍令肅陷陣戰功多徒手報天子鈞天聽凱歌

答鄒南皋

一徑春風動巖扉朔氣紆霧收山始露雲薄日纔舒頽瘁
何能駐頭蓬不用梳知交猶記舊還寄袖中書

春日偕初泉再登南岵觀瀑布歸飲怡雲堂

春谷總丹梯藤蘿路欲迷風蘋浮水亂煙草露汀齊細浪
怡雲堂 卷之一 五言律

主

雙鵬度輕陰一鳥啼舊遊邀賞耽磨礱認前題

巖居清俗慮幽意滿前知晴蘂紅香合風篁翠影交扶筇
經鹿苑開酌近鶯巢遊興難休暇方書且漫抄

拋書山郭晚岵幘草窗涼柳密凝溪碧花疎送斷香冲襟
看峽瀑佳句憶池塘何處蘭亭是清流醉一觴

泉帶垂岵白峰屏擁戶青草晴攢密翠花晚度疎聲偶入
黃鸝谷因過素鳥汀不爲文酒會何以答山靈

春暮

春暮逢初熱先茲夏氣揚連雲蒸舊燠片雨浣新涼柳澗
籠溪暗花滋隔岵光西疇知有賴刺水簇鍼秧

居抱枿峰麓綠陰杳藹間印沙雙鳥下狎浪數鷗還素食
慚駒隙鴻恩憶驚班送春惟有酒聊借藉衰顏

無題

秋晴纔散步隨意踏荒郊巖舞從風葉林垂滴露梢義精
明進止興逸喜推敲得句聊娛老從人說弄嘲

憶永陵

往年叨學使世廟棄臣曹社稷皇圖固國陵王氣高無由
率歌舞有憾憶烏號舊德何能報空懷犬馬勞

贈惣戎陳翁源朝爵

三山多俊傑將種足鈴韜壯氣凌熊虎雄文抵雉羔須更

怡雲堂

卷之一 五言律

共

趙壁幟好佩呂虔刀威附今攸賴無遺外顧勞

新除有詔

解組歸巖壑幽蹤與世疎豈圖垂老質猶玷薦賢書燕駭
金雞費黔驢技已虛獨思聖澤廣不棄廢之餘

寄贈李總督討播

乘驛歸年久君恩日服膺秩常叨赤舄宿已愧青綾敏事
勞星駕平戎陋歲綰遠猶非五餌威附是全能

恭南久不問秋到合為籌狼火嚴邊警魏池想蔡謀黃驪
青瑣甲白馬赤絨鞵一段封侯業吾衰筆算投

昔忝槐堦使秋猶動國謀散中空士望緯外長愁憂世路

爭函矢群言易盾矛更絃何日是一水順民流

廣厦輕當代殊方覆庇從給儲知意重賜服見思濃絕塞
清寒漏寧邊斷夕烽只今方戰最談笑有侯封

秋齋夜坐

遺業憐同病邊梅破獨醒孤懷澄夜月故舊若晨星已愛
凌霜竹寧為逐浪萍但逢秋氣爽衰骨得參苓

春初辱馮令尹遠來山中時輔兒輩觀歲未還有關

陪侍率賦謝

賢宰勤延訪兒曹遠莫依獻年逢層朔望展及燈輝谷雨
梅方欽隄米柳尚稀會看棠陰茂飲取盛春歸

怡雲堂

卷之一 五言律

七

倚閣吟

兒輩朝正去愆期望眼懸花香隨逐權柳影促歸鞭原樹
含斜日河蕪澹晚煙東床嘉客至有待薦春筵

東宮冊立有旨播州詔平兩大快事也特書誌之

晦跡梅花塢怡情瀑水灣露華松桂裏月湛荻蘆間離照
開群鷗風塵靖百壑優游觀化日頤令破衰顏

悼亡內

司閭同坤道終焉代有資實經內外政更職藻紫且勤學
裁機杆將離熱炭度由來裨益重能不繫淚思

寄懷朱鑑塘

僻居離索久求學賴相知三徑遊譚意經年切劇時紉蘭
方結好折柳忽將離別後看明月江雲各賦詩

贈延綏麻總戎

狼煙猶未息豹畧孰稱奇騎射千人敵韜鈴百戰師三軍
從指縱一劍決雄雌鵠印函封在端為頗牧期

病起

薰風吹病起賜老仰垂衣涼德喜時望浮名與世遠但存
知止意不受曠官譏午夢方初醒簷牙上夕暉

送劉詹事之京

之子經行役知交集送齊離亭邊綠蟻別路繫青驪把袂
怡雲堂

卷之一 五言律

六

迴風思持鞭落日低相逢更何日書疏莫忘題

楊柳依依綠江皋宿霧平滋枯常作雨導往乍開晴惆悵
行歌意殷勤惜別情前途風雪苦拭目望神京

江亭

四顧雲開霽風光緒索居林黃梅日麗梢碧竹煙疎老愛
興歌曲閒耽越絕書江亭時坦後酒華照笑渠

春日遣興二首

春色晴堪賞郊扉淑氣通草煙浮重碧花日墜輕紅駒迹
雙蓬鬢蟬居一藥籠茅灘魚不羨豈復識非熊

臥病依溪谷暮光湛水容日熏花爛熳煙抹草蒙茸但自

分陳社憑誰避段墉時艱常觸目轉覺世情慵

有懷錢啟新

絕壑居年久林溪過從疎風煙供吐納花鳥送居諸幾度
頻思面何時可得書此懷常耿耿夜月映窗虛

初夏漫題

杳夏清和氣河山似畫圖露黃千隴麥煙綠一汀蕪世事
渾籠焉年光感隙駒優游聊送日不用看潛夫

律已非姑洗風光猶自繁紅稀秦氏洞綠暗辟疆園搗酒
看山態尋真到水源歸途無限興川帶夕陽痕

但春暑已烈挾日熱方驕枯壤將殘草晴曦不受苗抱琴

怡雲堂

卷之一 五言律

尤

頻還石解佩幾過橋鼎鉉今誰屬梅萼正頻調

僻居依蟻谷夏霽足松濤臥水缸橋壯盤雲鳥路高風煙
供踐履花柳促揮毫擊汰有餘致輕舟自學操

好雨

春去方憂旱夏來忽結陰野昏雲乍沸林暝雨初沉潤麥
疑捐玉滋苗訝布金西成知有慶不盡拱辰心

岑寂門樓雀陰陰綠滿庭野煙遮斷樹池雨散疎萍唱和
思同調浮沉忌獨醒招尋惟未極隨意續前銘

好雨知人意隨時乃發生麥畦原潦滿稻地谷泉平霑足
三農喜豐穰萬寶成整懸非所患擊壤有餘情

喜李見羅至

門羅賓歛跡已與世情疎遠意惠公谷憐交長者車幾年
淹偃幟此日盛行梧馬帳傳經罷虹文射斗墟

百丈山感舊

高僧卓錫處勝事渺難求寒雨空林黯荒煙宿莽稠撫時
情不盡吊古蹟應留道社從茲盛還當借白牛

雨意

雨意連村結雲花貼水翻隴肥多麥穗增溼起苔痕幸有
鴻遵渚從題鳳在門已無津可問誰復識桃源

無題

怡雲堂

卷之一 五言律

十

聖代優耆舊長休松菊村歸因憐白髮蓬蒿弄玄孫吠犬
花陰靜馴鷗荻渚存悠然無事擾遠意倒芳樽

怡雲堂偶成

性懶甘愚谷倦遊抱藥藏質疑同散樵才愧擅長楊悟法
窺玄界分封得醉鄉馬牛呼即是不復問嘲牆

和崇仁吳待即秋日過贈韻

寒雲封白谷秋水接青霄客夢鳴蛩切邊書過鴈遙有情
投綯紆無計報瓊瑤共剪西窗燭遲博帶月澆
夜月清堪掬秋山澹可描露肥千畝秋風飲半池藻音洽
將捐珮情豪欲換貂端撥虛首座喜起聽歌謠

上巳日雨

雨勢今將歇群陰布復紛潦浮涵霧日風度亂流雲峰向
庭前合泉從樹杪分蘭亭當此際何以慰參軍

入夏霖雨不止

春盡方憂旱寧知夏湧稠霖霖侵戶入狂潦上堦浮已阻
津梁便祇增珠桂愁數州消息斷何處問宸樓
庭礎無停澗村煙未斷昏即微雲葉重轉覺雨痕存自謝
花間市誰尋柳下門晴光久不見翹首望朝暉
累月雲迷野千村晝杳冥高泉凌老樹狂潦犯新堂獻曝
心空赤瞻辰眼自青蒼茫煙霧隔悵望對荒屏

怡雲堂

卷之一 五言律

二

此處非天漏綿綿雨故濡鳴簷如澗瀑浮砌似通湖祇與
魚蝦侶寧為麋鹿徒晴雲扶日麗幸得出泥塗
晴甘憂狂魃今翻苦太陰颶絲浮院急鳴砌澗湫潛溼
巢粉鷓鴣殘暈樹禽薰風吹未起何處聽虞琴
至後稱時雨浸淫豈復膏霖涿雲葉重吞岍痕高似桂
炊煙晏如珠乞糴勞此時宜擊汰片艇執為操

梅峰晚眺

夕杖看山氣澄澄遠接天徑穿蘿薛直洲擁荻蘆圓並相
抒三策圯橋授一編聲華非我事隨分老雲邊

雨後同友人過涵碧寺

山坳風初息沉陰猶未衰雲纔扶日出霧自拂天垂杖屨
誰能給招尋孰與怡林暄琴酒在還訂故人期
太陽方得力積雨向晨消叢樹含煙淨池荷拱日嬌
臨夢穩柳暗鳥聲調阿鼻如開社隨時未惜遙

七夕

列宿隨天轉經躔各有時人間沆火候仙侶渡河期
星體分相照精靈合自奇客槎如可泛一焉破群疑
共識銀河耿秋來迫絕瑕世徒巧已過天女乞何加
七孔針紋遠九華燈影賒汾陽偏有幸遠願得齡遐

張令尹見訪二律

怡雲堂

卷之一 五言律

三

吾子勞尋訪沙河特轉蓬蘋洲仍狎鳥荻畔自樓鴻花雨
棠陰合林風蕙氣同政成看報最載華待彤弓
太史循良舊言追漢代蹤鳴琴增雅調遊刃隄銛鋒化合
歌馴維時寧愛畫龍御屏名姓出供奉日從容

山居偶懷

野水天容淨空村樹影疎露滋三徑竹風倒一湖蕖贈遠
佳人珮尋幽長者車不材常得壽存志在全樗
爽氣澄溪谷秋光淨索居桂風侵座細梧月映窗虛見彈
空求炙志筌自得魚晨星同故舊鴈足久無書

東曾于野

地僻稀車馬秋光騁望勞日斜邀鳥度江晚促鴻歸幽意
存蘭菊隆情記木桃瓊瑤無可報得月照綈袍

魏太僕疏陳時事兼請從祀王文成守仁陳文恭憲

章薛文清瑄奈余衰退未獲共勦厥美云

萬方艱鉅事總厘一人憂世泰調元鼎時危利涉舟養民
資地寶崇祀重天球垂老無能助空慚槐棘傳

寄南贛俞鎮帥

意有書堪獻囊無珠可投羽儀須驚鸞表朝及貌貅一素
馬仍寄千金駿幾求輪臺聞下詔郭隗定先収

酬東林顧涇陽見寄

怡雲堂

卷之一 五言律

三

累朝叨世德移病隱橋東名豈班聯貴文寧賦頌雄群材
資鼓鑄片石賴磨礱遇物如能化人稱是化工
競說鐘堪扣何人解扣鐘棘闌棠誤識萍水得奇逢莫倚
王存璞須從金在鎔獨慚衰淡甚徒令失吾宗

蒙恩賜暇近十年矣恭逢聖節追憶京華舊事感賦

南極輝光遠鈞天氣色揚迴沙明篆籀鳴籟叶宮商未效

華封祝先懷漢殿香瞻辰遙拜舞願上萬年觴

明月湛銀漢孤星紫氣紛江聲壯夜色最桂發天芬壽獻

南山瑞詞摘北斗文御爐香裊異韻結祥雲

湛露清宵思雲霞拂殿低衣冠雙闕合玉帛萬方齊頒詔

榮銜鳳鳴珂靜聽鶉獨慚衰退久無路捧金閨

秋山對客

臥病經年久秋山有客叅石將雲共隱天與水相涵溪坐
軍忘倦遲博不計酣晚來一揮手明月在澄潭

朔風

天君方執坎朔氣滿山橋斜日明燒葉高風振委條自慚
虛組綬誰復報瓊瑤但抱芹葵意清宵望斗杓
萬竅空山谷荒堦落木平露林棲鶴穩風澤過鴻輕病合
辭微祿賢慚享大烹獨沾優老賜頗用樂餘生

逢人呼貰酒避吏共過橋蒼樹舊煙澹丹楓映日嬌霜滿
怡雲堂 卷之一 五言律 四

秋吟八首

仍嘹唳風虎自咆哮有待梅花發尋春不惜遙

流火金天豁瞻辰玉露濡巖風澄薛荔江月淨菰蘆學擬
尋真率文從怯大巫詩篇渾漫興任覆醬家醪

一自霜嚴後山山樹影稀枝寒驚鵲起江晚斷鴻飛月色
催垂釣天香待染衣伴人鷗鳥在得意澹忘歸

秋川明落日寒色蕩蒼厓木葉翻風砌苔紋繡露階蓬蒿
終樂鶉鷩觸却爭蛸獨有酬恩意衰疲與願乖
早鴈將秋至空山夕氣佳露凝蘿薛徑月帶荻蘆涯門擁
三千履屏排十二釵榮華非所羨魚鳥足吾儕

玉露孤城夜秋光滿白蘋江蘆遯月早巖桂御風新批卻
推遊必從心仰斷輪衰庸無所事祇擬妄還真

高樹斜陽隱幽巖落木迷猿迎山月嘯鴈遡澤風啼息擾
常思浙不堪頗類祜康衢帝力如願祝豚蹄

雲浮天容湛霜輕落早鴻秋林凋似染寒水映如空養虎
情難馴庖牛扶易工縱懷唯所適何處著窮通

卧病依巖石風清思真然流雲孤鴈引明月兩溪牽機事
漸三窟賢勞戒八觀紅塵非所累出世是良緣

萬壽恭紀三律

空谷秋將晚居諸任轉蓬夕陽明橘柚湛露清梧桐壽域
怡雲堂 卷之一 五言律 五

搖南極朝班引上公老臣華祝遠北向但呼嵩

列曜躔孤采汎光滿禁林露華迎日麗御醴酌霞滋白水
鷗洲意紅雲魏闕心謳歌忘帝力清韻徹琅琳

堯尊斟上苑瑞氣滿蓬萊咫尺天顏近升恒曆數開文昌
輝五佐象緯煥三台衰退違鷗序無由獻壽杯

燕居

空谷逢初夏晴光足燕居沼蒲蒼鋤拂煙柳碧絲垂流水
孤琴引仁風一扇為庭堦時縱步衡足惜園葵

山翠青瑤掬清和迥絕群源浮含霧日風撤入江雲狎鷁
隨沙聚啼鶯滿樹聞欣逢舊雨至劇與細論文

倭平獻俘

聖代包荒度修攘服四夷威靈張虎豹殺氣儼熊羆獻獻
空堅辟烽消罷守陴從茲休戰聞黎庶樂耘耔

潦倒

金甌清玉宇紅樹夕陽低鴈奮旋風浦鳥啼浸月溪轅迴
疑石棧環賜豈塗泥潦倒過餘日寧知有介主

臘晴

閨寂掩柴扉嚴寒不入幃一冬稀雨片千里熾陽輝沙暖
馴鷗睡晴空縱鴈飛慶新今正賤卒歲免無衣

無題

怡雲堂

卷之一 五言律

六

搖練砧聲冷誰能問范縝寄情存簡帙得意失筌蹄仙鹿
憐丹井天書謝紫泥興來時有句常不著詩題

初夏招友

初夏新逢霽連峰忽漫陰桑村雲葉重麥隴雨痕深竹挺
千林碧梅垂一樹金呼童掃花徑開酌引鳴禽

斗室獨坐

斗室藏衰拙經年侶鶴猿柳迷彭澤里竹滿辟疆園自守
烏皮几誰憐犢鼻褌高閑堪寓意不在倒金樽

茆齋圍暗綠清景共誰看避俗慚彈鋏游心學弄丸驢衰
千里足鷦借一枝安獵夢今稀濶寧知有釣磻

寄輔兒

清秋遊子去問訊倚門闌落鴈宜寒水輕鷗喜滿雲山
紫葛袂霜葉拂征鞍歸取魚書報將令舉室歡

雪霽

群陰方釀日積雪漸將湮簷際瓊液臺端玉滅塵出門
絕有路沿岬始通津從此鴻鈞轉江梅早占春

生孫

子裘垂澤遠莞簞瑞光開熊夢先春應驪珠照夜來一毛
瞻鳳美千里識駒才擬作分甘事相看繞膝回

乾雀晴簷噪充閭慶及期蘭常入夢月桂早生枝林自

怡雲堂

卷之一 五言律

七

攤書滿門看列戟奇將雛應有曲贏得賦衰遲
世業時榮念傳經願少伸幸天優錫祚得嗣敬酬神日月

柴門曉風煙草閣春祇綠娛晚景未覺老催人

答朱諧卿

故人隆世誼念念到閑居義重分金後情深贈綺初殷勤
元亮酒璫璫鄭侯書利見歸如寶翻令覺往虛

元夕雨

欲探元夜勝無那積陰何簷雨驚棲雀樓雲冷對城蓮燈
場自少禁火闌仍多不識臨安順宵來幾踏歌

燈非今始罷雨比昨逾狂火樹多銷焰星球不放光自停

元夜賞誰赴少年場懸想鰲山會流霞正進觴

偶書齋壁

衰臥空山穩春猶朔氣孤微陽浮嶺樹細雨洗汀蕪日月
仍鳩杖風煙豈鳳簫只今舊學廢淚愧一人儒

雨中書感

浹旬逢雨積萬象得春稀幕谷寒煙澄浮階淑氣微狎棲
連補袞安卧仰垂衣獻疏非吾事空瞻鴈北歸
連村經月暝春色別人避谷雨新鶯滯江風去鴈斜祇題
詩滿竹誰發鼓催花有待招尋賞清樽解珮賒

春晴四首

怡雲堂

卷之一 五言律

六

雙澗開新霽五峰春氣高岬絲煙綴柳林錦日蒸桃豔賞
憑筇杖忘機薄桔槔窓前未艾草留得映青袍
冀英更新曆風煙護草蘆傍鷗尋水石披靈送居諸汀暖
平蕪滿山春老樹疎况逢斤斧遠願得壽莊椿
綏綏拘曾解林泉癖未除不聞唧唧風詔猶作換鴉書磴草
繁疑斷漂花映若虛土膏今正動頗欲事耰鋤
歸鴈辭人去新鶯滯客閒寒煙千樹散春色兩堤分斜照
秋山影殘霞艷水文端居塵不到何處著浮雲
自畦日橋至涵碧精舍觀龍潭瀑布
雨氣收蒼岫晴光蕩畫橋巖花含日麗岬柳發春饒但挹

風煙勝寧辭杖屨遙倦來閒越步啜茗坐松寮

凍在雙流白雲收萬岫青藤枝纏曲徑草色靜閑坳品物
皆春氣嘲吟自性靈尋芳臨勝地隨興續前銘

病內

荆婦幸露祿頻年病故侵一身災已久雙臂苦難禁未解
狗生縛仍懸弗藥心醫中誰最聖利濟直千金

山齋過客

幾日停冰雪春和山色多避人衰叟卧觀歲運司過入座
番蘋藻迴輓繞薜蘿齋居無俗擾贏得二松哦

議復河套諸部貢市報罷

怡雲堂

卷之一 五言律

元

十載離京洛匡林偃卧牢帝畿懸日月士路盛波濤圖舊
猶熊羆降戎自豹韜側聞時事泰譚咲醉松膠

閒居雜咏十首

何處尋幽勝都歸處士家地閒惟藉竹閑久不生麻避俗
休彈雀投閑好侶蝦蟇歌寒日暮客思動清笳
為同風塵味何如水石良但藏豐獄劔不釣渭濱璜聽法
依蓮社行吟憶草堂世恩慚未報含意望明光
本來非幻泡大道實康莊察理探根蒂尋真陋糝糠爨餘
猶律呂溝斷卽青黃知我稀為貴何當厭玉藏
不到京華久僉云局屢更道非平似水情豈直如衡政事

疑浮絮言波比沸羹時康安得復緘默淨紛爭

抱拙棲玄谷怡情對翠屏生涯工煉藥身事罷飄萍自識
貧非病誰能老復丁儵然高卧穩座右有遺銘

久耽衡泌樂懶與俗相傳巖雨千松淨林煙萬木稠右文
游菰苑寄遠託書郵老去惟安分無珠莫更投

幾欲憐同病誰猶避獨醒六經昭似日一道炳如星得法
應抽蘭迎機自建瓊澄然漱衆慮澹月照沙汀

無奈膏肓累因尋水石幽勝遊雙阮展壯氣一吳鉤事往
憐芻狗神愚陋棘猴明時生逸思應念福基憂

松風清講席苔雨潤書籤水練纏溪曲峰簪挿嶠尖向醉
怡雲堂 卷之一 五言律 三

朝士緩今問酒家帝真樂非由外唯宜智養恬
泉石無拘管高眠不捲簾已忘麟入畫寧計虎為壇諳練

推黃髮英雄憶紫髯萬方資砥柱只愧老夫潛
傀儡

傀儡何年昉登場與暮期三更分寵辱一線定妍媸世事
應同調人生豈異岐悟來皆夢泡聊用破貪痴

輔兒南歸留馮明府署中
兒輩朝正晚偏承茂宰知聽琴親雅化入暮得新詩野日

明蒼樹汀煙帶綠繁歸將紆詞意傳語慰瘡痍
老病不寐夜起有作東章本清

霧雨郊居靜知寒我獨先老思身似客病覺夜如年獨坐
青燈屋誰來白雲篇南枝將報暖驛使早為傳

仲冬書懷三首

風曆冬將半鶉衣氣始寒暮雲低近渚新水吼危灘怯冷
篇章廢衝泥道路難祇應堅閉戶高卧似袁安

栗烈風猶劇霏微雨未收山寒殘雪在野暝獨煙浮空澤
帝鴻鴈沉陰隔斗牛京華何處是北望思悠悠

雲歛天初霽霜氣日尚沉澹煙冥遠樹殘雪麗空林萬里
瞻辰意十年獻曝心刻溪如可訪夜棹出山陰

苦雨

怡雲堂 卷之一 五言律 三

元陽生尚穉朔氣滿幽棲積雨侵階湮泥雲擁戶低澤寒
啼鴈惡林暝返鴉迷隔斷曾遊處何從續舊題

水旱蠲蝗所在皆是詔留稅銀振饑亦異數也特誌
之

水旱兼為患疲氓不樂生富貧時共敝南北日交征漢代
蠲租詔河監貸粟情及茲如有遠膏澤與雲平

已酉冬杪作

冬晚披裘坐蘭爐換久薰寒聲高竹合春色早梅分休老
誰修蜡送窮曾著文歲除今尚遠凍餒不堪聞
酌雪語

山坳群陰合人踪半有無雲低天水接雪暗畫圖孤我已
聞溝瘠誰猶念澤癯清樽聊獨酌不必盛庖廚

朔氣催新臘回雲結晚陰從空飛玉葉遍地種瓊林東閣
孤吟意寒江獨釣心豐年如可兆三百萬黃金

郭司馬青螺怡雲堂夜宿

溪谷秋先至林亭積葉勞逢君舊醉月枕石共眠雲砌冷
蛩吟細沙明鴈喚群斗間仍紫氣晴解織龍文

別支明府

茂宰拂衣去孤城失望偏唱驪思黯爾攀轅淚潸然此別
俄千里他時各一天從茲相記憶明月向人圓

怡雲堂

卷之一 五言律

三

冬日遣興

黑帝方司令青陽欲托根山空雲抱樹林迥月浮村儲粟
醫生計吹葭測曆元長伸君子道何事問寒暄

自識三宜去誰知兩足尊竹餘居士屋客散謝公門採藥
穿松徑園花補棘垣此中堪取益頗用固吾存

飲酒

秋聲生野竹蕭颯寸心驚僧磬風清遠漁燈夜久明客星
常願晦卿月幾虧盈無限當年事都從酒竿傾

時事

輕風吹細雨積翠上空堦競說珠爲粟愁聞桂是柴東南

今已執金玉未停差期依園如繪溪仁洽朽骸

示輔兒霖孫輩

一病辭榮秩生涯在課耕紫茸烹舊茗玉粒試新秬意抱
煙霞癖名忘月旦評傳家有經術不用羨金籬

松壠

爰此溪山好鷺塵迥不侵煙寒松色古野闊鴈聲沉聞劒
寧投辟炎衷肯換金唯餘世德在感佩絕高深

霜鷗

寒雲迷洞口落日上簷牙野奮便霜鷗林棲意暮鴉稻梁
空餌屬鸞鵲顧爾爭蠅巢許非堯佐車書自一家

怡雲堂

卷之一 五言律

三

三益

投劒依溪谷沉綿似長卿交憐三益備丹擬七還成拯溺
存慈筏爭鋒謝墨兵屏除能所望消散有餘情

偶憶

擗髀思前度名途愧濫操雅持三尺法不避五陵豪塵久
衣生毳霜濃劒拂毛老情耽閑寂柱笏似騎曹

宵雨

江雲將鴈至寒色逐人來宵雨肥禾黍秋風馥桂槐砧聲
霜月冷劒氣斗牛迴清味消難盡何勞宋玉哀

望歲

山疇秋已暮百穀未登場土薄多塵甑民艱午盤糞匡時
慚兩楫謀食望倉箱大有如蒙賜康衢頌盛唐

東山

東山歸卧久駒隙影空留樹駐千林霽梧飄一葉秋未憐
平子賦欲泛季鷹舟舊德時崇念依依倚鳳樓

偶詠

僻性難諧俗非材負寵靈名慚高並斗文愧煥如星我已
辭書肆誰猶問說鈴但餘恩未報時祝萬年齡

沙鳥

幾年依瑣閣十稔臥滄洲秋匣虹文見晴沙鳥篆留持衡

怡雲堂

卷之一 五言律

五

恭國是納牖贊皇猷老馬悲吾意征途不自由

讓能

一捧歸休詔何緣更弼丞恩波終在念忠憤尚填膺濟濟
勞求俊師師貴讓能欲成交泰業唯此足依憑

遠山

蓬蒿同仲蔚四面護柴關跨澗雙虹落橫空一鳥還遊情
煙柳外詩思水雲間幾點斜陽下林疎露遠山

披雲

解綬辭三殿披雲入幾層水聲喧絳嶺山勢鬱峻嶒鴈食
思青艾鷄翻憶紫菱衰庸無寸補惟有頌岡陵

遂初

世路何多種吾生自有涯白雲遠紫閣綠野稱青鑪六鷁
宋都退雙龍豐獄埋十年繫澗下聊賦遂初懷

潦淨

畏路重迴取名場久謝擔煙凝山潑紫潦淨水按藍頗美
恒青栢猶憐交讓楠蒙恩容我老被服敢忘螭

蒙恩存問

惟余樗散質備位忝槐卿病至辭勞役衰來罷遠征轉溝
仍粟帛瑾戶尚子旌履載恩私在淚慚匪圖楨

幽懷

怡雲堂

卷之一 五言律

三五

萬目當時事幽懷付濁醪但思憑几杖何意到干旄投老
忘紆綬勸農戒索綯太倉雖乏粟猶食土之毛

望秋

不是耽高隱才慚漢股肱七松露露翠百穀望秋登居豈
隣錢重文非紙價騰煙霞供笑傲獨得幾人曾

答李晉江

一經辭寵秩許國罷揚休榮醒蕉中夢名窺水上漚立朝
空柱石奉職忝薪樵調燮今雖謝能無問喘牛

知止

窮谷金天豁閑門山色幽蟬哀秦火籍蝦筆蠹湖舟知止

靈非鳥謀生拙似鳩卧疴溪僻裏世德香難酬

寄懷陳起山

鷗洲供笑傲豹谷足躋探水借風成調山含煙作嵐月中
思折桂霜後憶分柑舊雨人如玉西窓剪燭譚

蒹葭

長安常索米蕉鹿夢方醒已授環中訣尋書座右銘洛陽
耆舊社剡曲少微星清趣情偏遠綠莎自有廳

野草

空谷當流火晴暉出絳河霜氛凋野草秋色稔疇禾但著
潛夫論何妨醉尉詞運軒聊徙倚奚用倒菱歌

怡雲堂

卷之一 五言律

三

引酌

何事樓溪谷秋山靜不吹堦餘蛩語苦林乏鳥聲凋世業
唯雕篆交情自滌膠客來如引酌紫韭當蘭肴

寄孫富平吏部李長垣兵部一尚書

駒隙不知駛蕭森老樹稠寒空雙鳥度夕浪片鷗浮座上
懸衡鑒帷中借箸籌端居無別處但抱杞人憂

怡雲堂偶憶

山館清風豁新鴻扇羽翰霜楓妝錦繡晴竹韻琅玕銀漢
思冰鏡金莖想露盤白頭搔更短渾念不勝冠

燈花

杖前玄鶴並匣底白虹雙松菊霜三徑簾葭月一江祥雲
紫寶篆瑞蕤燦銀缸送喜緣何事乘酣卧北窓

鳩巢

到眼渾秋色窓筠翠影交藤霜凋紫蔓橘日耀黃包習遁
仍扳桂遺時執拔茆風塵飛不到生事一鳩巢

白鷗

已分鱸為鱸寧思虎作壇松風吹藥臼桂露潤書籤縱賞
寒光迫嬾遊勝概兼白鷗差解意來往定無嫌

息意

蒙恩優賜老非欲學狂奴頗幸鴻離繳寧甘鳳在笄躍金
怡雲堂 卷之一 五言律

三七

徵大治點雪仰洪爐塵事俱捐盡人疑天與徒

勗諸孫

秋色澄山郭霜氛拂草萊年疑將落日心尚未寒灰雅守
松筠操築培杞梓材儻今中世用藉手作三台

寄崑山歸震川

老去雄圖息秋來客思澄但逢蘭醞舉不用蕙肴蒸游藝
推心匹論文薄面朋寥寥伐木意緜紆幾人稱

楓橋

空山鏡爽氣落木亂楓橋巢冷辭玄鳥風高奮阜鵬金莖
仙掌露雪浪廣陵潮秋興應無盡吟筇不待邀

空村

山城居歲久不住潦光流窮巷敲砧夜空村落木秋愁思
悲颺蹕殺氣怒鵲驚蕭瑟何勞問唯存梁稻謀

雙溪

卜築雙溪畔終年淨俗器遊情隨鹿豕生計問鷓鴣秋水
牽清練晴霞曳綵綃儘餘攀桂意不待北山招

酌月

山居饒景物恣取不嫌貪勝地攜樽賞醇交捉麈譚取途
空老馬陪乘謝華駮邀月從吾飲相看影共三

石壇

怡雲堂

卷之一 五言律

三

劈面崗巒起斜陽橘柚圓晴空湛河漢秋水急波瀾落葉
封泥路荒苔繡石壇鷓鴣解人意幸借一枝安

逍遙

榮途嗟泛梗巖谷特誅茅事擬空中色名憐水上泡幽懷
連蟋蟀虛室帶蟪蛄如得逍遙意塵緣盡可拋

與劉調父

何事耽溪谷幽偏與俗殊枝驚鴉自競水宿鳥相呼燕石
疑瓊玖和珍異珉珞誰能翻却曲不復羨吳歛

漁舫

蟻谷居年久秋風颯鬢毛忘機離世網順事解予我退豈

希琴酒榮寧憶衰衰空江淨如練載月一漁舫

一葉

金天饒爽氣病骨足清寧歎謝圓麟閣班逮儀鳳庭孤雲
將落鴈一葉帶流螢秋色澄如許何辭醉醺醺

煙峰

秋色宜人處煙峰翠欲流移書思繫鴈奉使想牽牛日月
雙芒履風塵一蒯緱纖埃俱不着無愧朱真遊

孟叔龍自川上遠投雅什時屬三秋用答嘉藻

捐珮清江浦投簪綠野堂林鋪千樹紫巖挺一松蒼衰鬢
添秋色新詩比夜光浪吟娛晚景不在擅詞場

怡雲堂

卷之一 五言律

无

老樹

山城秋色滿老樹咽寒蟬蘿徑偏垂露楓林剩掛霜夢醒
俱得鹿藏穀各亡羊自性如無昧迷津盡可航

秋日述懷寄公安袁氏昆仲

高眠秋水落霜氣上梧楸已謝三台座惟思八詠樓才湏
陪鞠衣名合覆金甌衰退唯安分壺天時卧游

又

千巖呈異態圖畫總堪描苔蘚鋪霜徧蘆花借月饒羽儀
思驚鷺拮据恨鷗鷺淩俗如能反文思憶帝堯

梅溪

高枕梅花里溪山足勝遊煙霞隨意合松竹與心謀待命
依金馬嚴行擁玉驄寵榮高厚並涓滴未能酬

寄姜鳳阿

憶別新豐市稀逢舊雨人時清榮黼黻才薄僊經綸相識
誰遺編論交孰指困范生如有綈破臘會回春

生涯

衰病安棲適巖光溢戶庭門無叩鳳詔案有換鵝經交誼
疎雲館生涯喜雨亭憑茲送餘日富貴總沉冥

答南城鄧汝極

江路澄秋色芙蓉挾日嬌寒芳裁艾服擊汰鼓蘭橈榮祿

怡雲堂

卷之一 五言律


四

辭台席才名謝斗杓宴游隨所適無復問弓招

蔗境

逸客山中老秋涼晏啟簾露迎衣袂濕霜染劍鋒銛莫謂
貧爲病還從智養恬此情如自得蔗境有餘甜

五言律卷之一終



蔡恭靖公詩稊卷之二

七言律

重侄孫尚



元日

棲遲久已却朱輪慣見青皇轉震鉤栢葉色搖瓊瑩營梅
花香觀彩毫新鳳城地遠防稱壽鶯谷陽回得訪春差幸
髦年游化日四時魚鳥與相親

八旬生孫卽席賦

人日晴光景色鮮寒廬早已占祥先八旬熊夢神明眷五
老孤懸造化緣相裔敢希七葉貴儒門幸得一經傳本支

怡雲堂

卷之二 七言律

却憶周家盛不在多男只在賢

卽景

山郭晴消雨意微漸無朔氣襲人衣未看燄雪蒙朝霧已
覺輕雲避夕暉谷暖乳鶯方學語沙暄狎鳥自忘機憑誰
乞取鴻鈞力挽住春陽不放歸

元夕前一日雨

新歲彌旬曉始陰環溪漠漠野煙深村連細雨天疑暝山
積寒雲日欲沉明燭看來花似錦豐和但願土同金昇平
想見京華景十萬春光藹上林
風塵當階度竹翻濛濛細雨捲衙門微波拍岸新流沸古

木垂藤宿霧昏野岫漲煙迷柳眼芳園浥潤冷花魂料應
欲作元宵勝先遣玄冥洗舊痕

元夕

太乙祠開簇火城金蓮萬斛夜生成影燧物象疑星燦光
燭樓臺訝月明簫鼓叢中流玉韻輪蹄陌上落梅聲獨憐
老廢違三殿悵望傳柑一片情

元夜人間萬炬燃孤村陰晦故番連雲籠火樹群空對雨
積星球影自懸韶景伊誰仍縱步農祥何處可占年却思
前度虹橋事獨立溪邊玩遠天

山中春候稍遲二月猶有寒意

怡雲堂

卷之二 七言律

二

歲後沉陰杳未涯四圍煙霧苦週遮風雷乍發將驚笋雨
雲兼行欲妒花二月尚看氷復合一寒便覺病相加上林
此際春如海何日分來處士家

上巳後一日

柳罷澄空淑景新依然風物倍親人徑幽茂草繁成帶堦
靜飛花聚作茵蒼樹遊絲紅花曉綠楊啼鳥畫橋春韶華
是處堪尋賞輸與潛夫賞最真

莫春遣懷六首

寂寞山城雨接連至今風物減華鮮未遑羅綺舒晴後那
得蒙茅試火前生事欲修田父業縱情不作酒家眠泰階

勝會明良慶無路隨班捧御筵

春莫孤村裏斷雲雨收四望散清氛林暄鳥沸宮商調苑
日花嬌錦繡紋展卷山光當座合杖藜野色過橋分遙聞
紫闕方行慶衰病無由獻一片

雨過園林草正萋天開韶景喜攀躋長橋煙柳繁成市細
路風花濺作泥燕掠香芹春色開鳴鳴溪樹夕陽低欲酬
佳景還須酒極目芳樽孰為攜

春盡山中雨始微群芳一帶嬌紫蕙凝霞凝茂樹增朱綴花
歇空林勝翠園落日截雲雙鳥度輕風狎浪數鷗歸非干
好景番人賞衰病相催與世違

怡雲堂

卷之二 七言律

三

春色依然到水印花殘忽復綠陰稠谷鶯音訝笙簧引林
籜斑疑虎豹番萬壑晴嵐閑躡屐五湖煙月夜迴舟惟存
一片精誠意迢遞隨風入鳳樓

每憑風物護顏頰繞舍芬菲絕俗埃鳥跡平沙蝌蚪出花
光疊嶂畫圖開幽情自續蘭亭飲春興誰追杜曲才獨喜
老閑機事息對眠不斷白鷗來

春日散步溪上

溪村開霽野煙疎滴日迴流湛若虛梅占陽華心欲飲柳
窺春色眼方舒沙暄荻岸將回鴈浪暖桃江欲化魚獨愧
衰頽無所用扶筇但得伴樵漁

病中無可排遣拈韵得詩十首率意漫成語無倫次
千里繁華春氣揚蹉跎不覺送韶光煙花過眼山川麗藥
餌嬰身日月長關向苔階分綺繡渴從茗苑試旗槍老懷
祇合惟餘景底事無勞問釣璜

日晏高眠未啟扇怡情聊復對蒼屏繞簷茂葉呈溪碧隔
岬疎花送斷聲韶陽敢叨千斛粟問安誰贈五侯鯖牀頭
猶有紅文在匣底無令夜射星

處處爭看艷冶天支牀空自負韶年柳眠溪岬晴煙墜花
笑高枝霽景懸丹就七還何術得朋成三壽幾人緣但懷
舊德無能報取道空慚老馬先

怡雲堂

卷之二 七言律

四

僵卧經春病始差濃陰滿地靜無譁山凝暮鶴含斜照水
湛天容度落霞隔岬清風芳蕙蒞抱門綠沼帶蕪陂何由
分得溫陽至先種東陵五色瓜

不覺韶光早已殘杜門幸少俗氛干晴檐語燕花臺暖風
樹鳴鳩麥隴寒累月蓬壺空縱步經春藥餌自加餐却憐
經世無裨補龐得梅峰靜裏看

橫拖藜杖下階除起視春光早已疎翠帶池頭穿弱荇青
錢水面泛圓藻迹真誰作非熊夢滅跡空遺諫獵書黃耳
幾經慚折足拔茅猶妄意連茹

綠陰漠漠過天涯藥鼎時燒病未差宿靄帶煙昏密樹蒼

雲和雨濕疎花怡情懶賞黃鸝酒醒睡頻斟紫筍茶共說
春光無管領如何不到逸人家

終歲居依舊水邱韶華冉冉老難留林花惜日紅茵麗岬
柳牽風翠帶柔鮮性止知循往轍澄心原不碍虛舟祇憑
參朮療衰病猶爲明時抱杞憂

屏處何堪病久淹傷春有恨轉教添優簾初月偏穿樹入
幙斜曛不礙簷岬幘禽沙空篆猶持柑鳥谷失箴砭九重
迢遞星河隔靜夜名香手自拈

投閑何意鵲頭微老骨侵尋廢寢興林邊小渠斜繞樹岬
懸危石曲纏藤心抱他累因無用身有餘閑賴不能欲報

怡雲堂

卷之二 七言律

五

世思精力乏瞻辰夜上最高層

病起復得十首

春光消向枕疴中四顧園林未見紅荷日圓青浮小葉草
煙平綠上芳叢自紉蘭蕙成香佩誰取參苓入藥籠聖代
久稀征伐事定無清夢到非熊

却怪春花不久濃祇餘汀草綠漿華五峰排闥門遮柳兩
水環城徑隱松頗擬傳家貽相葉肯將好醉博侯封懷恩
千里一回首隔斷雲寬知幾重

十稔空山已息驂慣看雲木遞相參鶯花經眼雙蓮鬢藥
餌嬰身一葉菴世事稀逢開口笑朋儕幾許瀝肝談清宵

把酒邀明月顧影徘徊正作三

眼底春光候已窮遂逢夏氣可誰同一洲草色雙鷗睡滿
地槐陰獨鳥矜伏枕暫違南澗藻加餐惟賴北山菰王陽
遲誤非吾事老境年來類轉遲

乍聞屋角喚鳩鳩倦起推窗見綠稠山著晴煙澄曉霽川
牽明月帶寒流未應從政招歌風祇擬全生學解牛最是
芹私猶有夢隨風五夜到皇州

一任頭蓬未暇梳空村艷冶已全疎池牽翠帶縈桑梓沼
貼青錢點小巢志遠自應憐樞驥儲祥何用咎淵魚有時
攜杖招尋勝緩步悠然足當車

怡雲堂 卷之二 七言律

六

髦來一病醒何遲四顧春光早已衰階露苔痕侵古徑池
風樹色漾清漪孤忠不反離騷賦逸興還廢絕妙詞舊雨
如逢人復至倒囊新句共開頤

幾年投劾避嘲牆一病經春涉夏強汀抹輕煙添草綠圓
霑細雨逼梅黃共遊竹徑憑藜引欲醉花村解佩償晚色
歸來猶可戀夕陽歷歷曳林長

索居久已辭華屋門帶長松當瑣窓靜見鳬鷺眠暖渚閑
看鷗鷺浴晴江儒推魯國原無兩文羨崑山只自雙欲識
依楊何處是三千豪傑爲誰降

經歲空山狎遁樓春來卧病廢攀躋隔牆新竹搖風急籠

岫長楊拂水低落日將雲遙出谷高林涵月遠過谿一般
清趣真堪賞遠興揮毫處處題

憶舊漫書二律寄睢州李尚書

應憐僻性與時乖潦汰茅廬任水厓臨事慮危者故轍逢
人後已讓新柴見機我自先辭綬逐客誰猶更竊竊欲報
芹私身已老風雲無復觸衰懷

黃鳥嚶嚶喚薜蘿忽驚歲月易消磨階苔泔雨青侵徑江
草含煙綠蘼波投筭未由仍說彘揮翰不用更邀撓幽懷
閑寂誰淘洗千里無從載酒過

入夏連日苦雨

怡雲堂 卷之二 七言律

七

盡日山城急雨濺晶花狂潦上階鮮漫村濕露迷林巷負
郭新流覆谷田客渡遠汀凝波海舟橫斷岫欲黏天薰風
安得收殘溜雲隙斜陽漏翠巔

四月九日苦炎熱釀成急雨意如新濤聲撼地高燒漠浪
勢浮村遠逐人沉鬱干林晉去翼奔騰幾處起窮鱗煩將
玉燭調和順贏得江干理釣綸

山郭屯煙壓樹低村原噴薄雨痕齊渠浮新潦潏吞砌江
擁鴻濤亂拍堤禾稼千家愁土石星辰萬里隔雲霓願天
十日依時賜幸得窮簷飽薈藜

密灑簷頭入夜狂篝燈孤館坐淒涼亂雲擁戶猶侵榻野

霧浮村欲漫堂溢岬幾家沉井甕拍堤一帶清淨只今
景况多寥落表飯應誰問子桑

獻歲稀逢艷冶天陰晴初夏復交纏幾番急雨添沉病一
夜新涼快熟眠十里芳村空蠟屐半春樂餌廢論玄由來
無用還能尋准擬人稱散櫟全

宿霧沉冥護校扉陰晴互換減芳菲洪沅塞巷車停少巨
漫浮階焉下稀斜日隨風收剝滴薄雲將雨灑餘暉凭欄
極目雙橋上開看漁翁坐釣磯

齋居獨酌

客散閑門可設羅融融景色快清和林風啼鳥喧溪樹池

怡雲堂

卷之二 七言律

日游魚動小荷招隱未聲攀桂曲療饑不斷採芝歌上沅
洗耳空勞攘爭似柴桑種秫多

尋春過友人齋頭畱贈

岬柳垂條水面齊繁陰處處足攀躋長林斜景嚴湖北疎
竹輕煙嶺嶺西緩步綠蕪尋舊跡細磨蒼蘚換新題山中
候煖歡春作最喜東南息鼓聲

黃鳥嚶嚶出谷聞等閑徐步躡苔紋日移槐影侵簾幔風
動梅香入典墳祇以病軀空捉刺喜逢知己細論文況今
驟得雙龍劍牛斗清宵紫氣分

東山高卧圖酬劬南皋并東魏工甫

競云此地似桃源景物春殘尚自繁潭潭魚棹知水暖
分無策覺沙暄惟宜文豹仍棲谷誰遣羸軀更觸藩病後
不堪迎過客高眠一任鳳題門

僻居舊任碧山村起視雲花貼水翻松露灑林醒鶴夢頻
風吹浪冷臨魂厚交誤墨稱明燭散事微權貴束根曲矣
徐全何早見可將爛額與同論

孟夏喜雨呈閻部諸公

炎蒸春後苦晴驕晨起園林挹潤饒谷氣凝煙蒼老樹山
風吹雨綠新苗一年桑稼瞻恩近萬里星辰入夢遙遲暮
嬉遊應有慶不知商鼎屬誰調

怡雲堂

卷之二 七言律

九

春殘酷熱滿滄洲忽覩連陰解百憂萬壑同雲銷舊燠一
天時雨漲新流耕耘不用爭驅馳凋瘵應知免轉溝匡濟
况蒙廊廟賜定教渤汭化為牛

與魏工甫話舊

僻處幽然對翠屏非逢佳客不開扃祇憑靈簡聊娛日幸
抱虹文足附星倒屣自驕頭已白遲樽共話眼終青興來
從倚曾遊地醉拂苔痕再勒銘

得劉都督粵中手札及詩兼綺匣之惠因遣報書次

韻酬答

憶別旌麾歲月催各天未寄驛邊梅東山支枕乘衰卧南

海遺書附便來一旅已知忠作胃多儀猶見禮為媒但期戮力平時難鵲印應登上將臺

駒隙韶光日夜催春歸又見而肥梅片暄方切北辰望罕曠翻從南海來跨下淮陰還自奮雲中魏尚果誰媒丈夫壯氣須吞虜燕市如今正築臺

壯寇

未獲流觴學右軍祇從陶令把耒耘濕沾晴隴隨收雨陰駐林籬但結雲堦面綴錢新鮮合峰頭鳴玉細泉分北寇起望塵襟洗清暇何人獨出群

霖雨累日既喜田疇沾渥或恐霖潦過甚

怡雲堂

卷之二 七言律

十

繞欣災魃悉驅回天澤霖淋不斷來碧澗徑中煙浣竹黃添牆外雨催梅杖依鷗渚何能撰進近鶯巢孰為開大旱方需霖未已涉川又偕作舟才

帝女為災昨已驅忽成霖潦浸平蕪飛泉噴壁疑三峽積水連天即五湖簡出燕訶空醉尉高眠偃蹇自潛夫但祈十日方施雨才得豐成了風速

衰年久不親筆硯有以絹素索書者率賦一詩末語聊以解嘲也

隱隱簷牙上落曠鳩姑雨後復聲聞陰消柱礎還餘潤日墜崢嶸不斷雲鳥外天清峰葉合鷗邊潦盡浪花分衰遲

偃卧真吾事肯駕黃庭學右軍

曾孫生

懸車終歲卧柴荆不向黃金羨滿籬已見一毛生鳳穴待看六翮奮鵬程百年黎藁隨時給累世弓裘取次成屏翰愧余無所補相期萬里作長城

禱雨

天憐災旱眾難堪膏潤寧辭禱祝三查霽重嚴雲是慶華滋稿壤雨為甘但令禾稼能需足便獲倉箱不諱貪遲莫所需何更切直將輪輓代朝參

怡雲堂讀書

怡雲堂

卷之二 七言律

十一

芸閣澄心理舊經藤陰寂寂覆塔羹泉分宿潦當窓白山澹晴煙拂座青高樹峰頭斜倚漢新萍池面細浮星只今耕稼村村急不斷農歌抱膝聽

朱光祿枉顧山中兼惠嘉章依韻屬和

重沐高軒過草堂山靈襲寵喜稱揚惠風接席芬芳遠細雨連樽引話長篇贈即詞生氣象琴調燕谷轉春陽匡時定欲充吾意分得諸艱政未忙

邑漕聞有改折之請中丞衛公所建議也喜賦一律

奉寄

山夾馮川知幾層涓流輸輓若踰陵重煩開府垂殊惠曲

爲荒陬議改徵保又雅懷經國畧調劑尤見補天能衰頽
有幸逢奇勝加額惟當祝日升

獨坐

雨過空階長綠苔
窓獨坐意幽哉
林光繞舍娟娟集
山色親人冉冉來
問法正宜開遠社
逃名不用鑿溪垵
欲廢白紵酬餘興
滿目鶯花倩作媒

四月八日

芳林夏曉浪鳴禽
猶見殘花覆徑深
天直甲更收宿雨
雲當佛誕結輕陰
千峰梅日思商鼎
一榻松風想舜琴
殿閣新涼無復近
惟餘清夢寄遙心

怡雲堂

卷之二 七言律

十一

午日

午日晴光飽得諧
榴花髣髴妒抽簪
輕風符艾懸門肅
細雨蒲蒲引興酣
豈暇繫繒思辟鬼
但因闢草喜宜男
陰陰夏木無多暑
寂寞蘭湯杳未探

邑中修葺志乘承當事削牘見招感賦謝

諸侯史廢創修難
况復山陬志久殘
五馬右文崇記載
雙鳬飛檄重增刊
恐將新乘開私竇
或假陳言啟訟端
衰病久慚霜頽禿
敢期直道事承翰

寄別馮令尹二首

煙渚沙河一棹悠
早涼風細事清遊
甘棠舊愛增思味
秀

麥新聲引應求梧桂
天香隨去馬簾葭
秋水待行舟獨余
遲莫無能往
月色中庭幾度看

涼颼泛路欲飛鴻
訪舊追遙片艇通
三載書辭頻問杳
各天雲樹繫思同
湖春棠社陰逾茂
庭月絃歌聽不窮
信是和珍終長價
豈無餘耀及良工

徂夏霖雨決辰溪水大漲

山郭春來苦太陰
空階仍自潦痕侵
纔逢三日微開霽
忽後層雲盛作霖
舞燕已違調燭意
浴豬偏動補天心
東風灑向簷簷裏
枕上蕭蕭徹夜淫

亭午陰晴頗欲分
須臾霧雨復交紛
疎痕漸瀝飄斜照
亂

怡雲堂

卷之二 七言律

十三

滴森沉濕暮雲寒
浸稻苗農共嘆聲
生蕉葉旅偏開因傷
積潦難成寐
夢日何從到大君

苔滿柴門累月局
濛濛積雨幾更驚
環城霧氣連平野
帶郭溪聲走近汀
柳岸蒼茫空嘯鳥
草軒霑濕不飛螢
沉陰共說逢庚改
庚到何由尚未停

重霧瀾天水拍堤
夏涼風氣鎮淒淒
居淹何處堪逃濕
橋斷無從更覓蹊
野樹蒼茫疑漢近
苑牆迢遞度雲低
飛花縱使隨流去
祇恐漁郎路已迷

宿霧冥冥萬壑盈
郊居一帶斷人行
橫流岬岬侵村濕
積溼家家覆砌平
計月已驕旬離畢
論時未覺夏當晴
即於

禾稼猶無害苦見閭閻疾患嬰

晚晴村望

隴畝含滋翠抹秧霏微日氣發林光雲開疊嶂收殘雨潦
淨長川帶夕陽釀蜜山蜂鬚粉膩營巢燕嘴泥香晚晴
何處堪乘興欲傍漁家醉綠楊

竹徑新涼

竹徑新涼宿雨稀綠陰迎日發光輝市橋細柳流鶯轉江
路芳芹乳燕飛靜挹蘭氛清可佩縱看草色淡忘歸塵中
不繫民休戚爭似逃虛學采薇

季夏遣懷

怡雲堂

卷之二 七言律

十四

韶光代謝未曾停一歲於今半復經時屬閉陰方食莢節
當徂暑始生冀欲從雪檻逃煩溽厭向冰山憶寵靈獨有
安仁遺賦在擬羞羊酪薦明馨

立秋作

夏山片雨斷虹收迴望嚴扉翠色流田穗千莖涵早露井
梧一葉墜新秋吳江風後鱸將美楚澤霜前鴈欲浮景物
變衰時所有漫吟搖落喚人愁

秋雨寄山陰王相公

處暑將臨熱故驕釀成急雨夜溪飄沾滋茂華蒼浦披
拂衰楊墜畫橋湖海三秋鱸膾美關河千里鴈書遙仰期

坐論終寅亮更賦倉箱免歉凋

卽景簡崇仁吳侍郎會甫

片堵溪居傍水村共言濞泆比桃源雨溪拽履槐成市一
徑張羅柳是門晉客譚溪山院靜入林坐久石床溫何人
識得高閑意萬壑風煙任吐吞

雨

晨起陰雲薄太空厭厭細雨滿林葉華滋野樹濕新碧亂
灑池荷淡舊紅紅屐蓋兼施憐地濕桂珠交困想年豐至誠
參贊還誰是只與津莖卽大功

伏後晴光得幾開一逢零雨便遲迴氣蒸庭礎流成沫浪

怡雲堂

卷之二 七言律

十五

觸溪灘吼作雷鳴柳已知黃鳥去睡沙安得白鷗來自綠
漂泊門常閉不見高人破綠苔

隨處窮

歲已酉江西福建浙江大水湖廣四川河南陝西
旱畿內山東徐州蝗耳目所周曷忍聞見民生國
計實愴予懷援筆記之不覺淚之何以泫然下也
屏居與世不相聞目擊時艱感念殷雨積江南苗似薙旱
溪河北土如焚登場祗恐盈箱少足國寧看轉粟紛隨處
皆窮無可送空教人續送窮文

又雨

累月霖霖漸欲差濃陰猶自懸山家開窓但覺鳴泉沸捲
幔空瞻碧漠餘柳岬森沉無弄鳥楓林冥漠有迷鴉何人
解得旋乾力乞與中天轉日車

晚步溪上晴霞爛然擬有霽意至次日復雨

昨夜長川映落霞晚來依舊日無華流雲將雨濺玄谷新
水隨風走白沙野帶輕煙樓樹淨山含餘照入江斜懸知
天意開微霽擬看銀河泛月槎

午來積雨歛山村猶復蒼茫鎮日昏煙外松蘿微露態水
中樓閣迴無痕花容未許紛爭色葵葉空留曲庇根料得
回陽應有意快看披霧上朝暾

怡雲堂

卷之二七言律

十六

喜霽東初泉

一天雲氣酸晨曦霽後山川分外奇香泛池荷風味遠影
移汀樹日光遲耽幽正設陶家榻酬興還須謝墅棋應候
無愆從此始開尊共醉太平時

四圍風雨正淒淒乍喜長川飲綠霓雲歛群峰青嶂合日
移茂樹綠陰齊袁杯未便追河北杜興何妨續滾西黃鳥
亦憐晴景好向人覲晚盡情啼

罷閑山居近將十稔林泉之樂頗饒勝致偶憶京華

舊事杳如隔世漫書一律以寓八十老人近况
僻居原住水雲東紫路風塵絕不通一逕雨拖蘿薜淨千

巖晴展畫圖雄年來有病神猶王老去無聞耳半聾若使
舊非從政後盡忘理亂更夷冲

夜景澄鮮陶然有作

清明谷氣晚來幽寂寂山城靜漏籌度檻泉聲疑珮響拂
簷螢火似星流碧筒溪坐催藜照玉塵清譚近茗甌閑味
宜人能幾得羲皇一榻更何求

長天忽復照殘霞遂得良宵靜不憚隔岬煙光凝遠樹映
川月色漫平沙露清祗自零仙掌河淨還應泛客槎萬里
星辰方入望莫教雲霧更相遮

小院蘭爐煥夕薰似臨清暇迥離群風生田稼翻青浪月

怡雲堂

卷之二七言律

十七

轉庭柯駐碧雲絕壑虹歸峰色動澄江鷗泛水波紋徘徊
何處蓮舟這一曲芙蓉倚席聞

新晴得詩六首

隱隱晴光蕩碧空喜無宿雨滯林叢風微符帶拖新綠霧
散樞中換舊紅庭樹藹輝知日麗田苗生色快年豐彼蒼
幸念民顛歎從此時和足賑窮

五月梅天候已更宜人日氣曉來清一階霽景添葵艸三
徑輕風淨竹聲累阻泥塗遊欲廢忽經晴野句還成田禾
况復新生綠不遺農家欲輟耕

山郭沉陰久不消鴉鳴屋角霽青霄池荷風動清香渡野

樹煙微積翠嬌載酒乍尋黃鳥谷持竿欲愁綠楊橋新晴
肯獻無來使入夜瞻辰未惜暄

大暑將臨預作炎山巖氣色晚來添竹垂清露低當徑樹
放斜陽直到簷苔翠晴階明履跡暮光夜閣映書籤冰盤
薦果非吾事唯把荷筒緩自沾

幸向鷗枝借一安了無塵事得相干牀頭龍劍閑猶拭閣
下蟲編老更看日落千山柴徑晚雨深三伏草堂寒但期
暖氣催禾黍釀就苾苳足衆餐

雨後溪山暑氣微侵尋夏秋始炎暉新荷得日池紅麗茂
樹含煙野翠肥避熱未遑袁氏飲耽幽久息丈人機岬巾

怡雲堂

卷之二 七言律

六

徙倚無他羨款乃誰家鼓棹歸

端五

詰朝碧漢霍然開縹緲鮮雲擁日來隨處赤符明戶父滿
階翠影散庭槐奪標自競荆南渡避暑寧勞河北杯蒲葉
青青良可泛更逢歌舞倍相催

雨中

山齋簷際雨霏微向晚紛紛映落暉度徑似塵隨馬去撒
林如縷帶雲飛池頭漚息漣方淨階面渠分潦漸稀赤帝
回陽應有意肯教化日與時違

山坳濃陰久未披釀成宿雨日淋漓寒侵刺水禾針帶濕

擁翻晴麥浪遲沼面細萍千點亂堤頭弱柳幾枝垂天公
如欲頻年歎從此寧愆五十期

夏日病起偶題長句

岑寂山家賦索居溶溶晴沼湛天虛平沙浴鷺川光外茂
苑啼鶯樹色餘碧潤避人怡舊竹清香催我醉新葉衰頽
藉此聊藉病輪與柴桑得把鋤

野外散步聞詔除東征加冰喜作

雲日連朝互換頻步來碧漢氣偏新林喧弄鳥常移樹川
霽遊鱗不避人竹徑清陰行躡屐柳堤斜照坐垂綸告終
況說今衰息并與晴光共作春

怡雲堂

卷之二 七言律

七

贈李幼雲

久從藩佐盛才名山縣新逢借攝榮猷以年衰投散僻迷
因病縲廢將迎一時嘔嘔藉民困百里謳歌頌政平欲識
賢能何處是甘棠滿地綠陰成

車子才名遠衆賢巖城何幸借鳴絃壺酒曉露水壺淨庭
映清輝美錦鮮不視桐鄉如傳舍儘教棠野入丹鉛老夫
穩卧無他事拭目唯看舉最先

長夏書懷四章

空濛天氣未全晴乍喜頻曦雨後明返照入溪分水色繁
陰滿地沸蜩聲看來碧樹經鶯谷望到紅雲想鳳城願得

守心當太歲釀成豐稔濟蒼生

半月金烏氣不揚經過夏至尚蒼茫山拖積翠浮雲影雨
散疎痕漏日光赤帝已將炎燠石波臣未惜濕沾裳薦災
總屬人相名專賴天公爲降康

節踰小暑尚多陰庭礎尋常潤氣侵徑曳雨苔迴策簷林
交風竹響瑯琳倦依北牖開蕃榻醉引南薰入舜琴却憶
宮袍方拜賜紅雲千里政關心

伏後空山雨漸除沉泉穿竹下循渠風將荷氣侵簾細月
散槐陰覆砌疎涼閣水紋搖枕席澄池峰影陰龜魚北窓
無復塵鷺到一榻高眠靜倚書

怡雲堂

卷之二 七言律

平

偶步

一徑沿溪境頗幽空村倚杖聽鳴鳩晴雲扶日澄霄漢炎
氣祛陰淨壑印翠積北窓槐影密綠封南畝稻苗稠豐登
應副三農望說與周婆莫浪愁

旬日海暑特甚

大暑三晨見赫曦千山宿霧霍然披曉巖樹色明青嶂晴
沼蘊華嬌綠漪避熱卽違瓜李會傾心惟效薤葉私快逢
陽氣能催稼定有倉廩起瘵瘼

初秋

秋早山城暑氣微森沉草樹淨巖扉竹垂院影搖風細槐

結庭陰漏日稀晨浦破煙雙鳥去晴川觸浪數鷗歸
不到高閑處便體猶裁芟作衣

答歸德沈相公

由來舊隱占林麓十里松蘿一逕通老把漁竿滄海北開
扶鳩杖畫橋東耽幽頗欲眠紋簟避暑寧須醉碧筒寄語
京華冠蓋客裁皇高卧意誰同

敝廬在溪山中晴雨頃刻氣候昏旦不齊感賦一律

秋谷欣逢日乍紅溪山晨午候難同片雲忽送過林雨過
野隨吹偃穗風纔見新流浮碧蘚復瞻落照轉青楓炎涼
變態尋常耳要爲田疇祝歲豐

怡雲堂

卷之二 七言律

廿一

七夕二律戲答王淄川教

七夕空山霽景開初涼夜色絕纖埃一弦新月澄西漢千
里明河接上台期合女牛還幾見橋成烏鵲果誰催終年
此會渾無暇安得閑情送巧來

清秋此夕爛銀河欲渡群仙渺息波隔歲女牛纔得會中
天烏鵲故相過樓陳瓜果人爭乞盤引針綵巧孰多除却
汾陽祈不與未知幾許獲全梭

七夕後一日立秋

炎涼從此一循環應候寒蟬樹裏還前度天孫橋正撤新
來白帝矩初頒食烹葵藿成功早禮重驅劉武事閑野老

畫眠纔欲覺并梧片葉下柴關

秋晚即景寄陸平湖陳餘姚孫富平三尚書

秋殘海暑鬱成堆落日山城隱霧開半夜電光催急雨一天雲氣度輕雷松濤鳴壑蒼葦動稻浪翻晴綠髮迎頤刻晴空消積翳星辰依舊燭中台

虞暑

虞暑纔臨氣更殊炎威頓減病將蘇山城疎雨秀田穗門巷高風飄井梧荷沼秋容新露浣蘋洲晚色夕陽鋪地偏有酒堪酬興何必吳江問鱸

白露

怡雲堂

卷之二 七言律

廿三

白露頻年氣不揚今逢晴漢倍輝光連天野樹分清蔭隔水啼禾送斷香卜歲已除成路苦省收應獲滿篝祥時暘近日非容易調度須知出尚方

寄贈合肥令

阻遠無由寄一緘空琴常憶調非九憐交遙詣裁花縣選勝兼探問法品槐桂送香薰客佩簾葭生色媚江帆懸知皖水攜春返白日秋溪映碧杉

憶舊事有感

舊隱清幽枕石潭塵中風味昔嘗諳兩銓才薄常司軸二豎疴溪遂息擔已愧班鴻趨夜五但憐眷寵歷朝三獨醒

至此應無忌老去當杯自不酣

中秋感賦

一年秋色此分輝病後清光與願違祇恐銀蟾嫌鶴髮未應玉兔避鶉衣樓頭留韻臨窻杳水外砧聲落枕微不識紅橋今夜月霓裳幾度送將歸

九日讌會作

九日山中喜霽鮮黃花盡盡故爭妍籬邊舊摘人非異臺上新逢意自偏對景任教頭似雪記遊寧用筆如椽一年樂事原無幾肯為清樽惜十千

常言風雨近重陽今近重陽雨欲藏露浥巖花香撲酒天

怡雲堂

卷之二 七言律

廿三

催籬菊待飛觴題糕將引劉郎吟落帽何妨孟佐狂佳景總居塵壤外良辰清味恣吾嘗

重陽後二日得北來信

纔過重陽景漸移黃花依舊足人怡白衣酒在誰仍送青杖錢懸幾欲隨半刺不通京洛使諸交猶憶草茆時漫言門外堪張尉好事還能遠問奇

第三孫生

遲暮才衰業是耽又懸弧矢德奚堪為聞義盡稱三索益信周詩重百男未論充閭能濟美會看統膝得分甘幸今不墜傳經志寧數當時盛組簪

初晴散步

鳴雨經旬聽不窮
曉晴纔覺氣冲融
桃林乍覩蒸花日
竹迳稀逢振葉風
選勝野芳邀杖屨
怡情水調入絲桐
老憑詔景聊娛目
誰復生涯逐轉蓬

淮南餓流民頗來山中見之愴然有作

世途攘攘各謀身
爭奈身謀不遇辰
萬戶桂珠隨日湧
群方旱澇逐年新
錦繡呈技原非計
懸索行空總為貧
安得餘錢酬斗粟
免教涸轍有窮鱗

喜晴

空谷秋過露景妍
向來暮雨一齊蠲
氣蒸萬壑紅雲起
霧散千林赤日懸
湖挺朱衣蓮正茂
野翻翠浪稼方連
山田所患唯霖潦
幸得晴和可卜年

怡雲堂

卷之二 七言律

苗

幾日雖晴雨又零
忽逢曦赫仰烏靈
天清泉練懸崖白
雲散山簪繞樹青
蕉曳翠旂搖徑草
菱翻紫角破湖萍
北窓支枕眠方覺
一曲漁歌起晚汀

寄丹陽姜仲文

病廢經春寂寞濱
蕭然一榻淨無塵
井風秋色飄梧早
巖露天香發桂新
木葉九江遙問友
棠陰三輔倍宜人
歸將遠札開離索
會見晴空轉玉輪

秋興八首寄李晉江葉福清二相公

沿溪一徑過栽松
火退新涼知幾重
朝霽林叢澄露氣
秋空野水湛天容
翻經問法諸塵淨
拄笏看山萬事慵
獨守幽偏誰是侶
此心還許故人逢

連朝爽氣快潛夫
纔轉清商景便殊
溪岬涼風疎細柳
沙洲曉露淨平蕪
邊聲楚澤將聞鴈
秋色吳江欲憶鱸
却念同林空宋玉
漫吟搖落與何孤

隱隱遙峰駐落暉
時當流火暑將微
荷池重霧房多暗
荻渚高風葉乍飛
柑酒已辭黃鳥谷
綸竿方坐白鷗磯
幽偏更自饒秋色
甘分蓴菜與世違

池面微風皺水紋
蟬聲沿岬噪斜曛
千林寒色疎松合
萬壑秋容落葉分
江上蘼葭澄舊影
霜前槐桂發新芬
猶餘匣裏龍泉在
五夜光搖北斗文

怡雲堂

卷之二 七言律

五

蒼筠滴露出林梢
月借蘆花影欲交
老去雲泥鴻跡隱
秋來兵革虎皮包
抽簪久已簪簪桂
秉軸今猶憶拔茅
滿目風塵成底事
投閒贏得避時嘲

江貫蒼蒼鴈欲還
秋容并入萬松灣
潒潒消漱玉
聞懸潒林缺披圖見遠山
露下薜蘿澄白谷
月臨篠簜映玄關
斗南一夜祥光發
衣惹天香想鳳班

落日溪潭漾碧瑤
長天秋水暑將殘
楓林露下蟬聲急
荻岬風生鴈影寒
簪桂自甘愚谷隱
坐茅人作客星看
却思

世德曾無報魂夢猶然忝漢冠

山郭風號萬壑哀沿階草露滴秋苔千林木葉簷端墜五
夜鴻聲塞上來輪艇正操甘適志陸莊猶在喜登臺關
杜興能成調搖落空勞惜楚才

月夜

山城紅葉正交加萬斛松濤吼未涯蟬帶夕陽歸別院
將秋色落平沙蔣園舊種千竿竹蓮社新添百結花明月
可人清足玩不知何處酒堪賒

日暮陰陰落木寒夕陽佳趣共誰看風傳荷氣熏書架月
借蘆花伴釣竿澤畔寒芳蘭作佩林中避俗竹爲冠空庭

怡雲堂

卷之二 七言律

其

露坐渾如水葛入新涼更怯單

孤村山氣晚來佳落日芙蓉麗水涯截繪秋風張翰舫實
紅夜月米家簾祇嬰丹藥甘辭緩更厭青錢故繫鞵屏處
高閣差以事好招魚鳥與爲諧

寄懷彭澤歐陽太常司直

落木蕭蕭冷翠潭秋來趣味飽曾諳清江尊繪雙蘭館白
谷煙霞一草巷丹結月中淮園桂黃包霜後洞庭柑北窓
舊句如相就妙語何妨捉麈譚

崇仁吳侍郎在顧臨別書贈

霜前江路斷鴻鳴報道臺旌問泌衡逸叟自然逢後令故

人終不負前盟文詞榮占三元第勲業崇成萬里程剛背
經綸從此展豈徒浪博一虛名

輓曾見臺

奕奕精英貫斗墟何爲齋志鬱難舒才優傳鼎脩名達
化莊園惜壑虛紫氣尚存前匣劍青箱猶有舊編書卽達
顏色聲光在不減空梁月照初

贈邑宰馮景明

才堪製錦重儒紳坐理清恬俗易淳槐署羔絳庭似水春
岐兩露化如春稱符巖邑棠陰遍訪逸空山慧氣新最上
褒崇君自有流芳獨數漢良循

怡雲堂

卷之二 七言律

其

梅峰閣眺

常情煙霞護秘閣偶因新霽獨看山楓煙背日雙鳥度荻
岸隨雲一鴈還斷浦嵐光籠草碧孤城秋色綴林斑誰知
無數清幽意繫在寒巖老樹灣

漫說晴山勝畫圖幽偏何讓與天徒露催晚色疎堤柳風
報秋光墜井梧避俗幾人甘薜荔遺懷何處寄蘼蕪高閣
尋賞猶無暇生事誰還問木奴

遣興五首

傾蓋湖中倒敗荷園林搖落水生波邊聲萬里來鴻鴈寒
色三秋入薜蘿蕉鹿夢回塵事少尊罍風動客思多北窓

時復拋書卧忽聽采菱何處歌

空谷霜前木葉黃輕風薄宇散新涼寒聲五夜紛紛杵生
計三秋急積倉荻渚波迎乘興舫桂巖芬襲讀書牀一般
清味消難盡更向龍潭踏鏡光

商飈百卉半凋殘乍見新鴻勵羽翰蓉浦日華標岬紫楓
煙霜氣染林丹養生批卻憐遊刃御世當機愧弄丸老去
車魚非所慕更將馮缺向誰彈

病中示兒輩

秋來山氣正紛更似為衰翁愴病情一夜寒風邪易入經
旬良藥勢難平漫云神王何堪恃即有名高可復爭擬把

怡雲堂

卷之二 七言律

八

塵勞俱謝却獨從林下學無生

樊以齊御史見訪

清秋巖桂發新芳報道端公問芟裳十載才名瞻泰岱一
時風采挾水霜論交京楚傾心久念舊山林用意長不是
燕臺重千里何緣駿骨有輝光

秋夕

僻境秋深少霽華煥涼遞換忽無涯一天斜照收殘雨四
望流雲隱落霞纔見清陰移草樹已看新水浸蘼葭懸知
晦昧明應散依舊紅雲擁日車

八十誕日

投劾尋山寄一廬閑居老樹共黃綠鳳城日月空垂白
谷風煙任草玄思在八旬猶欲報夢回五夜不成眠却慚
衰病同檣櫓南極徒勞望眼懸

秋暮書懷

落日晴溪半抹紅侵尋秋老暝煙中千山樹色經霜雜三
徑筠光得月同江上屬群方就食場間穡事欲成功棲遲
印壑無他慕料理衰翁任化工

請老歸來守舊廬每憑游味送居諸自甘蓬蘽卑棲鷗誰
引江湖起涸魚菊度清霜侵座冷竹移明月動窓虛客來
野外無供給助鼎何妨夜摘蔬

怡雲堂

卷之二 七言律

九

連朝剝啄與心違忽漫陰雲隱落暉野際浮煙疑慢捲空
中細雨似絲飛坐看匝徑花容澹回望孤村樹影稀到處
汀洲俱落鴈丹楓江上幾人歸

薄暮仙人橋望五梅千里獨孤嶼嶂諸峰

病後秋郊晚杖藜四山蒼翠待攀躋千林暮色松蘿淨一
帶斜陽橘柚低霏雨久思從伏豹朝天今已罷聞雞陶然
不盡柴桑興半道清樽孰為攜

生孫誌喜

天厚衰門錫祚昌春前莞簟忽呈祥老期五葉初懸矢羈
賁孤生早弄璋岐嶷頗諧繩武願劍垂須識振聲良一經

相授吾家事賦擅長揚美更彰

青帝相將秉震鈞雪殘山色倍精神
律窮岬柳方催臘氣轉江梅早報春
歲月老添鬢白門開喜動矢孤新
餘年頗幸供梨棗贏得高眠作逸人

唯德全昌愧莫增轉移衰薄化工能
獨家友誼求謀久幸有天公錫類弘
孔裔欲張非鄙吝韋經堪授即明徵
象賢家世芳憂墜得此纔稱武克繩

秋齋漫興寄姜祭酒廷善

僻處晴巖暑氣催釀成新雨掃炎埃
霜氛山郭松蘿淨風力江天鴈鷺迴
擬玩寒芳知少伴待賡秋興愧非才
長安

怡雲堂

卷之二 七言律

三

涼候由來早欲獻良裘若作媒

蘆蘆黃花野水攢誰能送酒佐餘懽
松村雨氣消殘暑秋岬霜氛泛早寒
老去身衰常近藥病來髮短不勝冠
所忻久在樊籠外得就鷗枝借一安

雨歇

雨歇初欣碧漢鮮却看陰翳未全捐
亂雲微度披巖日晴岬紛飄覆野煙
水靜有時搖荇帶漣漪何處漾荷錢
陽光誰識長繩繫解慍真宜續舜絃

霖潦朝來勢暫收尚餘幽霧氣如秋
卽無細雨霑衣濕却有殘雲拂樹流
苔引翠鮮紫柱礎竹移碧潤渡山樓
持竿

欲向磯頭坐何處晴沙狎白鷗

哭太和胡蘆山先生直

露墮垂楊拂檻齊近思胡廣倍含悽
許心未挂晉徐劔念故猶存贈范綈
地下文成秋水遠山陽笛起暮雲低
精靈應不隨形盡常逐宵光照舊溪

重九招友小酌

龍山九日日華新老去招尋共采真
整帽臨風從拂鬢遲樽對客任沾唇
最憐把菊開三徑頗喜看花盆一人
好景未宜虛度却清懽愈足答佳辰

疊韻重九後一日

怡雲堂

卷之二 七言律

四

樂事隨時發興新當前景物未離真
繞籬仍有花經眼開酌何嫌酒入唇
落日影搖紅葉樹清霜色映白頭人
自緣意緒應無異詎必風光減昨辰

雨後散步屢湖過金牛塘南涯歸作

已喜甘霖逐寇旋忽逢山郭淡朝煙
日明野色連天淨雲散林容過雨鮮
鵝外瀑垂清合調鷺邊沼靜綠生連
衰年頗幸閒移目一得登臨卽勝緣

散盡沉陰霽色開倦餘徐步踏蒼苔
新苗覆隴村村合成樹迎人處處來
酒注碧筒還自勸歌翻白苧更誰裁
晚歸清景仍如故添得扶筇帶月回

馮川驟漲

孤城暴熱變清霄紫電玄雲並佐驕在室開聲繞沒運出門
鷺漲已凌橋水輪莫親三江影雪浪真疑八月潮十雨
五風稱最勝閭閻免得困科徭

秋懷

西徑清霜借菊鋪新新秋色快潛夫苔堦露在寒螢語荻
渚風生宿鴈呼謝病非干耽水石賜休敢謂惜泥塗頗餘
芹曝無從獻安得雙飛葉驟見

至後七日有懷李見羅

長至常年冷正驕今過七日暖偏饒梅將待雪先春信草

怡雲堂

卷之二十七言律

三

自含青易野燒招隱誰為清夜訪瞻天猶記紫宸朝成都
好事今何在欲向花村一解貂

洞口探梅

冬圓霜嚴罷灌畦性耽林壑十年棲晴陂阻凍寒流澁石
磴帷雲曲徑迷休去空勞書咄咄衰來敢望齒齒觀南枝
頗欲偷春放肯惜尋芳遠杖藜

寄葉堂山

別來離索托巖居冬谷晴和朔氣舒新浦煙光經日滌荒
村樹影過霜疎百年相馬通交誼千里烹魚望報書料得
匣中雙劍在虬文應射斗牛墟

冬殘過從頗稀偶書二律

絕壁潺潺響石淙蒼茫蓬戶少過從沿村喬樹連低霧繞
舍平雲斷峻峰醒睡不辭茗碗數祛寒肯向酒盃慵遠懷
直欲瞻辰極遙隔星河知幾重

雀羅門巷半遮松寥落村莊朔氣濃林緞寒煙籠日影山
騰宿霧障天容懸泉乳聽溪更漏鳴簷紛傳暮寺鐘梅上
探春香入句當窗五朵制芙蓉

至後晴過畦日橋

至後陰陽正互爭忽逢陽勝得新晴天光暫晦仍還舊日
色昨昏今復明入谷欲為催鳥計過橋好作探梅行東皇

怡雲堂

卷之二十七言律

三

非久紅輪轉十里春風萬萬城

除夕

爆竹聲中動地聞暖風當座引爐薰晚山錢臘飛微雨曉
谷迎春擁瑞雲歲律三更臨泰接年光一夜故新分整衣
祇候瞻展拜獻壽遙呈華祝文

麟孫冠書此誌喜

千巖晴雪帶寒光清映山村典禮彰元服有加離舞象成
人伊始望飛黃章門經術堪相換杜氏家聲待爾將莫謂
春秋方富在穿楊多屬少年場

春雪遣懷

空山二月已中春
臘雪霏霏犯郭頻
纖岬輕盈低素柳
鋪汀迷漫沒青蘋
未應田父仍耕野
安得漁郎更問津
但恐京華寒尚在
無暄可獻愧楓宸

曉看晴雪帶春光
融注蒼牙玉液長
色借河山猶勝畫
華消草樹已殘妝
九門寒盡清宮漏
三殿風微暖御香
遙憶當陽方獻壽
老臣無路進椒觴

酬邑侯邢鼎如

細雨山莊淨路塵
到家梅蕊迥生春
忽煩應宿琴堂客
遠問賦雲笠澤人
散核駢羅交禮重
莠莠一探道情真
獨慚經世原無術
空負三朝秉軸鈞

怡雲堂

卷之二 七言律

卅四

遊百丈寺

漫遊古寺踏春暉
石徑雲深翠作幃
似解笑人花疊疊
慣能迎客鳥飛飛
相逢老衲譚唐代
自愧東坡落箭機
雨袖和風桃頰醉
聯詩乘興詠而歸

尋桐城方直指山陰陳太府訊問

歲殘晴雪映柴荆
衰淺猶蒙禮士榮
栢府頻繁聲屢黃
堂卽重鴈繚情
九江節鉞瞻馴俗
一代文章待秉衡
獨冰鴻私無以報
直期勲業答承明

哭內

從似原稱閭內賢
星霜纔是望耆年
忽逢一病醫難効
送

及初春館遠捐香徑
已無遺跡在妝臺
猶有舊釵懸古來
樛木風斯美
醫得芳名久自傳

春雨

積雨山蹊踏作泥
陽春將半氣猶凄
煙屯夾岬籠楊暗
霧擁千林惹樹低
未向關河瞻去鴈
祇將昏曉聽鳴鷄
景光漠漠無從覓
卽有桃源人自迷

冬至感懷寄廬城趙尚書涇陽李都憲

年華荏苒隙駒催
歷盡群陰陽又來
應是晚飧甘豆粥
久拼壯志等浮灰
冰凝寒水漁舟滯
光動高林獵火迴
懸憶庾南先得意
春風早報一枝梅

怡雲堂

卷之二 七言律

卅五

場圃登殘穀已儲
又逢代謝惜居諸
陰陽玉律方爭始
草樹玄機欲蕩初
避暖尚無將去鴈
負冰賸有樂潛魚
衰來匡濟慚吾力
轉悔當年辱薦書

風梳雲淨雨煙晴
彈指光陰數變更
冬久層方初啟朔
魄疎月却載生明
綈宮候氣灰將試
紫殿祈年臘欲成
扶抑正逢消長會
玉調喜見泰階平

靜數階前葉正充
喜逢心復自天中
百官暫假明廷務
一線新添綉室功
仙掌露華催進履
御爐香動引呼嵩
獨余老廢相違遠
欲獻曹銘莫爲通

四顧沉陰隱日光
正逢玉律轉鐘黃
元陽葭管灰迎候
雲

物觀臺史紀祥五夜衣冠隨侍從萬方履屨慶靈長懸知
朝罷承天語自此同沾泰道昌

冬雪吟東張德允

沉陰寂寂聞遙天晨起凌人朔氣偏本擬隨風絕散玉忽
然帶雨雜飛綿浹旬自暴暘桑飯溼夜誰迴訪戴舡料得
南枝垂欲發故教雪伴未開先

至後陽生勢尚微飄來朔雪掩清暉誰將寶樹依天種遂
作奇葩雜雨飛剡棹未應幽興盡即歌祇恐和人稀憐貧
孰是長安令除道猶能訪白扉

黯淡同雲覆野田朔風吹雪冷遙天鮮澄階面瑤塵積漸

怡雲堂

卷之二 七言律

廿六

瀝簷頭玉溜懸幻境搖光無旦暮化工隨物付方圓閉閣
正直微陽日暗度龍山點細蘊

蒼茫遠樹抱雲稠積素凝旒練未收圖畫連城疑幻境樓
臺一色似瀛洲滿池鷺引蕤之墨遍地狐餘靖郭裘三尺

江南應不乏歲豐好報十年謳

雪中承鄒爾瞻惠酒

煖爐勝會孰為招閭閻沉陰迫未消積雪已看分竹徑寒
雲依舊暗山橋欲停方朔三冬史安得朱臣一谷樵獨有
多情能念故清樽相寄不辭遙

無題

江路堅冰正負魚幽人感慨得寧居愁時嵩目何能瞑怯
冷蓬頭不暇梳霧雨數洲消息斷塗泥一逕過從疎要知
康濟非吾力已分無才老櫟樗

春到梅梢歲欲闌楓村彌望已無丹雨餘巖壑晴難覓霜
重郊居午尚寒直把范袍隨意贈厭將馮鉞向人彈頗聞
時議紛紛起安得師師息衆譴

除雪

冬深漫采北山薇欲折梅花餞歲歸積雪更增殘臘氣新
陽乍解苦寒圍杜杯覆罷風從異梁客詞成事已微正是
抑扶方有意願康華祝答垂衣

怡雲堂

卷之二 七言律

廿七

仲冬寄廣東劉都督

汀洲雪後淨蕪蘆恰值微陽未壯時曉霧高林懸日澹畫
陰澗谷欲霜遲催梅正切擬春意蒸將為餞臘資五嶺
若逢花早放願憑驛使寄先枝

歲暮書懷

高踞山城最上峰四郊寒色不知重霏霏雨意霑蒼蘚
澹雲光護碧松文史三冬誰繼美陽春一曲孰追蹤瞻辰
合殿爐煙動安得披香挹御容

贈陳公祖

瀛海雄都枕日邊秘抽中水貌英賢與賓東觀蜚聲早分

牧西江作郡先冰葉三年豐園計龍阿一氣耀星躔未應
骨格論豪傑澤在蒼生大可傳

晚春病中

韶光艷冶竟無緣春色將殘灰尚縷花惹愁心空媚日樹
迷病眼但篩煙持柑不復誇霜後嘗茗還須試雨前此外
俗塵俱未著個中清福幾能憐

院宇春闌始轉禽匡牀僵卧費沉吟出牆修竹拖煙重隱
樹殘花映日潑藥餌一生司馬病雲霞千里子牙心加餐
以外無他慕厚俸誰憐陸索金

東初泉弟時方病起

怡雲堂

卷之二 七言律

三八

吟就池塘憶謝家憐君意氣比瓊華年踰父服神仍王
足金丹病易差松挺寒姿經雪淨梅偷春蕊綴枝斜從茲
弗藥知多助重積還餐素似瓜

卜兆得洋湖喜賦

卜得洋湖堵翠坡道存歷歲未消磨居垣一宿清懷玉抱
郭多溪細韻珂出穴潛踪疑落鴈障空鼓翼訝飛鷺孫家
于此曾昌阜回視青瓜意若何

陶仙清峻似仙都釀就洋湖世莫圖一脉穿田生杞梓群
山護峽茂榛梧堂陳寶緒雙流鎖空擁星辰二曜扶不用
行營高敞地有牛眠處即名區

遙宗感古去途賒秘洩洋湖氣色嘉雄壯當關蹲虎豹委
蛇出嶂走龍蛇紅蓮辦裏藏香味玉笋班中長瑞芽不用
地羅磨水路但令增德福無涯

慈覺平疇吉氣豐精神不與衆形同山鍾靈秀常含霧峽
欲朝宗不受風穴隱前沙疑斷鴈橋橫流水訝長虹本來
面目何從覓只在陰陽消息中

晉贈邑人鄧葵軒

川嶽靈鍾一偉人曠夷風度邁群倫厭從鏡羨恢先緒獨
愛文儒啟後塵佐郡奉公清不滓憐交重義久如新聖朝
指顧蒲輪貴肯令名賢老澗濱

怡雲堂

卷之二 七言律

三九

居負獅山氣渾淪毓成敦裕作高人不矜資斧紆儒佩
涉橋門列士紳花鳥關心歌舞數咲談移日俎樽頻揮金
結客潭閣事彷彿田文度出塵

別來歲月已云徂聞問頻仍用意殊三載晉都餘蕙蒞百
年咸里自葭莩雅懷記遠恒如見往訊依期久豈渝彼之
德施空虛守不知高義勝君無

贈李恭政佑

士龍才是海虞英宏化賢稱接子荆蒿目不離嚙嗅意慈
心兼有稊水聲百年清麗吟風調五載慈勤問柳情獨恐
明時名位重吏民無計可遮行

六日

六月六日往苦熱今何大水漲寒流雲封巖壑威非火漆
溢階除氣似秋醉暑空懸梅嶺望迎涼寧假竹林遊占書
未必皆堪提願得時陽富稻晴

盼晴

夏秋西疇草正蔣赫曦何不到林皋千巖密樹多稂莠一
曲新流尚泛濤未有炎蒸狂杜老祇餘爽氣快騎曹水如
溫暖催山稻便是流金敢復逃

贈周用吾

久羨周郎獨擅場囊懸丹藥起瘡瘡為家原自魁三象納
怡雲堂 卷之二十七言律 早

秘時窺肘一方緩急必趨知義重本標無謬見心常漫云
生死非臂力最是當生却不傷

蓮中卽事

報賽村墟樂有年况逢新霽起良緣席前風徑鳴修竹座
上雲門吼瀑泉正閨古今傷散俗閑看勸戒簾微權表來
無事聊娛目適意何妨醉舞筵

郭司馬平播家居詩以貽之

拄笏朝來學馬曹蕭然統廟淨松濤村原秋氣騰鷹鷹疾江
路風神負鴈高雙闕祥光浮袞袖孤城寒意到綈袍未須
逸興推張翰只嗜鱸魚已自豪

貪看武曲映星文悟徹青囊好武勛地上揀金明月隱陣

前借箸智超群朝吟剩有風霜氣杵佩唯餘蕙蔭芬共說
公孫善形勢由來純父是參軍

英雄誰不志青雲崛起風塵獨羨君頃見柳營談壁壘始
知樗里本將軍魯連義在金何重卸雪歌成齒自芬為德
由來多自壽長壽老鶴照人羣

山居卽事

閑來避俗住牆東夾岫筠篁一徑通將事正修南澗藻生
涯方茹北山菰喜逢父老譚卿故便向川途計歲功賜與
豐年貽燕翼懸知天厚鹿皮翁

怡雲堂 卷之二十七言律

四

朝議大起廢籍有作

投劾歸來住碧岑每看時事觸思深病軀頃刻嫌寒燠衰
髮尋常厭臥臨白谷百年連世態紅雲萬里拱辰心有懷
舊德無能報感遇徒為擊壤吟

久向空山理釣綸高眠不復俗相牽動庸已拚逃虛後聲
聞寧思舉最先聖代憐才勞任舊臺端體國重推賢獨慚
衰退無堪用徒令文公美得專

喜雨

曉覺房闌徹宿炎多陰未見燕窺簾千山甘雨方膏壤一
院流雲欲礙簷湯旱作霖功自續藎亭志喜韻還拈老夫

善飯無他慕但賦新詩定不嫌

欲向江干理釣綸朝陰隱隱暗通津雲煙繞郭林園濕風雨環城草樹新
嚴谷正休多病叟壺天好慙倦遊人三時耕鑿皆調順禾黍茫茫不患貧

溪谷端居遠市廛祇於耕鑿意常懸雲停巖樹涵蒼暝而
泥田秧簇翠鮮畎畝既紆驅羣雀梁寧用去蟲瘻老夫憂國慚無補米粟唯期斗十錢

至朝

僻谷冬溪卧綺黃群陰歷盡復迴陽風高縹緲如雲霧山
冷初逢似雪霜將為履長思進機便因行慶仰垂裳先幾
怡雲堂 卷之二 七言律 四

獨有南枝得欲洩春光早發香

二孫改官晉都子告歸省計當抵家

漠漠山雲護板扉清晨遊子賦將歸問奇常近傳經室視
草時還重慶幃梅柳含春華別路松蘿帶雨濕征衣計頒
他日文光起應指荻湖首發機

辭初來煖寒酌

十月山中剩得霜絕無朔氣似春光風陰空砌鳴朝雨雲
薄高林駐夕陽裘尚未披徒自獻米非常結歲堪藏煖爐
不用開高會更省薪柴比桂強

龍潭畔寫意

絕壁懸泉墜作潭動中趣味靜中諧加飡過病寧知穀衣
帛逢表愈德馨林著煙光山潑黛川涵樹色水拖藍優游
儘可供吟眺何必才名冠斗南

酌鄭生

一覺羲皇夢正回披衣曳杖步階苔輕風院落初飛絮細
雨圓林欲熟梅白浪馴鷗空岬嶺綠陰黃鳥幾啣孟雲亭
問字人仍至相與持尊笑口開

賀季九我廷推入閣

明時臺閣擢相知逸叟欣欣慰所期隨試三元誠舉最臨
文一識敢稱奇公孤於我夫何與交舊逢時却自怡若使
怡雲堂 卷之二 七言律 四

開平從此致終須不負向陽葵

酬陳泰始御史見寄

返照高峰下夕陰西風繞樹攬疎林星橋僧去蘂葭淨霜
徑人來薜荔溼記舊尺牋通萬里抱真一片值千金幽閑
送日無餘暮夜半寧為扣角吟

蒙桐城方御史具疏獎借逾量兼辱豐貺感愧之下

用成長句酬謝

柱史風裁出世豪澤敷西土似春濤自慚衰病同蒲柳獨
枉元纁及雅藹賜問已勤優老疏聞幽更荷褒華褒懷恩
欲報無瓊玖賦就廬山不厭高

雨散

雨散長堤煥日輪
斬新煙柳暗通津
雪消石聳凌空劍
淩淨泉拖掛壁神
習靜不辭題鳳客
忘機寧愧狎鷗人
上林無限繁華處
賜賞何由及遠臣

接李尚書手札

炎逢流火暫將降
落葉蕭然亂瑞牕
牛斗寒光懸五夜
蕭瑟秋色滿三江
平沙日下鷗眠並
斷岬霜前鴈落雙
稍喜故人書遠至
燈花早已爍銀缸

遣興

積雨村莊煙火遲
破雲纔見出朱曦
芳林含日濃生態
平

怡雲堂

卷之二 七言律

四

沼迎風細漾漪
得意琴樽惟自適
忘機魚鳥故相怡
山中清景無人管
不屬山人更屬誰

長夏雨中雜言

夏谷陰晴正互爭
炎雲蒸雨濕山城
麥禾泥潤均生色
草樹含滋各向榮
暫沒津梁無馬跡
欲分昏曉有鷄聲
京華遙在風煙外
綠滿蘆蕪萬里情

山雲初夏露林齊
釀就甘霖沃畝畦
竹迳沉煙蒼影合
柳堤宿雨翠痕低
驚鴻古渡津梁廢
老樹垂藤出處迷
好待芳村晴日動
攜柑載酒聽黃鸝

往夏陰陰霽色稠
今何行潦杳難收
曉村霧密天疑暮
暝

室雲溼氣似秋綠
潦禾針微賴見紅
優樞屬碎珠流因思
小滿非無據底事
洪波接漢浮

雨餘霽景正天開
又見陰雲斷續來
山帶霞光將吐月
蟾蒸炎氣忽驚雷
茶瓜林下誰堪遣
杖屨溪邊幾復迴
朝莫應非巫峽舊
何知神女赴陽臺

草閣炎蒸斷晚晴
空山忽復密雲平
芳芹語燕風前舞
茂樹啼鶯雨後清
避俗鐘頭尋勝賞
習眠劍首薄浮名
祇因憂國求調順
願得追呼夜不驚

吳江久繫奉鷹舄
猶為生涯惹意牽
秧畝片時晴色動
苔堦五夜雨聲懸
秋成待繪曲風景
更稔誰賡大有篇
廊廟

怡雲堂

卷之二 七言律

五

惟憑精爽理能無
愆伏即堯年
纔喜朱曦破曉雲
陰晴不定半平分
風生疊嶂收朝霧
霧合狂霖洗夕暉
今舊忽殊工部友
熏蒸只苦伏波軍
即茲利涉人庸病
作楫還誰著大勲

季夏初霽喜成四律

長夏中天日隱紅
喜看雲散發群蒙
野暉斷樹初垂蔭
林霽新簷乍韻風
禾稼既熟耕鋤利
津梁將復往來通
衰臣徒食無何報
獨爲供輸祝歲豐

老去年華下坂輪
日光快靚眼逾新
下啼晴苑鶯遶樹
並集平沙鳥近人
混茫譜成從類癖
長安米在未愁貧
清宵

依舊憑高望銀漢遙遙接紫宸

南陸徐行日正長積陰飲盡始還常晴皋茂樹呈溟翠夜
沼遙荷送斷香林下蘭氣薰組壘檻前水明素筍簾裏
更態多非故始信衰庸道可藏

夏今將殘始碧天雨痕消去景光懸輕風積水生晴浪瑞
日重熾淡曉煙凝枕竹林時寄傲便開蓮社共論玄不須
五柳稱陶令只臥羲皇已自賢

萬壽節

空山酷暑亦相侵纔得新涼罷入林月到度雲爭顯晦時
當泥火半晴陰九重張燕烹麟髓萬國呼嵩貢耐金日下
怡雲堂

卷之二 七言律

吳

蕊蕊佳氣滿升恒欲頌瓊闌淚
潦倒端居一壑幽歲華荏苒隙駒流十年尊鱸遠臣報萬
里星辰接帝邱大火長天梧井夜微雲明月桂嶺秋仰瞻
南極光焜耀壽域遙看瑞氣浮

服膺世德與天齊祇事沉淪罷聽雞獻壽經秋勞夢寐瞻
辰幾路隔雲霓瑞池異味斟瓊液瑣里殊恩報絳綈獨有
鴈鳬難遠舉澤中猶爲稻梁棲

永日無一事作詩自怡

群陰斂盡景光初霜後空山落木疎秋岬鳴鴻寒水外楓
林度鳥夕陽餘獵稀已斷茅灘夢鷺好猶煩逸少書老去

身閑無所願聊憑文酒送居諸

村巷寒衣急暮砧黃花周痺未堪尋日斜遠水歸帆疾秋
老空階落葉淚雙鬟冰霜千里色一經風雨十年心興來
得句聊爲樂何用驚人費苦吟

聖誕前一夕

蕭蕭落木亂前簷山郭炎蒸已解嚴萬外寒聲遠野樹厲
邊秋色老江蘼投表已拚蓮如鬢蓬世寧誰戟似髯不寐
清宵思舊德鸛爐常把夕薰添

新涼秋岬落鴻期雨後空山暑欲衰梧井微風凋晚葉荷
池清露脫秋枝瑞浮南極牽遙念慶洽西成快衆思獲享
怡雲堂

卷之二 七言律

吳

登登皆上賜康衢應唱萬年詞
澄澄夜色逼人清縹緲尋枝拂鶴聲樓草露侵芒屨濕落
梧風動葛衣輕霄光自仰雙鋒劍秋興誰攻五字城遙想
孤南將獻瑞雲中炯炯應時明

雪詩八首寄李葉二相公

曉來山郭始雲平忽見遙空亂撒瓊到處樓臺開勝景連
村林莽散芳英色添粉壁庭逾瑩光借銀缸室倍明天念
江南懸壺甚故教三尺兆豐成

統合彤雲冷萬家漫空瑞雪影交加方圓隨象鈞陶巧瑕
穢潛形覆蓋蒼物直平時先積玉枝雖折處亦飛花剡舟

莫羨能乘興夜立程門志足嘉

冬燄北雪犯江鄉一夜凝成三尺強履屋雪盈難辨簪封
印耿漢易迷疆庭疑駐月常如曉林訝飛花却不香只有
蓬萊寒亦到應將黃竹爲民颺

空山雪意獨綢繆決日浮華香未休統已連城裁火暖玉
方滿地積逾稠鷺群不費裁之墨貂隱唯餘季子裘粟帛
此時紛下詔兔園何羨召枚鄒

臘盡山城春欲歸何爲積雪滿荆扉管管筆毛逾墜琢
布階苗絮復飛久絕靈鴻書總廢偶逢王馬車應稀殷勤
好進嶸州味其遣餘寒犯瑣闌

怡雲堂

卷之二 七言律

四

歲殘漸覺老隨人况值嚴寒不避春客雲喜東風自舞沉
雲憤與樹相親莊嚴樓閣頻逾麗粉飾林巖久更新已近
朝正遠頌禱徒令翹望玉階塵

玉律黃鐘氣始回一時交錯變蒼苔光晶繞郭華林出飄
泊從空瑞葉來誰擁淮池輪上策自虞周雅愧清才齊廷
三日頒表帛平仲嘉謨及草萊

千山圖畫雲時新一色樓臺絕四隣雜霧飛綫銀蝶翅從
空戰墜玉龍鱗凍將催荔先凌臘寒欲舒梅早報春慙慙
故情應不乏綈袍猶贈范生貧

病中答汝稼索題葦甫蒼虛先生佑忠卷

屏處經年與谷愚嵐蒸山雨撓微軀每逢驟冷身隨病差
幸添寒患漸蘇不獵藍田空醉尉但眠錦里自狂夫猶將
文事煩衰拙神氣如今怯大巫

秋淚

秋淚抱葉候虫號竹下涼風颯布袍休老正忻塵事遠居
閒猶爲世情勞櫟楊未必無書抵少室何由有價高擬把
俗緣都謝却擬英隨處醉新膠

怡雲堂

卷之二 七言律

四

七言律卷之二終



蘇恭靖公詩稊卷之三

重侄孫尚

五言絕句

結廬

結廬當谷口身與世相忘氣煖饒昏卧花陰咫尺牀

郊居

春莫新開朔披雲日晏如應憐空谷寂花木端郊居

有旨冊立東宮

瞻雲懷鶴駕迎日轉葵心一紙青宮詔須知勝萬金

睡起

怡雲堂 卷之三 五言絕

睡起蓬窗午香餐錦帶葵高閑隨所適此景更誰爭

山房

林中迴淑氣花日媚山房春興閑偏富新詩欲滿囊

池萍

樹色浮山郭池風蕩細萍雀羅人已避不用戶常扃

幽居

幽居離俗遠竹所幾來朋况復無安道山陰興已關

遊春

岬正香風動江花錦浪浮白鷗閑泛渚佳趣滿滄洲

對景二首

綠竹穿籬出黃鸝隔葉鳴無人同宴賞對景句還成

白水明蒼樹庭柯下晚陰興來輒不惜滿取綠樽斟

高閑

覽勝千花艷樓陰萬木稠高閑聊當貴誰與易通侯

山亭

蘿蘿盤石逕松竹抱山亭不習屠龍技唯書相鶴經

碧岑

清連閑浴鶯接葉暗鳴禽不盡青春色花疎露碧岑

花蝶

花稀蝶吮亂樹密鳥鳴幽欲挽春長住因之醉勝遊

怡雲堂 卷之三 五言絕

答高邑趙夢白

幾年稀會面書疏乍傳情折柳夫何用聊因代報瓊

莫春

春谷雲凌漢林花過雨空只疑淚僻處猶可覓殘紅

聽鶯

堦日花陰合堤煙柳影交鶯聲能侑酒何必具陶匏

示孫輩

為問傳家術詩書是世程一經非有價未許比金簾

江岬

江岬花明水垂竿坐釣磯白鷗知我意挑浪故相依

何處

風狂飛絮淨積翠上高林不識陽春意芳從何處尋

客至

竹纏幽徑曲花補短籬疎客至無兼味惟憑饒舍蔬

船晦

病來嬰藥餌葷鮑曾嘗按劄非吾慮明珠自闇藏

春興

千山清似洗萬樹綠方沉春興今非乏無人與共吟

積雪

春山猶積雪跬步失西東地與平原別寧知雨露同

怡雲堂

卷之三 五言絕

三

新燕

綠陰方盡求新燕語空梁競欲乘春氣無風花自香

避俗

逃名尋味翰避俗帽從寧竹徑英遊少憑誰奏聚星

新柳

花木分春麗池塘浸日虛欲知清客思新柳覆長渠

晴嵐

春殘逢淑景啼鳥破晴嵐攜賞從吾便何爲獨載柑

飛花

雨過山城霽飛花踏作泥如攜幽興往到處是丹梯

柳煙

細柳含煙墜高花抱日懸春風掠逸興頻到酒筵前

新霽

新霽林花淨詩思發綺叢非關能賦景觸境句纔工

聽鶯

戴柑遙聽鶯直上碧山巔西北歸鴻處應爲帝里天

惜花

樹色斷還續花枝落更開風聲莫相妒畧取醉潏杯

細雨

輕煙籠柳密細雨浣花香但著東山屐何須陸賈裝

怡雲堂

卷之三 五言絕

四

歸鴻

江天春氣暖拭目送歸鴻北去多風雨關河幾路通

溪谷

紅藥明溪谷風煙繞曲臺杖藜攜興往啼鳥過花來

林花

林花新笑日步履綠楊堤野色誰裁就纖纖細草齊

萼雲

入林春色淨望極暮雲長江上蘼蕪綠何由達帝鄉

萼日

春花無限好艷冶各盈枝若欲崑傾日應須廣種葵

光陰

一從還舊隱回首歲如梭欲借酒生色衰顏不易酤

種瓜

引疴辭赤紱五畝是生涯無力從耕鑿城東學種瓜

村莊

遠樹連天澗長楊壓徑低桃花流水淨何讓武陵溪

短節

久陰朝忽霽向日百花濃何以酬春色芳郊一短節

青青河畔柳

青青河畔柳隔葉轉黃鸝但作陶門映寧須管別離

怡雲堂

卷之三 五言絕

五

青青河畔柳濯濯似王恭嫋嫋因風起飄飄攪碧空

青青河畔柳眠起弄芳菲日月如梭擲茫然慨十圍

青青河畔柳張緒憶當年不必靈和殿風流自可憐

花前

水氣連雲白峰文過雨蒼花前開宴賞啼鳥促飛觴

幽蘭

春谷花爭發紛披錦綉紋幽芳無可見庭有蕙蘭芬

疎竹

疎竹鳴幽珮懸泉韻野絃此中有佳趣裁取入新篇

燕賞

年光催燕賞徐步遠扶藜酣暢添吟思新詩數換題

池上

開門聊縱步斜日挂疎柯池上窺晴漢微風蕩綠波

卜築

卜築當幽境春堤花自蕃人知紅逐水浪說是桃源

落英

山郭東風曙無時不艷陽落英千萬點片片作春狂

一覺

屏居離俗遠縱賞得春先試問千鐘祿何如一覺眠

溪院

怡雲堂

卷之三 五言絕

六

荒堦交綠薛溪院陰蒼蘿道德閑仍寫非關欲換鶯

高卧

藥囊扶老病高卧且加餐不逐紅塵去誰云行路難

餌藥

已為麋鹿伴雅興與鷗鷺藥味姿吾意非干葦隱倫

喜工甫過訪

芳村逢舊雨寧用酒如澠共話十年事西窗長夜燈

幽溪

春色垂當暮幽溪花尚繁欲知真勝處水上見紅痕

晴花

山郭採寒雨晴花點碧峰化五何幻頃刻變形容

醉歸

美景撩人賞清尊花氣薰醉歸不覺晚竹杖帶斜曛

復許敬庵楊復所

山晴蒼樹合洲暖綠蕪分不見長安使憑誰持贈君

三畝

壯鳴北闕珮老挂東都冠要識終三畝何爲應一官

東歸安茅順甫

鹿門何處是無路躡高風遊罷方饒睡匡廬入夢中

偶步

怡雲堂

卷之三 五言絕

七

翻藻看魚躍鳴枝聽鳥歌不攜蘭藉去細草遠山多

石藤

遊絲新柳捲歌石老藤纏是處堪行樂能容俗慮牽

閒雅

新鳥歌蒼樹飛花點碧淪一般閑雅味寄在綠楊津

知足

非熊未入夢渭水只垂竿何事蕭顏老區區強踞鞍

憶工部昆季

離索經年久遊談賴過從來羊居正遠竹下幾相逢

自述二絕

七十應食肉空山莊鶴豚俸存種菜甲猶足助朝餐

八疏迴病輟萬里曳心旌直把瞻辰目隨風入帝京

醉月

攜尊坐花塢飛絮聚爲茵醉後花間月溶溶故近人

十年二首

十年潛蟻谷五夜憶龍樓不寐瞻辰極白雲天際頭

樽散甘遺世株拘但力耕願同春草木時被聖恩榮

試茗

度曲鶯歌樹迴文烏篆沙拋書渾欲睡聊試火煎茶

初夏

怡雲堂

卷之三 五言絕

八

初夏空山處芳菲茂苑前雨餘花壓重日正樹光圓

泛舟

帆披雲葉細棹拂浪花圓鷗鳥方閑適寧知避客舡

市橋披柳霧津閣聽松濤不盡觀魚意輕橈手學操

小酌

花村收宿雨留賞及潛夫興到渾忘醉清尊不斷沽

茅堂

自從嬰藥餌樓跡一茅堂報德知無日空漸躡驚行

神倦

神倦因年邁魔溪爲作詩但能調百節何必守三尸

八十

慧以原多啄參苓豈駐顏于今逾八十寧用紫團山

雙鳬

偶過清溪畔雙鳬睡碧莎雖遺鷓鴣侶幸得遠風波

漫成

水鑑形無定方圓總視杆一堂賡喜起交泰想唐虞

移花

性懶將迎少溪山生事微移花香入袖肯竹翠沾衣

怡雲堂

卷之三 五言絕

九

五言絕句卷之三終

蔡恭靖公詩稿卷之四

重侄孫尚才輯

七言絕句

春興

嫩黃新柳照晴沙十里芳菲一徑斜遊客不知仙島處但從水上覓紅霞

柳鶯

春色依然轉僻阿芳菲無奈百花何縱遊底事渾忘去新柳鶯聲雨後多

松庵

怡雲堂

卷之四 七言絕

久傍松蘿結小庵每因聽鳥載雙柑芳非是處留清賞只躡萬華力不堪

一徑

一徑委蛇草色遶花間歷亂轉香車須知真醉非關酒興到寧辭處處賒

花塢

曉看鷗鷺聚晴沙花塢招尋酒數賒共對春風同燕賞不知何處是京華

山莊借初泉

春風拂路到山莊分得濃纖上苑芳但把閒情供逸興豈

須佳句似池塘

排俗

繞舍幽篁入座清
沿溪新柳帶鶯聲
本因排俗看花去
看到煙花轉繫情

隨分

居臨石澗卽滄浪
經歲餐芝學綺黃
隨分未須嗟失馬
多岐應自戒亡羊

雨後閑階覆石藤
園林紅紫各相矜
芳菲不逐斜陽歛
猶有餘輝照夜燈

絕句

怡雲堂

卷之四 七言絕

二

春山晴雨互相參
煙帶花氛并作嵐
繞郭幽香風迭送
卧遊何用恣遙探

簾燕

居依溪竹靜喧譁
乍見穿簾燕子斜
只有春光無界限
隨風迢遞遍天涯

谷口

幾年谷口著青衫
門外蓬蒿未暇芟
不是尋詩邀舊好
誰馳尺素到空岳

晴煙

山澹晴煙翠欲流
岬中洲渚狎群鷗
翟門張雀由來久
江

上誰迴問字舟

息警

高樹新晴乍轉鶯
一春好景繪難成
帝都見說風塵淨
始信花明五鳳城

村飲

麗日園林發衆芳
行行未覺去途長
杖頭不必攜錢往
取醉何妨解珮償

花片

晴起匡牀偶步簷
新晴山郭物華添
當前春色霞遮斷
花片隨風撲繡簾

怡雲堂

卷之四 七言絕

三

浣花

山郭停雲草樹平
釀成朝雨浥群英
常言風雨爲化妒
今喜花如濯錦明

雨晴不定三首

晚起垂簷斷雨聲
喜逢霽色動柴荆
何堪燥濕紛爭勝
祇得強分一半晴

積陰渠砌未曾分
乍得朱曦始破雲
何事陽明纔戰勝
仍將急雨洗斜曛

積陰久不辨朝昏
繞舍汪洋水沒邛
蒿目望晴殊未得
願恩代石斷雲根

初夏苦旱

初夏驕陽淡日尋山晴無處見秧針只今不少商農老誰
與回天作旱霖

三月

三月韶華卧病中未因尋賞與人同山川豈逐青春改綠
柳黃鶯聽不窮

十里松蘿曲徑通煙蕪分綠上芳叢眼前塵壤非吾分唯
取參苓入藥籠

梅

園林細雨熟梅同清味終歸鼎鼎中要識胡荻原有力不

怡雲堂

卷之四 七言絕

四

須驛使寄春風

偶書

一臨絕壑半遮松多少塵中意態濃自是王孫歸未得非

干香草綠蒙茸

課雨

風雨原非甲子宜夏占赤岬此先知不關時令多愁候最

是田家卜筮奇

春遊

日暖風和作勝遊歸來花氣上衣浮山村物色仍如昨纔

著鶯聲景便幽

早梅

落木蕭蕭野水乾晴和累月暖成團輕催梅蕊爭先放却
剩松筠耐歲寒

贈方黃中御史

直指端嚴素擅聲西來彭蠡共稱平獨慚子邑無堪表空
累南牀旌淑明

雪望

早後冬山雪意濃凭欄四望玉爲峰素華旣與梅添色更
有餘寒勵碧松

當年瑞雪映彤闕御苑凝華樹影稀銀燭玉街人影亂清

怡雲堂

卷之四 七言絕

五

光猶記是朝衣

溪谷豐盈積雪平光搖銀海旅魂驚少林夜靜無人在安

得騎驢瀟水行

題贈何靖卿

獨抱蒸絳化理清山陰譜勝擅英聲御屏從此書賢雋不

數當年穎渤名

放榜後次初泉韻

才華原是執林英水石關心早避名厭向文壇搖赤幟直

期詩破五言城

聖代需才選俊英三場拔幟各登名果科入彀知多少幾

葦堪爲萬里城

戲書一絕句

盟憐猿鶴每難全祇爲聲華念屢牽若使尊鱸能共美何人猶數季鷹舡

劉祭酒季晦以書見寄走筆酬之

細雨空山洗舊埃石垣隱隱綉蒼苔懸車久已疎知己猶枉明珠照乘來

初泉弟壽辰率賦當祝

昨日鶯花分外鮮正逢瑤水會群仙非關王母無樽酒爲隱春秋作少年

怡雲堂

卷之四 七言絕

六

寄李九我

漫云射雉不忘弓千里玄纁古誼隆筆底明珠知遠炤快君儀羽自凌空

夏日雨中作

宿霧濛濛遠近同人家多住亂流中想應丹楫因時作藉此兼收利濟功

夏谷清和與俗分獨逢積雨沒江濱未知流水南薰動繞舍松濤已不聞

積雨時行總化工連年水患重民窮雖知俗敝災難追勉首蒼官作歲豐

苦雨經旬積作堆病夫阻濕未登臺朱明得氣催尋賞應許青藜帶日回

陰風拂岸帶煙飛晴雨紛爭未息機安得太陽今戰勝頓令萬壑藹清暉

卽事

移病遙達長樂鐘東華許我躡芳蹤晉侯自昔知機早安得餘生伴赤松

雪

誰將玉樹倚雲栽瑞葉飄飄點砌苔應是南枝春欲放故教飛絮引香來

怡雲堂

卷之四 七言絕

七

累日冬山朔氣催朝逢雪片逐人來江南三尺豐年瑞爽理還須賴鼎台

喜雨

山郭沉陰雨滿庭高灘湧浪幾曾停不緣膏澤今霑足那得新苗向日青

旱後西疇雨澤勻喜從晴日破雲新非因展蓋妨扶杖贏得澄江理釣綸

病起口號

空山涼燠忽推移唯是衰翁費護持祇以違和嬰藥餌遂令惠問累親知

謝客

落木寒泉繞舍迴柴門未許等閑開卽令委巷多軒從可
是三人不速來

憶福清葉臺山晉江李九我

閩海文壇握印登盤桓猶記昔年曾只言心契如蘭臭今
却逢蘭卽是朋

屏處經年少盍簪地偏促席共誰譚若令重剪西窗燭不
必溪杯意自酣

感懷四絕句

夾岬新楊映碧潯滿前花鳥發長吟已聞上苑開堯酒定

怡雲堂

卷之四 七言絕

八

有薰風入舜琴

却憶當年奉御容病來投効性多慵如今獵夢俱疑幻何
意猶聞長樂鐘

幸賜歸休住遠天懷恩懇闕意常懸北窗一榻松風夢迢
遞京華到枕邊

田中復起觀天容十載鴻私幾得逢冉冉綠陰隨處是回
看爭似主恩濃

次和姜鳳阿寄懷并東汪南溟陳起山

昔捧文符蒞七閩一時桃李訪芳春只今水戰多名績猶
記當年泚泚人

文運當年欲振聞群芳含笑似初春已經隨意紛生發獨
愧原非茂對人

題隱居

路入緱山一徑深當年誰識采真心此中別有人間世
藥吹簫伴鶴吟

怡雲堂

卷之四 七言絕

九

七言絕句卷之四終

附刻詩稿又卷之四

蔡公輔

字惟德號望麓恭靖公之冢嗣也康寧入太學授內閣中書生平恂恂慎飭沈酣經籍自恭靖公給傳後公亦予告侍養自是愛日情深絕意仕進撫臺衛公所謂重養親而輕任子陳太邱恐未必能者非虛語也過庭詩禮聞之既久隨杖林泉著述頗饒左侍御蒼嶼公謂公詩清新俊逸兼長庾鮑亦可以想見一斑矣惜皆燬於兵燹今錄其現在如千篇揆之梓以存一二於千百云公之子若孫

怡雲堂

卷之四 附詩律

其詩之存者并附於後

秋夕

鴻鴈翩翩下淺沙無邊秋色晚交加力驅山雨風初定光射燖雲日欲斜空砌苔痕成古篆斷崖泉溜響清笳月明最愛庭前景白鶴青松點綴嘉

秋郊散步

雨餘秋色正鮮澄向晚荒臺謝屐登極浦一聲聞牧笛隔溪幾點見漁燈性安飛泳同魚鳥遊適風榆各鷗鷗除却潦園知幻世超然物外幾人能

喜胡惟諫至

端月連晴景柴門少過從寧親來跨鳳輿歲到乘龍蒸谷微陽動楓橋宿霧封經年離復合喜氣倍春容

偶咏

山雲常沒樹野水不成河十日繞一雨玉燭始稱和

秋日漫題

山城斜日掛松蘿昨夜新寒已渡河三徑花香霜後少千林樹色雨餘多時平不作悲秋賦歲稔還摩挐壤歌何事吟懷降未盡想應庭下長詩魔

冬晴

冬來長喜對蒼蘊豈似他年雪作圍古砌覆霜苔跡滅空

怡雲堂

卷之四 附詩

二

村烘日葉聲乾過橋擬策尋梅杖坐瀨頻垂釣月竿匪特爐頭新異桂高堂有曝不愁寒

山居

亂雲屯遠樹新水漲春流雨後山居寂蕭然景似秋

水竹庵

萬竹藏山寺芙蓉散露華茗香烹視水簷翠落松花月冷猿吟斷風輕鴈字斜先人曾下榻回首淚如麻

遣意

一犁畊破土青蘿綠遍天涯興轉孤野日帶煙依斷岸汀風吹雨濕平蕪遊人祇自慵開口覓句還誰教

高閑堪適志何妨姓字馬牛呼

次和吳侍郎即席賦贈

空山久不駐形幃隱卧匡牀懶啟簾霜重晚村天暫晦風
高午閑氣猶嚴煖爐客醉情方洽擊鉢詩狂酒再添欲挽
春光憑健力看梅相與步前簷

畦日橋

不假金爲柱全憑石跨瀆長虹迴兩澗初月出層雲波影
搖峰翠亭陰繡屏紋倚欄追往跡詩思澹斜曛

池畔繡毬花

蕭灑出塵埃臨池結玉臺魚翻明月浪鳥啄白雲堆不事

怡雲堂

卷之附詩

三

繁華飾偏宜淡雅才時香浮水面吟賞亦幽哉

酬閣中寮友

山到春淚似盡圖沿村霽雨使人孤蒼茫水氣連雲住慘
澹林容借霧鋪念遠幾經烹夜鯉齊心應許斷晨鳧舊來
能事都忘盡縱有編摩任覆瓿

賦得風過藕花香

冉冉芙蓉露晚妝薰風吹向滿庭香瀟溪去後誰知已悵
望清標水一方

同朱光祿遊涵碧寺

畦日迎芳草同君入洞天雲開山缺堵風靜水鳴絃幽鳥

翻筠翠疎花帶露鮮龍聽佛法無上得真禪

春進卽事

家會連開對柳陰正逢院宇轉新禽出牆修竹敲風急隱
樹疎花得日深屏跡已捐身世累遣懷還藉短長吟酒闌
攜興憑高望草綠江南萬里心

秋月

玉露殘霞溼輕風薄霧收魄澄千沼鑑光散萬林秋鳥夢
花陰定魚吹樹影流天香期已近斗酒酌清幽

夏日偶書

屏處孤村蒿舫排年來如繫米家薄風傳荷氣薰羅幌雨

怡雲堂

卷之四附詩

四

泥苔痕繡石階但使莊椿常有苑便招溪鳥與爲儔當時
桃穠誠何爲高卧陶窗與自佳

別左蒼嶼

斜照煙光配西風鴈影遙祇貪同話舊未覺過溪橋揮手
難爲別回頭數應招可憐今夜月彼此伴清宵

雪中

久晴冬谷始蒼茫排戶侵尋朔氣強古樹寒煙昏日月枯
蒲野水凍冰霜牽雲唯我常占夢卽曲還誰獨擅長三尺
願蒙天賜兆釀成豐瑞佐椒觴

答李明府

茂宰耽文藻投箋欲濫收律慚工部細書謝右軍道政教
千棠滿篇章八咏優無才堪作頌聊以當民謳

荷珠

一池菡萏蓋初圓薄露輕風仔細看高葉水隨低葉下小
珠顆落大珠盤

有感

荒村流火淨長空倦倚欄千悵望中三徑寒聲喘翠竹兩
煙秋色入丹楓未容蕭艾充蘭佩惟取溪山到筆筒見說
時艱非易濟畏途誰復轉征蓬

晚步有懷晉都一二知己

怡雲堂

卷之四 附詩

五

夕照低陰一縷斜林暈徙倚興無涯搖金竹下初來月濯
錦池塘晚落霞有可入囊慚李賀從何載酒愧侯巴離群
且自馳邱壑所謂伊人室已遐

賦得殘月如新月

碧落高無際依微印一弦粉輕者倒畫匣淺鏡初懸光浸
溶溶水影斜漠漠煙風流澄夜氣錯認夕陽天

一縷玉爲鈎更淚掛庾樓桂香藏有待蟾影缺仍舊潯欲
昏書牖光偏照墨牛簪蔭霜正白還帶數星流

怡雲堂書懷二絕句

五陵何必羨輕肥具慶堂前理彩衣窗外晚峯青點點臨

風遙憶謝元暉

東風池館綠初勻見慣湍鷗不避人縱有桃花隨水泛漁
郎難問武陵津

舉孫

息意山居嗣姓遲每邀裴冶自天施須從弓鞬祈祥久遂
獲桑蓬叶應奇百世敢云宗獨亢一經竊喜緒堪遺愧余
淺薄承恩厚寸草何心報寵私

贈鄧葵軒

人生性質本純全祇苦塵中俗慮牽剝曲高風人共羨馮
川應有子猷船

怡雲堂

卷之四 附詩

六

先大人忌日

駸駸日月似馳駒又是終天飲恨時永訣數言猶在耳昔
容祇與夢相期
不瞻喬木倏經年菽水空勞薦几遲天子轍朝悲故舊棘
人久廢蓼莪篇

卜兆

幾年寤寐此垣星近喜天光始發形錯落五行成土宿迴
環一水拱山靈穴奇花水通楊杖神王芝蘭茁謝庭福善
却由陰陽意獨慚明德耿非祭

酌方御史

春律開綬室端公問索居澹交情自永錢歲禮如初椒栢
芬加肥芝蘭蔚惠書薄雲高誼古獨愧報瓊虛

蔡若霖

字銘衡號紹庵恭靖公孫中書望麓公子邑廩以
祖吏部左侍郎考滿恩蔭府判

三才生

祇因似續願多愆家有明經懼莫傳蘭桂幾回勞夢寐熊
羆一旦荷成全敢期特起共梁棟但計恒鍾作梓杼况是
世恩無以報直將後效侍來賢

梅子

怡雲堂

卷之四 附詩

七

花發春先已自奇忽成金彈綴青枝惟知調鼎無愆候熟
在陰陽升降時

竹樹青檀藥

參差秀色拂雲叢無數幽懷蕩碧空翠滴連枝寒欲雨聲
敲三徑盡生風飄飄逸韻傳林莽落落清標入畫中道學
千年高仰止至今佳句藹蒼葱

酌霽

雨雪經春久今纔霽色鮮林花爭笑日江草故樓煙欲續
蘭亭飲宰醉抱甕眠流鶯尤得意巧轉酒筵前

新歲辱邑宰枉過

幽樓又見曆更元天放新晴野徑暄茂宰觀年先納喜尉
司蒞治始過門邑餘桑維陰方起境賴扞振夜不喧律轉
山城猶未久已隨梅柳得春溫

春初偶步

梅後叢林漸著華尋芳不惜去程賒若須爛熳纔相賞未
許人稱善看花

小立

晴空碧落鴈成行敗葉隨風度短牆野笛衝雲催夕照寒
砧和月搗清霜尋詩踏碎堦前綠愛菊拈來圓內黃夜氣
一窩渾似水疎星幾點映書牀

怡雲堂

卷之四 附詩

八

桃花亂落如紅雨呈姜祭酒

宮門時雨不同天錯落珠璣點絳筵大地春光纔六十錦
江暖浪已三千尋芳艷滴奚囊溼得句香含墨汁鮮此日
漁郎津可問胭脂新漫武陵船

偶書

幾欲躡登閣長騎金背鯨本來無所怪何必問培生

觀南嶺瀑布

何年煙壑瀑百丈倒奔瀾壁噴珠千顆潭凝玉一盤含風
鳴絕澗飛雨溼層巒佇立波光內晴空畫亦寒

味盤中黃橙

風簾清香入巨羅金苞顆顆佐吟哦當前品物經霜雜秋色分來極獨多

賦得黃昏步溪上見煙月可愛

空村入暮景彌嘉潑眼溪山入望奢幾點寒燈漁父艇一叢古木野人求碧煙澹薄籠柳片月依微印淺沙對此不禁詩思起豪吟何惜酒頻賒

偶成

秋容如淡畫瀟灑挹清露池小仍留月峰高慣惹雲櫟櫟皆有用鳬鴈各爲群盛世崇儒術徵慚鼓大昕

蔡夢麟

怡雲堂

卷之四 附詩

九

字聖生號緒庵別駕紹庵公弟邑庠以祖吏部尚

書考滿恩蔭知府

隨祖父大人春遊二絕句

蒼翠蒼翠草黃馨菊亂抽心閒無所累何處不清遊

尋芳追屐杖藉草覆金甌徙倚歸來暮斜陽上浦樓

土肥稻壠看溪耕

土脉如膏潤東風過野田簑披山外雨犁破隴頭煙村樹青當暗燉花紅欲然西疇應有慶擊壤祝堯天

螢光三律

夕陽沉辟露初零宵燭輝輝遍野坳鳥覺寒光雲漏月魚

驚倒影斗移星漫勞鑿蚌翻黃卷且用懸囊下醪醢不得車生仍可樂謠成獨酌對流螢

堪云暗室亦無欺德彼青蛾赴火時飲露久經忘腐草乘

風自可上高枝德全應節賓王賦氣冷侵書子美詩花外

徜徉聊自適周身小知祇如斯

臨池如瑩點水壺閃爍黃昏乍有無若恥暗投常熠燿不

會競進且踟躕坐花隔葉旋添蕊排檻懸絲忽墜珠幾度

更殘明月落獨留清白照皇都

偶吟

絲垂新柳綠錢綴古榆青不盡春風意吹花撲酒瓶

怡雲堂

卷之四 附詩

十

白桃花

宮門惟汝樹清孤不醉東風澹欲無紺雪紫霜全未染況

能隨俗入玄都

雨中春樹萬人家

朱門白屋影重重位置皆宜總化工萬物已沾春澤足閭

閭祇解望雲虹

納涼

夏山日暮漸生涼落盡殘霞晚色蒼蟾月松前澄鶴影微

風簷外亂螢光清談頗慕蓮爲社佳句應憐草是塘坐久

忽然成倦臥泉聲隱隱到匡牀

村遊

掛果飛足練懸壁繡苔紋洞口花迎客籬邊犬吠雪桑麻
隨地種砧杆隔溪聞忽遇麗者叟仙允迫不分

餞別馮明府

山徑清霜落木平林間初日照東征祇緣士類移書至特
治賓筵薦醴行恭儉政修尊貴禮綢繆彌見好賢情願言
淚酌無辭醉試聽絃歌起頌聲

偶咏

雨後山村春水生林花浥露向人明庭前景物渾如昨添
得新鶯柳外鳴

怡雲堂

卷之四 附詩

十一

漫興

空亭稀客至苔蘚上階新曉日烘殘葉西風倒白蘋倦來
書藉枕夢去蝶爲身既得逍遙意何須慕翰華

雨夜書懷

一燈寒照酒微醺靜倚松窗屏俗氛夜色凉生當牖月鐘
聲溼度隔灘雲彈琴久絕絃中散擁被遙憐越鄂君翠滴
忽來蕉葉雨輕輕送入枕邊聞

爲王父大人酬邑宰

珂里名賢迥出塵清標華問照青春念初直溯同登友雅
愛寧忘久廢人鄭重椒觴光俎豆輝煌桂籍蔚經綸蒼生

此日需霖雨共擬勳名入畫麟

蔡葵鳳

字儀生號繼庵別駕紹庵公之季弟由太學授同
知

贈李少府

磊落渠陽偁太衡寶溪抽秘產奇英鶴山遺派人文煥天
柱昌期歲辟榮藻續雄詞連峽倒盍簪高義與雲平憐才
若重當塗念欲種潘花起頌聲

山莊早起二首

曙色正蒼茫鷄聲破曉鄉披風澄俗慮挹露浣詩腸草澤

怡雲堂

卷之四 附詩

十二

虫猶蟄林溪鳥尚藏素心何處是片月掛西方

簾捲簾蔭白門開稼穡黃漏疑從昨短晷訝獨今長露重
凝殘雨月微斜澹霜閉閣十畝下宵肝敢相忘

秋日怡雲堂卽事

陽鳥秋後始揚光一倍餘炎逼夏強萬井驚風梧葉隳千
疇舍露稻花香柳堤已覺寒蟬咽荻岬將看候鴈翔獨坐
空齋無客至過橋自取綠尊嘗

隨家大人水竹庵

春日陪鳩杖乘風度竹扉野花隨地放好鳥貼山飛境脫
塵氛遠聲傳鐘磬微時乎難驟得翹首一依依

草色遙看近却無

文章非老亦非禪
領畧飛天與躍淵
活潑化機看草色
不離不即碧雲邊

署中秋夕感懷

遠寄孤城案牘忙
侵尋日暮氣迷茫
即無蒼狗驅雲湧
刺有金蛇掣電光
風清葉落將落處
露暗苔蘚正鳴蟬
銀河清淺今何似
極目家山引慮長

初春辱邑曹枉過

年輪隨曆轉賓館爲誰開
野客乘暄臥尉司
問柳來單騎
恭作執方物禮爲媒
蔬酌留清話
春風動嶺梅

怡雲堂

卷之四 附詩

十三

秋閨月夜風

楓林霜染綴窗紅
滿地胭脂散晚風
秋色不知何處是
一輪明月落梧桐

憶故園

宦況吟情記杜家
白雲青嶂夕陽斜
頻開萬里三三徑
好看仙人七七花

和齊郎事

秋色日入佳
退食閒徙倚
霞照西南隅
星雲東北起
殷殷聞雷聲
不知何處雨
明滅電光中
尋巢忙燕語

勸耕

一官難自曠百畝敢辭艱
而既知時節農須莫等閒
平時鋤翠菴遠樹點煙鬟
耕鑿伊誰力相期擊壤還

十六夜月

一宵相隔世情偏
誰向清暉理管絃
謙足持盈明未減
道當任運出難先
試教雲歛方離嶠
不放星光已踞巔
看到天心知味少
婢娟無語淚潸然

偶贈

輕雲微雨養花天
激楚風流結秀先
正恐晚寒人不覺
宮中特換衍波箋

署齊感賦

怡雲堂

卷之四 附詩

十四

冷暑蕭蕭似聖門
箇中懷抱向誰論
厭聞虫語秋聲聒
差幸天高夜氣存
千里寄書愁壯厲
半生功業愧南鯤
家山極目知何處
城鼓更深夜點魂

雪

雪裏風光接十州
煖爐煨坐醉金甌
窮黎珠桂今逾甚
安得仁人遍賜裘

冬山積素皓無涯
獨擁重裘出每遲
縱令淮西懸帥印
驚池勞苦夜能辭

蔡三才

字贊伯號翠軒恭靖公會孫別駕紹庵公子恩蔭

中書舍人

秋吟

瀟灑無極極清空
澹有餘風調松入韻雲
鴈成書送客
殘基罷焚香
夜榻虛薛蘿
三徑合谷宛子真居

振袂起高春
脩脩意不窮
朝暎沉宿霧
霜葉下疎風
水落灘痕出
燕歸簾影空
年豐隆蜡典難黍走村翁

秋光晴更迥
幽思浩無垠
僻徑堆黃葉
空池養白雲
鴈寒橫馬陣
菊晚殿花軍
洗映一尊酒
酣然對夕曛

漫題

三徑蓬蒿竟若何
不除生意翠雲窩
青遶入座山層捲
綠

怡雲堂

卷之四 附詩

五

送過牆柳漸拖高
下截風敲燕剪橫
斜織水柳魚梭數聲
笛喚村墟晚臥聽
歸牛唱牧歌

七夕戲成二絕

腰書曝罷且閑行
浪說仙橋駕鶴成
追憶從前思此後
相逢難盡別離情

一年一夕逢何少
振古如茲會已多
八十生人稱上壽
世間長聚不如他

瀑布集唐

涓滴垂空百丈泉
白實叔逢波逐浪送張騫
之沈亞嘯煙白伏
沉高木盧隱絕頂歸雲過竹邊
鄭谷萬古清風吹作籟
皮

一泓泓去碧涵天
吳融此中明月尋知己
方干稽阮相
將棹酒紅常莊

警鑿靈跡垂塵緣
焦叟九疊嗟峨倚蒼天
若虛送滴幾山
穿破石徐寅空峒一派瀉蒼煙
陳陶天涯帶雨滄芳草
羅

帝翠幙當雲發管絃
巨源溪畔秋蘭誰可佩
錢起只應棲
托是神仙齊己

龍潭集唐

懸蘿弱篠垂清淺
皮光穿竹喧飛破石苔
崔櫓千仞灑來

寒碎玉吳融遠聲離洞咽于雷
方干猿扳樹立啼何苦
白居易
易人過橋邊倒影來
溫庭靜稱一竿持處見
羅卿月明山

怡雲堂

卷之四 附詩

六

響子陵堂

崔櫓

水竹庵集唐

柳花風露月初圓
許渾星月通宵向水懸
李頻數葉貝書
松火暗微日一林
風雨夜淚禪
陸龜稹康懶慢仍耽酒
陸

文吏通憐多不惜錢
齊己勝事宛然懷抱裏
錢起此心長
憶舊林泉謝承

百丈山集唐

萬丈丹梯尚可攀
杜育石排青壁護禪關
徐寅人間回首
山川小杜光洞裏煙霞白日閑
王起峰攢仙境丹霞上
戴

犬吠雙巖碧樹間
許渾子細捫胸無侵骨
皮日暮隨飛

為一時還山樂

喜吳侍郎枉顧

開門人閒僻境景昭回幽賞嬌鶯喚清遊狎鷗催未因
乘興去忽作問奇來好事非君意皆由重宿魁

同友人坐雪

陰纔回霽景瀾漫復頻仍帶雨停還至隨風積更增不殊
鋪夜月寧用照宵燈爐火餘殘色淚更喜共朋
胡雲凝結久頃刻萬山同新臘欣江雪殘宵怯隙風應符
三尺瑞更卜十年豐耶祭何為者辛勤灞水東

怡雲堂

卷之四附詩

七

附刻卷之四終



蔡恭靖公疏稿卷之五

重姪孫尚

奏為益宏辨納以崇聖治以正人心事臣於

日具疏乞罷十一日奉

聖旨已有旨了蔡國珍著照舊供職吏部知道欽此除詣

閣謝

恩外臣以顯愚獲罪亟當罷免曲荷

聖慈

賜留感深欲涕豈忍言去第臣聞里名勝母曾子不入今

臣之所學者無攸違也乃不能獲信於上至蒙專權

怡雲堂

卷之五奏疏

一

結黨之誚其為勝母也大矣使復貪榮昧禍而居之
稍知臣禮者其敢哉但黨之名非臣所敢辭臣所冀
者

陛下為堯舜之主臣得與禹皋稷契為黨則臣以垂盡之

年恭逢明良之盛雖掛名黨籍有榮施矣若使臣徒

避黨之名逢迎為悅阿順取容高爵厚祿素珍於臣

鉉之地是非曲直模稜於兩可之間不惟無以仰答

陛下將九廟神靈必陰加殄戮國家又何賴有是臣哉故

臣受

皇上梯枯焰灰之恩既深雖重得罪不敢不一言以效塵

露之微也

陛下睿知天縱百度惟貞臣可無論論其有關於世道人心者舍辨納奚以焉何以言乎辨也自古有國者患不在黨而在黨之公私故凡一念之發純乎為國為民千萬人不約而同雖違於志而不暇顧一毫邀功沽直之私與夫承望逢迎毛舉驚擊規避自全之意舉不與焉此雖有黨之迹而心實公焉黨而非黨也其有言雖近似而或出於便佞或巧於迎合或不免於容悅諛諂希寵干進之計乃投甘進熟務遜於志以冀託之得行此雖無黨之名而心實私焉不黨而

怡雲堂

卷之五 奏疏

二

黨也夫黨而私利在身而不在國固無樂乎有此黨也黨而公則利在國而不在身是惟恐其不黨耳何可疑也

陛下臣等回話但罪其不認罪終不以黨疑之是至明既無不辨矣或猶有萬一之不辨者存若原任郎中趙南星等佐前吏部尚書孫鑣大計京官首黜其端給事中王三餘及鑣甥文選員外郎呂允昌大學士趙志舉弟學仕皆不免於察又鑣曾拾遺論劾給事中員外郎虞淳熙職方郎中楊于廷

陛下臣等嚴旨切責以為專權植黨貶南星三官奪鑣俸

熙等俱勒罷臣思小人之所以為黨者凡以便其私

耳私苟便即害及國家得罪名教亦所不恤夫黨親連串皆其私也不便其黨親連串而可謂便其私乎不便其私而可以為黨乎顧鑣則割渭陽之情南星則忍秦晉之好旁搜博採覈實稱情較之先年京察似為公正不得以給事中劉道隆一言遂指以為黨也是時左都御史李世達會都御史王汝訓右通政魏允貞大理少卿曾乾亨郎中于孔兼員外郎陳泰來顧憲成主事顧允成張納陞賈巖助教薛敷教皆交章為南星解

怡雲堂

卷之五 奏疏

三

陛下臣等請孔兼泰來等得毋復疑此為黨援乎臣觀諸臣素履皜然類非阿私者比亦以忠憤之念結於中不欲陷

主上於不明以負生平之所學耳非所以為黨也非黨而指以為黨誠恐非黨退而真黨由此進矣倘不以臣言為謬優詔速召還鑣南星孔兼泰來等亟復其職嗣後凡臣下進言其真為國家公言而不為一人之私者雖逆耳必聽不復以黨疑之斯旁燭無疆天下益頌日月之明矣何言乎納也

陛下臣等沉幾獨斷聞有

聖意已定舉羣臣共言之而不回者豈無取於居高聽卑之道哉毋亦謂人君其尊如天臣下但當聽順顧令出而或撓之其迹類乎漬尊故或有所不從耳但稽古帝堯大聖人也宜大有以異於人也乃舜稱堯不過曰稽於衆舍已從人至於用舍之際若縣之方命圯族竟既早見之矣及聞四岳試可乃已之言即以徃欽命之又何其恐於從諫而無我也夫堯之蕩蕩非無他美可稱而獨及此者非無以也徒以治道必不自用而用人而後爲至耳此堯之所以稱大哉之君也

怡雲堂

卷之五 奏疏

四

陛下向於給事中鍾羽正請禁饋遺既嘉納勅行之可謂舍已而從人矣迨偕同官李獻可請皇子出閣豫教則點之前大學士王家屏竟以力爭去位前月臣亦偕廷臣詣文華門請舉冊立冠婚諸大禮期必得俞旨乃退及聞中官宣諭曰此大典稍需時耳何相挾若是夫要君無上臣等何敢少出於挾誠以青宮爲國本所係固本一日不早定則群下之人心一日不即安且明詔久有定期即

陛下之大信亦不可一日不昭伸於天下也至於勤政事接群下罷稅使簡大僚舉遺佚補言官遠聲色擯近

倖者冗費崇節儉凡所稱引雖間或出之過慧然有關於國家有裨於

聖躬者不少而一概留中不報又或輕則貶秩重則削籍是雖

陛下見超物表有非群言所能轉移者然視堯之稽衆何如也伏乞

皇上一意法堯益宏虛受之度言苟非黨必容納而免賜之行斯從善如流天下益仰江河之決矣然復有所以善乎辨納之用者則賞罰是也蓋賞罰者朝廷勸懲之大權必有以合乎一世之人心唐虞之際三載

怡雲堂

卷之五 奏疏

五

考績黜陟幽明齊王賞卽墨烹東阿而國大治皆此道得也今日言事諸臣或意氣感激隨聲附和甚至號召浮薄黨同伐異者有之儻

聖衷過於包荒概置不省則罔上行私植黨求勝之風自不旋踵而起蓋君子藉是以擠斥小人而小人卽借是以排擠君子在君子祇知伸其公義公義所在奮不顧身與其爲清議所不容寧甘干憲典以取戾故雖明知言之於前而譴隨於後亦有所不辭至於小人但知有私耳凡可以損人利己者將無所不至卽國家且不惜又遑惜善類之摧殘也乎然則君子非

獨惡乎小人惡其有害於公故疾之如仇小人亦非獨惡乎君子惡其有害於己故亦疾之如仇苟威福所加毫髮不謬則小人先不利矣彼亦何樂而爲是譸張也哉臣觀今日貶黜削奪無虛咎而群下不知所懲戒者無亦賞罰所加未足以盡厭斯人之心故歟唯賴

陛下聰明天竄灼之於未萌別之於方朕辨之既無不晰而後賞一善俾衆善足以勸罰一惡俾衆惡足以懲彼實心爲國者得以抒其忠君愛國之忱而一切希風好事之流不敢妄肆其抨擊將見朝廷清明萬幾

怡雲堂

卷之五 奏疏

六

咸理恩威一自上出

陛下可坐收辦納之效并可省激聒之擾堯之欽明舜之樂取可復見於今日矣至臣之衰庸不職必不可復留伏乞

皇上亟賜罷斥使避賢路特將臣言曲賜施行則人心可正

聖治益崇臣去榮於留矣臣無任祈懇俟命之至

奏爲銓務重大衰病廢職懇

恩賜罷歸里以免曠官以終臣節事臣生平學術無狀受知

先朝毫末報稱於萬一乞養賜歸經年廢棄頽蒙

陛下俯垂

眷注援諸猷畝游陟榮階及忝留銓年已七十之上又蒙

皇上特簡

召臣使蒞今職數載之間

愚竊

竊登雖古明良知遇之隆曾何以復加哉臣唯有愧而欲

怡雲堂

卷之五 奏疏

七

死已耳伏念臣衰拙不學原非吏部才又素居久不習近時事情諸所會推擬補不當

上心以致員多候久臣罪難辭況近更大察望八之夫竭

精稽閱久冒風寒兩耳聾瞶部中事務有須微言者

非大聲不聞常恐漏泄又左腿疼軟坐立拜跪俱不

支益數月而衰頹之狀盡見臣之欲求去久矣徒以

時方多事臣部中又無左右侍郎故未敢遽言乃今

感冒風寒前病益深更加潮熱眩暈難復就列伏乞

皇上憫其衰極亟

賜罷還以爲晚節不終者之戒別選才賢以克茲任庶不

才者不得倖位而衰憊者得生八里門幸未即填溝壑當與田夫野老永祝

聖壽於無疆矣臣無任激切懇禱之至奉

聖旨卿持身端謹聞望素著銓衡重務倚任方殷豈可求去宜用心供職不准辭吏部知道

奏為蒙

恩諭留養臣病勢益增力懇

聖慈俯賜憐放事臣前月二十七日該廣東道御史況上

進論臣衰朽方卧病具疏乞

賜罷斥二十九日接得本部咨奉

怡雲堂

卷之五 奏疏

八

聖旨卿持身端謹聞望素著銓衡重務倚任方殷宜用心供職不准辭吏部知道欽此臣伏讀

天語稽首頓首感極涕夫臣雖生平慎守橫被人言恃

上明察未敢自辯乃蒙

皇上耀以

大明重之

溫綸令臣用心供職此雖古之明目達聰推誠任人而不

疑者無以如此臣得此真千載一時使非有重病瘁

其躬宜益思捐糜以圖報稱又焉敢舍之而言去顧

臣年七十之上兩耳聾瞶部多密切事務必待大聲

商論此其中不能無生得失又左足疼而軟弗良於行拜跪動履往往僵仆不支殊非所以令群吏見兼之潮熱眩暈不時互發此係氣衰血弱故委做至此實非區區醫藥所能治療昨奉

恩旨以來多方醫治萬萬一少差扶病勉出以答

隆遇顧別病猶可望愈而衰年足病筋力已憊必無痊可

之期況今日甚一日勢不能離床第而出門戶又何

望其事若事而求所以報哉不早罷歸不惟病不可

起而職事曠而不舉臣且無以自解勢慈情苦故敢

昧死陳乞伏乞

怡雲堂

卷之五 奏疏

九

陛下大德好生曲

賜放免俾臣得生八里門且免曠職以重臣罪是

上之所由全衰臣者

恩與履載比崇矣臣無任冒昧激切懇禱之至奉

聖旨卿偶疾暫准給假調理痊可宜遵旨即出供職不允

辭吏部知道

奏為衰病增劇銓務時方繁重亟懇

聖慈俯允辭印以便調理以免曠官事臣本月初三日因

臣病勢益增祈

恩憐放歸里伏奉

聖旨卿偶疾暫准給假調理痊可宜遵旨卽出供職不允

辭吏部知道欽此臣伏枕聞

命仰見

皇上憐臣之衰而又不遽棄之此真

天地父母之心臣不勝感涕伏念臣生平奉公勤職唯期

効尺寸以忠

陛下今雖病劇敢不仰體

聖慈臣之意廣求調藥以圖少副

聖懷何敢遽言辭印顧臣氣血衰憊已極勢難望愈部中

推陞及大選乞

怡雲堂

卷之五 奏疏

十

恩等教職并揀選臣監諸務併在此時臣病方增不能入

部諸事壅滯且愆常期人心缺望臣不早言是臣罪

愈大臣懼愈深萬不得已哀懇

陛下俯念銓務大廢臣病益危

特選部院堂上官一員前來代署印務容臣寬限調理儻

犬馬微軀未卽填溝壑臣自今以往之年皆

皇上再造之恩也爲此昧死上

請臣無任激切恐懼待

命之至奉

聖旨卿暫疾不妨調理供職部事難以久虛印務不准辭

吏部知道

奏爲衰年病甚求藥反增勢難復留乞

賜骸骨還鄉事昨該臣以

賜假調理前病轉劇不得已疏辭印務正翹首以望

恩允不意復接

諭旨慰留彌篤憫臣衰病勉臣調理諭臣不妨供職及該

吏科都給事中劉爲楫等一本銓部缺官邦政漸弛

懇祈

聖明恩賜簡用以圖共濟事奉

聖旨這本說的是尚書蔡國珍着速出料理部事選用入

怡雲堂

卷之五 奏疏

十一

才裴應章催他到任吏部知道欽此若謂臣病或可

起而大馬之力尚能支持萬分之一也使臣病不增

豈敢堅乞以自孤

大造顧臣自念病在未衰之年猶易調理病止感冒尚可

望愈臣以望八之年血氣盡耗頃因左足痛軟初服

左荊湯牛膝等藥及用拔風散溼等膏力衰藥烈以

致拔動氣血左足愈痛而軟甚右足漸痛加以發熱

形羸百病交侵寢食都廢此豈可復多望於世者而

尚堪料理部務耶況今推選教職揀選舉監業已愆

期臣量病勢必不能爲

陛下任事故一日不去則日擔一日未幾一日未釋而臣之病亦且日甚一日而終無首邱之幸矣此於

國家無秋毫補而徒使衰病老臣已鬱牀席且或委頓道路

皇上體天好生試一

垂念及此得無惻然哀憐之耶伏望

聖慈察臣衰病真情憐臣危急至苦早

賜病臣骸骨使得生入里門則

天地高厚之恩及於枯朽雖此生不能圖報而世世子

怡雲堂卷之五奏疏

十三

孫永共戴之矣臣臨疏不勝祈懇乞

命之至奉

聖旨今銓政缺官綜理蔡國珍宜體朕眷懷遵旨即出供

職不可再辭吏部知道

奏為衰臣病甚有負

恩眷萬不得已懇乞

垂憐放免事昨該臣以衰年病甚求藥反增乞

賜骸骨還鄉接到

明旨今銓政缺官綜理蔡國珍宜體朕眷懷遵旨即出供

職不可再辭吏部知道欽此是病臣已不堪任而

天眷彌隆誠有非近世臣下所常蒙者矣臣雖草木寧不感泣第人窮困則呼

天今臣困極矣

陛下惟天不得不疾呼而望

仁焉虛負

恩眷臣罪無所逃矣近年

皇上慎重推補及

召臣至猥蒙

聖明諒察九臣所請多獲

俞允人頌

怡雲堂卷之五奏疏

十三

陛下勵精臣得藉以免罪既深忻幸又臣雖生平慎守曾

無一長可蒙知於

上頃幸

日月照燭不以一人之言疑臣且所以

勉留臣者愈至且臣病矣群賢在列無臣不為少

皇上復以銓政缺官囑臣綜理臣一介草茅滂蒙

恩眷若此實臣曠世奇逢使力尚可為固臣勉圖報稱之

日也況臣素切尊

主苟非病日益甚又焉敢違

恩旨而不出以自悖其初心哉奈何臣兩耳聾聵左足癢

軟久矣近復誤藥以致右膝并痛日夜呻吟寢食俱廢蓋老病侵軼勢難留且力衰而病日益若非

早賜罷免必至委頓於道路

皇上仁覆萬物寧忍臣一物失所至此耶禮人臣七十致

仕者謂臣以執事趨走為職七十耳目不聰明而跣

跣是以退去避賢者長廉耻此自未病者且然今臣

望八矣病且憊不復能事事矣不得已而乞去非徒

長廉耻為骸骨計也昨蒙

恩旨隆重非不願留顧病甚無奈只得昧死乞骸骨伏望

陛下體天大德速

怡雲堂

卷之五 奏疏

十四

賜放還使生入里門是

天恩之所以眷老臣者有終償未即填溝壑時時與父老

共祝

萬年則臣區區未報之私猶可縉是少抒也臣無任激切

冒昧哀懇之至奉

聖旨卿疾既未愈暫准調理痊可即遵旨供職不准辭更

部知道

奏為遵

旨調治衰病益淚亟懇

賜骸以全

恩眷事近該臣以衰臣病甚奏乞

垂憐放免接到

聖旨卿病既未愈暫准調理痊可即遵旨供職不准辭更

部知道欽此是

皇上不惟憐臣之病而且美其供職即

天地父母之心無以加此臣感激難以名言數日來遵

旨廣求醫藥萬一稍差猶思勉出以少酬殊遇顧臣之病

使在壯年及係時感雜病或可望愈臣則病因年老

血氣枯竭耳聾無論已先病左足後因誤藥并及右

足痿軟交并潮熱呻吟日夜不得安枕益福過災生

怡雲堂

卷之五 奏疏

十五

故有

恩不能領受且部中事非躬往不可為今日甚一日不能

離床第況能復出以圖報於萬一哉臣既不能出則

雖久留臣徒負

恩眷而終無益也唯乞

皇上哀憐抑臣又有請焉臣受恩

三朝又幸

陛下數千里而召臣所恃以報

陛下者唯用人是思耳近年部院大臣多虛行取未定及

候補者需次久皆由臣奉行未當以致

聖心難慎臣又以用舍原稟

上裁未敢輕數催請雖或催請未奉

明旨處分外廷不知或謂

主德自聖乃臣不催或謂臣橫校不肯執奏甚或謂臣遲

頓不事事及臣移病則又謂六卿股肱臺省耳目從

古皆然今乃自臣而廢其所以責備臣者日益甚即

臣在事將懇請施行而逃罪責者不外此數事今事

具在唯幸

皇上俯

賜次第先行則雖臣不在事將令臣部內得盡職而外不

怡雲堂卷之五奏疏

十六

失人心廢歷一新臣與有餘榮矣不然又何待於臣

也臣病已六懸蓋迫於甚不得已萬乞

皇上垂憐病困

早賜允放不至顛仆道路是覆載之

恩啣結之感也臣無任迫切哀懇企踵俟

命之至奉

聖旨卿所陳奏朕知道了病既未愈宜從容慎加調理印

務着侍郎裴應章督管吏部知道

奏為病勢愈加調理罔效籲

天准放生還事近該臣以衰病日深奏乞

賜骸蒙

旨准臣從容慎加調理印務着侍郎裴應章督管欽此是

皇上哀憐臣既

准辭印又

諭臣慎加調理即古之以恩禮遇臣下而必欲其生全者

無以加此以臣得之感極欲涕第自辭印以來調理

非不專又非敢不慎顧臣左足疼軟雖尚如故及至

立夏日右足忽更腫痛大倍前時蓋臣衰有火因誤

藥所動以致遇夏火生腫熱大作有加而無瘳欲其

痊可必無望矣夫臣受恩

怡雲堂卷之五奏疏

十七

三朝又蒙

皇上特簡至此一無所建明而去且嗣是無復望見

天日之期則今急於乞去者豈臣之本心哉蓋命之窮也

病之篤也大有所不得已焉耳為是不避煩

瀆冒昧懇

請伏乞

皇上憐臣不可起之病

察臣不得已之情即

賜放歸以終

愚眷則臣此生雖不能報

陛下將世世子孫共祝

聖壽於無疆亦群生不忘

履戴之意也臣無任危迫哀懇之至奉

聖旨卿疾既未愈宜遵前旨從容調理如何又有此奏汲

汲求去不准辭吏部知道

奏為遵

旨調理已久病轉昏憊懇

天放還以終

恩眷事前該臣以病勢愈加額

天准放生還奉

怡雲堂卷之五 奏疏

六

恩旨卿病既未愈宜遵前旨從容調理如何又有此奏汲

汲求去不准辭吏部知道欽此臣本一介老病已甚

顧荷

溫綸令臣從容調理具欲生之而不傷即天之覆物不遺

枯朽無以加此臣念非惟生平蒙被

厚恩愧無能報即今

累旨必欲臣生全又豈衰朽所足堪副臣實感極欲涕非

比尋常伏自遵

旨以來博求醫藥從容慎加調理極欲希萬一之效以求

無負

天眷第臣病廢兩腿自立憂增劇徒費醫藥竟不見差疾

痛煩熱日夜呻吟不得休息且病久而氣愈竭氣衰

而病日進寢食俱廢精神昏耗百事愆忘莫知所措

臣自度病憊至此必不可多望於世若不顧

天乞骸還鄉將無復首邱之幸矣臣不足惜顧負此如

天恩眷而莫知所終則臣罪可勝贖哉頃者懼違

明旨忍病未敢請奏今勢惡矣萬不得已冒昧乞哀伏乞

皇上體天育物卽

賜放免俾得生入里門則

皇上之所以眷念衰臣者有終而

怡雲堂卷之五 奏疏

九

恩與履戴並其高厚臣雖生不能報將世世子孫永共戴

藉之矣臣無任激切哀懇俟

命之至奉

聖旨卿屢奏患疾未愈情詞懇切准馳驛去痊可之日撫

按官具奏起用吏部知道

吏部尚書蔡國珍謹

奏為恭謝

天恩事臣以衰病調理不痊累疏乞去奉

聖旨卿屢奏患疾未愈情詞懇切准馳驛去痊可之日撫

按官具奏起用吏部知道欽此臣自念生平庸劣病

廢有年蒙

上拔之田間馴至崇階及泰留銓年已七十之上又蒙
上特簡

召臣為今官備受

眷知莫能仰酬萬一不謂臣年衰病足違

旨勉留調理多方求藥有加無瘳累乞

賜骸雖非得已實慚且懼伏蒙

皇上覆以至仁

特賜允放且

賜馳驛以歸是

怡雲堂 卷之五奏疏

二十

皇上之所以

曲全優禮衰臣者

恩寵並至良非臣愚之所敢當者矣臣幸遂生還仰被

恩私之浩蕩兼叨乘傳更承

禮遇之優隆圖報無由名言莫罄所為感刻曷其有極祇

緣卧病昏聩不克匍匐

闕廷恭伸叩

謝謹具本以

聞臣無任感激戴總之至奉

聖旨覽卿奏謝知道了禮部知道

奏為恭謝

天恩事該本月二十二日伏蒙

聖恩特准回籍兼

賜馳驛臣不勝感激已經具本陳

謝訖本月二十三日復蒙

欽遣

御前答應牌子鄭斌

頒賜新鈔三千貫至臣私寓臣卧不能興謹焚香伏枕叩

頭

祇領外臣不勝感戴

怡雲堂 卷之五奏疏

二

天恩之至為此具本

奏謝以

聞臣無任感激戴總之至奉

聖旨覽卿奏謝知道了禮部知道

奏為病體不能

陛辭恭陳下悃事臣欽蒙

聖恩放還并

賜馳驛回籍已經具本陳

謝訖臣叩受

國恩謬承

聖明特簡未有絲髮報稱乃以病劇乞去且值頽齡一違

闕廷無復再瞻

天日之期即令旬旬

闕下伏謁鳴

謝而去亦豈能罄臣心感戀之萬一顧復足痛昏憊不

能趨

陛恭伸叩辭還瞻

宸極中懷如結但有涕零伏願

皇上承

天心之篤祐引

怡雲堂

卷之五奏疏

三

聖壽於靈長臣未填溝壑尚當與田夫野老共祝

聖人無疆之慶矣臣叩

恩感泣無任瞻戀祝頌之至謹具本奏辭以

聞奉

聖旨覽卿奏知道了

督學福建告示

為曉諭事本道恭膺

簡命視學八閩夙夜戰兢惟隕越之是懼殷勤誥誡期文

治之聿興蓋庠序為養育英才之區凡儒生悉國家

翼為之選士能立品始無玷於宮牆矜若健能必貽

識於城闕正詎明道當絕計功謀利之心春誦夏絃

宜獲藏修息遊之益君子文以會友標榜則非聖賢

學豈為人反求斯美命以防欲奔競究屬徒勞理可

悅心深造乃能自得至於制科之時藝亦屬利見之

先資文莫要於明理戒存文離論無取乎浮夸當歸

怡雲堂

卷之五告示

三

偽實遺程朱之傳註未可妄議評本矩矱於先民

詎敢輕為滅裂雷同勦說甚嗤依樣之葫蘆組織雕

幾豈羨徒工之擊輒膚庸固所不錄險怪尤在必懲

既宜自出杼機尤當本原道德誠以操觚染翰非徒

弋獵科名縱使附鳳攀龍敢謂志圖溫飽經綸亦幾

豈異人任乎堯舜君民皆分內事也求其志達其道

原欲合乎聖賢之行藏坐而言起而行庶無負乎朝

廷之教育至若各屬之司鐸更關多士之楷模師道

立則善人多首在端其師範功用專斯行能美務必

課其功程苟諸生日有就將則本道定加優獎所有

應行事宜悉為條示於后各宜凜遵毋違特諭

一學者讀書貴乎知而能行先將聖賢經書熟讀背誦牢記不忘却從師友講解明白俾聖賢言語體而行之敦尚孝弟忠信禮義廉耻之行不許徒務口耳之學將來朝廷庶得真才任用

一為學工夫必先收其放心主敬窮理毋得鹵莽間斷其於修己治人之方義利公私之辨須要體論精切庶幾趨向不差他日出仕方能顧惜名節事業可觀一習學舉業亦窮理之事實能精通四書本經便會行文有等生徒不肯實下工夫惟記誦舊文意圖僥倖

怡雲堂

卷之五

告示

二

出身今宜痛革此弊其所作四書經義策論等文務要典實平順說理詳明不許浮誇怪誕至於字習亦須端楷庶不乖教養之意

一學校無成皆由師道不立今之教官賢否不齊必須先德行而後文學若果所行所學皆善本道定優禮待之若一次考驗學問疎淺及怠於訓誨者定行嚴飭若再考無進不改謹依

功令送部別用至其貪淫不肖者不必考其文學即照例拿送按察司問理咨部別選有學行者往補其缺

一府州縣學教官宜嚴束生徒不許出外遊蕩為非凡

學內殿堂齋房等屋損壞即便申明辦料量工修理若將學校中一切合行之事推故不行及不用心整理者必加懲罰

一科舉本古者鄉舉里選之法今南北所取舉人欽定已有名數近來奔競之徒或利所屬學者寡少往往投克增廣生員詐冒鄉貫隱弊過惡一概應試該學教官僥倖以為己功其弊滋甚今後不許違者定行參究

一各屬遇有銜所武職子弟既習讀武經七書百將傳及其中有能習舉業者亦聽就科舉

怡雲堂

卷之五

告示

三

一各學歲貢生員照例食糧年深者本道嚴加考試造冊送部如不堪克貢就行照例黜罷即將以次考克一廩膳增廣生員已有定額廩膳有缺於增廣內考選學問優等者幫補增廣有缺於本處官員軍民之家選擇資質聰敏人物俊秀子弟克補不許各屬有司及學官徇私作弊若有額外之數嚴加考選通曉文義者存留待缺不得將不堪者一概存留躲避差役一古者鄉閭里巷莫不有學即今社學是也今各該學應會同所屬有司每鄉每里俱設社學擇立師範明設教條以教人之子弟年一考校責取勤效仍免為

師之人差役

一師生於學校一切事務並要遵依洪武年間卧碑行
不許故違

怡雲堂

卷之五 告示

六

奏疏稿卷之五終

蔡恭靖公文稿卷之六

南昌府誌叙

重姪孫尚才輯

古者裂土建侯秦始罷侯置守令古諸侯也郡守則牧
伯之任矣諸侯經紀其境內各有圖史以志政事而牧伯
統之是國之有史今之志所由昉也曩列國有史史世職
之業不分而人不致玩後世長民者數更易視郡邑如蓬
廬然始至於風土謠俗不及知迨知之即欲汲汲興除已
不暇將載筆而籍之又逼於時日於是乎考核多疏論次
易謬此其病病無微也今文治日開乘牒非不班班可考

怡雲堂

卷之六 府志叙

第史無世職善敗不臚列又或森以私意卒至瑜者瑕而
瑕反瑜砥玉或相標焉人皆以為穢書而吐棄之矣此其
病病不寡也吁志非難傳信為難傳信非難得其人而力
舉之為難也吾郡志代有纂修識者猶嘆為未脩簡田廬
公來視郡銳意更輯下令州縣長吏咨訪採摭次第錄上
公手自總裁會遷分臬使者仍部南昌遂得究竟大業三
踰年而刻成某受而讀之詳而覈公而不計纒緼疆土文
物之故大書特書不一書事雖述而功倍於作者其志善
也已公神宇靜深治理光大守吾郡三年士民丕變而公
後以退食之暇志存千古手勒是帙宣德詔來即昔所稱

經國大業於是乎在獨豫章存文獻脩故實云乎哉某下
邑鄙人習知吾邑物土瘠於他方而租賦倍之二百年來
莫遑控告公力任條陳爬搔後已異日者入而主持鼎軸
計安宇內令萬物吐氣吾郡若邑必首邀公之惠如志中
所論叙賦役水政藩祿風俗諸篇鑿鑿乎言之必可行也
必可傳也公蓋舉已成之事著不刊之書上有尊而又有
微不求信於民而民信之矣陽秋一出而士論翕然至以
為百世不容磨滅蓋地得志而重志尤得人而重良不誣
耳某耄且不嫻於文樂是書之成而為邦人之所鼓舞也
謬題質語識之簡端

怡雲堂

卷之六 府志叙

二

鄒南阜先生雲中存稿序

子與氏云誦其詩讀其書不知其人可乎蓋因言而欲知
其人也乃余於南阜先生則異是夫叔季道喪士惟身圖
是便而國恩臣節漠不關念稍涉觸忌即墜貴累祿之士
或莫肯印首伸眉為國家出一語間有為是者且以為迂
嫻之其間雖有一二言者又不免僥倖一擲以為得虛計
計一失即不勝其抑鬱無聊雖在貶所亦有不能一朝居
者不少矣公方穉穉直時貴熏灼甚乃能抗疏發其奸以
是成雲中則日與諸士人遊龍山論心而觴咏怡然若將
終身焉此其人豈復有威權功利足以奪其志乎彼一時

怡雲堂

卷之六 雲中叙

三

雖聞巷童監莫不知公姓名矧余為鄉人又同袍者乎是
余之知公固不待言第得公一言亦何可廢也蓋重其人
并及其言視因言而知其人者稍有間矣然有言必有所
以言者先生所為莫非國恩臣節事聞所為鶴樓公遺蹟
記已可概見及讀讀書堂記至有謂學莫先於立志譬之
木志其根焉詩書其培塿之者也則公之素所建樹固由
此志而發為詩文其亦由本而達之枝者乎鶴樓公節概
大都與公同獨其知立志與否余不可得而知乃公以志
先焉則隨志所為頭頭是道而名節又不必言矣要其歸
比與鶴樓公果同乎不耶必有辨之者抑聞叙人言者必

不愧於其人而後可余故無所比數何以叙哉但先正有云雖不能至心嚮往之矣余則嚮往者叙其容可已乎阮陵曹令維藩故先生邑人又嘗出門下購其存稿欲余叙以傳蓋知所尚者遂於是乎言

怡雲堂

卷之六

雲中叙

四

鄒南阜先生集選序

余往與胡廬山先生同釋褐其世兄一見以遠器目之引之使學余謂學非講說為也必由悟入人性各有悟因悟而修修而悟修悟相尋不已庶幾自得而學在是矣能學則無道德政事氣節之名而兼有之況於文哉況文以載道道則文非道則不文而徒以雕琢藻繪相高是則技而已雖工何補廬山先生不以為不可南阜鄒公志真氣銳唯務自得不隨人口吻不徇人脚跟不以顯晦直意觀集中之所載謝蕭允偈東友人荅近溪見羅東周山泉徐魯源馮望山荅李養愚諸作其得正學之宗可少概見矣至

怡雲堂

卷之六

集選叙

五

於文奏議得體不必論已他詩文皆無意於文而自文辟之言詩者宗盛唐以其先神韻而不先格律故也公得其先矣況有不可以徒文言者在又奚論工不工哉吁使廬山先生尚在必首相印可矣然其進猶未可量也二侍御共授之梓誠有益於道與世也余雖學未有得然觀此集義不可無一言故書之簡端

冠朝郭氏青螺公續譜序

古者男子生間史以名上州府及婚之日月必告州府歲籍而獻之大司徒職之即千夫萬派舉可考而知安所事諸厥籍亡而私譜作爾文滋繁本實撥矣君子欲其合之而不遺分之而不亂舍譜何以哉然善為譜者屈原祖顓頊司馬遷祖高陽學士大夫代相承襲不衰豈其好引帝胄以詫閭里而耀簡冊已哉蓋物必有始故重夫始之者耳顧述作莫盛於孔子而其所最慎者尚書則始帝堯春秋則始魯隱非故遺墳典而忌周德也遠近殊而疑信異焉棄疑從信是以慎之也况仲尼居魯魯秉周禮則宗之

怡雲堂

卷之六 續譜叙

六

禘則傷之蓋有深意存焉此神聖之所為而作者必宗之也吉州閭右世家不可縷舉要以久遠昌阜則冠朝郭氏為最其家譜自宋迄今凡四修蓋文獻足徵過諸名家遠矣顧歲蕃息不可勝記抑或例未盡合不續不可封司馬太公遵厥考命作十餘議授司馬青螺公為之公既為垂綵圖以示異而同蓋其詳也復遵仲尼之意以副使公以上為大宗不譜唯譜其小宗副使公以下為冠朝家譜以示同而異焉蓋其慎哉斯不遺不亂譜之良者也譜成湯太史叙之矣司馬公復自貴竹以叙屬余余唯譜之體司馬公奉封太公之議而圖之善矣生卒配塋及家訓嚴明

怡雲堂

卷之六 續譜叙

七

譜具之累葉衣冠人物之盛夫人能言之而司馬公勲業與汾陽相後先湯太史已脩論之余復何言唯是譜者所以尊祖而收族也族之收者非必人人衣食而化訓之也族之所不朽者三曰德曰功曰言修此三者而後可以言收也藉令譜善矣而怙侈滅義以自喪其不朽焉則茲譜也與塵飯塗羹埒耳何益封太公既集子姓而庭誥之意在斯矣司馬公更推其意而申諭之令之相率好修唯三者為兢兢使身名益光大於未譜時則人文與譜俱新所為光前而藉寵者繩繩乎未艾矣族之收也不亦大哉余與司馬公以其師廬山故為通家故同志同官遂有深分

值茲大典顧有美而弗傳非義也故不敢以不文辭

賀大司馬戴鳳岐壽序

鳳岐先生戴公以歲癸卯中秋日覽揆為壽六十一余省方伯津陽陸公叅知還素李公暨聞帥張公皆公故所慰藉士見謂花甲再始將重數而未艾共謀所以壽公者於余余辱公有深分又嘗游浴其膏澤詎敢以不嫻於文辭第贈言者必合衆見而後盡三公其亦各據所見以廣余意乎方伯曰不佞往入右廣會征府江實總昭平而成大功此不足壽耶聞帥曰下走役左廣時五指功成復竭慮扞海以致海波不揚此不足壽耶叅知曰兩粵之功固矣亦知其不殺之功乎府之役故事主兵者或包世及之私

怡雲堂

卷之六 壽叙

八

諸將領迎其旨而張大之即多殺上功而莫之恤及制府不自功而戒殺以故功成不妄殺一人瓊之役三將出黎歧五種之所不意而直搗其穴蓋舉先朝勞師竭財歲久而不能得者乃不勞而得之或有謂宜無俾易種於茲土制府則又曰叛而討之服即舍之此善持勝者也此令下終其役遂無長殺者此非其所以壽耶方伯與叅知又曰猶未也當事者非成功之難唯有功不伐及善處功之難今東倭西播之功胥賴制府所識拔陳總兵璘成之其士與餼又制府協助居多況以不仁人間之且時有齟齬而難遽遂者乃屢底厥成既謙讓不自明而於人亦無大迂

語不伐而善處者孰加焉至於處交夷一節蓋又易伏波之所難矣此又制府之所尤難而大可壽者也余曰諸公之言美矣余又何以加焉但惟功在一人者則壽以一人功在天下者則壽以天下公有功於天下大矣天下之壽何莫非其壽也且聞之呂覽云樽酌者衆則速盡今王公貴人為萬物所酌者衆非徒酌之也又損其生以資天下之人而不恤故功成於外而生虧於內公薄嗜慾不大聲色善處匪人而不以汨其和既不為物所酌雖厲兵夷寇唯遇亂即止竟能不多殺以侈諸將卒首功蓋舉損其生以資人者一洗之焯焯如三公所云則酌者少而盡不速

怡雲堂

卷之六 壽叙

九

其與垓圯論籌者在茲矣若其孝於後母遇文武吏甚和而介兩粵三中官一時稱難調者卒調劑而彈壓之令不得肆此則壽天下者所必有耳余復何言哉諸大夫不以予言為不可謹附之南山嵩高之什而獻之端州壽域

重修百丈寺序

百丈峯在奉新西百三十里許倚空屹立俯群山如見孫以名山寂寞內蘊矣唐初長樂僧大智開清規於此諸法從如雲時唐宣宗在潛邸慕道行至與大智問法稱詩且鑿山為曲水流觴處及入踐祚太和間封大智覺禪師號天下師表頒布清規於四方大啟梵剎賜飯僧田二萬餘詔少師柳公權書禪師碑蓋一時蘭若無與比矣豈一敗而不復振若今也哉乃或謂山不自重藉人而重百丈有大智則重無大智則輕理固然也殊不知江州之東林昔亦以遠公重今遠公往矣而其佛廬至今猶故豈盡由人

怡雲堂

卷之六 百丈寺叙

十

乎哉無亦東林居四通八達之區往來多好古君子時葺而理之故不廢百丈窮山僻谷王公士大夫騁御之所稀到即廢未必見見未必修頽敗若此意者其居使然哉顧阿耨氏法貴枯寂百丈正枯寂之尤者也近世多譚寂滅且好古乃獨漠然一百丈倘亦好龍者乎若好真龍則峨眉僻在西鄙猶然世世作榮觀乃百丈近在中土唐宣之故遊胡今其鞠為荒煙野草而莫之顧也然則地無喧寂惟恃其好古慕道為何如誠好而慕之則喧寂一視之也乃其中有修有不修者無亦舉廢各有時耳本寺梵宇燬於宋季兵燹我武廟末年余高王父學圃府君暨曾王父

少保中峰翁及叔祖秀峰公五峰公慨古蹟遂湮捐貲悉舉而新之且價置膏腴田租十五石土名菜園上以贈香火事在嘉靖丙戌記中庶幾百廢一新諸佛子鷄鐘所得顧歲久漸頽佛像雖存而舍宇則大圯矣僧雖不敢望大智猶稱不愧於師門余等念先人手澤繼志述事尤不敢不勉爰復欽金集匠伐石選材襲舊修廢頽返鉅觀俾先澤古蹟並得存而不廢是亦一舉而兼善也用誌數言鏤諸珉石以垂不朽云

怡雲堂

卷之六 百丈寺叙

十一

五修族譜序

抑聞禮有先河而後海者重所自也余族何自哉余十五世祖蔡文堅本彭姓與仲兄今彭氏祖文蔚同出於雲翔翁翁世居閩崇安稱冠族宋大觀間翁卒堅與蔚越伯氏文仲辟地奉母王夫人徙江西用粥墨代闢傳因蒙墨家者姓為蔡云未幾至戚李忠定公貴以遇吾祖等甚洽遂入排李者條刺中左其官及忠定擢帥江西吾祖等遠嫌復自省徙奉新高樓因家焉已而唯蔚子政宣復彭姓而吾祖與仲卒以蔡稱於世仲後他徙不可考蔚之後析而為黃沙為甘坊為晉坪為雙壩太平山再析而為黃佛山

怡雲堂

卷之六 族譜叙

十三

冶城上富洞坪及高安米峰諸派乃余石溪之派則堅後也二姓支屬昌阜於茲無慮數千人猗與盛矣非植本固而貽謀遠有是乎族有譜助於咸淳鄉貢定齋公歷元及我明諸逸城翁淡樂遜菴諸公相增輯今隆慶壬申冶城曰廷等懼譜弗續而衆無所紀會余在告乃鳩各族並起屬余余近倣表譜遠宗歐法而請裁於太僕敬吾魏公既成長者復諉余言余惟近世聞家孰無譜哉顧多厭於衰薄而假重於華胄及虛飾聲光以夸誇鄉閭間耳目其弗然者亦或規記載記而於悖叙若秋毫則譜雖具視小史之真系世而辨昭穆者已不啻霄壤矣何譜為故茲編輯

因舊增新其要歸於尊祖收族而所謂妄援虛美者弗及焉將使後之人沿流而遡源厚本而及末庶系世可冥而昭穆可辨而古人悖叙之意可復矣僕所謂信譜非耶或

乃謂譜以收族而族別於姓者也族一而彭蔡異可乎不知張燕公有言古者民無姓有姓皆有爵土者也其無姓者居諸侯之國或大夫之采地即各姓諸侯大夫之姓遂至於無辨故言皆黃帝後也信斯言姓且非吾有者況久能不變乎故范宣子出於陶唐氏自陶唐而承韋而唐杜而范氏是不一姓焉宣子未嘗易范氏而為陶唐氏也而史遷亦未嘗易司馬而為程伯休父况復為重黎氏乎且

怡雲堂

卷之六 族譜叙

十三

善收族者貴實不貴名苟能悖叙雖別其姓而未嘗異也不能悖叙雖合其氏而未嘗同也故春秋列國參會締交之際非不稱引同姓以明有親然而隳黨崇讐雖難猶而弗恤者數數矣姓云乎哉君子不唯其姓而唯悖叙此譜所以益不可廢也雖然譜不可廢也亦有所以傳之者吾族自雲翔翁淵蓄瑞行衰然為後裔倡始及遷祖以來賢哲相望或潛或見或以經術或以宦業或以才畧節行有聲當世未易一二數故今右吾族者不多人物之繁滋而多諸君子之能亢宗也然則譜之傳其在譜耶抑亦別有所在耶願與同族最之

奉新縣免役紀德碑

夫七子均養鳴鳩之仁也詩人咏之而極其效於正四國者豈無謂哉蓋民之待仁於上也方其均受德施則亦均感之矣謂之至仁無思可也唯其中一涉於偏而不舉乃有能調劑以救其偏則如枯旱之得雨萬物莫不欣欣然若自私矣故夫方春而雨無往不被無物不生咸相忘於膏澤而不知及五六月之間旱苗槁不得雨則斃矣時而雨焉則枯者潤仆者起孰不加額頌大造之能生我也哉是因不均而益見均之仁也已此均之所以能正四國也敝邑故僻不通道華林亂以往過客率自高安直詣南浦

怡雲堂

卷之六 紀德碑

十四

而建昌以達九江時以敝邑僻而簡故括夫直以為九江助亦均道也亂後乃以敝邑及建昌間地曠官吏稀盜賊肆行無忌因置邑安義以是使客道高安者遂由敝邑而安義而建昌以行往道未通無役而助人役可也今役均重矣將求助於人不暇安能為人助耶先是民未甚困猶可蠲沒以應今困益甚矣仍欲枵腹而濟人飢必不能也故欲自鳴其不平者日嗷嗷焉會舊令景貞馮公幼雲李公及大中丞廣德夏公直指桐城方公方伯蕭田吳公大參鄧縣王公太府山陰陳公咸恤民隱而欲其並生邑民某等以情歸縣縣報府道上聞兩臺並惻然賜允既不遜

偏役敝邑又不可使九江失助乃竭心共計其宜遂以各驛歲所贏羨者轉助九江而脫敝邑數十年偏重倒懸之苦此不旁援而累以除彼不末減而助如故語救偏之善莫過於此矣一時當道諸公其大旱之雨乎其鳴鳩均施之仁乎誠斯民千載之遇也已抑聞之陳曲逆曰使平得宰天下亦如是肉亦言其均可治天下也今諸當道能去其偏重於敝邑者若此是均齊之道得如他日者均調天下而使之平特舉而措之耳第敝邑偏累雖釋而厨傳亦蕭然繁費且礦稅金珠使車結轍時事孔棘偏之為累居多幸得諸公協心務繁矩以躋治平使無復有向隅之泣

怡雲堂

卷之六 紀德碑

十五

令勒石紀功者隨地而有森森皆若馮川一片石則至仁無思之盛可復見矣行且昌曩是勒而敝邑魄兆焉無以紀之可乎邑民懼久而不見德故要余紀其顛末鏤之貞石以識不忘云時萬歷二十九年九月十四日也又三十二年四月嘉其成而樹石者為攝篆別駕敬玄邵公邑丞陳君主簿馬君典史仇君並得書

江省特祀督學名公祠記

國家建學郡邑特設學使者督之豈與夫效一職者比哉
蓋以古昔禹稷皋夔各勤所事及民一脫於饑溺即以敷
教屬契者若謂倫教不可一日無且雖展米膏自作人乎
出耳誠重之也故敝省諸先賢蒞此官者類多任斯道範
士務治鑄髦俊以為當世有弘鉅以故敝省往往得人為
多顧或有教不以身徒區區較尺寸於一莠間甚或漫不
事事唯務為虛聲以希速化其於設學使之意寢乎微矣
況諸人士一以藐受知輒以為足已不復知誦法為何事
而繼至者又以填委未遑風教遂未及因士心而表章之

怡雲堂

卷之六 名公祠記

十六

則先輩流風將不久而或湮乎此崇祀之所以不可已也
抑祀典凡有國功民勞者皆得崇祀故宦之有名者祀而
祀在名督學又功與勞從出之地也不專祀之矣可哉江
省學使賢傑代有若故僉憲黃公仲昭某某諸公蓋其首
出者就中仲昭伯誠二泉虛齋崆峒文貞諸賢道德節義
文章相業蓋於宇內其貞教作人為多至今耿耿照人耳
目乃越諸公闕焉不祀誠為廢典泰知春冲姜公之攝學
政也採之士論毅然於校士公署中立祠置諸主特祀之
蓋舉人之所莫可廢者焉是昭前烈也詔來者也彰聲教
以廣厲士風也僥後學有所觀感而興善也且使諸先賢

之子姓莫不想聞而象賢也一祀而衆善脩焉君子謂是

舉為得禮意乃其歲契之道及加意於功勞之所自出者
又不必言矣諸名公有神其吐之乎或乃謂學道而祀先
賢則府寺均有先者祀不亦繁乎噫非然也彼有事功惠
澤者人自崇之非必有以風也學則士唯嚮風耳祀其先
賢蓋樹之風聲以風諸人士也風善則他時功惠又皆嚮
風者為之風之時義莫大矣此祀之所以貴專也有其舉
之誰曰不宜國珍無能為役亦嘗漸摩諸公遺化中而不
能自善既濫竽此官又不能推此道以陶成士類且也移
疾行不能褒揚所在先賢而崇之祀今躬逢其盛祇愧汗

怡雲堂

卷之六 名公祠記

十七

淫淫下矣幸聞受簡之命而不敢以不類不文辭者固國
珍慕義補過之微意也何論文哉謹撰而鐫諸碑陰

度田繕城碑記

朱令君令奉新之三年庚辰政思與斯民計久遠適奉履畝均賦及城邑之令乃即次第力舉而行之皆有大造於吾邑云奉新土故饒瘠賦且煩往甯產者率利厚直而薄其稅茲富遇攢造又賄胥吏而浮寄之攤賠滋害令君方釐正之未已乃履畝令行人咸謂昔人因地制畝賦因之成均亦不易為三壤而一則焉斯良矣然慮弊生於則壤壞則矣即舉則而兩之恐則上下者偏於上則中下者偏於下則又有不均之嘆令君察乎此擇人而任嚴掣夫而討其不法者夫成雖分上下鄉為兩則而能泰酌其宜斯

怡雲堂

卷之六 繕城碑記

十八

哀益得中而民不病於偏累矣此度田之當紀者也邑故無城雖存經冠亂累土庫薄民無可守雖間識陶甌縣以無資而寢頃年山寇盜發令君軫念倉庫獄市遂力請而城之併請得盱江隱畝鑲若干令君即差日鳩工相地植基悉以所請錢量編戶糧丁而均委之畫地分土而力董其成凡數閱月而就蓋不勞而功大不費而惠廣勿亟而事遠成殆為甌城者稱首而功莫上矣此繕城之當紀者也二役成宜勒石以紀成事直令君以擢行鄉諸父老乃造余曰所貴於縣大夫者先成民而貽之以永圖而鄉大夫則在念功稱羨以垂不朽朱令君所以成民者其永有

利乎則不朽之事公為政矣余惟民之大事唯養與衛養非衛莫安衛非養莫守二者不可缺一者也顧事大且艱彼規避而不力者無論矣即力行之或不勝其繁且擾抑亦滋弊如蠅且以修圯遺後之人不少藉令行而善矣求其不動聲與色民悅而事集者尤不易得也令君兼舉之而眾善具焉此不世之利而語所稱有治人者此矣其他政皆稱是以是而垂不朽也固宜余往俞諸父老請未及為會余有環召命方事敗歷且與令君居宦事懼不知者謂余為市交不果為余今得請父老修前言故不辭為之記令君名南英丁丑進士浙東山陰人

怡雲堂

卷之六 繕城碑記

十九

重建寧德縣學記

寧德治東南濱海嘉靖辛酉倭夷入寇攻陷治城殺長吏盡燒屠民人城屋而學宮亦燬焉向之文物者蓋蕩然灰燼矣未幾林時芳氏來令茲邑殫心招集官寺民舍漸次第復乃謂有邑不可無學歲而寅上其事於撫臺南溟汪公代巡海山陳公督學鳳阿姜公分守毅所黃公僉報可遂慮事程物命日飭材以新學宮事踰年乃成自文廟兩廡以及明倫堂齊舍泮池櫺星諸門皆如故制而從宜易位規度煥然改觀事成以余督學於斯謁余言為記直余紛於警校不果為明年今令胡師氏至增其所未脩復走

怡雲堂

卷之六 縣學記

壬

學官弟子謁余省中申前言余惟學校之設豈徒然哉所以明禮義而繫人心者恒於斯故其教之成也選賢而仕則吏治得其人抱道而隱處則足以正風俗至其入人之深雖更禍亂而不潰散學之所繫大矣哉寧德之城猶足自保乃倭夷一舉更不能為謀富人不能出財以餉守者其城遂陷而學與共敝焉此無他學校之道廢焉耳藉令不廢則獨魯不下彼固有足恃者而城何遽陷哉然學道廢非新其志無以立德猶學宮廢非力以更置不足以就功彼力之所可致者有司既勉成之矣其決於志而無待於力者將責諸誰耶學宮成而入其門諸生既幸有所歸

矣然棟宇雖新而群居就將以窺聖賢之堂與者或無以異於故常獨無惕然於中而思所以自奮耶夫有所惕而思迺其責非自新不可誠使為有司諸生者不徒取足於輪奐而日以其道相敦學舍故圖新各懋乃德或出或處要不說於大道俾人心有所維繫而不可解雖微寧德而已天下其孰不賴之斯可謂真修學矣若夫不由其道而人才風俗曾無所裨益則學亦烏能為寧德有無哉吁百工無肆而事不成猶無機也既廣乃肆矣而或不能立成器為天下利人之稱斯工也者則謂之何遊斯學者其尚勿忘所有事以虛此肆而後可是為記

怡雲堂

卷之六 縣學記

壬

冶城彭氏孝仁田記

余族彭姓有顯忠公者宋末徙冶城冢子卿薦公木應常
初祠堂以修歲事尋為元兵所燬國初斯政斯尚兄弟協
力恢復一新復遭華林群盜一炬為墟遺址寔為宅匠矣
嘉靖辛酉耳孫曰廷二世念祠堂之弗復神無所憑依乃
鳩治城比居之族均計丁產歛得銀若干謀卜地更築而
未能遂且以其銀授各子姓俾薄其息而子貸之用是易
得田附郭者凡若干石田稅別占一籍每秋入輸縣賦外
遇春秋社庀牲醴以舉各所塋祭併祀其祖稱若本宗之
老且貧而無告者則量給以贍羨資餘財仍經紀之以待
怡雲堂

卷之六 仁孝田記

三

修祠及做行文正公義田之制蓋孝與仁脩矣故名其田
為孝仁田以其族長所叙錄索余記余惟斯舉也義矣乎
其起於古道之廢乎古者因族而立之宗族人有餘財則
輸之宗不給也則取之宗故其族人如血脉之流通於一
身虛則注焉而無壅闕之患此法廢而後族之貧富始有
所不均甚至富者厲驕有餘食而族人曾不厭糟糠君子
有隱於中於是以其力為義田以濟之亦猶行古之道也
然在宗法隨其所有即可以相通而此非甚有力者不能
為宗法雖甚蓄縮者亦不得而吝而此非大有意於叔族
者不肯為况乎宗法彼此視為當然而不見德而此猶不

免於濟人濟於人之嫌是以宗法之制易而廣義田之制
難而狹故有宗法則義田不必立義田興而大宗之義微
矣但古所謂大宗者實有叔族之責且世其祿責既不可
諉而祿又有可藉故為之則易此乃無所責於上徒毅然
捐所有而為之豈不誠難矣哉抑余聞絕盛難繼群情靡
常今世為此舉者往往而有然非真有叔族之意徒艷慕
以為奇事遂相率而為之曾無幾何或溺於私見或苦於
供輸或假貸之不以其時或出納者私其奇羨或租賦界
限久將逋負而湮沒以時遂起而瓜分之則數世成之而
不足者毋乃一旦敗之而有餘乎彭氏以孝仁名田孝在
怡雲堂

卷之六 仁孝田記

三

而仁亦在此固不足慮矣誠欲計久遠必也藉以孝仁名
契以孝仁別族之長者又時以孝仁之道倡率之維持之
禮制既定寢以成俗則雖謂冶城為今之范氏可也然則
始雖因孝以為仁而終之仁宗族於無窮者非所以善成
其孝歟余宦薄力不足以辦此每欲舉以告吾族之有力
者故親斯美而樂道之遂不辭為之記

書養虛先生佑忠卷

夫士之抗志於忠義人之所難也顧其間有由己者有因人而為之者人已之間難尤有分矣何也由己而發者義激於中苟利社稷輒奮不顧身而為之此固難矣然唯其志之自遂斯已矣若因人而為之者人以忠而蒙難時稍與相聞問者仇家輒耳而目之勢岌岌甚已又非積素累舊也者如是而能竭心以曲全之則非惘療善類雖冒白刃而不避者不能也此不惟自遂實能以身殉人之急豈非難之難者乎是難者能捐軀以剪惡而尤難者且能植善類而遺其身均之不易為也已忠愍容城楊公嘉靖間

怡雲堂

卷之六 佑忠卷

廿四

以斥權奸犯顏而被遠謫及得賜環復理前語而益勵至被杖繫獄當以大辟極慘痛而病亟且死此全軀保功名者所深避而坐視之者也時養虛公視獄乃能不復避忌而力全之於居處食飲醫藥之中且欲請貸其死而不能得此實能舍己殉人直未及禍耳其視楊公之自盡其忠者難易為何如也已而權奸漸滅楊公賜謚贈官而任其子善惡報施固未嘗異第其中鳳州繼津二王公俱以周旋楊公之故事盛名而躋膺仕而養虛公僅僅一黃州何獲報之不齊耶然二王俱有子而顯獨余未嘗接而知其為人養虛公令子汝稼則官隣邑慈明廉敏大得靖人心

諸為靖安者或之莫先所為大食其報將在茲矣倘所謂為善之利者非耶頃造余出二冊以示欲余有言余喜談忠義事而惡有美之不傳也故不以不文辭

怡雲堂

卷之六 佑忠卷

二五

掩骼結草夢說

人常稱夢由因想余謂即有因想夢何爲而生其間每不能無疑然夢固有奇而驗者不少及觀左氏所書魏顆結草事雖不識夢之所以然而獨信夢云郭司馬青螺公平播功成掩遺骼而召結草之夢余以此夢也司馬公不忍之致也何也司馬不忍殺人至於肯欲掩之固矣特爲善後未暇也一暇即無黃冠與爾瞻公之言則必掩之以仁枯骨而夢當於是乎見矣物必有機而後發黃冠與爾瞻公特觸其機者耳是亦吾不忍中所自有者也不然彼何爲而來哉又何爲掩之而即見夢耶吁是夢也必有所

怡雲堂

卷之六

結草夢說

六

魏氏且讓其良且顯矣公雖無心理顧有不然者耶余樂聞其事故漫爲之說

怡雲堂

卷之六

結草夢說

七

文稿卷之六終



蔡恭靖公

封誥壽贈文卷之七

重侄孫尚



贈南京刑部山東清吏司主事蔡國珍父蔡煥并母

李氏加封太安人勅命一道

奉

天承運

皇帝勅曰君子砥行好修不用於時而厥嗣奮庸以行其

志朝廷錫命及之所以彰潛德廣褒勸也爾蔡煥乃

南京刑部山東清吏司主事國珍之父力學有聞迪

怡雲堂

卷之七 勅命

一

德無斁有司嘉其義里閨服其公庶幾希迹於古人

可謂一鄉之善士矣然教子成名祿不逮養可為慰

卹茲特贈為承德郎南京刑部山東清吏司主事於

戲服榮命於重泉發幽光於奕世厥靈無昧詎不永

慰哉

勅曰天欲昌人之嗣必生賢淑以為之母而福祚所由引

長也國家勵孝勸忠豈靳褒崇之典哉爾李氏乃南

京刑部山東清吏司主事蔡國珍之母賦德慈祥治

家恭敬早開內則卓有士行然中歲孀居哀疾勤苦

以成厥嗣可謂賢矣茲遐齡未艾祿養方隆爰錫褒

綸以昭慈迪特封爾為太安人顯被褒恩永綏壽豈

制誥

嘉靖四十年三月初四日

之寶

怡雲堂

卷之七 勅命

二

南京刑部山東清吏司主事蔡國珍并妻徐氏封安人勅命一道

奉

天承運

皇帝勅曰刑所以輔政弼教方今化理雖洽安能措而弗用惟博求明慎之士以任之耳朕聞敢誤於庶獄者端有望於司寇之屬也爾南京刑部山東清吏司主事蔡國珍由甲科之彥效職秋曹詳敬以明積有勞聞茲考最績特授爾階承德郎錫之勅命以爲爾崇於戲蕪忽生敬爾由獄周公謂之能長我王國告太

怡雲堂

卷之七 勅命

三

史書之爲後世式爾屬司憲其式有慎俾成輸而手庶幾廣子欽恤之意而王國亦或有所賴也嗣懸隆叙以副爾庸欽哉

勅曰朕觀鵲巢鸛鳴列於周詩以婦德有裨於君子也故內助之良則有寵命以褒嘉之爾徐氏乃南京刑部山東清吏司主事蔡國珍之妻揚芬令族婉德英流端慎飭躬儉約治內用能匡弼夫子効職懋庸爾之賢淑章已茲特封爲安人往服綸褒勉循壹教

制誥

嘉靖四十年三月初四日

之寶

怡雲堂

卷之七 勅命

四

贈太子少保吏部尚書蔡國珍祖蔡鎮并祖母陰氏

誥命一道

奉

天承運

皇帝制曰朕嘉獎臣勞溯百年之令緒推崇原本馳再世之恩榮惟是秉軸之大僚膺此酬庸之異數爾蔡鎮乃太子少保吏部尚書國珍之祖父冲夷游世剛直禔躬行善不居其名好施不責其報力耕以給租稅夙稱壠畝之逸民積德以遺子孫遂行詩書之世澤有賢繩武爲國持衡肆叙績於元卿乃推恩於列祖

怡雲堂

卷之七 勅命

五

是用贈爾爲資政大夫太子少保吏部尚書廷綸肇

錫丕揚世德之光渥澤渚膺尚篤孫枝之祐

制曰業垂裕後恒翼子以貽孫禮重崇先必尊祖而及

妣在朝廷本出殊典於臣子亦爲至榮爾陰氏乃太

子少保吏部尚書蔡國珍之祖母德含婉淑性秉儉

勤養祀竭蘋藻之共允符內則育子備笈熊之訓無

忝母儀雖執節於中年乃發祥於後嗣慈源錫羨孫

業彌昌是用贈爾爲夫人用以風乎女士其永庇乎

來昆

制 誥

萬曆二十五年九月十六日

之寶

怡雲堂

卷之七 勅命

六

太子少保吏部尚書蔡國珍父蔡焯并母李氏誥命

一道

奉

天承運

皇帝制曰父教忠於子而後成顯揚之名君報禮於臣而後勵靖共之節故有推恩稱廟之鉅典以待宣猷樞軸之名卿爾贈承德郎南京刑部山東清吏司主事蔡焯乃太子少保吏部尚書國珍之父宅心好義銳意窮經推財食饑仁問素高月旦輸誠樂善賢聲久播士林雖儒行未弘於厥躬乃庭訓克嚴於令子緒開宰衡之業光昭詒穀之謀是用加贈爾為資政大夫太子少保吏部尚書百年種德常基有美之休八座敷榮尚佩維新之貺

怡雲堂

卷之七 勅命

七

制曰朕惟疏附奔走臣工之勳攸資顧復劬勞母氏之慈允賴肆獎忠勤於上宰宜褒令範於北堂爾封安人李氏乃太子少保吏部尚書蔡國珍之母終溫且惠能儉而勤蘋藻揚芬茂尊章之孝養珩璫協德穆家庭之肅雍克佐義方最成賢詰樞衡之業方茂機杼之訓斯揚是用加贈爾為夫人承寵章於有赫延慶祚於無窮

制 誥

萬曆二十五年九月十六日

之 寶

怡雲堂

卷之七 勅命

八

太子少保吏部尚書蔡國珍并妻徐氏繼妻鄒氏誥命一道

奉

天承運

皇帝制曰朕惟衡宰之司古重其選統鈞之寄世難其人將傾心而倚畀乃加意於數求茲非秉鑑惟明何以澄汰流品非持衡惟允何以銓叙群材是惟老成特付簡任宜加寵異以答忠勤咨爾太子少保吏部尚書蔡國珍偉度純衷貞操亮節蚤通仕籍閱有年勞自展承留曹踐更選署校士閩臬散歷藩垣式弘薪

怡雲堂

卷之七 勅命

九

賴之功不著甘棠之詠人已服其藻鑑世皆望以台衡既而晉撫江防則惠威旁邇入陪憲府則風紀振揚遂躋少宰以式百司乃留長卿而敷六典三事惟恪是風昔之小心一介必嚴乃生平之大節聲猷久懋物望彌隆朕嘉乃庸畀以今秩惟爾樹儀端表以肅官聯顯明黜幽以清吏治大裨邦政式獲朕心允稱巖石之瞻不愧保衡之任茲以績聞用授爾階資政大夫錫之誥命於戲惟人才闕乎國運朕切疇咨惟銓法戒乎官邪爾宜詳慎是非付之公論則毀譽不生用舍斷於主權則恩怨自泯是稱則哲亦在至

公若名實或混於平時則緩急何裨於臨事其尚愈敦素概勉酬眷知庶稱老成體國之忠長收任賢圖治之效欽哉

初任南京刑部山東清吏司主事

二任本部浙江清吏司署郎中事

三任南京吏部文選清吏司署郎中事

四任實授本司郎中

五任本部考功清吏司郎中

六任福建按察司副使提調學政

七任福建按察司副使

怡雲堂

卷之七 勅命

十

八任湖廣布政使司右叅政

九任四川按察司按察使分巡下川南道

十任本司按察使

十一任浙江布政司右布政使

十二任本司左布政使

十三任南京都察院右副都御史提督操江

十四任都察院左副都御史協理院事

十五任吏部右侍郎

十六任本部左侍郎

十七任南京吏部尚書

十八任北京吏部尚書

十九任今職

制曰朕崇獎大僚誕敷渥澤念其闡闡之有助則褒寵並加雖其音容之已遐而恩榮追逮至情所出在禮不私爾太子少保吏部尚書蔡國珍妻封安人徐氏秉性幽貞持身勤儉主饋宜配君子惟其敬恭相祀不愧神明是在純一深願雖違於偕老徽音獨著於當年宜霽明綸用旌往勛是用贈爾為夫人載揚南國之風永作中閨之範

制曰賢臣秉國鑑衡實賴於名卿哲婦宜家蘋藻必資

怡雲堂

卷之七 勅命

士

於季女惟其婉德所以偕榮爾太子少保吏部尚書蔡國珍繼妻邵氏嗣徽稱淑處貴能虔孝敬有齊萱宮之儀樂只柔嘉無遂環珮之節雍如從名碩於大僚效贊勳於中壺瞻茲淑問宜錫嘉名是用封爾為夫人祇承翟第之榮愈謹圖箴之訓

制 誥

萬曆二十五年九月十六日

之 寶

送大冢宰見翁蔡夫子得請南還序

吾師蔡翁先生自南太宰入領銓政至是餘一年所矣先是先生謂余小子機吾將返初服小子問故先生曰吾聰漸瞶即子語吾不聞也夫吾之壯也而休於山樊者十八年今吾老矣即明主不吾舍士大夫不吾薄吾當以進退之節少報明主而謝士大夫蓋是時而先生之志在匡廬彭蠡矣居無何遂以疾乞休上慰晉之八上始得請上若曰朕重職事煩君君歸其肅精神善調攝俟君勿藥朕且召君矣於是令封人給六傳行蓋上所以眷顧耆碩而優其去者如此維時先生門下士仕於都者如千人若少宰

怡雲堂

卷之七 南還序

士

則日所與銓叙流品而佐統鈞若僉臺則頃以大計廉諸群國吏與先生參伍其綜覈者也方先生請未得少宰疏晉之大畧言臣自田間來始受事伏惟銓衡繁密豈臣黠淺所能攝理尚書臣某齒望俱夙負人倫鑒願得擅起令視事庶臣有所稟承而僉臺則曰吾以計事侍先生見先生甄別群吏崇卑遞邇無遺矚也間業議汰矣尋得白而存之臧否去取無成心也閱簿涉筆彌月經旬應接矜莊無倦色也夫先生者神識精力兼之者也夫先生何可一日去也即諸門下士莫不以先生據用方新興望攸屬大臣之義政未宜以決去為高耳而機之蒙昧則謂遙繒緼

而高逝者千仞之鑑也。勿侯潛以自珍者九淵之神也。先生自結髮登朝，分宜柄國，見細德之微，儉自引而南。彼雖羶慕欲羅而致之，不可也。獨復嘉遜，遠避其識，幾登矣。視學吾閩，非有纖介齟齬也。儵然去之十八年，衙門之下，臥煙霞而侶泉石。若將終身焉。曾知有宮保天卿公槐，師棘哉！其植性淡矣，隆閣赫望，應辟而起，回翔藩臬者累年。國門無其書，政府無其訊。至於擢中丞視師江上，維時相君里居尺一之問，始一至也。平生耻繫援遠名勢，其櫟行負矣。譬之大圭拱璧，琢磨瑩潔，了無瑕玷，業已薦明堂。陳清廟，莊持懿護，未嘗有失。今乃反而得歸，諸櫟什襲而怡雲堂。

卷之七 南還序

主

衣之重綳而藏之，豈不亦完其令名其旋元吉者與？且自先生為太宰，卻餽杜謁，登明選公人，然而已不謂然。不人狗也已，然而人不同，然不已狗也。徵召之，寢所控而請者若而琬臺者之闕所推而補者若而人。今年春，天子受計甘泉，太宰以六計幣羣吏之治其所，殿揚澄汰者若而郡國大都先生為政，決暮其所啟事上，或盡行之，或待其七八行其十五，或未行而且有待者，即不能悉委蛇以曲當上心。而先生之心已無不盡矣。夫忠臣以其身報主，有以致之為報者，鞠躬盡瘁是也。有以保之為報者，既明且哲是也。夫世治而用者多主明，而趨者衆於其間，而有遺榮

高蹈不縻好爵，能全進退之道，以感動人主，重其身以重士大夫，重士大夫以重國，夫亦所以報也。昔宋錢若水有偃風道骨，見陳希夷於華山，將學道，希夷未決也。明日復見老僧在焉，熟視之，徐曰：「急流勇退中人耳。」夫以一勇退之錢公希夷不能決，乃取決於老衲，由此言之，世有若人夫非亞神僊一等等者哉！然錢以算部盛臨年不稱位而先生頽然，即然當遺七之齡，有少壯之色，方葆精蓄神，返視卻聽，欲其所以寵百官，綜庶府者，內而均調節，遠五臟六腑，四肢百節之間，素問為案，牘而廣成為咨，訪喬松為僚友，而黃綺為官屬。蓋先生所居石溪里，實在叢山中，境與

怡雲堂

卷之七 南還序

主

情諧恬與愉，并蕭然而無為兀然，而長存先生其人耶？其像耶？此希夷老衲之所不能辨，而吾儕又烏足以知之？小子幾既為是說也，以質先生。先生曰：「夫丹臺石室，非人世可斷明哲之詩，吾蒙而習之，白首而未之逮也。惟所說吾生平與所為盡心於銓事，則可謂知我者。於是先生行而諸門下士書李生之言以為先生壽。」

學士門生李廷機頓首拜撰

恭祝太宰見翁蔡老夫子八十榮壽序

太宰見翁蔡老夫子致其政歸之九年而壽八十小子等圖所以奉觴於吾師之前而敬效一言之頌然章不敏其亦何言嘗考三代以下其享國最爲長久者無如成周乃其時亦惟周公召公畢公君陳諸人相與膺作人保釐之任而相繼冢宰以夾輔周室於有道之長卽諸公亦皆耆壽百歲焉自是以後其出身事主者代不乏人至求其身繫天下之重複身萃宇宙之和壽民壽國以獲於身而結爲大年者則代不數得得亦不數人也師以冲齡舉進士授刑曹轉天官尚書卽數年始稱閭中督學使者已而

怡雲堂

卷之七 壽序

五

以病請退里中者二十年以宸衷久注一旦採薦剡起師於田畝之間不數歲而晉藩司晉中丞晉左右少宰又晉南北太宰加宮保焉其督學閩中無日不討諸士而校之所取之士多得之驪黃之外而巍然負名卿碩輔之望則周公吐哺握髮之風也其司藩臬於楚於蜀於越無日不浴民瘼而噢咻之保民一如其保子而去惡猶若去疾足跡所至在在興樂只孔邇之頌則召伯甘棠之遺風也其退居里中一惟以孝友之道宜其家而範其俗而其事肅宗以及今上也凡握師帥之符而正色以率天下者又能令將習於兵吏去其墨則君陳克施之政而畢公弼亮數

世之勲也嘉隆萬曆之際士安其業民安其生少者獲壯壯者獲老而老獲安其天年夫誰不受師之賜而師方且東道不阿意所稍忤卽飄然引退其於聲華勢利視之漠如迄今養晦石溪惟怡志林泉琴書自娛而已益在外措清和咸寧之理而在內振明作惇大之功在朝樹正直忠厚之標而在家甘寧靜澹泊之趣於以比隆周召君陳諸人而享有遐齡也然猶有尚父焉釣於磻溪年八十餘一旦遇文王爲後車之載遂與周召諸人共翼周家八百之祚今師年正尚父作合之會而強力未耄儼聖天子未卽忘師賜安車蒲輪迎而造朝就而問政焉其躋斯世於仁

怡雲堂

卷之七 壽序

六

壽之域而綿國運於八百之曆卽卜世卜年且未艾焉寧獨與周召諸公齊壽焉已哉是烏可以無舉觴也而師之意又若不然者謂吾向者備位冢宰非賴聖天子仁明吾幾不免於口而吾未嘗一日忘吾退也今退矣又非賴聖天子累世至仁時和年豐吾幾不能有此邱壑又何嘗一日許吾進也且吾何知功小子再拜曰此所以重爲師賀也天下受吾師仁壽之賜而師不自以爲功此其所以爲功也師在位日未嘗一日忘其退今退矣天下豈能一日忘師出耶師曰美矣無所事子之言更二十載而來候我小子不敏其亦何言亦惟以壽民壽國爲師頌之而已

賜進士第實政大夫太子少保南京吏部尚書前北京吏

部左右侍郎門生裴應章頓首拜撰

怡雲堂

卷之七 壽序

七

恭祝太宰見翁蔡老先生榮壽序

今上己巳元孫誕生下明詔停礦調稅舉廢用賢冠帶黔黎之屬穆穆迓衡加額天子萬壽子子孫孫永保庶民越明年丙午宮保太宰蔡公八十其月在郊二十三日爲公懸弧之辰備南兵王應麟等公校閱手植士合謀於監司諸大夫計所以壽公者以佐潞寧豫章久宜有言佐謝不敏竊計曩者佐由督學分叅南瑞路諸選士乞贈言於公嘗荷公言辱及佐也諸士實九鼎公以及佐佐言烏足重公然不敢辭固陋蓋聞國家際重熙累洽莫丕丕基唯無遺壽考稽古人德用能導國雍熙保爾受命無疆詩曰酌

怡雲堂

卷之七 壽序

太

以大斗以祈黃耆又曰三壽作朋如岡如陵詎不洋洋盛哉公三十成進士拜南北部郎停平無害已轉南考功乙丑奉璽書視閩學挺植盡國華若今南宰卿裴公少宗伯李公少司徒郭公輝光廟廊稱名賢皆公特拔士餘數歷藩臬有聲中外駸駸負公輔望人有言百年楮人公其似之然公好澹泊戊辰獲請告跼伏荒野二十年絕不聞戶外事丙戌迫而後起視閩學仍前官未任叅楚藩又一年蜀觀察一年轄越右伯轉左而公心日益淡復請告未抵里門而操江命下矣未幾副內臺視院事尋陟少宰晉南太宰將報政召北太宰蓋七歲九遷云公居南北統鈞地

罔以天官私故人天子嘉公忠亮晉官保時事相軋乞歸
章八上天子不欲奪公志賜精鏐乘傳歸里中計公通籍
五十年出處半之是唯無處處則真真如龍潛淵如鴻漸
遠繒繳不得施焉是唯無出出則磊磊如揭日月行如合
雷電章豐節不得掩焉公載出載處矯矯獨持出若肩重
負處若脫敝蹠毫末不加損焉昔賀季真在唐明皇時官
不過秘監八十有六告老天子率公卿大夫餞於青門仍
割鑑湖之半以賜至今以為美談然說者謂季真不能不
虛天子賜公壯而登朝半居桑梓晚而躋宮保退而處萬
山一室中僅足蔽風雨邈且八十是公功在社稷何偉而
怡雲堂
卷之七 壽序
九

身取世資何薄也乃今而足不履城市刺不入公府其居
畏壘頗如渥丹其七箸彌加進而丙夜手一編不加倦由
斯登大年即餞鏐奚足壽哉姬祚歷年八百最號治平在
成周繼體間唯是前公旦左公望右公奭皆三朝老臣天
子方求舊旦夕倚公如周召起公簡弼公將入杖於朝為
天子作朋如詩所稱效岡陵之祝不然者終不能奪公志
屈命使出上方供酌大斗以引翼祈黃耆公何以報主上
將無曰臣久在草莽願畢其忠採山樵水罷矣閭閻困橫
征猶故廢官漸修矣上下釜鬻忠賢遺佚猶故願陛下申
異命與天下更始接耆碩恤民隱起草澤庶幾世躋仁壽

之域於是稽首賦既醉以答天子曰君子萬年永錫爾
祚君臣朝野交相歌太平休哉敬以侑公之觴

賜進士第正議大夫

欽差巡撫江西等處兼理軍務都察院右副都御史舊治

下晚生王佐頓首拜譔

怡雲堂

卷之七 壽序

丰

江西巡撫顧造一本爲大臣

恒典宜膺懇乞照例題

請以昭

聖德以光泉壤事據江西布政司呈蒙職批據南昌府奉
新縣儒學廩增附生員徐尚賓等連名具呈前事內
稱本縣已故鄉官吏部尚書蔡國珍清潔端方忠厚
正直筮仕刑曹勅法嚴如霜肅分司銓署勵操凜若
風清督學憲於閩邦秉正而絕私書拔淹而取名士
侍母疾於槃澗班舞不離膝下竿牘不至公庭致政
十八秋恬退山巖迹薦剡十二上歷敷藩臬宣猷

怡雲堂

卷之七 請

二

分守湖北德威既化服苗民掌憲川中明允更平反
冤獄左轄浙江生祠戴德操江建業勒石紀功旋登
樞要由副院而佐銓遂晉統鈞且從南而改北大計
羣吏惟公恒嚴式序請老八章極切

欽賜榮歸士類之具瞻允依

天恩之存問特至益堅晚節愈勵初心詣鄉約以維風輯
郡乘以作則家食十三年清約一如寒士考終八十
四端亮靡愧耆英官箴固始末有光鄉評尤初終罔
間哀榮不忝恤謚宜先伏乞垂賜題

請等情蒙批布按二司會同守巡提學道查議通詳依蒙

就經移會各司道并備行南昌府查議去后今據該

府申據奉新縣申稱行據該里老地隣蔡大明等勘
結得已故尚書蔡國珍由乙卯舉人丙辰進士初除
南京刑部山東司主事陞南京吏部考功司郎中轉
文選司郎中陞福建提學副使乞養歸家一十九年
復起該省清軍副使未任陞湖廣右叅政四川按察
使浙江右布政使轉左布政使陞南京都察院操江
右副都御史陞都察院協理院事左副都御史陞吏
部右侍郎轉左侍郎陞南京吏部尚書轉吏部尚書
奉

怡雲堂

卷之七 請

三

旨馳驛回籍居官居鄉清正絕倫

恤典褒加輿情允協結報前來并取學師生復勘結狀到
縣該本縣知縣張司重看得本官德器淵渟岳峙丰
標玉粹金精始游郎署習昭兩袖清風尋典文衡
澄澄湛一輪碧月解組養慈闈不以祿而以善殫冠
還舊服移事親而事君任臬憲顯轄司惠澤沉而藩
方共仰屏翰操留都襄政院風猷暨而表著咸藉肅
貞少宰自右遷左退讓不減虞氏九官大銓由南
召北公平直追周官六計榮歸而乘六傳

九重眷注特加恬養而卧一邱三徑優游自適舊德在

朝方期爲霖作楫高年謝世時不悲風泣麟具結申府該
本府署印同知吳時憲看得本官挈國舟航擎天柱
石部曹筮仕陪京清節稜稜閭楚宣猷藩臬廉名耿
耿總中外風憲肅僚貞度英聲燿燿樞台秉南北銓
衡陟明黜幽雅望崢嶸天府功成身退

當宁之眷注獨隆跡隱名彰海寓之傾瞻彌切廿餘年宦
跡堪勒祈常八十載清操真同冰蘖祭葵合膺易名
當議具由申司并准分巡南昌道副使盧廷選看得
本官公清直諒鎮靜冲夷秉英鑑於醫曹衡平振響
握洪爐於海濫蹊蹊實成陰十九年肥遯棲遯東山雅

怡雲堂 卷之七 詩

二

志十四省激揚屏翰南國具瞻橫江推節鎮之雄獨
坐凜絕遠之氣秩宗六典政允三銓獎廉退而抑浮
華絕權門而排請謁正色於狂瀾欲倒之時歸然砥
柱見機於炙手可熱之地卓爾冥息機屏跡林泉
隔若洞天睦族董隣月旦依如畏壘

存問特

恩已賜生前之寵易名

殊典應加身沒之

褒又准提學并帶管按察司印副使蔡增譽看得本官端
亮維風貞恬絕俗筮遊却署冰操酒二水之清晉典

文衡月鑑剖八閩之翳隱箕十九載長卧白雲薦鸞
十二章忽啣丹鳳攬轡風清藩臬持平度肅樞台遞
筮銓曹不數山公雅望動遠權貴尤逾蔡耶孤標忘
流勇退潛泊隨野鶴飛翔晦迹韜光逸致任浮雲舒
卷海寓稱山中宰相

朝端景天除真人

恆典正合備膺易名尤當亟議又准分守南昌道右叅政
潘士遠看得本官天植忠貞性生端介筮仕陪京卽
操清節持衡八閩士類仰太山北斗抗疏歸田縉紳
瞻景星慶雲迨薦剡之屢騰猶再起而赴

怡雲堂 卷之七 詩

二

召歆歷藩臬廉名耿耿薦陟中臺駁望稜稜由右而左聲
已著於佐銓自南而北忠益專於報

主聖明之眷倚正殷元老之陳情彌切解組一十三載允
矣完名全節考終八十四春真是生榮死哀宜加恤
典無忝易名各牒呈咨報前來該本司署印右叅政
葉其蕃看得本官

清朝耆碩江右醇儒正氣百丈寒松瑩心一湖秋月香含
南署法衡人鑑同懸鐸振閭邦和璞躍金有別勇退
憲流十九年底無私謁志芳行潔十二薦舉滿公車
起楚參而蜀臬浙藩宏猷懋暨晉開府而操江佐院

駿烈特彰左右二銓裴王標而韋風正南北專鏡印
山岌而汚水澄

主眷方殷請老頽乞晚節益堅於綠野聖修策勵於丹書
風標久欽中外月旦無玷絲毫生逢

殊典荷

特恩於存問歿宜優恤祈早議於易名等因具由通詳到
職查得

大明會典一款兩京二品以上文官俱照例祭墓尚書在

任病故者祭二壇致仕養病等項祭墓俱與見任官

同又一款大臣應得諡者禮部廣加咨詢核實方許

怡寧堂

卷之七 請諡

三

各該撫按及科道官從公舉

奏酌議補給又一款凡文武大臣應得諡號者備查履

歷節概為朝野具瞻公論允服者具請

上裁今據前因該職會同巡撫江西右副都御史衛耆得

原任吏部尚書蔡國珍忠貞直諫廉介端莊負萬夫

莫當之勁氣而卓有準繩具千仞獨上之高標而渾

無塵所仕不忘潔身隱不忘憂民要以宇宙為分內

行唯務修德言唯務講學靡非聖賢為依歸容善若

江海之納細流辨材如工師之程羣木唯其難進而

易退是以有初而克終通籍五十餘載強半無官享

年八十四齡甫踰中壽豈唯一國一鄉慨哲人之忽

委雖在愚夫愚婦悲喬木之無從存問既寵於生前

褒崇應加於身後既經司道會議前來相應題

請伏乞

勅下禮部再加查核如果職等所言不謬覆議上

請俯賜優恤庶泉壤得被

榮光而臣工益知感奮矣奉

聖旨禮部知道

怡寧堂

卷之七 請諡

六

維

萬曆三十九年五月十二日甲午

皇帝遣中書科中書左光斗協同江西布政司叅政潘士

達奉新縣知縣張司重

諭葬原任太子少保加贈太子太保吏部尚書蔡國珍

曰惟卿銓宰重臣熙朝碩德已式風裁於北闕復高

譽望於南州出處完名始終一節淪亡可惜軫念彌

深

諭祭載頒爾靈歆服

怡雲堂

卷之七 諭葬祭

二七

維

萬曆三十九年十二月初一日丙寅

皇帝遣江西按察司副使兼管分守道盧廷選

諭祭加贈太子太保吏部尚書諡恭靖蔡國珍

曰惟卿介性高標嘉猷亮節歷官南署造士閭中懋

子舍以導與榮難易養膺薦章而攬轡孝每移忠逮

藩臬之踐更遂憲銓之游陟獎恬抑競斷請謁於私

門身退功成任悠游於里社芳聲久著定論尤崇

特賜易名並頒祭葬英靈不泯尚克祇承

怡雲堂

卷之七 諭葬祭

二八

誥勅書贈文卷之七終

祭蔡恭靖公文

重侄孫尚才輯

維

萬曆三十八年歲次庚戌五月乙巳朔越祭日丙辰
巡按江西監察御史舊治晚生顧造謹以牲醴香帛
庶饘之儀致祭於

明故資德大夫太子少保吏部尚書見翁老公祖蔡老先生之靈曰於惟我公生實降申章江挺秀牛斗儲精
凌峯氣節匡廬千尋茹納襟懷鄱湖萬頃落筆煙雲
吞吐杼軸宇宙經綸筮仕刑曹網解行清行提文印

怡雲堂

卷之八 祭文

一

鑑徽衡平解組侍母屢挽不停轡命上達薦剡交騰
臬憲西川風裁烈凜轄司東越尸祝祠存操南都而
江淮底定襄北院而綱紀肅貞少宰自右而左退讓
靡寧大銓由南而北公亮持衡刀尺天下僚案準繩
日邊傳英燕昵悉為逆絕振驚日以充庭一旦盛極
思退飄然拂袖引身

帝重元勲高尚馳傳畫錦

溫綸公性生來恬澹居林不罣一塵杜門身世都捐讀書
談道洽真為山中之宰相誠朝野之儀刑天下望湛
公當還朝四海擬安石慰蒼生造被

命來此者碩風歛方期式廬躬挹清芬胡天不憖萎我哲

人乘彼白雲逝列箕星識與不識涕淚沾巾噫歎思
公不得何以為情一束生芻用徹九冥靈其不昧來
格來歆尚

饗

怡雲堂

卷之八 祭文

二

維

萬曆四十年歲次壬子三月乙未朔越祭日

欽差巡撫江西兼理軍務都察院右副都御史舊治晚生

王佐謹以香帛庶饌之儀致祭於

明故資政大夫正治上卿吏部尚書見翁蔡老先生之靈

曰於惟大宰盛履三朝望隆朝柱眷切

宸綃自夙

世皇丙辰榮士公賦黃金價增燕市維時干莫雖南發矧

人倫氷鑑典在銓衡更擅文章蔚然苞鳳至今八閩

琳瑯成誦第公龍性每嗜在洲東山一卧竟二十年

怡雲堂

卷之八 祭文

三

咸謂經綸豈終邱壑使者露章翻飛

帝幄頃從

環賜敷踐外藩不逾數載陪旬列轅一時長江勢雄樓櫓

嗟彼鮪鱗誰敢夜舞爰是峻壘益凜外中金銓之地

非公孰庸自留畿內

召躋少宰俄正天卿以均四海拜

命之日靡不躍然曰茲嚴石民具爾瞻自公履銓兩典營

計矢慎矢公盡利吏樊達謹

王錫褒寵踰常

宮階進秩緋王煌煌方擬濟川需公作檄淪潤蒼林爛然

相業詎意昂軸不易衙門三公如徒力辭

九閩彼四方兮誰不傾耳曰茲卧龍何日再起以故棋檪

歲月俱高碧瞳紺髮梅福逍遙卽今百年第啖檪境

胡爲天卿據證散聖雖公台秩已冠人臣亮工熙載

東園綵綸公之生平足追赤烏完德完名旂常赫奕

一旦化鶴

上爲惻然議贈議諡次第傳宣洵乎榮哀備極今古馬鬣

靖文千秋疇伍佐昔守名里竊佩清風一塵紫蔭猶

飲醇醪每聆谷鶯立志台弔仰止高山庶幾有日詎

茲節鉞後濫名邦公且委化淚灑西江廻采澗毛薄

怡雲堂

卷之八 祭文

四

薦蕙凡百丈山頭髮髯戾止尚

饗

維

萬曆三十八年歲次庚戌十一月壬申朔越祭日

欽差巡撫江西兼理軍務都察院右副都御史舊治晚生
衛承芳謹以牲醴香帛庶饗之儀致祭於

明故資政大夫正治上卿吏部尚書見翁蔡老公祖老先

生之靈曰嗚呼社稷之幹元老是毗鄉國之望齒德

實師於惟我公英標卓絕維嶽生申維帝賚說寅亮

三朝匡佐

一人曾分列宿曾主文衡到處甘棠盈門桃李繡斧權帷

威名鵲起价人維藩四方於宣鳴鳳在岡見龍在田

怡雲堂

卷之八 祭文

五

帝曰都哉有臣若是汝翼汝爲之綱之紀六計獎吏汝其

掌之裴儉公忠山濤清夷野有連茹

朝無積薪鴻鸞漸階么膺息屏誰式百辟誰秉國均爲天

喉舌爲

帝股肱民具爾瞻中國司馬偉矣鴻冥弋誰慕者嘯歌綠

野杖履東山巨嶽揀天彭蠡廻瀾公退名高公歸無

所民曰我公百禄是何金甌玉鉉欽哉惟時巨靈胡

閔玉樹胡摧人之云亡萬夫莫贖百歲浮榮千秋芳

躋維予小子風簫誨提維桑維梓是瞻是依今我來

思台光咫尺公隱其文我儀其極泰山頽矣白日隳

冥豈無他人終鮮同聲不朽者神不泯者德鍾鼎旂

常貞珉竹帛

朝有大誅史有特書小臣待止涕泗連而有燭其光昭哉

明報宜爾子孫永言是保生芻一束終古泂泂神之

格思慰我大招嗚呼哀哉尚

饗

怡雲堂

卷之八 祭文

六

維

萬曆三十八年歲次庚戌八月癸酉朔越祭日

欽差巡撫南贛汀韶等處地方提督軍務都察院右僉都

御史牛應元謹以香帛牲醴之儀致祭於

明故太冢宰見翁蔡老先生之靈曰於惟蔡公西山孕秀

南浦鍾英巍科顯第冠冕江濱益仕刑曹獄有棠烏

繼典銓選瑩若氷壺敷教八閩菁莪棧樸藩臬三省

露濡霜肅所至赫煜惠問宣流遂晉部院日侍九持

操江耀武執法中臺兩冢宰鑑別群材

一人倚庇百職和賡勛猷光顯史冊高評身肩三事神超

怡寧堂

卷之八 祭文

七

寥廓馳騁歸榮遂返初服洛社聯朋東山注望如鳳

如鴻心怡神暢胡公厭世去而上昇

廟堂震悼億兆悲辛應元不腆辱公故知茲叨虔鎮未展

遐思至人長謝中心愴然遠道緘詞五情莫宣束芻

糗芻聊申一哭豈寫吾私其人如玉尚

饗

維

萬曆三十八年歲次庚戌五月乙巳朔越祭日

江西布按都三司左布政使陸長庚右布政使李開

芳按察使應汝化右叅政葉其藩士遠副使蔡增

譽盧廷選副使兼叅議沈崇署都指揮僉事張仁忠

馮之奇張守爵等謹以香帛牲醴之儀致祭於

明故資德大夫太子少保吏部尚書見翁蔡老先生之靈

曰玄峰挺秀馮水徵祥惟公嶺起特萃英銓淵源學

術經濟文章早膺鸞鶴雲路騰駭

明廷奉對上國觀光通籍華省領袖堂堂清明襟被雅量

怡寧堂

卷之八 祭文

八

循牆懸衡執圖閣士思皇雲蒸霞燦濟濟棟梁藩宣

四國載道甘棠拂衣塵外伊人一方

熙朝履泰舊德用彰蒲輪首出乃列巖廊陞華獨座影組

文昌具瞻百辟英鑒焜煌清通簡要駕軼裴王登奇

拔異野無番良功成善息龍德時藏江湖趨闕一飯

不忘殊

恩賜問黃髮未央疇咨簡在倚眷方將佇調鼎實弘化經

邦擎天八柱挈國前航如何不憖忽謝袞袞箕騎直

上桑扈飄茫邦失著鑑憂微闕聞

奏聞動恤丹鳳飛揚長庚等服官江右共挹芬芳茲聞

仙計相顧靈傷嶽推百丈梁墮孫樟何以招之白雲
之旁何以酌之黃蘗之觴微惊可達下格如雲尚
饗

怡雲堂

卷之八 祭文

九

維

萬曆三十九年歲次辛亥冬十月丁卯朔越祭日

江西布政使司左布政使王應麟謹以香帛牲醴
庶饗之儀致祭於

明故大冢宰見翁蔡老師之靈曰於惟我師世不數生乾
坤間氣象緯元精魁岸英標蘆岱峻岫汪洋度宇彭
蠡吐吞胃羅星斗學貫邱墳詞傾峽水筆換煙雲唾
手科第妙歲聯登筮仕壯曹寬洗狴固歷階天暑風
清鶴廳衡文我閩鑑徽衡平品題盼識駕長千金
朝方倚重

怡雲堂

卷之八 祭文

十

師孝真純三公不易歸養萱庭聲聞隆蔚連章薦騰廿
載林泉重荷

聖恩宣猷閩楚兩地輯寧爰總蜀藩解網照盆再頌越轄
惠鵲碑銘操鑰長江萬頃澄清協理天院百度肅貞
揆簡

皇春允稱統鈞左右少宰南北冢卿準繩刀尺奚數崔顧
掄材拔滯桃李蒸蕪倖門屏絕振驚克庭誠廟廊柱
洵社稷臣乃 師恬退拂袖引身

帝彰殊眷

勅馳溫綸一自榮歸泉石為盟十有三載不呈一塵杜門

謝事樂道怡真如龍之潛如鴻之冥東山太傅洛社
耆英準擬還朝慰此蒼生胡天不憖摧我哲人乘彼
赤虬上列箕星蓋師之生也維嶽降神師之逝
也白玉樓成惟麟疇昔最戴師恩介然賤士倏拔
人倫既登仕籍嗟朽持傾師恩何似天高地深向
緣畏途阻隔雲岑心懷眷戀音問銷沉今幸來茲可
挹清芬云何緣蹇蚤隔幽明嗟已矣何以爲情興
言及此涕淚沾襟一束生芻恍若其人三奠椒漿用
饗微重陰靈其不昧來格來歆尚

怡雲堂

卷之八 祭文

十一

維

萬曆三十八年歲在庚戌八月癸酉朔越祭日丁丑
舊治年家門下晚學生福建按察司提學副使馮煥
謹以香帛牲醴之儀遙致祭於

明故太子少保吏部尚書見翁蔡老公祖大宗師老先生
大人之靈曰噫象形之瑞世今惟景星若鳳鳳翼曠
世不恆有兮有亦乍見而弗常士類延頸而快觀兮
黎庶懸踵而傍徨藉遽有而習見兮則亦列宿與鸞
鶴翳元老之誕降兮鍾正氣於穹蒼挾九仙以容與
兮跨百丈以徜徉統聖真以登岍兮噴河漢於望洋
怡雲堂 卷之八 祭文 十一

才之玉璫

帝簡視學於八閩兮儲梗梓以棟梁謝請謁而精品題兮
迄今楚楚托重於廟廊言不合於撫臺兮遂請疾而
抗章就石溪而枕漱兮味道腴以克腸甘十八載之
沉冥兮隔人世而相忘
帝撫解而求舊兮起閩泉之貼堂隨跋歷於湖蜀兮晉左
轄於浙疆奈懸轡之皮相兮去接浙而束裝

怡雲堂

卷之八 祭文

十三

帝謂人情之所賢兮蓋爾總督乎江防俄協理乎院事
分陟少宰於文昌見行可於視篆兮卽爾眞於前行
旋統百官而鈞四海兮躋盛代於黃唐爰奏最以馳
恩兮加宮保以優償卽驟躋乎通顯兮不越十載之
軒翔羨得君之信崇兮怪時相之參商耻媿阿以偷
急兮誓不以蕪合易九荒卽蚤引而高蹈兮眞勉留
於勿遑渠亦無何而逍遁兮孰與夫志潔而行芳詳
初終之骯髒兮相皆屬其故鄉或置膝而不得兮或
推淵而驚佯嗟宅揆之爾爾兮顧安得斯世之平康
翁既鴻冥而鳳舉兮世皆喑啞而憂惶喜翁天壽之

平格兮聿躋大耋於未央際

國慶之汴頒兮宜存問之屢當衆湏元臣以名世兮噤
勿具題以邀

帝臺之衆肆兮同籍之還朝兮振士氣於若揚思代匱而
接武兮慶彈冠未可量胡一老不憇遺兮尼呂望於
握璜奄居諸之代謝兮孰助長夜以爲章紛燕雀飲
啄得時兮安所再覩乎鷗鷁總神物之希世兮亦暫
見而終藏祇勤想像而悞歎兮用卽不究庸何傷重
曰走觀臺政翁總綱兮走領縣符翁帖黃兮情關榆
社教相望兮走與行取翁津航兮不知我者淪胥戕

怡雲堂

卷之八 祭文

十四

兮翁時解組辨之詳兮翁既歸里還職方兮命駕奉
辭零露濃兮俯仰今昔一紀強兮時厯慰勞灑琳瑯
兮走調儀曹尚胥匡兮比副藩臬蓋堂皇兮復改督
學舊膠庠兮憲命初下問達將兮似非偶然若有相
兮績貂踵躅愧德涼兮政祈開示奉趨蹌兮家君善
養舞斑裳兮宜錫嘒祉胡降殃兮朝論素歸梧菴岡
兮卽典易名渥且良兮神必離矧又銷銑兮會湏有
盡齊彭殤兮絮炙寓哀致辨香兮絨辭千里痛巨創
兮匡廬彭蠡空渺茫兮嗚呼尚

維

皇明萬曆三十九年歲次辛亥庚子朔越祭日辛亥

欽差中書科中書舍人左光斗謹以清酌庶饌之儀致祭

於

太子少保吏部尚書蔡老先生之靈曰於赫圓靈率篤

常星惠綏嘔育日角珠庭鳳蕭融絡實維豫章璣分

燭煜端端王王芬思敏裕虛神漠志古有休則是用

弘諦藐懺駿揚彪炳陸離爰干霄戾

殿陛聯輝入擅衆長出試百難晚握大斗與天周旋橐籥

含機太阿葆光噓爲春風拂爲秋霜忠勤最淬直介

怡雲堂

卷之八 祭文

五

勵持千尋百鍊畏逢清夷晉典銓衡凜明大節齟齬

權倖嶢然高潔投綬掃軌二十餘春卽園優游祿位

逡巡當道薦剡十有六疏起翁堅卧志奪遂初先憂

後樂行違罔二民物聖賢一體分內處則安石出則

夷吾安危繫重朝野咸孚進不後身退不忘君江湖

廟堂難易明貞釋褐解組時止時仕強半無官浮雲

不義雅志尊鱸纓情卽經衡泌邁軸姑射綽約

帝睎舊德寵渥存問典刑如在邦家篤慶爲良赤松爲度

綠野耆英茂會光於洛社知宇知宙六鑒何嬰成爲

得來挈遊還名耄壽餘四具瞻元老願言期頤載咏

天保胡遽溘然氛祲上應維漢騎箕厥月厄閏麟獲

春秋鵬至庚子蠡涸廬顏螳化哲萎易貴

上聞乃命奉工議贈諡諱聿展褒崇載之樑史勒之口銘

畢萬牖下錫奕芳絕八座匪貴片語爲榮八袞匪壽

千古若存嗚呼寄軫巖廊埋魂山阿森森象賢爲陟

者多斗奉

王命襄翁後事東芻陳此抒忱申酌尚

饗

怡雲堂

卷之八 祭文

六

維

萬曆三十八年歲次庚戌五月乙巳朔越祭日

南昌府知府杜應楚同知吳時憲通判陶以詩謹以

香帛牲醴之儀致祭於

明故資德大夫太子少保吏部尚書見翁蔡老先生之靈

曰嗚呼元老翊運光輔隆興天鍾間氣地洩秘靈才

華凌斗器度涵溟遐翫霄漢九萬鵬程太平三策吐

詞爲經天階釋褐法署糾刑光騰貫索狡僞供誠明

允望最推佐銓衡視學八閩鼓鑄群英振淹拔滯衡

鑑空平斯文山斗後學準繩藩宣楚越方岳謚寧隨

怡雲堂

卷之八 祭文

十七

操繡斧耀武金陵

皇威遠颺畿甸干城丰稜鐵面白簡霜凝豺狼宵遁淮海

波澄勳庸日茂顯秩逾膺百揆兼總晉陟天卿金甌

久覆摧侍承明勤披吐握節瑩冰清百寮師表八座

觀型方期爰立倚秉國成銳思勇退塵視簪纓懇疏

屢

上疏傳讓馨

帝心警允驛路紫征煙霞寄傲泉石結盟黃冠綠野洛社

耆英怡愉蔗境大耋躋齡側思良弼蒲輪將徵胡乘

雲馭翮然上昇僊仝者伍出入蓬瀛楚等承之名郡

企望陶甄龍門幸邇莫遂躬承忽聞訃下涕淚交零

備物告虔潤藻溪蘋詞不罄意庸表哀誠尚

饗

怡雲堂

卷之八 祭文

十六

維

萬曆三十九年歲次辛亥五月庚子朔越祭日

江西南昌府推官舊治下晚生朱大啟謹以香帛之儀致祭於

明故資德大夫太子少保吏部尚書見翁蔡老公祖之靈

曰嗚呼惟公世德應運挺生徧躋膺仕適駿有聲君子信之如欽山斗小人所倚如飲醇醪初請南而固遜避煬竈之交橫領三尺以從事本明允而持平因活百人瀕舟表異然後知功利之及於物公且嗒焉不動惟恐少近乎名於是廷推正直共擁文旌喜拔

怡雲堂

卷之八 祭文

十九

茅而連茹識顯相於鷄群則今日之贊勅上理並秉國成者是亦我公之藉手夫名卿況乎積誠盈缶異數駢呈一歲屢遷轉盼銓衡彼翬粹之孫黨曾不移時而効順矧理義之章服敢復騁魁魑於大明辟四時之序晷刻莫爽抑秦鏡之照妍媸自評肯避親而避故寧解組以徂征故公之予告也莫不冀東山之復用及其數登薦剡又喜公固無恙庶幾解世之醒孰謂公無復有意於斯世也卷康濟而長駕乎九京啟聞公之喪義當匍匐往吊因念昔者益痛藩屏綠守疆而莫遂絨寸帛以旌誠耶寫哀於萬一拾太史

之餘英尚

饗

怡雲堂

卷之八 祭文

二

維

皇明萬曆三十九年歲在辛亥四月庚午朔南光祿寺少卿眷門生朱吾弼謹以牲醴香帛之儀致祭於

贈太子太保榮祿大夫冢宰見翁蔡夫子老恩師之靈曰

嗚呼虞周昌運則臯召盈朝崧嶽降神則申甫並誕

賢才之生振古匪偶然者何幸吾江省一時而三公

聯袂起乎公褒然第丙辰已未則吉州曾宮保見臺

公乙丑則信州楊太宰止菴公子小子吾弼謬以屬

吏事公稱門人於二公皆同官白門辱忘年交呼小

友焉生為世道慶則公先二公卒為世道悲則公後

怡雲堂

卷之八 祭文

二

二公嗚呼人之云亡邦國殄瘁時事正多艱不憊遭

一老凡有血氣者聞而悽斷矧戚里中宇下弟子乎

乃王程奔走魔病糾纏撫棺哭奠遂遲於今嗚呼公

其有靈能如昔弗督過之耶公處為名賢出為名世

於事親孝於報國忠故痛父病則甘身代念母養則

遽歸休而父其諸父子其諸子一本其族一家其鄉

鄰一體其民物又太邱長萬石君長白先生以學問

為作用不變塞於遠施遠分宜忤四明不阿新建寧

冷南曹寧還石溪直行已志別白賢奸置一官度外

為世道主張耳目所睹記如公者亦惟曾楊二公前

後伯仲至鑑衡獨持作人得士號錚錚督學使者公

後僅豐城熊思誠浮梁陳赤石二公耳八閩兩淞三

蜀三吳在在見德邇來起廢無擇僉憶公三品之陳

其苦心銓政人所莫及當年政府不於公水火君子

道長群工得職寧情窳斯今哉嗚呼豈地鍾匡嶽之

靈三公不能不相繼來又豈世非虞周之運三公不

能不相繼去耶小子吾弼杞憂在念悲切世道如之

何於公能不悲之甚也第壽踰大耋

恩隆存問象賢有子孫饒曾元宗戚哭於堂鄰里哭於巷

諸生哭於學宮田夫罷耒織婦罷紅

怡雲堂

卷之八 祭文

三

天子為輟朝而議後事宗伯治祭司空治窺司封議贈大

常議謚國有史家有誌哀之至榮之備公可以瞑目

矣唯是國無元老鄉失典刑悲公而及二公不能不

悼國運鄉運之赤石倍人酸辛先民所謂上為天下

惜而下以惜吾私也嗚呼哀哉尚

饗

維

萬曆三十八年歲次庚戌夏四月丙子朔越祭日已亥南昌府奉新縣知縣張司重謹以牲醴香帛之儀致祭於

明故大柱國大宰輔見翁蔡老先生老人靈柩前而言曰於惟地建岳峙天垂台星誕惟哲宰參兩縱橫性天冲夷心地粹精尼山標其骨骼匡廬毓其精英宇宙符其寬洪天地屬其經綸嗟嗟我公自貽哲命由筮仕以及宦成歷歷渾全粹行提闔文印鑑空衡平英雄盡已入穀鼎鉉尤屬元掄轄浙藩而冰玉比潔

怡雲堂

卷之八 祭文

三

操帶京而江淮澄清

帝曰俞哉命爾冢卿東三銓之符彩總九流之檢鏡冰壺借照玉尺爲衡噓筆下之化爐端日邊之雋英有夾袋以儲賢美囊錐之露穎倖門自此絕屐振驚從是充庭猶然妙觀無欲用冲不盈忽動平地神仙之想來覓洛社耆英之盟尋逸興於午橋覃元思於六經天下之尊可三香山之老添一身居綠野雖付作霖作雨之事於不問揆畱

皇眷則借重輝重潤之典以來詢共識山中之有相成羨天上之

思綸公之出也得乎道之任公之歸也得乎道之清公之生兮緣天下思名世公之壽兮爲

朝廷戀老臣懸車告老與世無營政植三槐於日蔭將揮五桂於雲初孰意中台告殞曾不百齡圯我國基誰師誰聽嗟哉我公今其已矣慨天民之景曜慕元老之芳聲天下方仰潞公之還朝詎意皇天之不一慙企台星而歎歎寧予一人之私情尚

饗

怡雲堂

卷之八 祭文

四

維

皇明萬曆三十八年歲次庚戌四月丙子朔越祭日

南昌府奉新縣縣丞張粵主簿童嘉典史李安
謹以牲醴香帛之儀致祭於

明故大柱國大宰輔見翁蔡老先生老大人靈柩前而言

曰猗歟天挺元老實篤精英神降申嶽瑞應傳星甫
當觀韶便識顧金筆能扛鼎腹庫九經蚤題淡墨餅
啖紅綾起家部秩端亮知名爰晉學憲校士八閩褒
陽水鏡信與並明拔十得五何足為評特搜淹滯嬰
餘識琴今掇高第竟致公卿凡屬品藻綿綿蜚聲既

怡雲堂

卷之八 祭文

五

濃桃李自澹宦情耽戀卽壑世味毛輕神龍突驤寧
終渚汀總臬於蜀鸞鳳祥刑左轄於越關西儼清擁
旌建業胃運甲兵韓范復起潢池寂驚旋總臺憲聲
蔚兩京天卿再二冢宰兩膺銓叙流品離渭別涇門
固非市心益如冰急流勇退馳驛還程化同彥方望
聞自矜澣衣其約旋馬其庭吟風弄月鄰架為屏駐
顏在德大藥奚憑謂宜永筭喬松比齡豈期國寶儻
爾韜精春不相杵市不嘔吟職等叨邑佐領慟失典
刑第瞻衮舄尚舊德馨千載而後還炳汗青羌踰大
壺壽享修齡名垂天壤位極人臣閭棺之日朝野震

驚生榮死哀存順歿寧更有詰嗣遺武克繩蘭孫美
秀定續簪纓為翁忉怛為翁忉忉明水旌信衛若將
誠誦此表些祇慰台靈鑒茲款款鞭風駕雲凜凜生
氣如見筵楹尚

饗

怡雲堂

卷之八 祭文

六

維

萬曆三十八年歲次庚戌四月丙子朔越祭日

南昌府奉新縣儒學署學事訓導侯廷樞陳家相謹

以牲醴香帛之儀致祭於

明故資德大夫太子少保吏部尚書見翁蔡老先生老大

人之靈而言曰嗚呼我公纓纆道德玉質金相兮樹

沅鴻駿哲宰文匠兮豫章信是多才鉉路接武兮疇

若公之懿鑠台閣傳芳兮當其提閭文印也桃李成

蹊掄棟梁兮把握正旌咸稟仰兮試觀閭儒相業邈

傳夫子之衣鉢兮迄今人文山斗巋然海南之重望

怡雲堂

卷之八 祭文

三

兮迨夫鴻遵渚以飛兮復起潞國還朝鳳覽德以下

兮旋晉姬公入相秉三銓而統鈞兮冰壺爲鏡羅萬

紳而澄叙兮玉尺爲量辟之大曜當空兮各自取照

隨清濁以激揚辟之大冶化爐兮因材鑄品咸得售

其所長明與良兮一德梧鳳嘉遇也聖與技兮並進

休容雅量也顧乃易祿兮轉念難畜隱然江湖兮兼

局廟廊天無私而好還兮欲留國老以勵勸雲無心

而出岫兮要覓煙霞以徜徉頌

溫旨於綠野兮獨荷

天恩之存問尋逸興於午橋兮共識山中之有相兼齒德

爵而全之天所獨厚兮希清任和而學之公所神王

兮卓哉江右四賢兮不數香山九老偉矣名世鍾鼎

兮永勒百代旂常嗚呼音容不可追兮予何能吊芳

魂於萬一兮行且議俎豆於鄉與先輩典刑相揖讓

兮行且議俎豆於廟與濂洛關閩從蒸嘗兮乃若追

謚進贈則懿典在

宸衷特筆大書則華表在史館紹關綵綸則世掌在鳳毛

九京有知兮迥然於焚黃尚

饗

怡雲堂

卷之八 祭文

六

維

萬曆三十九年歲次辛亥正月壬寅朔越祭日

年家眷晚侍生徐作熊惟學齊世臣羅朝國陳子貞

喻文偉鄧以誥張偲涂宗潘黎道炤劉日寧毛志尹

涂喬遷王士昌饒景暉熊宇奇魏時應羅相饒景耀

饒景暉劉一焜周著劉一燦萬建崑陳維春謹以香

帛庶饁之儀致祭於

明故太子太保吏部尚書見翁蔡老先生之靈曰里中耆

碩疇先我翁味澹聲希太和冲融粵若登朝至於總

已言為時謨動為國紀仕風之降出處始卑公一振

怡雲堂

卷之八 祭文

无

之超然幽棲千石之鐘巖巖箭簷大扣未彰人思韶

濩既而起家黃髮皓然人貌天行實具爾瞻於時群

才如渫不食鳳隱鴻冥時論太息公手一疏靡僭靡

遺虞門洞開憂鼎無私拔士於髦卒為耆舊收士於

毀蔚為國秀知人則哲在昔所難公也何操惟忱靡

艱惟公亮直展也終始道合則行不合則止百丈之

原山高石齒望之先民即之赤子爰自通籍誼不營

躬五十餘年素絲雍容樓臺無地廐庫逾空古曰希

文今也則公憶歲丙午覃恩孔厚帝咨元僚孰耆壽

耆公時大耋皇心顧懷莫不庶幾蒲輪其來曾未幾

何黠焉箕尾豈不老期與情未已公訃上聞宸旒其

咨凡百君子承凶涕洟況我粉榆能不痛切如同一

舟喪其維機我陳薄羞將以信辭此邦同然匪寓我

私尚

饗

怡雲堂

卷之八 祭文

三

維

萬曆三十八年歲次庚戌九月 朔越祭日

本邑儒學卷晚學生甘懋才鄧希禹徐文明徐長春

廖時和廖廷璋廖文光陳九州陳幼學徐尚賓廖文

龍趙時正陳其道陳其義廖邦英宋國賢廖興賓甘

懋親廖廷球廖邦新帥繼昌廖邦衡張大用徐嘉獎

宗國璋徐紹蘭徐文龍徐文輝陳天德譚國邦廖邦

濟鄧文璋鄧嘉猷陳其訓陳其詒甘懋修甘廷傑廖

邦瑞廖邦基陳其謀徐文琦陳其詒宋應昇帥繼科

徐文瑞甘維憲廖文顯譚國政徐文煥徐時春廖經

怡雲堂 卷之八 祭文 三

拔廖經詮廖文遂帥靈廖邦聘陳天言廖文梁廖文

桀帥其真徐應鯨帥繼芳陳其讚陳邦俊廖文純陳

國是陳天賦余曰先徐文正廖文衡余嘉紳徐此達

廖文禮陳其綸廖希文張洪謨徐養威甘廷讚陳天

真余曰時余嘉孟徐應鳴陳其典廖文領廖文郁趙

世祚廖希旦趙煥廖芳春余銘徐君聘余弘農蕭良

賢徐亮余卿廖文燦徐仕登廖文中朱之屏趙尚文

廖基文等謹以牲醴香帛庶饁之儀致祭於

明故大宰輔見翁蔡老先生老大人靈几前而言曰於戲

天有日星物產鳳麟地列嶽瀆世鍾鉅靈挺生我公

實篤精英勛名赫奕瑞我

皇明遯公積學淵海比溪胸藏二酉腹笥三墳遯公挾藻

憂玉敲金洛下紙貴董賈齊聲遯公釋褐龍躍騰擢

發硯南曹天工寅亮遯公督學衡鑑八閩手植桃李

悉登台鼎遯公再起藩臬總憲宮保冢卿穹階稀覯

遯公勲業中外悉隆勒彼鼎彝華夷望重遯公心曲

皎如白日光明洞達鳴謙貞吉遯公雅量千頃波濤

覲者心醉若飲醇醪遯公操履冰霜儼潔囊無贏鏹

籃鮮遺帛遯公鄉誼人荷覆翼建倉祛害更蠲協濟

遯公在告驛賜馳驅石溪林澗徐徐於於夷猶十載

怡雲堂 卷之八 祭文 三

朝野繫望前後臺薦凡數十上公曰崎嶇末路是謁

伊戒寵利老嚴止足既登大耋

聖主嘉嘆存問殊榮金幣璫璫正擬九如再召嚮熊儵然

乘化御氣以遊人孰不化草木同朽生榮死哀如公

幾有悲咤公卿上廛

九五宗伯視筮司空啟土吁嗟考終列在五福焜耀九原

懽瞑曷盛懋才等青衿後進葭莩末屬親德有年步

趨仰止科額泮額九鼎片言重雲巨庇荷公殊恩聞

訃遥奠義激當然非為醴酒匪圖綈繒贊校公評行

繪德馨千年俎豆彌久彌新川雲漠漠野風蕭蕭千

秋萬歲視此大招尚
饗

怡雲堂

卷之八 祭文

三

維

萬曆三十八年歲次庚戌仲夏月乙巳朔越祭日戊辰眷晚學生甘正願謹以牲醴香帛之儀致祭於

明故大柱國三朝元輔見翁蔡老先生老大人之靈曰惟

公洪鈞韞瑞石溪濬祥挺生元老扶乾爰陽諸卿列

街首大冢宰神京獨座疇不避左公位兼之赫然貴

極公德稱之宜綏遐福緬昔英齡才雄氣俠孰林吐

鳳神龍奮鬣驪首雲路策對天人羽儀熙世發軔南

刑晉分銓務督學八閩冰壺方潔水鏡同明拔十得

五繩繩蜚英起叅楚藩鮮澤旁皇徐總蜀憲鸞鳳刑

怡雲堂

卷之八 祭文

三

祥左轄全潮生祠肖潔秉鉞番都坐消鯨應譽望休

嘉旋貳冢宰南壯持衡天工寅亮繼陟冢卿銓叙嚴

明門可張羅振驚充庭

天子曰都亟加宮保勲勒鼎彝名垂霄壤公鑒止足銳情

考槃馳驛錦遊樂埒同朝枕石漱流尋花問柳杜門

績學書不抵府衣漣衣褐韭茹韭菹庭僅旋馬寒素

自如夷猶歲月遯繇大耋存問思列

皇心益眷勳榮中外逾三十稔游歷穹階人無異喙期公

百歲坐策杖朝胡欲正氣溘然一朝悠悠士論蓋棺

始定完名全節後先掩映屬續之晨朝野悽惻

九重震驚悼彼耆碩錫誼賜塋仍錄厥後哀榮具美存坊

兼耀願誼屬蔭草昔叨眷庇高山仰止徒切景企頃

絲國學承乏荆門歸聞仙逝涕淚沾巾儀刑伊邇綠

野非遥擬亟膏車未遂大招蘋藻馳奠用告

明靈為天下慟匪驕私情尚

饗

怡雲堂

卷之八 祭文

三五

明吏部尚書贈光祿大夫太子太保謚恭靖見麓蔡公墓誌銘

萬曆庚戌季春太宰見麓蔡公薨訃聞

上震悼下諸司議贈晉太子太保謚謚恭靖常祭外

特加祭二壇遣左中翰光斗營窆安之役

恩禮備隆士林榮之公子輔謂元標生平辱公教以銘見

委安敢辭公南昌奉新人蔡故邑名家曾祖名俯俯

生鎮鎮生熈是為公父兩世俱以公貴贈吏部尚書

代以素封積善聞而封公常言曰有子名世阿堵何

為公可五齡即能出奇語封公抱置諸膝益喜橫施

怡雲堂 卷之八 墓誌銘

五

年十二饒於庠已酉封公卒哭甚哀母李夫人諷曰

父言謂何而滅性耶公始收淚旦夕事太夫人益謹

而弟與妹太夫人情所鍾者必厭其欲當太夫人心

乙卯舉於鄉諸得雋者爭鼓吹歸里公單騎從間道

行矣明年第進士分宜召諸進士飲公齡少席與主

席隣分宜是日服蟒袍而色稍微酒闌詫諸進士曰

此袍蒙上賜於今十餘年矣諸進士噴噴相國儉德

公獨曰相公相業且併幃宇宙將不止是分宜咲曰

蔡先生言是遂有意羅致之門下公喻其旨多以病

注籍既請南得比部主事在諸生時常手爰書與經

義互相參研人爭舛咲之至是亭疑曲當諸胥莫能
難會有重獄議死者百人公傳比者十之七時南中
官材甚辦獨公以偉望領諸司轉南考功入閣得名
士數人亡何推閩督學至則嚴矩矱杜請託文必根
極理窟者乃收如原大學士李晉江今葉福清皆公
首拔者閩人方欲久借公而公以思大夫人故遂乞
致仕至家期年大夫人逃棲遲廿載丙戌始起家參
政備兵辰沅時湖北洞苗四起諸材官爭欲請兵公
至私忖曰此可計而撫也陰遣人持檄而定行之日
辰沅人尸祝之晉四川按察使繩墨理枉圜圖爲虛

怡雲堂

卷之八 墓誌銘

三七

進浙江右布政行之日胥奉錢金進公籍以似後人
亡何進左布政故事兵餉織造陰有所入公獨不名
一錢軍匠感德具朱大學士祠記中浙人日夜幸公
爲中丞而公乞休至丹陽轉操江都御史昔年晉左
副都御史協理院事吏部左右侍郎晉南吏部尚書
三年晉吏部尚書先是孫陳兩餘姚與內閣衡去張
新建在事意公梓里姻婭兩俱無猜公進退獨以已
意若不知有閹臣也者人方彈冠閹臣怏怏曰備在
帷幄進退不得關其謀國家置冢卿足矣何用閹臣
爲公度終不能得志果疏乞歸銓輔相阮海宇以爲

異子竊謂兩公雖無粉卷驪而各有當官念使公陰
陽其指海宇疑兩公以銓曹交市者不知其幾子故
曰二公兩相成也兩宮災及請立

東宮皆首諸臣力爭於諸廢置人才尤所汲汲自公與新
建角外後來者懲彼前覆無卑詞相激矣鄒子曰子
生也晚未甚諳國令甲然從掌故中思冢宰王西昌
蹇忠定王三原馬鈞川不可尚已嘉隆間時當更革
蒲坂稱烈焉子目觀者如宋歸德陸平湖孫陳兩餘
姚表表者也歸德尚法平湖善知人陳清而端有掣
肘者輒去孫淳龐大雅京察爲世傳誦元標自塵諸
司後常與諸君子欲少挽頽波志未竟遂一時表表
同志如王淄川教趙高邑南星顧無錫憲成孟新鄉
化鯉及諸君子十餘人並欲相諸冢卿挽世趨者至
司空而遜者再三憐才謂何人知冢卿重不知冢卿
無司臣默運於下如車無輪司臣無冢卿力持於上
如舟無柁後先不同皆

怡雲堂

卷之八 墓誌銘

三八

祖宗蔭植者久始得其用使不得安其位去冢卿蒼松勁
栢猶堪摧折各司如松栢方芽凌以霜雪持國柄者
亦大忍矣公之品與歸德平湖餘姚相伯仲而去更
速子因公去國并思及諸公輩有餘慟焉公初以刑

怡雲堂

卷之八 墓誌銘

元

部郎入計病幾殆夢前獲公生比者祖父爲公禱神
告曰骨視曾亞卿重當冠百僚公將薨先之月有神
降於里曰蔡公某月某日終時公方無恙人不信後
果然公生與逝豈偶然哉公貌豐昂藏自登第與吾
師廬山先生晚與郭相奎司馬俱莫逆口不譚學終
身趨操宿學辟易卒之日蕭然如寒士公諱國珍字
汝聘別號見蠶生嘉靖丁亥享年八十四母李氏妻
徐氏繼鄒氏俱封夫人子一輔有醇德號望蠶邑廩
庠入太學授中書娶廖侍御女復娶側室余氏輔子
四長若霖號紹菴邑廩恩廕府判娶趙氏次若梅號
經菴邑廩娶舒氏三夢麟號緒菴邑庠廩知府娶劉
氏幼夢鳳號繼菴由太學授同知娶季氏繼朱氏孫
三才中書娶胡氏孫女二一適余次適太學生胡惟
諫公所著有奏疏併溪山寄嘯怡雲堂涉筆諸詩歌
古文集藏於家塾寅山申向銘曰大江之西代有名
卿惟公繼起渾樸純誠筮仕白雲德惟好生驅車八
閩桃李敷榮瞻雲有懷強年乞休削跡廿載日與道
謀當宁求舊徵書隴頭楚蜀吳越威宣惠流言佐銓
司言司中臺皎皎特操肅肅風裁旋掌南銓公曰往
哉吾道斯南始願無乖帝念舊臣冢卿特命感恩思

怡雲堂

卷之八 墓誌銘

平

報惟公惟正如茅斯拔如水斯鏡登者遺佚汰者凌
競方枘圓鑿知我者稀學先辨幾累疏乞歸自公之
歸世運式微天地閉藏國事日非公雖去國逸駕誰
攀司馬居洛安石東山計公再出大庇人寰胡天不
慈淚落潺湲豈無偉望諧世多智獨公一德死而弗
易辟彼醇醪未飲先醉辟彼名嶽觀者難企猗歟我
公有德有庸臣德惟一主恩斯隆遙瞻玄宮氣鬱如
虹我銘公墓百世攸宗
萬曆辛亥歲孟冬月吉日
賜進士第奉政大夫南京刑部郎中前吏部員外郎奉
詔起用
特授吏科給事中通家鄉晚生吉水鄒元標頓首拜撰

明吏部尚書贈光祿大夫太子太保諡恭靖蔡公見
麓先生墓表

筠陽新吳雖南瑞二郡而蔡朱相去不及三舍而邇
吾鄉於見翁先生蔡公私淑自幼迨李宛陵叨公操
院優薦稱門下士嗣備員南臺公亦以太宰居南幸
朝夕承教是知公無如吾鄉者公於萬曆庚戌春季
捐館訃聞於

朝祭墓贈諡予全典

特加祭二壇公子輔奉公歸窆突得吉有期輔乞南臬鄒

公元標為銘其墓而以表隧道屬吾鄉抑其知忘其

怡雲堂

卷之八 墓表

四

俚也誼弗克諉當左侍御蒼嶼公光斗以中翰

命臨穴吾鄉走執紼兼執主道既五易臘負諾責於今羈

伺謚

旨耳公諱國珍字汝聘號見麓歸隱又號虬阿山人其先

世為閩崇安彭雲翔生二子長文蔚次文堅依母王

徙奉新石溪溪旁高樓蔡氏室虛無人蔚堅居之有

紫衣珠冠之祥母王卒塋金牛塘距石溪里許皆蔡

地姑冒蔡姓蔚堅日振其後蔚遷彭徙三坪無絕若

祖堅仍蔡示不忘厥自蔡代有世德邑稱素封名家

曾祖名俯俯生鎮鎮好善樂施余里梅仙道院三清

神像其所塑者鎮生燭是為公父厥善厥施彌恢先

志鎮燭兩世俱以公貴贈吏部尚書母李氏夫人實

生公公乳名曾壽英穎非常五齡就塾輒數百言了

了七歲對偶驚人燭喜抱置膝曰吾有此亢宗子安

用阿堵為往往折券市義公文據獨見不隨俗脂十

二廩於庠已酉當大比會贈公病晉扶視延醫祈天

願以身代贈公不祿幾於毀滅毋李夫人曰兒忘父

言耶始節哀寬母多方承惟知母鍾愛弟妹所處務

當厥心乙卯領鄉薦單騎歸弗逐隊耀里中人奇其

識丙辰第進士時分宜相國召飲服色闡蟒袍以儉

怡雲堂

卷之八 墓表

四

說諸進士僉唯唯以儉諛公獨謂相國當衣被天下

無美詞分宜器之欲羅致幕下公思厭染托養母請

南遷南北部公為諸生讀書問讀律儕輩訝之公筮

仕獻折平允若取幼學壯行者會曹縛盜囚七十餘

人當大辟公廉情而死其不寃者他悉生之公奏績

還病池河道上瀕危一夕夢所生因祖先代之籲天

一衣冠神告曰公眎曾亞卿體骨勝定位冠百僚遂

霍然起公譽聞日噪改主南銓事甲子應新例同考

試南場所拔盡名士旋推督學八閩肅師範端士習

尚文必心得尚行必身修凡權貴故知毫無昵揚矯

怡雲堂

卷之八 墓表

四三

袖舟次丹陽操江都御史之簡及矣

聖眷隆渥踰歲晉左副都御史協理院事左右侍郎南吏部尚書久之晉吏部尚書蓋張新建嘗欲引以相助而公別賢奸捐毀譽起廢三品之真稱衡鑑至請修省建

儲皆倡諸臣直行已志覺新建有後言公欲持銓體新建欲持相體嘆曰吾安敢違心負所學負吾

君誤國誤天下蒼生不得其職則去耳疏八上奉

旨賜馳驛歸林居十三年而全生全歸而臺章

上太宰議贈光祿大夫太子太保宗伯議祭葬如例差

怡雲堂

卷之八 墓表

四四

名臣特掇拾誌狀與所獨知者抒其意俾今法後傳云公之生化塋之抱負暨子姓婚媾備詳誌狀不復贅

明萬曆四十五年丁巳仲春之吉

賜進士第奉議大夫大理寺左寺丞前南監察御史巡按

直隸南光祿寺少卿署翰林院事眷門生高安朱吾

弼頓首拜撰

大冢宰見黻蔡先生挽詞

西湖南浦共榆枌錦水虎林兩侍君官佩紫荷趨鄭履書
題白練破羊裙春殘花洞藏鶯語人去芝田鶴失羣公論
蓋棺今始定卹恩光照馬陵墳

為愛尚書蔡子尼清風明鏡碧漣漪抽身未老乘黃鶴結
伴起開採紫芝徐孺亭前悲榻冷物華樓上嘆星移龍溪
日暮章江濶雨淡煙暝酒一卮

萬曆辛亥夏五五日友弟泰和郭子章撰并書

怡雲堂

卷之八 晚詞

置

哭見翁蔡老夫子四首

自君銜圖是朝野挹清風名似璫璣重心如日月公兩京
標赤幟八座謹彤弓方殺無千古旂常自鼎鍾

五月長安道憑鴻問起居三餐稱善飯一子更斑衣詎意
來函問翻成泣嶽壺夜臺知己少寒謬向誰據

勲業三朝重天官寵命專山濤甄別在毛玠法猶傳星向
南宮隕名看北斗懸無能酬國士涕淚迸鴻川

別來經六稷音問一年無猛擬歸趨省胡為事已殊星辰
沉永夜風雨黯新吳衰風歌空壯斯文已矣夫

維

怡雲堂


卷之八 詩

哭

皇明萬曆三十八年十二月河南都司通家眷晚生程雲

頓首拜

祭文卷之八終



蔡恭靖公雜編卷之九

重侄孫尚

祝初泉七十

寶鼎兒

太平開勝會氣回鶯谷無邊生意喜春到芳菲如舊念老去鬢顏漸異

南極夜來浮瑞氣東風門巷百花明嬌但願得歲歲長春共斟綠筭頻頻道喜

錦堂月

蓮葉巢龜芝園伏鹿曉來壽筵穠麗青鳥遙臨數顆瑞桃怡雲堂

卷之九 詞

爲贊漫誇他杖刻鵲形共羨你年躋亥字合五子蟾蜍願取首皓眉麗花下長醉

欣企椿應莊期桃符朔數祿以素封尤備福鼎熙恬揚州

控鶴堪擬豈獨羨陶猗齊賢更相誇喬松比齒合前

誦美宴設西池簫添東海堦前玉樹森植光紹箕裘三槐

五桂堪覲行看取朱紱承恩共歸來斑衣薦旨合前

自揣蒲柳餘姿草茅末品敢圖華封全祉瓦缶黃泥幸賴上天私庇叨前福已切冰兢迓後祥敢希川至合前

醉翁子

評議凡毫釐孰非可紀但五福純全如君鮮儷奇異歛福

定何因杯水膠舟只自疑合從今後看人物熙恬輝映無疑

漫憶論世事孰能盡美況濫竊純休莫知自始聽啟天眷豈虛生樛木從今葛自縻合前

饒僥令

晴花然露蕊細柳裊煙枝只見桑弧蓬矢俱生色春酒近南山作壽卮冲襟尋水石佳句似池塘但見酒氣花香常相引好景對隣翁且自怡

尾聲

衰年白日憐駒隙計上天不忘善類看取歲歲晴光轉綠

怡雲堂

卷之九 詞

二

賀

賀某新婚

西地錦

簾幙瑞煙籠單門闌喜氣飄飄禮行真薦梅初標合歡約在今朝

畫眉序

佳日會桃夭羅綺遙開似蓬島喜鵲橋牛女瑞氣縹緲都憑取紅葉情溪應不負藍橋音早合由來花月相宜處偏

稱百年歡笑

月苑沸秦簫花燭蘭房夜輝耀喜芙蓉並蒂竟成偕老早

誇處鳴鳳諧占却正是關雎叶調合前

清潘子

笙歌沸笙歌沸洞房春好夜景霽夜景霽金屏月晚想前
生赤繩緣繞襟期蘭萼同更風流才貌今夕佳期正須傾

倒

賀某入泮

黃鶯兒

芹水孤踪芸牋片影嘆十年勤苦幽懷耿耿時來到喜一
舉連翩雲路把文幟獨操其柄

棘院照文星聚群英入彀程文場鏖戰詞峰盛雲梯已成

怡雲堂

卷之九詞

三

蟾宮正清手攀仙桂天香淨氣噴麝鹿鳴宴罷早羨省元

榮
桃李嬌春城辨南宮摧俊英文光浮動朱衣瑩黃榜乍迎

藍袍正明看花上苑青馳騁氣噴嶸巒林宴罷爭羨殿元

榮

宮花嬌御酒馨際明時起一經得償素願吾何幸荷君恩

剝欲把勲業銘鐘鼎論人生須庇民尊主也須從此播芳

名

泥金報綠綬新慰高堂里開驚十年庭訓今纔應荷前休

應須有譽望光卿并論人生須褒親蔭祠也須從此播佳

聲

尾聲

雞窗牢落孤燈影喜今日詞林脫穎方顯得驚人在一鳴
方顯得驚人在一鳴

怡雲堂

卷之九詞

四

雜編卷之又九終

蔡恭靖公雜編卷之九

重侄孫尚才輯

與李九我書

門下資望並隆大拜非遠全浙疲竭尚期蓄意綏懷暫濟時艱以需特召區區之望有此謝私謹因使者以聞所未具者伏惟涵照不勝勤企

與李睢州書

遠辱誨函知已榮蒞爲慰小孫賴有傳檄病軀不艱於所行且辱豐貺小孫晚賤又不敢不拜言念厚德但著不忘於心而已何以爲喻敬此附復并謝所未悉者伏惟淵鑒

怡雲堂

卷之九 雜編

爲厚幸

與吳會甫

武林獲奉光霽殊解澗思且辱豐貺已不勝感久關奉訊人來復辱過念讀禮之中重有函賜遠逮自非義不遐遺何以至此遙對登嘉但著不忘於心而已良無以喻還朝有期言侍非久益切瞻矜敬此附謝萬一未盡鄙懷伏惟涵啓不任縉縉

與朱鑑塘

一日與李漸老在趙相公坐中談及應天撫臺缺渠謂劉芝陽實心任事本欲留因其書甚切故暫准所請繼之者

得如其人則蘊松積弊可除但所知唯翁及許敬老王洪老三人稱厥任今許敬老已他往而繼此者非翁不可此益慎簡而托重者恐欲知故附以告小孫病抵留都蒙翁賜之傳檄并以多儀爲惠愛及屋烏屋之感德尤深矣第不知屋何修而得此於門下也感何可言小孫病劇未嘗謂謝敢勒此狀少代九頓未卒所請尚容嗣布不一

與許敬庵

別去每切企想徒以紛冗未獲附問起居正用爲歎張鳳儀來乃蒙垂念兼以誨墨具悉葭梓至意不以遐遺感慰兼集昌維其已歲舊小孫病在上河蒙朱鑑翁賜之傳檄

怡雲堂

卷之九 雜編

二

并路費獲濟而歸小孫病未能謁謝幸門下移玉一爲道謝則生有大願矣聊瀆幸宥之勿罪荷荷

答于元時

生雖未獲識荆然往歲臨江美政善譽至今猶耿耿在人心目每用嚮德茲辱誨函既荷垂念且快素仰感慰兼集何以爲喻使者報命附言爲謝未卒所懷伏惟慈照不勝延俟

與李道甫

久關趨候每用爲歎容專圖之小孫因不能水土已告於大司成除改南矣第小孫病方劇不能赴告仰煩門下曲

賜照發則生拜賜弘矣切切望所未具者伏惟涵照不備

答張德允

前因孫立老見謝故未具揭中臺既有故事自宜遵用辱誨函具悉同人至意感可知也敬此附復并謝諸容祈叩不盡

與馮景貞

昨辱臨況感與忤并珍尚未能造候謹有不腆專人代上贖私甚菲薄亦體盛德故耳唯乞賜內不勝欣荷遲明容即詣見不一

怡雲堂

卷之九 雜編

三

與張濂演

憶自蠶叢獲奉起處今居諸復五易矣昨幸榮偕太倉非獨為國家得人慶而交知久闊藉此一得握聚豈非至願顧復不果祇增歎慨良無以喻某忝所不堪維賴門下酬德掄揚所致徒以衰殘無為又生息原少昨冬纔舉一曾孫而弱子及孫皆不能隨任以是時抱豐草長林之思唯計弱丈養尊故里諸所措注皆昔人分金問道故事又孫枝榮秀瑞藹庭堦而公論一定且將復起安石以為當世樹無窮之業視珍所得不啻多矣榮羨何如謹因令阮附候所不能托之子墨者統惟涵照不勝勤企

答林玉

六和一別數易居諸矣翹勤何能自己頃會涂孟吾文具道門下起居之詳并不遐遺至意感慰並集使來復勤過念不遠千里貺之教賜並厚此豈謬鄙所敢當第故舊之賜義不得辭勉顏登拜祇淚銘載三品奏績褒及二代誠念始者快事門下和璧磨瑩久而乃光復為彼諸當路所甄識其致此無難矣生當樂觀其盛也第恐相形榮賤將無妨之耶如何尚此附謝萬一稍冗不能悉及諸惟原照不一

答陳寶

怡雲堂

卷之九 雜編

四

江上幸得聯事治行循卓本宜優薦徒以拘於資體僅從甄獎方以為歎顧辱過念重之函貺遠及記存之厚為感可知第諸賜俱未登拜以是敬附使璧然盛情已心識之矣方命幸不為罪也允所未言伏惟臺照為厚幸

與陳餘姚

前因敝鄉中含熊維青係栢原熊公之蔭因貧甚告改南正苦缺難處而余中含又奏至該司因謂五府各司占不得中含缺中含改南却占了五府缺今無缺欲俱已之故尚未定奉大教後容詳查報命

答楊伯純

猥辱念故貺之多儀本非所敢當第見諸品皆出兵厨又誨函真切又不敢概却九頓登嘉祇深感忤焉此附謝諸容嗣布不一

與弟初泉

考醫經欠伸善伸數欠皆陽明胃經之症昨云茶能寒腎而欲服桂此必有所據非以人命嘗試而漫為之者幸一問之以廣我輩之虛無據莫以猫毛試火如何

全

嘗聞手足不仁往不知其解吾弟君子也而手作患焉患君子所以為不仁也此不可久卧以壅其氣但宜端坐調

怡雲堂

卷之九 雜編

五

息當關竅處常以手摩擦令溫則氣行而痛息矣何如

全

愚愛檀子文其曰晝居於內問其疾可也故嘗恐吾弟疾但昨聞布施是又不專為已而進德矣又豈止福利已耶繼是當無疾然亦當不晝居於內矣

既以與人己與有老氏書之

全

新語一篇求覽正有意而辭不足發願吾弟以其實際足之斯愛而傳矣

全

吾弟未七十時病在危急中已而頓起躋七十此長生不

老之徵也又二年今乃為賤生而賜之譽是非獨吾弟之慶而兄亦深慶之矣第宜兄張宴以慶長年顧饗及於兄不亦過矣乎先此志喜專容赴會唯吾弟解顏以待之若如例設看席則傷雅道矣幸賜免焉

與三原溫景文

任朝家之事貴在宏毅宏則能容毅則能耐斯有濟也近日翁丈於當事稍有齟齬即思高卧東山付理亂於不聞是不特主爵者不肯遽從所請且當多事之時臣義亦不得奉身而退願翁勉回尊志以濟時艱而畢斯義焉計特召亦不遠矣願之望之肅勒附使以復未卒所請伏惟涵

怡雲堂

卷之九 雜編

六

照尚容嗣布

與陳孟起

數月晉臺幸假維桑之故枉承教存真切生非無心者能忘德哉人來復辱函誨遠及具悉簪履至意不以遐遺感宜如何張燦嘗有奔走之勞於生其子荷收役足以酬之矣并此附謝使者報命玆言為謝未悉寸衷伏惟慈照諸容嗣布不一

答彭宜所

某辱在粉巷及與郭青螺兄為友聞服高風蓋矣獨以無從攀接每用為歎往蒙門下不棄兼之函教已悉盛情春

最吏來復辱念及寅誼重之瑤函珍幣遠相加詔此豈謫
鄙所足堪耶重違厚意恭對登嘉但有感溢心顏已耳何
以爲喻

與周明卿

往辱過與一別累稔不復攀奉顏詞祇積瞻戀生雖抵京
距貴治非邇末由一修起居之間更用爲歎顧荷門下過
念不遠數千里重之函貺禮意並厚曷克其承故人遠惠
義不敢辭對使拜登感溢心顏豈易云喻計春最已近員
缺將多榮陟當不遠矣惟日望之敬此附謝未卒所請伏
惟涵照爲厚幸

怡雲堂

卷之九 雜編

七

與趙應選

浙中幸得聯事獨辱教助爲多別來未稔起處正用爲念
故乃爲左右者所先策以多儀爲貺非不遐遺何以至此
雖諸惠皆却而葭梓有賜義不敢辭未及顯裁附謝不次
伏惟慈照爲厚幸

復李九我

珍賦歸來後雖見謂風移世變然不過群言淆亂蠶起如
訟焉耳不謂世所非有之事輒訟言加人又不特無兄之
盜婦翁之憾已也有識者唯仰屋而已聞待命於荒廟大
臣維谷乃至此猶爲國有體乎苟有世道慮者淚潸然墮

矣不知於盛明亦有累否相公於此猶能神閑氣定與故
人相聞問耳意氣辭說間曾無少幾微意此其海容河潤
益可考矣蓋雖無知希則貴之意然世不我知則委而去
之則亦自貴焉耳於世事復何惜哉第非所以語於天與
宋之際也如欲祚宋乎不能無相又不能旋生一異相非
圖舊人而任之曷以哉吾恐天一定而故劍之詔下矣誰
復得而厄之哉有識者日拭目而俟之矣珍辱積素又敢
求貺山中荒陋交不具祇劇感慙玆言附謝未既欲言
伏惟涵照區區之禱

與初泉

怡雲堂

卷之九 雜編

八

萬學博惠雙扇分一柄奉弟用備對菊時互換耳却超謂
謝元公史才皆盡余於此扇才非盡之者耶右白

雜編卷之九終

附刻雜編卷之十

孫家宰丕揚書

上側席老成計簡在即目何以上書北闕耶溫綸祇奉衆正開顏伏惟爲國自王

李相公廷機書

殘冬削牘並不腆之將託劉宮贊公計入記室惟時開上欲放不意遲留至今疏已百餘舍疏又無別策因念老師當年勇退機曾怨思其間尊志既堅遂得俞允今機亦步亦趨而瞠乎其後命也然此時不獨進退之難如孫老先生以特召出山赫然之望物情事體亦費調停所推所起

怡雲堂

卷之十書

間未能盡得此時漸遠之鴻視當車之驥勞逸遠矣卽十餘年來滄海桑田多少更變惟老師長生久視伴煙霞而侶喬彭此之爲福於人間世寧有兩也機獨處寂寥每思函丈遠因貴邑鴻便輒附起居筆舌難周統惟崇照

張相公位書

道義契濶葭梓情懸何日而不相關務冗音疎當悉此耿耿相照耳陋習頽風漸有轉易近日五六君子爭徑逞忿自相操戈醜態畢露公論俱不直之雖垂緡紳之體未必非朝廷之福也公其靜觀一捧腹乎芟蕪就坦世途可以遊矣公宜促裝以俟秉鈞之召也鳳樓之修頽需匠手醫

署廳事付諸後賢可矣舍姪承念併謝不一

馮叅政燧答書

容歲僅一修候冬來疊承翰存蓋自劉鴻臚之後而計吏來復拜重貺之錫感以愧集矣謝謝恭惟大宗師臺下天錫難老人倫所宗卽今盈庭聚訟如亂麻而屈指邁軸則必歸重於臺臺靈光獨存歸然物色之表近孫家宰計事甫畢具疏乞休祈父不聰諒在必去政恐磻溪之璜當於石溪覓之矣維是煢近已叨副閫憲在朝在野皆無從親炙之爲恨而所幸新除之道卽大宗師出山之道芳規良畫必有存者而更祈不吝指示是所謂問路於過山者耳

怡雲堂

卷之十書

二

計吏旋坐赴灣冗致此申謝不腆侑絨統惟臺茹臨楮不勝瞻仰翹企之至

又

三年馬帳虛負鉛槧之勞一旦驚喬謬廁承宣之末矧叨大地更屬舊遊惟是萍水悠悠恐莫慰夫并州竹馬豈意瑤函疊疊已再見夫高閣珠簾聊致荒筇用酬大雅尚圖嗣見以慰積悵不既

吳侍郎道南書

恭惟老先生三朝元老一德名臣曩秉銓衡而萬品群材藉陶鎔而取規範至不肖如甫猶得以粉榆之末世拜明

德此其為感真如載履高厚惟相忘於大造之中而已何可言喻東山重望縉紳仰之如喬嶽獨峙又如鴻冥九霄而不可即也天際真人明公之謂矣不肖南散局備員何闕進退第臣子之分惟命惟義菲盟之獨神不能勝魏闕之想是以未敢再疏唯是謨言在耳奉以為規日夜皇皇求不負明公之培植不我遐棄尚賴終成令親余君老於明經即不承教命尚當為梓里注念况辱命惓惓敢不勉副顧非躬親大拂本願余君自能達之丰標引望侍側何時不盡所懷唯遙瞻南極如挹祥光

孫繼皋啟

怡雲堂

卷之十啟

三

歸田且周一星老成典型每勤瞻慕所恨關河修阻無所從飛侍為耿耿耳金生來自仙里具言老先生閨門養威體固而神王飲吸步履殊不減少壯人不肖額手慶忭以為此天所篤以重社稷而幸蒼生書稱平格保乂豈虛也哉伏惟為國彌加葆蓄以慰輿望需憲乞為祝不肖久甘檇蔭更懼荼苦憤憤送日無可言於長者因風附狀聊聞積慙不敢具箋牘所希臺亮幸南極正明北斗在望臨楮不勝依依

又

金生來獲拜老先生臺翰無但仁人長者之言溫然有以

異於交道中悠悠之談書法天矯良亦不意大耋元臣尚此手筆也龍象之精神天寶駕之以瑞熙朝為寰宇靈光云上雅意求舊頃富平召矣側席之思詎不眷眷江之西有如蒲輪一日下太平之觀畢召之業其將睨千古也願言崇護以迓盛事以光銓席幸幸不肖政如債轅之積絕意春明久矣敢復有他心辱老先生垂念懇惻祇餘慙感典型在望夢寐堪尋難慰執鞭欣承削牘不肖臨風不勝瞻依

葉相公向高書

怡雲堂

卷之十書

四

敝門人張令行匆匆一函淚愧塵瀆乃辱臺臺注念誨之植之令之感亦不肖之感也頃令親徐生來更辱鼎翰情雅殷然猶不忘先世之誼捧誦循環惟有涕泣不肖濫叨非據心力俱窮困苦無聊呼天求去尚未得請也病卧中絕無他念惟以負先人之教與太師翁之期望為耿耿耳徐生建試已為告主者置之前列伏枕占謝併附不腆少引鄙私統祈亮存不勝悚息

李尚書汝華書

方今中外告匱巧婦難炊以不肖如華者佐計部之貳贊責者以指南知不能也進止莫裁不敢與聞部中事而來教周劉丁君敬聞命矣貴邑課額獨夥於諸郡此中士

大澤耳側耳德音不任延佇

裴侍郎應章書

臺旌入蜀因郵卒失報未獲顯承奉候一伸地主之敬乃此心迄今快快甚也頃從邸報中知榮擢雄藩卽伏枕呻吟中殊爲沾沾色喜顧復念老師以三朝耆碩德望巍然竊謂一登蒲輪更當不次超擢卽端揆阿衡可坐而致也奈何猶然循資薦序紆迴數四應章不知其解矣然巖廊鼎望蜚赫朝野內召當在旦夕方嶽旬宣決無復煩臺節之理也計此時前勦業蒞楚境謹顯承奉代負弩之役外具不腆敢獻之行庖爲從者犒伏惟臺照臨不勝瞻戀之至

怡雲堂

卷之十書

六

張問仁書

從戊辰之冬違師範以至於今亦濶焉不及候問以至於今罪將何以自逭日夕私念以爲老師一身出處繫世道重輕二十年遵養時晦而後應當寧寤寐之求出而屏翰蓋非君子之能用世世自能用君子也第世不知君子則已既知之矣宜破拘攣之見何復因仍資格使望歲之心不早慰於天下哉然帝眷旣隆輿情攸屬金鉉之擢玉燭之調直轉臆間事非特門牆之光慶實朝野之篤祐也旦日聞命曷勝雀躍專使起居薄展烏私統希慈照爲厚幸

陳所學啟

所學才品庸微學識荒疎奉職居官毫無樹立曩蒙臺國士知遇所爲破格噓植雖陽春秉令而吹萬之悅物不過也所學故曲轅下流得不大淪落則亦惟臺臺之云造在是時相忘於鑪錘之中罔知所德迨後浮沉塞上羈跡天末無繇覓便鴻通候而自量移還里兩番乞休不遂復覲顏爲八閩之遊曾與進賢饒憲長相約顯使起居竟以病苦侵尋塵冗紛糾遲之至於今有懷反側腸一日而九迴矣恭惟臺臺當代鉅人熙朝元老平世師爲儀刑狂瀾倚爲砥柱卽今逍遙卽壑鐘鼎山林而清風高標如鳳凰

怡雲堂

卷之十書

七

姜祭酒寶書

鄭靖州評來接鼎翰開緘三復荷愛念甚惓惓至於獎許之過其分則殊非淺劣所宜蒙也老年之人九疏乞休未遂方以科疏爲相知乃來諭不以爲然豈愛曾子者反在執燭童子之後耶翁自愛而不知然認愛則厚矣何以當惟門下定見定守迥出乎尋常諸凡措注施爲種種由道

義出之有餘裕東山久高卧今起家即稍晚世道方賴重而推崇第猶間關藩臬似非所以處賢者爾諒當超擢相補伊邇矧俟之鄭友在門下雖未觀其成乃其人非負德者既蒙培植一番譬則當春花木得雨露沾濡行自有欣欣向榮之機矣伴行迫遠冗草草未悉所欲言容嗣布伏惟堊亮時且冬令更祈爲道自愛茂膺休祉以慰仰私不宣

陳子貞啟

伏以聖世重銓衡茂簡首咨乎清聖臨軒求岳牧總揆實在於天卿惟才擅八斗之鉉斯位列六卿之選恭惟兩朝

怡雲堂

卷之十書

八

柱石舉南極北斗悉屬秉鈞廿載忠勤九武緯文經罔非最績蓋惟天生命世應五百之昌期用能身荷至知佩三千之禮樂茲者帝心簡在特昇冢卿官以天名真如水鑑無私舉物類妍姸悉由自照卿以銓別直似鴻鈞獨運凡群品淑慝盡屬栽培行且陋行儉之知人使岳牧夔龍蒸蒸皆有道之彥必將追山公之藻鑑凡附疏先後濟濟盡吉士之英蓋世道挽回之機而正氣復伸之會也某托桑梓之舊知己幸藉麻之有日親寵頒之新命淚懷芹獻之末由謹盥一尺之函少展九頓之敬伏祈道隨時泰慶與秩增廓連茹之途俾東箭南金投棄於幽遐者一朝盡登

於上國開衆正之門使勁羽駿足埋伏於閭閻者此時悉耀於熙朝則士慶彈冠不徒三德六德之英荷洪鈞之鑄造且世登有道將見億年萬年之曆享國祚於靈長統荷鴻庥曷勝雀躍

沈國良啟

伏以千尋在望風瞻斗極之光一劄見貽驚拜鼎彝之重顧九材思奮罔非借力於扶搖卽群品在銘實乃藉資於陶冶況南國尤爲咫尺而仁風更篤駁依祇具蟻忱聊充野獻恭惟熙朝龍輔畫省鴻儀彩筆生花瑞奪廬山之秀清標冠玉光凝彭澤之紋魏科早擬於鸞騰陪京遂膺於

怡雲堂

卷之十書

九

敷歷八閩校士兩浙宣猷玉尺高懸冰壺共凜迨總持風紀威稜守內無雙今銓鑑當樞鑒望銓曹第一百僚繼任以欽承多士彈冠而相慶驪黃牝牡暫資藻鑑於彤霄密勿樞機佇荷鹽梅於紫府如良者俊材無當弱植靡文涉世如鷄之托枝服官若魚之上竹幸蒙二天之庇先施一顧之榮芳華久捧雲端侈盈尺璧赫躋通宇下爲結寸心祇緣奔走馬牛以致潤疎魚鴈茲挹歷陽之勺薄采芹芽遙望天際之霞少紆悵惓蓬心不次淵量爲沍

趙秉忠啟

恭惟明公道凝真宰筦天樞百辟之瞻衆表文昌叶皇圖

九流之叙風清冰鑑彈指而傾屬衣冠月瑩冰壺題目而
汰澄軒冕二萬員之考覈較若衡懸六十案之科聯劃若
刃解故使白檀車却士移毛玠之貞黃紙帽高才照薛綜
之讓度豈浮沉可量恩寧嘆咲可窺某楚峽孤踪湘波委
蛻際鳳巢之會幸接鵬鵬戴鰲極之尊危深賀燕樂遇慶
叨乎金紫涓埃未啟乎圭玄螭陞奏敷恭聽幽明之命鶴
廳簿計祗當棄取之衡服裏奚補於七襄鑿錫自惟其三
視猥逢甄錄俾率典常便僥行寸朽已披丹蘄徘徊厲
序緘藻亦拂光華儻窺後效之分毫敢忘明德於萬一茲
者肅心卜日慚嫩黃絹之詞滌慮趨風覲于青萍之色伏

怡雲堂

卷之十書

十

祈恩垂末照惠潤餘波啟霜匣以吹鴻毛釋雲鑣而策驥
尾則揚環豈忘於雀躍孔印奚假於龜靈

翰林馮琦啟

某原非世資尚乘人之備員巡徼從事和戎乃緣九市之
成再承恩紀遂於三年之內兩晉官階人皆謂分量之已
逾職亦知陞遷之太驟終難稱塞遂至顛隤何期茹納於
台垣復見明揚於廷議上有知已何下吏之敢辭後無曠
官庶前愆之可補爰從下里出守南州治未效於烹鮮官
敢希於攬轡永言疇昔重爲關塞之遊拔自沉淪益識陶
垓之厚雲天在望覆載惟均既奉簡書敢違興寢願瞻素

隴當群黎凋瘵之餘聯接洮河正雜虜往來之路鴻鷹之
哀鳴載道犬羊之變詐多端猥以沉滯之才處此艱難之
任彌切守官之懼恐孤使過之仁敢不勉竭庸愚仰酬知
遇體朝廷之德意奉節廟之謨謀庶幾遠依槐棘之陰或
可近責桑榆之效

又

伏念某本以虛庸中遭棄置仰荷拂拭復在使令屬當秦
隴之間游值旱蝗之歲邊圉救荒之策未舉二三朝廷使
過之仁寧酬萬一敢微福於失馬之後寧望遷於得隴之
餘何期叙進之明恩謬及疎逖之下吏三更歲箭兩拜除

怡雲堂

卷之十書

士

書山川無改於昔游童服忽同於舊秩況小子既叨塵於
侍從乃早職後參列於維藩父子並陟榮途頂踵皆歸大
造念樞宸之簡命本銓宰之甄收於藩於宣盡是銜恩之
地蓋高蓋厚未知報德之年惟冀永耀台符茂膺帝眷鹽
梅勉冀治平長賴於獎調保障繭絲趨向尚煩於指示

徐大化啟

伏以帝賚忠良百辟仰儀刑之望天隆明德八荒開壽域
之祥喜溢縉紳光騰朝野恭惟乾坤毓秀蘆嶽鍾靈端朝
寧以佐雍熙群工祗肅秉銓衡而清海宇百度惟貞勛庸
已樹乎無前神釐自延於有求茲值貞元交會之候載臨

皇覽初度之辰瑞啟上清共喜長生泰籙星明南極同欣
寶度重華內則壽身以壽家外則壽民以壽國真逢五百
載之昌期茂履億萬年之泰運也某濫竽邀役跡絆荒陲
獻曝無從寄寸衷於三祝仰瞻徒切效歌咏於九成伏願
三壽作朋黃髮衍岡陵之算五福時欽彤庭依日月之光
介繁祉於無疆並大椿而難老職無任忭躍願頌之至

又元旦

伏以紫氣回春漢舉三朝之夢蒼靈秉序魯開五始之祥
慶洽乾坤先生帝里恭惟道符元化德合陰陽上撫百官
快起靈征泰運俯均四海願瞻衆際升階萬福攸同群情

怡雲堂

卷之十書

十一

協吉茲值履端佳令茂迓皇極新恩欣然九有歡騰燭
耀乎三台瑞藹用是鼓舞域中之和氣蓋以鋪張太上之
洪庥也某心應上台跡羈絕塞夙露渥澤欣同草木以叩
恩遙望繁祺敬肅衣冠而拜手伏願五福嚮用一德交孚
戰兢永膺拱太華其遠峙期頤多願炳星日以常懸職不
勝翹跂瞻仰之至

姜夔啟

伏以天生唐詒開萬世之太平人學聖賢接千年之統緒
大道何分於遐邇元成豈問乎知愚恭惟大恩師道合古
初心同太始承繼往開來之絕學發斯文吾道之源頭若

決江河如行天日指尼山而示正鵠有志者事竟成望矧
嶧以定皈依有爲者亦若是用是風聲播乎四遠數學徧
於中原以斯道覺斯民卽狂瞽顛蒙均歸陶鑄以天下爲
已任縱匹夫匹婦總屬哀矜文章與性道合而俱妙形神
問學與事功偕而兼該體用蓋舜文周孔既已得其先資
而濬洛關閩不暇驟其後乘矣伏念某江漢豎儒蘄黃晚
進抱一經而作業茫然斯道之津涯終三十以無聞渺矣
吾生之畔岸不得先知之要領誰爲後覺之典刑用此夢
寐師模趨亦趨而步亦步仰瞻道化見所見而聞所聞爰
修懇款之詞用表真忱之志伏願山藏海納俾造物之無

怡雲堂

卷之十書

十三

葉人雨化露滋見玄功之有生意某謹焚香南望九頻奉
啟以聞

朱錦啟 中秋

伏以免蟾有曜遶端正之昌期金水相生觀澄清之勝景
玉輪皎皎恍挹光儀銀界暉暉爭歌餘慶肅肅忱而將賞
遙望彩以騰惟恭惟元黃孕秀綿嶽呈祥執矩司天秉光
振世法輪映几四方却侵蔽之虞智劍當空萬里淨妖氛
之氣喜茲節屆素商人瞻皓魄八月三五夕古好攸同一
歲十二迴今宵絕勝廣庭素練眩冷影於人間大樹霓裳
嗟輕感於寓內高高臺上對銀闕而洗金觥何用酒移天

柱盈盈色中羅清觴而飛素瑟豈須絕駕雲梯瓊筵樂飲
不誇晏府之奇繡宇浩歌直揜庾樓之概耀金餅於節屋
實憑絃管之吹開徧玉燭於寰瀛如逢柱杖之引去某姚
水書生青田俗吏嚴明在望戴九極之星辰覆澤溪承沐
三秋之風露鏤思廉報但祝昇平弔德懷思欣逢令節翹
瞻四美之來并肅進一絲之下悃伏冀台尊俯垂鑒察

又九節

伏以清秋肅景爛斑翠錦之期令節揚休綽約黃花之會
登臨有慶翹引領以騰歡追賞偏宜喜彈冠而致頌恭惟
靈光誕秀齊岳凝華邇夷路之嘉禎抱神虛廓幹亨衢之

怡雲堂

卷之十書

十四

泰運敷政優游露潤汪淙與庚辛而沛澤霜威栗冽應無
射以麾符絲絮恩餘林總戴授衣之賜禾麻惠浹閭閻藉
築圖之功喜屆重陽各宜長久酒濃菊蕊露芳醴於四筵
頭揄萊萸簇華簪於一朵履危山而益勝誰云強興盡歡
酌佳節以無虞還覺壯心倚醉疎風冷而聆康翰之謨詞
稊餌粉餐笑劉郎之擲筆笙歌堂上不誇戲馬之臺雲厲
樓邊詎數龍山之會閨綵旗之熠煜都人席庇於昇平競
參釘之參差比屋承波於覆幬某樗櫟散材蟬蛻未品仰
二天之怙冒銀德鏤表邁九日之歲徒懷思動色羈縻薄
而靡皇執竿慙遠韓第之光貢蒼酒而是用將芹敬效漢

宮之祝伏冀台尊俯垂鑒察

連繼芳啟

伏以雲馳象輅潘東抱萬里之丹心星戴熊帷冀北捧一
輪之紅日白玉階前華渚爛星降虹流黃金殿下壽桃春
天長地久瞻龍飛之九五趨虎拜於三千環藩泉懼忭南
天僉曰萬年聖筭獨車旂躬親北闕詎云萬里君門難送
曉籌兩行劍履來青鳥雀開壽扇萬國珪璋捧赭袍舞蹈
隨從豹與螭偕群仙醉玉皇之琥珀羽儀幸接駕兼驚拂
兩袖香寶鼎之龍涎伏願進千秋之鑑近做唐齡賦九如
之詩遠宗周雅自此五百里侯五百里甸年年為大庭氏

怡雲堂

卷之十啟

十五

而來王八千歲春八千歲秋在在繼華封人而祝壽

李國卿啟

伏以偏邑操鉛托帡幪於夏屋洪鈞鼓鑄扇發育以春風
潤沃鯨波慙生鶯樹恭惟台臺人倫冠冕世道權衡藏疾
匿瑕量共海涵天覆滋枯植朽德同露濡日暉勸網紀以
式群寮懋保釐而康庶績締苓雞壘并儲參朮上筭垂臂
鼠肝咸圓鰲魚大化卽如謝朓之品亦荷特達之知延譽
烏臺錫榮鸞表駕乘進於驥園敢昧從來魚目附於珠倫
豈由自致雀啣莫展整戴徒殷勉立修名業已矢心後效
肅陳下悃尚期賜策前驅

褫衣冠凡在矜憐不無想望早職領視黃梅覽夔雄製厚
加賞嘆備見詢咨夔乃以本月初三日自新來謁見其規
畧超遠神情俊邁學窮源理絕名言九藤腴貝葉之書
石室蘭臺之秘漕渠禮樂邊海兵刑莫不併包胷中何異
運觀掌上况當機立斷智同照燭之明騰駕才鋒敏若承
蜩之易匡調大手經緯宏才國有斯人豈容擯落伏念平
職散材弱質溫竿栽培綰邑經時曾無補塞蚤夜惟忖其
在於今可以報稱顯造補緝愆尤俯仰圖維惟茲盛舉是
以謬托谷永救劉輔孔融薦禰衡之誼陳肝捧臆仰喙翹
最妄以才賢肩塵聽鑒仰冀台臺破拘攣之淺格馳域外
怡雲堂 卷之十 七

之朗觀畢采群情還夔舊物是吳公之薦賈誼復興於漢
姬旦之下白屋再起於今錫慶流光斷非細故方今時事
助勦群疑鼎沸正需雄俊弘濟艱難若使夔備馳下駟勤
力天家戡國端朝必多補益昔人有言不如一鴉職誠義
心迫激非有它腸但使夔見甄收為願斯足不敢復貪榮
勲巴蜀蕩寇平蠻也今當遠離畧陳固陋拜受惶感無任
顛隤

瞿九思啟 爲子甲建初
伏念九思猥受一廬之藉躬耕十畝歲輸僦石之租簞笠
鋤犁鷄豚桑柘群樵侶牧食煙雨以棲形鑿庸編門傍林

塘而繁迹布裳皆百結鶉鷩肩之上幾絲部屋僅三椽鹿
狎山中之野夢閒餘繫壤慶河清海晏之朝病起濡毫寫
歲稔民豐之句名姓固多惶愧頑頑於覆載之田間家門
豈但凋荒強飯於貧窮之世外閉戶已十年而齒牙入弗
問徒然賴竹樹之相知行年未五衰而毛髮若爲欺遽爾
罹雪霜之見如死灰迹熄累骨魂孤大造無私頒曆賜隱
淪之號溪仁靡際旌書蒙華袞之褒期淪骨以刊肌願整
身而廉節久懷葵結冀罄蒲超頃蒙設典垂恩收白草黃
壇之孝懸條舉例造蒼生赤子之天采輿論於道旁愛之
類加諸膝上合鄉評於月旦行之本出自胷中茂典崇新
怡雲堂 卷之十 六

高思浩謹伏念先子長子甲有生不幸孩提運門戶之多
艱乃父無良奔走值形骸之苦病黃口初離襁褓泣上征
鞍青天高望雲霓哀形奏牘走衡求展沅未既復駢衝驢
背之風塵向齊梁幽薊長驅屢跪乞螭頭之雨露賤兒激
切建章頭觸登聞天子聖明綸綽恩原誅發天門淚萬里
敢言通盆下之冤書世路險千岐惟有赴泉中之死骨幸
骸骸未盡荷八年之明詔矜憐其刺死能生皆十歲之孱
兒感格夢魂北拜父子南歸見墳墓邱園難信前時之耳
目對賓朋舊故全驚此日之軀骸筋骨兒銷肝腸肉裂傷
心拔血把病筆而常自題書表痛扶羸躡草蹠而仍懷伏

闕既叨名領第從計吏以偕行乃觸事興哀謝春官而不
試矢十年之勿用豈薄功名嗟一念之難知惟憑涕淚竟
嘔血數十升而歿實含悲十四載而終此雖云子道之常
情亦可謂人間之小孝死亡經歲月付哀憐於野水荒墓
步履隔門庭求面目於殘書斷札豈期特命錄兒童死孝
之表不謂殊頒起泉壤長枯之骨來風因而定論教人遂
爾成規俎豆公恩許濫厠春秋二食志乘史筆令大書節
孝斯人草木風行豚魚化洽聲布東西南北卽期共孝起
於多方敬傳卽卽卽襄不獨可風移於十郡舉一人而教
成百代借半語而行闢千秋此事至榮何家匪法白楊碑

怡雲堂

卷之十

九

揭地從今淚歇山前元壤草生煙自此玉華地下死知有
骨敢辭肉以啣麻報憾無階但剔肝而飲血卽使草生蔓
結皆終爲元邈之空談願言子祝孫祠聊藉作涓埃之後
報心如不信剖亦非難佛借白蓮花願開作感恩之字水
煩碧玉潤冀瀉成懷德之波用此告人賴茲傳世九思當
覈糧西嚮天門磨日觀之峰買棹東浮鴈蕩洗龍湫之石
求礫青石覓洞朱靈記今年此事之高恩豫蓄武夷健筆
勒當代斯文之重託博求剡水長箋語謝雕文意尊御惠
茲者舸車鎖岸欲投籤告南境之波人帆席乘風願仰喙
叩東閩之候尉懼而未敢愧乃彌增謹分守明農向郭拜

巖堂之肅範敬筵題獻說叩頭干法座之明威

又謝啟

伏念九思罪滋江河慚增邱垤試陳往事不無肝膽猶酸
遂記當年敢望髮膚無恙雷霆走波浪宵飛家何有乎
屋廬隴詎知乎墳墓人皆淚墮衆共魂銷顧影傷身隨行
惻步草木起而飲恨星辰慘以無輝所幸生男寢當長髮
伶仃去國玉呼號盆下之天哭泣排闥數搥擊闕前之鼓
煩冤吐字哀憤裁詩甚至以頸血濺裾或復以頭顱觸地
侯門涕泗指日心肝奔走累年凍餒殘而肉敗馳驅萬里
霜露積以神焦食少脾乾哀多血涸卒致精銷營衛遂因

怡雲堂

卷之十

十

病入膏肓百死分形九原歸命此不幸人倫之變亦非爲
子道之難既自蓋棺想亦瞑目何鄉里之懷隱痛因口舌
而出公心瀆冒臺門請求祠宇不意嘆生名死孝齊以華
言遂許方地義天經錫之異額既許以齊驅李杜復旌爲
並駕班楊樹數尺之棖題構十椽之戶牖光分日月榮戴
山川澧芷湘蘭草樹從茲未毀匡廬破額土苴自此皆春
淚淡公恩死生帝澤仰窺德意實傷晚季之頽風淚涸
衷欲反淳龐之古道陰陽感勸虛實箴規郡國回心負擔
親供爇之米閭閻輦響彌郊生哭第之林孝悌薰蒸家庭
沐浴鵝巢當戶樹母老長依燕寢傍人門難成不遠皆表

立影從之化屬風行草偃之功負虎驅蝗徒誇小政歌麟
頌崔安比休聲瞿甲名註夜臺緩頰恩溪十地九思生逢
盛代啣環字滿千言真願同漢世之楊公自此作楊家之
黃雀奕世金貂玉葉兩間鈇鉞形旂匡西北之未完贊來
堯業補東南之不足修飾禹功平地成天登樞東軸九思
惟逃潛下屋卧煙雨而著荷衣但瞻仰高天禮雲霞而瞻
袞職含哺賄社賽鼓揚謳頃綠感激之相攻溪愧披宣之
莫既每遙對雙峰南望一淚千秋更遠從三楚西攀合門
百口焚香作樹敬獻聞天帝皇穹躡躡登途敢告語津人
候吏鐫言奉紙拜頌鳴庭願剖骨爲塵藉休風而颺之憲

怡雲堂

卷之十 啟

主

座仍磨心作汁附甘澍以浥此旌車浩浩江溪百歲千秋
比德巍巍嶽大千嶽萬壑齊思

恩揀選啟

伏以偉望日隆官人宏新標之典徽猷風茂皇家廣羅網
之條惟識會既優斯鳳麟之必得而寬大是布亦對非之
不遺寰宇拭觀纓弁忭蹈恭惟盛世宗工熙朝碩輔崇臨
宰秩周官總六叙之尊峻陟銓廷漢制表諸司之上耀文
昌於品藻天府高華嚴甄別於機樞仙班馥郁風清閭闔
憑日月以提衡春滿省垣上星辰而聽履某鉛槧庸流章
縫末學兩謬叨乎乙榜竟踟躕於公車家壁四懸椿萱八

褒願振廣文之教鐸只圖本省之盤飧計冷官無擇乎炎
途念首領便供乎菽水匪敢仰攀桑梓而竊附葭莩惟祈
加意草茅而留情寒畯從今日榮沾一命皆台臺惠渥二
天肅叩愚衷希垂慈察

姜參政啟 都院

伏以三微成朔條風布煖於寰中四始開辰太陽散輝於
寓內遠邇胥慶大小咸熙恭惟應二儀之中和總九德之
純懿操持獨上矯矯如半天朱霞蘊蓄無涯恢恢若浮空
巨海祥雲鈴閣行瞻命自天來化雨芳郊喜見膏從地發
風欽北斗今倚南枝風雲霄漢之扶携企望如歲月旦陽

怡雲堂

卷之十 啟

三

春之賞許覆庇猶天萬福攸同常爲萬邦之憲百順駢集
永樹百辟之儀

屠隆啟

青陽布令羣芳含氣於木公白帝乘秋萬寶告成於金母
吐納靈潮屬神龍之變化酌量元氣在斗極之平衡大鵬
鼓垂天之翼必借力於風雲八駿騁逐電之蹄亦取資於
銜轡都人士之意氣騁張寧逃主者子大夫之文章鵲起
爾何能爲走造化於筆端片言寵辱握星辰於掌上萬里
升沉之玉之石一顧盼而已分爲龍爲蛇不斯須而遂定
揚之則昂藏於霄漢抑之則淪落於泥塗似此鈞衡之司

可忘水木之自恭惟西江鉅儒南宮清德目分蒼素口辨
溜灑身登泰岱望匹練於吳門劍落豐城指雙龍於牛斗
象罔之求元珠去契詒離朱之迹伯樂之相神馬觀存亡
滅沒之機九江土廣設天網以該賢六幕塵清頓八絃而
掩雋所謂梁棟奇材不見遺於寸朽是以垂魚薄技得自
素於大方提之汨沒起迹羊承之間出之風塵共赴雲龍
之會雖甚盛德茂以加諸何以報之如彼罔極

李國祥啟

伏以望重三銓定九流之品格譽隆專鏡通四選之權衡
持己介乎無私引士浩然歸重宜居機密弘庇粉榆恭惟

怡雲堂

卷之十 教

三

閣下百丈植根九派濯秀才名帖如河海德望皎若日星
自登龍虎上游輒驟驛驛馳驅執覓佳海岱盡省稱明雅以
邁時林績旬宣紫微著威惠以軼世掃江氛於開府屹然
萬里長城絕蹊李於式銓卓矣一輪朗鑑故坐鎮雅俗清
高久著於晉都乃入領題才平允新稱於文部卽山簪連
天之峻汚水澄徹底之清舉扇一揮屏一路之豺狼張網
四面羅四方之麟鳳無滯才於天下不求備於寰中歸美
同聲簡在獨注秩將近於玉鼎名已覆於金甌某職列下
風品同小器分符得郡愧莫效於一籌奏績及期懼難益
乎百醜但向得託安於萬厦卽今猶借覆於二天卯翼不

自他門頂踵實非已物用題尺素於下走聊布寸丹於中
涓是願汪海疎節惟寬益賴層雲庥蔭是廣

又

喉舌登賢先任共嗟已盼銓衡典劇後遷同擬將超瞻卽
山岌岌連天映汚水澄澄徹底墨書奸照孤寒鮮感願於
無援金鏡寵來雅素多旋冠於有託方省眼以別藻指席
面於顛槐某曩榮望履謬從一面以金蘭比辱報章喜自
三遇而珠玉知止談乎風月禁巫叙乎寒暄實仰清名非
甘疎節乃守茲疲郡愧莫效於一籌而最以上官倖有奏
於三歲逢故交司績或寬細節之圓念下品共官端垂長
怡雲堂

卷之十 教

廿

陳大道啟

伏以鑑秉仙臺偉望並高於北斗衡提大府崇階獨峻於
南都永儀百辟之刑大副九重之眷門牆席庇而廟增輝
恭惟方今元老自古真儒道脉接西山振起傳家衣鉢功
勛繩學士敬承奕世箕裘力持平反之公明五刑而弼五
教洞燭幽明之隱綜群吏以報群心彰軌八閭多士起菁
莪之頌維藩三楚庶民興江漢之歌蜀凜廉訪之嚴霜浙

濡承宣之湛露風清獨座潛消江海之氛雷赫中司隱伏
山林之猛文藻增光於皓月共推中立居唐甄收咸育於
蒼天舉羨山公在晉百代殊絕人物宜尊八座之先三朝
僅見名臣堪冠六卿之右行趨紫閣立耀丹霄某幸坐春
風沃沾化雨嘗思則效以稱民牧不負明時竟阻型範而
廢官常敢云循吏上辜君命下負師恩竊念計典森嚴定
擬黜幽之例詎期寵靈榮藉終從使過之條遙望龍光徒
切葵寅於鼎鉉敬修魚素少申芹曝於賁箋

林元禎啟比部

久欽鳳彩每馳快觀之思近接龍門式遂爲御之願曷言

怡雲堂

卷之十啟

五

踴躍彌切瞻依乃辱高情俯垂眷念管蒯是錄膠漆見投
才逢華蓋之傾卽勞珠履之倒顧慚蘭茸何以欽承從此
願依玉樹之輝求奉金蘭之契昨偶燭免首少候鸞音方
懇貽佳客之羞詎敢辱華詞之謝山徑碧桃初開荒榭白
雲未掃足下能更攜琴枉顧不佞當卽擁琴奉迎

劉仕義啟

伏以振肅人群朝廷隆藩臬之選糾廉族類國家簡風紀
之司鼎任胥賴元賢魏階允歸碩望恭惟丰裁特立醞藉
風成毓俊八閩紅玉絢荆嶽之美磨鋒三秀碧鐔朗霜匣
之光風雲際會於熙朝甲第崢嶸於昭代計遭選妙帝柱

晉丹臺省宣猷乾緯呈瑞廼者佩九重之嚴命綰兩浙之
司符奉天憲而維風丕嚴旌別宣明威而勅法大振激揚
行見大明中天江海氛侵盡滌迅霆震地却原豺虎溪蕞
風度婉美於埋輪英毅聯休於破柱某叨守一方祇輸寸
赤斗山在望葵藿輿懷告虔爰展寸函遣賀特顯下吏颺
言致頌敢效蛙鳴稽首承禧惟深雀躍

支大綸啟元旦

伏以北斗帝車轉靈暉於蒼陸東郊鸞輅布盛德於青陽
慶集夔龍恩先旦輿恭惟師翁閣下乾坤間氣社稷元勳
褒理功高迓陽春而有脚寵綏恩厚應泰運以無疆百順

怡雲堂

卷之十啟

六

從心三靈孚佑觀舒長之化日永綿鳳曆於萬年仰燦爛
之卿雲鼓鐸鴻鈞於四海某職司輪轡心戀門牆敢輸葵
藿之誠遙上梅萼之祝伏冀調和元鼎同三壽以作朋翼
贊新圖獨一人於無數

徐榛啟孫江

卿月騰輝廟廟重分猷之寄臺星炯照江淮雄肆靖之風
樹畿輔之干城肇東南之鎖鑰恭惟星鍾說德嶽誕申賢
文豪百代統稱名世宗工才振八絃瑞應昌期耆碩惟宵
旰廑番都爲心腹故節鉞專外閭於襟喉十萬甲兵富於
尊俎半壁天下藏諸運籌潢池赤子業已措於綏安巨敵

綠林勢自窮於撲滅舟師破浪絕島之蛟蜃潛踪水卒凌
波遠喚之鯨鯢屏喙烽煙載息和風與碧漢同清刁斗不
鳴夜月並澄江共皎擬勒鴻勳於曩鼎允光駿業於麟圖
某職叨外郡集垣分秉中臺節制望雲霄而展素耿懸獻
曝之象仰台斗以抒丹冀整傾葵之願

張應泰入簾

伏以雲五成以絢日載暗光華士三捷而趨風局名踴躍
恭惟緼九苞之采表八索之奇詞鑒當懸一顧驂驩長價
平衡在握片言豪傑歸心總道術之殊流作文章之司命
幸茲藉手助我揚觴敬緣棘闈之初開夙戒桂醕以始事

柏雲堂

卷之十

七

七十郡英雄入彀惟待明公幾千年文運中天正逢此日
曾光魯啟

伏以漢闕春回久注東山之望程門地迴頻懸北斗之瞻
忝廁藥儲懸疏芹獻恭惟老師道貫天人身馮日月淵源
家學契玄旨於二南蔚起科名擅奇英於三鳳海內推為
第一流人物世間知是十八士瀛洲皆司馬相公走卒亦
識今歐陽夫子何處得來文章重百二之關河品藻收三
千之桃李先分寶燭名覆金甌佇上清心寡慾之謨行看
旋乾轉坤之績者也門生某自明櫟櫟濫荷栽培憶都下
趨瞻情傾立雪奈天涯淪落心嗟遡風淚負知己之恩敢

忘國士之報第傷弓孤鳥須借翼以冲霄彼酒轍鮒魚寧
忘情於縱壑迢迢遠樹耿耿寸衷茲者肅具清楫用旌下
臆伏乞大賜優容俯垂照鑒

徐榛啟提學

伏以道啟昌期萬里愜風雲之會帝隆文治九重咨模範
之賢樹物表之型模動區中之踴躍恭惟天中踴望北斗
駿名振藻語於詞峯丹霄絢采探驪珠於藐海碧漢揚清
爰稽昭代之羽儀來作斯文之領袖命造化於毫端袞袞
無心寵辱握星辰於掌上玄黃隨手升沉之玉之石拆毫
芒於色澤之餘為駉駉為駉駉駉駉駉駉駉駉駉駉駉駉

怡雲堂

卷之十

六

組綬分榮一本一介凡材叨五兵末屬昔景台光親沾濡
乎化雨近承曜庇思厭飲於恩河遙觀前旌莫躬攀擁抵
申竿牘聊代受驅

陳濂啟

伏以閩海持衡化雨潤沾乎桃李北堂遺愛秋風卷戀乎
萱枝凡在帡幪悉懷景仰恭惟名魁兩榜望重八埏正氣
百丈寒松澄心一潭秋月金陵借重藻鑑高懸汗血霜蹄
索之牝牡驪黃之外祥麟瑞鳳不離規矩準繩之中士習
還淳人文丕著望雲心切爰開燕喜之堂愛日情淚時效
斑斕之舞化成模範龍顏之喜色雖殷詩味夢我鶴髮之

慈親難別菽水厯念梓里言旋某自惟樸邁之資久藉栽培之力念仙里之天懸時傾斗仰憶龍門之地遠莫罄片忱伏願承歡養志移孝顯忠勉力加餐竚聽榮封台鼎愛身爲國徐看調燮鈞衡

盛周喜蔡見麓遇夜坐詩云南浦停車暝色催故人相見且啣杯月明何處吹長笛落盡空山幾樹梅

按周字文郁秀水人嘉靖癸丑進士除知浦城縣入爲刑部主事歷郎中出知東昌府又詩話載太守少從王龍溪遊與沈先生靖夫講學於聞潮書院遺址在梅家蕩水中央至今其子姓猶聚族於斯其報最

怡雲堂

卷之十

元

日忤分宜父子不得臺諫益莊士也

明詩錄

大冢宰蔡見麓先生初視閩學首錄葉臺山貢首李九我聞中闕然謂失當後李領解會兩元以第二人成進士與葉俱陝首輔臺山尤久相持進太師爲顧命元老乃知衡文甲乙早從文字中識其生平也

笑騰

蔡冢宰初號吳山後改見麓晚又號虬阿賦性廉介素履皜然居恒講求性命經濟之學宦成歸里杜門却掃歌咏林泉足不入市城當道鮮有識其面者非奉上諭存問及門生稟請不敢輕造其廬也凡慶賀諸公祖父母紅帖外書一小正字內夾條簽書名不粘則本等大字蓋帖外正

字小者相所與之人爲資格以省其換帖也先輩之尚樸以存古風者如此

同上

怡雲堂

卷之十 雜

冊

附刻卷之十終

併附

重侄尚才輯

望麓與姜養冲學政啟

伏以聖代掄才溪慶遭逢之偶儒宗秉鑑大昭汲引之公
惟是從龍從虎之先資不謂采葑采菲之下及士誠吐氣
瞻天伏以鳬趨吏盡傾心睇星軺而雀躍恭惟學典際天
文章散漢得三光五岳未分之氣務養其原讀八索九邱
以來之書莫窮所學道為世表覺在民先既典銓以甄流
載提衡而造士冰壺晃朗指開菽苑之迷途木鐸琳琅喚
醒儒林之劫夢仙凡異品翬飛藉五色之丹駉駉成群盼
怡雲堂

卷之十啟

主

錦長千金之價生員嶠而把釣會學六轡望阿閣以來巢
道低三鳳想下里折楊之調難溷齊竽計中原正始之音
聿還大雅匡廬結秀彭蠡迴瀾旌節戒途淑氣冲斗牛之
次壁奎燭地清光浮翼軫之墟蕭仙飛爽氣以承軒江女
浮陽侯而侍駕輔奈跡拘白谷難接袂以赴賀班徒魂遠
朱輪謹投箋而宣慶語告虔之念稍布贊喜之私難酬願
展黼猷長贊菁莪大化祈榮環召薦躋槐棘崇班

望麓與李雲劬邑宰啟

伏以霞橫岐嶺光搖花樹於河陽雲潤馮川影落鰲輪於
單父醉我一壺玉噓人千里春恭惟身負駿聲家傳鴻緒

過目不再真讀五車之書落紙可驚倒傾三峽之水乃所
學皆周孔之學要不在乎語言文字之工謂此心即堯舜
之心自可寄以社稷人民之重昔窺畫諾備極撫摩不妨
如斗之區正賴成風之乃下車而問疾苦預知敝邑之有
廖攬轡而志澄清竊與斯民而相賀輔溪慚迂謬久幸退
藏徒與老農共負耒耜為氓之喜愧無宿學辱過門問字之
勤緒長不盡八行羽弱奚從九頓

望麓上姜大司成啟

伏以天上奎星祥光臨照於頽壁人間兵宰風規模楷於
圉橋日汲仰斗之思將藉垂雲之庇趨承無地景慕有懷
怡雲堂

卷之十啟

世

恭惟王道正斯文先覺胸中分蘊藉才範錦軸之藏筆
下宮商富大呂黃鐘之奏崇名齊於泰岱後學守為著龜
衡鑒人倫采參苓以資藥物陶成士類羅麟鳳以瑞邦家
約禮博文誘人既善達材成德育物有方滌士習之澆漓
挽人心於樸茂春風化雨不居潤澤之功綠李紅桃悉仰
栽培之德排異端於五教移風在俎豆之間崇正學於六
經相士超流俗之外輔風棠樾蔭深愧樗庸彼大鈞無垠
想不吝曲成之陶冶而寸心千里固未為遠去於門牆引
領堦墀撫心冰谷

紹庵上澗撫啟

伏以宸衷夢卜寄耳目於重臣碩輔甄收擴聰明於屬吏
豈期駕下之品濫叨翦拂之榮祇切冰兢疇能瓊報恭惟
道存化育業富經綸盛德流行速置郵而聲色不動至仁
渾噩淪肌髓而擬議難名執公平正大權衡擴河海瑾瑜
度量美集借色盡屬譽髦桃李爭妍無非時彥飾駘足以
金鑣追踪仙鹿藏魚目於寶匱並價靈蛇霧徒藉先資獲
沾世祿小人屬饜而已非惡此而逃之大鈞坱圠無垠果
何修而得此甄陶有自負乘惟慚諸侯薦人與之諸侯固
無此事國士遇我報以國士當屬乃心包荒得尚於中行
采葑不嫌於下體青龍噓煖均沾造物之仁黃雀懷恩未
怡雲堂 卷之十 啟 世

結叩環之願

繼庵賀范公祖啟

伏以黃綬新膺萬姓待仁風之化朱幡初駕八屬仰德露
之濡辭西省之仙曹高騫鳳翼守南昌之故郡小試牛刀
分竊子民望欽台斗恭惟白嶽名流紫陽傑士金闕通籍
旋徵吉夢於皆頭粉署祥刑徧頌陽春於有脚題漢庭之
姓字風流誰繼田郎續晉代之微言名理人推樂令緬惟
洪都夙稱齊土往大禘之凋疲尚未盡起茲頻年之旱潦
頗復相仍望歲者閑閑而盼雲霓待哺者嗷嗷而呼庚癸
帝念二千石之任於民最親衆選廿五星之英得君爲重

遂使斗牛之野真人叶卜於太邱豫章之庭禮士再瞻於
仲舉去幃帷而行部應俾草木知名宣德意而布詩當今
蠹蝗遁跡彼撫字催科既不憚勞而諱拙則昔襦今袴自
將以有而易無雖曰一郡得賢寔爲萬物吐氣鳳身非徐
稷夙承下榻之知識讓任棠媿乏當門之諷徒以竊升斗
之祿蓄雉一樊乃未奉咫尺之書遺魚千里視騎竹以惟
迎者已有惡矣卽鞭蒲以示罰也可勝誅乎茲假便郵聊
申積悃故鄉無際地雖遠隔馬牛大厦可依心實慶同燕
雀仰惟電照曷任冰兢

緒庵賀王撫臺啟

怡雲堂 卷之十 啟 世

伏以點絳之瑞液臘雪流膏回煖谷之嘉生祥風布惠
知栢臺已大開春脚得驛梅遂遠寄雲頭恭惟德合一元
體備四氣敷宣雅化允矣振紀肅綱佐理陰陽暢然民安
物阜在在如遊化國人人似躋春臺麟忻邁熙辰猥叨厚
植嶺嶠氣淨挹秀色於西山章貢波恬酌清流於南浦借
泰律以開景運偕草木而被春嘯栢葉椒花切擬捧觴作
頌葵心匏繫無從恭鞠朝庖伏願瑞叶五雲丕振台衡之
業譽隆八座允符地天之交率爾申儀句祈丙照

翠軒別范太守啟

恭惟文章名世一字燦於珠璣治行冠時八城奉爲龜鑑

一琴至止五袴懽如兩袖風清千門春藹前召後杜吾於
明公見之左禹右皋是特分內事耳時方期乎霖雨公乃
抗乎浮雲信知士夫進退之艱獨得古人出處之大高標
岳峙素履淵澄然杖履東山之風爲先生則甚高矣而升
斗西江之水如細民之失望何緬昔棠陰愧茲芹獻聊申
尺素稍軀寸丹

怡雲堂

卷之十 敬

廿五

併附刻卷之十終

又附

左侍御光斗與望麓書

國家不乏冢卿亦歲不乏諭莖者乃如清風高節生死榮
哀而小臣祇奉簡書以襄大事則此典匪以重人乃以人
重矣門下忠厚承家清貞絕俗而令孫益以溫文質直之
度丕承之君家受享政未有量此蓋太老先生功在社稷
故履厚其旋而德食舊氏天人之際豈誣哉不佞屬在通
家不勝津津樂道非直企仰私心亦欲傳之後來以見賢
者必昌必世於以微顯道而勸懲行不朽耳別教獎借過
殷非所克荷然敢不珍藏之以仰副明德佳貺遠及跼蹐
無地勉登附謝不任慙慙

怡雲堂

卷之十 書

廿六

又

今日之事君事也使臣何德之有而門下德之不去口何
也此在門下自爲德厚耳使臣終何敢任受德焉惟是私
祝於門下者世德世福亦自有一念鄙悰門下儻以不辱
命故不督過之俾得附通家末世世講好毋忘今日之事
則所願耳承惠尊太翁狀志珍以什襲雖無老成尚有典
刑此之謂也佳章清新俊逸兼長庚鮑尊太翁事業行且
再見捧讀曷勝慰藉并謝教不一

魏時應與望麓書

文駕自南雍歸既成齒胃之禮復承家慶之歡辱在通家
極爲踴躍顧以避影山樊缺焉問訊報承華箋見念不佞
祇自慚其疎節矣鳬鴈行藏具白尊太翁楮中詢使知元
孫風氣日上尤爲欣暢山中草復不莊唯蓋鑒

衛撫臺承芳與望麓書

當尊先公之總憲也蜀既沾其綏柔之澤而其立朝也芳
又受其特達之知中心感戴道以齒髮俱永昨致薄奠甚
慙荒疏足下裁答諄諄差力至煩重勞用情過腆乃又專
教手劉雲翁寄極口足下謂是陳太邱恐重養親而輕任
子太邱未必能也敬服敬服僕待罪貴省幸垂息有望七
怡雲堂

卷之十書

七

李相公允我與望麓書

老師德福名壽世鮮其儔今卽仙逝而卽典之優易名之
美與後昆之賢孝亦諸大老所不能兼者也 不佞 昨春寓
候幸及師存今報章猶在而哲人其萎可勝悽惻 不佞 負
乘致戎旦夕首卽卽爲厚幸承委墓文其何敢辭但七十
老人四五年來震撼於風波而磨礱以歲月疾病侵尋久
不問筆石事矣言之無文究爲盛德之累伏惟原照不一
朱光祿吾弼與望麓啟

恭惟門下藍玉多奇青絳世美署中嘉樹久知世澤之遠
池上鳳毛雅擅時流之譽不佞 碌碌無聞卷卷短氣仰珠
玉之在側形穢自憐辱瑤翰之遠貽寵光曷任故日者之
尺寸效亦里中之尋常情不足爲勤何煩致謝祇溪銘勒
未敢拜登伏冀慈原未盡懇款

王應麟與紹庵啟


恭惟峻揭斗標清凌氷柱有祖餘烈宛然赤舄之猶新讀
父一經應是籙金之不羨早已結水蒼而綴朝列必欲書
淡墨而續世科蓮泛近乎日邊荀班歸於天際直上宜微
階之侍斜飛亦蓬島之遊尚於大郡以監州見謂名流之
怡雲堂

卷之十啟

廿八

借徑屏星漫爾不妨題別駕之興清風穆如重見曳尚書
之履發揮遠業振起家聲依勸方溪挾裁靡竟

又附卷之十終



怡雲堂集十卷

江西廬撫
採進本

明蔡國珍撰國珍字汝聘奉新人嘉靖丙辰進士
官至吏部尚書謚恭靖事迹具明史本傳是集乃
其從曾孫尙才所編凡詩四卷文六卷詩皆近體
尙才序謂從敗簾中得其歸田後所作詩一帙分
類編次蓋非全藁也卷四後附其子若孫之詩卷
五卷六乃國珍所作奏疏叙記諸文又卷七卷八
附以敕命墓表及壽文祭文卷九又爲國珍所作
書啟小詞卷十又附刻他人書啟編次殊爲無緒
且詩實四卷而序云二卷尤爲不檢矣

許東先生文集十四卷

〔明〕張鹵撰

北京大學圖書館藏明天啓五年張永忠刻

本

附《四庫全書總目》·張許東集

十四卷《提要》

許東先生文集序

國朝自成弘而後道化翔洽名儒輩出即吾儕
彈丸地一時才人韻士如先庸敏子衡王司
成庸之郭翰學价夫劉中丞遠夫皆以詞壇
騷雅狎主齊盟後五十年而許東先生出勛
業鼎鐘文章山斗士生其間每以不得睹先
生大全為歉憾殆歿逾兩紀而季子永忠始
率侄孫輩哀向所遺稿付梓人俾不倭仁一
言于端簡夫仁遊先生絳帳荷夏楚二十年
忍于無言弟重在文不在言言非玄晏不作

許東先生文集序

陳拾遺宣陽之琴手嘗閱

昭代名家而先生之集當為稱首今之評騭詞
林者北地信陽濟南吳下耳北地詩多拘體
文自傳記而外殊乏丰骨信陽才諸晶瑩學
力未至濟南詩無可議然文多贅牙令人有
茂先不解之嘆吳下風行水面雲變晴空而
說者猶以為敘事如丘明子長而論辨須遜
鴻寶諸訓繫四公者皆起家曹郎未嘗與玉
堂諸英彥上下其議論而步趨其繩墨固宜
各立赤幟自豎門牆而成一家言先生生當

明盛奉吾儀先政之典刑而遵王父光祿之
庭訓才長揮霍學本淵源諸體錯襟咸臻堂
奧郎星出宰瑣闥徵榮迨建牙于江左肆開
府于圻南定安慶之反側殲妖賊之首孽
儲宮位正沿河工成斯夕條奏悉軍國大計疏
下而人爭傳誦之戊辰分校名卿重帥皆出
其門而張肖甫吳明卿蔡仲才顧懷東穆敬
甫輩又相與結社為文銀鹿郵筒酬會無虛
碧鱸魚塞馬之篇出而都門廣和毛穎欲禿
同谷七哀之歌作而江表流傳刻藤欲貴先
生以勛業煥為文章而文章富有經濟搖筆
綺繡矢口工商即與王何二李解后中原當
為先生幾舍避而張吳數子儻亦瞠乎後哉
夫先生非特以文名世也當撫郊關時江陵
媼相表裏秉政常山而南馮監之里門在焉
輔臣獻諛翼先生之表其間也先生謂中官
無建坊之例督府非順使之官語稍侵政府
遂中外合謀嗾言官中先生先生故疆項不
少自貶損謝廷尉不居訕南奉常不拜拂衣
葆光優游田里而忠藎節槩迄今耿耿不磨

夫孔明之師表宣公之奏議澹菴之封事今
古為昭天壤不朽百世而下仰三公之節義
而因以重三公之文章先生之忤時相抗權
璫遭讒履變百折不回萬世而下讀先生之
文章而益以見先生之氣節彼谷永上書言
雖鯁切然專攻上身及後宮而不敢言王氏
則諒不足而談有餘與先生之集難以同日
語矣

天啓五年夏五月壬午門人王安仁頓首撰

許東先生文集序終

許東先生文集目錄

第一卷

五言古詩

春日五首

寄賈進士具山

春問

雨後竹

秋夜不寐兀坐亡妻殯側追惟今昔痛感

彌襟攬涕長吟得三百三十字

答陳生

送給諫履素年文

冊封榮府二十

慶成宴二十四韻

壬戌八月道經安陽謁崔文敏公祠三十

韻

寄懷陳毓台侍御三十二韻

贈明府田泗泉入 觀二十四韻

病中寄大冢卿王及泉三十二韻

代巡方湖按汴屆期瓜代北上予時胃有

江防之 命父約會夷門不果賦此贈

別

聞鶴鳴

見梅開

感春盡

春日遊園中

憫農時

題木鐸亭壁

第二卷

七言古詩

上陵行

題陳留劉右史壽序歌

題襄城辛太僕山林逸興卷

贈別舒繼峰擢太僕還朝

廣文歌送王小川

元日喜行歌有序

少微篇壽石坡翁隱君七袞

封君梁我翁榮膺右都御史正二品 誥

封賦賀

七哀歌有序

儀城郊望歌

相逢引贈陽翁泣河省叅藩

蘇門數

漁陽旋使行萬曆甲申十二月六日坐衡

茅大雪值大司馬崕崕自薊遼專官惠

問賦此寄答

嵩河篇壽順翁公祖

長歌行送邑尉盛東野致政歸長洲

白雪詞寄西亭王孫

送周濂坡父母赴 召榮發

第三卷

五言律詩

許見之集

承恩寺問公房對雨喜諸同年友見過

百善驛道中遇雨

甲寅除夜四首

祖歿隨父處苦次于服舍三月始退處書

室追憶前踪哭之成韻語八首

有懷劉中翰伊坡二首

寄答王子仁

書屋前千層蓮盛開喜作

重陽前一日夜喜杜東原王思齋過訪

司寇尚書郎李槐墅奉使秦中喜過家

里中有傳諸大老在近侍年端陽賜扇先

生擬題命作

人日

夾岡舅氏堂讌集同傳希湯孔知省以劉

阮天台分韻

上元後戲呈小川二首

辛丑初度

冬日侍外祖逸翁膝前因叩今官職大小

等威詳細外祖因以孔子問官爲題命

賦四韻

許見之集

前詩成誤蒙外祖逸翁大加喜異越

又以孔子問禮爲題再命賦四韻

病中簡友人二首

七日祀北岳禮成時父旱之後至八日甘

雨竟日九日早晴發曲陽夜宿阜平

十日駐龍泉關十一日閱城城南面依山

中間一最高墩舖當南山絕頂時與孫

憲副同登至此四顧萬山迴合聳萃在

目卽與更定閱城內外建置賦此

十一日閱關城畢如長城嶺

去長城嶺三里許有龍泉寺在五臺山中

地界屬山西猶兼隸井陘道孫憲副具

午飯邀予過此因憶地主高鳳渚中丞

十一日夜雨十二日早發龍泉關道孟石

塔

偏頭山巔何副將勲具行厨炊午飯白予

少憩兼犒息從官

四月八日喜雨二首

端陽日痛感書懷

辛未十二月廿三日予時將之開府江

濟東書文卷

夜駐王莊駟因思嘉靖庚戌曾遊南

過此又逢方湖大監察不至濫成二首

喜崔樞憲殿撰過訪

辛未奉 詔歸省至臨銘喜作

行次沙河是日弟嵩生辰有懷

送杞侯慎齋入 覲

寄答栗計部錫山

戊寅奉 詔起撫恒陽至臨銘感壁間舊

題再次前韻

弟嵩別予衛輝至沙河復見壁間舊題再

賦前韻

憂旱

挽徐澗泉吏部

贈邑侯趙玄冲瑞雪應祈

第四卷

七言律詩

登平定州城

登樂平縣城望太宰喬白巖祠

中秋夜坐追思壬戌年是夜與舒中陽同

寓礪州相招玩月歡飲達旦感而賦此

濟東書文卷

夏日高平坐飲泉堂槐陰中督使人簞集

公案見雨後槐花散落滿地有作

再坐飲泉堂書懷

懷沈對泉中丞

送陳幼溪南服操江

送上卿顧懷東致政歸長洲

晚秋出廣寧門別李月賓給諫時月賓以

論事忤旨放歸

二月既望東村大司徒招游雨花臺同司

空洛南院長太東棘卿幼海棘丞象川

席上有作

中秋夜鳳凰臺燕門人武進謝景韓長洲

顧弘任二進士

秋日寄答謝茂秦

恒陽秋霽

答李太字進士

得張嵎嵎銅梁書

清豐院署書懷

新正十三日上封事後出東華門訪客過

燈市

許東先生文集

卷一百一

七

哭許玉泉二首

過呂翁祠留題

送李中泉郡伯之任華州兼訊其令壻長

安令蘇孔隣

林下一人卷爲毛介川尚書賦

送一齋給諫出叅楚藩

送朱比部瑞陽東省恤刑

清明與大司冠及泉集廣慧寺聯句

隆慶壬申春三月廿五日聞老親至自家

鄉是日早出艤舟燕子磯下候之得盃

臨竟日賦此

謁武安王祠

壬申夏齋居敬亭

嵎嵎中丞金陵履任後卽如姑蘇因相邀

院館夜集席上偶成二首

順德城工告成紀事二首

丙子中元節墓祭畢至莊小座

次內丘讀大宰疎菴壁間舊題依韻一首

送曹衡松太府還關西憲副

九日真空寺登高

許東先生文集

卷一百一

八

泊小灘公署

齋居對雨

哭門人何喬佐祠部

寄吳明卿大叅

園中次鄭披雲山人

門人李小和憲副歸櫬渡黃河牲醴致奠

與主僧談往歲如金陵事有懷三吳諸舊

遊因次壁間韻

七夕夜坐

送朱擴齋之未定學諭

辛慎軒之掌院留都途次專人惠問倚馬

臧封賦此寄別

送石東泉司僕 赴召兼訊穆少春趙全

石詞丈

送李見虞侍御之任留都

答周憲長大川

嘉靖甲午先大父之任關中左轄函時方

九歲相隨過汴值長至令節大父因以

爲題限韻城字命函賦近體詩二首詩

呈大父笑而領之今萬曆壬午冬十一

許見先堂文集

九

事詩十

月爲與同年友傅川曹公婚嫁入城再

值長至回頭四十有八年思往事皆歷

歷如昨但當時祖父歡聚一堂者今音

容皆不可卽矣惟時方與傅川暨宗正

西亭諸公歡眺宴集中乃暗自潛然抽

筆賦此二首

長至日中丞褚公愛所監察趙公用吾相

招宴集

西亭席上作

藩臬閭伯諸公宴集

張震峰起南司徒賦別并訊南院長陳公

楚石

寄南工部郎孫見田父母

題何氏貞婦卷

送郭南坡之任清源駟

頒曆

送明府安齋父母之襄昌別駕

送門人馮仰芹參伯入 賀兼訊冢君琢

巷殿撰

北莊望宋景文故宅有懷二首

許見先堂文集

十一

敬所四和予詩因次元韻答謝

長洲怡園顧君子禮閣所舉士也歸隱吳

門止一再晤因陸誠菴南歸賦此寄訊

送魏后源遷邯鄲學諭兼訊張私軒司馬

送梁印南擢慶遠司李便道過南海兼訊

門人陳萊峰憲使

送周大川觀察赴 闕兼携其令嗣之南

官會試

寄李葵菴提學

臘日東莊卽事

寄舒繼峰憲長

答何震川少宰

少傅虞翁聞將至鄴城迎會可期喜而有作

念山監察聞始發天雄遲會不果懷之有作

清明前二日奉攀熙宇顧明府諸公讌集小園席上口占二首

顧熙宇明府以佳製二詩枉謝卽用韻答之

游東先生文集

目錄

送薛樂山父母擢安樂州

右泉監察往滇南予崑人餞送至則先一日已長發追不能及今瓜代後過家門賦此以寄

送李步岑父母入覲

送陸誠菴進士歸長洲兼訊顧熙宇

錫命堂前後紫荆桃花相盛開喜賦

送王憲副擢湖廣叅政二首

送常景復之任黃梅

壬辰元夜

壽史侍張母太孺人八十

八月十三十四日夜中堂待月讌集家衆送宋栗巷年丈再撫恒陽一首

同鄉運判黑君相訪因寄懷李少莊內翰雍丘王中杞承枉駕見過月夜有懷

悲秋

得京使報門人陸誠菴會試中式

中堂夜酌

春日東園宴詞客吳章堂山人

送和龍川參伯之晉藩

游東先生文集

目錄

送辛慎軒起南司寇

殘臘懷周樂軒制府

首夏東城草堂卽事

寄懷梁左史雲岳一首

壬辰初度自壽二首

送外舅近川翁任南鴻臚

新春十日後三日大雪對酒卽事一首

送王志菴職方巡山海關

相渠翁相公相約夜酌因賦此以贈

賀殿撰敬所詞宗榮膺賓薦有序

奉別憲使成字老公祖之貴竹叅伯二首

第五卷

五言絕句

龍泉

自銀河村山行過扒背嶺

諸將以予山行又嚴禁其供帳每取彼青

布幕若斗室然爲予山頭餽食之所因

憶韓昌黎襄城聯句有云漫作

七言絕句

十五日竹帛川閱臺牆回應關山中驟雨

新東先生文集

十四

予許令何副將作茨溝城及各公廨衙宇

城成予易名曰應關城蓋以南北龍固

倒馬之間獨新有此城也口占一首

募民謠五首

夜坐漫興

癸未夏黃河暴漲直抵城堤舟中四絕

黃聞野年兄借取蓮栽兼訊其社中諸君子

孫見田明府以佳製便面見貽卽韻答謝

兼寄其尊人虞陽

經邯鄲呂公祠

壬辰夏日漫興四首

七夕擬閨中人寄遠戲呈與麗給諫用繼

峰給諫韻

賀詞

賀文翁榮膺部獎詞有序

壽往川趙給諫乃翁七十有序

送陶明府雲峰入 觀有序

送呂兩河父母入 觀有序

送明府趙玄冲擢廷評送朝詩有序

送明府呂兩河入 觀有序

新東先生文集

十五

題戴進士明菴鹿鳴宴圖

賀邑侯孫見田壽有序

第六卷

序文

儀封縣志序

少保王肅敏公奏議序

重校十八史略序

喪禮備纂序

賀院長太東翁謝公榮擢南司寇尚書序

贈明府呂兩河軍懷別駕序

送周濂坡明府調知祥符序

送邑博張君彬菴擢芮城學諭序

贈明府信吾游侯膺獎序

荒政彙編序

賀少司馬傅川曹公七袞序

開封府易俗編序

贈明府及泉王公膺獎序

賀誥封通政使川南翁李公七袞序

增定華夷譯語新編序

賀段母太孺人八袞壽序

贈大中丞中翁楊公遷秩序

贈邑侯趙玄冲膺獎序

賀孫虞陽欽承勅命重封序

壽張母太夫人

第七卷

記

儀封縣復田記

高平縣題名記

定性書說

儀封縣重修廟學記

儀封縣聖井記

重復唐二賢記

儀封縣重修城隍廟記

後樂亭記

王侯生祠記

張氏義田倉記

第八卷

策

重輔臣

覲舉任

正士學

端士風

均田賦

厚儲畜

復帥田

興禮俗

固九邊

選將領

復屯田

督馬政

慎刑罰

按方域

原虜患

修團營

講兵法

足邊用

定成算

厚功賞

第九卷

書

清東先生文集

目錄

十八

答總督魏額菴

答張鶴樓中丞

答宣大總督陳行菴

答王劍川總督

答陳行菴

再答陳行菴

答總督譚二華

答總督劉帶川

答總督陳行菴

答門人李晴原學憲

與王荆石相公

與王疎菴太宰

候王荆石相公

答中丞張嵒嵒

答梁鳴泉中丞

與宋栗菴太宰

復陝西鹽臺吳念淮

答趙明府問應上條陳

與門人裴澹泉中丞

答陳麟菴鹽院

清東先生文集

目錄

十九

答王順吾左轄

答張嵒嵒司馬

與沈龍江宗伯

與舒繼峰同年

與左轄吳公

與穆少春憲副

與袁洪溪巡撫論地方水旱

又附洪溪

答王竹溪中丞

答戴君表禮疑問

第十卷

啓

賀申瑤泉相公壽

賀門人田鍾台宗伯

賀三公直入 內禁

賀元輔張鳳盤相公

賀內閣張相公

賀沈龍江相公

賀元輔張相公

賀門人王對南相公

游東先生文集

目錄

請邑侯顧熙宇 親回

上元請林榕門學博

壽曹少川司馬

賀門人王對南遷秩少宰

賀王中泉中丞

賀王疎菴太宰

賀門人王對南遷右宗伯

賀沈龍江晉大宗伯

賀門人周大川憲長初度

與王疎菴太宰

賀張鳳盤相公

請邑侯顧熙宇

請邑侯趙玄冲觀燈

與同年黃聞野叅政求婚啓

答門人裴中丞澹泉

再答裴中丞

賀張鳳盤冢君

賀長洲陸誠菴進士

第十一卷

祭文

游東先生文集

目錄

祭周王殿下文

高平縣祭商帝成湯文

高平祭城隍文

高平祭風雲雷雨文

祭通政使李槐亭文

祭封一品夫人楊母段氏文

祭張少師鳳盤文

祭門人王對南相公令堂太夫人文

祭文昌帝君代邑侯文

祭太守王東泉文

祭 誥封恭人任氏文

第十二卷

神道碑

勅封監察御史加四品服雙松王公神道碑

墓表

誥贈太常寺卿德壽劉公配淑人向氏墓表

贈監察御史立菴劉公暨 封太孺人王氏墓表

海東先生文集 目錄

二十一

誥封太恭人先妣雷氏行述

第十三卷

傳

何文定公傳

少保王肅敏公傳

光祿大夫少師兼掌吏部高公傳

第十四卷

墓誌銘

都察院左副都御史東阜劉公墓誌銘

禮部主客司郎中李維明墓誌銘

封承德郎戶部主事北廊黃公暨配 封

太安人孫氏墓誌銘

勅封文林郎刑科都給事中春田郝公墓誌銘

湖廣道監察御史雲峰陶公墓誌銘

尚寶寺少卿南州徐公墓誌銘

勅封太孺人郝母毛氏墓誌銘

誥封太恭人賈母趙氏墓誌銘

慶遠府知府中渠王公墓誌銘

鄉進士中峯孫君墓誌銘

海東先生文集 目錄

二十二

張臺妻貞烈劉氏墳誌銘

海東先生文集目錄終

許東先生文集第一卷

浚儀 張鹵 召和

五言古詩

春日五首

高齋日冲靜麗景透簾幕架上餘詩書庭前喧
鳥雀思興心事烈夢遶世情廓美人書不來青
鸞空屢託

其二

文園多病人安敢與春競開看景色熙坐愛年
芳盛池融波尚渾香霽烟亦靚悠悠世與身達

許東先生文集

卷一

觀得我性

其三

屏質難橫草薄田不負靡鉛繫繼先傳守道甘
寂寞鳥喚晨庭清柔彈夜牕樂逸思到羲皇真
情誰省却

其四

辛夷已盡開蕪菁未全盛春色自無情繁謝難
相倩狂懷忽暫開強起力宿病呼酒發詩筒招
我裘羊詠

其五

和露點參同負簷讀周易玄機有真屬燕說空
噴噴著書恨綿延向道苦重隻期不負春光敢
委直前策

寄賈進士具山

夢君常在見思君愁似織何事一別來三月無
消息近授何官銜邸報渾不得特遣銀鹿使遠
遁赴君側詳望付書來慰我心惻惻

春悶

八閩才報捷三吳又用兵遄塞無儲蓄中原有
戰爭河壩漂漲地老幼隨木罌倉庚鳴芳畫幾

許東先生文集

卷一

一

春悶

處事農耕嗟哉當世士逐逐眼前榮祿食計何
疎白面安足評汎蘭涕我淚憂抱獨如醒有時
遊近墅賓從強爲行吟眸方可豁霞彩絢花明
游絲聯綺席垂柳拂流觥英英豪若侶車從倏
相嬰楚楚豪俠子歡聲四座驚爭奕呼五白携
妓重連城惟予意逾蹙愁帶隱眉橫將子勿多
誦人心各有營芒屨視珠履自知慚同盟因思
曠世士彼美廣川生洛陽痛哭者遘衆豈其情
所懷欲付誰職用心怵怵激烈難自已特爲發
歌聲

雨後竹

濯粉脫舊粧含翠出新浴雅度自天成誰解能
醫俗我懷正鬱煩歛見豁衷曲坐對父忘言幽
抱彌相屬不必湘江斑及彼淇園葉霽景映疎
簾相觀意氣足

秋夜不寐兀坐亡妻殯側追惟今昔痛感
彌襟攬涕長吟得三百十字

燈色慘微明蛩吟助蕭索秋堂夜正空萬慮委
今夕初服倣儻志修焉感疇昔垂髫登文場總
角聲光赫學藝亢屠龍千金誠不惜二十領鄉

許東先生文集

卷一

三

墓前

書溫輿觀光客經歷備艱難辛苦踟躕上期
見清朝下欲箕裘奕躋世越唐虞許身等夔益
抱牒往致主四走長安陌賢路豈不廣寒寒弗
能獲竭來返故廬敢言淪棄斥居諸惜迅速章
句益尋摘揚雄無儼儲賈誼圖籌策行誼苦不
修遇此亡室厄糟糠仍未弛琴瑟溫中割子女
恨終天翁姑痛詎釋盡切傷予懷修爲何所藉
兵戈阻歲時柩殯未窆窆三兒俱幼頑不識教
與麥一女正弱息豈解言刀尺少弟脊領原大
任何堪責親年俱踰艾庭闈日恐迫緣此强承

家形單影更隻勉竟從人桷鑿性多僻迂愚
善招尤艷麗無時格靈惟洒泪頻世界容身窄
匪求二頃田已悟三生石默然傷徂景悠悠任
所適守道若終窮一畝足安宅遇時謁明辟
萬言仍可射得失盡由天行藏願體易輟轉思
無休更深愈蹙額極左坐悲吟冥冥儻鑒赫

答陳生

雍丘昔會君知君負高蹈八分書可傳三謝詩
能造吾道信闊寥逢賢夙所好狂談世每驚孤
衷徒自號多君金玉音特地來相報感此百思
生室遠不可到

海東先生文集

卷一

四

書前

送給諫履素年丈 冊封 榮府二十韻
天闕金函下侯封 玉節持青霄勞使命 皇
寵重宗儀懷昔遊燕始同君入 鳳池論心投
意氣博物仰師資宰邑各蓬轉分封任路岐茲
來叨 召命仍許續佳期 青鎖追陪切晴臆
刻漏遲 封章頻品校僚誼感提携幸有身依
主難甘志委泥奮發同梗烈世運贊雍熙忽聽
湖南去俄興渭北思此行宜慎勉覽勝出倫夷
黃鶴樓前笛赤壁月下詩洞庭方浩渺總是特

旌旗而我抒狂議微君可對誰東南民痛苦關
里半瘡痍三戶勤兵戈連年尚鼓聲輜車經過
處屯泰返還時須冀酬 天使無徒歌楚辭煩
將經畧款歸報 聖明知

慶成宴二十四韻

隆慶四年庚午冬十一月十五日巳卯日南
至 先帝祀 天于南郊臣鹵時官太常少
卿提督四夷館以本寺具題 召臣輶轡館
事供事 上左右于郊壇十六日庚辰 止

賜宴百官慶成臣鹵分坐 皇極殿中東四

浙東先生文集

卷一

五

事類

班與少卿臣周詩聯席詩臣所與十年詩社
交也臣卽席得此詩篇首二句卽以密語臣
詩臣詩謂當以爲韻期各成排律一首時臣
所得句晚歸邸舍篝燈次成之用以紀千載
一時之盛臣詩詩另有別錄又明年壬申
先帝棄羣臣又明年甲戌臣詩亦卒于白下
臣方居臣母之喪陞伏璽室回首四年每上
思 先帝鼎湖日遠 龍馭莫攀下爲友朋
思舊情深招魂無計念臣哀病殘生又與世
睽違乃買簪一石舊所爲詩刻之石上雖不

能洒血向景陵之園把劍徐君之墓而臣心
哀慟自可引之與茲石竝久也

典禮新三紀自嘉靖庚戌迄今始再創舉 君臣坐一堂太階

符象緯率土仰輝光舉酒環 丹扆列筵近

御牀則天堯德大恭已舜顏康 郊荷居歆眷

壇迎對越慶隆禧寧自歛大宴聿弘張 皇極

開金殿元封陋栢梁乾坤歸統馭夷夏入班行

魚藻添佳什鹿鳴振舊芳九韶諧節族百禮備

精詳喜紹承雲響懽懽湛露陽 尚方分玉食

多品和爐香翠金呈雕枕黃封瀉電觴綵花烏

浙東先生文集

卷一

六

事類

帽艷金帶緋袍煌勸飲承 溫旨撤筵異舊章

宴品舊例自撤捧歸老母共分向故鄉嘗十制

今 詔以役代 昌期會三生快觀償友朋偏接席遭際更殊常

得句相傳念微吟效對揚臣愚何所見 主聖

本難量給事曾叨忝囊書屢贛狂雖經焚諫草

猶欲祝苞桑履盛宜懲滿防微更益昌願令今

日宴地久與天長

壬戌八月道經安陽謁崔文敏公祠三十

韻

鄉國哲人萎乾坤正氣收千年鍾景運一代仰

許謀伊昔掄魁日聲名動 帝州鴻才傾藝苑
清貫司瀛洲直館分曹業 經筵入告猷學源
探古昔詞藻陋枚鄒抗疏舒孤憤匡時賈衆難
萬言遺宰執十議感 宸旒節義人寢著楨標
漢史留南遷違 魏闕春早泛江舟 丹陛班
行遠白門弟子稠往來頻去住歲月漫夷猶心
似還雖苦名同在洛優相臺長散逸洹水任清
幽竟阻台衡席俄悲宰木丘輿情惜未盡予意
若爲不盛世開昌曆弘文邁有周 泰陵集多
彥大雅偏前修衆力極匡扶溢祠且未休折衷
誰是冢夫子更稱尤孟氏承三聖程門會九流
倅然出一正允矣殊無儔六籍傳貞軌群言失
贅旒此中功獨大彼外更何求賤子辱青眼童
年始卅頭樞趨蒙與進應對誤相投分篆膺
新命之官續舊遊宮墻因在望蘋藻幸重羞末
附門生籍能忘國士酬遲回無限意空悵鄴城
秋

寄懷陳毓台侍御三十二韻

憶我同心侶臨風重有思雷陳前世誼骨肉此
生期伊昔江南役情鍾分外奇雄才元卓犖大

雅邁倫夷冰蘗廉頑譽陽春頌德詞文章新矩
矱教化挽澆漓雲際孤峰出江壖一鶴遲良工
心自苦寡調世翻疑一得獨相契孤踪勉共持
衷旌天日鑒良遇鬼神尸書最欽黃霸逢人說
項斯繼看趨 召命旋慘各分離喜聽觀風至
長吟采葛詩三藩沾雨露萬姓起瘡痍妙對匡
時劑獨傾向日葵貪殘歸印綬城社淨廳狸
國計方云定人文且得師衰庸多藉庇光耀滿
山陂自顧今如此深慚負所知初服修短禍小
屋起茅茨藥裹夷門墅漁竿汴水涯樽材合棄
置病體落便宜千里書難寄連宵夢可隨瓜期
聞旦至離思更堪支出處元同調行藏各有司
掉頭終已矣展足好爲之朝著虛螭陞臺端望
羽儀 聖君方止輦直道可揚眉席擬台衡待
名應竹帛垂人咸宗楷范世可躋雍熙凡此皆
公事從今可更辭叮嚀還寄語鄭重向明時

贈明府泗泉入 觀二十四韻

閭閻重新日冠裳大會年 九重增潤色萬國
喜聯翩 今上弘昌運親民豈備員循良軼漢
吏還定邁周宣治行爭磨鈍廉平俱竝肩君侯獨

居最聲價許但先文擅三場早官之數載前
秦灣歲月倅郡鵲風煙部使勞推轂封人見此
天科條咸易置蠹弊盡祛湔畫永廉垂寂春融
花競妍談經常飛玉賣賦不留錢蕩折護安堵
榮發遂受屢閭閻成丕變碑版信堪傳賤子驚
駘品神交意氣偏素心真見赤高論許叅玄枉
駕頻承問登堂屢接筵有懷必悉吐無事不相
便過辱吳公春慚同賈誼賢別鵲條促爾離緒
轉悠然章物微函幣陳辭見積虔臨岐茲送遠
携策繼揚鞭試展經綸業期酬獎進緣相將須
漸東先生文集卷一 九

保重歡聚 五雲邊

病中寄大冢宰王及泉三十二韻

近得天衢報遙聞寵遇亨共騰 新命重尤慰
故人情 當代論勲德如公信傑英襟懷豁礪
落氣節迥崢嶸八斗才堪稱連城價匪輕照蔡
能徹比窺雪苦張縈學易玄通奧談詩最極精
經筵同子厚句法似陰鏗駿馬諳圖見麒麟瑞
世驚匡時呈 大對領邑出神京南北飛鳧往
兒童走竹迎絃歌存偃化蠶范播柴賡吏部山
濤啓銀臺內史名銓衡留藻鑑讒殄息攘爭禮

樂西周夢鹽梅傳說羨津樞茲轉要僕偏
貞姓字金甌待謀猷玉屑傾累朝清議重三
素聲宏謨劣深何幸光輝竊被榮蚤欣逢鮑叔
奚但識韓荆父占龍門籍方依 鳳沼萍膠漆
投至誼琢切奉鈞盟感激思相附遂巡愧不効
宦程猶未達家禍遽旋嬰一伏蓬蒿卧頻歷歲
序更醺雞寧自分畫虎懼無成懶縱嵇中散途
窮阮步兵五禽渾漫戲二豎摠難明衾枕終年
困參苓竟日營文園雖抱病魏關豈忘誠鑑秘
真丹就囊含寶籙盛應知須濟物願望起哀悻
漸東先生文集卷二 十

代巡方湖按汴屆瓜期北上予時冒有江

防之 命久約會夷門不果賦此以別

彼美乘驄使來臨古豫州雄才真間世高度迥
難儔法正驚雷電文成射斗牛掄才麟鳳畫前
弊鼠龍收典禮咸修復貪殘細講求覆盆欣日
照解印望風投寒汭融新太炎歆蕩早秋間閭
生意足河岳瑞光浮白簡饒經濟青天滿歌謳
瓜期辭梁苑 楓陛入螭頭伊昔官臺省猶同
侍冕旒懣狂誠孟浪誨愛感綢繆今歲乞歸省
衙門久晏休拊綬逢栗老巡察仰君侯兩荷福

星照偕爲雅會謀私心時耿耿別路轉悠悠
負迎徐約終虛訪戴逵他時或有待茲意詎容
不予欲趨新命公應過故丘臘梅開正遍好
與泛江舟

聞鶴鳴

萬曆癸酉冬十一月十一日爲先母築墓臺
成時東人送四鶴至舍弟諸兒償價留之遂
與墓所相伴晨昏經三月餘更不一鳴予以
哀心之感鶴固宜有知也及甲戌三月三日
乃忽數聲長鳴予因而賦此

浙東先生文集

卷一

十一

我母方掩墓有鶴來自東東人苦爲留取值全
不豐踴躍二偶集松楸霜露中每予泣血號達
天淒悲風鶴皆戢相看無復爲姿容鳴聲寂不
發時將三月終羽衣倏憔悴意象亦弢策因思
羽族靈知覺有感通自從春日來血淚睚雙瞳
偶從宰樹間宿靄撥茲籠知近清明候沿村花
盡紅子鳴忽嘹唳一聲震長空聽之驚且疑孰
爲語吾衷孰爲語吾衷問子鳴何從

見梅開 予自至南京曾帶紅梅二小盆
過家抵餘一盆中盈尺餘者一幹猶存海

舍弟因移栽東園當春盛開不減江南感
而賦此

昔作江東游尋梅費屐齒因瓦兩盆紅辛苦達
吾里忽當哀變興與苦占頻及死琴書盡拋擲此
更誰能理豈期一綫春猶自能更始開時衆所
奇感處予無已潸淚爲君多驚心還自比珍重
歲寒盟久要從新起莫惜芳艷姿伴我窮愁子
感春盡 時三月二十九也

前日開枝紅今作滿園綠三春宜然盡去日何
云速觸目傷我情泣仰園中屋我本幽棲人匡

浙東先生文集

卷一

十一

時計元疎有孤 明主恩久久空縻祿伊昔少
壯心今更何能復况自喪吾親何用存吾軀如
尚苟延活願此松楸伏晨昏一瓣香萬事餘生
足稽顙謝豪賢人生各有圖寄語機關人無用
還側目

春日遊園中

繁華春正艷午日更暄陽灼灼萬花叢滿樹匝
輝光三旬沍沉陰物態繡芬芳竭來忽晴露
景從開張花柳開肯紅鸞爭翔翔因知造化工禽
縱固有常悲哉哀痛心耿耿何能忘哀哀夢我

篇取來几上讀讀之未幾行血淚傾心腹
盈盈跡我母手親屬當時授此編愛我如明珠
肯心潦草身投此蓬蒿廬世路苦參差吾心堪
歎歎大節幸能全誰敢理前途自顧自叮嚀願
重千金軀

其二

春暮靈圃游粲粲花如綺修景入朱明灼灼薰
風起綠樹漫垂陰黑雲遙帶雨差池造物心代
謝循環理心機與智術浩浩誰能止豈知陽谷
日又復淪濛汜遙覓種瓜人相與窮終始皎皎
於陵子嗟嗟張長公昔人爲此詩穆矣如清風
曾我取之讀讀之渾未通今竊如始寐豁然解
重蒙世態既難諳終焉守固窮

憫農時

農事從來重 天朝更卽工 玄黃肇耒耜
高帝啓洪濛一脉心源又相承世德崇萬方安
粒食樂事喜躬逢迄今二百載雅頌聲復隆我
皇開景運加志在民窮閭閻切下及幽隱微
宸聰臣本托畎畝因抒獻納忠愚忠豈易悉所
賴有 重瞳一歲力田計小大合力通始視願

濟東先生文集

卷一

十三

濟東先生文集

卷一

十四

時土青陽令正東舉趾人人動來醴處處同
畛時方夏滌場歲又終呻吟集萬古血汗歷千
恫紅杏連村雨碧梧一葉風奄忽節序盡未見
起疲瘡枉費經營力難成穡事功柴門空自閉
捫腹幾曾克况值時多事南北勢若蜂遶新
驅虜江淮總治戎燃眉徵賦急懸罄井邑空重
以親民長催科政更雄石壕憐杜老蠶食軫蘇
公可息民勞念 淵衷特用崇一心通萬里積
弊若冰融民業獲修復官曹惠澤通收成田事
滿報塞鼓聲聲始見 天心順益占 帝力洪
願開仁壽域從此盡和豐

題木鐸亭壁

聖道本同天賢產不擇地仲尼萬世師堯舜難
擬議七十二君間環轍無停轡伊可恨當時歷
聘無能試哀鳳浪興歌喪狗徒相晉孰知吏隱
賢獨自識天意邂逅出佳詞寤者呼群寐曾論
有遺書歆艷爲君記何幸我儀邑特地托名字
木鐸萬年春傳此知音事

濟東先生文集第一卷終

許東先生文集第二卷

浚儀

張園

召和

七言古詩

題

上陵行時丙寅三月初八日清明節日

三月燕郊物候便花邊柳際開春妍和豐村落
連周道迤邐樓臺遶舜田仰瞻天壽鬱崔嵬
峯嶺峰巒鎮九垓都人夾道爭相覩知是百
官春祀來行行斜日曷平道結駟聯鑣人浩浩
清道能圖虎豹軍搖空猶作旌旗幟細思興亡

許東先生文集卷二

千載後卜域往往皆僻陋我朝振古見龍興

地靈拱待由天授高皇德業大如天曾拜

園陵神烈前孝陵在金陵鐘山前鐘山六朝

烈山臣國游南雍文皇德業能克肖一代鴻基

創此燕時于庚戌歲朝謁玄皇托始營淮泗帝皇靈秀滿湘

闕昂峙南北互相望昭揭信是開天地宣皇

睿哲難伯仲孝皇堯舜真風動十陵神聖

總難名遺弓鈞繫臣民慟今皇景運更弘開

達孝弘仁制作恢祖功宗德賴發揚國脉人

心倚護培小臣未有匡時智敢曰曾聞俎豆事

青瑣叨爲給諫臣園陵荷遣初供使五夜黃

蒿禮度虔精禋一念祝靈玄十陵共保吾

皇壽永莫皇圖萬萬年

題陳留劉右史壽阡歌

黃金屋豈身常住白玉階前難稽步洛陽二頃
美豪雄盡是盈盈草頭露幾人觸處悟毫芒同
頭又想蓬山路萬緣豈解摠成空堪笑蚩蚩同
夢誤近時予得仙籙寶人間省事惟須早浮生
靜裏有真閑薄俗閑中却盡掃讀書深與性靈
通安身遠縣豪賢惱愧忤能不俯仰問生吾順

許東先生文集卷二

事沒亦好惟君能辨真與假蚤歲文章鳴大雅

梁園賓客魯諸生君曾爲周藩眼前誰是升堂

者年來擺脫遺身世與予共覓閑中計聞開壽

域自徜徉爲君戲發寬腸謎百年後事不須猜

孔丘盜蹠俱塵埃從今但結隨緣好一日且傾

三百杯他時大壘固可喜填身溝壑亦非耻乾

坤滿眼是吾廬與君何用猶爲此

題襄城辛慎軒太僕山林逸興卷

遠山一帶連天碧峰巒岬岬密如簣絕頂騰雲

靄萬重玄巖瀑布懸千尺商嶺惟闕自里居輟

川但少王維宅世遠不知作者誰畫師自是人
間伯恍惚葱籠生狀態嶸岑碣磧林薄內迴轉
盤旋一逕通兩人杖履幽然在從容意氣何開
雅白髮蒙頭自瀟灑携手非關結綬緣知心不
是分金者清修足稱人如玉一琴惟伴青囊錄
掃石何曾列鼎茵班荆惟許膝相促玄談盡冥
搜妙道忘叮囑調笑乾坤成古今怡情鹿豕無
榮辱襄城太僕公得此識真意持卷相托命我
題遷延十載無一字感君顧愛最難名骨肉兄
弟相扶助自從衰病臥丘樊衾枕殘生久閉門

許東先生文集

卷二

三

附十

贈舒繼峰擢太僕還朝

與君方約夷門會忽聞赴召促征旆人生聚
散摠難憑野人空悵雲山外咫尺會君猶不得
佳期從此應難值一日三秋惹夢魂屋梁夜月
懷顏色我願君心常不改平生舊約休拋悔室

雖遠爾心自通伯勞非西燕非東咄彼一堂之
上心相隔雖日自覩面夫何益

廣文歌送王小川

君不見龜山載道南行日河洛源流名第一又
不見貞觀朝寧說名臣半是河汾門下人吾道
從來必有寄斯文擔担良非易君今整駕促南
征芳躅可喜同前事君家門閥况非輕先正中
翁有令名祭酒成均餘耿烈至今六館頌陽城
君仍振迅文場者蘊藉風流擅儒雅梁園詞客
重鄒枚漢世經生覩童賈憶昔少年相依倚莫
逆交情餘二紀知已能猶管鮑真通家不但雷
陳比我今獻納承明殿掖垣每出欣相見今朝
忽漫送君行夢魂不覺增牽戀朱明節候時方
盛金臺綠樹陰相映傾壺不盡故人歡欲言可
抒中心敬何以繼揚王何以紹家乘學閥修爲
正此時短歌故爾爲君贈

元日喜歌行有序

萬曆戊寅新正元日邑明府熙宇顧父母携
諸君命駕枉賀某辦春酒攀留竟日入夜秉
燭相送始知春雨旣零而簷溜潺湲矣誠斯

文盛會也正圖爲詩紀之而明府業已長

見示卽用韻爲篇以似冀永一時之備話云

君不見又是乾坤轉泰時河陽滿縣春風吹春
風送喜盈門戶暖入屠蘇上酒卮酒卮滿面黃
花暗文字情真意自奇四座衣冠生氣象一家
兄弟和埏埴樂聲懽奏昇平調轉竿飛觴競喧
咲自幸從前潦倒身六年不趨承明召忽漫春
從天上來新正元日喜筵開祝 帝重結白玉
珮瞻 天延望黃金臺與君誼重同胞好高軒
過我偏及早白髮俄驚物候新丹心不逐年華
漸東先生文集卷二 五十一
老興來肯放酒杯閒酩酊何妨倒玉山此會百
年能幾見恐令仙鬼迎難攀重歌金縷挽詩興
高夜銀缸照醉顏好雨隨風亦乘興不知簷溜
已潺湲

少微篇壽石坡翁隱君七袞

少微豔豔祥光起光輝偏照閭中里爲是仙翁
初度臨人爭獻壽詞盈紙翁苞貞曜已長年桃
源榆社祥屢履但知雲山隱退閑不復華路榮
青紫敦龐再見羲皇俗探研妙契靈玄理元振
恢弘濟物功伏虔增進傳經齒素心還且事耕

讀絕經特以貽孫子從前脫穎貢明庭德範才

華清徹底孫今卓犖有賓陽一代人文尤擅美

向來邁迹冠南宮群英濟濟孰能比珪璋清廟

正難量昌大翁家方伊始一門名行共賢之三

世行藏各得矣楚楚遼遼從壽域開熙熙人在春

臺裏我稱卮酒致遙祝通家骨肉情無已翁兮

翁兮信可樂人間福壽誰如此

封君梁我翁榮晉右都御史正二品 誥

封賦賀

翁爲諸生昔射策烈烈丰標五陵客藝苑才傑

數二梁至今贏得聲名赫翁今眉壽崇封爵

鑠精神薄海鶴二品同推烏府尊 三錫荐受

皇恩漢福壽從來信有緣如翁能得幾人全盈

門 恩祉冠裳會滿目榮華造物偏鳴翁中丞

翁冢子與齒交情餘二紀倚王深訂骨肉盟斷

金不但雷陳比自來叨撫恒陽地每事承翁曲

教庇通家休戚本相關若翁信有吾翁義話言

嘗自探翁心幼子嬰情覺更深養志鳴翁特請

廕今人誰道不曾參今日賀翁願若何願今有

酒如潯沱歲歲賀翁翁不厭樽前常使醉顏酡

七哀歌有序

杜少陵乾元中寓居同谷歲值饑歉作歌七首予每誦之其心事情思真千載如對萬曆丁亥予里中歷春夏不雨至秋七月十日陡黃河大漲直抵縣城衝民田里室廬殆盡憶昔儀自嘉靖己亥大飢士貢大水五十年生養休息方僅可爲邑今兼二者竝臨民更何以堪命晨昏間巷哀鳴慟苦之聲予日聞而悲之亦爲作歌凡七首

萬口嗷嗷百姓苦旱極猶自思甘雨可憐河漲

解東先生文集

卷二

七

更滔天眼看漂蕩無垠堵周圍波浪潯城四野陸沉誰更數嗚呼一歌兮歌已盡浪浪涕淚沾巾幅

二

一年四野不生穀一夕瀟目魚龍蹙豈知大旱
滌山川洪水忽然起平陸君心雖化光明燭
漂流無復流亡屋嗚呼二歌兮歌惆悵忍看道
殍魚腹壅

三

二麥不收民已噉皇天猶不垂憐閭小滿酷旱

到中元夏木秋苗皆盡殞旱災官但允七分水
惠安能望實嗚呼三歌兮歌難盡官亦有苦
民誰信

四

社倉當並常平建朝日開倉午得飯何叨集議
大明宮曾以此爲穆皇獻往事因循勿復言
于今忍見公私困嗚呼四歌兮歌愈促縱使發
棠那得粟

五

昨日飢民滿道周丟兒棄女徧田疇人人環視

解東先生文集

卷二

八

空悲嘆家家無食誰敢收三更河漲陡如此漂
流應到海東頭嗚呼五歌兮歌悲切眼中泪盡
心流血

六

新決河防十一股皆是南通舊河漸陵寢河
漕最緊關休教到大成尺五幾欲作書與河公
姓名怕去投官府嗚呼六歌兮歌自嗟邵平且救
青門瓜

七

親隣哀苦食難趨宗族垂涕交相訊一田曾效

范希文無貲可比郭元振物與民胞志摠孤擔
爵虛負逢堯舜嗚呼七歌兮歌已亂此時愧殺
男兒漢

儀城郊望歌

東昏城外幽人徑到處平林堪覽勝野人結廬
傍林臯眼前生事渾無定野人讀書兼好客逢
人信口談今昔義皇夢惺離北牕壺觴興到臨
南陌客言野人何寂寞野人無語空然諾須臾
謂客且相留與君試發繁華喙君不見漢道昔
當全盛時梁王封國近吾儀傍儀築堯苑卽苑

浙東先生文集

卷二

九

馮龍池黃塵複道長如許紫竹名園景更奇金
輿王軟時來此氣槩分明騰天子賓從紛紛已
空集珍奇敵敵爭相比我莊東望鄰河寨正是
國之最西界頽垣敗瓦帶竹根傳至千今尤盡
壞又不見戰國七雄孰敢嬰信陵公子復知名
中原偏據勝鄰國盡相傾片言足擬連城價一
顧能令九鼎輕驅秦救趙名愈起狂駕屠門寧
屈已莫言皞皞勝驩虞贏得人心爭效死我莊
西望岡頭渡正是當時來往路曾聞此地半從
軍至今猶說邯鄲募豈知人世隨時改幾度桑

田變滄海閑花野草自春秋蒼烟白鷺收傀儡
草迷死地失荒基沙擁河干沒舊壘英雄過眼
卽成空往事評論堪重悔夷門監者雖高義梁
苑詞人誠嫵媚司馬濡足豈少年侯嬴白髮還
多事抽筆授簡尚慙慙鄒枚瑣瑣何須記臥裏
竊符太不經軍中奪師殊狂肆野人幸與明時
遇往歲金門曾獻賦論才不及古人雄窮經
剩有閑中味百年世業在東昏木鐸聖跡相傳
布禮樂衣冠有古風每從先進興馳慕疾病年
來幸稍無精神還可辦田租粗飯不飽素與
浙東先生文集

卷二

十

短褐但取宜身軀讀書樂道誰相拘有時尋芳
弔古携壺尋友高歡呼何須徇人抑志徒令吾
自失眞吾請君醉眼莫模糊試看何人果丈夫
窮酸還是舊酒徒

相逢引贈陽翁泣河省叅藩

于今四海論兄弟一字思來堪一涕眼前誰是
舊同袍明公獨見饒經濟分曹握手侍明光
二十年前舊夕郎愧我丹心徒自苦多公清論
滿朝陽當時意氣忘爾汝致主匡時元共許
九死能令一葉輕孤踪不爲傍人阻就中還許

共論文大道源頭究典墳直期朱絃薦周廟如
令白起壯秦軍豈知世事憎常盛聚會分携難
究竟未幾予作省親行君尤早領叅藩命開
來屈指從頭算傀儡場中幾更換白雲蒼狗信
堪驚牛朋李黨足長歎直道一絲雖未捨顧予
豈是功名者原起行迷錯認真豈云世事皆宜
假竭來耕釣汴東陬三尺長竿一葉舟霄漢故
人常入夢蒿萊生事欲何求更是思君尤不止
交義時時語妻子一聞行省借平章平生快事
應無比望重高增嵩嶽峰惠流添漲黃河水况
是尊翁此舊游予辱童穉目國士君家甥舅總
關情今昔遭際尤兼美題詩先寄上夷門舊話
新情卽滿紙君有一天我二天自古及今誰不
喜

蘇門歎

蘇門山在共城北山頭書院偏出色世代流傳
不記年泉源環翠真奇特由來此地饒形勝河
山表裏能相稱孫登臺下躡芳踪堯夫窩外通
玄徑豈知世事忽然改山靈一旦失光彩屈指
從前戊巳年朝廷操柄更新宰至今此意竟

蘇東先生文集

卷二

十一

蘇東先生文集

卷二

十一

難明書院祛除極薄海顧茲蘇門山尤去京師
近奉行誰肯後嚴程摧殘更見先他郡長嘯臺
隳基趾存安樂窩尼輪迴運龍君伯貞振世豪
抗言旋卽剪蓬蒿能令滿目蕭條地水更重深
高復高我一聞之三太息斯文賴爾匡扶力獨
愧無能筆似椽磨崖大書爲君刻君不見大梁
城南近廓岡亦有書院吹臺傍中原形勝興文
地北宋流傳舊講堂眼前拆毀一時休交易人
人許自由螢燈蠹簡前輪奐盡入娼門與酒樓
還有傷心難盡數十賢遺像剝風雨學士門局
太劇傷公家帑藏空何補安得斯人總據與同
將此地復中土

漁陽旋使行 萬曆甲申十二月六日坐

衡茅大雪中值大司馬峒峒自薊遼專官

惠問賦此寄荅

儀城臘月雪三尺人跡不向袁安宅忽報天邊
錦字傳材官云是漁陽客接書開城讀未半捫
心攬涕增長歎書中字字見情真交誼從頭
有因金蘭不獨同心契兄弟元非異姓親親承
兩世及吾曹曾許同追夢與臯我歸林壑塵埃

父爾策功名日月高高名偉績垂鼎呂却更憐
惓懷舊侶四海誰其二子倫佳什豈是尋常語
每誦摘章淚自流男兒心事伏同仇能令白壁
無纖玷肯肩黃金羨五侯呵凍賦書不盡陳使
旋應得見陽春如逢達士還疑我爲道曾參不
殺人

嵩河篇壽順翁公祖

九曲日湯湯二室峙巖巖今古奠中原河嶽雄
服六服牧伯良非易河嶽於翁識德意先今惠
澤摠渥隆封疆氣樂增光貴向來持法鬼神驚

許東先生文集

卷二

七

副臬風裁凜凜生頓使刑名無鄙辱至今
公明未幾遷擢頻相繼北燕西晉成滯滯左轄
福星許再臨召南棠蔭今重憇公至新恩德意溥
姬公召伯堪比數十年水旱遇慈親千里桑麻
沾化雨嗟公本是文章伯况復經綸擅籌策藩
垣雖許暫宣勞動績誰可同標格前年嵩嶽見
卿雲今歲河壩盈秀麥閭閻樂事脫艱難禮樂
淳風返古昔嵩山之側黃河許有人正作漁樵
父與公分誼本同胞恩私空戴難酬補由來不
敢負公心山誓同高水共深倚玉相期雙白壁

吳蘭誰數萬黃金徽垣初度喜筵開梁苑應集
作賦才可奈雲林遠城市更難簪組雜蒿萊惟
願公社從今後不但川流與岡阜故稱鹿酒向
夷門特歌嵩河爲公壽

長歌行送邑尉盛東野致政歸長洲

浚野河千秋色但有客乘舸下東吳士民夾岸
相譙呼惟恐解纜在須臾道傍觀者皆嗟呼宦
游此去美且都佐縣得民近頗無君之得此良
非誣椿草椿稍何所須邑民生此無完膚職司
之弊百千孔君能盡洗無錙銖催科善政常瞿
瞿頃令貧困回數腴文藻風流嫺且俱妙渠獨
得松雪模一時小吏讓臬盧我尤重子如明珠
竭來還官不受符飄然南去覓尊鱸我昔伏鉞
下姑蘇此際秋光如畫圖江面澄波真似練山
頭擁翠可携壺君今入里豈躊躇江山真趣屬
潛夫江草江花供楚佩山前山後伴吳趨登臨
應啓新詩社歌舞還尋舊酒徒丈夫處世笑需
濡功名大小寧相殊君茲抽身擾攘途完名况
是無疵瘵彼志抑名滅苦不止雖公卿金紫胡
爲乎嗚呼雖公卿金紫胡爲乎

白雪詞寄西亭王孫

前年與君相會面雪裏梁園敞華譙朝朝相聚
倒清尊夜夜追隨偏曉箭詩篇興到競新奇鄒
枚事遠誰歆羨十日紛集冠蓋都六街爭觀神
仙見今日蓬蒿還大雪柴關靜掩人踪滅停雲
吟罷易黃昏相思徒有心百折思君長嘆空浩
浩浮生多少閒煩惱世故如雲未足憎人情乃
尔安能保搶攘裝成搥婦翁縱橫造出無兄嫂
但任來時逞躁狂寧於落處分醜好我志覺添
近日衰君顏應比前年老自己身心尚莫持胡

許東先生文集

卷三

七

送周濂波父母赴 召榮發

君侯昔宰河間獻我叨開府持臺憲漢家龔遂
最知名渤海風流無少遜騰檄曾爲表奇勛一
時群牧爭相勸君侯繼宰儀封里我歸耕釣黃

河溪芳躅直接衛封人百般廢墜從興起未幾
有 命調祥符儀人小大驚譁呼曾向 闕廷
乞借冠至今奏草播寰區無能得遂民情保儀
人爭走梁園道人人事事尚質成猶如赤子爭
懷抱祥符善政均無比舊俗虛飾皆盡弭人情
初苦似難合經年自各淪骨髓今日中原水旱
災百年未見有從來儀城猶窮餘恩庇沐省安
危倚護培忽捧徵書向日邊兩邑人擁車轅前
嬰兒難割慈親愛多難誰能舍二天顧我離情
尤更苦當初共事曾相許直以金石誓此心還
期意氣驅千古何緣更沐神君政恩義隆洽及
子姓于今老病思前盟攀留無計能相倩吾
皇從諫正如流讜論忠言肯見收 主聖臣直
今日事知君端不爲身謀諸餘觀縷總難陳猶
有一言意最真但使閭閻無餓死不妨江漢有
垂綸

許東先生文集

卷三

七

許東先生文集第二卷終

許東先生文集第三卷

凌儀 張南 召和

五言律詩

承恩寺朗公房對雨喜諸同年友見過

鍾阜興雲處連朝送雨多愁聽聲浙瀝轉覺勢
滂沱錫杖頻談詰金樽強笑歌同年欣聚首盛
會莫輕過

百善驛道中遇雨

倦客欲投宿荒村不可留回風收晚市急雨暗
殘秋履險防滑道迎寒擁敝裘自憐飄泊苦不
是宋生愁

甲寅除夜四首

星斗回春象天行又一周歲華驚蝶夢勛業悵
龍樓五色文難就三生願豈酬未除叔夜懶正
切子雲愁

二

零落亡室後韶華似轉丸心傷徒自靈愁絕強
爲寬兒女歡新歲椿萱喜加餐白頭身更健猶
自辦椒盤

三

壬子逢除夜促裝離思紛爆竹深夜雪列燼復
春雲守歲憑濁酒傾懷對細君于今陳往事悽
愴不堪聞

四

且喜西北塞今年虜遜亡三關增虎旅諸將奮
鷹揚玉燭調光遠金甌啓運長腐儒欣際遇望
闕頌苞桑

祖歿隨父處苦次于服舍三月始退處書

室追憶前踪哭之成韻語八首

祖固憐孫至孫亦痛祖深強收懸河汨難已斷
腸心大化還天地隆名播古今幽明雖永隔時
聽夢中音

二

遺直爲人羨孤忠與世疎西臺名獨著南甸事
誰如兩國賢臣頌三封天子書黃金非有業青
史是公餘

三

孤介難爲行公居獨晏然一生安定命六籍探
真筌白首論踪跡青燈尚簡編興情爭論薦崇
祀擬前賢

四

不愧士師直終甘原憲貧平時公自語今日信
成真勢利能遺性繁華解悞人何如公獨得傳
業萬年春

五

畫錦初歸後恩光屢至時閉門無俗謁憂國有
遐思白社結賓侶青衿仰帳帷馮唐雖白首猶
受漢文知

六

當代推人傑清朝興望隆誰能末世態獨立古
游東先生文集
人風勲業隨流水生涯擬太空有情渾灑淚無
地問蒼穹

七

號帖筆親判書程手自題讀時稽遍數講罷問
空蹄暑夜三更雨寒牕太乙藜歷歷思往事悲
痛與天齊

八

臥病猶留迹長遊已化仙清白留士籍詩禮付
家傳在耳叮嚀話服膺鐵石堅天長還地久淚
哭是何年

有懷劉中翰伊坡二首

不見長卿久令人有所思詩如江左調文似鄴
中奇暫別承明殿曾垂天祿帷春來無限意樽
酒預相期

二

節鉞雲霄路風流翰墨林紫泥宣去遠青鎖步
來深新就河東陞常懸魏闕心追陪惜若晚猶
幸接嘉音

寄答玉子仁

吾友王摩詰情投膠漆如一分連夜醉愁接兩
游東先生文集
封書寒近蘭芳息露前菊影疎感時獨對月又
過幾盈虛

書屋前千層蓮盛開喜作

此日仙葩放池塘別樣紅千層嬌映日亂蕊細
含風已自發幽興無勞飲君筒靜中觀物理造
化一何工

重陽前一日夜喜杜東園王思齋過訪

方喜重陽近適承二妙來籬邊休問菊燈下且
啣杯書幌燭輝靜樵樓漏點催叮嚀聊暢別明
日共登臺

司寇尚書郎李槐墅奉使秦中喜過家

吾弟別來久親情契濶深 楓宸隆舊望槐里

播微音過問恩誠重傷情恨莫禁相期一樽酒

慰我病中心

里中有傳諸大老在近侍年端陽賜扇先

生擬題命作

恩賚出承明揮張滿漢京玉軸金作墜銀鈇絲

盤纓拜賜儒臣寵傳宣內史擎所期贊風動不

貴錦囊盛

人日

浙東先生文集

卷三

人日風光好圖書啓興多祥雲占道泰淑氣見

時和霄漢垂永治康衢擊壤歌書生遭盛際携

策敢嗟跼

夾岡舅氏堂讌集同傳希湯孔知省以劉

阮天台分韻一首

秦晉遠歷年仙凡別有天花開春晝靜樹密午

陰連雞犬雲中趣谿山物外玄此時鄉井念何

可更周全

上元後戲呈小川

憶昔元宵夜隨風雪漲時烘春簇火樹對酒泛

金卮銀鹿銜泥遣花燈滿戶垂野梅時正發
笛不曾吹

二

憶昔前軒宴三更尚諫詩歌喉雜鼓吹燭影亂
參差騰有騷人趣爭傳幼女詞今宵難再得獨
坐倒樽犧

辛丑初度

綠醕傾初度朱明又一年身名猶落寞時序自
推遷激烈題橋志慚惶賣賦錢承家與報主此
際益茫然

浙東先生文集

卷三

冬日侍坐外祖遂翁膝前因叩今官職大

小等威詳細外祖因以孔子問官爲題命

賦四韻

命官先進意至聖亦難知須叩人曾曉方悉職

所宜東周元有志西狩不逢時聞此學干祿前

賢亦近癡

二

古人爲仕學出處要分明蓬幕周官盛因知孔
聖情冠裳炫雲日意氣競榮名若是今從政何
足語重輕

前詩成誤蒙外祖逸翁大嘉異越明日又
以孔子問禮爲題再命賦四韻

老子玄元聖曾聞仕晚周岐山無鳳至亳郡有
龍猶柱下儀形在壇前編簡稠三千與三百相
與細根求

二

老子經全外姬公祖教崇成周長宇宙大道自
昭融孔李雖難竝乾坤各著功休紕忠信薄其
意有玄通

病中簡友人二首

清東先生文集卷之三

卷之三

病裏百憂集愁中萬慮生醫藥渾未解造化更
難明賈誼年猶少虞卿書未成詎堪當此際長
臥夏日清

二

一病經旬後形骸摠覺虛養身猶不濟經世更
何如岸幘行常緩彈鋏意未舒裘羊緣底事不
送枕邊書

七日祀北岳禮成時久旱之後至八日甘
雨竟日九日早晴發曲陽夜宿阜平

今日喜新晴曲陽達阜平計程過百里入夜已

三更官燈前薄鄉心枕上生無端與鷗鷺又
背舊時盟

十日駐龍泉關十一日闕關城城南面依
山中間一最高墩鋪當南山絕頂時與孫
憲副同登至此四顧萬山迴合聳萃在目
卽與更定關城內外建置賦此

龍泉關上路今日始初來城堞登南頂旌旄註
北臺幸逢佳侶在敢使壯心灰眼底經籌略同
君細細裁

十一日闕關城畢如長城嶺

清東先生文集卷之三

卷之三

一帶雄山峻千林古木高長峰留落日幽壑吼
驚濤秀麗雲中署嶺上有公署予署午金湯嶺外
壕嶺上有城城下又命浚梯隨節印應更勝
盧敖以深壕以爲神畿西界更勝於敖云

去長城嶺三里許有龍泉寺在五臺山中
地界屬西山猶兼隸井陘道孫憲副具午
飯邀予過此因憶地主高鳳渚中丞

一入招提境俄令眼界寬良朋炊豆飯老衲下
蒲團山助軍威肅門鄰陣影寒此時想高適最
恨不同歡

十一日夜雨十二日早發龍泉關道孟石塔

孟石塔邊路人間更幾何千峰連霧鎖一徑與雲磨沾潤微沙滑嶺岩險石多恠來游宦者向不此經過

偏頭山巔何副將勲具行厨炊午飯白予少憇兼犒息從官

稍過嶺石路肩輿欵步來山頭列幕帳雲裏出樽罍西向分三晉平臨對五臺半生探奇志應得壯懷開

浙東先生文集

卷之三

四月八日喜雨
聖德 天心眷休徵廣萃時 湛恩敷萬象好雨足三犁苗啓枯中綠花增分外奇小臣竊茂育歡舞賦前詩

二

靈雨沾濡遍新晴景色優雲開雙鳳闕溪漲九龍洲翠麥翻新浪嘉禾廣舊疇宮中今樂事端可慰宸遊

端陽日痛感書懷

伏由歷寒暑端陽又一臨乾坤血淚眼兒女歲

時心大火殘宮闕奇哉亘古今回 天急切事苦望北來音

辛未十二月二十三日予將之開府江防夜至王莊驛因思嘉靖庚戌曾遊南雍過此又逢方湖大監察不至濫成二首

不走南來路回頭二十年韶光驚在舊人事任推遷書劍當時擔符章此日懸捫心思報稱何以荅皇天

二

臘盡客程急更深駟鋪開繁星臨戶牖積雪映樽罍濁酒誰村共新詩且自裁懸懸瞻望切不見子雲來

浙東先生文集

卷之三

喜崔從窓殿撰過訪恒陽

喜爾鄴城客尋盟渾水濱從來父祖意刻在肺肝真風雨燈前話鶯花陌上塵相看那忍別旅况不勝春

二

茲來成把袂相對各潸然九死留殘喘三年共苦緣勛名吾獨愧英俊尔應先春色偏人急叮嚀早著鞭

辛未奉 詔歸省至臨洛喜作

客路衝炎暑關門日未沉雨增洛水澗山擁晉
雲深綠柳垂嘉蔭鳴蟬送好音鄉國看漸近應
慰倚門心

行次沙河是日弟高生辰有懷

對景懷吾弟懸弧在此辰豈知歸去路猶阻異
鄉身棠棣花陰近鵲鴿語換頻不妨相見日重
補龔頭春

送杞侯慎齋入 觀

兩地蒙相愛三年見有成歲時淹墨綬勞績爲
浙東先生文集卷之三

蒼生雲裏雙鸞鳥日邊五鳳城佇看旌異政不
數漢西京

寄荅栗計部鎬山

素居卜子夏多病馬相如徒誦停雲句難逢尺
素書高懷勤夢寐雅意勤襟裾更切思君處秋
聲鴈過初

二

京國交遊日綢繆意氣同一從分夜醉兩度見
秋風病後身非壯愁來歲又終因聲寄望眼離
恨正無窮

戊寅奉 詔起撫恒陽至臨銘有感壁間
舊題再次前韻

自守先親制丘園分陸沈生同一綫後慟徹九
原深烏府懸金印 龍章捧玉音茲來報 明
主惟有舊時心

弟高送予衛輝至沙河復見壁間舊題再
賦前韻

惠連別我去又度幾芳辰起臥元同被安危共
一身已令出處定故惹別離頻願期明年會相
逢及好春

憂旱

三春無一雨憔悴過花朝有策肉食笑無錢米
價高狂風飄白屋雨土失青苗憂國偏著我傍
人尚作嘲

挽徐澗泉吏部

通津方慶會宿草又含情世共推徐釋予尤重
稱衡寄書常惠問覓字恍如生何日延陵劍方
償掛墓盟

贈趙玄冲邑侯瑞雪應祈

共喜神君至旋看瑞雪來三冬卜歲稔萬姓轉

春臺昭格集靈貺投艱顯大才谷中獲舊詠同
思有餘哀

許東先生文集第三卷終

許東先生文集

卷三

許東先生文集第四卷

浚儀 張南 召和

七言律詩

登平定州城

早秋旭日上榆關城堞周游指顧間三晉長疆
接塞遠五陵佳氣近京環亂山迢遞排青障曲
水潏迴遶碧灣 盛世金湯渾不用旌旗空閃
戍樓閑

登樂平縣城望太宰喬白巖祠

山城粉堞晚風前城上登臨望欲穿三晉封疆

許東先生文集卷四

歸鎖鑰九秋節候尚烽烟田疇災沴餘禾黍邑
里蕭條少市廛遙覓白巖祠廟在憑車仰止正
懷賢

中秋夜坐追思壬戌年是夜與舒中陽同

寓磁州相招玩月歡飲達旦感而賦此

憶共中陽玩月時磁州曾泛去年卮長空光彩
十分滿公署樽壘兩地移情合不辭出故態酒
酣猶記寫新詩于今人隔天涯遠坐賦停雲有
所思

夏日高平坐飲泉堂槐陰中督使人糴糗

公案見雨後槐花散落滿地有作

退食從容懷素心後堂深樾坐濃陰更人書牘
啣枚靜詞客翻題擁鼻吟宦况且容學簿領世
情休細論升沉古槐似爲官清洗故洒落花滿
地金

再坐飲泉堂書懷

東山泉石委荒苔特爲蒼生綰綬來此日公庭
偕吏胥當年長夏臥蒿萊屠龍謬學千金枝飛
鳥獨慚百里才俗事瞿瞿渾自笑談玄懷抱幾
時開

許東先生文集

卷四

二

有懷沈對泉中丞一首

倚馬題書待雞鳴故人西望正含情軍中節制
新承命洛下文章久知名漢世苦營開五郡韓
公着意築三城祝君麟閣須圖像容我滄浪聽
濯纓

送陳幼溪南服操江

交情別緒滿長亭喜子風流出漢廷此去白門
眞仗鉞向來絳帳幾談經江聲偏壯軍前令海
氣遙連陣上形樽俎折衝今日事到時細柳正
青青

送上卿顧懷東致政歸長洲

羨君勇退乞懸車出處人間總不如四紀功成
逐塞馬三江歸去覓鱸魚高吟獨擅開元句直
諫猶存痛哭書忝竊論文知最稔分携何以報
瓊琚

晚秋出廣寧門別李月賓給諫時月賓以

論事忤旨放歸

早出同君坐酒壚郊門霜華滿平蕪沾裳不盡
臨歧意對景真成泣別圖已見金雞蒙異寵寧
容匹馬竟長途淦陽南畔漳河道會有微書下
帝都

許東先生文集

卷四

三

二月既望東村大司徒招游雨花臺同司
空洛南院長太東棘卿幼海棘丞象川席
上有作

雨花臺上早停軒麗景偏迎聚寶門八座尚書
開綺席五陵詞客共芳樽中天樓閣當人起下
界鶯花入目繁今日須拚盡一醉喜看豐樂滿
江村

中秋夜鳳凰臺燕門人武進謝景韓長洲
顧弘任二進士

鳳凰臺上豁吟眸，月色星輝近酒甌。千里同心
來二妙，百年今夜正中秋。山頭雲盡蓬萊近，江
面波澄島嶼幽。因憶李侯佳句在，期君斗酒一
相酬。

秋日寄答謝茂秦

江天渺渺鴈初飛，桂子風前點客衣。况那堪
秋又晚，詩朋常恨信全稀。雨中上黨春聯句，燈
下陽城夜掩扉。舊事祇今常在眼，登臨空憶謝
玄暉。

恒陽秋霽

浙東先生文集卷四
久雨新晴景最佳，捲簾秋意倍繁華。人烟市井
看無盡，鎖鑰山河望不遮。臺畔丹楓霜信早，天
邊白鴈字行斜。轅門鼓吹聲時動，正是軍中演
六花。

答李太字進士

近來鄉閭談詩少，末路逢君慰我思。逸氣誰當
千里步，藻思真擅六朝奇。寧忘下榻慙慙意，猶
記班荆晤語時。早晚東莊村酒熟，可能重許赴
幽期。

得張嶠味銅梁書

萬里蠶叢寄一書，開城涕淚滿幽居。可憐話別
六年後，同是魂招九死餘。事過始諳渾失計，眼
前莫問更何如。寒灰老我冥心定，汴水河干已
結廬。

清豐院署書懷

冉冉春光已向殘，不堪回首憶長安。倉茫始覺
年華易，坎壈方知世故難。河朔風塵誰載酒，頤
丘明月一憑欄。卜居閑詠平賦自撫丹心轉
更丹。

新正十三日上封事後出東華門訪客過

燈市

由來帝里競繁華，燈市何知此更佳。九陌珍
奇傾海嶽，五侯車馬燦雲霞。遙傳魚鑰東華暮，
却望鰲山上苑賒。獨有侍臣寂寞甚，年年草奏
侍黃麻。

哭許玉泉二首

辛苦文場四十年，杏園春色竟無緣。高賢空自
貧原憲，明主何曾棄浪仙。流水浮雲終是盡，
陽春白雪會應傳。人生得失渾閑事，無待從頭
更問天。

二

人日相逢酒一尊與君別話坐前軒春關準擬
登高第秋卷旋悲返故園臺榭黃金誰引薦樓
成白玉獨銷魂此時知己傷心處血淚難禁哭
寢門

過呂翁祠留題

邯鄲路上幾曾由今日重經是壯遊千里客程
勞駟使一天秋霽豁吟眸丹誠爲國覺逾壯祿
食驚心愧未酬敢向烟霞說浪跡夜來懷有夢
西周

謝東先生文集

卷四

六

送李中泉郡伯之仕華州兼訊其令婿長
安令孫孔鄰

晉陽西去過弘農便指專城是華封趨府兼程
剛五舍開衙終日對千峰漢京事遠跡猶昔秦
地春深景正濃長樂門入公事已不妨東坦數
相從

林下一人卷爲毛介川尚書賦

天上不聞曳履聲江壩今作杖藜行六卿位繫
當朝望五畝園開此日情須爲東周還有夢莫
從西竺學無生十年叨評論心客何地從公更

結盟

送一齊都諫出叅楚藩

憶在兵垣侍紫宸同時先後曳朝紳那堪把
袂論文日遽見臨岐送遠人九塞烽烟新掩燧
三湘旌節待行春叮嚀須樹非常績始稱君
心簡近臣

送朱比部瑞瑒東省恤刑

正是鶯花滿漢京喜看仙吏出承明十年骨肉
論交意此日東西帳別情能賦名應高泰嶽平
刑恩可潤蓬瀛須知種福同春處不比尋常仗
節行

謝東先生文集

卷四

七

清明與大司寇及泉集廣慧寺聯句

偶爾尋芳到上方不妨日暮醉壺觴及禪僧對
話俗緣歌駭客吟詩飲興長及城市偷閑兼吏
隱鶯花供賞爲春忙及清時幸我無他事濫與
冠裳共帝鄉東詩

隆慶壬申春三月二十五日聞老親至自

家鄉是日早出艤舟燕子磯下候之得登

臨竟日賦此

燕子磯頭春正深登臨得逞壯遊心長江浩蕩

關天地懸石巉巖自古今王氣繞京常護拱
蜀如夢幾消沉板輿爲是迎親至竟日傾壺縱
嘯吟

謁武安王祠

祠廟臨江翠瀟奇江蘋聊酌拜公祠三分未遂
匡劉恨百戰空勞出蜀師英烈尚然瞻散見神
威猶自凜旌旗萬方香火緣忠義此事曹瞞固
不知

壬申夏齋居敬亭

五月齋度居憲臺晨昏洞啓敬亭開檻前漫繞
游東先生文集卷四

開雲度樹杪濃疑瑞靄培燭影通宵瞻黼座松
陰帶月立蒼苔追思叨遇從前事此際常迎

王輦來

嵎嵎中丞金陵履任後卽如姑蘇因相邀

院館夜集席上偶成二首

江上重逢及早春建牙開府正相隣百年意氣
渾同調四海交遊更幾人詩自岷峨傳派遠酒
從酩酊見情真羞談李杜齊名話但與雷陳作
後身

二

殘更對酒方成醉明日臨岐又送行詩社空懷
舊索處官途真是苦嚴程秣陵凋敝緣增賦吳
地微徃起募兵五袴兩岐君素慣此行應蚤慰
蒼生

順德城工告成紀事二首

邢臺城廓起新工城上周將相度中南嚮填臨
諸夏遠西來遙映萬山雄漢家列郡失馮翊周
室宅尊重鎬豐淺薄何能勝任使經營深愧古
人風

二

游東先生文集卷四

詢謀經始若爲工語在連篇奏草中圻輔欲
懸九鼎重金湯須冠萬方雄程工事是先民隱
問俗連年喜歲豐多賴同心直指使王成尤得藉
觀風

丙子中元節墓祭畢至莊小坐

早秋天氣覺蕭爽節遇中元更作陰乍淡乍濃
雲黯黯忽零忽歇雨侵淫田疇禾黍飽粥足糞
墓松楸涕泪深祀禮既成村酒在一尊相與惠
連斟

二

免喪忽已再經秋慟滿衷腸尚百憂臥病敢言
輕緩綬結茅聊得傍山丘三生知遇誰青眼萬
事逡巡浪白頭衣應菱荷須早製歲時從此任
悠悠

次內丘讀大冢宰疎菴壁間舊題依韻一首

野人再起望宸居回首河橋憶壠墟一自萱
堂悲啼烏寧思栢府更懸魚淒淒連夜還鄉夢
狂慙當年諫獵書知我能於生我並眼前鮑叔
果誰與

浙東先生文集

卷四

十一

送曹衛松太府還關西憲副二首

憶昔同君入建章相携聯步侍先皇螭頭日
視黃門草雞舌時含玉殿香十載遙分岐路
遠二天重結舊緣長只今臥病聞喬擢夢遶夷
門錢別觴

二

渭水秦山路渺漫河橋春色正將闌忽聞憲使
榮新命頓使愁人阻舊歡代裏才華推子建
郡中寂寞臥袁安不堪欲致叮嚀意細數離情
憶是難

九日真空寺登高

去年塞上覺山寺今日真空寺上臺人事休驚
出又處行踪且喜去還來颯沓風雨經旬淨寥
廓乾坤一望開醉裏浮生應了悟牛山真是浪
悲哀

小灘公署二首

開府昔曾爲地主停舟今又傍河濱岸頭柳暗
春才去水面烟橫日已曛羊祜慚言留德政虎
賁猶識舊將軍郵亭一笑開今古風外漁歌未
忍聞

浙東先生文集

卷四

十一

二

從此官程水陸分小灘公署接河濱田疇年麥
時難稔旅客帆檣日易曛魏博提封連四域漢
家轉餉急三軍囊中奏草今猶在去國匆匆未
敢聞

齋居對雨

風雨經春無日無齋居默默興全孤愁深又見
梁間燕泪盡翻憐花上珠三尸常榮窮骨相五
車渾忘舊之乎因思對此當年事正是逢人泥
酒壺

哭門人何喬佐祠部

與君南國重綢繆獨記江東雨夜樓對酒談經
渾濫漫挑燈把袂屢淹留愁來衣鉢憑誰論老
去衰羊憶舊游血泪連年揮欲盡更堪門下失
何休

寄吳明卿大參

十載思君遠夢魂福星今日喜參藩陰鏗佳句
留文苑長孺直聲滿諫垣二室雲中增麗色大
河雨後漲新痕幽人更有無窮意尊酒何時與
共論

謝東先生文集

卷四

十二

園中次鄭披雲山人韻

耽書常日臥閑亭收藥時翻本草經明命已孤
三帝寵移文莫屢北山靈入杯花色權爲錦隔
座松陰自作屏不是蒼生開謝傳無勞空谷問
儀刑

門人李小和憲副歸櫬渡黃河牲醴致奠

春殿看君起一經十年再會柳條青虛孤寒漢
日邊路可奈風波水上萍樓樓一尊別夜月寒
寒諸子散群星哭君豈料歸舟櫬今傍吾村渡
口停

與主僧談往歲如金陵事有懷三吳諸舊
遊因次壁韻

常擬登臨九月秋此來心跡轉成幽忽因飛錫
齋前話却憶奚囊江上舟寒菊交加依舊艷暮
雲南北自空浮于今屈指論詞賦誰是梁園第
一流

七夕夜坐

佳期幽興歟難尋兀坐翻成歎素琴暑後樓臺
催繡扇風前鼓角助清砧唐賢乞巧文猶在漢
使乘槎說到今顧我樽懷空自倒迂愚深負歲

謝東先生文集

卷四

十三

時心

送朱擴齋之永定學諭

蘭葉桂擢逐行舟南去閩江正早秋對酒莫辭
今日醉執經猶憶昔年遊還將雨露開桃李更
喜文光射斗牛此地晦菴曾毓秀佇看文教繼
前修

辛慎軒之掌院留都途次專人惠問倚馬

槭封賦此寄別

雪裏逢人寄隴頭前茅今已過雍丘忽因玉樹
增離思却向金陵憶舊遊江海行踪勤夢寐榮

桑生事老夷猶田家臘酒浮浮嫩無計能扳一
勸酬

送石東泉司僕赴 召兼訊穆少春趙全

石詞丈二首

草野交遊漸覺稀君今又下舊漁磯 天遠丹
詔催人去月下清尊與願違尺牘何能詳出處
丈夫元不爲輕肥惟應此去饒經濟護我山中
老布衣

二

禮遜辭楚高人論和璧拙秦幹國才今日風流
浙東先生文集卷四 十四

屬二妙早時聲譽動三台悠悠生事空懷我渺
渺懷人獨上臺歲晚貧家雞黍在一尊相待肯
南來

送李見虞侍御之任留都

東南佳氣滿金陵虎踞龍蟠自昔稱三月韶光
春正好萬年王業日方升扁舟蚤歲歸張翰
十有八年矣 馳馬乘時美李膺此去臺綱端
有賴風裁誰不讓君能

答周憲長大川

沼面新荷出水齊牆頭繁杏壓枝低閑乘下澤

晨遊遍臥傍南牕午夢迷忽報良朋傳錦字驚
看喜雀傍人啼谿山花木均相待煩得從君細
品題

嘉靖甲午先大夫之任關中左轄函時方

九歲相隨過汴值長至令節大父因以爲
題限韻城字命函賦近體詩二首詩成大
父笑而頷之今萬曆壬午冬十一月爲與
同年友傳川曹公婚嫁入城再值長至回
頭四十有八年思往事皆歷歷如昨但當
時祖父歡聚一堂者今音容皆不可卽矣
惟時方與傳川暨宗正西亭諸公歡眺宴
集中乃暗自潛然抽筆賦此二首

九齡隨祖入關時曾賦梁園此日詩舊句猶餘
篇簡在重闌痛引夢魂思君親報效心猶壯潦
倒乾坤吳已綵對景持盃紛感舊不堪涕淚洒
淋漓

二

天地一陽又轉回喜瞻雲物上梁臺河環佳氣
培中土日擁祥光護上台榆社冠裳集舊侶羗
園詞賦出新裁好懷佳節逢今日爛醉寧辭濁

酒杯

長至日中丞褚公愛所監察趙公用吾相
招宴集

一別承明類轉蓬浮生聚散揔難憑會逢佳節
論心處猶恐良朋是夢中陽後喜生春酒嫩夜
深重換臘燈紅二天庇覆三生幸偏在夷門汴
水東

二

二妙才華絕代豪聲名應共斗山高樽豐喜共
梁園宴臺省曾分漢閣曹張茂慰勤識舊劍范

謝東先生文集

卷四

十六

叔情誼感締袍明發策蹇辭君去又披羊裘作
野樵

宗正西亭席上作

交情蚤歲濫龍門宴好茲來集苑園五夜風光
輝熒炬一陽消息動乾坤金聲擣賦名猶重玉
牒傳經道更尊不是白頭心知在區區懷抱向
誰論

二

筵前戲樂詎尋常大雅朱絃入酒觴紀瑞喜看
傳盛事揚休猶得藉餘光天開姬祚方昌曆慶

毓名藩自衍長翻恨鄒枚賓從侶無能曾此賦
篇章

藩臬閩伯諸公宴集

綺席弘開欣聚會德星高照燦光明興來晤語
三益共至後寒威五夜輕輶假夔龍司河嶽喜
令民物沐生成故人飽受青門澤肯與瓜田背
舊盟

二

岐路流光歲幾過趨前猶聽舊吳歌餘生幸矢
耳心在衰髮堪憐白髮多天上何緣隨鳳翼河

謝東先生文集

卷四

十七

壻歸夢落漁簑淒涼舊話長難盡酒盞燈輝奈
爾何

沈龍江宗伯宅內鼎石山成戲贈

突起高山宋苑東尚書平地若爲工補天慣是
經綸手驅石元分造化功五岳真形傳正印一
峰高插表孤忠懸知妙契山靈意先遣熊羆入
夢中

門人王憲副成字過儀設筵宴予越明日

予亦招成字于小園爲春遊之會

老去衰羊見面稀爲君今日下漁磯回頭往事

寧堪語執手歡情且莫違兩日朝曛同笑散蒲
門苑李正芳非從今願軫聞聞念莫慮山中菜
蔬薇

送糕廣文遷 藩藩王傳路歸郊城

浮世功名好是閑滿斟綠酒送君還十年官况
青毡上晚歲生涯白社間涼榻睡高東海日柴
門靜掩夕陽山黃金時繫封侯印未必如君足
解顏

懷賈具山年丈

具山山人太劇心常橫雙眼醉沉沉人間看破
千般劫靜裏收來滿鼎金落落乾坤兄與弟淵
淵道術古還今前番下榻叮嚀處說到無言意
轉深

壬辰初度門人王成宇憲副特駕枉賀感

謝二首

甲子泥塗初度臨感承高誼刻予心柴桑逕僻
人過少難忝筵開喜不禁盛暑弗辭勞憲節隆
施誰復數兼金平生門客爲時重尤得君情邁
古今

二

慇懃壽酒欸留賓信宿還同月色新四海交
誰與共百年恩誼此爲真筵前頓軀伏中暑
上還清雨後塵爲是使君高誼重故令歡愛協
天人

送祀侯徐鍾岳之南武庫郎二首

父勞中土宜新寵忽拜南官赴舊京長社早時
得怙恃今之長葛漢之長社雍丘更喜荷生成桑麻雨露
深留澤道義金蘭結盟岐路茫茫秋色裏大
江南北不勝情

二

龍興神武耀留京燕翼貽謀仰 聖明帶礪侯
王推漢將魏貅百萬擁江城瑤圖紫塞清平久
金鑠綠沉朽蠹生今日 君王欲振武故將兵
議寄荀卿

懷侯葵所中丞因來詩答謝

邇來無事不思君最苦思君君不聞傳道避喧
離市井更憐索處自朝曛動勦朝野寧高枕南
北兵戈望解紛我已無能君須起休便長臥故
山雲

哭穆少春一首

憶昔辛巳與論文三月韶華喜對君曼卿共還山侶時共石東泉司馬日夜環集平子新旋且于長亭盡日始罷故云易水軍落日壺觴渾盡醉長亭冠蓋揔如雲于蓋揔如雲于今回首歎娛地徒有吞聲那忍聞

春日如夷門過張玉陽太史宅有懷

草玄宅第蔚春光無計重登太史堂向日君曾頻下榻此時誰更與傳觴陽城師席臨六館張翰扁舟艤大梁兩地相望千百里江流故隔秣陵長

王用吾憲長以悼內詩見示用韻答賦

游東先生文集卷四

底事賢淑不永年歸輿萬里覓牛眠夫君報德三光命令子哀聲徹九泉故國天高無過燕梁園春盡怨啼鵲天公難挽輪迴數故遣先機夢斷絃用吾先曾夢此故云

再慰用吾前韻

夷門約會自前年強却一裘起晏眠直擬虎谿成共笑豈期鵲侶喪重泉翻將伐木歌新誅始信啼猿讓杜鵑莫恣眼前兒女意好揚薰吹助虞絃

追悼西亭宗正兼贈其冢嗣竹居

壬午嘉平歲向殘先翁夜對酒杯前當筵僂僂騶虞戲時公令人份周玉滿卷珠璣白雪篇騶虞戲得騶虞于神后戲劇消息隔重泉于今子政真繩武一對相思一愴然

予至汴小山王孫以詩見贈次韻答之

野客長年臥草萊夷門今日又重來爲尋作賦王孫侶更羨匡時子政才柳絲盈盈著意綠杏花采采向人開梁園此夜德星聚定有光鉉燭上台

游東先生文集卷中

二十一

哭兒 予兒未恩卒別駕汴涯趙公鄉進士中峰孫公亦相繼卒哭兒哭兩公益汴涯邑先達中峰同籍姻戚皆生平心知友也

晝夜哭兒泪不收衰殘可奈集多憂靜中難免腸千斷海外何曾更九州朋輩近來多喪逝光陰老去任淹留諸君泉下兒相遇應許相從與共遊

送馬北溟杞侯入 觀兼省其尊人中丞賦得知字

曾共山公近侍時 天顏日日近臣知
今瞻下呈雙鳳正是山中覓紫芝
文藻故令三蘇擅風流偏許二男宜
裴蕭湛露承恩後更帶恩波入壽卮

張震峯起司徒賦別并寄南臺院長陳公楚石

向來婚嫁完成後不走夷門又十年
顧我真成叔夜懶傍人誤作子雲玄
嚴程丹詔促尤急話舊清樽那共傳
如遇江防今撫憲相思爲報意懸懸

許東先生文集

卷四

二十五

寄南工部郎孫見田父母

金陵官舍相離遠惟有懷人意不迷
恨別那堪無問訊論文久不見雄詞恩
深桑梓瞻依處義重雷陳想像時忽報
江南來駟使殷勤一札寄相思

題何氏貞婦卷

烈志能增青史艷貞操不數白頭吟
真令盛世光風化可謂人心異古今
真鴈禮成三月見舞驚情結九原深
堪嗟一念從違處多少英雄付陸沉

送親望郭南坡之任清原駟丞南坡爲蘭

陽世族又予妻黨親屬也其祖父在先

朝嘗爲名御史積宦至按察使其父著望

于王官今南坡拜茲官以行予恐其卑

而不殫于厥職也故賦此以勗其志云

憐君狗祿歲夷猶今日崢嶸始壯遊苦爲姻親

惜遠別况逢節序更深秋黃金臺下馳官騎清

水河邊覓駟樓國寵家聲宜慎重丈夫何必盡

封侯

頌曆

許東先生文集

卷四

二十三

燈火微茫欲曙天漢宮金鑰聽將傳聖朝自

重千年曆臣子先供五夜虔翁河已通南國貢

寧邊復斷北門烟腐儒欲替熙明運猶有封章

草數篇

送明府安齋父母之輦昌別駕

玄水相逢意最真襟期不數舊雷陳
巍科偉望名三晉玉季金昆見兩人
自綰緋章將報政喜看桑梓頓回春
從今無那相思恨魂夢應隨遠過秦

二

聖主籌邊大業恢度支持拔出群才花封共惜
神君去榆塞喧傳少府來客路風霜無憚遠邊
城角鼓正堪哀湟中貯積金城畧此去勞公次
第裁

送門人馮仰芹叅伯入 賀兼訊冢君琢

菴殿撰

才喜逢君又別君嗟予况是久離群何緣對酒
惟三日即迫嚴程上五雲金鑑忠誠應晤主
御屏姓字有前聞懸知此去多榮遇無那相思
對夕暝

浙東先生文集

卷四

二十四

二

拜前有子侍台光山斗名高白玉堂華國文章
懸世望匡時助業果誰當一從辛巳都門別十
載雲林道路長橋梓相逢詢仲蔚扁舟無恙舊
滄浪

北莊望宋景文故宅有懷二首

宋室得人每重論君才真是擅經綸徒翻青史
思前輩難探驪龍繼後塵異代襟期還可共百
年村落故相親興來仰止長林外尊酒柴門月
色新

二

渡嶺橋邊事最真因君尤得重天親喜將妙選
龍頭第易作難兄驥尾人風度當年應絕代鶯
花故里自長春北莊獨接芳隣近恨不相逢一
討論

敬所詞丈四和予詩因次元韻答謝

冷暖隨緣見世情范陽猶自結平生淹留野徑
成三笑怕聽陽關第四聲牛背笛音隔壠近鷗
邊春水赴舟平相煩更取相逢事寄語裘羊在
帝京

時宋州同館故人
皆官京師故云

浙東先生文集

卷四

二十五

二

一刻春宵酒似泉三竿紅日尚高眠烟簑最是
目前計金印徒曾肘後懸老去無能裨聖主
愁來何日觀豐年寸陰惜處還私懼俯仰柴桑
憶昔賢

長洲怡園顧君予禮闈所舉士也歸隱吳
門曾一再晤茲陸誠菴南歸賦此寄訊

隔江常恨信音疎吳地人歸好寄書向見已驚
雙鬢改別來又是十年餘無才用世漸前事有
幸投閑整舊廬問爾深山更深處結茅招隱與

何如

送魏后源遷邯鄲學諭兼訊 大司馬張

弘軒先生

洛陽耆舊交游盡末路相逢又得親絳帳傳經
森桂籍青雲有子侍 楓宸五陵舊事予衰甚
兩邑人文子振新若遇心知張子厚爲言相憶
夢魂頻

送梁印南擢慶遠司李便道過南海兼訊

門人陳榮峰憲使

久從大雅推文儒忽報 新恩拜理官地濶獨

軒東先生文集

卷四

二十六

憐途路遠情深更苦別離難蒼梧會喜乘鸞客
白社空愁老鴟冠此後相思應倍切可無尺素
報衰安

送周大川觀察赴 闕兼携其令嗣之南

宮會試

梁汴老龍耽久臥渥洼神種自時騫不緣奕世
陰功重那取科名繼序賢除目還開榆塞府揚
眉行看杏園鞭柴桑逸叟通家舊先爲題詩寄
彩箋

寄李葵菴提學

魏闕當年獻賦時同袍獨與結心期李膺自是
名先重張翰今應世所遺岐路風烟勞遠夢中
原人士仰真師柴門尊酒夷梁道何日相逢話
別離

臘日東莊卽事

柴門初啓靜寥寥至後雪霜暖尚遙老去有緣
惟書卷閑來無夢到雲霄高頭樹帶含烟色南
面梅發向日條可喜此中張仲蔚襟期才得付
漁樵

寄舒繼峰憲長

軒東先生文集

卷四

二十七

故人持憲臨中土野老題詩感舊情岐路久分
京洛夢同袍曾締海山盟懷中諫草當年重天
上法星拱極明萬事憑君須努力衰殘慚已負
平生

答少宰何震川

不見何休首重搔捫心三世憶同袍傳家節義
南金重華國文章北斗高世上共歎今頗牧禁
中須仗舊夔臯島夷塞虜相乘甚何日王師許
臥轡

少傅虞翁將至鄴城喜而有作

海內蒼生望此翁一封 丹詔起蒲東雷陳兩
世通家後誨語連宵旅夢中司馬還收經國計
謝安元抱濟時功明朝準擬漳南話細道重贖
倚望隆

念山監察聞始發天雄遲會不果懷之有
作

憶昔同君醉別時長安更漏夜遲遲相思不禁
隔年久良晤猶嫌此路岐風采埋輪傳盛譽才
華經世見雄詞滿腸情話盈杯酒恨不令宵與
共持

許東先生文集

卷四

二十六

清明前二日照字明府讌集小園席上口

占二首

花色重重照綺筵鳥聲嚶嚶助冰絃可憐嬌艷
三春候恰及清明兩日前載酒便行沙徑軟題
詩爭奪錦袍鮮風流佳客酩酊主未許山陰事
獨傳

二

一日春郊興儘豪追扳冠蓋盛游遨元卿舊業
存三徑玄晏先生長二髦醉眼常迷花影重歌
喉堪擬月明高分題細味群公句箇箇雄詞並

雅騷

顧熙字明府以佳製二詩枉謝用韻答之
連朝隔巷信音疎風雨相思夢寐餘忽見詩中
傳錦字恍如花下接監輿潛身愧我同顏闔健
筆憐君邁子虛猶記醉來重有約牡丹時候定
何如

二

九十韶華興未窮尋春日付酒杯中溪邊流水
涓涓急徑裏垂楊處處通鳥道聲隨詩卷弄花
陰色映艸堂紅拖雲遶月亭前趣更可留賓坐

許東先生文集

卷四

二十九

晚風

送薛樂山父母擢安樂州

白露兼葭景對真離亭酌酒送秦人行馳五馬
官階重回視雙鳬寵渥新滿路豐年歌黍稷
沿邊降虜靜烟塵勞君遼海征途遠益信朝
廷爲遠民

右泉監察往滇南予專人往餞至則先一
日已長發矣今瓜代過家賦此以寄

尺素械封久自裁至今懷袖未曾開田家不覺
一年過憲節俄驚萬里回社裏親朋常共念臺

端風采思雄才東昏亦是還京路肯枉前綏取
道來

送步李李父母入 覲

九天閭闔際明時萬國衣冠捧壽卮圖史尚傳
卓魯政風裁今重李膺安名題 御宸占天寵
掌鴻金莖仰 帝私鄭重臨岐無限意雙鳬還
治莫教遲

送陸誠菴進士歸長洲兼訊顧熙宇父母

對君懷抱摠難傾更爲傳聲謝顧榮魏博自拋
連夜醉客臆寧忘舊時盟風雲變幻人間世話

浙東先生文集

卷四

三十

語追隨夢裏情珍重相將攝玉體眼前霖雨望
蒼生

錫命堂前後紫荆桃花相繼盛開喜賦

春滿河壩居士家小堂前後賸豪奢桃紅才露
出頭葉荆紫施堆着骨花展袂艷粧承夜雨覆
欄炫彩映朝霞堂中人老風流在忘却綸巾鬢
已華

送王憲副擢湖廣叅政

交情誰是舊雷陳而我相看意氣真畿甸巡行
曾並轡都亭丰采意理輪倉皇世事經由盡翻

覆人情感慨頻今日送君君須勉乾坤容我一
關身

二

十年隨地擅經綸此日應登要路津梁宋封疆
空戀主荆湖雲物待行春雪天別酒頻須進瑞
樹宜人且自親所恨別君君別我逢人又是白
頭新

送常景復之任黃梅

離亭把酒對南薰驚鷺飛來自五雲素論每談
嗔俗吏黃梅庭喜得神君蘄陽北望梁園近海

浙東先生文集

卷四

三十一

上南臨楚路分此去囑君須重勉循良嘉譽早
傳聞

壬辰元夜

華燈相對勝常年火樹銀花得歲先雪後樓臺
增壯麗月中庭院轉新鮮髮添白髮休言老手
懸金鐫未恐眠忽憶舊時今夜事三朝常傍
聖皇前

壽史侍張母太孺人八十

憶昔追隨歲月長范張交誼有輝光方欽持斧
清南甸更喜稱觴獻北堂綸紵行看榮壽筭常

花正早媚年芳何緣得假官常限奉侍碧桃錦瑟傍

八月十三十四日夜中堂待月讌集家衆話舊一首

皓月盈上海東一天秋霽淨長空兒郎共勸若翁醉兄弟仍憐此夜同自喜捫心無愧恨敢將回首慶英雄樽前情話渾無極傾倒何妨待日紅

送宋栗菴年丈再撫恒陽一首

兄弟相親四十年近時消息恨茫然歸來鄉間逢人少老去蒿萊穩卧便白首幸無慚素節丹心猶可對皇天聞君再起恒陽撫好展從前未了緣

同鄉運判黑君相訪因寄懷李少荅內翰

南陽一客訪村翁因爲題詩寄李公別後裏情渾痛恨病來春夢總朦朧雲霄華路無緣共桑柘田疇有路通獨怪風雷日甚卧龍何事久隆中

雍丘王中杞承枉駕見過月夜有懷

代中有美雍丘子嘉遯高風亘古難衛道自忘

雙鬢改憂時誰解寸心丹漫將詞賦歸王粲終見蒼生起謝安雞黍會合情愈切月明贏得倚闌干

悲秋

一夜秋風到敝廬滿庭詩思月明孤往懷未遂凌意志時序俄驚墜馬卿常索處鑿跼季子欲何謀此中與俱

丙戌三月七日得京使報門人陸誠菴會試中式喜而賦此

一見捷書報陸郎故人情意喜何當君才擢第真無忝吾道乘時倍有光草野心懸切倚望天人榮對自昂藏篝燈河畔匡時約從此須煩與盡償

中堂夜酌

密雨長風晚更多今宵無奈月明何遙思蟾兔寧無謂不見嫦娥可問那適意樽壘傾北海寫情詞曲憶東坡衰翁遮莫流光易醉裏渾忘鬢已皤

春日東園宴詞客吳章堂山人山人席間

有贈卽次韻答之

神交數載慕詞鋒無計乾坤覓隱踪華譽徒聞
光祀國高軒今始過儀封詩談王屑風生細花
樸銀缸酒正濃美景良辰客更妙勸君須爲我
從容

送和龍川參伯之晉藩

兩家祖父交情最三世綢繆意更真手澤遺文
各鄭重心期舊事敢沉淪予才豈是匡時侶君
貴先推濟世臣國寵家聲俱倚望好抒奇抱撥
時屯

許東先生文集

卷四

三十四

送辛慎軒起南司寇

憶自潯沱河上別于今又是十年餘傷心相共
脚悲痛望眼憑誰問起居顧我長年空伏枕喜
君今日拜除書匡時悟主目前急莫戀鄉園緩
去車

殘臘懷周樂軒制府

河上公知世味真顧予應否是前身床頭風雪
耽幽興歲晚時光憶故人瑤樹嘗榮千里夢梅
花今報故園春交情何日重攜手無柰白頭滿
眼新

首夏東城草堂卽事

負廓茅堂一徑深良朋日日喜來臨但教座上
清尊滿遮莫巾中白髮侵犬馬壯心留社稷衰
殘今日老山林萬事目前難盡語閑將梁父一
長吟

二

紅葩却盡綠陰深節序俄經首夏臨老去流光
覺更速閑中俗務免相侵殘棋未罷日過午晚
飯方歇月上林自是從容多樂事歸途緩步更
長吟

許東先生文集

卷四

三十五

寄懷梁左史雲岳一首兼追悼其伯氏浮

山

向來京國最情親邸舍偏能結比隣兄弟才名
稱二妙詞章高調更誰倫朝端日接班行近夜
酌時聽刻漏頻回首招魂與思舊令人空憶五
陵春

壬辰初度自壽二首

喧七笙鼓壽筵初把酒樽前自喜予兄弟兒孫
俱長大祖宗功德荷龐餘還山寧爲貧窮戚近
水惟驚歲月虛好趁若翁矍鑠意從新還整讀

殘書

二

華宴高張獻壽初持盃含笑更慚予蒙頭短髮
行將少賣賦微金那得餘報主從前違素志求
仙此後更玄虛憂勤惕勵傳家訣四字還從醉
裏書

送外舅近川翁任南鴻臚

垂髫幸許結良姻回首忽將四十春泉下糟糠
新寵命眼前兒女盡成人遭逢有遇皆翁庇潦
倒無能愧此身今日都門復送遠臨歧不覺淚
沾巾

許東先生文集

卷四

三十六

詩集

新春十日後三日大雪對酒卽事一首

新正十日雪霏上銀海搖光眩素輝誰遣孺枝
接遠近何當玉屑積庭闌及關韓子春迷道平
蔡裴公夜破圍今日太平無箇事表安只合掩
柴扉

送王志菴職方巡山海關

遼陽一線入燕雲故設雄關扼海濱特擁旌麾
勞鎮遠非同畫劍學從軍禁中頗牧深慚我海
內衰年可伏君此去籌邊端有望暇時先上禦

戎文

相渠翁相公相約夜酌因賦此以贈

把酒慙慙問客程開軒贏得晚涼清東山去路
炎蒸少潞水飛帆五兩輕青瑣近臣將使命白
頭上相卧江城趨庭獻罷南山曲須道明廷倚
望情

賀殿撰敬所詞宗榮膺鸞鵠有序

伏以 明經華選喜膺鸞鵠之榮結社
舊游尤切欽揚之惻觀成盛事聿信恒
情恭惟 執事瑞世高賢出塵偉抱

許東先生文集

卷四

三十七

詩集

工辭翰人推八斗之才夙擅稱名世仰
三都之賦父淹東序甫薦南宮真爲大
器晚成信是明珠莫掩每讀漢史文學
諸議見古人學術真能有益于世之堪
珎夫何邇時賁賁一途其小就功名殊
自薄待其身之甚淺知君奇抱必振顏
風齒忝竊交親夙敦道義自從蚤歲相
隨翰墨之慙以迄今茲歸卧田園之久
辱君不鄙受愛獨深故成二章聊表中
心一念

二十年来意氣同
槭書無日不西東
每從過禮銘高誼
直許雄文振古風
喜子青雲才得偶
嗟予白髮已成翁
相期相賀無窮意
盡在新詩一卷中

奉別憲使成宇老公祖之貴竹叅伯二首
憶昔春闈校試時
何緣能結此生知
山林歲月予今老
梓里遭逢事更奇
既錫玄圭能拯溺
還敦素愛過隆師
新恩大拜王程急
無那臨岐悵別離

二

許東先生文集 卷四 三十八
河上兩年勞憲節
相逢常下釣魚磯
興來鷄黍情偏盡
語到肝腸意不違
君去功名應振世
予耽林壑已忘機
相將各務崇明德
吾道從今重有依

許東先生文集四卷終

許東先生文集第五卷

浚儀 張鹵 召和

五言絕句

龍泉

掛甲松上崖龍泉
何必莫謂祗盈池
山腰自淩出

白銀河村山行四十里過扒背嶺

莫畏半臂麻孟石塔邊險道名還愁扒背嶺
亥徑曲鑽雲崖深千仞井

諸將以予山行又嚴其供帳每取彼青布

許東先生文集 卷五 一

幕若斗室然爲予山頭憩食之所因憶韓

昌黎裏城聯句有云漫作

退之有佳句今日坐山嶺始信青油幕軍中自

古然

七言絕句

十五日竹帛川閣臺牆回應關城中驟

雨

山頭雲起勿奔雷日暮征人塞上回與隸喧傳
須窺步兩龍只在黑雲堆

二

黃昏雲雨暗層層將到山城尚未曾乍疑陡閃
星輝燦却是營中萬點燈

予許令何副將作茨溝城及各公廨衙宇

城成予易名曰應關城蓋以南北龍固倒

浙東先生文集

卷五

二

馬之間獨新有此城也口占賦此

新築行臺傍翠微青松崖半故相依山深真是
春難到四月楊花才亂飛

二

敢言羸馬厭西東仗節臨戎又此中
互徑懸崖俱許過山靈應是喜相逢

三

萬山經盡路盤旋燕雀新堂正好眠
衾枕設來真自喜今宵應有夢安便

四

陣陣鉦鐃隊隊旗山人爭觀漢官儀不緣官府
經過少何事人言喜見遲

募民謹五首

一自胡兒踰塞欄至今燕薊列材官屢勤三殿
徵兵詔何事六韜奏捷難

二

四方應募盡驚驚萬里勤王豈憚遙只恐承平
民逸久難同虎將禦天驕

三

文皇神武試重論汎掃胡塵帝業尊聞道當時
有名將曾將數騎奪崑崙

浙東先生文集

卷五

三

四

壯士臨行氣儘豪親戚擁道泪如濤今日送爾
雕鞍上何日殺場說大刀

五

樓船七校起從新義勇關中盡作屯漢宋虛憐
餘故事我皇元不浪煩民

夜坐漫興

王風蔓草已迢遙清廟遺音須見招苦憶同聲
二三子休將靡麗戀六朝

癸未夏黃河暴漲直抵儀城護城堤下舟

中四絕

忽然平地作江河間里顛連柰若何愁絕翻冷
強遣興撐船學唱採蓮歌

二

連天一望水模糊夏麥秋苗寸草無黃杏露稍
聊繫艇一瓢村酒向誰沽

三

暗思古道傍濃陰汎筏行船水更深無奈蛙聲
雜野哭夕陽影裏倍傷心

許東先生文集

卷五

四

抵役長江二十年今朝風物復依然野人贏得
拋金印落取生涯滿釣船

黃聞野年兄借取蓮栽兼汎其社中諸君
子

叔度春波千頃開新荷尤勝去年來久知玉井
靈根妙莫惜停分惠我栽

二

閉門風雨日陰陰鄙恹消魂苦不禁安得乘風
見叔度清談一爲披塵襟

三

社裏高人翰墨徒春來佳句未應無憑君試向
壇前問誰得驪龍領下珠

四

新詩寄我見情親零落空餘未死身莫恠臨書
倍蕭索近來筆硯久生塵

孫見田明府以佳製便面見貽卽韻答謝
五年德政在人間今日分携慘別顏從此長江
限南北茫茫霄漢迥難攀

二

許東先生文集

卷五

五

憶昔提兵隆慶間擁旌開府駐江關回頭念載
成何事慚愧逢人說現山

經邯鄲呂公祠題壁

憶自當年始覓官風塵五度走邯鄲于今叨第
承君寵莫作廬生夢裏看

壬辰夏日漫興四首

鶴髮衰翁何所求浮雲萬事任優游無端耕牧
閭中樂猶帶巖廊闢處憂

二

一枕北牕午夢長恍然身世到羲皇夢迴却笑

當年事赤日丹心恁地忙

三

几上瑤琴架上書篆烟高裊卽仙居沃心伊傳
元無分洗耳巢由自有餘

四

廊廟山林到處貧不緣出處樂天真素心清淡
元相許敢羨紛華世上人

七夕擬閨中人寄遠戲呈與麗給事亦用

繼峰給事韻

追隨音信近如何楓落吳江感慨多忽記鵲橋

游東先生文集

卷五

六

今夜事令人無語對天河

賀詞

賀文翁榮膺部獎詞有序

伏以專城敷政方瞻有斐之成功水部旌賢創
見無前之曠典人民共慶僚屬交歡恭惟台侍
一代名流五陵英俊談經玉屑紹中原文獻之
傳詞賦金聲振大雅篇什之盛抱策父空群於
冀北彈冠始飛鳥於山東茂著芳聲喧傳偉績
烈日俄光乎三命仁風新被又于茲何幸澤民
得蒙大造暮年報政百廢咸興惠澤無邊清廉
徹底郡邑赤子喧傳黃霸之名庠校青衿共式

游東先生文集

卷五

七

尚方之用盡督或糾急以牋民漫令率因循而
廢事惟公調停有法撫字獨存吏畏難欺率因
時而起事民樂不擾咸爭輸以完征用是三晉
獨先一時稱首尚書奏最飛檄旌賢借因策乎
官常且欲風乎有位某幸列末屬久依龍光荷
知遇之難名幸師賢之有在政規廣播雖同諸
屬以躬逢心愛獨深尤切三生之奇遇觀茲盛
事莫罄揄揚冀佇後容謬成俚調蓋賀 聖朝
也 旌書聲譽誰能比視龔黃更美十分清廉
一心忠愛萬民欣喜小吏如予更依倚受恩深

如許因採相賀民情吏意代成俚語

壽趙往川給諫乃翁七十有序

伏以梓橋並美見仕隱之相成德福兼隆喜樽
酒之獻壽觀風宜紀觀美堪崇惟翁太古遺真
少微隱德角巾野服賴商嶺之高賢夷度冲襟
匹陳留之耆舊篤生往川賢嗣早躋魏闕清
班卓邁時賢誠堪大受乃丹心抗疏久傳玄素
之名綠髮懸車益重陽城之譽茲時當臘日席
展華筵爲其尊翁祝期上壽某也敢期 九天
明詔重徵諫議之賢臣百歲遐齡終迓綸綍之

漸東先生文集

卷五

八

後祿輒成俚語用踐夙盟 阿翁白社新增壽

令子黃扉早著名諫草石室藏太史仙壽海屋
慶長生霞觴浮蟻當筵嫩鶴髮飄銀映雪明還
冀謝安不日起 馳封終許沐 恩榮

送陶明府雲峰入 覲有序

伏以宣勞民版方通列宿之躔載見 天顏行
被康侯之寵榮溢有位美渝無前恭惟執事北地
人豪清時重望棘園拔萃驪黃空冀北之良漢
殿掄才經制並洛中之譽尹何製錦聊試分符
子賤鳴琴特臨敝邑茂釐政務允濟時艱嘉前

令垂成之績斷復侵田審由微未白之冤滯雪

滯訟至公服吏匪庸假三尺之條甘節宜民詎

止受一分之賜純王心政克追循吏於西京九

月風聲鬱號神君於中土且琴書囊裏淒涼賈

賦之金課稅李門墻飛屑談金之玉卓然有裴

遜矣難儔茲當萬邦執玉屆期朝 天爐烟拱

閭閻之辰仙仗依蓬瀛之需惟 聖皇圖治恤

艱軫念乎窮岩故善政優民核吏必先於守令

如公三善之兼定最群辟之首黎蕭嘉惠譽處

宜見於攸同湛露深恩顯允共忻手載考是君

漸東先生文集

卷五

九

侯仰 九重之錫命理有固然第吾人瞻雙鳧

以含情心乎愛矣端時信宿知挽旅以無由閨

境簪紳欲颺言而致悃某情叨代草愧難酬素

愛之隆激切臨岐實莫罄驪歌之美勉成鄙調

用抒微悰其詞曰 才數月驟布儀城春色報

道促征朝 帝闕相隨意北 只恐聲光異絕

換取金甌事業雖欲借冠無緣得懇勤重惜別

右調謁金門

送兩河呂父母入 覲詞有序

伏以三年賦政方切父母之瞻依千里朝 天

式重分携之繾綣惟茲士庶共激情悰恭惟執
事斗南才傑冀北儒英藻繪挾 天庭夙稱獨
步文章生嶽色早見絕倫方其奪錦登科猶在
垂髫未冠幸惟敝邑得假名流蹙授符章來臨
師帥屬當累歲游歷多艱既民命之貼危兼士
習之未振又均田清賦 朝廷之條格方新而
虛局冒功郡邑之欺瞞愈甚惟公神化坐底成
功德性剛中人歸春育機權明哲事至風生勵
官常徹底之清廉惜民貧到骨之脂髓痛懲浮
靡盡革奸頑委巷雞豚頓脫追呼之苦窮鄉桑
柘才沾雨露之恩遠近質成疲瘵盡起額外清
查境內欺隱民田至百千頃畝曾不屑愛賞而
論功暗中填補河上灘塌人戶所賠辦錢糧俾
各得重生而再造一臚仁愛誠西京再見之循
良滿耳聲稱允中土群辟之師表推茲庠序更
沐生成新增泮水之芹剗振橋門之藻談經玉
屑衣鉢親有師承摘賦金聲文字咸歸矩矱分
給月俸人人鼓篋腹而啣恩校課日程在在坐
螢窓而佩德彌深瞻戀重此分携方慚國士之
酬共擬校人之頌爰徵俚詞用代驪歌詞曰

游東先生文集

卷五

十

霄漢春回又萬方朝會 閭闔弘開我侯忙趨
征旆馳向天街只恐從今一去爲 君王寵異
特另安排顧此黎庶丹誠青矜血淚倩誰人達
上蓬萊但願再一年借冠任他時日轉金堦右
調漢宮春

送明府趙玄冲擢廷評還 朝詩有序

伏以才賢契合早投膠漆之盟父母恩深忽悵
雲泥之隔恒情自倍別緒奚勝恭惟執事三齊
世閥 一代名流星斗文章圭璋風度早擢甲
第崢嶸供奉之班繼落塵寰永宰南北之邑署
分棘寺 九天恩命重來喜溢花封百里人情
鼓動不佞昔忝恒陽開府與令叔清廓公共事
而卽慕高名繼當洛下懸車值吾侯自太平縣
遷儀而特辱過念襟期肝膽俱見情真雨露桑
麻咸渥愛庇茲 天日大明于雙闕幸君侯行
舒致 主之忠蒿萊方庇于一廬恨野人莫遂
移家之願臨期倥偬莫任徬徨爰陳俚語一章
用代陽關三疊

君才卓犖擅時英文翰風流早知名 三殿御
香曾滿袖十年民版滯塵纓早秋客路琴書與

游東先生文集

卷五

十一

聖代恩光節屋明此後雲霄應憶否窮經終日老伏生

送明府呂兩河入 觀有序

伏以朝正受 命康侯奉三載之王章佩德含
情知已動二天之離思彌增瞻竚何聲名言恭
惟執事匡時學術命世人豪惠澤無邊清廉徹
底古稱循吏今觀神君甫及三年聿興百廢向
時苟祿京國已慕芳聲前年叨撫恒陽始獲良
晤自分邑篆遂結心盟膠漆情深渾忘爾我雷
陳義重詎直形骸共追道義高風期挽澆漓世
游東先生文集 卷五 十二

調在沉淪子羽似鮮他長而絃歌言將必深見
取每居常而自愧更別遠以何勝再成近體之
章用抒中心之慕
雙鳥朝天去路長河橋凍柳鬱蒼蒼雲開霄漢
瞻雙關雷動重淵轉一陽盛世王章懸象魏野
人清夢遠鷓鴣行對君此際難爲別莫厭慙勤酒
數觴

題戴進士明菴鹿鳴宴圖

戴君已宴鹿鳴矣荏苒流光逾一紀至今盛事
尚依然說道鹿鳴猶色喜竭來門戶重更換紫

世基業今鼎建盛情念及老迂儒慙慙招我開
華宴白頭綺席愧先登席間此圖因出見我覽
此圖三嘆息今昔感慨情非一 世皇初造到

如今吾儀人文何太稀憶昔時癸卯秋予叨一
舉薦中州時當弱冠渾無似浪說文章第一流
是時先正盛儀刑政事文章翊我 明淪亡相
繼三五在喜慶相看啓後生當此吾儀南宮試
猶有六人相共事人生朝露有存亡宦游未幾
亦休致癸卯科名序久淹一人戊午斯相繼從
此侵尋及已未 明廷予始叨一第直接 武

游東先生文集 卷五 十三

皇辛未年花甲屈指周一世嗟予太息良有以
英雄老盡難復起至今兩試尚茫然可是男兒
猶自委愧予衰薄強承前啓後逢君結好緣數
載相從心骨意今朝送子上青天願子此去魁
天下竊取聲名振後先

賀邑侯孫見田壽詞有序

伏以花封試政世推開濟賢良華誕迎禧共祝
台衡上壽儀城胥慶豫士洽歡恭惟門下江左
人豪寰中士范青年擢第三場冠四海之英綠
髮升 朝南士冠東吳之表馳逐執苑羽儀

明時方傳 殿陛之臚遽返丘園之貴膏車江
介分篆河壩正吾道之當興喜斯民之有遇連
年饑饉適值百孔千瘡比屋流離那復七亡一
得黃鳥鴻鴈千飛與集穀同屯河內石壕施賑
與追捕並苦邑本小而政復龐民既貧而賦且
眩侵奪廢墜淪胥凋殘言之傷心依然在目先
師廟庭之不蔽風雨殆及十年學官堂舍之盡
屬傾頽詎寧一日郵亭公館賓旅難留解宇城
池職司何賴迨我君侯既至屬當時運重新廉
介公平剛明豈第覆盆畢照鼠牙雀角無冤部
濬東先生文集 卷五 十一

共馮一盃壽酒某也伏生既老行能惟止窮經
原憲長貧草澤何關世務受公之愛實擬其倫
罔報之心殊仍負媿聿逢嘉會萬倍恒情敬摘
一闕山歌用效萬壽高祝其詞蓋千秋歲引也
蓋世英賢匡時妙略博取聲光美揮霍盡彈
辛勞煦煦計追還弘正風流著廢墜興人文振
宛如昨 此際秋光正灼燦喜及初度恰如約
人瀝歡愛誰能却野老先傾心上酒真便無限
目前樂意難宣言難盡酒頻酌

濬東先生文集 卷五

十五

濬東先生文集第五卷終

許東先生文集第六卷

浚儀

張鹵

召和

序

儀封縣志序

明興二百年海隅郡邑皆道化翔洽儀章悉備
吾邑當中原文獻之域顧志乘猶闕予向草莽
時葛侯之奇齊侯宗文嘗以見屬事雖未果而
心實未敢忘之每追憶兒時家庭閒見與長老
誨言及後讀書有得仕宦有聞凡于邑事相關
輒心記而筆存之殆二十有六年矣癸酉冬門人

許東先生文集

卷六

序

南平林仲和來掌教邑庠仲和以文學名而又
賢于力政監司嘗兩檄署絳邑章始而予方爲
先親跼伏堊室仲和間卽以是爲請予辭以哀
病殘生心神不啻若死灰矣豈能及此以爲君
役旣而予修逾禪禪猶及視息君乃再申前請
而予亦再力前辭又七越月君偕縣尉及學博
諸生三申前請予曰時若可矣顧志之難于卒
成其說有三故一以二百年未有之事而欲成
于一旦則難一以昔在弘治正德中諸名公輩
出項背相望率興言及茲成之未果以諸先正

未爲之事而欲成于一人則難一以邑向無志

正德初邑人曹君繼芳曾始創爲巨鏡覽但于

方域建置人物藝文舉其綱而不備其目今欲

以一人聞見而卽代一方之掌故則難君胡容

遽乃以相屬耶仲和曰前事固非瑄所敢知自

瑄今日觀之此志之修亦殊萬有不客更已之

故何者自瑄署事始知縣中遇上司檄取縣志

皆攢定責之掌案之老書牒錄付之新進之稱

吏復有一二好事者竄易其間自一人言或忽

是忽非自一事言或忽同忽異其信疑錯謬真

屬溷淆不但魯魚亥豕而已每上司纂修記志

卽據是取致致邑中人物事實皆不的不備士

大夫每舉之以爲談柄已誠可寒心若今復已

之恐疑之父播則信乃爲疑屢之先入則真反

成屢將致一方二百年之文獻無徵則先生寧

無意乎諸僚佐師儒復合辭以進曰確如斯言

惟公其念之予矍然曰予也止知志不可卒成

而不知事勢之不可復待如此果若君言吁誠

可懼哉于是乃擯摺舊聞叅之時事作志七篇

曰地里曰建置曰田賦曰祠祀曰官師曰人物

曰選舉每一篇成仲和卽請之入梓刻甫及三篇仲和遷廣西博白令鄭州倅楊君莊來代署縣事繼成之總再閱月而告成事予因嘆天下事之遲速成全固各有時數而又深嘉仲和之力能任事言能啓予楊君與諸君之協志樂成在吾邑得以完二百年來未有之事在予得以完二十餘年既諾之事云

少保王肅敏公奏議序

漢唐而後號稱匡治之文如賈誼董仲舒汲黯陸贄之流其言雖未足爲經中誠有洞析治理人情而確不可易可見人臣負經世之猷其論奏之文必有獨擅一長于學問詞章之外者以幽之愚昧當世廟聽言納諫之朝其惓惓日夜思竭犬馬之心尤未嘗不持此以上下今昔而寤寐前哲也中如少保肅敏王公仕先朝歷年爲最多任諫員爲最久其功德文章在泰陵以後人物尤爲最著凡有論奏皆應時砭劑切中膏肓雖百折三黜謬謬愈勵真賴以定國是而植臣謨隆慶初西北用兵閩廣多故幽時叨長兵垣嘗準公舊草經略邊關及剿平中

原寇變之議陳之雖南北時事動輒卒不能外公矩矱既以都御史領操江之役而南時江防戎務久弛部下諸司皆爭相擬議條陳欲代爲疏奏一日閱公叅贊時爲江防條議疏乃撫然掩卷而嘆後人經國真不在多言卽此江上兵防先正長略何嘗不胥詳具備雖再累牘連章更何能加此但相與舉行之而江防亦幸無他虞公之言不但施用于當時在後人一用之而一效百用之而百效既此示例其他可徵夫主父偃讀樂毅書則廢書而泣司馬遷讀晏子春秋至願爲之執鞭此曠世而從以其中有合也若幽生同公邑里世締公交好學承公指授官紹公旨掖不惟親炙獨切且受益獨多雖確確然無能仰副公知而遭遇實竊厚幸茲公孫慶遠太守君徵逸重刻公奏議十卷以卷端之言見屬幽故述所嘗奉周旋觀樓之實以序之公初由翰林吉士補兵垣以給事中謫贛榆縣丞賜環復爲御史于近制得並官科道者惟公一人後以宮保兵部尚書兼都察院左都御史掌院事提督團營時朝廷詰責翊國公郭勛

領營勅遲以勅連公名罷歸 先皇嗣位詔官會舉嘉靖中應得卹典之臣鹵親與聞衆論之公首以公爲最且各動 景行儀式之思故詔復原官加今 贈謚諸餘祭塋亦視他加隆觀公在臺省所歷官與夫爲言官之所思傲則知公固以功德文章名天下而其論奏之長尤更可明徵也夫

重校刻十八史略序

夫讀史者難語知本矣善讀經者可筌號象數注腳六經然固貴善本之心得亦必貴善本於言踰而讀史者顧可以汜漫求哉昔鹵垂髫受史也先大父取先王大父手筆點識曾氏史略一書朝夕程授先君子又時爲篇指而句讀之既後稍有識則教鹵博之各史全書以邇其原要之通鑑綱目以貞其斷熟之左傳國語子長孟堅史以法其文自是矻矻二十年餘每釋思史略佔俾我王父之手澤如存尤未嘗少置顧其書有臨川陳殿氏之音釋番禺王逢氏之音義然音釋苦多本江右之聲而音義多踵傳襲之誤且殷生勝國時允官名地志多引其制實

之均于來學切屬未便鹵嘗過不自揆爲之正文剔義重事校讎至凡遇歷世興廢大端經書

崇論必究極歸指標而識之仍摘以示例列之編首戊寅南宮令邢君素以文字道義辱與最深嘉其爲一時循良卓冠其正學博雅尤可藉之爲迪士式程爰以是書俾圖鈐梓嗟夫良賈典籌必會挈有要斯殊兩貨具之攸詳大將臨戎必統部有宗斯卒伍軍旅之盡制是史也固良賈之要會而大將之統宗乎我先公所以教鹵初學之意或其在此顧鹵竟學無一成釋卷茫然種種顛毛回思二父誨諭恩勤徒切罪愧但在鹵所嘗受綱維節目之方博約先後之序足昭揭讀史良法不容不與斯世來學共之者故因授簡邢君將爲傳布而直自序其所以重刻茲編之意云

薛文清公粹言序

鹵兒時多病及弱冠復患吐紅先大人洎先母夫人日啼泣煦育之因病求藥致以藥累爲瘳殮集藥方滿牆牖當吐紅既久先大人又檢天王補心一方使求服之至今得延餘息于久視

薛文清公讀書一錄其中約言要語摠摠時先
大人已斯夕口授耳提矣稍長日愛誦讀既又
手抄其言之粹者爲帙雖在官登堂視事簿領
紛集亦時必展案觀覽譬之軒岐盧扁方書雖
眎列具陳而已之病原不知所在徒對卷茫然
茲幸天啓愚衷凡已之德性顓蒙問學粗淺持
身孟浪處世濶略回思猛省如寐始寤而醉初
醒至其方事而不加思當時而不知慎及後時
過事却策纏追悔至若不能生此尤其沉痾害
已幾枉一生而番然有悟者于是復取前抄粹

游東先生文集

卷六

二

書

言凡對切已瘳者另錄爲帙不敢委旣老之年
仍欲起沉痾而集後效吳獻臣氏謂其所錄公
言如世醫投中風痺者必先防風羌活諸草之
劑鹵是錄所鈔固皆一一爲予診察病原所立
對瘳之醫案而事已往不追最妙七字尤予之
天王補心丹也

喪禮備纂序

孟子曰養生不足以當大事惟送死可以當大
事蓋以恩切于罔極而事重于莫追人之盡禮
于親舍是無足以用其心者但三禮旣非人人

所可易讀漢唐而下禮家之書又不能盡讀故
四禮失而喪禮爲甚非用禮之失言禮踏駁者
之自失之也重以浮屠追薦尚侈夫資福滅罪
之談醜會聲樂或見于躡躡衰號之際積俗異
教更以瀆經夫我明興禮教修明不可謂不
祥道化淪洽不可謂不乂其慎終追遠而係乎
民生風俗之大尙間不能無比則孝子仁人所
以求當大事之心豈易言哉先正浚川先生王
公自舉進士至歷官保中兩任郡邑三督學
校以禮范海內者四十餘年茲編以先後居喪

游東先生文集

卷六

八

書

時纂所切于行事其說一本大明集禮根極
三禮而是正夫諸家雖未經脫稿其門人數陳
其大略得于親承者鄉人父已崇用丙辰當先
子大故踰伏苦由取而讀之乃僭加校閱嚴冬
呵凍逐一親錄以訂我頑冥未已叨第歸爲先
祖妣承重宅憂始得取前錄散帙更加裝定而
公嗣封後軍經府東泉公及公孫履遠太守中
渠亦正圖綴梓於乎總條貫之備而析理明酌
古今之宜而折衷當率天下不遺其親不暨于
制者其在茲編也夫

去國初刑典以煦育而安全之自文皇北駕列聖承休不惟使斯民服習乎法者漸異而斯民又視法之所以臨御我者漸遠駸駸至于今日習染澆漓獄訟繁興豪猾無章富侈無度俗士踰閑悍卒干紀誠有不足爲訓而堪重隱憂者以是而較夫南北艱夷今昔事勢則司寇于南固尤聖心重于簡畀當塗慎用掄選此周公歸式忿生康王致隆畢命蓋邇本相宣探微歷遠固惟聖主能知古人能盡而或者弗詳弗諳之膚談固誠不足以語此也南司寇游東先生文集卷六

常卽天子之照臨矣公其念哉使留都民爲洪武之民俗還洪武之俗無忝式敬蘇公有光保釐畢命國不于公之惟明克公持法用法是望而復誰望耶國再侍公側辱知愛最深故茲偕諸屬以爲公賀乃更貢迂說如此云

贈明府呂兩河遷單懷別駕序

上之施下必先民之難而後其獲斯下之于上也必願上之獲而隆其報臻此者非強也積累之政集斯感孚之心協協而情斯見矣固安兩河呂侯治我儀封之四年今年四月擢單懷別駕儀父老嘖嘖曰侯任事愛民往河囁田賦有力者以膏腴作河田而冒復除貧弱以灘場既盡之田無力得豁而苦賠累乃嚴稽名田所得之豪強以畝計者踰萬又不以干知於上惟用補所賠累者之額以甦其生白蓮教妖徒充斥侯承其大變之後而抵消諸惡少有名扛柳槌會者大恣于河北侯發一伏而架屏跡邑建置歲久寢煙侯表章之新請見亭于西創木鐸亭于東餘公署鋪迤之或創或因不費民一力一錢事皆就緒惟築城役民亦甫踰月事竣民不知

勞矣未夏河漲嬰城得侯極力維護以保阡危
復終慮民之魚鱉也乃請築李景高埠口堤以
告哀于監司隣邑官民有倡爲利儀不利蘭之
說以中圖沮壞侯忘己之害而憂民之憂不靳
相爭如虎今長堤功成屹屹永賴往里甲輪會
銀而惟一于省費今里甲易條鞭而侯不輕於
議法此侯之勞績利害切在吾身者外此若慎
操持均賦役明聽斷遠苛刻則人人能道吾民
方聞責吏治必嚴久任之法茂治行者必膺臺
諫之選詎意侯以監州去耶諸文學弟子相視
不能留來徵予言贈侯其稱侯視父老更倍且
曰侯之提調膠庠視昔迥異侯東髮以餘文章取
科名因以所長者課吾業尤極禮文德意之隆
以興吾志旣人事咸修矣又禮安生而易其居
以開廟學南嚮之路且許路表以坊坊扁以太
和元氣以大爲開昌文運之圖嘗仰思 明詔
循吏必急缺風憲而後徵必歷資五歲有奇而
後遇今侯三四年間撫臺與監司皆署上考而
部使者又嘗疏其賢果誰之不如而事獨左味
其言有汲汲然願少須臾借侯無往以必觀德

化成之意濟東子曰嗟乎天下惟遇難而避者
多斯以難之避者爲賢不難而獲者衆斯以
獲不酬報者爲屈使今之用不問親比疎逃核
實惟賢均一序資而進任賢惟久均一計日而
遷雖日撻而求民之不信不可得也使甲乙同
賢甲以疎逃而奪之去乙以親比而故之父甲
乙之同賢者又同資疎逃者拾級而進親比者
超格而庸雖日撻而求民之信不可得也今侯
遷而父老駭之今諸君之爲文學博士者又駭
之且人各有說說各有見固可因之爲世道之
感矣而未足以窺侯之心蓋其心庶幾乎方事
惟知勇往以任難已事不爲尺寸以責報往庚
辰夏予與侯定交于恒陽一見握手論心固卽
侯能是心許之旣履官政其心猶是也旣暮年
政著三年政成其心猶是也自予歸里又年許
相與共昕夕而剖肺肝者其心猶不異恒陽也
至是遷官衆皆云之矣而已獨無第曰我公宜
爾夫先難者必更無難後獲者必大有獲諸君
其以予言而求侯於是心則知侯今之往也必
不易此心不易此心必益弘乃績蓋常調之官

非不計功利者不能安非常之績惟能安者所能爲予嘗與侯論之號爲達者每依八速化得美除棄其生平不翅弁髦卒亦未見所利侯必扼腕而歎又嘗與論世之所謂巧者急要津而後職守貴眩世而賤宜民卒亦未見其有得侯必裂眦而怒侯其往哉嘆其人者必不免諸已怒其人者必思左其爲以是心而努力功名乘時振迅羣懷之有良佐則河南舊治編民如鹵者猶得與聲教之暨焉諸君固民之達者也其先以予斯言以示諸父老以解其疑再以

游東先生文集

卷六

十四

似侯以冀侯相爲表正再共識以徵侯他日昔孔子譽人必有所試予茲所謂先難者必更無難後獲者必大有獲之論敢亦竊附于聖人之徒之後而必期爲有試之說云

送明府周濂坡調繁祥符序

今年夏四月望日 上用河南撫院臣奏薦詔吾侯周公往知祥符先是三月念七日儀士民耆舊始聞之皆皇皇焉闔門過予而問曰吾儀之有侯也如嬰兒之恃慈母也今若此吾士民欲走監司府及中丞直指使之臺而乞留之

可乎予曰可其棘圖之復合辭進曰公邦之達者也往事關鄉邑利害得失公必極力以達于上今事更非他比公忍獨無言乎曰在我者我其更棘圖之是日予卽寓書于中丞御史臺而下書皆信筆數百言夜漏下三鼓仍盡遣使西發明日士民詣臺省京師皆爭先就道又明日得臧理軒中丞洎諸公復予書略謂恨業已具奏對士民語亦相同其詣京師者已及 關門又爲周侯令飛騎追止旣得邸報見詔旨云然庠校諸君復闐門過予曰先生欺予哉始吾士

游東先生文集

卷六

十五

民以乞之臨臨臺省謀先生卽可而促之臺省今不吾可也旣以伏 關謀先生卽可而促之使伏 關今又弗克果也卽先生不盡不夜發累牘亦績效茫然殊于所謂一言九鼎徒皇皇上下紫沓旬日而竟于侯之去佳毫無裨補先生欺予哉予曰否否君子于天下有必盡之心而無必成之事且子謂恃如嬰兒之恃慈親則子之留侯何心也固嬰兒中路之失其親之心也以是望侯而知侯之不可留也則子留之心可能自己乎曰不能曰吾固知子之不能

已也知子之不能已則知予之非子欺矣苟不以是心求之不惟予悔予之欺子予亦且悔予之自欺矣予自歸田不以隻字蒞萊姓名達公卿當道四年矣今忽以數百言抵中丞又以抵監司者以吾儀前乎侯者在 文皇時有若許公舉以任滿赴 關士民劉成等乞留之輒蒙賜以文綺寶鈔仍 詔復職在 睿皇時有若初公澄亦以撫按臣奏調知杞縣士民孔彥紀等乞留之欽蒙收調杞 成命仍歸令于儀此實 兩朝聖政昭著史牒在區區百自量之心舉此以告當道欲俾我 今皇愛養元元之意得 三聖同心我侯方成未竟之績得三賢並美今日皇皇之士民與劉成孔彥紀得同一沐上之垂憐極念異數之恩澤今乃竟使 聖皇體民之心遜于 二聖我侯未竟之績靳于兩賢儀士民求得欲遂獨擅于永樂成化之遭逢此予之語言不足爲世重氣力不能以動人雖以之自愧而其心終不敢自以爲非也今吾與子所當自盡于侯者亦惟貴終天此心而已矣故思侯之爲子所講何學所課何文則當淪浹之

各無相負云

送邑博張君彬菴擢芮城學諭序

予撫恒陽時會侍御見韋蘇君蘇君爲予極稱其友張君彬菴之爲人平生志行惇懿恬然晏如隨事隨地曾不見不足之在已有餘之在人故其同約文會者數人皆相繼登科如蘇君爲御史成君爲吏部郎並歷華要而君獨數奇不偶君視諸君一無異爲會友時諸君視君亦不敢少以一得先君以致貼有道之門之評誚蓋君已領賓薦受欽除爲予儀庠司訓蘇君

意蓋爲敝邑人士得師賀而異予于君知所重云辛巳予南歸君以與予有地方相與之誼以師事予舍弟諸兒又在君門下昕夕往來甚殷得旋觀熟察其心與行事真如蘇君所稱述且時方以盡禮爲簡以足恭爲恪以曲意爲謙卑以謹言爲高亢以虛飾爲能以質任爲慈司提調者爲事相齟齬迂有大不然于君衆慮其恐必不爲君署上考而騰華譽將不知其稅駕何所今事往而君得美遷矣豈非不見知於人者而獨見鑒於昭昭不泯之天意也予嘗謂世有隨時趨向之人心而無因人轉移之天道予以此自信亦以此告人在他人聞之不以爲非笑則以爲迂濶君獨聞予言而信之今觀于君行已守官視人已之間有餘不足之際其得失不貳之天道又因君而徵之予又聞芮城爲河東善地今之往也其天將憑君載吾道以西乎所謂載道而西者其必將以已成之德行已信之迂談已試之天道予以挽世道而淑人心非徒爲文士經生之幸而已敷教之功愈弘則騰踏之途愈遠是故可爲君賀予因受菴李君鳧樓廈

君泊閬庠諸士之請故復申斯言以告之君之河東倘取道星垣試仍以斯言質政於蘇君將以爲何如耶

贈明府信吾游侯膺獎序

嘉靖己未夏時予叨授徵之婺源令將命過家會爲先祖妣承重雖南行未果而娶事已悉大都娶著姓之有游江余也猶魏晉之言崔盧王謝云歲丙戌夏信吾明府來令吾儀予稔知信吾世爲婺之濟溪人即予同年友游公干原之弟娶名儒羅峯先生之孫少司徒讓溪公之猶子自諸生時以文學行誼名既喜吾儀得大賢而又喜信吾爲儀能布及時之大政嗟嗟乎吾儀河曄困憊之民數年以來得少存息以其間賢令繼作譬則病羸之人而得有良醫國手苟延殘息皆調劑之功自建議者無識調前明府濂坡周君于祥符自此後先相代一涉因循致其已就規畫與方興業次在官畏厲已者去其籍在民喜得肆者決其防人情詐冒叢興事勢廢弛已極儀之休風視前陡變信吾公深厚沉默泣事不爲張皇狀更克慎克勤克康克

介首明經術以造士習祛煩苛以蘇民困察詐
冒而不卽漫刑于言舉廢墜而不欲草率其事
如持千鈞之勞發期中的而莫測其舍援命中
之機如轉丸于千仞之阪第見其委蛇紆徐而
莫測其所確然究竟底止之地士欣欣然喜相
告曰自今復儀之師表乎我膠庠之舊民欣欣
然喜相告曰自今復儀之子惠乎我閭閻之舊
允爲城池解宇主守之職役欣欣然喜相告曰
自今復吾儀之諸司建置翼翼乎整飭之舊至
爲憤時激事之論者曰自今矧詐冒襲情實以
復吾儀之湔滌名器之舊者必若侯若侯能之
且今之號良有司者縱不容不以撫字後催科
然畢竟可竭民之力于豐年而不能鞠民之命
于凶歲目擊兩河乙酉丙戌兩歲旱荒真前所
未有儀民荷擔圖徒因公之旋定者十八其中
功能僅可衣食猶相勉爭先以完公賦曰無借
口凶歲以貽公憂時所司于斯時課歲賦之入
則儀猶稱最故所司泊兩臺泊監司皆獎公而
小灘鎮督賦部使呂君亦移檄獎之邑博南圃
鄭君名川張君泊諸生戴君一麓等皆冀彰公

美以乞予言予惟是嘆也何遽足以爲信吾公
重但公至儀未斯旣足以觀上下感孚之情則
可爲公喜卽是見士民所卷卷屬望于公之事
則可爲公願公由是底績焉異時卓冠循良而
首膺 天召必婺源名世之游則所爲公重者
固有以出于尋常萬萬也故予旣以此明諸君
乞言之意而又別將有桑梓遭逢及世講榮光
之頌以俟爲公他日獻云

贈邑侯趙玄冲膺獎序

孟子舉舜與傅說膠鬲諸賢聖之君臣謂天將
大任必先拂亂而增益之說者又謂豈惟舜與
若而人哉剝盡而復否傾而泰江關三峽而長
河折于九曲而廣是天地之道且弗能違然君
子猶有旣違而又屈者則其因時懋政卽事宜
民又非若徒發諸困窮者其修爲止於一身已
也吾儀侯玄冲趙公其旣違而屈者乎侯齊之
膠西世家自其祖父季父清廓諸公累起仕途
侯垂髫能文章壬午束髮以禮經冠東省明年
旋成進士授中書舍人一舉而聯取甲第榮名
筮仕妙選清華臺省公卿固可拾級而進無難

矣乃一麾顛蹶出爲太平丞今之爲邑者亦惟受成于令無或敢專雖屈而未有爲也既令吾儀是始歷諸艱投盤錯而遭艱大矣予嘗論今之分政治民者如醫之分科者然醫瘍者主愈瘍而不問其榮衛之不支醫病者主愈病而不問其肢體之必敗終而兩無成功始則各所不恤今之治何以異此儀自甲申迄茲已丑水旱厲疫者六年矣四野一空百物盡耗已不可爲邑侯之來適當其會九事一惟專而害可除如邑有時興大蠹號白刺者之爲民患侯爲匹夫匹婦除殘賊不啻若痛癢之在已民若獲更生矣但貧困之民不可徵也而兩稅催科之令其可緩乎故本年帶三年之徵而閭閻荷檐之民欲不流徙不可得矣呻吟之民不可役也督河隄防之令其可後乎故以十五里版圖役夫九千名之衆而旋倪鰥寡皆出衙畚杵矣公署盡圯賓至弗供罔縱云可緩矣而先師廟廡學宮堂舍俱頽故妥事弗處絃歌無地致士習逾渝教化不行是尤不可不汲汲矣之教者在諸司雖有停徵之示顧役之值每歲修營十金之額

數皆面餅焉耳文具焉耳其能克濟是欲使危而後安難而後獲乃天心之加意于成侯侯之否剝固儀士民之由以復太乎蓋君子之弘濟艱難必潔已足以立事必誠信足以孚人必明足以察必敏足以辨此四者皆侯所優能之而侯之心又歷茲拂逆欲行而不得自施欲止而不得自己一腔慈祥惻隱之仁明智精神求通于紛紜叅錯之中而措置推行皆有實地自能酌經權第先後民活廢興自士民悅而天意得將見天之任侯又當大之以豐祿崇階經綸康濟以傾天下之否以開天下之泰如江之永而洞庭彭蠡不足以方其流如河之廣而星源涓滴斯有以洪其委侯斯其善于承天者哉我汴自開府衛陽公而下每過予無不嘉侯之今日而大望于方來茲按院王公懷棘塩院楊公河院陳公二侍御洎塩亢林公皆騰檄獎侯邑博士鄭君南浦張君名川偕諸生徵予言贈侯或美其風度或美其藻思或美其振刷撫字之方略或美其恤窮剪奸之績效尤皆若有以惜侯之遭而語未盡故予爲此推極天心人願之說

以告之不知候其亦有取于此迂談否耶

賀孫虞陽欽承 勅命重封序

東吳有高士曰虞陽孫君予開府江陽時得廉知君後十餘年聞君以古學古行隱居若將終身日惟杜門授經以成其子元配吳孺人蚤世不再娶領賓貢棄官不就吳人仰其高風者翕如也已丑我明府見田公成進士庚寅授儀封令道路喧傳卽公所杜門授經者噫人生遭際亦奇異也哉今明府三年政成天子推恩封君如其官元配吳孺人爲太孺人而明府與配顧孺人又另軸以褒恩至渥也予以道義結君父子知獨深至當一言以先儀人頌孔子曰賢於事父以事君而敬同故准官不敬非孝也傳曰慈者所以使衆故教子不底於成非慈也明府之治儀儀有士民君師程而怙恃之儀有田賦君清稽而釐正之儀有百廢君咸秩而俱興之文廟儒學其大者予皆爲有記以勸貞岷今茲兩河大飢朝廷遣臣出帑銀二十萬兩賑之大都其科條主于養粥活民君聚縣境立廠三十餘日食數百人彌三月始罷卽聚

漸東先生文集

卷六

二五

漸東先生文集

卷六

二五

原憲之生計如予亦括僦石竭困簷以濟時君猶辭謝未遑嗣俸錢倉廩既空猶兢兢不自已凡三月間晝不知夜不知辰昏走馬環縣境者幾百餘里時論治民功故自賑臣光祿鍾公文陸而下洎撫按諸司皆以君爲最嗟嗟使令若人則我明吏治其駕于西京乎民旣活甦正君奏三年之績勅旨適下君寵民悅相轅一時誠人生之稀遇乎而君又有本也于癸巳春予始面君君至儀嚴子之官守雖衛夫廝役罕職面惟予與談詩賭奕訂盟論道每過必竟日故予嘗題君便面詩謂惟餘平子得相從蓋實錄也一日言及侯考最事曰屆期矣君可蚤出一完已之完事乎君曰忠何敢望此乎哉忠束髮讀書今皓首不能爲我先人博一命忠何敢此乎哉言訖輒泣數行下又嘗與明府譚及典制考最與受誥勅時官級有內外遷轉不同皆得從新銜改給今召徵在旦晚尊公事其圖之明府曰龍何敢望此乎哉龍一介書生叨一第又幸宰名邑微惠于公得聖君錫命以榮吾親又何敢計中與外名銜哉予聞而

之曰是父是子是皆不失赤子之心以事君親乎蓋天之祉福惟安所遇而無止心者能得之天子寵靈惟檢身若不及者能承之此不惟寧對君親亦可崇德業故千里之程必積于跬步而正考父一命而僂再命而偃三命而俯所以大隆其後于殷周也不然朝隴暮蜀身常調而心美官事馳騫而競速化以此報君報之飾也以此榮親榮之蠡也君子奚取焉是明府由涖官之敬以成吾孝卽以報其君虞陽盡教子之心以成吾慈因以行其志是父是子不其植我臣模子范乎哉詩曰樂只君子天子命之言虞陽君以常布而膺天寵也又曰樂只君子福祿宜之言明府以一家之慶溥爲萬人歡也又曰保佑命之自天申之言是父是子持是不敢正之心不敢弛之節自是可臺可省可公可卿大受方隆而永保天命也予思別君久今榮君大慶舉觴摘詞一寄君於江東一賀明府于縣齋復合辭賦此三詩以對楊天子之休命

荒政彙編序

語云非常之原黎民懼焉及臻厥成天下晏如

也夫懼焉之時可畏晏如之效難圖此天下所以鮮任事之臣而事多掣肘之難尤不在是常平之法非常常也漢宋行之既有明徵明興洪武初環汴州而置四大倉其創制貽謀又昭存成憲第事曠于因循法弛于久廢活民大計率取辦目前如世方熟折揚皇華之耳而爲奏九韶三夏之音者則駭世方貴煇頭爛額之功而爲陳曲突徙薪之計者則踈固不獨一常平之法然也歲丙戌春大中丞洪谿公撫我豫土值時方大侵熊車入境磁相懷衛飢民仆擁車轍公既權時宜悉與活甦入汴卽首事乎此先因朱仙鎮倉基起廩數十楹出所奏留賑濟銀六千兩專官于豐成處照時價收糴貯茲以復常平之舊當是時也事未燃眉欲挽汝鄧之粟以達汴旣不免道路諸難又不免舟車四集議者若以公爲過計而疚棘矣賴公斷在必行已而朱仙鎮倉貯穀豆萬石有奇其分貯在城諸倉者數亦稱是事甫告成丁亥秋河決灌汴水嬰城丈餘者三五門道路不通者四月當是時也雖能乘四載握千金欲致斗斛之粟以救危

城之急而不可得公乃出是粟以定噉噉且嚴
限糴之法舉危城中凡販夫販婦之人以及袍
金絡珠之貴皆競禰升合以少延須臾之無死
微此則不五日而汴之市肆絕不決旬而軍民
困不再決旬而汴之爲汴將大有難言旣危城
稍定道路少通又發朱仙鎮倉以濟鄰屬鹵嘗
寓書以儀民萬姓告急于公公亦卽發穀千石
親見邑民瀕死之復得粒食沈寃之猶觀炊烟
皆自得茲千石始舉一儀而又他屬可知大都
公之此法始首善于河北大收功于會城陳宋
濟東先生文集 卷六 二十八 車奇才刊

聲洛汝鄧之區各相次修舉以豫土素無儲積
當洊臻災變民羸幾卒之秋而能成拯亨飢溺
之功於旣效公之功德于中原者于斯爲大其
回視黎民懼焉之際何如耶至若 主上大賚
之特恩一時有事地方諸公齊心之盛美及在
公別置之方略有出于此法之外者未可盡易
名言也茲又舉居常所檢索前聞見之行事者
爲書其于此法源流詳悉更備予受而讀之又
因意予始令高平時於此法嘗請少試矣而未
大旣以都給事中得參 廷儀又嘗以此獻議

請 勅郡國通行至今亦徒荷 穆皇聽納深
恩空存銘戴旣又叨撫恒陽二年間方以清補
軍儲是急帑藏民力均不逮此今老矣乃始見
茲法之大行日同丘樊父老不但飽公之深仁
且得償予之夙願故且感且慶而樂爲之弁諸
篇端如此惟繼公者踵而成之則豫之遺民尚
其徵福于永利哉尚其徵福于永利哉或謂公
爲是書嘗自比于方藥且其爲目一十有五而
子獨卷卷于常平者何予曰公書蓋大方醫案
乃君臣佐使之全劑也予言蓋舉其就中主藥
濟東先生文集 卷六 二十九 才

賀少司馬傳川曹公七哀序

昔在正德戊寅六月二十四日實維傳川曹公
嶽降之辰迄今萬曆丁亥六月二十四日四百
二十甲子矣其甥宗英洛洲五兄弟偕走東昏
謁予問壽予曰懿哉諸賢之用情乎以渭陽至
情欲壽其舅氏乃必問言于舅氏同心之友懿
哉諸賢之用情乎憶昔癸卯予與公同舉于鄉
公時二十六歲予方二十一齡耳今爲四十四

年老同年又重以婚姻之好則知公心者固莫
予若也予將以請心之說而壽公可乎夫人心
泰定與天道恒久此天人壽命之原而人之不
良于壽者以自失其心即予與公今懸車退處
夫人于此有既往之悔心有方來之幻心何爲
悔心方其仕而銳情進取謀身具官忍孤君父
黨邪排善誣陷正人媚寵乞墻泆淫節義招遺
納賂喪敗清白及退而山林清夢一覺往事一
一良心不昧向爲積造業之錢貽子孫今對
孫而汗顏向爲苟全身之圖以保妻子今對

游東先生文集

卷六

三十

妻妾而此顙雖日用三牲之餐食能下咽乎不
則慕羶歟餌意念不絕視山林眞樂翻苦若牢
籠桎梏乎已人不已知必欲曲求其知人不已
合必欲巧覓其合遇除目津要昕公謀慮萬端
其于食息起居關重吾生者更不暇顧其至寧
觸忌起疾以赴事机之會可大爲世人鼓掌之
資者不獨南史所稱一范雲已也此悔心不泯
之是非與幻心不絕之想望二者雖有間矣以
言乎不良于壽則均焉傳川公自諸生時卽慨
然有志于天下旣以鄉試一人登進士第筮仕

知通州再同知交州繼由僉憲歷左轄徧官諸
果之員周遊東吳南越荆楚西秦之地所在以
公明廉介著稱後尹京兆貳司馬天下方想望
其有爲而公卽以不爲去方副浙臬專
領海道時海上用兵督兵者以時宰私人又簡
書特畀重柄方面諸臣皆卑禮事之公不獨屈
與抗言議事不合歸拂衣歸曰是尚可以干祿
乎哉吾堂上有親可事膝前有子可教殘書可
讀薄田可耕病軀可閑乃書五可堂以扁其隱
居之室予嘗訪公于寺橋舊第與把袂論心興

游東先生文集

卷六

三十一

盛軀反見公終焉之計已決東南固思公不置
予在諫垣嘗特疏當起公以需東南開府之缺
當事者不甚知公故事不卽果後起而亦不獲
大用於天下予嘗爲公言以據鼎鉞秉鈞軸而
甘泚顙汗顙于妻子之心則寧九死而不忍以
不汗顏泚顙于妻子之心則無往而不自得自
束髮以此相期今同投老丘樊見公仕也而悔
心絕止也而幻心息于公五可之一今恨各失
怙恃不戴昊天餘四者直期勵爲善必果之心
必一息之存而不敢懈予故卽敢以此心壽公

者蓋天欲挽世之澆漓則必使德學之人壽挽世之飾詐則必使信義之人壽挽世之溷濁則必使廉靜之人壽挽世之骯髒則必使節介之人壽天所欲壽者公皆有之且以恭宣不渝之心有以爲昭受本原之地又且以未施之作用有以及沃其靈根未壽之爵級有以增裨其籙筭則公自今之往也寧不期而願而未享百千萬歲之上壽也歟哉或又曰公善通金丹服食之玄自可累稀齡引大年而又子孫濟美奕世滋大此尤皆可爲公祝予曰茲謬謂以一心之

海東先生文集

卷六

三十一

泰定而齊仕隱一窮達此固予之所以金丹也若金丹服食之玄實予循所未詣無能以爲公助若公諸子中有爲予之壻諸孫中有爲予之外孫者則予固亦微福于公時時領說于公前以分公慶者茲固無庸更祝云

開府易俗編序

許東子覽開封易俗編終而嘆曰俗其蔽于詭異之不經乎民其困于滯侈之無節乎令其行于動民之以時乎自世不能損周之文返商之質風俗由儉朴而淫侈而詭異者詎惟吾汴然

哉賈生浩漢文俗之至大不敬也至亡等也蓋冒上也據其所指卽生之所謂舛見漢俗之猶淳非如今之金梁之冠鑲雲之履龍鳳首飾金絲衣文此法服昭垂定制者不問士庶男女皆得徧滿街衢且體裁色相本宜女而男裹首加冠本宜寒而暑尤令人有不能省解者非詭異乎前代嘗賜民大舖因事出有因且確有限制汴有花園酒肆貪夫嫖風比屋效尤貨諸甲第朱門粧樓舞閣人得醪錢置酒高會歌兒舞妓晝夜盤桓其流禍致訟獄繁興上下怙然不以爲異此而不變其能國乎故自戊子迄癸巳天禍兩飢饉海殲人之相食慘酷不可言狀賴朝廷輦帑歲括本地公私之積始活民十千于千百民恣淫屠故天垂憐怒吁可畏哉遺民再甦餘風未殄屬邑奉郡移文示以茲編類分有九條列五十有三兩河士夫素以秉禮勵行師鄉人自是益崇素行矣諸餘士庶以及閭閻闕閭亦莫不知企純固之風返樸茂之思矣前月汴上諸耆舊因予有子之喪相率而吊予東昏之許因語及汴俗今昔陡異亦駭而問予何太

海東先生文集

卷六

三十二

府公得民之速予曰民易故焉易曰君子以申命行事夫申命而不行事猶弗申也行事而不盡實猶弗行也今撫按藩臬與公戮力牖民上無窳言下自革心矧應沙公之爲我邦也歷任最久功德之結民最深故是編出而民信之同以民窮則思思則善心生也實以公一念惻怛懇至有以鼓動其不死之良心此又其本也先師曰有耻且格美善哉公其似之矣往應沙推懷慶卽數兩河以崇本之政今治開封如持左券焉而世之望公固不止此也嗟嗟吾汴緬自周秦以還漢初以梁園苑苑侈美寰宇由五季遼盛以夷猾夏溷我懿德 聖祖一掃廓清之至成化弘治中彬彬稱美距今不百年而先民典刑爲詭異薄俗漸滅殆盡應沙公如是力行之卽古昔姑勿論而成洪之舊固可計日可待也使今之爲民師帥者皆應沙公以共收 昭代盛際淳風之舊豈非今日域中之深望哉儀明府李侯以名進士知縣事方力政惠民以盡贊文翁之化得是編旣詳布而戶陳之問予言乃悉次之以弁諸編端予重其請而喏之并示

應沙公以爲何如耶

贈明府及泉王公膺獎序

及泉先生王公甲辰中登進士第出知吳江茲以起復蒞儀封之六月惟與川葛公撫豫遷秩舉典旌屬以風吏治而公輒爲稱首縣簿尉諸公如檄以賀爰屬齒爲之言齒固私慕于公久矣往歲如江左聞公治吳江之政禁額外之徵止供應之費靖拘集之擾立京運之法歲省吳人之財以數萬計至執法明刑談經造士編徭數役之公揮金却贈之廉當時御史行部曾錄稱其事于 朝而賢能之疏以公爲最迄今政蹟之書頌德之辭聲滿南服未嘗不竊嘆之以爲治功何如彼其烈也又未嘗不竊恨不得一奉顏色聞緒論以結平生之歡及今始蒞吾人其刑罰舉措一如吳江然而振文教懲奢靡平反疑獄還復侵地卽見于視篆之初以殘缺凋敝之邑勃勃然而若觀更生還淳之化是尤于封人有大造焉緬惟私淑馳慕茲方遂其庇德之實而又欲爲言說贈公以附于頌德之後顧非私心之一幸乎雖然所所欲言者匪直爲今

之一獎而已也蓋士惟宏才可以振化惟篤行可以成才予嘗稽治于西京而嘉循吏之風不可及矣又嘗論人物于先朝而思晉地之多賢矣以今觀于及泉其卓異之績循良之政視遷固范曄諸人所歆艷于史牒者不殊載卽其希慕之高而儀刑之近求諸虎谷之風節晉溪之任事白巖之閑敞皆可擬焉此無他蓋公之才足以振迅乎古人復養之以學貞之以守識道使民專一不渝在他人之可謗可遷可屈可敘舉不足以易其操而所以降諸其行者又方

游東先生文集

卷六

三十一

望焉詩曰豈第君子民之父母又曰淑人君子正是國人以是求予言也固知不爲今之一獎而已也

賀 誥封通政使川南李公七袞壽序

邵堯夫以六甲一週爲世六世爲運三十運爲會十二運爲元起六十年以迄十二萬九千六百年之數壽之在天地之間闢以元萬物之開閉以會世代之推遷以運人生之閱歷以世惟天地中正之道不變壽命在元運者亦不變在人則萬幻消真祥壽撓靜息故閱二世之壽于世爲恒解惟幻惟驚萬且不齊卽如陟岵之詩爲子以行役而思爲父以仇離而嗟人情于是獨切遇是獨多壽豈之係是亦惟彼最通政使槐亭李公予友也往爲太僕奉常時同予出入朝宁六年每昕夕必以家報平安互相問訊一日忽謂予曰家君老矣春欲疏歸侍予訝之曰往歲家君報書必示以康勝近乃謂思春甚切春是爲此圖予告以川翁所以快適于家固以兄之能仕于朝今日欲養親之志者不宜此未幾予以乞假寧親入里過雍丘會翁

游東先生文集

卷六

三七

翁曰春兒從歸自琉球吾更未嘗過望以分毫
仕進意第吾以一老明經仰受 朝廷恩渥所
冀圖答報惟以望春今若欲爲予乞歸奈何予
告以槐亭所以當仕于 朝固以翁之快適于
家今日欲教子之忠者不宜此予退而因自嘆
肥姑之詩今昔所同予方自 請寧親而不即
從通槐亭遂歸者以予時爲提督膠黃通政職
在閑曹而先親更長槐亭方縮印鴻臚正卿爲
當事任而翁年差少耳今用十六日值翁七襄
壽辰親賓時方舉賀槐亭以留京之 命卽如
期至自京師在槐亭得奉數年不粹之壽觴
于庭闈在翁得見數年不面之愛子于几席且
父受榮封子列崇階兩世冠裳並華金紫夫難
備者福不齊者遇易錯者時自古皆然在翁父
子既得之翁其自今當崇護加珍修爲愈力如
他人苦營生計不使以累吾真于流俗之逐尚
紛華不使以干吾靜紹先世盡還遺金之事廣
種福緣推少年席珍自許之心躬行禮俗以其
既享于令子者而益介福于後槐亭自今其益
弘開濟以壽斯民與其弟槐豐方有聲庠校以

許東先生文集

卷六

三六

增定華夷譯語新編序

許東先生文集

卷六

三九

其所奉職進用於公家者而益馳福于親則天
地以道御氣統元會運世于不二不移人得以
一心契之卽白日飛升三島蓬壺不可爲翁登
其閱世百二十餘年之上壽其克享于無疑也
哉近予再過雍丘駕部聞野黃公偕蕭峰丁君
暨翁侄伯亭問壽于予予辭以未能執筆既歸
聞野復走使持書兩中前請予故直述與聞野
所嘗論天人壽命及屢在翁家父子所嘗相告
語之言托來使復之如此云

嗟乎世至前元之溷我華夏也豈惟綱常紀法
胥淪其十三年間九號令文字乃始借高昌繼
作蒙古言雖從華字則從夷以肆其猜防叵測
之心使千古六書正法至是大壞 高皇帝旣
平定海宇命翰林侍講火源潔輯華夷譯語一
編以華文譯胡語三五堆垛其字始全核對訓
釋其義始明聲音和諧其用各足蓋源潔族雖
月漠能有志中國四書而明其義故兼通如此
文皇帝繼極益景運熙洽二百年來至 先皇
帝父道化成 今上皇帝光昭嗣服南倭北夷

垂髫雕題無不向化故其來文藏在 內閣視
前加多不止數倍其來文中雜字可備通行譯
語者亦不止數倍焉歲庚午春予承乏提督館
事乃盡請發開本來文俾九館官生各分曹錄
置于館以廣譯習越明年春始就緒乃又取其
中雜字可備譯語者分門增定是編其八館爲
卷各一鞞鞞分上下爲卷二猗歟哉我 明興
一統綦隆之盛也當天之初慮夷不盡變于夏
卽惓惓經營乎譯書者乃 高皇帝一視之仁
其遠人慕義聞風日歸月附語言通于中國漸
多者乃 列聖皇帝繼承之盛自是有受國之
黃耆而來當事者將爲指南以益弘柔遠之典
而克垂永世將不亦有取于斯編也哉將不亦
有取于斯編也哉

賀段母太儒人八表壽序

段母姓韓系出德族今年壽陟八表乃七月二
日實維初度邑士大夫凡舊在夫君敬山公世
講通家且與合子衛泉游者欲圖所以爲孺人
壽咸授簡于鹵俾序之予乃言曰信哉天之報
人凡齋志而未竟厥施功崇而未有見效者恒

不斬于其殺後之福昔在敬山公之著行也始
爲諸生時慷慨豪廓文藻聲華振迅一時所謂
名士大夫交游殆盡後上春官領 廷試卒業成
均授無錫縣丞能推抱璞之餘爲製錦之佐甫
及暮而卒于官所吳人爲之蓆衣冠闔廬之地
遺愛昭昭孺人當孤棹圖歸以諸子則幼冲以
囊橐則蕭索重以同夫旅食舊業隨荒夫人亦
孰能堪其遭也孺人於此雖心切未亡而復轉
前日雞鳴贈珮之功爲興衰機廢之圖乃晝不
知夜不知教子營業以成夫志者垂二十年君
子曰是敬山之志大矣小試而未竟者不足以
語施孺人之功崇矣長苦而未弛者不足以語
效肆今貞志克全親承大慶語其業則經屯而
不失舊物也語其子則行成而能以義養也當
壽陞八表大祉延綿東帛稱觴歡騰圖賀又以
見寔德之積于人之不易得者而能以乎衆也
雖鳩杖之不聯而敬山之靈可慰也卽魚軒之
之宴坐而風音之勞可酬也綏後之獲顧不偉
歟顧不偉歟諸君曰自哉斯言段氏三子當敬
誦以爲母氏壽憶昔敬山公老父締交莫逆予

爲兒童時常侍公言笑且其元嗣庠生尚志
所謂衛泉者娶予姊往來甚殷故今孺人之壽
不敢恡于一言

贈大中丞中山楊公遷秩序

大中丞中山翁揚公以節鉞撫鎮晉陽之三年
廼承 詔命晉副都御史仍撫茲地無何又移
總督于漕予勉摘詞賀公且識遙別每竊謂人
臣以選事自便則志不立以速化自期則守不
固以成功自居則業不竟三者交營而勛名斯
不逮于古人矣今大臣服事于外莫重于巡撫

游東先生集

卷六

四十二

尤莫重于山西蓋內列郡邑地慳民勞物產屈
而供職獨多民力之徵輸爲難外當邊塞地衝
餉關禁久弛而警報獨多兵機之策應爲難矧
比來時款屢豐辛酉壬戌之際飢饉荐臻并冀
之間流亡幾半噫厥惟艱哉惟公自承 簡命
卽祇服厥事在數十年沿承軍民蠹弊皆振興
湔礪居常則乘輅問俗以奠民生有警則仗鉞
節戎馳驅三關以從事九閭閻經籌阨塞計畫
無不殫極精思以克見于行山右當戊寅之變
虜騎長驅嘗南窺澤潞兵禍相連迄無寧歲或

器之造作錢穀之括貸轉運追呼日劇時敷民
旣剥膚士亦廢業訥訥釋驛過及三晉故自辛
酉迄今賴公威著惠流冗賦裁而勞瘁者息肩
耒耜化洽則晉始得民侵略息而荷擔者卜居
服數力學則晉始興士荐歷三歲秋防向所未
有則士馬交騰戰守克偕不遺一矢而三關晏
然巍乎偉哉廼于茲 加命益僂益恭慮屬下
將吏軍民恐以久輶之客有二致也復布示宣
衷矢神顧衆以期永圖是公不惟不以選事速
化成功爲心且脫然若忘其事功于無何有者

游東先生集

卷六

四十三

古稱才與至誠合一惟公之謂載藉公自舉進士
養儲館歷諫垣貳藩臬其淵學懿政爲天下民
攸鑒而士攸式者殆二十年餘其心一允故今
加 命未幾而摠漕之 命又至公雖不與勛
名期而勛名有不能自外于公者公其往哉今
東南用兵久矣三吳之可念亦猶三晉之可憂
也轉旣試經略續餘以籌之則東南其有廖乎
夫西北戎機東南財賦二者爲今天下之大端
皆賴公歷試而底績 聖天子方舉台衡重任
以授于公將益洪福我人哉某幸祇役于茲稔

承公知愛欲下以道其私而上預爲天下慶
不覺貢談于公以至觀纓也

壽張母太夫人序

母之於子也悅其養不若尤以悅其成子之於
母也體其心必圖有以重其悅故甘彥明之義
是子之心以逆屈而母能有以成其屈也擇毛
義之微是子之心以順遂而母斯有以達其順
也觀斯二者斯可諒世之仁孝之心而知相成
之不易矣吾友武功漆濱張子事其母太康夫
人以能孝聞太夫人者對山太史公婦也當其

濟東先生文集

卷六

四十四

夫君早損館舍教漆濱兄弟俱以髫年同領關
西戊子鄉薦名振一時既而仲氏太乙擢進士
官憲伯漆濱累舉禮闈不第乃躬耕漆水之濱
讀書奉母若將終身如是者汜三十餘年太夫
人固樂漆濱之能養然猶未嘗不以不奮取明
時甲第爲歎昔蘇明允夫人教子瞻兄弟謂非
官是好要以文稱太夫人之心其亦猶是而漆
濱太乙誠亦不居眉山兄弟後者漆濱乃復出
就春官登壬戌甲第太夫人出迎喜報忻然
而三十餘年之懷抱始釋既而漆濱出補曲沃

令癸亥八月十有四日值懋悅之辰乃具陳所
以衷情用致遙祝濟東子聞之曰懿哉是舉也
豈非人世稀濶之事乎蓋致其親之悅者孰非
盡人子之情而不能使此志之必成樂其子之
成者孰非盡人母氏之欲而不彊使此身之必
待今太夫人春秋九十有三矣壽筵一開太乙
以憲伯尊御而旣處明農漆濱以甲第名流而
方出用世諸餘子姓郁郁振振在太夫人則雞
鳴功成而式穀效著悠悠難老以迂迎 恩命
凡漆濱昆弟此生之所願欲而太夫人之居常
少有猶歎者盡遂攸宜義母有同歡而尹母無
遺恨詩曰俾爾戩穀聲無不宜其是子之謂予
又聞太夫人今之壽康燈前猶觀誦書史且太
乙行爲蒼生再起而漆濱時方駁駁要津是母
是子濟美相成尚未終有譽哉予自癸丑歲北
走邯鄲識漆濱於旅舍因與定交今復同官晉
地以通家後進時與聞太夫人動履故敢輒效
侑觴之義樂貢迂談以致此祝云

濟東先生文集

卷六

四十五

濟東先生文集第六卷終

許東先生文集第七卷

浚儀

張鹵

召和

記

儀封縣復田記

高皇帝既開天正位錫土田以崇報元功惟中山武寧王爲特最在河南曰陳留縣柳店莊杞縣馬房村共計八百餘頃其佃戶曰陳留縣常志原杞縣簡二等計各一百七十餘戶茲允額田定域昭在著典與儀封迥不相及間以常志原之裔常濟暨李斐蕭通等當嘉靖壬辰均田之際各冒援佃戶名色以其祖洪武中隨衆應詔開墾儀封境內免科諸田投獻卽入均丈者四十餘頃得遂致復除以啓其端甲辰又有佃戶有寄庄民有本縣民王良王臣羅澤等協用濟謀乘時缺長吏將前頃開墾暨續易民田復獻二百餘頃以效其尤老書黥筭餒賄潛通創于先後十餘年間而儀封徐府莊田之議起辛亥陽城王公國光來知縣事軫察民艱盡折從前隱弊據劉廷等稱告上司撫按藩臬得咸允如議隨以甲辰中投獻徐者首發改正外仍

許東先生文集

卷七

記

以前墾田七十八頃來歸其四十一頃亦輸款招承以嗣歸焉嗟乎世臣之忠莫大乎昭白而不誣丘民之怨莫大乎停蓄而不洩惟武寧王身先百戰以異我明興偉烈精誠昭明乎日月邇其體國之忠必不欲以非分之獲爲子孫後世利者今其子孫任事于外第以此爲事非勵已而不知乃被奸民之厚誣且儀封摠括均田纔五千六十餘頃中河隄沕占養馬之役獨苦他邑顧又于五千六十頃中創肆侵削使他蹙藉存數年以來河役繁興海內多事格外徵徭歲甚日加呻吟愁困之民固未嘗一日不舍寃以橫議也惟王公毅然一旦挾彼奸謀還我故土以昭世臣精白之忠以洩儀民停蓄之怨閭閻歡慶道路謳歌公之成功巍哉茂矣自公以治行第一徵入擢拜天官尚書郎計去儀且五年而交城田公西城繼至欲昭茲成功于永世乃率其僚屬俾鹵附茲末議以勒貞珉具列其始末公移詞狀于下方且將經理餘田之嗣歸者而告成事休茲先後協心而儀人斯其未賴哉

許東先生文集

卷七

二

記

高平縣題名記

題名者思考實于人也思考實于人者思以自
考也今天下長民百責萃于一令而令者又士君
子筮官始入之途使意見少弗貞執持少未定一
涸近利則功名勛業之身不暇於慮終一牽世
調則文章道德之身輒弛于一試已身弗保何
有于民予爲茲懼若隕于深淵每師詢前令成
規因聞某廉某公某優經術某極誠信則口誦
心惟朝懸夕企以徹所未逮因載考自洪武迄
今凡令茲土者通四十五人乃創爲隆碑盡刻

游東先生文集

卷七

三

高平縣志

其姓氏名銜下列倅尉予與一二僚屬亦附其
上仍餘左以俟方來於乎姓名列而感否彰後
先形而鑒戒著茲石立矣使流風最下而與不
賢者伍歟則後將指而斥之徒爲士民覺額之
場英雄鼓掌之地固無足置論使倣倖得名而
誤于賢者伍歟後又將指而議之謂某也廉之
飾某也公之矯某也學之竊某也誠之僞亦歷
歷扶植不掩錙銖俾心跡昭懸與茲石並久吁
可畏哉其惟本之素養旣以究天德王道之真
發之一誠期以盡民胞物與之分庶以一身周

百務以始進基成功以翊輔名教則達之事功
爲有本以弘濟斯民則驗之學術爲不誣對于
人無汗顏傳於後無貶詞而茲石斯永終有譽
矣高平自昔稱雄戰國秦漢後周間 明興益
號晉鉅邑令此者多名流近產薄物耗仍冒膺
虛譽民又獲聊生而大無愁嘆之聲者賴諸公
福庇誠多予向繼缺官弛政遭際益難因于師
法仰止中切驗夫心術學力係于生民甚大將
以昭諸公既成之績晉區區願學之心以示師
保神明乎茲石之意故繫此迂談固非漫欲附
名侈美而徒以紀載視茲石爲也斯石也經營
于甲子之冬克成于乙丑之夏成之日爲六月
庚辰惟幽令茲蒞政惟三年

定性書說

子思作中庸謂喜怒哀樂之未發謂之中發而
皆中節謂之和中也者天下之大本也和也者
天下之達道也子朱子謂歷選前聖之書所以
提絜綱維開示蘊奧未有若中庸之明且盡而
愚則以中庸之爲書又未有若是四言之明且
盡者繼子思而孟子得其傳繼孟子而程子紹

游東先生文集

卷七

四

高平縣志

其微明道定性一說所謂動亦定者非恪乎用也中節之和也所謂靜亦定者非斂之寂也未發之中也顯微無間何有乎將迎體用一原何有乎內外知不可惡外物爲累而自私用智即戒謹恐懼無時無處而皆當嚴存省之功知於怒時當忘其怒而觀理之是非卽莫見莫顯而尤當知存省之要由是以幾聖人天地之常則中和致而位育之能事畢矣嗚呼微哉其以言乎天命之淵源而率性修道之根底者若合符節往歲家食時嘗會取儒先九論釋此書梓言

濟東先生文集

卷七

五

略分注一二于支節之下及取象郡呂蒙氏所爲一圖亦備列于後欲擬性理三書另冊傳布尋祿食餼僦未汔裁定及令高平乃先生令晉城時舊遊地也且有祠在學宮左方朝夕仰止誦法之餘因以其書并取呂氏之圖刻置祠下欲與茲方人士昭事先生如在之神者益共切于心目之睹識云

儀封縣重修廟學記

今天下文廟與學自國學而卿其制一儀封廟于大街之南而學與北中通以門傍翊以坊

東曰人文接盛西曰奎壁聯輝而制迥異萬曆庚辰廟學傾圯庚寅冬東吳孫侯文龍以己丑名進士知縣事謁廟泣學以首關職業爲大懼旣面約師生又出而告子曰龍不佞當此敢不圖之又明年壬辰春乃肇厥事先事膠東趙侯任圖此嘗籍鄉大夫泊士民有力者輸金以濟事未行而籍存侯曰此募緣者說吾不忍爲也火之爲約已厄材資帑羨贖輕繫乃新廟自殿始次兩廡次櫺星門次創建封人祠于名宦祠左且將次庖次厨新學自重門始次兩齋次號房次

濟東先生文集

卷七

六

學官宅工大而費不浮一瓦一椽皆侯自規撫主吏工師受成焉顧役準民間計日受直民不知勞至明倫之堂鹵爲償夙諾勉竭綿力特建堂五間爲高明中正以易前之卑棲傾危及堂中几席鐘鼓咸興維新侯已爲予專有記廟學工始于萬曆二十年三月初六日成于萬曆二十一年十一月十五日南北顯赫巍峩接聯輝映乃釋奠于先師而告成事侯屬記于予予惟世之極治由士之知學學校聲容盛如今日是而非不知學無實學也學之正在六經而今以

世儒好高務奇援攬異說潛移欄柄而二氏得以雜之行之本在孝弟而世俗倡之表行使綱常躐于庸行義利迷于始進而薄俗得以汨之學者于此不汲汲反身以求吾大本惟眩目敵神于近舉業捷徑之習以更迷榮利是可謂實學乎政本化原莫由宣暢致天下之治安一鄉邑之風俗大不及前修遠甚夫舉業亦何嘗不足以及實吾學乎或謂今之時文乃士飾以贅君之羔雉夫謂爲飾羔雉是矣然飾固不可不慎也體之不本心得第記誦其佔俾則其飾也淺辭之不自已出第勦同于他人則其飾也屬淺則致用弗周屬則不誠無物斯已足以負吾心而孤世用吁士亦良可愧罪哉侯今一新廟學廣勵諸士崛起本六經以正學術本孝弟以求堯舜而于世儒亂經之譚亂德之行及薄俗倡肆恣睢之習嚴距之使不以干吾之操履則心正行修由是以所自得之言爲羔雉以嚮用明時幸而遇則利澤加民功勛見世固得以溥吾施不幸而不遇則或潛淵明道或殺身成仁亦求以畢吾志榮利得失非已憂斯道汚

許東先生文集

卷七

七

才

隆實已任斯謂盛世之才中原之豪君子之儒不則徒市利于青紫碌碌于世浮沉而莫知所以爲重其自待亦卑卑甚矣以是于侯而徒曰報之或無以當侯之心固非予之爲二三子告侯正學偉文貞操力政故甫暮年政成稱兩河最爲能不動聲色而力任衆苦難成之役如此云

儀封縣聖井記

孔子轍環天下過儀時封人請見魯論識之照耀千古矣儀有井在今縣治西三里許相傳謂

游東先生文集

卷七

八

才

夫子曾飲水其上井徹底上下相約五丈皆自生琉璃不假造甃瑩瑩然如玻璃碧玉然不可方物故人皆稱之曰聖井夫古昔無論矣卽邑偏河壘百年來九井之爲所嚙者斂者衝頽者智而廢者洎平地遍爲陵谷故處不可復按而求者不知幾百數而惟此井獨存且靈光輝燦不少磨滅依然如故噫亦神異哉儀舊于封人祗服食于名宦舊志此井亦祗列爲八景之一萬曆壬辰春蘇之大倉孫侯文龍旣特祠封人于學宮以隆專祀而又特表章斯井建亭坊于

道周又請河南行省少叅梅公題淵泉二字于其上請予言記之予惟孔子之道猶天然不惟當時列國君臣當求其一遇卽此井遇之猶能延美于萬世如此不亦此井之良遇乎雖然亦良由此井之能自致蓋其剛中之德歷二千年而不渝及物之澤施千萬世而常新匪直不孤其遇而且也相成其美不然無論此井卽衛靈魯哀之爲君晏嬰子西之爲相楚狂接輿晨門荷蕢之徒之爲當時之隱賢者與孔子非不親相遇也抑將何以成其美乎予故卽以此記之

游東先生文集

卷七

九

意云

重復唐二賢塋墓記

唐先天開元中有文林郎李恪儒林郎李亮按志恪其亮之季父先世隴西人玄元皇帝漢大將軍後裔爲唐之一代文武名閥琳瑯士族恪以先天元年十月十三日亮以開元十四年二

月十七日俱卜塋高平縣北十三里之原不知自何時居民杜氏因侵占爲宅弘治丙辰春業主杜文直斷地得二銘石以獻前令柳塘楊公子器公易地築塚納石爲碣文以記柳塘去茲殆六十餘年杜氏泝肆夷塚仆碣侵沒又盡嘉靖壬戌予叨令是邑甫至會有杜汝第與杜林之訟按者皆引嫌避難歷歲時弗與決予冒昧一訊而決之因得汝第所告林侵前墓地云云質之故老則弗詳稽之新刻邑志則未載及求舊志與柳塘碣文舊刻閱之則紀識甚明因委官郭塋詣其家夷牆徹屋按所識元地求之果得舊塚碑石宛然除移文監司將林抵罪因重興封築復將柳塘舊刻登石再建小坊道側題唐某某塋墓字額於其上廼贅謬言亦紀諸石與柳塘之碣並樹墓之左右嗚呼世代推遷山谷陵夷漢寢唐陵鞠爲茂草古跡湮沒而不可究詰者奚獨二賢塋墓然哉但此地杜氏容可侵占于向者湮沒荆棘之時而不可復占于旣經柳塘釐正之後故予必正其罪而復系之詞一以昭前賢不容泯之跡一以開杜氏子孫世

守自新之路一以補志乘之缺而冀以昭柳塘之績于不可磨云

儀封縣重修城隍廟記

今天下建官秩祀郡邑司牧之官城隍司主之神徧列寰宇在儀之神威昭赫其報應在官師者嘉靖中翰林學士郭公維藩已備記貞石在士民者自鹵始垂髫至今亦皆可戶舉而人稱之歷毫髮不爽萬曆庚辰四月妖賊曹倫及其黨衆起儀城南近郊冀明發突入邑劫殺官民以首事是日神啓典守者之衷城門日高不啓

濟東先生文集

卷七

十一

後據賊衆招伏謂當是時共見城隍之神顯赫威靈週行城上遙望之而不敢入未幾不崇朝卽賊衆散亡授首城門之外予時巡撫圻南家鄉人爲備述其事予每思期與吾鄉人士共勵精白寅畏以答神功辛巳春南歸躬謁廟下顧瞻圯壞旣亟見邑侯固安呂君永富輒語及之且告以取在公見時之帑藏雖不足括在野方興之淫祠則有餘不則但委任得人嚴其紀籍使得借官之意募民之財亦可不勞而集事侯竟如予之後議始事于甲申春予首倡之邑大

夫士庶各出銀有差不足者侯永富及繼至周

侯班爵相成補給乃庀材藏事廟寢廊廡暨重

門四面週垣咸敕一新乙酉秋始礱石爲碑徵

予言而告成事予惟自伊耆氏祀防庸議禮者

尤詳及家之五祀咸秩司主之神况上爲朝

廷祀典之隆崇下爲方域人心之荷戴如城隍

之神靈昭應固所宜然夫廟圯必葺吾人固知

思所以重搜神之地矣然神之護佑吾人者以

德神之臨鑒吾人者以心語曰明有法度幽有

鬼神是二者幽明一貫

知明之法度所不宜則

知幽之鬼神必不可

吾士與民自今各試思前

乎吾者如某也以某惡而禍一身某也以某惡

而禍一家某某惡而

禍行播於當時某某惡而

惡聲流于後世九所心存目覩曾有以小人而

獲福者乎卽有之雖禍必禍曾有以君子而罹

禍者乎卽有之雖禍必禍動因懲思懼之心貞

轉禍爲福之吉則薦清廟以明德斯神心可孚

神功可答神福吾人益垂永護設士而大負于

君民居而橫肆于鄉閭家有玷于人倫事惟專

乎詐利其心視殘賊稔惡者無間而顧猶怙終

乎詐利其心視殘賊稔惡者無間而顧猶怙終

乎詐利其心視殘賊稔惡者無間而顧猶怙終

乎詐利其心視殘賊稔惡者無間而顧猶怙終

以掩跡巧飾以文奸雖能暫逃法度之誅戮而莫逃鬼神之昭鑒則神之陰陽普護乎我者至是將違棄之雖日日敕廟修虔神必不佑其尚可徵福于回而強心以智爲吾人者益充各慎所從違而思有以爲昭事獲福之末賴哉郭公碑記廟制已詳是役也但與俱新制仍其舊督理條貫則滑縣丞郭昀氏役事効勞則住持道士李靜竹與出銀人姓名及所出銀數俱列碑陰且郭碑旣致詳于禍福之在儀官師者予茲碑第致戒于禍福之在吾儀人者郭碑又有謂

游東先生文集

卷七

十三

居民所侵廟地旣經改正者從九三百五尺橫一百一十五尺故老猶謂未盡復自嘉靖乙酉距今才六十一年今之從橫尺數果何若是事于官府之明法事神尤爲不細須終望自今官吾土者必加之意云

後樂亭記

高平四面皆山城邑居中縣治又在極北于城城堞勢若椅環而群山聳翠四望皆徹令之衙西有園地一區幾五畝中有亭三楹前有樹爲楹亦三不知創自何始以有井在園門西下衆

號曰井亭令園蒞茲又明年喜其卉木蔚然模弘敞乃復種淇園之竹植王官之楸議并權花隨時間補重葺其亭廬以後樂自茲每以公餘退食游居于斯隨時觀物則曉日斜陽遍山紅紫春中夏際遠物鶯花秋興冬寒半軒雪月與夫雲煙欽舒雨暘明晦廊宇外綠樓觀遠映乘輿讀書則架插牙籤隨意攤取或朝滴花上露零研硃以點句讀或暮起簾鈞落日開軒以盡篇什涉趣適情則周游堂徑徙倚叮嚀岸幘披襟微吟緩步若作字摘文稱腸覓句則聞有或

游東先生文集

卷七

十四

然談博賭奕款客迎賓則向所未逮隨時隨事皆念慮無羈繫俯仰無愧怍以官煩劇之區得兼山野優游之勝據令之所以者信樂矣而何以得此樂哉蓋令之蒞政汔有二年餘前此鞅掌簿書周章塵土儘夫愚昧知識以從事凡所欲急者上之人不以爲遽遲者不以爲緩與者不以爲創革者不以爲微謬言疎行悉見優容暨境內達官黃耆亦不蒙斥罪是誤獲乎上則樂士宜提調冒曰樂育而庠校以興民宜隱恤冒曰休養而流亡漸復積蠹勢有難存冒曰易

弊而人自刻奸疑獄法所必省冒曰辨枉而人皆歸德暨僚屬祇候亦敦朴相信是誤獲乎下則樂幸老親幼弟豚子弱息相聚在此又以入而順承誨語則樂且時年豐樂民頗聊生抱鼓不驚徵科無負其視辛丑壬寅廣騎南牧壘切邑城辛酉壬戌旱魃肆虐屍暴郊野于時當事諸君經籌勞瘁殆什伯相距之不同是天人之際遇者又有以成其樂也夫以令之寡經術情世務苟祿叨官既厭不至于罪盤而又得天人際遇以成其樂如此其自得之真幸之切故名其亭以志樂樂曰後以志遇更不計其擬援竊妄而輒敢自附于希文之意云

王侯生祠記

君子之政趨時則遠道民之議亦隨時而重輕強心則難恒民之感亦因心而久近論者謂嘉靖中當辛亥壬子之間仕途公道幾泯而郡邑長民之吏殆大半不可以語臣節矣柄臣黷貨衆枉叢興士大夫有不知自愛則務爲營聚私囊覲取速化而士方策名登仕者亦或藉是以爲出門發軔之口實陽城疎菴王公國光登甲

辰進士于辛亥春以吳江令復除儀封是時晉儀封物產空虛極矣而猶恣侈俗丁戶逃亡半矣而後加重差地畝被黃河坍塌泮沒十去其六矣而且見侵奪公曰當此弗變謂民尚可予遺乎哉乃約已導民反淳易俗于公私夾雜羅無名之征于使客旁午除額外之索非公禮儀節筐篚不登幣賓筵不酌醴三月而民泮沽蘇繼修教養公其聽斷尤嚴于辨覈名分雖一嘖笑語言必不濫及凡素號托跡官府飾僞行私者皆潛踪而不敢近庠校之士課以精舉業僚屬吏役程以精法律于飾高論以爲門題獵虛名以希榮進者皆薄而不取人皆嚴畏改圖又三月已駸駸嚮治至有奸民巧于投獻功臣之裔扭于貪得如中山武寧王府乃無故占受儀封民田一百二十餘頃公力舉正之徐氏之裔恃其平日巧與與援之故智撓公且包承以賄誘公曰國夷其紀民受其殃乃官市其恩且因以爲利死不爲也遂抗言于諸司爭是非而徐氏乃悉歸我侵地其詳俱見予所撰儀封復田記中後叅政某欲盡反公案仍以其地歸徐

氏事雖未果至今民怨叅政公最深益轉而德公爲最切徐納言者嘗受檄代典史捕盜管一人至十其人病死聽者誤以其父曾爲威縣令有官囊論納言以死公直詣辨于部使者言竟得脫或謂聽者將不利公公曰使言脫而吾中其怒固所甘心未聞以人命媚人者中原計田畝論差邑之民田頻年爲書算市奸除欺隱外且巧幻百出如甲有田而蓋飛詭爲乙丙丁戊之名有律例未盡之辜且間有膏腴上田反作河地遇重差大役撲實守法者獨當苦累而豪

謝東先生文集

卷七

十七

猾全脫公悉其人乃請于諸司既定規畫且欲先下令爲限期出首之法先犯者次里鄰許如期出首如過期不首及首有不實不盡卽以其地沒官且約爲並加重究會 徵公命至偏苦之民猶想念刻骨公之惠民類如此故此數事至今雖邑之小夫婦人其觸事興思必皆曰王公王公云嗟乎今之仕者于有利于官有利于民則爲者十之十有利于官無利于民則爲者十之九有害于官有利于民如公之爲殆不可必得故未期年 肅皇帝以循良第一徵公入

補吏部司勳郎向所自異于公者亦終皆噤聲而貌其訾議非公爲民守道根于一節由衷詎能至是而世抑何嘗無公道哉公去儀封且二十三年今爲戶部尚書儀民日夜圖以祠公而報之初卜地于邑城中繼卜于城東皆以狹隘不愜輿情今年春鄉民馮大有示旁路永福郭崇脩等改卜于城西封人請見亭之右爲正祠三楹後官亭一亦三楹前列門坊肖公像于中以崇永祀時蘭陽學諭程君宰署縣事樂見民之德公如此乃偕大有等醵石請予言以記之

謝東先生文集

卷七

十八

未幾君遷陳留令門人學諭林君瑄署縣事乃偕大有諸人再申前請予惟儀人之德公固爲最深而予之受知于公尤爲最奇當公來令正予爲舉人時予一見公卽以公輔望公而公亦過以望予凡與之論義盟心商訂今古務有規益耻事面從有時予過縣齋雖方夏長晝必繼晷以燭公時過予雖茅茨籬落之間亦必盡醉飽而達宵旦一時交誼真能與古人道義高跡追後先公今以崇階鉅望上結 明主且金甌姓字興望方隆予疇昔之所望公真爲不謬惟

予碌碌然無能副公其所能自信而求矢者惟
有不敢少渝是心以爲公愧且儀封之人德公
之中尤于予二人交情故事每相傳共以爲奇
故茲于大有等諸鄉民之請必不容不言必不
敢諛言而又附言其所共以爲奇者亦俾與茲
石共久也

張氏義田倉記

宋范文正公曰吾吳中宗族甚衆於吾固有親
疎然吾祖宗視之則均是子孫吾安得不恤其
饑寒哉且自祖宗來積德百年而始發于吾若

許先生文集

卷七

十九

獨享富貴而不恤宗族異日何以見祖宗於地
下今亦何顏以入家廟乎故既貴於姑蘇近廓
買良田數十畝爲義莊以養群從之貧擇族人
長而賢者一人主其出納九日米歲繼與嫁娶
喪葬皆贍給有數畝每誦其言思其所爲輒仰
歎夫誠有味乎其言之自三代以還合族復古
之義猶幸於若人賴之也吾家自唐末始祖順
來家儀封號康丘張氏歷五季以及于今康丘
距儀封縣北三十里距小宋鎮三里我顯高祖
考于此始有田百畝歷顯曾祖考顯祖考顯考

及鹵共得田地六百畝有奇鹵仰思此田乃我
先公占籍開基及五世相沿積累艱辛以有此
尺寸之土乃謀以是六百畝有奇之田或耕種
所獲或取諸佃課之直所易歲必積穀二百斛
于囷俾從子遠從孫積寧之凡宗族之婚嫁喪
葬則取以給之吾宗族之衆計見數二百餘人
痛思鹵爲舉人時則諸父在者十五人諸母在
者十七人登進三十年來今諸父之行俱無一
存兄弟子侄之喪逝者七此皆雖有欲盡之心
而不可得今斷自吾兄及弟姪以下婚者五斛
嫁者六斛喪與墓者十斛凡同五世之宗皆以
此例其積餘之穀另收別囷以備不拘五世內
外及雖無婚喪但年七十以上及未七十而貧
至不能舉火者則隨時隨事賙之不以例限予
自歸田之明年卽力行是事及今已行之四年
旣輿情允偕今復明宗子之法俾視茲成規永
爲遵守夫鹵繼祖之宗也敢以一繼祖之小宗
而冒肩合族之大任者以鹵家自入國朝歷
年二百仕宦五世以積有此田若乃甘沒先澤
而不以公及子姓此鹵之所大不孝也吾家遠

許先生文集

卷七

二十

自前朝皆世沾一命至正德嘉靖以來先大父
三歷外方之伯食祿之品鹵亦嘗叨厠九列受
此隆恩厚祿以保有此家而不與宗族共之
此鹵之所大不忠也故仰思古人但有得此心
與事之同如范公云者卽歆艷效法之不泥其
跡而師其意倘不審彼此分量之不同必欲刻
意擬倫顯然自附昔賢以號召于世此又義之
所不敢出也今而後鹵于吾家衆席先澤則當
知所以報親恩知國恩則當思所以酬上
德也夫一衣食生息出王游衍俯而報親恩仰
許先生文集卷七
而酬上德斯尤家傳忠孝之良圖而林壑獨
生之至願也故鹵欲權宜辨義踰分申情敢于
冒昧爲之也于是旣隨力所能爲者列欸記中
以垂永例又附列所當共相交儆慎修十事于
後以竝飭族人

許東先生文集第七卷終

許東先生文集第八卷

浚儀 張鹵 召和

策

重輔臣

夫主天下之治者固存乎大有爲之君而贊天
下之治者尤賴乎代終之輔我國家今當寧
太之交已際夫不世出之主矣而所以任夫
輔者不可不慎焉稽之周禮二王而治天下者
冢宰也春秋列國之興亦必相一卿我太祖
高皇帝起自布衣統一天下神運六合當時若
劉基之智謀宋濂之博通不過俛伏受成故廢
左右相權折而六之使之分部執掌至我成
祖文皇帝則創建內閣以叅機務其削相之號
雖亦無左右之名而收相之益卽儼若周宰國
卿之意也後先建置通變之方猗歟盛哉自今
觀之在起成祖至仁宗宣宗英宗時
則有若解縉黃淮胡廣胡儼楊士奇楊榮金幼
孜其典司機密文行功表著一時至英宗復
辟親擢薛瑄岳正李賢其計處叛逆力定儲位
功垂不泯正德中逆瑾竊政雖囚成元臣僕隸

端揆而猶知尊禮內閣如劉文靖公健謝文正公遷劉文肅公忠甚怨者不過褫秩而小怨者止于歸致而已豈皆非 祖宗處置之善而使賢人君子得以心力鎮服之乎今 朝廷每簡一輔臣必求其約已讓善如唐懷慎之德忘死徇國如宋君實之忠防細圖大如漢張良之才固非特望其醇謹承望以示輕於六曹表薦拔取舍既欲倚爲至重之投而諮謀信任必宜出於恒品之外昔漢文帝寵鄧通而不欲屈申屠嘉之直錢若水以昌言之見薄而卽不欲一昨

游東先生文集

卷八

二

有才

切劇治道要於必行期於無弊如是三年然後遷秩而授官則庶乎不如王端毅之救弊而忘原也詩曰有暵有翼有孝有德豈弟君子四方爲則伏惟 聖明留意

覈舉任

游東先生文集

卷八

三

有才

國家之士學校教之科目取之非古也然勢不可廢焉前古待士之法不可稽已粵若成周之世每夫授田百畝死徙不出鄉鄉田同井聯之北黨教之鄉大夫正之師氏升之司徒曰選士司徒論選士之秀者而升之學曰俊士升於司士樂正崇四術立四教順先王詩書禮樂以造士春秋教以禮樂冬夏教以詩書大樂正論選士之秀者以告于王而升諸司馬曰進士六德以爲之本六藝以爲之翼是故無飢寒空其身無邪褻亂其志故士皆純行至德衰臣叛民失業士失學則各投其所好孫吳以兵售李愔以農售蘇秦張儀鼓從橫之說弁髦其主迫驅其民四豪養客乃至甘爲雞鳴狗盜向使田生之有科目取之有學教之不至是也故曰執不可

廢也且 國家造士雖純用經術舊法由里
保其行試而升之學再保其行試而考之省此
尚里選之遺意但棄之已久益大不可憑故但
以科舉而付之公道其得人也即如博之中呼
今宜令縣令每歲察舉治屬之民十五以上性
醇重者能占一經歲有常教上之守守試而登
於學督學憲臣又求必得如陳選之貞潔王雲
鳳之執法間歲驗其當否亦施勸懲庶科目程
式之餘而亦不失 祖宗核行之意也 國家
任官之法在外庶官三年一考察在京庶官除
三品以上五年一考察其給由之制外官三年
必先上其績於所屬所屬核之而後上其牌冊
之績於部院京官三年除堂上官員止奏績於
銓部而聽命于朝其屬僚凡遇三限考滿之期
除本衙門外仍俱送都察院考覈此於日有日
程月有月要歲有歲會雖未必如周官之密而
亦誠得古人三載考績黜陟幽明之體要也但
今上下因循中外承藉言善而不舉德論功而
不據實三年考察之制雖猶備體舉行而一人
給由之期則慢不加問今宜令考察給由並爲

慎重如蘇洵所謂某人廉吏也有某事以知其
廉某人能吏也有某事以知其能不惟幽明黜
陟之際致其詳察雖 勅詰之給陞署之銜亦
必致其明慎而不苟於此考察給由之制而庶
不失 祖宗參酌之詳也且取士之法進士之
科備矣而建官之法則有日非者焉伏惟 皇
祖設官分六部以萬務兩諫拂其愆違責郡縣
以六事按察究其污濫自大夫以下必三考乃
進二階是故官簡而功就自宣德至今員外添
設奚啻累百不責之盡職乃爲之分任不亦謬
乎夫員多則缺廣缺廣則易轉倖門閥開居無
固志此所以士節不勵政要不結役煩而民億
也姑言外服賦稅學校捕寇治訟卒伍百工之
技郡縣所理使縣精其成府可逸矣府精其成
省臬可逸矣故省臬之職不過剔動情覈廉貪
予能翼純及事連兩郡而不下害出大豪而難
摧者則當之耳今方面之員實涉太繁提學守
巡之外並宜量爲裁革以此推之中外其餘可
知伏望 聖祖之制通革內外員之贅庶可
免孔子官事不攝之譏老氏烹鮮之喻而在周

禮官工皆稽業而定之蹟唐併庶官之效皆可
見於今矣伏惟 聖明留意

正士學

夫先王之教人爲學也六德六行以端蹈迪六
藝以周泛應春秋教以禮樂冬夏教以詩書不
過餘力學文而已兩漢學者力于孝弟忠信謹
於貧富進退及宋禪氏行元老鴻儒尚泥空教
混而入于儒鄙謹禮爲嚼木病堅操爲滯著雖
程氏之徒亦曰先靜坐求未發之中夫中庸之
教慎獨者存性也自忠恕以至九經孰用非性
孰功非慎操存之孰本立道生故中乃成德之
驗夫意誠而後心正無欲而後靜虛固有倫次
自張子韶參果之禪陸子靜又參果之門徒得
光 張則遵依霸相改換頭目以禪語亂經陸
則目逆其徒瞑目靜坐以禪定亂德溢於楊簡
認心之精神之謂聖濫於徐霖認心之靈覺爲
性汪洋凌躐肆厥詡言輕六經爲註脚斥論語
爲支離黜大學爲非經謂聖賢有不可勝誅之
罪達磨賢於孔顏矣幸有濂洛關閩之學爲之
筮蔡而考亭之適當其時力作隄防以遏其奔

游東先生文集

卷八

六

七

衝以其君相無反經之功故流弊之深猶可窺
詰也 明興承元人滅學之後我 太祖高皇

帝特命宋濂主用朱子貢舉議參酌行之養士
取士純用四書五經定以義式 成祖文皇帝
又命儒臣纂輯四書五經性理大全一代造士
之法於茲大備其餘非聖盡在斥逐故當永樂
初饒州朱季支獻所著書于 朝 上覽之見
其於濂洛關閩之說肆其醜詆乃命官押發原
籍盡搜所著書焚之仍明諭其意答以示罰其
衛道之意何如也若理學名臣求如宋濂薛瑄
陳選章懋者固無俟於言其陳獻章方正學與
與弼羅倫丘濬蔡清莊景陳真晟胡居仁張元
禎黃仲昭鄒智皆尚不免乎異議況今之所謂
學者復有罔知行之訓廢積累之學膠主靜之
空言掇徑超之嘆遲其爲斯道之蠹也甚矣所
以者蓋道統之傳也存則人亡則書今異道靡
詞稗談野記之文不可勝算而秘閣之儲書肆
之板士夫好古之傳錄積充於宇載汗其牛使
學者觀之如入武庫遊富市炫目濫聰道真遂
蔽故其崇虛趨邁反以本領治業爲筌蹄矣今

游東先生文集

卷八

七

宜君相反躬實踐益隆經術用此以覈其行求必其允蹈迪德之實用此以試其業以觀其窮理盡性之能其於紛然制作得儒臣如朱子之集大成者命之芟非聖之軌剪汗漫之浮火異端之害雖大儒所作亦叅伍以去其複夫然則簡斯精精斯達矣士學正則全才出伏惟聖明留意

瑞士風

粵若古之人臣若契作司徒臯陶作士垂作共工益作朕虞伯夷典禮夔典樂龍作納言若上之

游東先生文集

卷八

八

禹宅百揆棄作后稷此九官者皆聖人之儔各治一職老而易惟以盡分爲賢不以分職爲競譬之御人口叱目視手調足踐共行一車譬之舟子或棹或舵或帆或纜共泛一航一人一心也衆人亦一心也固無便身圖而爲選事之謀靜言如堯不得長姦有能如鯀猶謂方命固無務虛言而爲實行之遺二者猶無則貪饕者更無容也未世滋僞士風漸漓我太祖創制因人授職以盡其才限年考課以責實效其於文職官吏受職不受職之多寡罪之輕重俱罷

職役不叙枉法滿貫克軍九所以謹貪濫之戒其於一時景附諸臣有甘心恬退者則或親賜宸翰褒嘉或以禮遣行人九所以勵寵臣之節也故當時大臣法而小臣廉今日朝野之風大不類此廉靖之節僅見貪污之風大行一得任事之權便爲營利之計賄賂大開私門貨積清平之世豈宜縱此夫在先朝豈無賄者餽及百兩人已駭其多矣今也動及數千或及萬數矣豈無貪者暮夜而行潛滅其跡猶恐人知今也納賄受賄公行無忌豈非士風之大壞乎由今之道不變其俗則在上者日以封殖在下者日以剝削民窮盜起而國事日非矣豈非時政之大害乎且古之士大夫難進而易退寧自守以俟時無寧違道速化以失已非偶也蓋其見道明用心剛素有所養而然耳由是而人主用之大則可以康世濟務小則可以風勵時俗而不失民望焉今日之士又殊與此異恬退者衆諂其拙奔競者咸嘉其能一登仕宦之途卽存僥倖之志或以諂諛舐或以賄賂求或以奉承得甚至一官有缺各趨權勢之門講論年資體例

游東先生文集

卷八

九

應得之故先講者既定則後講者或不能得以
是無不爭先趨走搶而論之既講而不得則又
喧讓騰謗雖吏部亦難於處措故京師有講搶
壤之嘲如是則法軌何由而清紀綱何由而振
姦宄何由而除是奔競之風熾世道不祥之机
也仰惟 皇上聰明神聖允邁堯舜道源政本
澄清宣朗而臣下貪穢之風至於如此豈不大
可怪乎夫 憲廟時士大夫猶耻爲華居珍器
者矣爲士則惟攻舉業仕則精法律勤職事而
不爲尚靡詞以競侈者矣能循是以求之則羔
羊素絲之風枝實敦行之治未必不可復焉伏
惟 聖明留意

均田賦

國初分田之制有四曰魚鱗有圖曰刑嚴詭寄
日律禁欺隱曰沒籍有稽夫魚鱗有圖則疆界
明矣刑嚴詭寄則法令行矣律禁欺隱則賦役
均矣沒籍有稽則官民辨矣 而有以監生供
丈量之任嚴則例分占之法而且賦有定數定
期役有常名常額此自井田既廢之後其師古
不泥通變宜民未有若此之善者也故洪武初

年天下墾田之數八百四十九萬六千五百二
十三頃永樂初年乃由是而增於多至成化以
後復由多而入於少所以然者以臣下奉行日
久政弛民情豪右肆爲兼并而賦獨輕則委之
曰南陽弘農不可問姦猾之巧爲詭射也則委
之曰投鼠忌器城狐莫究以致今戶口版籍莫
可爲憑稅糧逋負殆又甚焉今宜令倣先年有
司立均田之法畫丘計畝三品徵稅其丈之之
法比照洪武二十年覈實天下土地遣監生丈
量畫圖編號悉書主名爲魚鱗圖冊既文而核
之卽以丁戶見年納糧之籍互相參稽定其永
業其納糧少而田土多者比照正統初年處分
直隸富豪軍民人等包耕田地除原納糧地外
其餘均撥鬻主否則撥及本里貧民及衝塌田
地人戶照例起科尤召集田主共辨肥瘠高田
宜漚下田宜旱互乘除之乃定等分租凡此皆
宜專之各省巡按御史以督其程分任親民良
吏以行其事將以首爲重大事任限期責成事
成然後遷轉其能無姦欺允愜輿情者在親民
長吏卽大爲擢用如西漢故事不然如有通同

仍前作弊有被害人戶及公議發露官民并坐將自己田地移丘換段詭寄他人及洒派等項全家抄沒如 大誥明旨夫 朝廷推誠心利民之益而又設大賞大法以臨之受託之不忠於所事者未之有也處分既定使州縣有籍府有紀司有總部有會以後開除收領一如 國初之法而又先差役徵科於多田之家以抑其兼并之弊慎品官職役之優免以嚴其射利之防核功臣藩封之額賜以塞其投獻之路其他荒蕪汗下之地糧不可減也則召民耕種使之止供輕糧不與熟田而并視江河衝決之瀕糧不可減也則以淤漲補給而輾轉相參不以曠地而病民如是則田可定矣且古之使民不過三日今厨傳之供騶從之煩百倍於往州郡一下吏出乘輿列騎擁于街衢隳制度夷等威若泛常洪武制官人從有定數今宜嚴立罰以懲不遵凡臣非將命毋得乘傳夫水旱之虐聖王遭之秦廢溝洫杜撰阡陌漢以來良吏鑿渠致富故今不特兩浙江淮川蜀湖湘之間可興水利而燕趙齊魯衛晉秦隴之地水利可資昭昭

俱在昔人所開已有明徵前元勸農法史臣稱曰王道去今不遠可稽而舉夫歛薄則用足力餘則能修水旱之溉督勸之做又出山澤使貧者得業如此十年之後家可使給足故禮教興而頌聲作矣伏惟 聖明留意

厚儲蓄

夫周上需繫民心必資於財蓄父者積爲力者克食冗者耗費奢者窮財不足則民貧民貧則苦生苦生則心離心離則九可以救死者何不爲夫盜者擾始也擾之靡靡英雄因之而起是故亂自財始我 朝洪武末樂洪熙宣德年間生養休息軍民富足故雖外征北虜內營宮殿樂於趨事未嘗告乏蓋以 列聖相承咸能愛惜民財不肯妄費我 太祖當洪武元年因有司奏造乘輿諸物應用金者皆命以銅代之有司言費小不足靳 太祖曰朕富有天下豈吝於此然所謂儉約者非身先之何以率下小用不節大費必至開奢泰之原啓華靡之漸未必不由於小向至大也後洪武十年因 大內宮殿新成制度不侈甚喜謂侍臣曰節儉二字非

徒治天下者當守治家者亦宜守之爾等歲祿有限而日用無窮費或過度何從辦禁侵漁剝削皆原於此 成祖當百官奏事所服裏衣袖敝垢納而復出侍臣有贊聖德者 成祖慨然歎曰朕雖日十易新衣未嘗無但自念當惜福故每澣濯進昔 皇妣躬補緝故衣 皇考見而喜故常守 先訓不敢忘言已愴然既復因楊士奇奏惜薪司賦粟太多卽引咎自歸減除北直隸山東粟四十萬天順初年軍官一季俸給關銀十四萬餘兩 英宗懼之節儉一心先後相承故當時民多藏蓋所以內帑金銀常有數百萬之積自正統十四年以後天下多事民始覺困成化年間鎮守群小爭相致貢科取百端在內興作不已水旱相仍賦稅不足及 孝皇皇嗣位賞賚未周而內藏已蕭然矣惟 孝皇君臣首務休息軫爲區畫其理財之法真無擾于民有益於國故內帑前項已空之數旋使充盈正德以來奢泰之端莫可得而言矣以今日之財用言之誠大有可憂者且以在外者天下賦稅 國初時幾二千九百五十萬石錢鈔四萬

五千餘錠絹二十八萬八千五百餘疋及恭陵壬戌乃復各有增損又益之以絲絹布綿之徵揔天下論之其在嶺南川蜀雲貴閩中祇供十之一二其次莫重於燕冀梁宋齊魯秦晉荆楚江右之區尤莫重於兩浙蘇吳東南之域故河南山東諸邦一省之賦卽嶺南川蜀雲貴閩中大半之數也蘇松常鎮諸邦一府之賦卽河南山東諸省大半之徵也今山陝之地密邇邊隅蹂躪雜踏飛蕩輓粟室廬不保河南山東黃河之害足當一邊之衝而且上供備用馬匹京班夫皂而且外備 藩府功作水馬驛傳故數省之逋負日見其多至東南爲京儲之倚重者近查逋負而蘇松等府每府至累數百萬至煩朝廷遣官督責亦未完徵比者因邊徼生事計部於天下額徵之外創添二十萬餘兩而給銀買馬之費遍及近省是土日窟則陷之憂在於外者固然也以在內者戶部在官之銀亦那借無餘兵部馬價之銀亦僅備支用諸邊餽給原不麗於太倉也而今資太倉以籌邊矣天下緩急全仗府藏今甲乙等庫之積萬不及 祖宗

之舊矣是厚根本以備緩急之慮在於內者固然也卽今如蒙乞 勅戶部通查在京及天下方面府州縣衛所大小文武官員及各王府宗支應軍士若干通計天下歲收稅糧若干鈔貫若干有無勻用再乞 勅戶禮工三部各查內府衙門自洪武末樂洪熙宣德正統年間一應供用之物如油蠟猪羊雞鵝及擡柴夫工價銀兩等類某年用若干某年添若干通查明白再 勅吏部併無益之庶官革權門之冒格再勅兵部汰億劣之冗卒清將領之挾帶然後又

許東先生文集

卷八

十一

或造鈔貫或鑄銅錢或清理塩法或查屯田或開辦天下之稅課或清查各處之舡料則其法盡矣惟吾 君與相再爲共行節儉以養物力共致中和以召屢豐則富足之風自復 祖宗之舊矣伏惟 聖明留意

復師田

國家有漢之全盛無其強無宋之苟安類其弱盖由士多草略登仕太易鮮治經世之學官多牽制遷代太數不予專斷之權弛而無支莫甚於兵往者薊賊小醜蔓延萬人 朝廷遣官命

將費三省之財調兩鎮之兵但尾之而行莫能設伏出奇一鼓取績舊制縣僉民兵卽古土兵近年增減靡定且戶各分門日更月易多以傭奴克之但可具役使之擒賊而驅羊而入屠門也宜制大縣四百人次三百人次二百人兩戶釀出一人分爲兩班閭中多有便射精技多力喜聞之徒令之顧代不足則兩戶抽一揀拔悍勁授習武事登其材武者爲隊長直者守城緝盜休者力田樹桑鄉立保伍五鄉一長平居讖察逋竄小警團結以守每鄉嚴則縣靖每縣嚴則府靖推之天下無不然矣然猶有說焉 祖宗以來天下郡縣皆有預備倉之設所以廣儲備荒悲民窮重邦本之大計也但行之年久法弊政偷無名無實洪武末樂之初食之者寡故存留斛斗之餘蓄之足以備賑至於今日用之者數倍於前矣師官俸廩時常不給安望積餘以贍凶歲雖曰賊罰罪米例有折納而州縣一歲所收幾何是以饒荒之來小民則嗷嗷待哺而官司則束手無措不請發 內帑之銀則奏留漕運之米習以爲常不知遠慮若適今不爲

許東先生文集

卷八

十七

預處之術則將來年穀不登亦復如是嘗讀前史見備荒之政有所謂義倉者出之於民而藏之於社下足以救其凶荒上不至費其帑藏謹按隋年度支尚書長孫平見天下州縣多罹水旱奏令民間每歲秋成家出粟麥一石以下以貧富爲差等儲之閭里以備凶年名曰義倉明年又詔天下義倉以上中下三等爲差稅上戶不過二石中戶不過七斗下戶不過四斗自是終隋氏之代民無飢饉唐書貞觀二年詔天下州縣並置義倉自王公以下爰及衆庶計所墾田頃畝至秋熟每畝隨粟稻麥約二升貯之州縣以備凶年永徽二年詔義倉計地畝取稅宋史神宗熙寧元年御史錢鎰奏乞天下置立義倉其法秋成之時於上等有田人戶量出木斛以備賑濟第一等不過三石二等不過二石三等不過一石擇有力一戶充社倉甲頭以所收斛斗儲貯其家若遇荒歉卽盡數俵借於下等貧民恣卽其法而較之以人戶之等第爲出粟之多寡凶年只給貧下之戶此以有餘助不足之義勸民出粟置倉當社一遇歲荒則比閭之

民自相計議而散之朝開倉而午卽得飯此漢之最善者也置倉於州縣一有凶荒戶口則待審於官文移則高下於胥吏且百里就糧旬日守候此法之最不善者也今宜令取其法之善者比照北方民俗會社之禮定爲義倉經久之規乞 勅下戶部轉行各省巡撫都御史督令郡縣率民自相約會着實舉行則薄海蒸黎納之壽域伏惟 聖明留意

興禮俗

孟子曰遵先王之法而過者未之有也今可信者典謨鴻范詩數十篇無逸立政而已然多舉聖究本制度詳於三禮儀禮精義而繁文周禮大規而猥事戴記博識而鮮效或曰周禮周公未成之書或曰成而未用固哉斯言聖人履卽道發卽憲豈如後人揣摩繙綴乎若曰未行則刑措鳴鳥何由致之蓋周末防列國之僭者禮也故皆去其籍孟子已不聞其詳鄒魯之儒蒐獵典故采合舊聞爲書精糲真屢兼而存之今宏綱切領似周之章餘東遷之異政也如今之例豈皆 皇祖之創乎禮者人心同然之理

也協之以同然百世可通也今王祭無樂大臣
無廟仕者不奔祖父母之喪無功總之假冠婚
任俗飲射故事民無定止而漢士異學而莫正
伶人道流秉禮司頌齊民下賤踰限犯分雖有
洪武制而廢矣夫國無禮猶水無防人無禮猶
室無基宜詔徵四方明道與學者萃於京師準
以典誥案以三禮參以詩之味孔氏之遺言皆
比以今之法寧要毋繁寧徑毋易裁成明典行
天下垂後世俗同德一邦其永延於休矣然猶
有說焉治有三要曰重農曰抑商曰導儉夫農
苦以獲粟商坐而收贏農業布野商藏財筭故
一切之徵農靡孑遺商若罔知非絜商積以敵
農產而均之天下趨商矣唐德宗父子寄命韓
滉是時有珠山銀海奚濟乎今官濫徵既有馬
丁而又應驛遞既輸官稅而又領一戶既充隸
而又輸銀既出戶金而又醵甲錢司空徵科有
司興作權貨抽分曷可殫記豪右之擅官守之
漁不與是夫宦貴民富爭侈競巧轉侈風尚澆
醇散樸往往病之恤令禁止徒責壁爾昔齊侯
惡紫而國人不復服其價大減宋仁宗抑珠價

許東先生文集

卷八

二十

亦然於乎苟非上下以忠信惻怛之心臨之誠
文已哉伏惟 聖明留意

慎刑賞

太祖高皇帝有曰自古帝王有天下必爵賞以
酬功刑罰以懲惡故能上下相安以致治也當
右丞薛顯有專殺之罪然邇其自肝胎來歸破
慶陽追王保保戰賀宋哲其英謀銳氣迥出眾
中功亦誠不細矣故當論功行賞雖封爲永寧
侯賜以綺帛乃必謫之海南三分其祿且指以
飭戒諸將無若蹈顯之爲至洪武二十九年大
濟天下致仕武臣 上因嘆曰同歷艱難致有
今日顧朕子孫保有無窮之天下則爾等子孫
亦享有無窮之爵祿諸臣無不感激至有墜淚
者 成祖文皇當永樂四年西域貢佛舍利禮
部尚書鄭賜請因是寬釋罪囚 上曰帝王之
治以刑賞爲務有功不賞有罪不誅雖堯舜無
以治天下爾儒者乃欲以姑息爲治耶永樂四
年有詰朝臣謗毀時政之失者係錦衣校尉
上曰此必誣之蓋朝廷未嘗行此事彼安得此
言命錦衣衛詰之果挾私忿 上曰人主聽言

許東先生文集

卷八

二十一

之際豈可不審小人敢誣君子此風不可長命以校尉付法司論如律宣宗當宣德四年因登州衛指揮戚珪科歛軍士上諭右都御史顧佐歎曰近聞軍士科歛皆是減除月糧國家徒費糧而軍士不得食此輩上干國法不失士心不可不懲後因兵部奏錦衣衛帶俸指揮黃勝因工藝得官今告老乞代其子上曰武官皆由艱難積累所以傳之子孫然自開國之初從軍效勞今尚有爲將軍者此以工藝一時蒙特惠果何勞而欲世官不允若英宗不與會昌游東先生文集卷八

按方域

太祖高皇帝初定鼎金陵分天下爲十四省曰北平曰浙江曰山東曰江西曰湖廣曰陝西曰廣東曰廣西曰山西曰福建曰四川曰河南曰雲南曰貴州及我成祖文皇帝定鼎北平乃以北平爲京而以金陵爲南京分天下爲十三省自直隸王畿而南河南爲中土自河南而南則爲湖廣爲廣西以至廣東南界朱崖瓊州而南界盡矣自王畿而西則山西自畿而東則遼東自河南而東則山東抵東海而東界盡矣自河南而西則爲陝西爲甘肅抵哈密而西界盡矣自河南而東南則爲南京爲浙江而江西則在南京之西南福建在浙江之西南而廣東則又在福建之西南也由河南而西南則爲四川爲雲南而貴州則又在雲南之東南也仰惟我成祖旣都北平其居重馭輕之當重無待言矣仰惟我太祖始欲建都於汴梁隨又建都於鳳陽終復遷都於金陵雖居於下流乃於湖廣地方設方三十六衛所官軍二十餘萬并江西沿江又多設衛所控禦上游以爲金陵之屏蔽又於江西九江府設立九江衛徑屬南

言前軍都督府以爲蜀楚之咽喉建置立法至
爲詳密彼時京儲俱係各省民自運赴京官軍
專備戰守所以安如盤石今南京各衛所官軍
以分帶行在而北者旣去其大半而漕運之役
又不下十萬餘名以補綴應名之餘老幼憊斃
之人至計部放支月糧每有扶杖而往夫糧可
以扶杖而關敵可以扶杖而禦乎且上將失防
屏蔽不固雖於弘治年間馬文升奏有九江兵
備之設然羈縻之名今雖自在而策應之實大
有難處且去京師二千餘里隔涉大江城池寬
濶武備不足此腹心之患最其大者萬有不虞
其何禦之晉宋齊梁俱有故事言之至此誠可
寒心宣飭內外守備大臣各盡惕勵之誠無負
留鑰之任其操練軍實無若往時有同兒戲飭
九江兵備假以重權與在他方者不同時時嚴
備無輕江寇小劫泰山之東西兩河之南北川
原平曠盜易窺騁今澶相滑濮梁宋曹滕河決
頻仍積潦相望賦車買馬百役殷繁近畿之地
首宜存恤秦晉兩鎮地險人勇于今尚安及後
可恃當擇人以守厚結人心精治士馬守險要

儲俾可憑藉今江南通貢之多一府幾數百萬
石宜倣宋臣包拯之議支內庫見錢絹帛之數
糴河北粟以給邊唐臣陸贄之策欲減省東京
水運收腳價以支用宜暫一行之使江南邦本
之地亦少有以藏富而惜力也兩廣徭獍之變
不時竊發抗拒命吏隨時調集財用亦艱近於
稅課之聽軍門調用者悉籍之以轉京師忘遠
之戒僉以爲憂至川貴之烏撒芒部諸司金筑
麻嚮諸夷變詐無常竟未堅定今日秉旄鎮撫
之臣率皆苟求免禍以致威信陵夷因循事端
漸不可長 陛下於此無外之版圖誠明照八
表而周思以劑之則金甌之固有以遠過乎周
歷而陋漢唐宋於不足言矣伏惟 聖明留意
原虜患

夫胡虜爲中國之患歷代所不能免考之史冊
若匈奴之侵漢突厥之擾唐而漢唐俱有謀舅
之將且得戰守之宜所以終無大患下至五代
石晉失榆關之險而契丹得山前五州之地所
以遺患宋室而啓金人之禍元因而遂有中原
洪武我 太祖高皇帝掃除胡元平一四海與

圖之廣亘古所無虜遁沙漠警息邊陲實萬萬年無疆之洪業也迨我成祖文皇帝肅清內難之後神謀睿筭有見于斯卽遷都北平聚天下精兵於京師此實久遠之謀彼時將勇兵強民富財足所以胡虜款塞入貢闕廷自正統初年虜酋也先梟勇桀黠收并部落遂有南侵之志遣人進貢以窺我之虛實累歲貨番以資彼之厚利一旦變盟所以有十四年土木之患擁衆南侵圖我京城幸賴謀臣良將戮力同心卒保無虞其後虜酋也先被害餘酋迭爲雄長自相讎殺彼時虜衆所居地方相去京師千有餘里後虜酋毛里孩等久犯甘涼漸入河套擾我邊方者十數餘年弘治中虜酋乜加斯蘭自西域八月渡河入於套內部落益散累犯陝西因遭涼州之敗遂寇大同宣府其虜酋脫羅千之子火篩北之也先梟勇尤甚先誘殺官軍於神木繼大敗師衆於大同正德中虜衆突入宣大花當之子寇馬蘭谷建州諸夷數犯遼東至嘉靖十一年花當達子率衆搶虜直至懷來昌平地方田野倉皇京城震動殺虜焚劫如入

無人之景大有所掠而去此門庭之患亦可以重儆矣何未圖之策未見施行故昨庚戌之歲大舉入寇直薄都門殘我人民驚犯城闕蹂躪桀悍神人共憤于時張皇六師費出不貲畢竟尾之而出不能挫其一鋒夫惟壬辰之變不能卽弘未圖故因循今日益見深入爲寇況今彼之奸謀詭計日甚一日而我之修攘戰守又依違作輟言之及此誠可寒心仰惟太祖高皇帝祖訓有曰胡戎與西北邊境互相密邇累世戰爭必選將練兵時謹備之望陛下上體

祖宗垂訓之意軫念目前危迫之急曲盡時宜大爲整頓則御世之大方中興之大業固無有急於此矣伏惟聖明留意

修團營

成祖文皇帝遷都之後京師置七十二衛所約官軍不三十餘萬畿內置五十餘衛所約官軍不下二十餘萬以外言之括諸邊之兵不能供此數以內言之括諸省之兵不能過此數聖慮神謀超唐軼漢其爲居重馭輕之圖深哉邈矣而不可加也但承平既久兵制日弛尺籍雖

存而逃亡周藉營伍雖具而兵馬欠精是以寧
伍大減於國初之額時而逆盜竊發及藉力於
邊方之卒居重馭輕厥勢安在言及於此誠可
寒心伏觀 大明會典營操事例節開永樂初
立五軍營又有三十營以司實肅令旗神機營
以司神鎗火器是爲三大營又於中都大寧山
東河南附近衛所摘撥官軍輪班上操以內衛
京師外備四方征伐俱係五軍營操練景泰初
選三大營官軍精銳者分立十團營團操以備
警急調用是爲團營每營官軍一萬員名至成
化三年復分爲十二營共該官軍十二萬其三
大營官軍之數不與焉即今名數雖存然伍以
內賂而缺操應故事而舉徒糜餉於兵無益
然營伍不能充實軍士不得精練其大要有三
軍無定用一也替役之難二也隱避之姦三也
何爲無定用困苦以勞其身而敵愾之氣縮畚
鍤以奪其習而弓馬之役疎何爲替役難軍士
類多貧下民胥無賄不行是以終歲累月老弱
在營苟且應役而精壯子弟不得收操何爲隱
蔽之姦先年在三大營挑選壯丁以聽征者多

有富實姦猾之徒巧作不堪之數貧者不能營
幹而常川操練富者終歲安閑而得以辭役由
斯三者軍士之所以不精也且團營馬匹乃
朝廷武備大計所關軍士領養之後多致瘦損
倒死此馬出自小民膏脂今處之輕如草芥誠
爲可惜卽如下場之馬弘治以前尚隨場牧放
今草場盡爲田畝而民間盡納租銀此時猶執
下場采青之例豈非名實相背而近於膠柱之
政乎又古語云教士三萬橫行天下故齊桓有
節制之兵秦之銳士不敢當岳飛五百背鬼之
軍兀木巨萬不能敵今雖有旗鼓之節而無操
練之實虛飭節制之規而無戰較之勇射箭九
回落旗而散故雖市人孺子皆知其教習之疎
今宜大更法制嚴督把總管隊等官着實教習
其箭數鎗刀之藝一如 大明會典之法凡皆
此者又重得人以治之今兩京禁卒率循例以
統綺子將之一旦緩急此屬可仗乎夫當燃眉
濡鬚之時而尚修拱手徐行之度非計之得也
伏惟 聖明留意

固九邊

國家邊防之制自東而西若遼東卽禹貢青冀
二州之城三面瀕夷一面阻海特山海關一線
之路可以內通亦形勢之要區也在東北則建
州毛憐女直等衛西北則朵顏女直泰寧三衛
三岔河南北亘數百里遼陽舊城在焉自國
家舉以與虜乃遂進據腹心限隔東西守望勞
費成化以來論者率欲截取而竟不可行無亦
專制一方者但以法節制之乎薊州京師左輔
也我太祖旣逐元君廼卽古會州之地設大
寧都司營州等衛而封寧王於遼東宣府東西
并建以爲外邊又命徐達起古北口至山海關
增修關隘以爲內邊神謀邀哉遠矣成祖
靖難後兀良哈部落內附乃改封寧王於江西
徙大寧都司於保定散置營州等衛於順天之
境而以大寧之全地與之卽朵顏福餘泰寧三
衛是也黃花鎮擁護陵寢京師後門議者謂
更當增戍古北口潮河川俱稱要害議者更建整
臺竊謂大寧之地旣不可復創鎮在今當重其事
總兵之在薊州者須與掛印重勅巡撫之在薊州
者使之獨總大權與總督之在三邊宜大者不

異由是而西自隆門關而括之宣府由是而東
自山海而捷之遼東并屬統馭其密雲馬蘭谷
三屯營燕河等處叅將等官并選豪勇持異者
任之且額備原少隘口甚多修險增兵所宜最
急宣府漢上谷郡也國初常恩武王破虜於
漢此卽元之上都設開平衛守之東置涼亭沈
河寨峰黃崖四驛以接大寧古北口西則置桓
州威虜明安隰寧四驛以接獨石成祖三犁
虜庭皆自開平衛興和萬全出入嘗曰滅此殘
虜惟守開平興和大寧遼東甘肅寧夏則邊境
可永無事矣若今宣府經畫則所謂補長裕城
鎮邊城之募軍重浮圖峪柵箭領之防守留茂
山衛京操之士以並紫荊築李信屯交界之堡
以固兩鎮此豈容已乎大同古雲中之地川原
平衍故多大舉之寇稱難守焉先年邊政嚴明
警備差緩自多故以來大遼已失二邊之內棄
爲王庭墩軍驕情警報不明至有與虜通貨入
而後報者他可知矣以地利而言則五堡決不
可以不復高山聚落之戍是宜當增以人事言
愚以爲正紀綱明法令今第一義也張文錦李

瑾之事言之誠可隱憂榆林舊治綏德而棄米脂魚河等處幾三百里成化九年都御史余子俊建議徙鎮榆林堡襟吭既據內地遂安邊牆東起黃甫川西至定邊營長亘凡千二百餘里連墩勾堡橫截河套耕牧之獲稱雄鎮焉自虜入套以來諸利皆失而鎮城四望黃沙不產五穀不通貨賄於是一切芻糧始仰給腹裏矣況今鹽法已壞飛輓之計失在官糴買一費數陪戊子之歲束草價至二錢他可知矣故論榆林者急在芻糧愚謂黃河自陝州而上至綏德近境春初時皆可舟行若計沿河郡縣改徵本色水陸接運而上則榆林其少蘇乎寧夏亦朔方地也鎮城所據賀蘭山環其西北黃河在其東南險固可守漢唐舊渠皆在厥田上上入易爲生成化以前虜患盡在河西自入套以來而河東三百里間盡爲敵衝論者以固原爲堂與響石溝至花兒岔爲二門花馬池一帶爲三門謂有重巖矣不知賊已入大門則堂與無用風雨飄忽之所及內地村聚之民急於收保而無由也試嘗籌之若擇花馬池便利之地大建城堡

添設叅遊移總督居之分居重兵於清水武興等營令三百里之間旌旗相望刁斗相聞其鐵柱泉等處水草大路建設墩堡此不惟得扼吭先制之計東援榆林西援寧夏亦常蛇勢也甘肅卽漢之河西四郡武帝所開以斷匈奴右臂者蓋自蘭州爲金城郡過河而西歷紅城子莊浪鎮羗古浪六百餘里至涼州爲威武郡涼州之西歷永昌山丹四百餘里至甘州爲張掖郡甘州之西歷高臺鎮夷四百餘里曰酒泉郡是爲肅州肅州而西出嘉峪關爲沙瓜赤斤苦峪以至哈密等處則皆燉煌郡地也自莊浪岐而南三百餘里曰西寧衛古曰湟中自涼州岐而北二百餘里爲鎮番衛古曰姑臧此河西形勝之大略也夫以一線之路孤懸幾二千里西控西域南隔羗戎北遮胡虜經制長策自古已難况茲凋敝誰能任事且哈密之復姑置可也但今河西屯田散矣二千里內計丁一萬七千耳防守不設耕種難也累遭殘破生難聚也膠削無已休養難也是故人日益貧口日益耗食日益歉兵日益弱而屯田益不興矣近日差官添

築新堡廣招佃種似矣豈有舊堡未充而更能
實新堡者乎豈有不防守而敢遠耕者乎豈有
將不休息而人得生聚者乎又譬之家政農桑
薪水賓客祭祀之類動必相連豈有餘事皆廢
而一事獨舉者乎故必有將而後有兵有兵而
後有人有人而後有土有土而後有財有財而
後兵益振屯益舉矣固原開城縣地也自弘治
十四年火篩入掠之後遂爲虜衝改立州衛以
固靖甘蘭四衛隸之設總督叅遊等官屹然一
巨鎮矣鎮與寧夏爲唇齒花馬池一帶邊人謂
之大門已見前說故竊謂總督不住花馬池則
固原未可息肩也易曰王公設險以守其國凡
此塞垣所據險亦幾盡但時異勢殊有不可不
爲之經畫者輒敢事爲之說以盡其私憂過計
之辭焉伏惟 聖明留意

選將領

嘗讀漢書見徵側徵貳之反麓泠而九真日知
合浦蠻俚皆應幾不可爲矣而馬援一出卽收
金谿浪泊之績以鄧訓爲護羌校尉而代張紆
其始也懷之以恩而收迷唐父母之戴其犯也

掩擊其衆而成迷唐鳩壁之功以聶尚代鄧訓
效其故法而行之則迷唐復反讀唐書見有鄭
仁恭等卽能敗鐵勒而著天山之績有劉仁願
等卽能破百濟而奏熊津之捷以蘇海政總管
颶海則矯詔而啓吐蕃蔓延之禍以李玄敬代
劉仁軌鎮洮河而旋遭青海之覆載若唐之吳
元弼父據淮蔡李愬討之連年未下裴度一往
督之而元濟就擒宋之王則叛具州明鎬伐之
日父未克文彥博一出節制而具州遂平我
朝遼東三衛達賊爲寇 欽差都御史王翱往
彼鎮守重以軍權指揮以下許其斬首遼東遂
靖兩廣徭獍久叛 欽命都御史馬昂爲總督
總兵憲臣俱聽節制而地方亦寧成化初虜寇
父住河套侵犯陝西 欽命都御史王越爲總
制而虜寇亦遁至若馬文升之征石城安東夷
許進之興復哈密愚嘗讀西征石頭城記見其
仗皇威除害戡亂之武焉讀撫安東夷記見其
敷皇仁篤夏綏夷之文焉興復哈密記見其開
皇圖大一統之規模焉文武兼資安攘胥得不
其偉乎愚嘗於平番始末而見其有四難焉儒

臣用權武略久弛率言遠征則兵缺伍且不繼
一也庸臣司國計不爲遠謀急率興兵則食告
匱二也忠者謀則奸者忌焉智者謀則愚者制
焉多議少成三也儒者以棄祖宗疆場爲美
德若宋北棄幽燕西棄靈州曰力不足不必守
至杭閩厓海乃不肯棄而死謀國者師宋危四
也於斯而不奪浮議不多戮敵而成功不其偉
乎抑又於武士而得一人焉若忠武公郭登當
土木既變之餘國勢離折虜賊乘勝出沒自由
不聞有出一兵拒之者登乃不勝孤憤盡力拊
循將士激以忠義定爲賞格期必殺賊當賊自
東駟入寇以八百餘騎夜行馳逐登奮勇先登
諸軍竝進呼聲震山谷登自射中二人手刃一
人遂大敗其衆於栲栳山前後數千餘衆盡皆
殘夷仍斬首捕虜二百餘騎奪回被虜人口牛
馬器械者巨萬自多故以來戰功號稱第一一
時提聞 神人共忻今 朝廷籌邊之策遠過
商宗周宣而 上天福佑之隆益弘於大警旣
示之後當昨逆虜窺竊懸兵深入之際而竟無
能少自比于登之功者可爲痛哭流涕者此也

海東先生文集

卷八

三十六

今 陛下誠求儒臣如王翺諸人者而隆以經
制之權求武臣如郭登者而託其將領之計則
固不必益兵加賦而自制犁庭鞭敵之勝矣伏
惟 聖明留意

復屯田

嘗讀漢書見宣帝神爵元年先零羌楊王叛遣
後將軍趙充國將兵擊之充國至金城時強弩
將軍許延壽破羌將軍辛武賢皆欲將兵出擊
便獨克國上屯田奏計度臨羌東至浩疊羌虜
故田及公田民所未墾可二千頃願罷騎兵留
步兵分屯要處且其終奏之辭曰戰不必勝不
苟接刃攻不必取不苟勞衆卽今同是而釋坐
勝之道從乘危之勢往終不見利空內自
貶重而自損非所以示蠻夷也臣竊自惟念奉
詔出塞引軍遠擊窮天下之精兵散車馬於原
野雖亡尺寸之功媮得避嫌之便而亡後咎餘
責此人臣不忠之利非人主社稷之福也又讀
宋臣歐陽修通進司上書其二曰財用曰臣之
畫屯利者易爲功今之畫財者難爲力昔者賦
外之徵以備有事之用今畫取民之法用於無

海東先生文集

卷八

三十七

事之時漢武帝兵異用乏趙過爲畝田人犁之法以足用趙完國攻西羌議者爭欲出擊而克國深思全勝之策能忍而待其弊至違 詔罷兵而治屯田於極邊以游兵而防抄寇則其理田爲不易也猶勉爲之後漢之時曹操屯兵許下疆敵四面以今視之宜其且夕戰爭而不暇然用韓浩之計建置田官募民而田近許之地歲得穀百萬石其後郡國皆田積穀無幾隋唐田制尤廣不可勝舉其勢艱而難田莫若克國急而迫不暇田莫若曹操然皆免焉不以迂緩

游東先生文集

卷八

三十八

具開墾之法無一不授之於官軍國之需固未
有善於此者也但今名存而實亡法久而弊滋
莫甚此屯田矣或祇應房閭之用而空繫乎軍
名或因循暫種之名而遂入於民籍今腹內衛
所之田固猶可少緩矣其在遼東北直隸山西
陝西沿邊之屯務欲盡舉田制如前之例著實
舉行極力興復如尚書劉大夏當弘治壬戌中
因陝西馬政廢極之餘特推請 命楊一清以
右副都御史專行整理俾之考究原委參稽成
法九利所當興弊所當革聽從長定奪然必須
久任方可責成候三年六年事有成效或降
勅獎勵或量加恩典九年之內地果盡復積至
有餘則取回錄功陞任前年總督尚書王瓖亦
亦極力講求興復而竟未底績者以職之不專
而任之不重也夫如是則騰槽超距坐收三百
萬斛而羗人有不敢動之績矣伏惟 聖明留
意

督馬政

夫馬之登耗國之舒感係之故馬政置制大道
之世已弗能亡然三代而下莫善於唐之坊監

莫不善於宋之保馬蓋唐牧於官宋牧於民牧於官人存則政舉牧於民馬未肥而民已瘠矣安石之禍顧弗可鑒哉明興酌古創治南北太僕之政因革不同然咸未有如陝之制也牧馬在官而不在民鹽馬在商而不在官茶馬在夷而不在中國僕司以稽之憲臣以督之矩度之宏綜理之密此豈前代所有哉以言其茶馬洪武初令陝西洮州河州西寧各設茶馬收貯官茶三年一次差在京官齎捧金牌信符招商對驗納馬酬茶至弘治年間始易以不拘年限有願來者聽來交易每馬一匹約與茶一百斤所買馬匹但解陝西行太僕印烙轉送太苑司牧養其法有官茶有商茶有私茶有食茶有畸零有引由其塩馬有池井有課額有引目有塩法有塩司有巡視有召中至正統中題准每上馬一匹塩一百引中馬八十引給軍騎征其牧馬有寺苑有牧地有牧軍有種馬有科駒有奏報以言其僕寺之稽憲臣之督有馬額有稽考惟如是茶馬懸令招易有質畫壞除苑孽牧有場分寺置卿點視有正捺序協則典守備官十乘啓

戎三駟敵愾於是乎出焉夫木稿而蠱往防錄而流靡法玩而弊滋私販廣則招中廢場利侵則孽牧寡周歷怠則點視疎是故貨弛其禁苑逸其丁馬耗其額軍墮其實噫弊矣夫張蹶之武不如騰槽之利曲踊之衆不如超乘之捷如正統中一時缺馬用急執事之臣出萬不得已之計乃爲之開生員納馬入監之例而國體選法因之濫觴近年因邊圉多倣而額外頒價買馬遍及山東山西河南直隸而近京之徵因之坐困豈可不爲之寒心哉今成法燦然而因循莫舉須一舉孝皇壬戌故事如命楊一清專往大加整敕則庶乎政因人舉不勞民力而自有雲錦成群之盛矣伏惟 聖明留意

講兵法

爲勝負太公爲六韜以極陰陽之變化五陣五行之理也六韜八卦之象也其法出於河圖洛書後世兵家者流出奇效詭不可勝數迨夫一變而爲春秋則左氏得其意觀其敘晉敗狄曰兩於前伍於後專爲右角參爲左角偏爲前拒則步戰之五陣也其敘楚敗晉曰軍行右轅左追前茅慮無中權後勁則車戰之五陣也其法專用軒轅蒙馬遁荆採樵致絞左氏以敘事寓兵法用之於戰其可乎哉左氏去古未遠古法猶存故有車戰而無騎戰當時有車而無騎也

貴乎有紀尚節制也決勝至於無形尚權變也二者兵家之大權左氏多古法尚近節制之兵六韜多變法已極權謀之秘武侯八陣本六韜而節制則得諸左氏故諸葛之兵極天下之至深岳飛兵法本左氏而其運用則得諸六韜故岳飛之兵極天下之至變兵志曰九兵之道莫貴乎一一者能獨往獨來階於道幾於神用之在於機顯之在於勢所謂兵家之至要二家之所獨得也是故以兵法言則左氏不如六韜之盡而深六韜不如左氏之約而大以知兵言則岳飛不如諸葛之深而安諸葛亦當以岳飛之兵爲變且神也使今之爲兵者學六韜皆如武侯之得其深學左氏皆如岳飛之得其變則用左氏可也用六韜可也使學六韜而徒得其表學左氏而徒尚其辭則左氏之陳言也六韜亦陳言也所謂徒讀父書者耳今宜令於天下學校之中別立戎教科舉足士試以兵務又於武學武舉之外別立講武一司隸諸禁籍博采天下文臣武將謀畧智勇之士延置其中使之日講韜畧推衍八陣極深研幾制器尚象皆可以

施於實行如諸葛之深也以盡天下之變又時以其法閱練兵士使皆知將意而識士情有若一身之於四肢如岳飛之變也以盡天下之神則今之兵猶夫古也而古今人豈不相及哉伏惟 聖明留意

足邊用

夫鼓軍士之勇氣而樂於赴敵必賞勞之有加而致其死力今各邊軍士往來殺賊辛苦萬狀止靠月糧一石度日別無營運餼贍若非豐於用度豈能養其銳氣所以 祖宗朝府藏銀常

許東先生文集

卷八

四十四

政

積千百餘萬專備緊急賞賚之用十分愛惜不肯輕費弘治中當大同等處忽有急警戶部在官銀卽發八十八萬餘兩兵部馬價亦用幾三十萬若非平日有積豈能一時措置當是時沿邊尚勾三四年之用大同城堡有銀可發糴買而謀國之臣如馬文升者尚切以爲憂卽今調集客兵久住支費不給必須再爲斟酌措置庶幾有備無患查照兩淮兩浙長蘆各運司見在存積常發引益開中若干萬引合無行移戶部差官前去會同各該巡撫及管糧等官斟酌地

方糧料草束定立斗斛斤束分撥要緊城堡倉場如古北口潮河川薊州總鎮等處召商上納俱要本色不許折收銀兩以濟一時之急載思塩法一事 祖宗時專爲備邊而設發買有地方私販有禁例是以商人一聞各邊開中樂於趨赴邊儲充足事機不悞近年以來或國奏討食塩以開私販之路及織造段疋皆於此取給并兩京公差官員人等馬快舡隻動輒一二百號夾帶私塩越境貨賣不可勝言故商人得利微細不肯報中塩法阻壞邊儲缺乏之弊皆坐於此伏惟 皇上軫念邊郵之用恪守 祖宗之法今後凡有奏討引塩一切停止非邊報緊急不開非商人正名不支戶部仍行都察院等衙門轉行各該巡塩御史及管河管閘等項官員但遇公差人等及勢要之家裝載私塩越界發賣就聽各官徑自查盤究問照例發遣干礙內外官員指實叅奏置之於法客商聞之必然樂從而邊儲不難致矣伏惟 聖明留意

定成筭

竊惟用兵之道有一定之大規有臨機之活法

大規既定寇雖出沒無常必不逃我之範圍法應機敵在跬步之前必不能測我之虛實但活法難以預定必相機而後可圖至於用兵大規乃制敵之形勢非隱秘之藝術將士不必嫌於預知 朝廷不必嫌於素定漢光武命吳漢伐蜀其勅之必曰堅據廣都待其來攻若不敢來轉營追之厥後八戰八克皆本廟算晉武之平吳也其議者必曰引梁益之兵水陸俱下荆楚之衆進臨江陵平南豫州直指夏口徐揚青兗并會秣陵厥後一一成功不出此策是知自古人主用兵必先議定大段方畧以力制敵之形勢而臨機應變之妙不可語者則付之主將而已今日遣將出師之後提督總制不能自定制賊之大規二年以來不聞一戰其大勢如野鹿驚奔茫無定所賊北則隨而北賊南則隨而南甚至各軍相去千里聲不相聞勢不相援縱使相及安能取勝殊失以逸待勞以衆待寡之道然前日之失既不可追及今若不預定規畫恐東奔西馳先自困敝賊氣益縱成功愈難乞勅下兵部謀度乞行總制提督先定大規即今

沿邊調集之兵不爲少矣當豫探虜賊所向勢所必由何爲按伏何爲邀截何爲追攔使手足腹心通一家連絡貫串不分彼此庶衆有所用而成功無難矣伏惟 聖明留意

厚功賞

抑考先王之待有功者必銘於太常祭之大蒸是其念功之意不忘也生則銘于太常如書所謂服勞王家厥有成績紀於太常是敬之如日升也死則察于大蒸如書所謂玆予大亨於先王爾祖其從享之是敬之如祖宗也先王之報功既賞之以地又銘之以旂又享之以祭其拳拳念功之意蓋將與國咸休相爲終始豈若後世書券之符方開而俎醢之誅已隨圖繪之象未形而赤族之禍已慘吁司勳掌地之法固已不敢望報而司寇功辟之議亦豈無可省者哉考之周禮司勳猶今吏部而司封司勳之職宜以屬天官也否則掌六卿之賞地宜以屬地官也今以屬之夏官司馬之後何耶蓋六功雖以戰功居其末然人之蒙霜雪冒矢石出萬死一生之也而甘心不辭者爲國家衛社稷耳其功不

亦多乎先王用兵行師首以功賞爲重甘野有用命之賞鳴條有從擔之賞牧野有功多之賞出師無功何以爲社稷之衛有功不賞何以爲社稷之勸司馬法曰軍賞不踰旬如屬之地官則司存散隔文告回復而壅底之患生況有害功者乎馮唐言李牧爲將賞賜決於外不從中覆少能成功魏尚以上功差首虜六級而文吏以法繩之其賞大輕則非所以用將由此觀之戰功之賞猶爲急也周人固無害功之事而周公以爲後世慮故以司勳繼司馬之後厥有旨哉伏惟 聖明留意

游東先生文集

卷八

四十八

游東先生文集第八卷終

游東先生文集第九卷

浚儀 張國 召和

書

答總督魏確菴

得手諭俱悉此不待尊諭之及已深切悵快大抵天下事苦同心之難而同心服人之善者尤難此意曾數四說向本兵而本兵拘於勘報故無以服門下之心而悵邊人之公議雖然古人遇事又不患人處我之誤而但患無知我之真今門下實心勁節力起遺類大倡血戰屢見摧鋒此皆昭昭在人耳目不但鄙人謬叨兵省知之而漢廷群公卿亦無不知之者况奇功大捷不止此一事師中三錫將繼至駢臻詎惟爾爾萬惟益廣虛心冲度無使他人得以因致町畦凡矢心蒞衆以奏虜功者更惟無灰嘉念此又某所竊致惓惓在門下有道者之前而某以此言進若涉噴贅以向嘗恨有事地方者每少涉形跡卽致于公家後累故切懲之嗟嗟難言哉難言哉人回倥傯中附此復陳幸惟心鑒不悉

荅張鶴樓中丞

冬杪春來連得龍泉之報三集之議仰見門下
爲地方經略永利誠爲苦心至于廣事佔危又
卽承分發精銳三千以赴鄰封之急此其公物
濟事之心尤與近日之苦爲告訥競者不可同
年而語門下有裨於世道戎机者大矣別疏爲
將母陳情其至懷亦具能仰悉但今耆舊無多
疆場未靖士君子當此亦難隱高以爲自善之
圖卽如不肖某者旣不長營世之資又不諳處
世之情老母高年孱軀多病然且瑣瑣苟祿而
不卽引去者固以兵垣不敢言辭而此時不可
游東先生文集卷九

答宣太總督陳行菴

秋訊孔棘百凡正切仰賴讀大疏其拒堵于外
防守於內相機驅策今之崛起而談兵者雖盈
紙勢如其肯縈經籌當不出此三計至於篇末
大勢大機之論同視區區平日一得謬議又餘

有仰符于高明者以此徵之見龍圖之經略壯
矣確矣當天意固欲以讀殄騎胡特隔明公
以襄成我明辟振武鞭敵之盛舉乎願望願
望諸凡疏中事宜卽一一會本兵面籌之在海
嶽果亦有取於涓埃在區區固亦不敢惜此綿
力也前所議歸順事昨部中已具題覆欲比之
前年張計安國事例不知能合於邊關人心顧
望者如何惟不厭詳慎蓋此等事必處置得宜
斯朝廷之威力允布也更萬惟念之念之

答王劍川總督

春間得三鎮捷音漢廷動色司勛酬績殊尚
有不盡褒錫者茲復承遠檄惠教見新邊之役
具以告成屹樹長城爲西陲永賴如某忝竊同
事更伏庇如何舊垣未竣者更須上勞軫念以
底萬全至于各邊防秋舊調必有數陳今翁乃
獨抹檄繁文求臻實數又仰見老成長慮之痛
心自非恒情可侔此時想已駐蹕門金城方略
固將見其迥邁倫夷也

答總督陳行菴

一月來十奉翰諭兩奉捷音中間如嚴修守主

撤防裁冗費皆大臣經畫計謀疆場未賴至若大捷連報不惟太平 天子仰見霽顏而文武臣僚亦相看動色蓋一時奇功九邊具望賴翁倡之功詎淺淺某平昔每效一得之愚必欲借翁以爲重者又不有明徵乎 漢廷賞功之典雖始方行而本兵議功之疏須促再 上蓋人臣能收是之功者固有日拜三錫不嫌于煩也使旋倚馬中先此陳復欲言俟有另旣

與總督陳行菴

東情既緩節鉞當決意西征所報虜勢雖衆第

浙東先生文集

卷九

四

東書才刊

豺狼貪逐未甚猖獗矧趙帥分布於渾應旣已得策而馬帥與劉王如期應援更合机宜揆之事勢先着是舉也豈天固欲以全捷付帳下手羽書到正值 朝審事畢盛使方投書到科倚馬附此諸餘不盡者惟留意夜來所發書希加查照

答總督譚二華

司農告匱百計籌畫於九財物可節縮生息者若欲不遺隙九元無獨歸咎於薊鎮之說之理承書諭軍馬今昔登耗之數甚明亦卽爲當事

者言之而門下之苦爲兢兢業業之心又未嘗不患以白之也理財大疏具見計謀偉論某讀之誠爲敬服至于查額餉一節某久有是議今門下已獻之而足效某可更無言某前日正恐今日 漢廷群議不於此等去處商確而顧爲瑣屑泥錫之談以重爲民病故復具狂談一疏上之想邸報中已塵覽教便中更冀有以教示之連日見秋風瑟瑟起於塞上辛勞又切倍念然萬全上策千里長城在苟祿兵垣者固恃有如翁在也餘惟千萬留神

浙東先生文集

卷九

五

東書才刊

答總督劉帶川

頃者連得閏月六日十日望日三書知曾首授首累年奔騰巨寇一旦削平全豁成功必勞馬援始知 漢廷任人者固良有以也此雖人人公慶而兵垣待罪之人尤切寵光依庇如何其論功行賞 主上方刻期以待第當事者欲待閩廣摠叙疏至圖一舉以大 獎功耳外諭水土不服之說仰見情詞諄諄 知愛者亦未嘗不爲台候馳情但方瘳而一方底安貌瘦而兆民以肥固亦仁人之所不惜百九惟寧耐

以收善後全功則 朝廷所以處門下者當齒
仞 隆恩也

答總督陳行菴

昨一聞黑酬之帳移鄰上谷元慎之馬牧近雲
中至於板升大計尤望諸將急借前籌不淺方
切關心繼聞兩鎮復功誠得伐謀上策而一時
戒備尤切善後機宜疆場大計借賴如何借賴
如何其酬勞存勸之舉方正之當事者圖之

答李晴源門人學憲

不佞向來有惑於忌者敢於誣世行私輒欲覆

清白無罪之人以快私讎而恬然不以爲怪聞

卷九

六

奇才刊

之仕在地方諸君子於其人去細數其云爲暗
中机括真慘如矛戈雖竟以衆所不與有愧其
良心致其說未試而止在不偕涉世之人如不
佞者固自可以動深長思矣用是減響掃軌益
惟恐入山之不深而遯跡之弗遠吾友榮擢佳
信一得有聞殊不任爲世道斯文大慶蓋方今
治化不興斯文湮廢自士習之大渝始士渝矣
而職司迪士者又從而助之內懷市利盜名之
隱机而外假以公議自留阿世趨時之徑路而

強示以科條無怪乎士之抵掌而訾議如見其
肺肝然至於邇日 廟堂紛紛議論有識者尤

可寒心益不止于世習之不能返正而已故士
君子之表正當世必先于世之所謂得失利害
毀譽榮辱糾纏根帶盡去得開砍得斷而更無
一毫牽留顧念之私然後把柄在我惟所欲爲
况 祖宗作士之典具在乎以敝地督學使者
言自 國初迄今不知凡若而人爲士心服口

道者必曰天台之陳其作士以明經修行振雅
還醇姑不之論蓋公明廉介與所謂去得開砍

漸東先生文集

卷九

七

得斷者乃其所優爲之故人心不能外之也昔
嘉靖初士習方以渝 朝廷以王肅敏公督學
蜀魯鄭端簡公編年紀政乃特以王廷相爲提
學副使蓋春秋之例固爲其人重亦爲其時重
也今士習之渝更大甚于嘉靖之初以不佞所
期待于吾友猷爲殊不在于肅敏之後吾友自
爲諸生時不佞嘗謬許以高世之節名世之文
與經世之學術蓋祖宗二百年豐芑之仁茲又
一特鍾而大發之今其說固在况自登仕版十
年來勞績節行文章種種裒爲世重故去開礫

斷之云此一程法也在不佞悍然自信而用
世所未信之時故適足以招尤吾友用于世所
已信之後自足以收效今天下圻輔之外兩浙
首號文邦欲挽士習頽風必先自斯地始欲使
浙士心服口道必自法梁豫之陳君始不佞與
吾友心骨交情相許之久相信之深故復舉平
生父要以致觀綏惟吾友信之

與王荊石相公

某自昔通籍升朝其嚮往一念獨切于門下自
戊辰歷茲二十餘年或共事 朝端或追陪江

許東先生文集

卷九

八

左肝膈之知心骨之愛回首追維祇有鐫骨銘
心已耳自歸伏草野杜門屏跡他于世無關日
惟望門下還 朝誠見今日國政時艱天心人
願皆屬望我公有知飢渴故 聖意勤懇有加
無已固亦知今日之 朝廷不可一日無公在
蓋必阿衡伊尹斯輩商宗篤裴姬公斯安周室
在公必以此自任而太君望公仰荅 君父之
心亦肯俾伊周得專美于殷周之盛也歟哉昨
得自汴傳來邸報知公已入 朝今又得邸報
見回天一疎獨感悟 君心儲位之立其機已

兆萬世君國冊立之大本既端數年臣工聚訟
之人心斯定大人能格君心不其度越古今而
出於尋常萬萬哉是公一還朝卽輝煌久遏之
大倫大政聳動寰區其西域醜虜東海鯨鯢聞
風向化者又不足論矣此其忠猷又豈在伊周
下哉某雖草野踪跡不得躬詣門屏申賀敝邑
明府孫君父知爲公門下士也不惟邑得神君且
俾某得良朋推公之愛過辱隆知每從下問中
得其文字時政之益更最今因欲遣候于公相
告敢倩附一札上布悃素所有芹獻亦不敢以

許東先生文集

卷九

九

濱台嚴餘惟侯公相業大成容當擲管爲 聖
君賢相千載明良之頌及太君天錫難老之篇
以爲他日獻

與王疎菴太宰

惟君子所以成一世之交始而意氣相符之難
終而心跡易判之難惟符之難判之易此交情
不見乎天下而友道終無愧于古人某之得交
於公也固出世之軌輒而凡今之希邁也自天
假公令敝邑而以身得廁于門下過爲國士之
知隆以非常之遇嘗號于人曰吾游梁豫得一

人如張君者雖一布衣士而吾必以繼聖賢之絕學期之雖一布衣士而吾必以任公輔之大任望之雖一布衣士而吾必以禮公卿之隆禮之又嘗曰吾自取友於天下若純道義而淪心骨直言不以爲忤多言不以爲贅大言不以爲迂者惟此君其骨肉之知金石之義至今儀人有見於官賢而寒士之足貴雖小夫童子猶能極言稱道之自是通籍縉紳追隨踵武先後二十餘年其以金石骨肉存之爲不敢負公之心見之爲不敢負公之事歷歷公自察知矣前

游東先生文集 卷九 十一

年京師事良由不蚤寤當塗之人與目前之事盡皆陡變而尚過自癡歎以平日之所論理者論事信公者信人致暗中結構之人承望風旨四起交攻必不使此身一日得安於朝廷之上幸今其事與其說具在天理之必在人心是非之昭有公論皆謂由某之愚戇不解事机有以致富國者之怪怒雖然此公亦嘗知我矣卽向所領公教某之由撫浙而再起也果伊誰之功矧在諫垣時亦嘗辱國士之知遇某惟知當公報以道義而不富私媚以曲回故致此公意

向不悛而慍怒日甚原其始終雖孤埋而孤擢之由此公之遇人無誠心其誤受人之知而不能善事人之意亦良由某之愚戇有以孤負而招來之也已之當罪敢復誰充至致以事之甚有難處者累公則殊切罪愧惟時若公之處某亦豈遽忍昧三十年骨肉金石之義要哉良以基禍已固主事有人苟于其身而可以全其友當不惜爲之無益其人徒以自厲則公之智不爲也故內之爲某雖切含冤抱憤之心而外之免禍不得不爲徇時快人之跡公之厚某以必歸而某亦惟以得歸爲感德在衆人判心而求跡無怪乎共疑公之處某者若有未至在某略跡而求心則知公之爲某此正所謂生死肉骨也故世不患乎無善知人之範叔而恒患乎無能感人之敬仲鳴乎此豈可與他人道哉且自賴公休屏居丘樊行迷未遠得返初服而截頭保身真受福無量近以寒素無營方將先人所遺饋粥薄田躬親農畝春夏之交倏被黃河暴漲盡委泥沙而一方城邑百口家屬僅獲倖免此可見窮約之分量有定誠非章惇輩之所能

游東先生文集 卷九 十一

爲向若福過而災當更益不細以此又捫心自
笑日與門徒田叟共頌德無涯又靜觀世事翻
覆英英白雲變爲蒼狗自故相捐賓客而一審
僂偏縱橫又變易盡矣當其稔惡無忌時豈知
反面操戈雖於公亦所不免幸主上聖明爲
公特隆詔旨以雪前跡草野中竊聞深幸如
翁之關世重輕旣得聖明爲之昭布則瓊瑣
如某者又何足論自京國分袂後竟未一盡吐
衷腸謹此專人代申面布并不敢附獻片私冀
惟存照擬明春束裝策蹇北由王屋天壇以西

謝東先生文集

卷九

十二

如渡澤謁公坐表裏河山中興共話三十年金
石骨肉之交盟今變故幾經繁華如夢終不以
心跡判久近而對公無汗顏者尤有爲公之故
人如某者在也信筆論心不覺累幅亮公亦不
必不以爲贅悚息悚息

與王荆石相公

伏自客歲冬賀冢君世丈人回得奉吾公手書
中間語及潞河聞問後云云其諄切至意無與
昔今許與真情渾同骨肉俾某讀之數過殊不
知所以爲報繼而時論紛紜及大跡屢上草野

之人叨在心知如某者固知吾公豈爲與之論
勝負角彼已哉不過爲憫閭閻體之或輕傷士習
之愈左故力別真贋以正朝廷繼而又聞吾
公若必以人言之是重冢君明讓大美而不居
某又竊以爲過矣蓋謂公爲公忠正直一代宗
工雖小夫婦人其誰不知而信之昔陪侍禁
闈再侍留京猶記時相過彼此署中所促膝相
告矢心對天之語維時卽真知吾公之獨步當
世而軼駕古人者已心服之至於冢君世丈偉
度遠學雄文麗藻家居數年來江左交游無不
爲某歷歷道之且隻字片辭傳出皆爲世重又
同斯世斯人慶吾公之有子而奕世之得賢行
俾正賢伊陟將不得專美于前今顧云然其又
暇何辭大都有周公孔子必以理道自任之聖
人斯有金縢麟裘益致群枉叢集之疑謗然亦
竟何損于周公孔子之日月惟吾公其信之自
後更不以毫末介意尤所卷卷自得手書後寤
寐神馳如奉顏色又得之傳聞有此敢再此恭
上興居并布腹心臨楮無任瞻祝之至

荅中丞張峴味

謝東先生文集

卷九

十三

前專人馳侯兄翁儀物不能成享書詞不能以
句一聞兄到中心激切卽欲急達兄前他固有
待而不之及也至于伯翁受知于先公先公與
全蜀之士必以伯翁爲最以爲不虛入蜀之行
者獨於斯人見之弟自孩童時能記識姓字卽
朝夕于先公膝下聞之耳熟然苦不知所謂銅
梁公卽爲伯翁亦猶仁兄熟聞于伯翁之前所
謂張兵公者不知爲先公也使非貴鄉胡屏翁
指示詳悉則吾兄弟終歸于不知又自昔惟以
弟之不類碌碌仕籍海內知名有道之士徒見
其狂慧愚執皆睨而不之顧者有之不知吾仁
兄何自獨納爲國士亦不知弟之無知何自獨
于此生恃兄以爲依托二十年來同胞盟誼真
不卑骨肉同視昔之所謂管鮑雷陳曾未足多
爲美侈前弟所撰奠告伯母之文猶記曾爲哀
腸痛裂幾于千言固已知吾伯母與太恭人之
爲姊姒矣然固未知伯翁之與先公之義重師
友也在伯翁與先公冥冥之中必有喜吾二人
之交情又有憫吾二人之有所未知者今忽得
一人爲之指示昭晰之豈非人世之一稀闊快

遇之事也哉每細思之屏翁之言始亦有所默
授而吾兄與弟之孝誠自今始得盡盡于宗公
而無復有遺憾矣豈非人世之一稀闊快遇之
事也哉觀縷肝膈累數百言今因兄問及之故
敢卽盡言陳復惟兄仍幸有以復我也望望

答梁鳴泉中丞

東省賦役之法其弊極矣其始乃由二三好名
者之心其流遂至於橫決不可卽救某自苟祿
于朝嘗爲士大夫言方今天下大患在民不安
業民不安業在賦役之名日異月新使民皆不
知本來面目而奸猾得恣以橫歛每憶兒時讀
書田間嘗聞長老相談謂成化弘治中凡民間
父子兄弟皆可以一家所有田糧丁口賦役之
額自相會計而預爲辦集歷年相爲傳受及官
府牌票由帖一出與其家私籍算計之額無一
差爽所以至今謂孝宗爲極治之朝非爲景星
慶雲日見于霄漢龍麟龜鳳日游于郊沼弟以
此觀之而其太平之意象可掬自條鞭之說行
而此意茫然每遇公家賦役一出不但一二父
子兄弟不能知雖盡坊廂里社之人舉不能知

不但坊廂里社之人不能知雖士大夫號稱通達世務者亦不能知無怪乎公家之黠鑿日深於一日而小民之膏脂歲竭於一歲嗟嗟難言哉難言哉今得翁此議一出而弊極之法救矣然非有根極洞達如翁之論者不能救非有真實任事如翁之心者不肯救自得書論來連日喜之不寐且爲當塗者數贊揚之某不但爲齊魯之民得安使此議行而他方賢者樂有效法雖天下之民舉安亦不外此但庸醫既敗元氣而盧扁欲收善後之功非主病有定力任事有全功則其從違作輟之間其弊及不容易語他日於大司農覆奏施行或仍欲期竭綿力以冀贊於必行也不盡悉不盡悉

與宋栗菴太宰年丈

床頭村酒方熟田間野興正濃乃小莊距考城僅四十餘里聞旌節經過方啟柴門掃花逕扶筇東望竟無緣一枉前驅以償夙願信昔人所謂可意之客難逢而良晤之期有數俾弟悵快何如弟叨塵世路二十餘年回頭萬事皆非于斯世斯民曾無毫毛襁線之補今退伏草野惟

復陝西鹽院吳念淮

某與門下此生分義實切同胞向叨共事恒陽其相成意氣惟有天地鬼神能昭鑒之心骨能銘刻之固非他人能淪類其萬分一也如京師事其一時險熾人心背公死黨皇皇然惟恐下石落井之不亟言之固可發笑實可慟心參不殺人亦難自保于時旁觀四顧惟門下一人爲憐我之鮑叔耳此其爲感又顧可以聲音笑貌爲也旣而台從如西河不佞亦之南官抵家方有所圖而其黨復訐然四起才得斷此葛藤

彼謀既遂愚分亦安嘗亦自知麋鹿之性每遇
事必認真每與人必盡言用世原非所宜而不
知彼人嘗禍若此之深然彼之所以甘心陷我
者安知非借力以成我乎西望河湟天涯萬里
雖賸有心膈語無緣一布于心知爲悵悵耳

荅趙明府問應上條陳

昨奉尊教欲求大暢活民之策唯在清查荒地
河地及補完戶口三事爲急以愚見棄之荒地
不難查而難于耕種河地不難查而難于補給
戶口不必強於補完第據其見存者求其所以

清東先生文集

卷九

十八

活甦之于今欲再賑則公家帑藏已空無以再
給欲議蠲除則公家經費有常難以頓損欲求
官民兩不相妨至計惟有去其所本無而已矣
儀封舊奉 欽依生派潤布輕糶其額價視今
祇三分之一其由載在縣志者甚詳自嘉靖初
年以後各府災傷去處皆節經換易倉頭爲之
代輸征賦其年月名目戶房有卷可查夫此邦
之民能自延生度日令其代人輸納可矣今困
急如羸病之人而尤責之爲人分肩重負豈人
情乎今不敢望其何如弘治元額但望于節年

加至再三者去其太甚仍選各主則荒地之民
不勞更議蠲除賑貸而民命即可甦矣彼之厄
窮也獨不可返其所本無以仍歸故主乎公惟
力主而行之此萬世之功又不獨救民命於一
時也若河地但責令灘者與退灘者自告頂補
戶口但查死亡過在冊者責令各排甲如數補
之此固無容議其外仍有可急議者在本縣條
鞭夫條鞭之法不善者多其最不善者尤莫過
于儀封不惟不善而且不通不肖曾爲周濂坡
父母撰碑有謂懸之紙上則可觀驗之實事則
難合正謂此也况今又總理河道駐濟寧則東
西往來使命如織可獨當合省通衢之半此而
不更官何以支乎昔濂坡公已奮然爲之未幾
調去父母試取其元議科條一一詳核從申改
正亦上司者之所樂從也并附白之

與門人裴澹泉中丞

以交會之境地當反互之人心又節鉞初臨諸
凡易危爲安以爲一方永賴之新正維在此乃
吾友處置得宜咸中肯綮古之人所以不動聲
色而措天下於泰山之安者固惟以此也然吾

清東先生文集

卷九

十九

友既仗節臨戎矣固自有眼底荆襄與因時砥
劑在而在 闕廷者似不必爲遙度之辭以更
從傍懸斷此等之着最易惑觀聽幸梅林之處
大得應變之方不然則地方不免于安而又危
甫寧之人心又必將以群疑恣憑鼓譟而再起
近代軍中多致既滅之餘燼復燃每坐此斃一
人而如林總者皆安使 禁中有頗牧則皆知
吾友之所爲而載用有嗣則必師此矣謹止肯
相原而已哉近日得鍾台書知其大振成均之
法士習允賴兩友交輝中外如此真文謨武烈

游東先生文集

卷九

二十

一時大慶而衰庸野老所以偃卧丘樊而得藉
手以答報 君父豈非爲嗟然生平一大快耶
故地大旱大水之後又遭大疫今二麥雖大熟
而無人收載使入囊中棄天乎夫何民生之罹
此極耶寧非吾友之所欲聞而加軫也歟哉對
楮馳神觀綏難悉

答鹽院陳麟菴

自前聞令兄之變一上申討 誠顧辱諄翰
還答殊益增感動過蒙祖公愛某爲某之心無
不周至顧庇于治臨之下噓植於當道之間即所

論按臺薦達固事誠有自但某之才力不諳於
世調而德學日負於初心徒孤知己之用心爲
自深歉愧若知己之愛則感佩之直期於沒齒
非敢爲世之心齒頰道觀綏者已也又承示鹽
法議一冊某不足以度事又况歸田以來與世
事隔絕嘗嘆夫今天下事苦於傍議則紛若主
議則蔑如百姓分厘之鹽不能入口而顧偏之
使必出千百千萬之直有司有徵引之罰店戶
有望門之累地方甲總有散鹽收錢之奸小戶
流民有作數填額又苦幽巡官快有照期賠罪
之錢豪惡巨猾收通同與販之利且徵租以田
散塩以口田各準其所額口惟及於貧下稅之
微以三限而塩之散無虛日且官法所逮累累
靡非亦皆担頭囊底所夾帶升斗以營求朝夕
之人若夫號招數十百人周行白晝馱載公行
則司捕者皆坐分均利而不之問夫至多而易
仆者貧民也此之不已則色無魚矣使色無魚
而食有塩亦將何濟而况河東之塩之竟不可
食乎而闔然之憂有盡難言者乎夫無分於河
東于山東於長蘆者比小民之情舍舊屬之河

游東先生文集

卷九

二十一

東而人從新議之山東者亦非小民之願但在必爲之處此害已者而已欲除之害莫如高見所議誠可謂曲中情懇其良工之苦心任事之獨力方食讀之真如昌黎所謂不覺棄匕著起立爲之敬服至其要領尤在河東不患無地行盟而惟在苦蓋之不行尤爲切至今所究竟者惟在河東可歲減三萬八千三百有奇之年例銀與否而已夫何言計此時想已與大中丞后山及藩臬諸公議之業已妥當因受領大教敢此附復

浙東先生文集

卷九

二十三

書

答王順吾左轄

如擲歲序又值端陽方恨難稱徽省之蒲觴何敢望傳門之錦字且尋青蠶燦燦庭觀聽喧傳先生下里益深仰藩尊之盛愛殊甚非野夫之宜蒙教同遠使以登嘉先附公郵而上謝餘俱客專圖另布以盡中心銘佩萬千不盡一

一
答張嶠味司馬

弟別兄翁十二年不奉音書者又三年矣兄翁東西南北屢大樹奇功而內外人心徽恩底定

此切在 社稷當與尹吉甫媲美後先若赤城

事真以六尺之軀寄數千悍卒之上卒使玄樞妙運盡中樞宜此奇之又奇校之近代如張乖崖文潞公向在貴鄉能事弭未形權定一時者又不足論也弟既不能爲兄翁替惟幄尺寸之謀又不能爲兄翁代金石紀述之役徒日集耕夫牧豎以播高名及筆之野史閑談以私記識而已又思弟本無用世之才而遂以妄試無識時之智而自信以拂人侈口招尤皆所自致歸田四年來諸允意念俱灰其平生心事已得白矣卽死無憾蓋欲信曾參之不殺人須仍於範叔之偏能知我者告之也惟兄其諒之

與沈龍江宗伯

恭惟大事克襄盡哀盡禮在兄不過竭此人子自盡之心耳然鄉曲士林之觀望儀式在都人尤甚切慕仰也嗟乎世俗之廢禮也久矣而目覩于鄉曲者尤甚非愚昧者廢之乃顯人達士高明者先自廢之也其轉移嚮導在所貴乎士君子者但求以身自盡而仁孝之風亦卽此焉取的矣某自垂髫家庭之間孰聞先君子朝之

面命三十餘年中又每侍肅敏王公公每以喪祭父失之禮及難明之義諄切爲言且曰此不特爲吾家與吾鄉子他日任世道寄當盡以此施布而發明之可也顧某何人可以語此故昨於所刊喪禮備纂卷中有公屬草未完敢敬遵其所聞言教以補完之實未敢有一言妄入以致紊先正之本義雖禮書之在世者未嘗既明且備卽儀禮喪服既卿士喪禮之爲經與禮記雜記大小記等篇之爲傳何嘗不照若日星經生治經方且以凶諱略之卽號稱通儒大觀者亦多失意傳言不皆實用以此欲望世俗之不舛逆僭謬而執喪之不廢禮也固難矣某嘗爲憤言于鄉人有曰親歿而冠婚禮廢是不以成人之禮自待猶之可也親歿而喪祭禮廢則于親有不忍言者矣故某向執親喪及承先祖妣之重不量綿劣必竭其未死心力求如禮從事始而衆相駭繼而半相疑終而若通相信姑卽以一節言之其居親喪見客謝客未嘗一離喪次既殯雖時於聖室見客終三年竟未出門此亦不免於衆之始駭以爲于貴賤隱顯遠

清東先生文集

卷九

二十

七

近有異施矣繼歷觀其無異施鄉人之駭始定猶未敢必疎遠之客能信以爲然及甲戌冬十一月已遇大祥南海古林何公于京師特枉問敝廬記某送迎猶必止此公驚謂曰維柏之不目觀此禮久矣今公雖自盡禮客實藉之有光何幸何幸以此則知其他罪之者固不免也諸餘所關愈大而力變愈難者必以顯蒙之意見決之盡皆類此某之爲此惟以親喪當自盡以此心自蹈以此身其在他人是與非疑與駭固不敢問亦不敢恤若曰真能盡禮于親而貽范于俗則以身爲的某固萬豈敢也痛惟隙駒光陰自免喪後忽又過三年餘矣痛追往昔事雖苦欲自盡而失之綿力禮雖苦欲求明而失之寡學人雖日不知而妄與之祇自覺百事皇皇舛錯如在夢中此身無以容于天地之間雖蠶軀痛心不足以贖以人子終天之恨惟兄孝心既竭諸禮畢成可無少恨平生身心性命之學到此得力某所謂仁孝之俗卽此焉取的者兄有望已乃猶事軫下問固以能知某之徒有此心故某敢以此心爲兄陳之而更不敢爲他人言

清東先生文集

卷九

二十五

七

也外近承別論亦一一據謬見條答書在也
并外錄山堂近所爲文五首統惟兄覽教之不
盡

與舒繼峰年兄

有四傑經營于外然後四皓得以採商山之芝
兄之出以成弟之處固甚有宜也然出必貴於
有事而出處亦不可無事而處兄之所欲以
君民者必大定計畫而來固非弟之所敢借前
著若弟目前生事來論所云三者弟自顧固非
所敢當兄所言亦有所未盡弟家居餘五年來

海東先生文集

卷九

二十六

書

目擊里中舊日所有敦龐渾厚禮道之俗爲近
之儉惡忮薄者變易殆盡乃率其鄉里舊徒與
族中子弟居常則與躬行孝弟忠信之道遇事
則與講明冠婚喪祭之儀此等功夫居十之五
再則與之講明舊讀經書遇有新得則筆之於
書以冀備有道者他日是正期共與堅先王之
道而便不誤蹈于近世霸儒剽竊雜謬之談時人
不知亦有遂誤認爲著述之局面者此等功夫
亦居十之三近日頗覺從游之人與家庭子弟
亦恍然如有所得以此觀之則知當時陸子

講君子喻於義一章聽者有爲掩泣誠非虛語
又知世間誠不可一日無弟之迂濶議論以醒
寤人心若詩作之遣興山水之怡情此二者特
居十之一二至於聲色博奕元屬無分向與兄
在省闈時聯席把袂卽事卽理無言不及而更
未有一言及此者今同猶昔嗚呼閑中日月靜裏
乾坤山靜似太古日長如小年十畝足以辦桑
麻一字不以干官府弟自免喪後三年來始知
人間有此至樂吾道必於此才露真机吾學必
於此才發了悟回視向之在朝以血氣而強
籌世務無勞績而妄康君祿體旣未周用亦
未安徒萬起萬滅營營然空勞皮骨真如醯雞
發覆而始知天地之大也其中一一恨不得與
兄促膝一細話待明年春滿梁園弟當束裝策
蹇至招討營左近兄當撥冗一出爲終日之講
庶不孤吾兄弟同心相盟之夙要耳

與左轄吳公

自二月奉書僦歷春逾夏又秋將暮矣雖草野
中杜門伏由與世隔絕而臺端西向之思固未
能時刻少置也茲爲常守仁所告地事苦被闖

海東先生文集

卷九

二十七

書

縣父老士民日臨服舍相偈不得解圍才敢開
獻一言蓋此事天理之在人心者甚明方域之
在疆界甚明自墾田二百年來 詔旨之在方
策者甚明自均田四十年來問斷之在案牘者
甚明今又幸遇老公祖以至公至明臨之杞之
奸民以爲具不足畏乃以必得必勝爲主更不
思前日考城之事中蓋有說但曰考城之地既
得則儀封之地不可以不得天地間有此情法
乎且今儀封境內仍見有陳留縣民開占地百
餘頃當年屢經奏辦斷歸儀封數十年來彼始

許東先生文集

卷九

七

悔悟相安今若忍強割五頃不當割之地以與
杞縣能止不更割五頃不當割之地以與陳留
乎不止陳留在直隸之東明長垣山東之曹州
曹縣皆有開占境上相隣之地若一方遂其貪
類則四方必爭相效尤獄訟之興自此當紛如
蝟毛則是 國家刑章官府斷案人心是非盡
無毫法可憑而惟一任奸民之播弄矣此大亂
之道也且爲五頃之田壞二百年之定法啓四五
處之爭端杞之士夫及杞之良民豈肯爲此蓋
由奸民欲因之射利故無端冒昧而從橫爲之

耳幸老公祖公明在上自無足憂慮當此衰病
荒迷宜無容更言而必不能已於一言者以地
方民生之禍機疊端關於此者至重也不然讓
田者雖士大夫之稍知道義皆能爲之況于五
頃之田不能以遂隣人之欲而置之齒頰尤鄉
黨自好者不爲也而何忍于爲是言也伏望台
衡推公明緒餘以判決之俾兩地良民各得享
相安分定之福當不勝均戴不勝均戴千萬惟
公祖留意焉

與穆少春憲副

許東先生文集

卷九

二十九

披讀兄明詩七言律選既卒業深仍兄選詩之
辛勞敬服兄能選之藻鑑二者固亦人能盡知
而盡服之至能獨取七言律而選掄之乃兄昭
曠特出之見他人或量不及此蓋詩變而爲近
體近體而至七言又詩之大變故明良喜起之
歌國風雅頌之篇四言止矣自律詩起六朝而
侵淫至七言始極調不溢於四言五言之間而
句特倍於四言五言之舊聲欲盡用意欲盡發
而却欲尤不失夫含蓄渾淪之意象故諸家號
稱高識妙悟逸氣藻思之能自命體裁及取材

會調節章彫句之苦求合軌轍者但此律一
卽底蘊盡見周伯弼謂造句差長不可以五言
泛加二字最難飽滿易疎弱是亦猶但知其難
而未悉其所以難也勝國時虞伯生及我朝
永嘉張文忠公於杜律七言者特註而亟傳之
固以少陵爲詩在唐人中最爲冠冕故借其靈
闕以昭藝軌意亦盛矣猶惜此意未盡昭達今
吾兄能此精選完成每田間稍暇卽携冊諷詠
見其萃集襲聚如萬寶貯盈光溢充溢其選擇
精嚴如九轉丹成鉛汞盡欽如哲工良賈執墨
典籌括珍奇貨貝之窟藏操方圓平直之矩矱
品彙詳隲自人無冒工價無飾僞得使我明
一代詩篇收拾乎風雅離騷之大成而振迅于
開元天寶之右地詎非詞塲之盛美乎向不
自量欲取自六朝起律詩以來能七言者代不
數人人不數首至嘉靖中止特爲一編題曰七
言律髓成寅中以赴 召出山致元帙亂卷收
藏今尋無頭續然兄此集旣成又如小巫見大
巫縱尋得之亦不欲更爲完成以並行於世也
如何如何紉絹二端奉兄作迎養衣用幸惟照

浙東先生文集

卷九

三十

存前盛擾名園又過承遠餞其深夜燒燭之情
與臨歧貰酒之戲萬千謝意及野人感事之談
俱在東泉文書中見之蓋意欲互見故詞各異
陳分之雖寄兩兄書合之實猶共一簡也更望
賜同垂覽照而誨覆之幸甚

與巡撫鍾洪溪論地方水旱

兩河二百年來所未有水旱凶荒何民生至不
幸而獨于今歲有之又何民生至不幸中而猶
傲天厚幸得遇公祖之任撫綏者當之每聞臺
端心力盡瘁以求登膏溺之民而冀視瀕死之

浙東先生文集

卷九

三十

息感恩幸甚感恩幸甚夫自常平社倉之法不
修而欲民得免于凶歲窳言耳鹵昔以此一小
試於晉城再獻議於 先帝晉城之舉卽曾稍
有次第而先朝之議至今徒成畫餅者以百里
之命縣令專之而天下事建言當事其人不相
同而其心不相謀自古嘆之也且以此預治于
未病而本也其事易卒辦于旣病而標也其功
難卽汴之昨大旱之極又遭河漲三至嬰城使
非臺端出所易數千石之粟減直出糶則不五
日而汴之市肆絕不決旬而軍民困不再決旬

而汴之爲汴將大有難言此祖公輯寧保息之
功于是爲大無常平之素積而驟收其博濟之
功祛欺隱之叢奸而坐普夫均平之惠善莫有
善焉者矣但非常之原良工獨苦而效法之無
人宋人謂但及城市而不能使縣鎮通行今日
之說亦正坐此被災之地不盡觀陳汴東之民
困尤極矣卽敝邑言七月十日未水之前已大
無麥又大無禾四野焦焚其跡如掃旣水之後
田廬畜產芟蕩析無遺小莊西鄰留陳二寨不
滿三十餘家其民之土著流移道殣歿而死者
三十七人婦女嬰兒猶不在是舉一寨而他可
知也見存者初皆採桑剥榆爲食未幾桑榆之
皮葉旣盡食者亦半死亡蓋草木雖可資荒歲
者多然皆必資油鹽方可調食當是時談油鹽
于採剥榆之民雖三尺童子亦笑其不達如之
何民不食之而死也近雨水之後多生野菜稍
可供食然不數日又赤地而掃矣且居者有一
僮一斗之粟則必夜遭強劫行者有握粟布衣
之人則必路被邀奪計今至來歲柳頭青日尚
將五月其中禍變詎獨貧民凍餓爲可寒心欲

求濟燃眉之策莫若仰師良工就會城已試程
式而推廣其行事今郡邑預備之倉雖已空虛
然必尚有存留請于有千石者每千各出五百
百石者各出五十自今遇玄冬雨雪寒沍之時
赤青黃不接之候照時值市價折半減直那
移出糶官受其直豐年穀賤仍抵數糶入還倉
又必嚴斗升之限謹豪猾兼并之防委任得人
處置咸宜則公儲不費民命可活民間積穀之
家或多方勸貸或准折贖錢或酬之名器俾各
樂出所有以濟官之乏待時少融和或青黃接
代或往來興販道路可通之時卽便停止古人
弛禁通商遇事尤急入秋以來幸商人乘時射
利挽青徐蕭碭之粟逆流而上東北沿河地方
猶獲賴此凡商之所苦如斛斗升合之較店家
牙儻之徵悉盡與寬弛其市價低昂惟一從民
便但使人情相願輻湊來集如千家之市常有
粟二百斛自價無不平人無不濟近聞西南有
輦許昌汝鄧之粟以達朱偃鎮新河者則環汴
饑民利賴尤多其招商願集亦當例此夫有在
官之糶于以備陡然急切之時更弛商之禁于

以遂常川往來之便公私雖二實以相成又如儀封雖稱小舊諸建置亦甚嚴飭自條鞭之議行歲額諸修葺之費不過十金縣官奉法無米之粥巧婦莫炊故諸官署學宮日就傾頽者殆半能于此而督其乘時設計顧役興作則役人亦衆而近縣之飢民可活也環縣有堤向自堤距城匯爲水澤有城而無隍者四十年城亦不堪太甚今旱後水乾正宜浚隍出土以附城噤是繫斯池卽以築斯城聞方議興作亦以無食中止能于此爲之則役人愈衆而遠鄉之飢民可活也修築河堤見役工程若實爲顧役則闔境之飢民可活取之河夫則鄰境之飢民皆可活也大都賑飢之策若拘方任法雖聖謨嘉言亦泥之而不足惟隨時因事卽一隅一方亦運之而有餘近代諸公最號能此者亦皆行于巴蜀者不能行之于江淮行于青州者不能行之于兩浙邇日諸議盈庭紛如聚訟不敢復及此惟據目前四事可人受實澤不然賑濟旣力屈而不可復行矣况瀕年之賑主上愛養元元恩殊至渥聞之四方倉廩徒四壁矣而終于不得

者皆隔遠貧下之民帑銀嘗再錫矣幸而得之者僅以供招集往來之費繼力可復行亦當鑒止或曰此倉無可糴之穀民無可貸之家何廨署城池又胡能及此曰此爲活急切之民命圖也不得第以有無自諉也至廨署城池國家雖貧亦須辨此且方今之時爲人上者能忍視民之立死而不救乎不能也不能則凡可以濟吾稅成吾事者須破爲之故范文正大興土木猶縱民競渡陳正仲猶獎作浮圖况城池廨署手曾之告齊以曾主玉罄傳又稱剪爪宜及膚割髮宜及體是古謀臣急病雖竭國之重器且不之惜聖王愛民雖身體髮膚且不之愛而顧又肯第委于倉廩民力之有無也况今府庫與民間富室求千百之二三亦尚有可爲惟在臺端曲爲注意焉耳目前河防一事亦時事尤急孝皇之于皇陵岡肅皇之于野雞岡兩興塞河之役皆竭國之力方底成功黃陵岡旣塞之後至今歲修小宋以南之堤岸者所以防河之趨而北野雞岡旣塞之後至今修築儀封縣治南北之堤岸者所以防河之徙而南至青陵岡

一堤近歲方築不知者見東西亘延止于儀封境內若專爲儀封而設然曩時當事者深謀實以增固南河之護衛蓋無是堤是無儀封無儀封欲河之不建徒南下以直衝中都也得乎今南北之堤既盡衝決修築之功國計民生皆恃乎此至今修築之役尚績效茫然者何蓋計工之始所司恐涉冒破張皇不敢盡達及計估程工却力實不逮往例遇緊急工作除申准夫額仍輟起鄉夫官不給直使相裨助今不能此者以癸未嘗河漲爲災矣今厘十分之四惟時但

許東先生文集

卷九

三十一

居民衝壞牆屋縣官每名爲給穀五斗彼民之心不思在官積貯有今昔盈屈之不同祇以昔災猶未甚得蒙軫恤之仁今災倍于前却無顆粒之及已人人缺望且既淪陷其室家漂溺其妻子方扶傾救死不暇又從而一錢徒枵腹以役之豈人情乎既聞臺端許給直顧役大惠矣乃聞猶聚散無常人不應募外此里甲之夫又奉見例禁嚴不可又屬邑各自爲工無怪乎工之難成日更一日也且自七月十日至今河水四至圍城今土田漸出貧民鬻妻賣兒易麥

播種皆旋種旋濟今方有成又稍稍見有重葺屋廬以爲卒歲之計萬一堤久無成擠凌之水又至則麥之投種不可復圖頽垣敗屋必將盡壞縱來歲必豐欲民之得免于災危也得乎聞臺端昨委多官視議欲將舊堤皆增築丈尺若干又大惠矣然亦必先將此補舊工程設法嚴限完結方宜議此蓋必固基其上方可增而崇寔其心其傍方可幫而濶舍其根本心腹未完之補塞不圖而卽務爲高廣又徒以誑誤民生耳無益也居民之作牆也方始募工則必嚴其劑劑約以年月不及期而摧則奪其直而正其罰何獨至于官府之事而盡違之凡有興作徂于虛飾惟圖畢事弘治中劉忠宣之治河防也必日自試以錐甬隨工核驗至今父老相傳猶歎艷之數日來村中傳說熊車有東下信音倘一按臨之自興革畢照又無俟此觀樓也嗟夫嗟夫今天下事不惟任事之難于擔當抑且稱名之亦不近實且河患在曩時一言趙皮寨則朝野懸心今不曰趙皮寨而曰李屋不知上下數里之間李屋卽趙皮寨也凶歲爲災民遭死

許東先生文集

卷九

三十七

亡但言及民飢而死則凡有人心孰不隱惻今
不曰民飢而死而曰天時疾厲不知當此倉廩
之虛注措之難天雖欲活之而不可得非疾厲
也幸祖公在上明足以照察力足以有爲而對
證之方又能充濟事故人皆以拯溺肉骨望之
伏望軫恤黎庶之急權師常平之意曲全未竟
之澤寬弛以通商多方以勸貸速督舊堤之成
功嚴責增築之實效斯可回凍餓之陽春而登
陷溺之衽席此于荒政亦但取治標之急效云
耳若治本全功則常平社倉之法終不可罷前
清更先生文集卷九 三十八

聞已疏奏于 朝以大司農覆奏異同中止栗
菴丈固同心而可與共謀者草野中不見邸報
不知 奏內云何想相成之意必自有說倘更
徵天幸兩河得父藉福星須社倉常平乘時並
建勇于必行鹵仍有惠民水利之篇以爲臺端
他日獻則繼今善後經國保民自出于尋常萬
萬而視徒卒辦于既病而標者固大不侔也捷
關遜世之人不開口論天下事久矣因自福星
臨泣之初迄今一年已外未通一字書又大侵
之後故人遠在數千里者皆相存問慰安獨于

臺端缺焉未布故敢布腹心伏楮亂談語不倫
次更惟心照而恕原之又幸甚幸甚

又附洪溪

自地方災變後未有一字以分祖公之憂以告
邑里之危儀封之民已死亡流移者過半矣謬
書中告哀之詞非一其中至切至要一策在出
萬不得已之計敢仰乞賜借軍儲倉所貯穀豆
一千石發縣則自今至來歲五月猶可活千人
待來歲稍豐縣官卽抵數還倉寔爲恩便書中
所謂切望台端權施常平之意曲全未竟之澤
濟東先生文集卷九 三十九

者正謂此也如蒙祖公不靳特惠全活則弟同
邑里萬民無所祝願惟祈兄家子子孫孫萬代
侯封而已縣明府約已愛民真循吏之最但畏
慎之心不敢擅達故弟敢冒昧及之容必亦另
達縣俾另有申請也書已封械因思近有村謠
數章亦附奉覽老農俗俚之言殊可笑之甚惟
覽之但取其意焉耳餘不盡不盡

答王竹溪中丞

某受吾丈心骨知愛二十年同盟之誼比之同
胞每追憶中間休戚之情風波之險與同撫恒

山之棲虎狼而處鬼域如來云云真令人自不知涕淚之何從也去秋當節鉞臨門啓行忙遽之時乃且走僻路而禮田更枉重衡茅信宿方返嗣節鉞既入秦關卽值地方多事方責在開府之經營甚殷而又卽走使二千里外手書嘉貺枉念及之在吾之用情顧其可與世之鳥雀人情炎涼交急者可同年語耶知重知感某自審行能猥劣時命乖違無能致取聞達徒以善招罪悔功名之舍付之夢想但歸田六七年而數年強半且自丙戌至今歷春及夏早荒尤前所未有卽今日學爲老農拮据在野之忙二麥尚不及種秋禾早乾如焚百方禱雨無驗百口卒歲眼見無策是不惟使用世無能卽雖欲謀爲一身代食之好亦不可得遂寧不益自重此心之羞惡與罪惡乎一時所恃救荒雖屢屢明詔委頓者惟安于循故而惡事者又多委設施權變一聽於郡邑之吏率惠未及民而民之能自爲食者又已交病聞吾丈之濟陝也能使小民獲子惠之周又能察所司以精覈之嚴縉紳來自秦關枉敝廬者亟稱之倘得不

斬推其緒餘語諸其鄰以福其鄉土僕陝之東西舉得咸沐覃惠某又不徒爲秦人稱慶已也向當秋堂夜話時某曾謬謂吾丈此行有非此不與之說今熊車一入卽能爲地方造無量之福是當事者任人之明與吾丈能副明主之托殊爲可賀在某能先期而知秦人之有遇不謂千慮之一得不可更惟努力以建不世奇功使一時之言卽可有辭于永世尤幸甚也

答戴君喪禮疑問

三年之喪自天子至於庶人天下之通喪也今爲人子之於父母俱服二十七箇月未及三年輒稱孝滿不知何所指也

喪服之制以二十七月爲斬衰之終愚父亦以此爲喪禮可疑之大者近讀家禮會通謂總服三月義取季之終也小功五月義取陽之終也大功九月義取物之終也合三九二十七故以爲斬衰之終噫是誠得古制禮之精也不然雖終身衰素則孝之心猶歉於罔極之難名槩以三年則自總而下皆涉於取義之無謂是故達於斯說而可古人制禮之精也然則期之喪又

何取乎特取於歲之終也期之喪特取於歲之終以見總功而上斬衰而下又特此爲至重新衰之不倍此而爲三者又在非可疑矣

親初終襲則左衽孝子則披髮披髮左衽夷狄之俗也禮皆明著如此不知是也否乎親始死易服不食三日之內未成服也其服制不知當何如也親死不食非勉強自然不甘於食人藉飲食以養生三日不食則死食之不忍食之否乎

死喪者人道之大變故死者之既變斯執喪者之哀因而變矣人之生存衣襟皆向右便抽解也死示不復解故向左記曰小歛大歛祭服不倒皆左衽結紱不紐正謂此也而左衽之俗不必泥矣故當初喪之際天地之大變方嬰而禮節之儀文未議統歸於變而已矣攀號擗踊言其變之見於情者也披髮跣足示其變之見於貌者也故三日未成服之前凶服未成吉服不可但當逆此意去吉時與櫛冠巾之飾而以白布盈尺裹首記曰愠哀之變也去飾去美也正謂此也而髮之披否不必拘矣至於三日當食

許東先生文集

卷九

四十二

禮記

當否之疑噫斯不可執而論也如子之力強盛之能任則不可畫之以限三日也如子之力孱羸之不支則不可強之以俟三日也昔者曾子謂子思曰伋吾執親之喪水漿不入於口者七日子思曰先王之制禮也過之者俯而就之不至焉者跂而及之故君子之執親喪也水漿不入於口者三日杖而後能起是由曾子之言而體其情則凡未至於滅性者皆可爲也由子思之言而推其意則凡幾至於滅性者不可強也苟不因言以體子思之意而徒泥文以強曾子之情則斯禮也特矯以爲人道之當然而混於死生之大義矣曰如其孱也寢苦枕由之初遽甘食乎曰禮固有明文亦於其食之變者而聊用以延生耳

許東先生文集

卷九

四十三

禮記

沐浴執事掘坎於屏處殷人掘坎於中霤周人掘坎於兩階之間沐浴雖古禮孝子迫切之間恐不得從容以舉行當遵而行之否耶讀喪大記見自君以達士而爲沐浴執事別其地別其器別其人何其覲縗也至家禮會通則會三代之意簡易而明約矣今大江以南喪家

尚多泥古而行之大抵親之始絕天地之大喪
甫臨人子呼天叩地之無從而必欲泥文以辨
此者非禮之得也近吾鄉于初喪含襲之時襲
者稍以水淨面及濯手足斯見不失古人之意
亦不奪孝子之情善夫便矣

家禮載襲在含飯之前安有既係瞋目而復
一解之既以帽韜其首而復啓之手或爲失
禮請明正之

喪大記曰始死以楔齒用角柶其疏謂楔柱也
以角爲柶長六寸兩頭屈曲爲將含恐口閉故
以柶柱齒令開而受含也此皆爲含當後襲而
設故如此如使含飯當在襲前則當始絕口未
固閉而便於從事則楔柶先將含而備爲受含
而設者不必用矣所以然者若含加於襲前則
當襲之時猶有遷轉動運之爲恐其物之含者
之未安故襲加於含前則含之一致楔柶綴足
之徹庶其物之含者之可定瞋目韜首復啓之
煩固在所不計古人制禮之意或其在是乎自
昔稱者當近代諸名家皆謂失禮之序愚竊以
爲未然也

親初終有設魂帛以依神有設重以依神二
者不知何設爲是

喪禮之用魂帛自鄭氏司馬氏始也而朱禮采
之瓊臺丘氏終未敢固於倍古近之宗者二事
依違莫決噫知宗廟有主爲上下統同之制則
知重以基主乃始終一貫之規記曰重主道也
殷立綴重焉周立徹重焉殷之綴猶歎於置之
未安周之徹則極夫制之已備是重之設自殷
周以來未之有改也而魂帛則禮經向無明文
則喪之當設重而去魂帛又何疑焉

家禮載賓吊主人主人拜賓賓不答拜之說
亦有賓吊主人主人不答拜之語二者於禮
於情似未妥

喪大記凡主人之出也徒跣扱衽拊心降自西
階君拜寄公大夫拜君命士拜大夫亦未明載
不答拜之文家禮著賓不答拜之義謂賓已盡
禮于死者而當轉受於生今時喪禮賓吊主人
主人拜賓賓亦答拜義起於賓之不敢遽當賓
吊主人主人亦答拜賓義起於主之不敢直受
二者於禮均未見其爲不可也

至墓祭有曰先祭祖考有曰先祭後土二者不知孰先爲是

歲時墓祭則祖考自所當先後土自所當後斯固禮有明文無容諄諄也曰然則始何以先后土乎曰始之日爲親體之未安故籲於神以安其親則以神爲主而后土在所當先歲事之薦以親體之既安則因其親以及其神則以親爲主而后土在所當後斯先后之間固義之盡而仁之實也又何異議焉

浙東先生文集第十卷

啓

浚儀 張鹵 召和

賀申瑤泉相公壽

伏以明良盛際正當海宇之隆平福祉凝祥快觀台衡之上壽縉紳胥慶夷夏均歡恭惟執事三朝館閣之宗一代文章之伯握樞政府見賚弼之殊常擅美寰區信生申之有自茲秋分桂宇喜溢楓宸弘開北闕之筵共效南山之祝某方羈職守莫叩門屏敬陳不腆之儀用效由衷之悃恃叨夙愛敢竇台嚴某伏楮無任瞻馳之至

賀門人田鍾台宗伯

伏以甫從白下入論 青宮擢掌成均兼司講幄斯文譽慶吾道輝光恭惟執事山斗儒宗伊洛道派雄詞正學大節精忠掄魁紹歐陽子之科名翊世負昌黎公之物望心安恬退十年屢返于林泉身繫重輕 雙闕再瞻乎天日職兼二美事起 特恩惟經歷之獨深斯 寵榮之更倍載稽詞林舊籍得遇者曾幾何人爰從

世廟初年創始乎方輿是例詎止 朝廷之故
事實爲儒者之至榮鹵忝交情尤愜至願瞻言
伊昔慚爲尺寸之梯階快覩于今大慰青雲之
倚望惟更願 講筵大道上陳堯舜于王前聖
學曲途力爲廓清于館下崇四術而詩書禮樂
先收養士之功歷三台而鼎鼐絳綸大展匡時
之略此吾丈乘時遇 主正所優爲固不肖末
路餘生尤切至望也遙陳儷幣用代一片伏冀
原心俯垂撫照尤幸甚幸甚不悉備

賀三公入直 內禁

游東先生文集

卷十

二

事類彙編

伏審光承 簡命應象宿於三台特被 恩私
冠寵榮於八座懽騰有位美盛無前恭惟閣下
德自天成才不世出名聯甲第魁金榜之群英
踵躡蓬瀛齊木天之佳譽文章宗匠陋辭賦於
洪都經學淵源崇憲章於闕里山公啓事成服
銓選之公伯益秩宗共仰寅清之化群力並輸
輓士習旣靡頹風自靖宣勞昭王制綦隆盛會
惟茲分職已擅奇功更擢論思用親密勿蓋聖
智遠軼高帝更屈群策以無遺 聖心欲紹虞
廷故俾五臣之在列佇見卽心啓沃洪福四海

之蒼生造膝經營永固萬年之宗社布堯言於
天下噓一氣而轉鴻鈞陋漢詔於山東括八荒
而納壽域期華夏重望海宇同瞻某承學疎庸
受知深厚肅將 王命方勤奔走于遐方疎聽
佳音喜道 朝廷之鉅福望 九天而申賀徒
悵龍門頌一德以無能惟勤雀躍敢陳短啓冀
布微悰

賀元輔張鳳盤相公

游東先生文集

卷十

三

事類彙編

伏以天開景運授 國柄于正人世轉亨衢愜
人心于快觀華夷胥慶 朝野均懽恭惟執事
忠義在天德學冠世直方而大貞標允植臣模
純粹以精正學卓傳聖軌憶自 肅皇末造以
及 今上綦隆備歷館閣之艱辛默賴乾坤之
旋轉始學術之援儒入墨獨屹砥柱于中流繼
治道之任術眩真力挽狂瀾於旣倒正人君子
陰受生成比德涵朋潛消反側久矣其屯膏遜
美祗謙退之彌深茲焉而 天與人歸固治平
之有待仰觀 天意夫豈人爲 朝廷新元輔
之登崇寰海遍群生之舞蹈闔渥承至愛實有
夙緣骨稭空鐫言烏屢悉在四海及門之士獨

許同心誓廿年刎頸之盟倏云白首投閑避世
已甘終老于丘樊傾否亨屯何幸再瞻手天
日言念鴻恩之愈厚徒深雀躍以何勝敢望門
牆上申芹曝仰乞台候俯鑒微情餘惟望應五
百年昌期而命世追軼乎傳巖公旦之前蹤運
六二爻保泰之洪規參調夫馮河包荒之妙劑
祛除矯僞重新一世之鴻鈞前洗煩苛大復四
海之元氣庶答人望克享天心某伏楮無任
喜忭懽騰仰瞻祝願之至

賀內閣張相公

游東先生文集

卷十

四

車奇才刊

伏以乾旋坤轉元忠收不世之奇勲子道臣模
大美擅無前之偉烈縉紳胥慶海宇均懽恭惟
相公閣下全德難名殊勛卓越千年間氣一代
偉人以堯舜周孔之道而爲帝者師總臯陶
伊傅之長以肩天下重當先王之末造及今
上之初年正關國勢安危大繫民生休戚思
先皇遷玉几而揚末命獨承顧命之專遂一
任矢赤瞻而罄忠肝誓效靡躬之節疏當大事
力請南還時事劬勤人心惶懼維時上意灼
見天心恩禮渥隆慰留懇至卽膠漆魚水舉

無足以名狀其懇勸雖舟楫益梅竟何能
方其付托乞身歸墓尚屢御墨之淋漓促期
還朝猶繫皇情於夢寐墨經從事伏由辭榮
涕洟三年辛勞萬種捧中天之日月惟存一
默丹誠廓絕塞之烽烟皆是萬年石畫正人君
子彙進簪紳邪佞奸諛驚失七箸罔時痛怨上
綏二祖七廟之精靈實慰阿衡下慰四海
群黎之依庇茲禮行祥禪序屬嘉平歡動重
臚戒太常而將事恩沾殊錫盡率土以傾心
尊親振古稀聞遇主于今獨至輝煌袞冕一
新王帶金魚第一班行重親尼師尚父齒分叨
骨肉義重門牆心倍恒情身隣近地徒自苦於
方商免竟不敢以一絲瀆陳謹罄欲言用申賀
悃函伏楮無任萬千諄懇懽懽瞻馳之至

賀沈龍江相公

游東先生文集

卷十

五

車奇才刊

伏自特膺簡命兼總宮僚宗伯陟三載
之明少保付元良之重羽儀正學表式宗公海
宇均瞻鄉邑快觀更惟君子之用世由來守正
之獨難孤忠遇主伊誰介性宜時更寡惟翁
道能適用行可孚人挽既倒之狂瀾屹中流之

之砥柱文章推百代而守之以朴忠經略冠一時而出之以敬信自入翰館及躋台衡真平生無愧于古人卽細行亦撥諸天道茲雖際千載一時之會實猶當孤踪特立之秋幸而明主之婆心遂致潛謀之息喙乞歸懇疏將及夫十上而慰留之 詔旨彌溫立 朝大節惟本乎一誠而士夫之綱維允賴是以世有一節足效之士皆欲登進以望見于門牆及夫一青未印之人無不依恃以仰瞻乎 日月某受知恩昔許結同心落魄于今空慚白首薄小雲天之高

許果先生文集

卷十

六

與元輔張相公

與元輔張相公

伏以天啓元忠千古秉鈞衡而獨盛福臻獻歲百年聲時序以同春陽德方布於青郊和氣式調于黃閣歡騰海宇慶溢簪紳恭惟鈞台百代宗工中天相業拮据以安王室備姬公旦不曾偏歷之辛勞馮翼以輔王躬任殷阿衡未必能當之重寄精誠收四海之雍熙公道正 三朝

之典則太和元氣已在成周而多福嘉徵同臻政府庭前玉樹迎旭日以增輝堂上金萱映朝而綢繆九群工萬彙舉荷生成而衆口同聲咸切慶抃况蒙國士曷已私衷某早廁門牆尤深骨肉身雖遐跡心切馳情敢于太母之前遙致一誠之獻伏惟垂鑒特賜優容下情殊無任萬千諄懇瞻馳之至

賀門人王對南相公

伏以司馬重來中書再入大重華夷之物望正符五百之昌期恭惟相公閣下忠誠動天功德冠世自昔翰館已四海之歸心入司綸扉尤重瞳之注矚頃者檀弓秉禮甫周三歲星霜而再詔徵賢卽下 九天綸綍陳辭愈切 勅旨彌溫卽茲魚水之諧情具見乾坤之轉泰凡正人君子久陷泥塗節抑志屈未由昭雪舉足霄漢望照覆盆翹首門屏期明節屋某受知獨最屬望尤深謹此誠書用將遠獻顧瞻吾道慶大行權柄之得人仰稽 天心幸末路遭逢之有遇伏楮喜忭不知所云伏冀台慈俯垂昭鑒 請邑侯顧熙宇 觀同

許果先生文集

卷十

七

賀門人王對南相公

伏以鳳凰池上榮承湛露之恩麋鹿山中久切晨風之想謹詹十有七日東園敬陳蔬俎奉浣塵纓俾花鳥谿山盡沐軒車之欵愛衰殘村鄙細聆京洛之新聞欲展積誠更乞早顧

上元請林洛門學博

伏以泰啓三陽春敷九有况近上元之佳節統屬熙世之奇逢謹于十有二日敬諏良辰兼卜是夕清尊綠蟻愧難挹北斗之瓊漿火樹銀花可共對西樓之明月預陳荒牘奉枉台旌幸冀光臨不任顙仰

游東先生文集

卷十

八

卷十

壽曹少川司馬親家

洛社清芳喜祝南山之壽梁園朱夏正傾北海之尊無能醉棣萼之華筵徒有重東西之悵望敬呈不腆用究衷旌餘惟九天鳳詔雲霞燦鶴書以交輝三島仙班鼎砂儷蟠桃而共獻弟尤不任側望瞻祝之至

賀門人王對南遷秩少宰

伏以秩崇春省方快觀于推遷少宰天曹復欽承乎寵渥薦紳生色黨與增光恭惟門下生鍾間氣出領儒宗德粹忠貞望隆山斗游歷詞翰

之二紀獨推史局之三長推誠心以動天駟曲學之阿世講筵啓沃悉矚注于宸旒經國文章盡師程于寰宇喧傳妙簡實本特恩顧豈尋常同茲副貳遠稽陞遷凡例率由計群吏而正台垣近聞殿閣群公皆自佐銓衡而司鼎錫固知明良之契遇允爲夢卜之先徵某夙結良緣遙聞大拜今昔感念驚慚白髮之成翁喜賀衷情詎止黃金之賜帶薄儀蕪牘用布微忱千里寸心更乞崇照

上王中泉中丞

游東先生文集

卷十

九

卷十

伏審光承簡命晉副臺綱恩禮優隆薦紳慰慶恭惟執事一代偉人中朝巨望早游翰苑人傳天祿之英繼司諫垣世仰陽城之譽敷歷中外懋著勛庸自陟中臺晉陽開府謂軍機久敝當振刷以策奇功民力將竭宜安靜以攝元氣興革剗磔盡悉心上之經綸飢饉禦防咸紓目前之危急一節孤忠自誓誠如松柏之後凋三關四載無虞信有藜藿之不采司勲奏績衆期入宰乎台衡當宁策功加命再司乎節鉞蓋仲淹父勞經略實增重乎延州馬援獨任經

營將稱雄于楚塞，屹見壯猶再試舊德重宣。
重資深將進登平，台鼎文謨武略竝銘勒于旂常。

與王疎菴太宰

伏以持衡定國，冢臣弘伊傳之勛，擢桂登庸，令
子會昌明之祚，華夷胥慶，朝野均懽，恭惟執事
精忠天植，駿業日隆。三朝耆碩，儀刑百代，殊
絕人物，封人撫字，生祠昭峙于山河，天部經綸
卓軌，軼群乎今古，惟功德命世展矣，無前斯福。
慶盈門蔚然有後，伊昔長公之初誕，猶傳敝地。

游東先生文集

卷十

十

東坡先生集

之懸孤嗣于麟鳳，駢蕃咸有骨肉分義，復念某
受翁知遇，超世等倫，噓植深恩，今昔無匹。三十
年金石盟誓，伊誰與論？百千迴感，刻衷腸惟天
可表。茲聞鄉書捷報，忽踰太行而東來，輒乃舉
首加額，遙向神京而北望，千里門牆一絲芹暴
伏，惟台鑒少罄微情，某無任喜忭懽祝之至。

賀門人王對泉遷右宗伯

恭喜秩宗卿貳位，偏公輔之尊，邦禮典三望重。
文章之伯惟聖明，妙簡允畀名賢，故中外驩
騰克諧，寰宇共分關骨肉情踰等，倫敢輟千里

之程適布一絲之賀，雖雲林朝宇懷會晤之
未從而白首同心，幸依托之有遇，臨楮衷素不
知所云瞻邇台旌惟祈禱照。

賀沈龍江晉大宗伯

伏以寅清三禮新屬一代之儒宗，海宇風騰共
慶天朝之盛事，絲綸重寄，晏冉崇階，恭惟門下
世牒淵源，文宗山斗，德學行誼人推魁，東觀之
清班啓沃彌遠，帝賚佐西周之景運，堅持一
節游歷三朝，幾經顛波之風，濤特挺中流
之砥柱，正人君子得賴儀刑，曲學淫朋咸知避

游東先生文集

卷十

十一

東坡先生集

易父望隆乎鈞軸特簡在于宸旒，將踰三台
先列八座，顧茲春省獨接巖廊，且屈指流光
回頭二紀，再見南宮之正位，復屬中土之重光
固知玉署新恩，允符金甌先兆，某同心分誼
獨深桑梓之光榮，翹首雲霄遙悵堂堦之隔遠
敬陳蕪牘用表芹誠，伏冀台嚴特垂心照。

賀周大川憲長初度

南極耀彩弘開獻壽之辰，北闕騰綸擬捧
賜環之詔，周親至望海宇同情，惟函與丈夙結
分誼踰二十餘年，相去堂堦僅一百餘里，且鄒

枚詞賦時常不棄衰殘膠漆綢繆老去彌敦世
好望切門屏尤重瞻馳敬將一絲之儀用布疊
積之悃幸惟垂照不盡宣陳

與王及臬太宰

忽聞 明詔優起大賢感 天心之不遺吾人
欽 帝眷之特精簡在惟翁舊德宿學師表人
文偉績豐功敷歷中外朴忠自許一節挺立
三朝譽論攸歸八座望傾百辟邑宰于上下交
征之日卓冠循良選司于公私雜進之時獨特
廉正頃總持乎 國計益大拯乎民艱江左山

浙東先生文集

卷十

十二

車奇才

公人傳啓事河東司馬世服忠貞方退急流旋
膺妙簡縉紳胥慶遐邇喧傳果人情視夢卜之
允賢乃 恩禮溢輪帛而立至方今 朝寧廣
求賢之路人才極嚮用之殷然明攝未盡于
王庭而登進猶歉于衆論每聞有議孰謂無因
翁淵源與旨傳經素扶手眞筌赫奕崇階當事
必徵諸實用願觀舉錯以起沉淪重運鴻鈞一
新往輒某也膠漆遠投于三十年之外獨許同
心雲泥近隔于六七載之間倏云白首聞信音
之喜而不寐敢云貢禹之彈冠望雲霄而仰之

彌高佇幸鄭崇之曳履遠伏草野莫近門屏
展賀誠幸祈台鑒

賀張鳳盤相公

伏以臯曆應候方羲和日御之當天壽祿凝禧
正傳說星精之資稱尚陵擬寶臺閣生輝恭惟
相公閣下一代宗工 熙朝碩輔文章燦爛昭
回天地之章相業輝煌雅稱 帝王之佐講筵
啓沃二十餘年政府弼遠危疑大定經綸石畫
掃九塞之烟塵忠耿丹心捧 三朝之日月益
應奇選用輔昌期慶此良辰恭逢嶽旦青鸞彩

浙東先生文集

卷十

十三

車奇才

鳳飛來四座群仙紫閣黃扉擁出三公五福諸
陽聚秀俵 御苑以優游萬象迴光傍台階而
絢綵靈椿堂上舞袖懽承芳桂庭前登龍鯉對
此上相之洪休而人寰之共瑞也某蚤結平生
之知遇不卑雷陳更蒙末路之嗟植無裨補報
空慚白首深負同心謹獻微忱用將積悃圖陳
龜鶴思絳縣之長年頌效華封願路公之難老
某臨楮無任企望歡呼忭躍瞻馳之至

請邑侯顧熙宇

向當獻歲已約尋春况值寒食寧忘踏柳三斗

四翻花信盡屬芳菲一百五日榆烟更新物候
謹詹十九日淨掃柴門薄陳野飯前村沽酒慙
非金谷之樽壘滿載奚囊可共蘭亭之鴈詠擬
成盛會冀展清懽輒敢先陳幸惟蚤顧

請邑侯玄冲觀燈

伏以樂歲迎祥君赤子陽春之再造福星臨照
轉鴻鈞景運之新禧百里奇逢兆人均慶恭惟
執事宇內人豪膠東世開髦年擢桂文章冠鄉
層之魁名聯捷看花甲第擅蓬瀛之妙選輟辭
含香之舍來甦待哺之民率土均瞻吾儀有遇

謝東先生文集

卷十

古

醫時砭劑沉痾頓起夫膏肓痼惡聲歎幽隱盡
祛乎茲究民嗟來暮競誼傳無襦五袴之歌諸
士喜得師莫親承三百三千之指受某夙叨世
誼獨結心盟更視群情詎云更倍茲者上元佳
節乃千門需宴之期正月芳辰政萬福履端之
候人情因樂思苦重逢不世之遭逢民間舉賀
騰歡復競隨俗之燈火謹詹十有六日之吉敬
申燕喜奉迂龍光輒敢預陳幸不攸于他務更
乞蚤顧庶少盡乎懽悃

與同年黃聞野大叅求婚

伏以同袍弟兄夙結骨肉之緣百世婚姻更締
朱陳之好茲實天定夫豈人爲恭惟執事盛德
在人雄才振世官歷中外茂奏虜功望重朝堂
佇登台輔某行能無取依庇獨深自同題鴈塔
之名又中共鹿門之約壘麓倡和三紀于茲膠
漆綢繆一言難盡每思良晤幾度華春茲喜喬
遷榮過梓里幸借乘今之便期申倚玉之情欲
以季男行五之頑兒上問令愛第四之淑媛自
慚屏跡蒿萊之賤輒希附于青雲冀延平生交
好之真益共敦于白首斯俾兒女共慶遭逢直
期從心頌忘非類敬先華牘用宣諄懇之丹衷
伏望尊裁俯惠來復之錦字謹啓

謝東先生文集

卷十

十五

答門人裴澹泉中丞

都堂今奏最及本身榮三代之褒封重鎮昔貼
危甫朞月定三藩之保障惟由茂績故受殊
恩大增吾道輝光詎止師門鄭重芹心欲獻駟
使難逢正爾馳情末由宣布茲臨午日又對薰
風豚井鷄埒方榮扉之靜掩靈符綵綬兼錦字
之遙臨不惟舊好不忘抑且念存曲至拜嘉厚
意殊切銘心敢附公郵用將夙具功成一考悵

躬賀之無從違別十年恨心旌之徒抱伏願五
兵常偃幘幘益庇于漁樵百福駢臻勛業茂隆
于海宇某臨楮申謝并祝統復

答門人裴澹泉中丞

伏以蒲龍艾虎方驚節序之重新鴻鴈雙魚忽
奉音書之遠至重以駢蕃之惠益深心骨之銘
恭惟執事一代偉人八閩重望淵源正學文武
全才直聲著六省之名輿論繫三台之望屬者
帝念紀綱特厘方略荆襄多事遠邇弗平邇惟
春初二月方入上庸及今節應稊實修云底績
浙東先生文集卷十 十六 謝新才刊

賀張鳳盤相公冢君捷報

伏以格天翊運元臣隆台鼎之殞勛擢第登
庸哲嗣衍箕裘之上瑞華夷胥慶海宇均懽恭
惟閣下三朝耆碩百代偉人精忠允植臣模

正學卓傳聖軌自當國柄克享天心且直
人心恣於飾詐之餘世道迷於眩真之後淫朋
結互正士潛消往事方新流毒未艾賴翁學術
忠義備極淵純故旋轉湧滌咸歸劑量宸衷
嘉悅薄海嚮風方瞻盛世之明良重煥中朝
之日月心勞莫狀任公旦拮据未歷之艱辛功
厚難名擔伊尹阿衡未膺之負荷惟茲勛勞命
世展矣無前故茲麟鳳盈庭蔚然有後矧冢君
才俊夙稱冠世之英多士推崇獨擅掄魁之具
條山五鳳先二妙騫霄漢以呈祥涑水三公更
浙東先生文集卷十 十七 謝新才刊

賀長洲陸誠菴進士

仰惟吾文德學文藻允惟命世之儒英而依附
板援尤切鄙人之私慕向承高誼俯鑒微誠遠
錫龍光允屈龜舍吳門梁苑頓輕千里之遙程

舍弟諸兒共際三生之至幸重辱愛我許結同
盟何緣白首形踪得締青雲伴侶披襟論學必
爲探本窮源執卷評文直欲驅今返古芳辰樂
事同携杖策春風子夜詩篇常對聯床夜雨綢
繆至誼膠漆深情河壩自送文旌 天闕喜傳
捷報陸機才品還推今日之華宗吳地人文更
擅一時之獨步倚門白髮斯慰親心入彀玄珠
咸服士類某仰大賢榮進盛世得人更爲同心
尤切引領一聞歡躍無間形骸弟 神京徒切
瞻天躬賀無由縮地謹將不腆用展積衷幸冀
許東先生文集卷十

十八

許東先生文集

楮遙祝

許東先生文集第十卷終

許東先生文集第十一卷

浚儀 張鹵 召和

祭文

祭 周王殿下文

惟我 周藩今方九世世守中原哲王相繼惟
王殿下紹繼有赫德厚業昌如耕斯獲至孝悅
親因心友弟睦族恤嫻有隆無替且學本身心
性誠樸素宮闈寢宴寢之聲樂游田絕車馬之
馳驚 王門遠瑟琴之干投梁苑陋鄒枚之詞
賦涼風愈下衆競澆漓方賴惟 王爲世作師
豈意一疾輒不遑 帝悲良翰復痛周親
褒卹儀典出格維新群工雲合 優詔星馳往
卽玄宮穆卜有期幽慟思祭西莖我先親荷承
王祭光賁儒紳前乎三日欽承 上命岳牧來
臨禮方行竟後乎三日惟 王相繼睿語瑳篇
牲牲醴幣三日之內事出無前 天子諸侯大
禮相連楮紳邑里萬口喧傳至今犬馬五內錢
刺世戴 天恩同及 睿德卽今域內公卿大
夫士民咸慟令德云徂惟幽于 王其情更倍
憶昔思今心目如在東隣瓜地雖接夷門草野

跡跡父隔塵喧散謀遣真通展哀哀長跪陳辭
雪涕臨風嗚呼龍旗央央仙樂將將 王神陟
降昭格洋洋尚饗

高平縣祭 商帝成湯神文

曰間因歲旱民望已極乃於月之十有六日因
詣廟庭仰伸虔告謂 帝昔以君臨天下桑林
之禱凡以爲民今以 神臨下土當推桑林求
禱之心以濟民艱以益光一方人民廟祀與食
於永世告之明日十七辰刻微雨先施過午雷
雨大作穀穀仍登人民胥悅乃克知神之昭假
歷今古而如一遠之不忘曠萬世而無異明靈
殊賜大荷 神恩剋牲陳詞謹茲申謝伏冀
明神昭垂鑒之

祭城隍文

曰維神司幽縣令司明幽明協德斯福微順應
令某德政不修致干 天譴自冬徂夏亢旱爲
災二麥將枯百穀未播以縣令一人之罪而使
百姓當此酷刑仰悉神心固所不忍伏望明神
轉禍爲福得早降甘霖以遂官民嗷嗷急切之
望則一方顯戴神功而某亦得容省罪修謹矣

謹率僚屬躬伸虔告伏望神慈明昭鑒之

高平祭風雲雷雨文

曰間者以元旱爲災自冬徂夏前此見宿麥稍
存播穀尚遠日復一日猶攸攸有待及歷茲四
月初旬若更遲十日不雨則芒種屆期麥秋將
至而枯不可蘇矣靡草已死穀種未投而秋無
所望矣蠶眠且起而無沃若之桑得以完其簇
矣民愁且疫而苦霖霖之風益以增其困矣况
三晉不遠之災曾經辛酉壬戌之旱枕屍暴骨
剝廬焚野談及往事猶可寒心縣令用爲此懼
乃以月之十二日癸未躬率僚屬矢詞爲壇十
六日丁亥朝夕徒行露禱虔告于我明神壇站
几筵幸我明神俯鑒微誠靈應若響乃于十七
日早夜陰雲四合自子至卯密雨初施而塵襟
以清薄暮復雷電交作自酉至亥急雨如注而
霑濡僅足昭回神化再荷生成緬惟始而亢旱
之底極也非神之遺民神怒以令罪之不可輕
赦旣而霖雨之及時也非令能感神慈以民命
之不可終遺夫縣令有不可赦之罪而神宥之
以開省之路民窮有大可畏之災而神挽之以

成豐稔之休至德神功恩施罔極自茲敢不畏
威時保以祗戴神休謹取良辰仍率僚屬到柱
陳詞仰答神貺伏冀明神昭垂鑒之

祭通政使李槐亭

曰予之於兄相交二十餘年癸卯予出鎮鄉薦
兄尚爲孩童丙辰兄先成進士予方衰疾既而
同通籍 明廷又關情淵黨每訂義盟心猶然
兄弟自筮仕以至九列然宦途日月事事勸
儆忽岐路記嘗與兄約謂他年歸返田園結廬
大河之濱往來儼祀之間與兄日日爲粉榆之

游東先生文集

卷十一

四

李槐亭

杜鵑黍之楚以終老餘年今言猶在耳然兄之
歸已十年予之歸已三年方待兄婚喪事竣與
兄以共成斯盟而兄忽不在矣憶舊論心豈不
悲哉豈不悲哉嗚呼兄乎予嘗爲兄言古人云
蝸角虛名蠅頭微利於此纏綿終成何事丈夫
襟懷自有高致當此回頭胡思畏忌兄今仙游
塵凡脫離想予斯言亦不可易嗚呼兄乎予嘗
爲兄言大河水深二室山好丹梯扁舟逢人問
考覓羽客之丹籙極石壇之瑤草兄今仙游高
識矯矯想予斯言恨應不蚤嗚呼兄乎有子英

英振聲文翰令弟翩翩飛騰霄漢兄今仙游亦
可無憾臨穴告哀有泪如線尚嚮

祭 封一品太夫人楊母段氏文

予於楊門通家四世及予登朝承明謁 帝褒
毅追隨情益無替本營諸君日逐把袂骨肉相
看情同兄弟親炙庭闈後先累歲太君子時貴
極品制壺范彌恪愛勤惕歷相夫持衡堅貞未
嘗教子式穀一無比泥刀尺緝縫以及賓祭必
躬必親不遺巨細予竊心服條書數計欲播人
寰爲時則例一別雲霄晨昏攸繫屢訊魚軒徒

游東先生文集

卷十一

五

李槐亭

凝目皆蘭息風移雲光雲翳忽報計音自蒲達
衛嗚呼夫人襄毅嚴嚴 三朝盛際方召勲庸
伊周偶儼雞鳴之功伊誰之賞嗚呼夫人子姓
森森世美克濟荀讓八龍寶數五桂熊膽之丸
伊誰之劑嗚呼夫人既福厥躬又昌來裔慶衍
源長風光月霽恩祉聲名天壤無敵嗚呼夫人
襄毅爲夫惟時先逝乙亥嘉平玄宮方閉云胡
仙靈旋卽合瘞追惟今昔神魂靡戾慟盡傷心
臨文雪涕尚嚮

祭張少師鳳盤公文

嗚呼我公天挺殊才師程一世首冠三台德學
事功由初迄尾咸正無失光明峻偉 肅皇制
舉迭慎求人公於癸丑錄冠詞臣讀中秘書舉
望日起公輔之期人心切倚館閣 三朝日躋
津要 秘殿溫綸 平臺特召寅清春省黜陟
天曹少宰宗伯幹 國功高 今上知公擢躋
政府千載明良歡騰率土丁丑之春南宮會試
公主文衡斯服清議程文一出頓挽頽風士獲
貞軌世仰宗工壬午之歲公始當國世道人心
新更故章以正祛邪傾否爲泰拮据勵勤整飭
中外遠邇 國朝山西無相公也開先鍾靈昭
曠自公爲相扶正紂曲釐定瑤圖光調玉燭孤
忠介性金石斯確底績成功其孰與較豐功茂
績不止一端自予觀之尤有獨難 肅皇未造
穆廟初時士學詭異道術日滿據要當津成朋
引彙辦駁昌言公獨不畏遂令吾道不落寂空
自今思昔伊誰之功壬午之後癸未之間群孽
縱橫國步汙艱內屏權璫外祛群小 主聖臣
忠潛消默勦廓清世路輔正 皇極自昔迄今
伊誰之力甫克整頓公修宅憂中外驚呼無計

扳留仍期祥禪大竟厥施天故不仁遽乃如斯
公之既歿 皇心震悼祭葬專官接跡于道易
名之典特示優褒一體君臣甚于褒賢英英哲
嗣咸振家聲魁文冠武世篤忠貞 帝寵天錫
云胡不旣人望公深尤爲若未矧公與鹵獨切
交盟悲辛毒慟更倍恒情鹵叨給諫公作編修
道義忠赤始結綢繆天街紫陌邸舍清燈欲言
接耳因臥交肱因事因人確今引古致 主匡
時圖相報補公旣拜相鹵撫恒陽迂愚故慙不
減疎狂旣忤元臣又觸司禮致起群言極力醜
詆公言二者一已佔危矧茲交訌更孰能爲又
嘗有言予誠懦夫白日青天忍見兄誣旣公當
國鹵已還山雲林朝市遠隔人關公過西歸方
申音問公念予情誠爲踰分寧知永訣曾有書
來手筆在眼字字堪哀謂予負國死不瞑目第
一于兄末遂牽復顧鹵何人寧足比數何乃于
公獨辱深取固知吾道行止由天徒負公知至
再惓惓事雖隔生情猶如故自此幽明各求無
負馳辭千里莫究予心太行山高黃河水深嗚
呼哀哉尚饗

祭門人王對南相公令堂太夫人文

嗚呼世有以一身出處而繫天下之安危持服
聖室而爲天下之同悲惟太君之賢與有子如
相公而下母范臣模表著昭垂故天下之人心
爲之繫望如此而自莫知其所爲當相公母韓
太君早世贈公孝廉翁爲繼室求賢而得太君
勤家勞績百責咸貽未幾公亦復卽世卽太君
彌茹艱歷苦爲相公以克盡乎式穀之教者斷
機輟饋尤備極乎古昔賢母之芳規相公出應
五百昌期夢弼之傳一德之伊自始登第卽職
游東先生文集卷十一
論思精忠直節正學雄詞直館 經筵既卽心
以啓沃春卿天部復隨事以匡維一本忠貞挽
世離披 宸衷特契魚水相宜爰立作相台鼎
攸司天下正人君子方企足延頸望轉回世道
之昭明而義形于色潛消默奪尤自有以斥遠
乎赴人負勢幽陰橫肆之魑魅與狐狸是天俾
太君所食乎相公之顯報樂觀相業之方興行
看世道之雍熙且綿綿後祿比于孫枝魁名解
首共萃洪禧胡爲寶婺潛光遽乃如斯一時
朝野以及華夷方切屬於相公之厚望無不驚

碎走告吞聲涕洟 皇心震悼恩禮隆施更切

繾綣輶遠龜著專官西護俾相公以歸申大孝
之純全望相公過及祥禪還 朝以完收格天
振世之成功必無負千載之一時太君之美固
益將藉之以彌光滋大此稽之 天心 帝眷
與中外大小群情固已顯見而足窺幽自辱交
相公得過荷太君推愛子之情以及子同心之
友每起居爲壽渥被恩茲二十年來相關分誼
視彼繫安危而切悲痛之群情尤百千萬倍之
難擬茲踰伏草野世路分岐聞訃哀號恨隔天
涯陳詞遣奠血淚盈願臨文不盡難究之衷旌
惟太君明靈與相公軫念悉垂鑒之尚饗

祭文昌帝君文代邑侯

惟神司文昌之寶籙爲文士之尊崇祠廟相沿
雖遍及于寰宇而學宮昭事尤式重于儀庠每
當科試之期率舉明禋之典某自叨官茲土嘗
備詢于往事知丕倚乎神休在昔弘治正德之
間以迄嘉靖中年之際惟茲儀庠人士尤真才
輩出者碩盈朝華路雲霄後先相望不惟秋闈
春榜聯步于當時亦且勛業文章並名于昭代

柰自癸卯以後恍秋試之無成由已未而來尚
春雷之絕響多歷歲紀漸以陵夷蓋緣人事之
弗修以致神休之莫貺茲者賢科載啓試期將
臨人心父惕于策勉之新地靈更翕于停畜之
父據其氣机時數會當傾否亨屯然振起遭逢
豈直憑乎人事而開先轉泰宜全仗于 神功
伏願大啓英靈弘垂顯佑俾今秋桂籍多登虎
榜之額名來歲臚傳連捷龍墀之甲第文運光
復于往日芳躅繼美于前修此固官師士子臨
文陳告之衷誠非循例如期第仍前之遵行夫

許東先生文集

卷十一

十一

祭王東泉太守文

祭王東泉太守文

嗚呼自某大父暨乃先公道契心交三世攸同
及某之身載及令子復締婚姻世德相倚公德
茂著某知獨真茹素殮恬類俗所珍人藉門閭
公志勢利人尚浮華公乃遠避公性抗直不假
容人錯與予交意氣獨親公性憚煩不好俗廣
每與予酌情欸獨煩晚修家範及祀典儀每問
予言重之不疑壬戌之官特承飲餞把袂論心

情益纏戀公欲仍留予促程迫痛憶斯筵遂成
未隔中渠遣使前日西來命某爲文備銘泉臺
乃知卜葬在季冬月恨羈殊方送不臨穴嗚呼
悲乎曷罄嗚咽謹遣舍弟以及豚兒敬詣靈筵
致奠陳辭伏冀尊靈昭垂鑒之

祭 詰封恭人任氏文

嗚呼恭人臨安右族父有逸德母更賢淑父號
洪竹母郭碩人龍蛇入夢兆於生成不煩姆訓
遠邇宣昭德章義問夫君髫年卓犖穎慧郡守
爲伐俾偕伉儷相夫成學登第入官備嘗辛苦勞
瘁力殫中外相隨歷茲念載聲光無競頌于薄
海靈績愈著雞鳴斷机輿情共倚難老同期豈
期賢德不吊昊天靜好琴瑟修焉斷絃喜善之
報斯謂難知子後夫前能收涕洟與夫君夙
結分義二十年來今昔無替梁園之會曾有約
言方圖杖履西入夷門不謂倉皇值靈之喪驚
悼傷心何能爲狀剖牲酌酒哭向靈帷觀綏慙
勤致我哀詞鼓盆荼苦兒女之情達觀順受君
子攸明堂下不杖堂上不趨無傷父心此更急
手告語夫君叮嚀令子相對几筵殊無已已至

許東先生文集

卷十一

十一

祭王東泉太守文

于維靈安車而來旅櫬而歸哀夫及子萬里無
依行人道路猶共沾衣况乃予心能不歎歎然
而令德令望著自方笄士行之毋樂羊之妻堪
匹若人作范中閨 龍章寵詔光耀虹霓追崇
加贈是後方躋是天意之于維靈視之常人施
報已隔雲泥自宜怡怡含笑于魂返鄉園而無
更或有憾于存忘去住造物者氣數之難齊也
嗚呼靈其信然乎哉

許東先生文集第十二卷

神道碑

浚儀 張鹵 召和

勅封監察御史雙松王公神道碑

士有風遭阨危備歷艱苦而能挺身成德以丕
顯於世詎非丈夫之偉行哉亦所以光先烈而
篤 國祚於鑠哉其開天啓祚 洪武諸臣之
裔乎即公可以觀矣公姓王氏諱世學字德芹
別號雙松其先廬州合肥人也始祖曰勝者勝
國末我 太祖高皇帝龍飛淮甸時首率眾歸
附 高皇帝喜以爲忠烈翊運元帥晉封太原
侯世祀忠臣廟弟俊猷授帳前提兵千戶歷雲
南都司都指揮使繼以克平雲南功授世襲雲
南左衛指揮使俊生信猷授調掌臨安衛印因
家焉信生璣璣四子曰昱者其第四子也昱生
鎰鎰生纓配萬氏生公公生而天資穎敏氣宇
爽朗言論英發嬰兒時即有大人之度與人處
不涉町畦交財利不較銖兩衆奇而異之甫八
歲喪父越三日喪母與繼曾祖母牛氏祖母朱
氏相依爲命牛朱二母亦繼歿噫所遇亦太艱

雖矣公雖形影相吊能卓然有立卽一步起一
話言動靜必屹屹思所以自奮于荼毒坎壈之
中百戶阮君見而大奇異之曰此兒其異日吾
滇南人物之名流乎以女妻之既長讀書務觀
大意亦不嗜舉子業性喜作書古人字畫心法
之妙能心契之在族黨州閭無不樂公之灑落
胸襟金石信義能爲人排難解分恤患急難者
翕如也或謂公才德宜用世不則卽援例拜官
亦可小試于一方公曰吾患無才德能關于世
耳則吾子有成可代施于異日固卽吾之所以
報吾君也何必已出乃爲用世乎自是開塾
隆師嚴課其子廣結善類以力挽頹俗補通衢
斷石得遺珠一封其家方大變也完封歸之寓
會城道得遺金知爲完官稅者歸其妻以活其
夫鄉人有病困逆旅而無其資公計其費而歸
之東關坊下有遠商瘡歿公捐資殯之貸銀錢
無力償者捐之更不持左券以責人逃亡未復
必多方招徠仍貸之貲以安其業種種善行聲
稱遍滿滇南孰謂郭元振之風聲獨擅于三吳
哉以故子恩民登隆慶戊辰進士予時爲會試

同考試官得其卷亟薦爲本房異等裏登上第
嗣徵爲材御史封公如其官晉湖廣右叅議又
晉封公監察御史加四品服時人皆榮公爲金
紫御史以爲異數且出而有爲仕楚能力抗權
奸而楚人稱之仕豫人感其翕河茂績後先未
之能逮且駸駸要津方隆未艾公所齋用世之
志亦可謂大見發明矣又信公向謂有子可代
施之言如持左券云公樂有子有成能如其志
優游樂善之誠老歲充篤主鄉飲大賓者三萬
曆十五年八月七日終于正寢距生正德八年
正月二十三日年七十有五配阮氏封太恭人
貞淑懿惠與公媿德自結髮以至偕老相敬如
賓今且壽康未艾子男四某配某氏某配某氏
次卽恩民見官貴州布政使司左叅政配周氏
封恭人餘某配某氏女若干壻某某孫男若干
某娶某氏廷對萬曆辛卯舉人大受之器繼乃
父而興起者要高氏餘某娶某氏女若干壻某
某叅伯公遷秩如貴竹將行過儀謁予而言曰
先考于萬曆十六年九月二十六日塋天堂山
先兆尚缺隱首之石專俟吾師惠之言先考暨

王氏子子孫孫當世戴明德于無替幽惟有

高皇帝既開天正位于當時翊運元勛保有其

士于四方以克定厥家河山帶礪之盟彌遠彌

篤而諸臣之裔如王氏者又能修德動天保世

滋大猷芳振藻以文武功能大顯于時與國咸

休焉豈非 昭代之盛美乎是則可書而銘也

銘曰公承世閥肇始雲南臨安載嗣其傳已三

及公之生傳業已六顯世亢宗云乎不淑年方

齟齬連失所天公能強志振起顛連襟期灑落

慷慨大度和衷同人肺肝畢露流風息競邑里

濟東先生文集卷十

歸仁施于有政孝友君陳金珠委道不取伊誰

公之貞心正見于斯修路還珠完稅歸金因活

人命足感天心惟公茂德惟天介祉諸福後祿

昭公全履篤生令子繼以哲孫繼序其皇聚美

一門天堂之山有豐其碑於萬斯年視我銘辭

忠臣奕世 皇祖之思

誥贈嘉議大夫太常寺卿德壽劉公暨配

淑人向氏墓表

楚有隱君子曰德壽劉公荆之夷陵州人也諱

漢字某德壽者郡人哀公之歿僉議以爲公私

謚公生而才幼卽雅好書史耻以抱牋挾藝與

章縫士校得失于繩尺之場惟隨意所向博觀

覽以自娛慨習俗禮教湮廢飭躬泣事必以禮

自度生甫十年喪父又九年喪母時雖孺獨無

以自立九衣衾棺歛之具莫虞祥禪之節舉惟

禮是式弟淮少公六歲朝夕訓之必曰人之異

于禽獸中國之異于夷狄禮也失是奚別焉况

吾與汝齡塤遺孤所共求以無忝式穀之訓者

于此尤宜詳慎故自就外傳以迄冠娶與淮並

立偕成率必度而行無少失夷艱難勤約中致

濟東先生文集卷十

家有餘貲俾淮市賈于蜀淮乃盡喪其貲留蜀

不歸公自往歸之仍百方勸諭以釋其愆人或

語及淮亡貲事公曰俾淮遠服賈者正爲吾兄

弟衣食計也幸吾弟無恙貲何足惜怡然相守

終身竟無一言之間一色之違姑孟劉適郡人

冉雲雲仕至兗州府同知無嗣而卒乃迎發姑

歸養之曲盡敬承且襄其葬事季父永澄病革

有子曰滄甫四歲曰江三歲乃泣指其二子以

屬公曰我死而能使二子不夭者恃有吾侄在

也公跪泣諾盡出已

養育養二子成

立由孩提以及婚娶一無差等子淮曰必如是庶可報吾叔于地下母王孺人早逝有幼弟名崇道暨崇岱年皆甚少于公公年踰八十猶恪執甥舅之禮不敢忽易人每以公高年勸止之公曰見舅即見吾母也每語畢輒泣數行下遇公家徵稅必先郡人早輸雖居暗室聞郡大夫及郡倖諸君過必起身端立俟及越巷乃已一田與豪右者隣數苦腴削竟不一白或問其故公曰天自有定時我何忍爲是促促然以口吻爭耶凡此雖郡中小夫婦人皆習於頌述公德

許東先生文集

卷十

六

必潔遇績紉女紅中饋悉詣精巧他婦爭相效法課二子讀書尤備極勞瘁後子以德學名家孫登第太淑人樂觀厥成贈公生某年某月某日卒某年某月某日年八十有三太淑人某年某月某日卒某年某月某日年八十有四子男二長大賓世號碧川先生以明經貢于廷辭官不仕以子一儒貴累封嘉議大夫太常寺卿次大賢孫男三長卽一儒子友也與予同舉已未進士今官嘉議大夫太常寺卿故贈公及太淑人皆以吾友奉常奏績推恩二代贈以今稱一卿業儒一相早卒女二曾孫男二女二贈公與太淑人之歿卜葬某地之原垂若干年當時誄志與近日督學憲使姚公崇祀公爲鄉賢諸所移文已備美其稱述矣歲壬申先祿復以墓表見屬且曰斯文儒固萬不敢以泛托也幽惟天地窮陰寒沍之陽生則必至於貫金石塞天地君子幽貞積累之行成則必至於格神明關世教而裕耒耜若贈公德修而妃偕而家宜家宜而邦國潛化至于碧川公可大發其積矣乃復自嗇其施益隆翕聚至吾友始敷施

許東先生文集

卷十

七

其長發之祥而吾友又以行誼文學表著自吏部司勳司封司功大夫以至今秩尤事赫奕然係公輔之望則贈公所以格神明關世教而裕來裔者不益駁大駁隆彌延而爲未艾之報乎是公之夫婦行成于幽貞而大食其顯報固如此故予衰病之餘經今又六年始得爲文以揭表于公墓敢附此迂談以補諸家稱述所未盡之意予以勵人心明天道云

墓表
贈監察御史立菴劉公暨配太孺人王氏

海東先生文集

卷十

八

才

公姓劉氏諱守志字良心號立菴其先山東益都人也勝國末避兵家上蔡明興洪武初有高祖鐸以人才辟任應天府通判祖洋成化庚子領鄉薦任山西臨晉尹洋生桓娶高氏生子男三長守忠次守恕次公俱始髫髻值劉氏中衰而桓復蚤世繼以正德初淮蔡間流賊攻掠城邑公以孤孀母子寄命他方比歸舊業蕩空益盡時年甫十餘卽能量力營食每有粟數十里外供母及兄又能極言儆惕最兄忠告志以成其學忠嘗感危疾公忻夕露禱垂涕泣而懇

之醫醫爲歎服曰不知世之友愛有能象如劉三郎者乎忠疾頓愈尋補邑庠諸生率爲名士母亦樂其子之孝弟而忘其貧公尤精日者術縣大夫辟補官生之缺甫十日以遇事忤大夫意致侵辱之乃歎曰丈夫不能現落自奮胡役役此爲卽日投牒去竟不爲屈乃放情散逸家無長物歲惟釀黍數十石任沽者離直不爲之校且平生信義遇衆中搶攘膠葛弟以一言處分雖頻年不決之訟牒無不立解且亦無不樂從而敬事之偶病肺經年且革顧侍御君時方八歲與一弟方離襁褓乃慷慨悲歌鄧伯道棄子留侄之歌蓋以保育遺孤望其兩兄聞者皆爲泣下公清姿秀眉神識暢朗伎藝咸精其事親生盡孝歿盡禮友愛其兄皆世之鮮見匹儔而顧不登于上壽論者固不能無憾于天道乎王太孺人者父籍舉明經祖吉仕鳳翔府通判世號清節公母周氏尤出蔡世族明習經書太孺人淵源所自性行端貞雖歸值劉氏之衰恒夫婦相禮如賓雞鳴勸褻無一少懈姑高氏暮齡尤多依幼子能畢得其歡心立菴嘗醉遺金

憶曾爲人解毆必毆者所寓倡優之主人太孺
人力勸使勿亟勿執頓之金獲自他所仍卽令
馳白其人得輒消他彙公卒太孺人市簪珥衣
物管理醫學已家徒四壁復盡租所守瘠田三
十畝而探受三年之值以治棺斂營喪會適其
幼子亦夭至此始確有悟于殉夫易而保孤難
乃忍死安貧以冀延劉氏侍御君就外傳每爲
手指字畫口授句讀分紉績之燈供其夜讀一
日見其戲以蜂蠶置几上給不知者捫之輒戒
之曰君子以仁存心事無大小試思古之人埋
許東先生文集卷十下
雙頭蛇者何心吾不願兒之有此戲此與解遺
金數語其師心獨見皆哲士之能也賢矣哉賢
矣賢哉居常母子衣食與讀書資費惟操女紅
井臼自給雖同袍兄弟亦祗歲時闢門一見有
鄰媪者嘗以家貧子幼語諷之而將有所云太
孺人大罵曰貧苦我自爲之不于汝汝安得
汙人以狗彘之行叱而絕之媪雖耻辱瀕死猶
心服孺人貞志眞嚴霜烈日之爲操自是十有
六年而侍御君舉于鄉又七年隆慶戊辰登進
士第卽以孺人之節疏請于 朝宁嘗許其疏

誠懇悲惻當與李令伯陳情之語同而令伯之
母又當爲太孺人含愧于九原矣 穆皇帝嘉
納爲樹闕表門繼以侍御君推太原考最在御
史時 覃恩歷贈公今官加太孺人以今封太
孺人猶得觀成就養與侍御君相隨中外者十
有四年天之報德真如持左券云公生弘治乙
丑二月二日卒嘉靖丙午五月十日年四十有
二太孺人生弘治甲子三月十五日卒萬曆癸
未十二月十七日年八十明年甲申 月 日
合塋城北先兆子男一光國卽侍御君予禮闈
所舉士娶梁氏繼娶吳氏俱早卒贈封皆孺人
孫男三錫震錫胤錫祚女三長適庠生王愛民
餘未字侍御君既襄事乃遠謁予爲表諸隧首
之石自予交待侍御君二十年而汝南朋舊嘗爲
予備言立菴與太孺人之行且曰以世家子而
中阨賤貧人皆爲苦其不足甚矣在立菴動惟
援絲竹發謳歌迫然若身享萬鍾而自視則無
不足處貧困孤孀一無可資依存立人皆爲難
之甚矣在太孺人則愈眞愈勵曾不少見其難
是何居而頓異乎恒情如此予曰此正公與太

孺人之所以得也惟無不足故公能名行之各
惟無難故太孺人尤能全其節以克成其子爲
國楨臣完報其夫以劉氏之業保世滋大而獨
擅美乎人情之所難蓋志定則可穿金石而泣
鬼神意足則能齊死生而忘得喪彼求足無厭
而渝節之士飾不可爲也遇難而止故懷二心
之臣不可掩也嗚呼是又不因公夫婦而益窮
節義之真源也哉

誥封太恭人先妣雷氏行述

先妣姓雷氏戶部主事公啓東之長女臨城教
諭公文之長孫女也母杜氏以弘治十四年辛
酉七月二十四日生先妣卽以行諱初臨城公
與先曾大夫皆以齒德官爲吾邑大老戶部公
與先大夫光祿公又締交莫逆乙丑戶部公舉
進士先大夫爲舉人先君年始八歲先妣始四
歲遂爲婚姻時戶部公方繼郟城臨朐令所至
皆從臨城公見先妣貞慧殊常愛之曰吾兒女
士也昕夕置諸膝以孝經小學女訓諸書親爲
口授且字句逐爲講解後先妣每舉以教不肖
猶習熟若經生後隨戶部公官京師卽能任家

務及歸田每爲庶長子動善飲好俠憂先妣于
凡可寬公之憂而代其事者皆力爲之戶部公
喜曰天若福吾家使以此女爲男當復何憾正
德辛巳先大父以刑部郎遷四川憲使過家先
妣歸于我先大母王淑人旣卒繼大母孔氏叔
母劉氏亦歸我卽隨先大父如蜀獨先君先妣
留家先妣力任家務佐先君專志于學且當時
逆勢難能辨內外井井痛入門弗及事姑歲時
祀王大母祠墓必躬自治具哭之盡哀蜀道雖
難歲必一寄衣履爲先大父大母壽祖姑母四
人值俱貧各往來饋問資以衣食仍有表姑親
屬爲先大父任以兼攝家務者皆善以恩禮閑
之俾不得一有間言嘉靖癸未夏夢明星墜于
懷至六月十五日不肖鹵生疾病貼危至四五
歲時無少間先妣恩勤勞瘁亦不知晝夜者四
年餘先大父嘗勞之曰婦持家誠勩極矣其生
全此兒尤有功于吾家甚大大父自蜀歸視其
四年間出入盈縮雖以瘠田薄產反積有餘食
問其故乃自用惟取諸嫁時之衣與先君共勵
勤約雖尺布粒粟不妄費大父心奇之自叔父

母西歸家務一以屬之惟以孝養翁姑爲已

凡大父一日間自早膳食以至晚夜及孔太母所嗜食物無不親爲辨具每食上大父知爲先妣所自治始食之安以至四時衣履皆然脫或間有不得自爲大父有問侍婢亦必假先妣應之始已巳丑冬一疾甚篤先外祖父母迎視于家記一日抱不肖謂外祖父母泣曰自吾爲張氏婦功勞惟靠此兒幸善視有成庶他日好面吾翁姑于地下不肖時在幼穉祇知以母病爲悲不知後思其言之更可悲也尋忽愈人皆以爲善德之報若再生然及不肖識之無每夜初必先炷香于盤以識夜刻早晚置燈一藥命不肖讀書其下先妣爲女工于旁除六月大暑餘日皆丙夜一日夜不肖讀孟子書至五十者可

許東先生文集

卷十二

十四

十

其陰遭閔侮在人情殊甚不堪皆畧不與校

午先君携先妣與不肖隨先大父任轄關中于先太父太母前益殫孝誠丙申先大父致政歸戊戌卽寢疾竭力侍奉連歲如一日壬寅夏五月疾愈篤時雨水浹旬竈皆產蛙先妣率不肖新婦劉氏卽于寢屋爲竈煮湯藥辦具迎醫目不交睫者二十餘晝夜時弟高在孕衆謂女人四十而孕者宜倍攝護何太自勞斃如此先妣泣曰翁疾不起已身且不欲生顧更計此耶是月二十九先大父卒月餘先妣以哀號勞瘁忽崩血幾數斗甚瀕危至七月三日弟高生人尤以爲孝德之報癸卯秋不肖舉於鄉先妣恨大父不及一見同先君慟號于殯次幾絕癸丑亡妻早世三子一女皆拊摩養育有成丙辰先君卒至脫簪珥以營塋具杜門屏居三年嚴飭惕勵恐墜簞家已未不肖舉進士授婺源令過家至十一月孔太母感舊疾卒不肖以嫡孫承重先妣大謂曰爾父未完之子職盡以付兒未亡人未盡之婦道是誠在我今日事誓盡期與王母同及襄事人皆頌服自壬申至此不十

許東先生文集

卷十二

十五

十

餘年間先妣共先君爲三年之喪者一并不肖
爲三年之喪者二癸卯又助先舅汝澄以襄父
戶部公之喪辛亥代襄無嗣弟先舅汝澄之喪
已未自營棺斂以襄母杜孺人之喪誠淚盡繼
之以血矣猶事必盡禮于相內之職無少弛懈
先後爲不肖家婦婚喪送故迎新與弟高及三
孫子長孫女婚嫁六禮之儀皆出手辦貧家稍
至垂成其一器一具一瓦一椽皆厘節籌畫服
除補高平令先妣同往動必以清白艱貞朝夕
訓迪又謂不肖曰人所知者兒登科任官之榮

許東先生文集

卷十

十一

至于憂苦中母子相對之心惟鬼神知之兒慎
勿少渝此心以徇人則更不待老身事爲之戒
自不肖徵入諫垣六年更不欲往辛未五月不
肖以右通政陳情歸省 詔許之歸值先妣壽
辰先妣翟冠霞帔不肖冒叨金紫 誥制龍章
在上縉紳贈言滿堂親賓稱觴滿座一門母子
兄弟子姓相聚于華筵欄絲之間縉紳里人皆
爭羨爲希濶榮遇事先妣當一飯一酌必命不
肖以報答君父祖宗爲囑先妣平生貞惠明哲
有烈丈夫所不如恭儉孝誠出于天性念念作

許東先生文集

卷十

十一

善常若神明在臨使先大夫得順養于老孔
母得遂心于寡先君自爲諸生貢于 明廷歸
老林壑終身一無內顧而德學著聞事任其勞
產取其薄以得終全和好于妯娌兄弟皆非他
人所能先君好施予先妣重其一諾至捐所愛
服飾以資給助亦竟無一色之違嘗有一士人
貧者爲其父事急貸于先君先君徬徨無所措
先妣乃解所佩銀三事畀之先君顧難之乃曰
此雖少許然彼之急貸必并此亦無君既啗之
胡可失信倘人急可濟尤勝已服飾君何異焉
仁孝所推三族共賴之每家祭畢必祭外祖父
母歲以爲常教諸子孫婦一如古人內則之訓
無少失爽不肖宦京師時每近邑別業秋成卽
早起率老媪數人出備粗糲常食同農婦行立
風日中摘拾木綿竟日方歸已則除自留紡織
餘以分給諸婦爲之自九月初卽杼柚不空每
隔年計衣常有餘布遇家衆雖嚴至于藏獲衣
食必以時先給惟恐失所燕享外未嘗兼味以
食命服外未嘗完帛以私疾病外針線刀尺未
嘗一日離手不肖兄弟及諸孫嘗勸止之乃曰

吾在閨閣時親見吾雷氏祖臨城公親聞吾張氏祖大中公二祖年皆已九十餘曾未爲一日逸樂一事放恣及筭歸見吾翁與夫莫不皆然故前時家皆殷富人多壽考今人家後生子動以逸樂放縱甘之如飴不知世俗何乃一變至此人若自絕于天天肯佑之耶此數言數事親交里人傳頌甚習至是見不肖稍成立先妣得少食有子之報莫不舉其事與言爭相效法以爲作婦者程式焉以故先後制勅褒嘉有曰既明且哲實儉與慈開圖史之令儀備言容之淑範相夫從學而德音不遠教子成名而官箴申誡有曰婉孌貞淑允宜厥家婦儀已懋于從夫母範益昭于訓子語皆實錄也明年壬申三月迎先妣至南京見宦所泊然喜曰兒以一介書生致身九卿且居都堂重地必常守清節披瀝血誠以報君父則天錫之福又曰第觀吾家祖宗及爾父所以得天則天不虧人固昭如左券數思北歸至八月十二日始克行不肖送之渡江舟中又顧謂曰兒在外宜寬心我尚健且善飯乃兒所親見慎勿以我爲念又曰兒作官事無更

庸我言但遇事務從容待人務包涵任人可遠怨兒宜記之又指長孫女同行者曰我爲兒女子事有最關心不然豈遽思歸致兒難別如此遂投泪相別以是月念五日抵家投至兒永恩轉回報至南不肖已聞改巡撫浙江之命乃星夜急圖北歸仍冀一申省覲即奉迎如浙連遣使馳報于家十月十日南使至先妣喜甚即謂弟嵩急易黍爲酒治具以待兒歸是夜半忽呼侍婢索飲湯語言輒亂弟嵩與家衆驚起環侍十一日卯時即無疾終于正寢不肖于十三日發南京十五日夜次滁州四鼓得訃報一痛即絕次日將晡始蘇念五日奔喪至家悲乎悲乎先妣已背棄我不肖兄弟沒耶自先妣歸我張氏勤勞困苦三十餘年鞠育不肖兄弟成人皆出九死一生視人間之父母恩勤更倍茲祿養方綏輒復棄背且若使宦所稍留月餘則不肖即得奉棺飲于南使母歸稍待十日則不肖即得奉棺飲于家乃以奔走浮名瞬忽分舍即生死別離使非賴弟嵩能于倉皇中經營終事庶無缺悔則有兒如不肖者將焉用之既奔歸

徒日夜扳號五內屠裂竟何能少贖不孝終天之罪乃勉圖襄事卜萬曆元年十一月八日啓先君中丞公之兆祔焉先妣享年七十有二不肖任禮科給事中時先帝覃恩中外封爲太孺人任兵科都給事中時先帝加恩近臣再封爲太孺人任南京都察院僉都御史時今上嗣登大寶覃恩晉封爲太恭人茲計聞又欽蒙聖恩遣官臨祭皆異數也生三子鹵卽長娶劉氏贈恭人繼郭氏封恭人次穎早夭次卽高邑庠廩生娶王氏孫男五末恩娶宋氏末恩娶李氏永吉娶孫氏俱邑庠生末譽聘王氏文苞尚幼女三一適王得仁庠生一字父生一字曹治定曾孫男一壽孫女二京姐都姐俱尚幼不肖當此荒迷言自不倫謹濡血狀次所知見于先妣言行大凡將以乞銘于當世立言鉅公中獨詳哀苦之情用竝示來裔

許東先生文集第十三卷

傳

浚儀 張鹵 召和

何文定公傳

公諱瑋字粹夫世號爲栢齋先生其先楊州如臯人洪武初有忠一者以總旗從天兵地定中原歷河南懷慶衛編管三傳至森配劉氏以成化甲午十月二十九日生公于武陟縣千秋鄉屯舍公生而端凝不事嬉戲人謂爲癡兒七歲時入郡城忽見其家有彌勒佛塑像乃抗言請去之人皆大駭十歲讀書十九歲爲郡庠生必期以聖賢之學爲學嘗曰許文正薛文清二先生世未遠而居又甚于此忘所師法學其謂何故一言一行必求聞于父老力索于遺書有得則欣然忘寢食而從之弘治辛酉河南發解第一壬戌登進士第改翰林庶吉士嘗爲閣試克已復禮爲仁論有曰仁者人也禮則人之元氣而已見侵于風寒暑濕者也能無爲邪氣所勝則元氣復元氣復而其人成矣識者謂可與程明道顏子所好何學論相比方成化以前文

章以懷麓堂爲宗匠至是人頗厭其纖靡而競爲復古之業公曰文章不逮古昔固爲要切而人心尤甚乃獨務已舊所謂學以要其必至甲子授編修丙寅 毅皇帝踐阼公因新政抗疏乞復史職不報戊辰同考會試已巳 孝廟實錄成晉修撰時逆瑾煽宦列焰如焚日瑾贈川扇于諸翰林諸翰林有入而跪見者公獨長揖瑾怒亦不以贈頃之受贈者復相跪謝公傍正色曰何跪而又跪也瑾大怒詰其姓名公自前對曰修撰何塘公知必不爲瑾所容乃東疏謝病得許東先生文集卷十三

京太常寺少卿時甘泉湛公若水爲祭酒香東郭公維藩爲司業公力與修明古大學之法其贈香東之言曰古之君子何爲而學也以修齊治平而學也則當務之急固在身如何而修家如何而齊國如何而治天下如何而平細而言語威儀大而禮樂刑政此物之當格而不可後焉者也博學而審問焉慎思而明辨焉一旦卓有定見則所謂物格而知至矣由是而發之以誠主之以正然而身不修家不齊未之有也大學之道如是而已矣至究其本原爲性命形於著述爲文章固非二道特其緩急先後各有次第不可紊耳今之君子不察乎此刻意詩文則曰立言不朽此豪傑之所以名當時而傳後世也留心性命則曰無極二五窮神知化此大儒之所繼往聖而開來學也至有僞起捷徑之學者則又曰理出於心心存則萬理備吾道一貫此聖人之極致也奚事外求噫爲是論者皆天下豪傑之士也吾豈敢謂其不然哉特恐其修齊治平之道反有所略則所學非所用所用非所學於古人之道不免差矣又贈兵侍陳公有

曰嘉靖改元石峯先生以右副都御史巡撫江西明年改南京大理寺卿又明年改南京兵侍予于是有感焉古稱才難全才尤不易得唐虞之際命官九人固皆極天下之選也然而典禮樂掌教掌刑皆父于其職有終身不易者豈非以其才性各有所長職業各有所習兼全之難故也至于內摠百揆出總六師土地山澤無所不掌惟禹益爲然全才之不易得如此近日當道用人司錢穀者未久復改之與刑獄職風紀者未久復改之司民牧計資遇缺而遷初不問其

海東先生文集

卷十三

四

所長所習無乃以全才待天下士乎其意良厚矣所慮全才不可多得用違其長則王良操弧伯翳執轡非惟無成且以敗事是故不可不深長思云時人稱爲留京兩篇文字丁亥晉本寺正卿再晉南京工部右侍郎奏革神帛堂各官監機戶夫匠料銀歲省以數萬計改工部未幾改戶部時倫菴梁公材爲大司徒二公一時冰蘖清操真足以廉頑立懦官府舊習積敝皆湔礪無餘再改禮部再謝病歸遂爲終焉之計會御史毛鳳韶等累疏乞留略謂斯人不可

使一日去國詔許在京調理又晉南京都察院右都御史掌院事竟不復就是時南有王陽明北有許函谷皆以道學爭名于時而公獨默如日事二親躬營菽水率其家之子姓及鄉閭後生以修孝弟忠信一介非義取與不入于衡茅雖其茅屋數間僅可以蔽風雨薄田百畝不足以供餽粥而日與其父母妻孥熙怡順適道然若廣厦萬鍾而不復知世間之有榮貴兩執親喪皆哀毀瀕死數四若不能更生居常非涉日用躬行者絕不形于言議門人有問太極陰

海東先生文集

卷十三

五

陽之說者曰只以伏羲八卦橫圖監而觀之則易之所謂太極動靜之所謂有常更易簡可見而周子可無事于圖矣有問律呂之說者曰只以舜典詩言志歌永言聲依永律和聲十二字而驗于今俗樂之詞曲與唱詞曲及唱詞曲時必吹竹彈絲相應與夫宮尺上工合四爲板眼之遺法以求之至明白可見而蔡氏可無事于新書矣有問一貫約禮之說者曰儒者未得將夏之十一而議論卽過顏曾以聖賢心法爲初學口耳此道聽塗說之最可惡者門人婁樞王

西星嘗請梓公文錄公曰其可聖賢之道昭在六籍如日星後學愧不能知而行之自宋以來儒者之論方苦太多此吾之所深懼也故惟均役均糧二論家譜家訓二篇儒學醫學管見皆切關世務者門人因得哀集之有贊公者先生真可謂銖視軒冕塵視金王者公曰此後世儒者輕世傲物之論也金玉自是金玉如何塵視得軒冕自是軒冕如何銖視得此何異于老莊芻狗飄瓦西星輩曰如是孔子何以謂富貴如浮雲曰不義富且貴於我如浮雲浮雲在不義

浙東先生文集

卷十三

六

不在富貴也家居十餘年薦揚者二十餘疏嘉靖二十二年九月二十六日夜半有星隕于郡城西流光如晝是夜公疾革至二十九日卒年七十計聞詔賜祭墓其易名追贈之典當塗者托言公清苦當以恤後為急竟致弗果隆慶初詔言官舉先朝應得恤典諸臣鹵時叨官諫垣乃冒昧上章特為公請給贈謚其略云陛下欲挽斯世頹薄之風而示斯人以切實之學當于塘有賴上方素重公名乃特恩賜謚文定贈禮部尚書士林稱大

快謂公之艱貞退讓之心與朝廷追錄褒崇之正始為兩盡云論曰鹵兒時嘗聞諸先正

有言明興二百年惟河東薛文清公為篤行醇儒然而克守文清之典刑者粹夫也及仕遊兩京更聞士大夫公論品評與疇昔無異又聞中林公對山嘗數為鹵言當栢齋時以講學名者皆務為高論以爭相陵駕人惟見栢齋不言而躬行則俛首退讓及關中馬公谿田却謂公致政家居時東南學者因象山慈湖之學入于達磨之門更相傳習公力距而闢之夫在對山則謂公之高正在于無言在谿田則謂公之功不待于有言以此觀之若吾人實行不修而徒喋喋然與人以角是非同異之辨誠多言矣哉多言矣哉

浙東先生文集

卷十三

七

少保王肅敏公傳

公諱廷相字子衡別號平厓又號浚川世但稱為浚川先生河南儀封人也先世自潞來家于此父增而上皆隱跡弗耀母田氏以成化十年十月二十五日生公七歲時從群兒入書肆邑人前進士田鑑見其異之曰此公輔弼也十三

補邑庠生卽以能古文詩賦名弘治八年二十
一舉于鄉十五年登進士第改翰林庶吉士授
兵科給事中時 明興已百餘年文章尚讓于
古昔至此 孝皇極治海內又安公與大梁李
夢陽信陽何景明武公康海東吳徐緒鄧杜王
九思相以古文倡而成化以前纖弱靡麗之習
一爲不變公尤乃究心 國家興竟時政機宜
聖學矩矱期以需獻納以正學術爲諸家所推
重戊辰謫亳州判識薛惠于稠人中親授以成
其學一時大江南北人士皆翕然不應去毫晉

許東先生文集

卷十三

八

高淳知縣尋 賜環復晉監察御史出按陝西
時權閹廖鐸方出鎮守殿削無度三輔如苦倒
縣公嚴禁裁抑之先是公督學北畿權閹又有
三王二劉者以納賄干及學政公引使者于庭
焚其書至是鐸誣奏公二人協力相構逮繫
詔獄九卿六科十三道少保吏部尚書楊一清
都給事中李鐸監察御史平世用等皆抗疏論
救已謫贛榆縣丞再晉寧國知縣歷松江府同
知四川提學僉事山東提學副使自御史歷茲
蓋三督學政皆正學術嚴考校在川蜀時會何

公景明督學關陝乃以境地相接職任意見相
同共約爲條教行之至今士大夫談及明經養
士之法皆遵爲成軌嘉靖癸未晉湖廣按察使
數決疑獄平李見冠亂甲申以山東右布政使
居母憂著喪禮備纂成丁亥晉副都御史巡撫
四川夷沙保向信猖獗三巴震撼公悉剿平捷
聞有金絲幣之 賜戊子己丑間 朝廷銳意
籌邊及嚴核 官府冗冒公以兵部右侍郎督
修邊工以左侍郎清查騰驤四衛勇士邊腹
官府賴之庚寅晉南京兵部尚書叅贊机務其

許東先生文集

卷十三

九

內外守備各監局科剋役占諸弊盡除又謂
祖宗根本重地守備重權不宜久屬魏國專司
請如各處文武官推代 上嘉納之更置推代
自公奏入始越三年 召公爲都察院左都御
史掌院事仍晉加兵部尚書提督十二團營尤
以澄清天下爲已任申飭憲綱條格奏布中外
營務悉頓改觀 肅皇帝忽諭群臣欲令 太
子監國以頤養 聖躬人心錯愕不知所出公
奏 太子春秋方幼知思未普一旦御事恐事
失分別且壅蔽將自此而生後雖覺無及疏入

其事報罷尋加 太子太保賜王帶御史馮恩
極論吏部尚書汪鋹貪鄙狀 上怒詰之所司
引上言大臣德政律擬死公疏其律義救辨之
以伸臺諫敢言之氣 上將南幸承天公累疏
懇留 上皆以溫旨慰答即命公輔行掌軍務
及行在兵部都察院事沿途日侍 帷幄恭和
聖製詩篇賞賚綢疊一日 上問沿途勞費公
具以實對裁省甚多行在九年考滿又有玉帶
廐馬之 賜辛丑朔國公郭勛既伏罪上因詰
責其曾領營 勅遲以勅連公名罷歸一入鄉
園日惟以圖史耕漁自適絕口不及世事至甲
辰九月七日卒于家年七十有一公長幹豐願
英神秀發事親孝居喪哀毀踰禮其所躬行儀
節遂化衆成俗視弟廷梧極其友愛位九卿時
常奉所賜金貽梧曰吾親嘗慮季無營今有此
恨親不及見也兄弟輒相對泣下一子旒泊梧
雖公甚愛之皆布衣以至垂老所親嘗間以爲
請公曰以吾之竊厚祿而載高位亦足庇弟與
子矣吾弟與兒學既無成復強爲冒取 朝廷
名器其將謂何與人處凡可成人濟人事無不

爲之而一不自以爲德故人心極其傾慕至乎
一字許可必慎一介取予必謹惟好集書冊多
至萬餘卷公在位時嘗一士人乃故宦之子特
其家藏宋儒真希元氏所親筆點竄詩傳貽公
公見而詫曰此汝父所珍藏以遺汝者今汝貽
而吾受則在汝爲不孝在我爲不義其可亟謝
而還之君子謂即公所好雖一書之贈必嚴辨
如此宜其平生不更知苞苴金帛之爲何事者
家人業產向不一念及之在官一於儉素居家
四時疎布常服朝夕飲饌惟菜羹蔬食數孟未
撤即置書冊于傍既老歸田猶于諸生時無異
歷事 三朝以忠誠不欺爲本讀古人書殆盡
惟以身心體驗爲自得凡有益國事有補聖學
雖負天下之謗不恤不則即可以致譽不爲諸
所論著如 肅廟初建稱親之議諸臣方始如
聚訟故相張文忠公引公所嘗著漢哀帝追尊
恭皇論一子不爲人後嫡子不爲人後與夫諸
侯入承大統者有三義有繼統者有繼體者有
繼與者宋英宗已親育之如子焉是曰繼體漢
宣帝以母后大臣之議帝崩之久而後立是曰

繼統光武國祀已絕崛起民間以返漢祚是曰繼興英宗以國有餘子嗣其父尊之而祀於國可也宣帝雖能考乎親而不尊則失之疎光武假宣元而奉之雖考南頓君而不帝則失之謬之說以證之而大禮尋定自世儒轉相傳襲爲致良知之說而或幾以禪定亂德公乃力辨之謂嬰兒在胞中自能飲食出胞時便能視聽此天性之知神化之不容已者自餘因習而知因悟而知因過而知因疑而知皆人道之知也父母兄弟之親亦積習稔熟然耳何以故使父母生之孩提而乞諸他人養之長而惟知所養者爲親塗而遇諸父母視之則常人焉耳可以侮可以罵也此可謂天性之知乎由父子之親觀之則萬物萬事之知皆因習因悟因過因疑而然人也非天也世之儒者乃曰思慮見聞爲有知不足爲知之至別出德性之知爲無知以爲大知嗟乎其禪乎不思甚矣嘉靖中分宜相公秉政貨賄公行朝士大夫皆噤聲莫敢犯公應天變自陳疏有曰記曰大臣法小臣廉今日士風大不類此在先朝豈無賄者覬及百兩人

已駭其多矣今也動稱數千或及萬數矣豈無受賄者暮夜而行潛滅其跡猶恐人知今也納賄受賂公行無忌大臣貪濁而日在高位則小臣將無不惟利是圖京官貪濁而安處無事則外官將無不惟利是圖由今之道而不變其俗則民窮盜起而國事日非且士大夫奔競者進則恬靜者必退由是以小人引小人而朝宁之上無君子矣是奔競之風熾世道不祥之機也豈非時政之大蠹乎其義守堅定大益于世道人心者類如此最公平平生所著有講斷集臺史集近海集吳中稿華陽稿泉上稿家居集鄂城稿小司馬集金陵稿喪禮纂慎言雅述總之爲王氏家藏集六十卷又有奏議集公移駁稿覆奏語略歸田集三十卷皆行于世其淵源乎道德性命之微言而研精于禮樂制度之卓軌實有以總近代諸家之大成覽者當自得之持掇其一二因事施論者著于篇公卒時士類慟嗟臺諫交章調宜加恤典當事者竟泥之隆慶初詔臺諫舉先朝應得恤典諸臣輿論皆以公爲最詔復原官贈少保謚肅敏諸餘葬祭皆

視他有加數云 論曰劉向稱董仲舒有王佐之才雖伊呂無以加至其子歆謂仲舒師友淵源所漸猶未及庠游夏而曰伊呂不加以向之言爲過其曾孫龔復是歆而非向自古擬人之難如此許文簡公讚謂公持守類洪洞韓忠定叅贊類青溪倪文毅掌憲類安福張簡肅若方之古人宋李沆之忠義曾宗道之骨鯁二陸之理學蘇黃之詞藻皆可擬也可謂備悉其形容矣而輿論以爲擬之猶若有所未書是固可以見公哉

許東先生文集第十四卷

墓誌

浚儀

張鹵

召和

都察院左副都御史東卓劉公墓誌銘

公諱大謨字遠夫別號東阜世家儀封隱賢鄉高祖文整曾祖海祖澄陝西苑馬寺清平苑園長父愷黎城縣教諭世稱霜筠先生以公貴封監察御史贈都察院右僉都御史母尾氏封孺人贈恭人公弱冠游邑庠卽以治朱氏詩著聞弘治戊午年二十四領鄉薦正德戊辰舉進士廷對讀卷元臣偉其策期冥鼎甲弗果列二甲第十一入授戶部主事督收古北口諸鎮軍餉盡抑權閹侵漁庚午改廣東道監察御史時逆瑾專政中外釋驥言路沆絕公奮協臺僚麻城劉公天和安陽張公士隆壽張董公建中桐城余公珊崑山周公廣擊邪翊善甘禍不撓士氣以振瑾誅復抗疏而謂 陛下思鑒前事當此和風日暖之時廣廈細旃之上召見二三大臣從容訪行之旣久君臣道合雖有誤國如瑾奸何由售疏入雖不報時論偉之士申按遼東議

處高麗入貢驛堡又陳時政三事 武皇嘉納
鎮守權閣岑章恣橫公繩其左右用事者以法
章恃與援誣奏公他事逮繫 詔獄逮士民號
泣攀留自遼陽抵山海遮道不絕公喻以太義
始退癸酉謫隆德縣典史後逮人爲之立生祠
高麗使至京師必繹起居焉無何量移蒲城縣
知縣處完適租清息健訟暮年邑遂大治蒲民
咸頌語在去思碑丁丑戊寅淮徐荐飢江右兵
興自蒲晉同知鳳陽則總督賑濟全活流移繼
食憲兩浙則聚兵常山經理戎務嘗預議宸濠
漸東先生文集卷十四
兵勢謂不謀韻南都則轉趨常山吉安湖廣安
慶之兵三面犄角浙江獨當一面兵分勢弱不
便于守當奮勵出師一抵寧太以遏其前鋒一
抵南昌以擣其巢穴使進不得攻退無以守庶
勤王守土爲兩得之當事者用議稱其長略偉
績表著東南辛巳 今上御極晉陝西按察司
副使甘肅總兵李隆謀殺都御史許公銘諸司
引嫌久無歸要公承檄毅然按之置隆大辟金
陝稱快癸未晉四川布政使司左叅政剿平番
夷功 聞有銀幣之賜乙酉克鄉試提調官部

使者方薦以大用丙戌丁太恭人憂歸里戊子
釋吉超等晉都察院右僉都御史提督鳳門等
關兼巡撫山西值晉陽大飢局行疏乞急救災
荒以全民命 上命官齋內帑三萬金與俱更
創建經略三關議條地方攸賴一自思霜筠翁
垂白在堂卽懇疏乞休不報有叅議魏公論者
督餉後期公據法論奏反被言者擠之得致仕
遂浩然歸日侍霜筠翁登眺林臯盤桓松菊時
人望游仙此外但橫經授徒杜門掃軌而功名
之念泊如矣家居十有一年中外交章論薦庚
子 詔起原職兼撫四川蜀固喜公再至公益
思據所欲爲凡事關利病悉振興漸嘆尤先文
教蜀土翕然更化臆服地近北虜窮遠孤懸施
州諸衛遠屆湖湘雜處夷境撫蜀者常以爲憂
臆服有守備施州有叅將自公奏設始壬寅應
詔陳安邊禦虜五事 上皆嘉納又以暇日纂
成四川總志屯田誌以修諸典之缺畧 九廟
工興受 詔採木銓部雖惜公久淹四川擬以
回管院事以宮僚以總督糧儲以南京戶侍俱
弗授是歲給由父母妻得咸荷 贈封癸卯

廟材奏完晉左副都御史仍撫川蜀兼 賜銀幣至冬十二月六日以疾卒于成都享年六十有八嗟乎公有振世之才有特立之操有擔當天下之志器宇丰神迥出人表爲學穎敏精到文章得之天材居多凡操觚命意皆目前可掬而效之者非淺則鑒終不能以窺其奧妙今具見家藏及先所刊布詩文卷中當太恭人之歿奔喪一遵古禮暨位中丞年踰艾事霜筠翁愛慕猶如嬰孺居鄉事有不便輒白當道處分如增築邑堤丈均地糧成出規議至跡其介性危言致主匡時軒冕丘園隨時從道誠無愧于洪範正直大雅明哲寥寥秋旻邈焉寡儔故自筮仕以至蓋棺論薦者二十餘疏計聞 上切震悼賜葬祭錄蔭視恒典有加繼有司又崇祀鄉賢以風後進出處存歿備極休烈而輿情追論猶遺未竟之惜云配岳氏累 封恭人後公七十年卒其懿行別載嵩渚李公撰志子男四父承蔭任通政司知事娶王彖光祿寺署丞娶張象庠生娶郭占國學生娶曾女六孫男七俱庠生孫女十三曾孫男五曾孫女三當丙申丁

酉歲先大父復翁以陝西左布政使承 恩休致公未起如蜀復共在野諸公追結耆英九老之會時齒以髫年侍杖履嘗誤辱公獎誨切恨幼頑漫不省記今幸稍有成思叩夫經 國用世之餘畧而公業不可作矣悲乎痛哉自父等以丙午三月三日卜葬公縣東黃岡新兆已十有五年尚缺壙中之銘爰彖繼卒茲象等持蠶岡扈君舊所撰狀懇以見屬齒之不敏以後生而紀述鄉邑先正既分所宜然又通家世誼不敢辭銘曰 猗與浚儀代有名流公應昌期登煥洪猷英年擢第詞苑稱雄郎署先歷臺史孤忠謫縣而西民版宣勞倖郡而南淮浦功高富弼德惠以起徐欒仲淹經略以備濠兵叅藩貳臬吏畏民懷撫晉復蜀舊德崇階 帝新 九廟祀事式崇 公貢梗楠允慰 寰表方期栢用柱石 皇家詎意經籌零落煙霞於乎公乎人孰不學觀公致用佔畢斯覺於乎公乎世豈乏才觀公樹節脂韋堪哀公後既昌 帝祉亦奇全節完名云乎不宜惟齒銘之以翼玄堂俾作瞻依士也永光

禮部郎中李維明墓誌銘

嗚呼吾竟忍志吾維明墓耶維明卒于隆慶壬申秋七月十五日予時貳留臺領江上之役維明卒之先一夕謂其妻安人顧氏及其幼女曰我死吾師必卽來撫尸而哭旣室無抱孤吾妻與女當卽出于帷外代逢陽以謝吾師且卽曰此逢陽意也予往哭維明時妻與女如其言予辭之其甥時生朝東從旁代對曰此委亡舅之治命云予曰禮有變則杞殖之妻得以對其君貞擢之妻得以赴其友維明卽死其猶行古之道乎哭而許之旣又進時予商其墓事及銘志予曰此予之責也慟哭而許之是年冬予尋奔先太恭人之喪歸又明年甲戌其友人新野令李君登乃遠貽以所撰維明狀兼趨前喏嗚呼吾竟忍志吾維明墓耶維明姓李諱逢陽維明其字先世楊州江都人也以軍籍隸南京金吾後衛曾祖榮祖春父祚贈禮部祠祭員外郎母黎氏贈安人生三子伯仲蚤夭維明生而卽老成髫髻時昂首直氣聰慧偏人嘉靖庚戌永康松溪程公爲南祭酒一日遇維明于道與語異之

許先生文集

卷十四

六

李維明

卽延于家塾大加禮重以此隱然名動一時

補應天府庠諸生每試輒冠多士維明方友一

時節行士以行誼相切劘不事文藝奉二親備

極孝誠終其身于贈君之剛毅一無違觸于太

安人之柔善率皆得先事未發微意古稱孝子

無方之養惟難之色幸僅于維明見之親歿哀

毀幾不能自存居喪儀節準古儀式不恤俗議

有甥鄭繼高者瞽而孤則撫育之如子謂時生

潮東慧則訓育之以成其學戊午舉于鄉隆慶

戊辰予以左給事中同考試禮闈奇維明卷高

薦之入對 大廷策奏 穆皇帝擢寅二甲第

一已乃易爲第四宰執以其未盡之意必欲以

翰林庶吉士起維明力辭之旣欲由戶部主事

改吏部維明又力辭之已改禮部儀制在戶部

視草場稅卽陳便宜數事在禮部會 詔選京

邑良家女以補六尚之缺維明當其事惟以相

貌端淑者 上之諸豔冶者悉斥不與選辛未

提調會試事舊稱科場不便條制悉爲湔滌雖

守郎署每于 朝政弛張君子小人進退如其

望則抵掌歎呼不則不勝其憤激抑鬱卽若將

許先生文集

卷十四

七

李維明

無所容辛未以祠祭員外郎使楚藩 楚王重
其名禮餽俱溢恒格維明日使事有職不但於
餽遺不敢當卽儀文有過而不當者亦不敢不
爲是正楚諸司歎歸未幾其友人楊道南病厲
維明日周旋于病榻必親視湯藥或以病善藥
觸謂維明宜少避之維明日審若此卽與道南
同游亦快矣顧可避乎楊卒未決旬維明亦竟
不起比卒真冷然于生死之際惟語時生以己
之學力視昔爲有得學誠不可無日新之功語
顧安人以如前所云餘更無一言及家人生理
事距生于嘉靖己丑八月六日年纔四十有四
配卽安人顧氏有子而夭祇一女適張學海顧
氏以卒之年十二月某日薨牛首山麓之先兆
大中丞楚侗耿公爲題其墓督學侍御又采之
公議爲祀入鄉賢金陵固士大夫冠裳才藝之
淵藪雖下至小夫婦人皆知視維明如九鼎之
重死之日無不驚悼痛惜此皆可以見維明矣
予每謂象山之學其宗旨雖異于聖人然其超
悟卓識謂之特無所見不可至其徒楊簡阜民
輩之勦襲紛出而大致于衡決支離者盡非象

山之罪近世王陽明之學其超悟卓識誠亦有
功于象山至宗其說者或祇藉其門題以張翊
議徒嘵嘵然以激百年之辨議者亦盡非陽明
之罪也維明初雖學本陽明然其敦倫悉行博
學研思甘恬如錫避利若讐閭然納之學問進
修者惟恐一或不至以陷于寡言無當之譏類
使天假以年則必由陽明以歸于象山由象山
以歸于朱陸無同異之辨惜乎未見其止而死
昔伊川程子謂我死而不失其正者惟尹氏子
然則維明之死不知天意于吾道何如耶維明
旣歿其友數十人慟維明之不嗣又無疎遠宗
族欲立其姁親之子予力主禮同宗則可爲之
後以止之南中士大夫皆以予言爲然今安人
顧氏貞操凜如冰蘖有妾寧氏雖維明遺命令
其他適亦誓以死守不去督學海能以維明之
心爲念經紀其家身後事一無可憾在維明固
自有不死而未嗣者存又何憾也銘曰 嗚呼
維明任道之器醇懿天成仕隱一致學深淵微
之窟名垂德行之科其沒也胡卒吾道奈何
初封承德郎戶部主事北廓黃公暨配太

安人孫氏墓誌銘

雍丘有隱君子曰北廓黃公諱廷佐字輔之北廓其別號先世徐之碭山人也元末有諱啓賢者避亂籍雍丘啓賢生儀儀生志志生銘世皆隱農畝弗耀銘配魏氏二子長卽公十歲時父銘以困於徵役携出匿他方公夜則潛歸守舍晝仍侍父所計程汔兩舍往來夜行一矛矛端時有火光盈丈識者異之弱冠父卒弟廷佑夭母老妹幼公以孑然之身植門戶營俯仰咸底有成嘉靖甲午藩司檄郡邑良家子能書及律令者得入粟爲椽杞令臯蘭段君必以公應曰古有起刀筆而能益世務良不愧于經術者斯人實雅稱之已亥肅皇帝南幸承天公司工曹允行官警蹕供帳皆所司存時左轄某方持議謂乘輿必不至公力爭之謂使備而弗至則官民兩無妨至而弗備則官民當俱困無益未幾左轄以憂去公同事三人一悸死一亡命日行公移千紙公創之事甫就緒不決旬乘輿已駐蹕衛州已事論功咸于公多之役竣當上于銓部易舊業田廬得百金爲路費值歲

許夏先生文集

卷十四

十一

傳尚才刊

飢雷姓者十餘家苦指此乞貸約秋熟出息償

公不妨公行李公盡畀之至秋再飢諸姓益窘甚將鬻子女公卽焚其券以語人曰吾初給諸姓貲爲活之也詎可因我行之故活未幾而輒困之死乎使因此能活諸姓者若而人視我懷諸往而營營然以取虛名微利又所得孰多竟獨貲不往此猶公弱冠孤貧時也當嘉靖己丑春梁宋大飢杞尤道殣相望公憫之盡蠲所有北廓田數畝爲義塚此二事雖杞之小夫婦人至今猶知德而頌之嗟嗟世之眷戀一官苦爭町角隙地分文銖兩至亡軀命剥殘骨肉瓦裂行誼卽稱大人君子皆不惜爲之視公窮約中濟人一念捐半生辛勞已就之功名破百金之券罄糊口之田一如敝蹠而不顧則郭元振諸人不得專美于前詎非烈然偉丈夫度哉嘉靖己未子武庫君舉進士推嘉興府公貽忠君愛民四字命之書紳警心與俱至浙西五越月見武庫君能矜慎刑獄遂喜之北歸壬戌君晉戶部主事督餉于易州三載考績封公戶部山西司主事母孫氏爲太安人乙巳晉郎中督餉于延

許夏先生文集

卷十四

十一

十

寧公教誥書必教以視貨賄如讎視邊關貧卒
如子以故武庫君兩地皆能明出納剔蠹弊卽
易州倉餉歲出入七十萬金君積贏餘還公帑
者視曩昔浮四倍予撫恒陽督三關時嘗得親
廉其事軍中至今猶誦之武庫君在延寧住花
馬池胡虜風沙之地因公與母夫人時聞警報
爲憂累疏乞歸隆慶丁卯抵家公素以冲襟高
度見親重於杞人至是舉杞中大小貴賤咸以
得被一面承接爲悅爭訟屈直咸以得被一言
評品始定其于請托行私雖親族必斥絕不少
許東先生文集卷十四
貸日父子熙熙林阜不復知世間之有榮貴時
人爭以遊仙竝之卒未 詔起君爲武庫司郎
中君泣公前欲懇疏辭公必不可赴 關甫月
公疾作書報君驚慟幾絕詰朝投疏辭謝病歸
兼程趨侍公榻前公喜甚病間曰兒之來雖急
趨父病然 朝廷以兒父歷邊陲故 召官兵
曹可無一言以裨邊計徒倏往倏來人臣之義
顧如是耶君懼出所具未上疏艸以獻公朗誦
笑而頷之曰兒不負乃父心則知不替爲 國
謀病亟猶執手教以報 國傳家之忠孝彌懇

彌切語畢而終于正寢時壬申閏二月七日詎
生于弘治壬戌七月二十五日年七十有一太
安人出杞孫氏德族歸公于孤幼貧窘時同備
嘗艱苦日拮据辛勞必至丙夜雞初鳴卽起以
營厥家使黃氏中賴之業就興及北廓公曠達
好賓客武庫君閉門折節讀書俱不問家人產
業事咸得遂其高以成其志故杞人論剛方貞
毅無忝於母儀婦道程式者必以太安人爲稱
首云切好信釋氏去惡緣興善念之說夜必誦
經垂老不倦初娠武庫君時矢之曰倘生男子
以延黃氏尚缺之嗣願齋食沒齒以答神休武
庫君生終身不苟葷食飲酒者五十年其平生
篤信義類如此後公八年于萬曆庚辰八月二
十日卒詎生于正德丙寅二月二十四日年七
十有五子男一鶴卽武庫君德學舍弘沉毅予
父以當世才傑重之配安人韓氏女一適孫蓋
臣孫男四元夫聘李元士元善元德俱幼女八
長適庠生趙以朴餘未字初武庫君爲公卜葬
地卽于公別業北廓一里許後以孝子無窮之
心猶若未定太安人卒欲改卜公墓始祔乃徧

歷山原協卜于繇舉無如舊墓之吉始以今
辛巳八月二十二日啓公窆附焉以齒自兒時
知公又自武庫君同舉進士約爲兄弟後時侍
公杖履受公教命獨多武庫君徒跣走東昏問
銘銘公如公之德義高風及太安人相成婉德
其所以敦薄俗關世教者誠不可不銘也銘曰
雅志公物寧計豐約切意辭榮寧耽寵爵荷敷
哲配婉德偕樂義問宜奕聲光炳若銘此貞珉
爲昭矩矱千古雍丘仰止北廓

新封文林郎刑科都給事中春田郝公墓

游東先生文集

卷十四

十

誌銘

郝氏其先汴之祥符人洪武初有諱誠者徙居
扶溝孫嶽岡傳至文舉九六世皆隱德弗耀文
舉號訥菴配徐氏生二子長卽公公諱斌字君
才性敏介觔斤斤自立弟濟生甫七歲有異才
公時亦未冠卽以事親營家自任而俾弟以成
其學訥菴輒悉產付之公蚤作晏息風雨疲勞
備歷艱苦每一錢寸帛必白之父母出入訥菴
戒使勿白則曰服其勞固兒之職專其命則兒
不敢也嘗受外舅李禮餽三十餘金曰父母作

我以家務而我又別有婦家之財是亦異

必盡出以公于家公始領家務時田二百畝比
數年田二千畝倉庾畜產類十倍曩昔皆讓優
于弟濟一不私諸已有嘉靖初王堂寇中原大
河南北城邑失守殆盡孫嶽之變訥菴陷賊中
公挺身入賊營泣請願殺身以代父死賊衆亦爲
感泣許釋公父子兩全之壬子歲飢輸粟三百
石有奇助公賑飢曰我豈能是欲竭已以風他
人之厚積者一時公私攸賴事父母克盡孝誠
嘗孝感神明昭應訥菴得遂脫危疾乃登上壽
往民間畏大戶之役如虎在京邊者尤難以收
納谿壑百出無能者必覆家而巧詐者必延蔓
幫帛貼之毒以害衆公惟潔已仗法以往是役
至則以民間苦累艱辛情弊盡白于司農郎之
主牧者司農郎偉之卽傳其說以定攸納凡例
仍餘八金回以獻諸父諸父感服相泣下曰任
事不辭公利不私如吾猶子斌者豈非古人中
之偉丈夫乎居家恭儉一無侈逸至于修橋梁
濟貧乏輒厚施不吝晚年惟教子讀書嘗入城
邑見有司適迎賀儒生中科者數曰士登科第

游東先生文集

卷十四

十五

誠榮矣吾不願吾子孫之徒博榮利但得藉是以光我先人寧非至願乎人之德公者亦共願公正國人于萬年而必昌厥後以故今叅政君舉隆慶戊辰進士由縣令徵補諫垣兩歷都給事中今爲江西左叅政德學勛績表著一時嗣與諸昆季子姓振振而公以耆碩初封文林郎眞定縣知縣再晉今封榮享八十餘年太平全盛之福且是後恩秩方駁隆未艾天之所以報公者誠濺哉厚矣公生弘治壬戌九月二日卒萬曆甲申三月十九日年八十有三配李氏貞惠

齊東先生集 卷十四 七

蚤卒兩贈太孺人側室毛氏尉氏毛以子叅政君貴兩封太孺人予已別有誌子男三長維新國子生娶陳氏次維喬卽叅政君妻齊氏贈孺人繼趙氏封孺人次維康太醫院冠帶醫士娶王氏繼盧氏女一適李從正早卒孫男五思詔邑庠生娶王氏繼何氏思謙娶宋氏思克聘許氏思教聘劉氏思育聘劉氏孫女七俱適名家子曾孫男二某某女二俱幼先是毛太孺人卒公命叅政君權厝于祖塋之外且曰祖塋迫狹我死當另卜墓地啓毛孺人來附李孺人塋且

三十餘年近偏先塋壘壘不啓似爲權便至是叅政君與諸昆季旣爲公卜得墓地乃日夜悲號圖惟公所遺言不過爲曲體其子從事之難似非定命仍啓李孺人同附于新兆嘗徒跣以禮經父命來質難于予予曰要之合于禮斯順于志此正君之所以爲孝可以爲世之善承親命者法也銘曰 君匹先民抱朴還淳惟直惟義一本天真敦我周親于物皆春不食報于身以昌其後人天錫其嘏旣純純嘏翼翼新阡若或相之二配偕從旣安且宜我儀圖公爲世作師勒此銘章以求公思

齊東先生集 卷十四 十七

湖廣道監察御史雲峰陶公墓誌銘

公故儀封令也以萬曆己卯秋八月十二日卒于里第實予起撫中山明年旣哭之寢門經紀其家又語其孤萬象而計銘其墓隊之石萬象以又明年庚辰某月日卜塋公于邑東先兆之次乃持少卿史君思敬所撰狀泣血來銘悲乎憶昔公令予邑予時尚家食且邑里當多事貼危之後辱公以道義結肉骨敦禮過隆而德甚厚茲越二十四年叨受節鉞填撫公地乃入境

而公寢疾踰年而長逝感舊論心皆不可不銘也公諱應龍字文化別號雲峰世爲冀州棗強人自王大父源大父全皆隱德弗耀父明以齒德爲時耆碩配楊氏以正德辛未十一月二十一日生公髫年卽穎異解聲律十三補邑庠諸生聲稱籍甚品士冀北者咸以公爲最踰壯于嘉靖己酉始舉于鄉庚戌連進士壬子泣儀封心在宜民不飾世調治民訓士提撕煦育有家人父子之風至奸頑豪右必力爲痛懲不爲少貸與漢澤王公國光相繼嗣九王所欲爲而苦限于時日之不逮者公始盡成之薦者以十數師尚召寇宋州舉驤梁豫一時郡邑群牧皆爭相獻計預備多方率未及民已有困公獨令人民峻城守卒不獨保全故一時論輯寧捍衛功以公爲最甲辰奔父喪歸里邑士民扳號遮道河壩雖輿諫相觀亦皆感泣丁巳服闋值肅皇帝詔補諫垣拜湖廣道試御史時上在位精核庶政言官以稱旨爲難或事有不關利害者皆爭言塞職不厭勦同至論列庶官多偵探當道意爲軒輊公曰言官抗疏將求以悟主

定國是警官邪也此固龍所自天而未敢卽辭若掇拾以塞責背公以取諧龍寧死而不忍爲卽圖註籍請歸嗣遼左大飢建寧海西諸夷乘之入寇命公往按之卽大發帑銀以賑公誓矢秉公凡彼中相沿敝習以朝廷籌邊痛師之官銀徒歸倖門償師之筐篚皆杜絕滯礙無遺軍民之縣錡倚矛舉沾實惠我師大振外患以除時薊遼有楊帥者恃勇功驕恣不禮下士夫監司皆啣之接謗書者盈篋趨公論之公不爲動謂朝廷任若曹爲其餘保境威敵立功聞外耳此之不能顧欲徒取足恭承順爲賢耶楊得以展布成功皆公之力未幾請疾歸再疏始得報先是公東歸一都司投公以藥方名啓視之乃餽金牒也公斥麾之第劣處更不少屬聲色或謂公仍當發其事聞于上公曰餽贈在人辭受在己大丈夫能自界限潔白更何滯碍若責在己之廉以故大他人之罪假一事之暴以遮掩曖昧之踪此亦龍之所羞而不忍爲也人因重公清修雅量此言遂喧傳于遠邇家居二十餘年課子姓檢醫藥外日惟適情于魚

鳥足跡一不至官府視世之所謂榮貴泊如也
天性孝友事母楊太君年九十餘沒則哀慕猶
如嬰孺一第一任同居終身無間言凡公之行
已治民觀風秉憲及所淪浹于上下親疎者皆
出于寬厚誠恕而其言易直故人多愛慕之若
此誠無愧于詩之淑人君子云卒年七十一配
高卒繼李子男二萬象娶劉萬善娶鄭女三孫
男二惟唐娶鄭惟寬萬象自孩童侍予予每奇
其德器學力俱茂頃 恩選士于膠庠夏爲舉
首足肖公以嗣其家銘曰 猗紫桑翁奕彼高
風公際昌時實異其逢仕不求進祿不求豐高
飛歛舉威鳳冥鴻以此相擬異世攸同然鳬飛
花縣舅簡蓬宮敷歷中外名實交隆寧不更鄭
重其宗而均爲勵世之豪雄耶

尚寶寺少卿南州徐公暨配孺人耿氏墓

誌銘

徐氏之先浙之鄞縣人也永樂初徙江南右族
以實中原驛傳有鉅貴者徙雍丘因世爲杞人
伯貴生文文生江封兵科給事中配楊氏贈太
孺人以正德丁卯正月二日生公公諱自得字

游東先生文集

卷十四

二十

十

深甫別號南州少穎異以治朱氏詩名于時踰
冠領嘉靖甲午河南鄉薦戊戌上春官值母楊
太孺人卒公聞訃痛之瀕死數四以父老強飯
視息辛丑登進士第時同鄉浚川王肅敏公與鄆
陵春岡劉公方負物望于我豫新進之士獨取
新鄭少師高公與公而器重之授行人使 藩
藩申明使事有職悉絕餽贈已事卽便道迎養
對君公于京師以償夙矢跼步不離丙午晉兵
科給事中時北虜連歲侵掠復廷遣吏以入貢
名圖將大逞邊吏務弛率言夷狄慕義納之便
朝議以 上方切責又事涉安危大計依違觀
望不發言以爲事先者相環也公毅然抗疏其
略謂夷狄來貢大都有三有數遭剽劫橫被誅
戮畏我強而來者有夷運式微犬羊悔禍量彼
弱而來者有入貢之得浮于入寇特邀利而來
者今事勢果有是乎不過欲綏備伺隙如辛丑
七月之故習比時僉答阿不孩嘗極辭入貢矣
未幾卽大舉入寇蹂躪山西殘賊全晉此非前
失之可鑒耶今蠢茲醜虜敢于復售其奸而堂
堂 天朝豈容更納其結疎入 肅皇帝嘉納

游東先生文集

卷十四

二十一

游東先生文集

之而默識公名異日吏科題缺官協理疏名不
及公 上特報曰徐某衆知公爲 聖心簡注
云 九廟成單恩父母皆得受今封公卽疏
請終養旣得命奉封君南歸抵舍繞膝共案定
省如嬰孺者四年雖隣舍飲招非親奉面命不
之往時人語順親者必稱公純孝焉封君卒杞
喪禮之發明自公始事繼母田孺人一無少懈
餘則構市隱堂日夕誦讀他無所營所親有爲
人先客以千金賂公求解于監司者欲公且籍
之營業以爲子孫計公愕然曰房杜不爲庀子
孫先生文集卷十四 二十二
孫疏傳甘于辭榮利固子孫分量有定人生志
向各殊何世之視人者皆快如也斯言何至于
我言者愧不卽死而退至鄉邑有大利害則必
力爲之上達如河道宣防田糧歸正式遏寇變
洎歲飢施貸皆儘力濟事而不持右券以責人
尤人爭頌德乙丑 詔起公再補諫員公再乞
終養 上弗允入朝又疏所目擊黃河大患切
係 周藩 皇陵至急等數事晉尚書司少卿
履任之六日卽奔田太孺人喪歸里杞人嘗跡
公執封君二母先後三喪雖所親有嚴慈繼所

值有窮達豐約之不同在公誠孝惻怛則自性
及衰曾無少異閑居又餘十年萬曆乙亥十二
月二十日卒年六十有九配耿氏同邑右族封
孺人明達貞惠以勞勩興家以儉惕最德雖旣
貴旣衰其功更倍公子男二皆側室楚氏出長
正學開封府庠生娶劉氏繼孫氏次正蒙聘張
氏女三俱孺人煦嫗成立視之一同已出云萬
曆癸酉五月十四日卒距生弘治甲子六月十
九日年七十公存日已卜葬杞西先兆之次萬
曆戊寅三月六日正學等始奉公附更日夜悲
思圖疇當以銘公者乃濡血自狀來銘嗟乎自
國辱公交二十年見公孝德純懿恬退清修還
世之紛華勢利輒謝避若將竟已登第三十五
年立 朝任官十四年餘日其素業曾不得與
杞人中下之家齒每恨公遂其高世竟不能超
格用公以大施其蘊抱文章雖存苦中諸稿亦
行之世者不多然公砥行而士林程之鄉人頌
之公沒所司特從公議以鄉賢祀公于學宮其
廟祔入祀之日人各牲醴盈庭動色相慶直遠
接孫襄敏公之後以同列俎豆之光正學又慙

修而才駸駸向進方隆以世公序是公之所得誠可藉以儆群昧而示來哲者皆不可不銘也銘曰事親能孝百順惟熙司諫之忠惟孝所移返服遵晦遠世磷縉鳳舉鴻冥胡不令儀爰乃淑配一德咸宜鳩杖偕終青鳥兆奇有子克肖篤念弗遺謂幽于公蚤結心知昭揭玄堂托之銘辭幽辭不華更何文之惟公祗德惟天介禧惟後之昌其永無期

勅封太孺人郝母毛氏墓誌銘

吾鄉有耆碩曰春田郝公者扶溝人也娶贈

清東先生文集

卷十四

二十四

墓誌銘

太孺人李氏爲元配既以年踰強無嗣娶太孺人毛氏爲側室毛爲尉氏著姓有諱子真者懷懷卓犖雅爲春田公所重故禮聘其女太孺人以嘉靖壬子來適郝氏是時郝氏中微春田公夫婦方竭力于桑麻井臼以躬代其二親之勞太孺人至舉以身代難鳴動家克自苦勵樂其事而忘其貴上自重閣下及戚族閭門愛戴之致郝氏故業日就饒裕且不五六年間而叅政君伯仲相繼誕生郝氏昌大之祥已大露精彩李太孺人又柔惠性誠自他人處此勢固易

流于陵逼也太孺人乃誓克敬承雖常儀細行無敢或忽庚戌李太孺人病瘍太孺人乃率諸子日夜環侍湯藥疾革號呼籲天願以身代既卒服喪盡禮遠邇嗟嘆謂罕儷其儔既春田公乃告廟以繼室之事悉委諸太孺人而正位焉太孺人固倍自悚惶曰女君之尊我所仰事終身者何間存歿且其懿行芳躅豈不德日所彰紹匹無以則祇以我所聞見於女君者而敬承之以慰吾夫子于暮年侍吾子之成立可耳自是昕夕必以女君之思每勗告其夫及提携其子既又曰郝氏累世所關而今日所亟者莫先于教子知學乃佐封君爲之隆師凡以簪珥辦儀饗饗供賓餽舉竭力爲之故郝氏昆季皆英英有成而叅政君且領河南甲子鄉薦戊辰登進士第宰邑司諫皆茂著聲華以迄今官當始令真定時六年考最封春田公如其官李太孺人暨太孺人皆得如今封萬曆丁丑今上大婚禮成覃恩禁近時叅政君官刑科都給事中充冊封肅王正使及歸自臬蘭未報使于朝中途謝病還籍已卯補戶科都給事中重錫前

清東先生文集

卷十四

二十五

墓誌銘

未給 恩命得封春田公爲文林郎戶科都給事中李太孺人與太孺人皆得 重給勅命真異數也辛巳夏叅政君擢江西六月過家正值春田公八表壽誕叅政君以游子初歸得以榮君命而祝親齡遠邇喧傳爲世之稀聞事已叅政君欲具疏乞致政以侍春田公與太孺人暮景公大不許乃單車之任無何太孺人以疾終于正寢時十二月十一日也距生正德辛未十一月二十三日年七十有一生子女俱載春田誌銘叅政君兄弟以春田公命卜今年壬午九月二十七日營塋于邑北孫嶽祖塋之次叅政君乃悲號濡血自狀其行來徵銘于予予惟自分義難明而先王之教不興于世尤莫先于婦道之不淑以今觀于太孺人之尊禮女君相佐夫子式穀哲嗣此丈夫烈士能必其力識學術之兩到者而太孺人以女子間之審如是則樛木之化可世續其傳悲城之姜可沒齒無憾豈非軼世之賢淑乎故天與謙而人好德致有子而才以大發郝氏之祥而烜赫其八世未食之報是太孺人功德于郝而風屬于俗者誠不可

無銘以昭示來世矧叅政君爲予禮闈所舉士相視以骨肉又義不可以不銘也銘曰 心手恭遜天軍卑之身乎勞勩天恩尼之不卑不尼福履成之猗太孺人我故銘之貽厥來婦于是程之

誌封太恭人賈母趙氏墓誌銘

太恭人者贈中憲賈公之配今都察院右僉都御史春容君之母也姓趙氏趙氏世爲威之德門父隆又以隱德重于鄉閭太恭人生五歲植薊之大盜劉六劉七大寇圻南掠城邑至威母何孺人負太恭人而逃日跋行七十餘里賊騎益追乃棄置叢莽中而不能顧逾五日賊旣長驅而南舅氏趙伯子之室乃覓姑魯太恭人處泣而求之太恭人猶呱呱無惡驚抱而歸以繼室歸年十四中憲公少有大志甫垂髮卽爲邑庠諸生大邁倫等母卒攀號廬墓側三年又連喪二妻素業固泊如也太恭人將于歸之夕其姊孟趙適威之富室陳姓者攬太恭人之袂而悲之蓋憐其所適之貧太恭人曰女子之生弟恨其莫難于配德貧富寧足計乎孟趙大慚旣

歸于尊卑疎戚之屬能各盡其所當然于佐夫
之内外事能成條理其敬事孀姑煦育前子尤
極慈孝懇誠中憲公讀書每至丙夜太恭人亦
分紡績之燈共之交相儆惕更無一息之懈以
故中憲之德學名世咸允其功中憲公既歿復
移其所以相中憲公者以督其中丞君之兄弟
自始學以迄成功其功更倍嘗語中丞君兄弟
謂汝父廬居汝太母墓側時嘗有劇盜遇之而
不忍有犯巨蛇爲厲輒自斃于墓側墓傍隙地
生蓮花數種說者謂爲爾後昌大之祥若爾不
力學天其能自致爾耶嘉靖戊午中丞君舉
于鄉戊辰成進士太恭人志曰吾兒爲此未亡
人可藉乎以見夫君子于地下矣中丞君筮仕關
西咸寧令太恭人從而日夕督誨既拜諫垣出
守單懷雲間兩郡歷湖南江右兩省藩臬咸所
如與俱丙戌中丞君往關府雲臺季子又時已
領賓薦母子兄弟尤俱之虔南嬉嬉膝下游官
之人無不美之居一年太恭人忽厭遠游思歸
中丞君乘閒以所具請告將毋疏草白之太恭
人惕然怒曰爾何忍如是爾以一介書生致位

清東先生文集

卷十四

五

五

九列爾父皓首窮經未沾一命今以爾 贈四
品崇階加二品服未亡人以區區荆布之婦何
德以堪受而品秩隆崇與爾父埒此嚮寵哉蓋
朝廷榮爾身以及爾親將以勸爾之忠也今所
在民命難虞四方多事卽爾竭力盡瘁以報
國保民猶恐不逮顧乃旣得微 君之寵以榮
其親卽返顧其親以頓忘其君且爾自垂髫從
父授詩爾誠思之此果于不遑之義何如耶我
其歸乎自今不復以爾爲見爾恐爲當自圖之
無用揀堂上戚也遂引火焚疏草于中庭中丞
君長跪泣而請罪終不少釋丁亥冬中丞移開
府閩中時太恭人已北歸數月中丞君仍星馳
過里迎之入閩太恭人以閩視虔逾遠不許復
堅意乞骸太恭人又切責之不可旣而乃曰兒
其先急往俟少容我再圖之中丞君抵閩逾八
月遣官北迎至黃卽得訃報悲乎痛哉太恭人
生正德二年十一月二十九日卒萬曆十五年
九月十四日壽八十有一歲子男三待聘張恭
人出娶趙繼傳谷俱卒次待問卽中丞君娶周
氏封恭人次待舉明經娶焦氏女一孫男七孫

清東先生文集

卷十四

五

五

女四曾孫男一孫女三予自戊辰識中丞君于禮闈自是得熟聞太恭人之懿行嘗預叙而傳之以表見于世今中丞君將以戊子冬十一月十一日祔太恭人于祖營先中憲公之次徒跣走數百里來乞銘潞東子曰嗟乎古之賢母所以成其子者豈徒遺世後君高其跡于不仕已哉故時當匡扶盡瘁則當爲滂母之效忠時當隱約終身則當安燉母之義養此大丈夫時行時止之義而古之稱賢母者當之今中丞君自登仕二十餘年勞績節義炳炳烺烺無非太恭人之懿訓至其焚疏誨忠之義傳誦其言猶足以使人凜凜視滂檄之母眞易地皆然孰謂古今人不相及哉與夫備履全福榮登上壽之爲世楷模者皆可銘也銘曰 始生蒙難以赫厥靈天心克庇祐于冥冥保厥惠正爲世儀刑乃及中憲一德惟馨於皇仲子總憲 明廷季亦克肖嗣起明經孫枝挺秀繞膝盈庭龍章燁燁鶴髮星星身膺純嘏壽躋遐齡方隆未艾後祿來寧維予仰止誨語親聆爲昭全履炳若丹青

慶遠府知府中渠王公墓誌銘

昔我先公光祿公與肅敏公同窓同榜交情五十餘年不卑骨肉嘗約締婚姻不果嗣先中丞與叅軍約之又未果至公之子得仁始娶予女以完三世夙盟則公之與予乃累世通家兄弟又締姻好者也故平生無事不共欣戚壬申歲予奔先太恭人之喪抵家公常過慮予骨立羸病之身惟恐弗克襄于大事凡慰存裨贊語不能悉今予之衰病殘生尚存而公顧不起時萬曆二年十一月四日也三年春得仁等爲塋新兆于縣東白樓村祖塋東次以冬十一月二十六日塋公乃持公姑丈鳳陽別駕汴涯趙公之狀來請銘悲乎予何忍銘公又何可以不銘公耶公姓王氏諱徵逸字思彥別號中渠其先潞安人也曾祖贈兵部尚書諱增始家儀封祖卽肅敏公諱廷相官少保兼太子太保兵部尚書兼都察院左都御史掌院事其德學事功俱在名臣錄及予所撰傳語中父卽叅軍公諱旒以公貴累封後軍都督府經歷其行誼見大司徒疎菴王公所撰公志母曹氏封宜人以正德八年六月二十七日生公公少沉靜美儀容肅敏

公鍾愛之督學東省時命從濟南周居岐授朱氏詩學迄有成嘉靖辛卯肅敏公以南兵書考最廕公爲國子生又五年拜右軍都督府都事銓法五府參軍非大臣二品廕生不除故官此者每以宴安怠事掌府勲爵亦不能以法公盡脫是習以勤職任後肅敏公既歸乃借奉使藩府公差過家祇候興居至 藩藩具常例禮餽盡以辭却但省視賜給其宗族之在上黨者後予官高平每如上黨其族人猶指其居署及所行事稱之竣事還京遷後府經歷凡京畿地

許東先生文集

卷十四

三

三

皇踐祚 軍恩進中憲大夫卒年六十有二郭繼陳軍郭贈宜人軍封宜人子男五長得仁庠生子壻也覃氏出體仁娶董楊出依仁聘薛卒居仁聘張欲仁聘楊俱庠生覃氏出女三孫男一嗣美孫女二公平生甘恬履素質儉自將其飲食服用一同寒士疾視世之艷麗紛華不啻九讎其孝友純篤尤出天性事參軍公自少至老未敢有一色之違雖致政歸時其家政亦不敢一言參預先後居親喪哀毀盡禮視肅敏公所定著儀節真允蹈而備行之能有光先朝

許東先生文集

卷十四

三

三

謝公惟誓他生圖報也卽顧謂得仁當刻置家藏集簡端其規畫猶語極明備踰日而公沒矣是尤可以見公云銘曰 惕勵恒存紛華獨耻閑閑如公可謂君子完名進退世嗣綿延福履如公可謂純全嚴嚴肅敏貽謀後昆永繼如公可謂哲孫我勒斯銘公可瞑目營營新塋鍾祥孕淑

鄉進士中峯孫君墓誌銘

葵丘孫氏世爲考陽右族自君季父應辰號葛亭翁舉嘉靖己丑進士官圻內廣平府知府有

許先生文集

卷十四

三十四

治聲著望士林而族始大君嘉靖癸卯舉進士而族益大孫氏世有名德皆隱跡弗耀至兩公又始開甲第云君生而渾朴純固如未斷之玉未范之金于世之紛華靡麗慧辨嫺巧一不雜其天真自就外傳以至垂老讀書之外更不知有何事君之讀書無論冬夏晝無遲刻至丙夜始就寢五鼓復自起以硃黃取火燃燈達旦而止有日或旣明求承家人率相驚怪之二親安其孝諸弟安其弟交游服其誠共患難則服其惠共財利則服其廉平生于一無所忤交游

一被其承接者終身感念不忘年十五精通經子業三場督學者取應試場屋卽補邑庠廩生僉以兩河解魁期之嘉靖二十三年癸卯君年二十四予年二十一同舉于鄉凡君所爲經書燈牕時義一時遍滿秬林而南宮之提僉尤首期之甲辰春不第自是累科連不第已未予叨第與君分袂都門夜月下君執酒而言曰丈夫事惟出與處耳今日事是豈有司不明實已學術未至耳別後各勉爲之無負明時慎勿以我爲念予嗟君之壯懷脫灑振迅不以目前之得失少易卽此可規君歸連遭伯父母大故經喪歆勞瘁不支君居常雖不苦衣食于奔走亦不至大有贏餘親交洎一家子弟咸欲君出就一官君曰我之棄官不就豈人情哉但我幼受父母教訓長受 朝廷作養尚未有尺寸樹立惟期幸叨一第以完此一生事卽受 幕史職銜君命重於丘山當欣然以往不則使我抱牒覓官于吏部之門卽能致通頭不忍爲也知我者幸再勿以爲言人各有志何苦相迫乎故覓官事不但其身不之爲且一念不之及嗟夫世

許先生文集

卷十四

三十五

之人視百夫之長十金之業苟可以智巧得之使延之自朝至暮不能待也况絕溫嶠之裾移北山之文卽古名流亦不能免視君但不惜一就卽坐取美除而棄之如遺跡焉豈非高潔之過而爲世之偉丈夫乎欲知君卽此樹可覘矣予嘗同君三走南雖知兄一門之內敦倫厚俗予每道君家葛亭翁兄弟卽環予而歡聚者累日首葛亭次葛野次葛坡終而復卽葛亭筵復兄弟叔侄同郊門送予馬首旣西方已細觀君之敬禮葛亭翁兄弟與葛亭翁兄弟之鍾愛乎君世所謂從季父與侄無比焉今宦游三十年歸來君與三翁之舊業依然求之往事不但如洪荒太古之不相及矣一家之醇風豈易得哉君自領鄉薦後家居五十二年上春官一十五次坎壈艱難備嘗殆盡居常適然自適毫無外慕嘗曰使吾每日或間日能有一肉飲奉吾親吾得克慕藿以自飽卽八珍九鼎不是過焉日聯諸弟諸子侄于一堂教以舉子業畢竭心力經年不枉投一刺于縣大夫之門此外日惟閉門誦書而已戊寅己卯間有司求舉人有行誼

高潔如古特舉孝廉者然督學憲臣袁公督河臣董公與歸德太守邵公咸稔如君賢欲舉之以克君聞而峻絕之曰溫叨一科名尚未于朝廷有分報效今又歸虛名掠殊遇以冒榮利吾何德以堪之大夫之無廉耻乃世之大不幸果群公之不相體而不置吾惟有南走越地走胡耳死不爲也卽君此與不就祿仕之事觀之詎不使頑夫廉懦夫有立志哉君自壬辰下第歸有微恙至萬曆二十三年十一月二十七日終于正寢距生于正德十五年十二月十一日年七十有六君考諱權號葛村翁妣李氏兄弟六人爲邑庠廩生子男一旬之庠生娶齊女三次適予兒末吉儀封縣學生旬之以今萬曆丙申九月十三日薨君祖營之次來徵銘予嘗謂古稱非其義也其非道也一介不以與人一介不以取諸人又云行一不義殺一不辜而得天下皆不爲也今欲必見其人其中峯乎蓋君義守中正不惑非道有出世之學故能爲驚世之事幽自與君約爲兄弟弱冠迄今五十二年中間床頭驢背交頭抵足相處者數年至忘爾我

不直形骸雖古稱雷陳管飽不之讓焉今君棄我先還大造而歸予將嚙依乎乃攬涕而爲之銘曰 君之爲人如立千仞之岡君之爲學如歷百鍊之鋼于人心公望百不一償是謂天不可問之茫茫嗚呼欲知君之終不可忘視此銘章

張臺妻貞烈劉氏壙誌銘

張臺者張禾之子也禾不知何許人嘉靖辛卯總戎周尚文大破虜于墩煌獲被掠人口禾始十歲歸無附籍先大父光祿府君爲陝西右使

許東先生文集

卷十四

三十六

行遑憐而收養之遂從予家姓氏而命之名臺生三歲而禾死先中丞府君視之等與諸孫既長讀書無成屬以家務從予自偕計吏至今每服事勤恪妥當予同年友曹公傳川嘗許其可寄專城者予督撫恒陽時有欲舉應河南武舉試予弗許先娶李朝晨女死烈婦爲隣莊劉天錫女時在室以端慈聞臺 爲妻老妻數許其能凡 朝祭賓燕寇服及壺內禮數儀節之事咸能省記攸司無少失度今年春臺病踰夏及秋侍湯藥曲盡款誠病革送死衣物皆自手

製每製爲臺一卽自製其一潛密更無知者臺

將死目婦若有欲言婦曰到此復何言不惟此心不敢負夫少異抑此身不敢後夫少存果泉路可相期惟夫少待我耳聽者始衆相駭視烈婦曰夫死婦從此有何異事况兒我恭長成已娶妻生子我無爲夫當任之責不死何待此更無足異者而何以駭爲臺死八月二十一日明日早烈婦哭踴絕既蘇乃易縞素常服托一媼入告老妻欲見予將有所白予許媼引之見旋復謂曰我將必有所事倘吾翁憐而不許是

許東先生文集

卷十四

三十九

涉方命其可其可乃置案焚香叩頭西向而哭告曰臺夫婦受主叅養生成恩同天地豪末未報今皆無命以死惟傾肝剖心誓他生再效犬馬也已顧其母曰我事已成切無哭號阻遏以亂我神志若爾則我憤極當引刀自刎是無完屍幸萬千憐而亮我語畢入室膏沐具吉服危坐以帛自經及衆奪門始入氣絕而面頰安定如生屍竟不僵仆殊爲神異臺死年四十三烈婦年二十七子一卽我恭李出妻荆氏孫男三

是年冬十一月二十四日子令我恭壙臺與烈

婦啓李來附于城東新卜之墓地嗟嗟予每見
世之有爲人國台鼎元臣藝苑文章巨擘率多
甘心厚顏明欠所天一死而不之顧其所謂詞
章名位徒以供英雄嘔唾之資此何以故則以
死生之際之難自讀書學道之士固已難之也
茲于烈士之難一女子開之且安定從容甘死
如飴豈自誠明之性本不間賢愚而嶢然大義
能與日月爭光者固雖閭閻弱質閭閻氓庶之
皆可與能耶豈期主之平生力行底礪此心不
敢少愧神明者在一家之愚夫愚婦獨能相信
而服從耶抑臺之亦能心本不欺而天固有以
厚報之耶婦死之日邑里聚觀闔街衢者以千
數計遠邇士大夫誄以詩文盈數百餘首邑明
府周公方政先風化旣爲表門復卽移文府司
而臺部使者以疏具 奏 旨下建坊旌表是
于婦之死亦誠無負但自臺夫婦死而予家先
世舊人已淪亡旣盡殊不能令予之大靈傷心
耶銘曰 嗟汝臺汝胡卽死使汝勤汝勛不盡
其長嗟汝婦人孰不死惟汝婦一死爲偉爲烈
于夫增重于主彌光爰卜新兆俾汝偕藏慰乃

貞魂勒我銘章嗚呼一方風化萬古綱常

許東先生文集第十四卷終

張許東集十四卷

河南鄭縣人
撰述本

明張國撰國字召和號許東儀封人嘉靖己未進士官至右副都御史巡撫保定以忤張居正獨保左遷南京太常寺卿旋乞休歸終於家是集所載詩六卷文八卷初刻於天啟五年爲其子永忠及門人王安仁所訂定板久燬此本爲其後人重刊其中如慶成宴代巡贈別諸作本五言長律而襍之古體中題鹿鳴宴圖本七言古詩而列之詞內編次頗爲舛誤且考鹵在諫垣時陳奏頗爲侃直其後三領節鉞能殲叛卒修邊備與中朝權貴相抗多有政績可紀而集中章疏乃無一篇意者尙別有奏議自爲一集乎

華陽洞稿二十二卷

〔明〕張祥鸞撰

南京圖書館藏明萬曆刻本

附《四庫全書總目·華陽洞稿

二十二卷》提要

華陽洞藁序

華陽洞藁者虛庵張公之文也
公性沈靜喜讀書停蓄妙思秘
不輕發發必得意弱冠舉于鄉
不以自足益求四方名士而與
之游館吳江沈氏與靜菴杜公
華陽洞藁序 一

最相友善杜公講身心之學其
踐履卓然可觀法用是公之學
益進而文益高嘉靖己未舉進
士爲戶曹郎十餘年前後老於
曹事者皆服其詳練至於文學
蘊藉尤爲一時名流所推銓司

屢以學憲擬遷會

天子加意民生慎擇長吏乃以公典滇之大郡郡在會城凡一方夷情邊備及事之難決者部使者必以屬公又勲臣之世守其地者以罪逮嗾其下留已上

華陽洞藁序

二

下洶洶公處之咸鎮靜有體遂以帖然中外倚公甚重方謂旦夕且柄用而公遽請告以歸其歸也以直一寃獄忤當路意人爲公稱屈而公絕口不談又有謂公進退之際尚可徐處而不

少須疑公爲過者公但怡然引謝而已蓋公雅志恬退初不因事有感觸而輕于長往也歸來惟蒔花種木去家數里爲別業讀書其間足蹟罕入城市非公會不到官府未嘗增廣田宅予

華陽洞藁序

三

與公少長一歲憶昔公年六十時予嘗引白傳司馬故事期爲社會以相從于林間水隈窮諸勝事願未幾而公遽告疾予再遣兒子問之初則談笑如常再則疾已劇而志不亂曰此常理

也何異焉作詩二章以告終鳴
呼人皆怛化公何從容非有養
其能然乎此予之自附于知公
之一二者也他日當有讀其文
想見其人者爰因公諸子之請
而僭為序之

華陽洞藁序

四

萬曆己丑日南至

賜進士進階中憲大夫前南京
鴻臚寺卿同里王樵序



虛菴華陽洞藁叙

嘉靖甲寅余從先大夫勵菴君
習秣於龍山之別墅時虛菴公
實與先大夫同社云嘗讀其舉
業而未得睹其古文辭之工篇
什之富也惟目睹其下帷發憤

叙

一

冥視沉思左握馬班右拈李杜
家言孳々弗輟比公之文譽隆
然起矣越己未成進士趨承郎
署間與海內名公競以詩文相
唱和而公學日深文日進暨宦
轍所至輒有揮灑山居十餘年

尚口不絕吟手不停披而遠近
購文者戶外常屨滿公亦不倦
濡毫應答如響用是而文日益
富迨萬曆丙戌公捐養諸郎君
以公劇心翰墨垂四十年不可
泯：無傳也爰裒輯其所為文

叙

二

若干卷付梓以廣之而屬序於
余余受讀焉因作而嘆曰一言
耀帙黃壤如生片撰登壇藻園
不廢虛菴其不朽已夫文發之
以性靈非醞釀冲和則必無委
婉之致佐之以問學非沉浸子

史則必無雅麗之章公素以道
義維心澹視華靡其靜也若思
其默也若悟樸茂而文若玉之
在韞而其潤彩燦如也秀媚而
理若珠之出蚌而其銍射晃如
也而更鎔以經傳綜以諸家覈

叙

三

以典故肆其為文也華而不浮
密而有緻連貫則尺幅於丘明
騁頓則鑪錘於遷固如贈某：
則事委必詳規勉必至不為諛
套以相煦也如狀某：則慨述
生平追譚往故足起冥者於九

原而慰存者之歎歎也記遊覽
則筆底山川吞吐若繪能令望
勝者不涉境而意想如睹也愍
幽魂則哀情縷々於鳴訴之辭
而生寄死歸之旨炯如也公之
於文可謂閎中而肆外矣至其

叙

四

為詩五言七言長短異製各極
情神無一語涉中晚蹊徑賦景
奪化工之妙詠物極點綴之精
吊古奮慷慨之聲志別悵驪歌
之恨鑄詞命意鏤腑匠心感觸
則機流品題則藻湧廢幾掇晉

魏之膏馥振杜陵之遺響矣視
彼爭竒炫巧競縈矜葩者詞非
大雅氣盡小巫奚足道哉奚足
道哉大都公之文章悉從學問
中得而公之學問尤自恬淡中
來平時最著力處玩索之功多

叙

五


而了悟之機深也終身最受用
處廊廟之情短而山林之趣長
也以花朝月夕為得志之辰以
問水登山為宦遊之適公之志
公自知之公之見公自得之不
與俗人同難與俗人言也以

識趣而宣之文也有不足名當
世而垂無窮我余不能文又學
不逮公遠甚惟于公所最受用
處竊自信其有同趨焉故於斯
集也忻然珥筆而弁之媿文之
不足為公重也

叙

六

賜進士第奉直大夫禮部精膳
司員外郎眷生于孔兼叙



華陽洞藁目錄

卷之一

序

家禮考訂序

臨清志序

北潭傳文毅公集序代作

石湖先生詩集序

方伯陳獅岡先生詩集後序

少憲鄒希孟先生譜卷序

重脩段氏族譜序

華陽洞藁目錄

黃土岸沈氏續脩族譜序

楊氏族譜序

賀侍御莫沙濱先生考最序

送觀察使澤山馮公榮膺簡命移鎮隴西序

送參軍陳文峰入賀序

送郡伯近沙袁君入賀序

賀朴崖林大夫平寇膺獎序

賀郡伯豫齋林公榮陟序

卷之二

序

贈觀察使麒山羅使君上計序

送邑侯劉肖巖奉召序

送劉念庵擢憲副視師固原序

送曹西野擢憲副飭戎天津序

送丘黉橋擢刺南陽序

送鄭壺陽諫議叅浙藩序

送方聽泉擢刺瑞郡序

賀邵公杜華南陟尚書虞部員外郎序

送田育菴擢保寧守序

送吳左川守姚安序

華陽洞藁

目錄

二

送邑侯周用吾陟南京尚書比部郎序

送邑侯劉蓉川奉召序

送郡伯袁竹溪之嘉興序

送何麓泉僉事飭戎遼左序

卷之三

序

賀邑侯許少微報政拜封序

賀郡侯吳公報政拜封序

送沈劍南視儲淮南迎養序

送吳崑麓教長垣序

賀郡倅丘虹岡陞南京戶部主事序

送鍾玉陽使吳省母序

送蕭蒙南陟巢縣教諭序

客對贈王陽君陟官南臺

送高少川丞將樂序

贈醫士何省克序

卷之四

序

壽元輔少師徐存翁六十序代作

賀鴻臚卿方麓王公六十序

華陽洞藁

目錄

三

賀李隣泉封君六十序

壽荆水南封君七十序

賀郡侯鍾西星壽序

壽謝虬峰太夫人序

贈葛公八十壽序

贈宋奇峰六十序

賀御史鄒蘭谷太夫人六十序代作

壽彭鑑塘八十序

壽孫母虞孺人七十序

壽胡母吳太孺人八十序

王太夫人六表壽言

勅封黃太安人七十壽言

壽數溪呂君八十序

菊軒居士大耄壽言

卷之五

序

賀劉太夫人六十壽言

壽段後南七十序

壽潘百愚先生大耄序

賀曹太學盤溪夫人六十序

華陽洞藁

目錄

壽韓懷竹社丈七十序

壽虞夫人六十序

壽曹竹阿八十序

舅母高夫人壽六十序

壽薛母六十序

壽王與谷六十序

壽吳菱湖六十序

譚母荆安人八十壽言

壽王文學母七十序

卷之六

記

止足齋記

丹陽縣公田記

臨清司空行署重刻題名碑記

重表漫塘劉先生墓記

保定府脩學記

橫山水洞記

曹氏祠堂記

余氏尚義堂記

華陽洞藁

目錄

重脩三賢祠記

碑

丹徒邑侯徐公去思碑

肖巖劉侯去思碑

丹徒邑侯楊公去思碑

郡大夫馬公去思碑

卷之七

行狀

封戶部郎中先大夫方溪張公行狀

張母孫太安人行狀

前翰林院編脩文林郎含齋曹公行狀

封戶部主事默齋賀公行狀

居士雙湖黃君行狀

卷之八

行狀

脩職佐郎國子監助教致仕崑麓吳君行狀

贈戶部司務怡齋盧君配利孺人行狀

勅贈余孺人行狀

石湖虞先生行狀

例援指揮僉事一川于君行狀

華陽洞藁

目錄

卷之九

六

志銘

十亭季公暨配湯孺人合墓志銘

兗州同知松與劉君墓志銘

代作

曹春垣墓志銘

墓表

鄉進士勵菴于君墓表

卷之十

祭文

哭母文

祭曹太史含齋

祭同年丁後溪代作

祭國子先生吳崑麓

祭鄉進士于勵庵

祭阮中丞代作

祭曹伯子春垣

祭同年曹見川憲副

又祭太史曹含齋

祭孫敬軒

祭阮中丞代作

華陽洞藁

目錄

祭某封君

祭許少微夫人

祭朱太谷母郭太安人

卷之十一

書

荅杜靜臺書

荅門人沈涵臺書

荅張靈壚書

荅張壺梁書

寄方兩江書

荅于勵庵書

與杜靜菴書

與王麟洲儀部書

荅馮少洲督學書

與謝四溟書

荅海剛峰中丞書

荅于勵庵書

寄黃梅瞿生九思書

荅吳川樓督學書

與少宰魏確庵書

華陽洞藁

目錄

寄李澂川通政書

寄沈劍南僉憲書

荅朱虛谷書

寄謝虬峰侍御書二首

魏少宰書脩而未寄

寄葛誠源太守書

與曹見川憲副書

與李澂川書

與黎瑤石民部書

寄潘百愚先生書

八

與黎瑤石書

荅沈劍南僉憲書

寄曹盤溪書

寄曹育泉書

寄吳川樓書

寄李澂川書

寄何心泉選部書

與石東泉太僕書

報唐凝庵儀部書

寄李沔南書

華陽洞藁

目錄

寄吳崑麓書二首

荅賀澹庵書

寄王方麓書

寄于景素書

荅劉蓉川書

卷之十二

書

荅洪賓吾書

與曹含齋太史書

九

與袁鈞崖書

荅王繼山選部書

與曹見川書

荅陳文峰書

與吳崑麓書

寄張婁江少叅書

與毛斗墟僉憲書

與吳崑麓書

荅吳崑麓書

荅石東泉書

華陽洞藁

目錄

荅胡蓮渠侍御書

與賀澹庵書

荅劉泰宇別駕書

荅萬履麓大宗伯書

與姜鳳阿大司成書

與馮飭書

與楊震涯大司空書

與吳王成書

荅洪賓吾太守書

荅賀澹庵書

十

荅商博士書

報石東泉少司馬書

與胡雅齋中丞書

荅王華岡書

荅楊思默書

與劉泰宇別駕書

荅王繼山書

與胡蓮渠書

與杜華南書

與劉蓉川書

華陽洞藁

目錄

寄于景素書

荅于景素書三首

荅鄧孺孝書三首

卷之十三

雜著

奏疏一

奏疏二代作

啓蒙條約八款

程表萬曆癸酉雲南

擬宋增置制舉六科群臣謝表景德二年

十一

程策萬曆癸酉雲南

策問一 士習吏治

策問二 農桑

表

恭賀

皇上登極表 代察院作

恭賀

皇上登極表 代部院作

恭賀

皇太后表

華陽洞藁 目錄

恭賀

皇太后表 代按察司

恭賀

仁聖皇太后表 代察院

恭賀

慈聖皇太后表 代察院

恭賀

皇太妃箋 代按察司

恭賀

皇太妃箋 代布政司

士

啓

賀楊冢宰啓

按院啓二首

部院啓

黔國啓

按院啓

部院啓

黔國啓

座主啓 已未會試

候呂相國啓 代劉憲副作

華陽洞藁 目錄

卷之十四

五言古詩

水村晚秋

中山吊古

雨後偕沈道升登華陽

答禽言

村居坐雨

荷池夜集

石湖訪舊

虎丘山房

十三

花朝鄭園登臺

晚春常莊水亭

直河道中

下邳吊子房

濟上晚行

舟夜聞笛

東郡道中早行

招隱山樓看月

題閔道士山樓

東平道中

華陽洞藁

目錄

東郡道中望岳

西庄小樓看雨

壽同年顧侍御乃翁

舟行德州道中

春郊晚眺次岑嘉州韻

懷仙吟挽董西嶼暨配二首

朱虛谷顧陵陽訪余草堂遺以詩扇

題鳳岡世隱

七言古詩

甲馬營舟中雨懷

中秋龍山玩月

月夜芙蓉

贈蔡春臺憲副

山陵雨中夜行

客舍病懷

雲林雙壽歌爲朱太庵乃翁少忝公作

春晝坐雨寄方兩江

爲韓雙湖題雙湖圖

題華岡王進士毋蟠桃園

懷竹吟爲同年魏敬吾舍人賦

華陽洞藁

目錄

贈吳康野封君

贈歸震川太僕丞

題曹君家慶圖

雨後昌平道中

卷之十五

五言律

春日偕吳崑麓沈劔南沈虹野飲城東水亭話

懷二首

月夜觀歌者

城南鄭尚書別墅同省中諸寮餞曹劉二副

錢戴表孫四郡伯次黃玉岩韻二首

端午前一日省中午坐二首

同韓雙湖泛舟訪直峰昆季

題育泉書樓二首

龍山晴眺

莊城道中

送楊四尹升陝西倉使不拜致仕歸湖南

吳江舟夜與涵臺話舊二首

永慶寺贈東白上人二首

別中庵入舟遇雨留宿悟亭山房

華陽洞叢書目錄

十六

訪張靈壚不遇

韓國瞻壽六十二首

秋晴泛舟過董家舍

城居樓曉

丹陽道中夜泊

過曹見川汝山別業四首

與吳崑麓沈涵臺臨水坐月呼酒聽歌二首

霽山吟贈錢賢二首

張壺梁書來問遊吳并寄百一詩賦此報荅二

首

延陵吳陽塘七十

入山遇晴

雨後登華陽洞山樓

山房聽雨話舊

山房感舊

書鶴峰道士冊

西庄次潘百愚先生韻

新秋泛舟過西庄聽雨話舊四首

秋夕與客泛湖二首

重陽後庭中晚步

華陽洞叢書目錄

十七

新河北堤野酌二首

因樹軒落成二首

春晴泛舟登龍山

山下園池

池閣

靈震觀偕沈劔南諸丈飲

春日別家北上

度淮春曉

客路病起

舟阻東昌

五月望潞河舟夜

和合驛晚泊二首

京邸病懷

靈壁道中晚行

下邳午日二首

登黃樓讀蘇子遺碑二首

河決沛上紆道刁陽湖二首

寄沈虹野太原三首

滄洲雨餘晚行三首

春分大佛寺同賀澹庵朱虛谷話懷二首

華陽洞藁

目錄

大

朱虛谷書齋紅梅二首

送張東原守臨洮二首

送劉魯峰謫六安二守二首

朝天宮習儀後偕省僚出西郭尋寺登臺三首

送薛雲澤守都勻二首

題張斗澗宦海萍踪卷

省直

出省晚歸馬上口號

冬夜過朱虛谷二首

長安月夜懷舊

山陵秋祀

卷之十六

五言律

春日龍泉觀

湧泉寺

近華村采蓮二首

橫山雨行二首

江西道中雨行

萍鄉道中晚晴

思湖泛月

華陽洞藁

目錄

十九

春日雜詠四首

早春野望

園居

春晚

春社

寒食

暮春連雨

草堂雨坐

西庄初夏

草堂初夏

初夏朱星河過訪

積雨

雨晴晚步

初夏小園積雨二首

初夏曉起

晚倚

月夜溪泛二首

西庄避暑二首

蓮舟泛月

夏夜西庄溪泛二首

華陽洞藁 目錄

夕泛二首

育泉過別業夜話二首

與莊我同水村泛月次韻

贈方立齋過訪

秋晚舟行

秋日西庄

秋曉庭中玉蘭露葉可愛

送楊鍾魯入覲

至日壽陳迪功

題畫

二十

冬日過新溪二首

聞曹太史生子喜贈

賀王纓溪冠帶

偕丁少鶴賀澹庵遊普慈寺

延陵毛子鏡上吳郎有北遊之約甲子除夕登樓對雪披惠連雪賦朗誦數過呼酒悠然獨酌忽起山陰訪戴之興敲凍賦懷二首

南城眺望

長安春思

西山秋望

華陽洞藁 目錄

園池

乞歸

卷之十七

七言律

送趙汝泉視儲遼左二首

臨清月夜別友人二首

昌平館中懷趙汝泉

德州行殿朝王

丁未計偕與方麓連舟北上今復同官東郡感舊賦懷

舊賦懷

送李西野二首

送紀文泉之任南都

送蕭總戎

秋日齋居

送羽士姚麓居歸京口

上巳日寄鄭虛舟

送鄭徵君赴吳次泉之聘

舟夜二首

客中歸思

飲朱使君浣俗堂

華陽洞臺目録

潞河秋夜坐月

過曹太史宅感舊

山陵道中古院午憩

送吳崑麓南還二首

送沈虹野歸吳二首

常莊餞劔南二首

送高省庵宰彭澤二首

送劉念庵憲副兵備固原二首

題鍾玉陽世恩節壽冊

送汪蒙泉念憲入浙便程省母二首

寄學憲馮少洲校士浙中二首

洞簫倚歌

初夏新溪午集

送朱虛谷歸靖江二首

辛亥丁巳兩偕午崑麓沈劔南信宿石潭山房

癸亥二月重登而二君遠矣感舊留題二首

秋晚高湖吳郎載酒送別

無題

雲居寺同何肅山登城午眺

別西湖歸途賦懷

華陽洞臺目録

病居言懷

初夏曉起

送沈七秀才赴試南都

秋日携友泛舟登龍山二首

新河載酒天荒秋泛二首

曹園夜飲得池字

穀雨龍山載酒贈席上歌姬

題李秀岩白雲山房

登君山飲眺

登靖江孤山望海

賦之

宿焦山水晶庵

甲子歲除賦懷

花朝有約

官舍偶成

病歸二首

長安古寺贈別二首

天津道中歸興

舟雪

張秋遇冰

華陽洞藁

目錄

滄洲贈徐龍灣

飲徐龍灣官舍

東郡道中早行懷古

徐州登戲馬臺

放鶴亭晚眺

盱眙吊古

飲招隱山樓二首

江行入儀真二首

觀瀾亭逢吳鳳泉舍人避暑

登太白樓二首

送須檢校

壽顧封君

壽段華河諫議乃尊七十

寒食兩懷

署中詠懷

送李吳川謫守同州

晚春遊常莊水亭

乞歸

送劉迪功承德郎

飲招隱泉亭醉眺昭明讀書臺

華陽洞藁

目錄

甘露山堂別筵次有泉韻

瞿生九思自黃至吳受業於予適予北遊不及

相與信宿江潯揮手而別二首

春莫渡江行儀真道中

渡江後寄友

孟城雨後望湖

寶應湖阻雨邵禎數年兄贈詩即景賦二章報

之

月夜聽舟人吹笛

天津夜泊

廿五

廿六

舟次夜話

送張斗澗年兄謫建昌博

送劉幕岡任建寧簿

壽費舉人母六十

賀瑞芝早朝

中秋雨

省夜

送丁少鶴謫延平二首

送李巽川監兌小灘便程歸趙

贈蕭鴻臚

華陽洞藁

目錄

書友山卷次韻

壽顧封君

再授官謝恩

重典掌故

吏散樓居

長安秋望

送王繼山守武定

送吳崑麓會試二首

送蔣教諭

天街月夜聞歌

贈吳崑麓

乙丑 聖節早朝二首

呂梁

使還渡江

西庄春事二首

西庄友人過訪

卷之十九

七言律

西遷道中言懷

真定晚祭

華陽洞藁

目錄

真定哭楊栽庵老師

順德道中午憩

過邯鄲黃梁祠

衛郡曉來望太行

獲嘉聞雲南命

登蘓門嘯臺

燕門觀百泉

嘉興同沈劍南登烟雨樓

清明吳門舟中叙別

嘉興寺閣雨眺

留別劍南

富春江行二首

豫章候館逢賀南康移守廬州二首

登廬山文殊臺觀瀑

白鹿洞

長沙吊賈生祠

貴州道中二首

普定逢林二泉憲副二首

貴州道中兩行

渡盤江

華陽洞藁

目錄

九

渡關索嶺

南中秋思

黔中文昌閣晚眺

南中歲晚書懷

寄毛鳳池

寄家書

萬曆改元日

南中鄉思

詠懷

登太華山望昆明池二首

大德寺同葛誠源看雨

送鍾文峰別駕入賀二首

早春府僚邀飲圓通山亭

登五華山樓用前韻

沅江曉渡

宿萍鄉

臨城驛飲譚明陽官舍

清流關晚渡

桃源吊古

宿靈岩寺二首

華陽洞藁

目錄

三千

登太山二首

贈郭懋庵太守二首

長安客舍崑麓過訪

燕郊偕朱鴻臚看春

留別毛鳳池

別朱厓谷

訪蕭觀吾不過

乞休

病歸

乞休得請

爲園

乙亥早春西庄看梅二首

送王方麓尚寶之京二首

書于景素扇

石湖訪王龍岡

登吳臺次法空上人韻

劉泰宇別駕過訪

送劉別駕遊茅山分得清字

送江問山人采詩淮南

卷之二十

華陽洞藁

目錄

三十一

七言律

泛湖訪舊

贈鄧纓洲釣亭

贈邑侯劉太夫人旌封

送鍾西星太守入覲

送秦明石太守入覲二首

題二松卷

哭段慎庵表兄

送何靜吾餉軍上谷取道南歸二首

見山兄七十壽

秋夜同王玄靜虎山橋玩月

天街寺旅寓

登牛首山閣二首

棲霞寺讀江總碑

探山登白雲庵

登北固山

寶界山秋望

丙子除夕

寄武陵博士王肖崖

遊善卷洞

華陽洞藁

目錄

三十二

張公洞

荆溪道中

綠蘿庵

寶界山

王女潭

齋前壘石種竹

草堂春晝

西庄看花

題柳贈別

春日過西庄

春日友人過訪

雙湖載酒西庄

暮春連雨

初夏西庄

與毛鳳池西庄夕泛

西庄避暑

曉起

田居白髮

園居曉起

草堂即事

華陽洞藁

目錄

三十三

西庄書事

新秋西庄書事

田居秋夕

雨後過西庄

西庄晚秋

十五夜新溪醉月

壬午冬晏西樓看山

王生悅之少負俊才爲諸生有聲非其好也顧

好吟吟成津津自喜久之回視博士家言枵

然無味語人曰人生貴適志耳惡能淹歲月

轅下負此七尺耶一旦拂衣作兩都之遊草

堂雪夜過予話別賦長句一章贈之

楊柳枝詞

飲含齋席間歌者以扇索詩漫賦

贈黃生白完

王華岡進士歸省

送孫藕塘學博

贈王生悅之重遊白下二首

贈何御賢

丹陽郭外偕丁少鶴泛舟話舊

華陽洞藁

目錄

三十四

春雪梅花

癸未春閨聞事

田居書懷

舟次贈洪芳洲使君

秋夜小酌席間次崑麓韻

送王龍岡之官懷石湖舊遊

丹陽道中別意

草堂秋晏

卷之二十一

五言排律

小樓海棠

送潘春樓太守朝元二十韻

過寶應湖

送虞拙軒赴永昌郡幕

贈徐龍溪左遷鹽運

貴陽吳川樓邀飲汪魯山園席間索詩謾賦

渡泗憇盱眙勞見與相款晨登山亭遠眺謾成

二十韻留別

憶昔

晚春遊常庄水亭

華陽洞藁

目錄

三五

壽睦母徐氏七十

七言排律

送錢南里兵部頒勅江東諸將

五言絕句

村居雜興次潘百愚先生韻六首

書郭五遊縞帶

獨寢

卷之二十二

七言絕句

出塞吟贈趙汝泉六首

別謝四溟四首

七夕別齋中故人四首

舟次天津津吏持符淮河口號四首朝之

山陵道中古院午憇

送李月山分教開封四首

省中齋居四首

華陽訪舊二首

贈豫章朱地理二首

贈王地理二首

憶石湖四絕

華陽洞藁

目錄

三十六

重陽恨雨

無題三首

種樹晚歸

晚坐悟亭山房試茶

午過夾溝驛

徐北逢于勵庵南還寄書

徐子與遺予白雪樓詩集

驛亭新月

楊州望江南山色喜而有作

買朱虛谷買妾廣陵二絕

寶應湖晚泊懷朱射陂先輩六首

宿州道中曉行三首

渡淮口號

潘秀才草堂看花二首

平夷道中遇雪

春書聽禽

新月梅花

紅梅

池上置橋

蓮蕩泛月

華陽洞藁

目錄

三十七

買舟

偶題

郡城聞鶯

春晴閣坐

入郭

早春西庄晚步

小園長夏二首

題画册二首

新嘉驛亭新月二首

舟晚二絕

春途口號二絕

送金別駕侍養歸楚二首

閨門夜泊

初夏曉起

絕筆二首

序

家禮考訂序

古稱秉禮之國。顧不首齊魯哉。乃予如齊魯。問俗俗皆家自爲禮已耳。先王之舊文遺節鮮存焉已。又求什一於文獻家。而得兩江方君。君方居廬讀禮。出所考訂家禮觀予。曰是編也。益傷古禮之艱於今云。議禮者咸曰襲古難卑之。而毋強以難莫如緣俗而以先王之意維就之。緣俗則禮行。節以先王之意則禮存。禮行則防樹而民不逸。禮存則所樹之防正而不各行其私。是編有古焉。有古考有俗。宜益顧今所能行。而以先王之意標引之耳。此予所訂禮之意也。張子曰予觀是編而知齊魯之禮盡在是矣。夫禮之防民也。若防川焉。要以隄其逸而約之正耳。百川惟河最橫逸。立防最難。乃河之百折而東也。有自然之勢矣。惟禹識其勢。而因勢立防。建瓴於龍門。委輸于大陸。昂伏變遷。以鑿于海。龍門故崇峭。即因崇峭爲防。大陸故曠衍。即因曠衍爲防。未嘗用其私智。覆一簣封一堤。而防卒立。悍者卒恬。怒者卒殺。而赴海也。

若歸益因地之宜以立防。而勢不逆也。善防川者。因地之宜。以隄其橫。善防民者。緣俗之宜。以關其逸。關矣。不必蕩然盡去其故。大拂其俗。以強合于古。而緣俗自可以復古。俗鳥可以盡拂耶。俗非委巷之陋云也。古云衆心安定之謂俗。又云禮從宜。使從俗。惟卑且陋。固不可從。乃其俗故善也。又人情所安俗。奚不可從。彼三代古矣。不有三代之俗乎。忠質文三代之俗也。宜忠者忠。宜質者質。宜文者文。三代之俗宜也。緣俗立防。乃自古用之矣。是古考宜于古俗宜于今。其爲俗宜一耳。若崇峭曠衍之異勢。而其足以防川一也。世儒不能達觀古今之變。而曰今之俗卑。收拾皇王之遺緒。牽制馬鄭之甲乙。以繩今之人。度長繫短。于尋尺間。而求其一切焉。合曰必如是始可以議禮。是猶欲隄大陸之卑。齊龍門之高。而不知其勢之屢遷已相萬矣。或曰復古若是難耶。古卒不可復乎。曰奚不可復也。復古猶登也。巉巖無階。即大五之城。武夫却而莫登。由曠衍而階之。蹊之以躋之。巖即泰山萬仞。而跋堅牧其上。今以俗宜爲曠衍。以古考爲泰山。以古意泰于俗宜之間者。爲階爲蹊。則行跋蹊。跋蹊視萬仞。掉臂而履之矣。履之斯登。而先

王之矩矱其在斯乎其在斯乎循是以復古也又奚可曰復古難方君曰子之論得之矣斯予訂禮之意也請序諸編端以俟好禮者擇焉

臨清志序

成大夫某守臨清按州之志以徵俗而出政焉州故有志所從來舊矣俗移于時之屢遷俗不可以舊文徵也又邇事闕未志志宜脩乃徵學士家脩焉而授簡于方君某閱若干月而志成斯已勤矣表凡二維是州之徙置代殊者疆里之奄亘者表書之記二星分之主其地者民風之代相沿者記書之志九自雉

華陽洞藁卷之一

三百八十五

堞臺署以下凡為州所繕創者川梁之榮帶者以使事吏事臨者祀秩載在令甲與秩而令甲未載者材之境產而上輸者士之第若貢者戎事禁網之森設者祥祿之間現者志書之傳十官譽鄉評可以表俗俗所俎豆者賢而未俎豆需時者僑籍者獨行者以貲封貴者仙釋異流例得志者傳書之而志終焉夫志事以經之時以緯之其裁嚴其文覈志體也事具而後俗可徵秦人未適越者不識舟楫何狀披越之志而按焉則若鼓柁而行乎澤國之中故韓宣子之觀魯季子之觀列國咸于其文徵也仕者之始入境

也俗之未諳何啻秦越志具而可徵則拱手而坐乎幄中流覽四境窮閭僻里之情狀森陳于階序可接而瞭焉張弛揮霍政不戾俗民習而安之志具也氣化人事之代謝升降也世異而歲不同不膠于陳迹而與時推移斯謂因時之政志具而時變闕焉即具猶無徵也執南訛之民而使其觀東作之曆以興事此所謂舛也故志之葺不嫌于亟也志時也具且時則必述已事網時變拾毛瑣之事以蕪其大者急者甚則是非頗謬于輿論而去取失真此其所以蔽也滋蘭之畹不蕃冗卉懼蔓之亂芳也史遷叙數千載之事其文不半于魏收後之評史者卒良遷而穢收黜蕪蔓也志烏可以無裁而徒滋蔓耶其裁嚴則其文簡史氏懼其簡而近于陋從而文之文浮而實暗矣談漢事者未聞稽諸兩都賦文也里巷閭門之謳吟太史采而陳之而民風可觀其實存焉耳故志核而俗可徵也志體也方君出其所葺志觀予而屬序于子序曰君所葺志之體存焉瞻而不逸時而不違裁而不穢核而不靡志矣哉若夫按志而知道有升降政由俗革則少史氏之論脩矣宜存之以告夫觀民風暨更于茲土者

華陽洞藁卷之二

三百八十六

北潭傳文毅公集序

代作

北潭集集少保文毅公詩若文傳之其人者也文毅公集豈非所必傳者哉吾邑

四朝文獻有文毅公典刑在文毅公典刑有北潭集在則斯集所當必傳無疑也公為詩不作驚人語洵洗色澤獨存真澹而瀟灑平遠之態時見于色澤之外風格稍似白司馬文不識何似大要脫去蹊徑獨成一家言冲夷爾雅據所自得而真率之味悠然雋永如對家人父子語戶庭內事公之詩若文斯其大較也觀公之文章疑其為人或恂恂然長者乃其立

華陽洞葉卷之一

五

三百六

朝大節侃侃嶽嶽標挺山立屹不可撼裁抑勢人橫障倭倭使

國體重于九鼎大呂斯已奇矣或疑公之丰采凝峻若彼而作為文章破去崖岸無險峭磊落語不稱其志氣噫此正所以見公之真也公以為風雲月露之習靡則脂韋突梯之偽滋懸奇逞博之心侈則淳龐正大之氣散是以公之文章去彼取此獨存完質而亭涵正氣于其中至于正色立

朝乃其素所畜積而為公之至文也不然公之同時

石湖李輩揚葩振藻凌跨羣彦時譽甚盛若氣節之

開予益難言之矣以公較之果孰得而孰失哉公自

供奉翰林屢官孤卿倫顧問定國是宜多名言格論

今集中不存什一何舍人亦云從內閣見公章疏倍

于他曹今集中亦不少概見何耶豈密勿造膝之言

不以語人如昔人之避人焚草者非耶然鳳已逝

而得其遺甲墜毛亦珍之為瑞世之文不必盡見其

全斯集益麟甲鳳毛之遺也即有所逸而仁趾彩苞

已蔚然可想見因是以求公之典刑邦之文獻其在

斯乎其在斯乎集刻于嘉靖戊戌歲漫無類次卷帙

不分公之冢嗣禮部君從而是正之類分若干卷重

華陽洞葉卷之一

六

三百六

錢之梓以公于予為文人行宜知公又宜知公文乃屬予為序序之

石湖先生詩集序

洪武中高楊張徐諸先輩振藻江東時則吾邑中丞虞公以聲詩繼起與之接響有玉雪齋集藏于家中丞公六世孫石湖先生少薄榮利淹羣籍能持大雅典刑世其家學遺芬騰馥因之再振至其境與意會偃仰顧盼長嘯高吟淋漓自喜風流標韻出入古今諸名家即不可蹊徑要之鏗鏘有節成一家言是為石湖先生集而與玉雪集後先映采云昔王洗馬

自多其家文獻。謂七葉之中。人人有集。後為盛事。而持之以傲安平汝南。今中丞公暨先生咸各有集。世相芬郁。文獻家聲。不堪與鳥衣諸王揖讓耶。乃其朱絃疏越。世會有賞音者。可無評第。述其文獻淵源。題諸簡端。

方伯陳獅崗先生詩集後序

某以郡吏侍公南中。晨起而謁公于堂。聞公經濟高論。鎬然有金石聲。退而欣然若有得也。已而見南人屢公德政。欲歌欲舞。曰美哉信可被絃以歌。按節以舞也哉。福南人者。其在斯與。何標崇而韻之悠以遠。

華陽洞藁卷之一

七百八十二

也。久之公授予以游峨有詩。又得四墓吟。藁戴生所咏。歎之淫佚之曰。思深哉。始旬宣之遺聲。詠咨之雅什。與被絃以歌。可以阜民。按節以舞。可以格遠。獨詩也。與哉。夫政有標韻。觀公之德政。已知公之聲詩。詩有神情。誦公之聲詩。又見公之德政。彼綺麗無實。徒以輕薄相高者。不堪北面矣。昔讀鄭少谷先生集。見其獨登風雅之壇。以表東海。乃私心雅欣。艷之惜。先生勲位不稱。其文采公與先生同里。振起先生之遺響。而勲位過之。閩粵文獻天之畀先生者。于公乎豐矣。詩凡古體若干篇。近體若干篇。戴生曰。此公之金

萬一蠻耳。予聞一花而香有餘。蘭之所以勝蕙也。是不以少貴乎。而少之也。予于詩無解。惡敢僭評公詩。聊述觀聽之素。景行之衷。再拜而書諸簡末。

少憲鄒希孟先生譜卷序

昔李衛公以平泉之佳麗。貽其後人。戒之曰。以一石一樹與人者。非佳子弟也。不數傳而墟焉。予獨謂衛公不能貽。非後人不能守也。公不以孝弟為貽謀。而以一墅之花石。燕其子孫。崇靡導侈。而望其能守。是猶教之穿窬。而戒其入于法也。鮮不及矣。吾邦鄒希孟先生。宦階更歷中外。不以萬金之業。為子孫計。惟譜其先系。泝而至于七世祖止焉。

華陽洞藁卷之一

八百八十八

肅藩洒翰于其端。繼以一時邸臣交游之詠和。軸而藏之。以貽其子。若孫。予之曾大父松軒翁先生之甥也。得是卷于其家。既而授諸先生之孫鳳鳳。受而藏之。惟謹。鳳子雲新。其朽敝。登其後人之未書者。而請序于予。予謂族之有譜也。所以教其子孫。崇孝弟而不忘其先也。夫吾身與吾族。同出于吾祖。及其源遠而末益分。遂至有不相識者。至有若秦人之于越人者。至有按劍相矜于利害之交者。譜系不明。而孝弟之行薄也。譜立而可按。則流雖別。而知其源之同枝。

蔓雖分而知其本之一期功以至於祖免之所不
及皆知其為吾祖之昭也吾祖之穆也其始則吾祖
一人之身也知其為吾祖之一身而孝弟之心有不
周于其族者乎況未至于祖免而有操矜林之戈以
相殘者乎故曰譜之為教也所以使其子孫崇孝弟
而永不忘其先也此道行而還淳風于既散之後矣
故知先生之譜其族也以孝弟貽其後人也曩使先
生富其貲以腴其子孫而孝弟之訓闕焉吾恐泰畜
之豐滛縱之媒而覆敗之階也齒角飾而其身焚矣
有能如是卷之尚存者乎先生貽謀之臧衛公不如
孫

重脩段氏族譜序

昔桑欽著水經志天下諸水甚具後之人披籍以稽
不降階序若乘博望之槎流覽宇內而百川萬壑可
俯而瞭焉氏族之有世系猶水之有源與委也水經
具則諸水可博觀譜具則自己祖之祖邇而上之及

于受氏之始祖又邇而上之及于始祖之所自出
整容笑語會于一堂而不知千百載之遐邇譜焉
微也然天下之生久矣受氏以來流離轉徙不知凡
幾故家舊族能保其家乘之不逸者千百之什一耳
譜即逸世系即不可徵而先世之精神固相屬也因
其世系之不可徵也冒焉而援他族曰此吾受氏之
始祖也此吾始祖之所自出也而所從來之世系始
不屬矣濟水多伏流而志濟者但忘其所見而其潛
相輸委者固屬而不絕也使因其伏不可見也旁引
冒援以續之而濟之故脉始不復辯是世系必關其
所未核而譜始核也是譜之大凡也後南段君某南
洲先生之仲子也續其先大夫世譜譜其宗人之未
登者而徵序于予予觀譜之凡例世次書譜某字某
號某書行實官勳書生某年卒某年葬某地書婦家
書子幾人書子出後諸父書女家書上及于已祖之
遠祖旁及于祖免之疎屬咸譜焉若按桑欽水經以
達觀宇內而諸水之分合繁迤視諸掌上也斷自始
遷之祖而先世不可譜者闕焉若志濟水者闕其伏
流而其流固潛屬也此南洲先生舊譜凡例而其什
子循之以續其繼登者也予幼即聞長者輩稱說南

洲先生賢先生以進士起家為弘正兩朝名臣清標峻望澄映邑里乃私心雅向慕之今觀先生族譜其先世固多長者及先生益標起而後南君又能適追大雅之遺以世其舊德稱文獻家云今夫十人同堂而坐九人章甫一人斷髮文身居于其間則顧視左右愧其坐人不終朝而易其陋習以登于禮樂冠裳之盛矣段故名族譜所載故多賢者已逆知後之登斯譜者無有以文身之陋登章甫之堂者也譜脩于至正某年至弘治某年而南洲先生再譜焉又若干年而先生之仲子某續先生之譜則為隆慶辛未云

華陽洞葉

卷之一

士

三百九十九

黃土岸沈氏續脩族譜序

昔越人客于秦久而忘其里族一旦與族人遇于逆旅相視之各以為秦越人耳不知其先則一人之身也宋有賤丈夫者見其里有貂貴乃私心欣艷之歎門自述曰吾之先世某與貴人先世某俱某之昭也援為父行而事之甚昵以之誇于人曰吾族素貴不知旁之人醜之者爭掩口而竊笑是二事與世之譜族者實似之遺其先世之枝裔不譜易世以後昭穆訛闕相遇而不知為誰休戚不相通憂喜不相慶吊若越人視秦人然非也間有好自矜詡者卑其族之

無顯人也援他族之炎赫者竄入譜中而誇于人曰吾族大是宋人之冒炎也亦非也黃土岸沈氏族故有譜自若干世以下闕而未續十世孫養吾先生續其未譜者自百八公以還得十二世而凡例一循其故譜成屬序于予且告之曰吾沈之家黃土岸也蓋聞徙自吳興云而不聞自吳興其徙也兵火轉徙失其先裔僅自百八公始而不與興其徙也兵火轉徙以予觀其譜例無論不冒援即他姓子為沈氏後者有汎稱而無派裔者咸不屬于譜若四瀆之赴海萬里一派而旁流異源不得以冒附也所以明有宗也十

華陽洞葉

卷之一

士

三百八十四

二世之相承昭而穆穆而復昭宗分支別一源一委輯傳以表行宗約以明規丘墓以志封樹約而該核而不漏百世之後披帙以稽九族之親若聚于一堂聲容笑語之相接也所以明有親也先生博聞自喜不求仕進雅以長者稱里中是其所譜足訓也後之人沿其宗支之相仍世加脩輯靡有闕訛俾奕世之遠聯而合之若一人之身而不相秦越則甚善忠孝足以表俗則書勲位足以亢宗則書否則因事紀實無若宋人之冒援亦甚善

楊氏族譜序

往讀荆溪外記記顯佑伯楊公事甚偉公提劍起濠從

高皇帝下江南破偽吳兵百萬荆溪上擒偽將張士信江南僭偽以次削平公有力焉荆人俎豆公而公之子官景東官普安官貴陽者三而兩家于荆嘗放舟荆溪見其山高水清萬室殷阜老穉嬉嬉如小兒狀不知先世百戰之功以貽今日之安也爲之低徊而不能去適游滇公之九世孫守廉官滇爲開府牙將聞予自江南來談及故里族裔出譜觀予已又出功臣錄誇予以先公勲蹟予既雅慕公風烈而又得

華陽洞藁

卷之一

十三

三百五十七

公之後人風槩如公語曰將相無種非然哉按譜稱楊之先世出自關西徙濠遠裔逸不可譜可譜者自濠徙荆自荆徙夜郎徙滇歷歷有世次可指數予謂關西諸楊四世三公勲烈昭映東京爲漢名族而顯佑公以

開國殊勲

廟食百世而子若孫咸能以名將才故官勲世其家譜系所從來厥有自哉楚曉崇蘭移植別苑即歲久莫稽所自移然綴芳珮馨者卒能辨之曰此楚產也蜀錦齊紈去杼軸流市海內外服麗密被輕華者咸

識之曰此蜀機也此齊製也莫能清之者氏族世遠支分如其家聲之肖似猶是也太史公叙傳記往往推所自來曰某名族某某之苗裔氏族貴所從來舊矣濠之楊其譜系雖不能直續關西知其徙自關西者英風偉烈足紹東京也貴陽普安景東諸楊譜系已續濠矣風槩顧有不如濠哉滋蘭之畹不蕃蕭艾純錦之肆不裁卉服類族之辨殊也固知楊之族宜大而後之誇貴盛且賢者不必按譜數系而曰此關西貴族也此濠梁世胄也此又譜外意也

賀侍御莫沙濱先生考最序

華陽洞藁

卷之一

十四

三百四十六

治絲易棼握其紀則其棼易理棼網者挈其綱則羣目整然翕張如意

國家百司庶務立御史臺紀綱之天下之勢定而不棼者紀綱之地重而御史才也御史才則立柱下議大政

天子止輦霽頽埋車輪糾裁百職官邪如洗出代岳狩則聲搖天地貪墨拋印綬去自巨鎮大藩以逮一幕一胥上下其賢否以詔廢置搜巖穴獨行表樹之窮閭疾苦便宜煦育則枯槁生色採部內纖巨事上之

朝即海裔荒遠在黼座前

天子拱手九重之上萬里之外可接而瞭焉侍御史紀綱于其間學術優而更事之多也學術優則治體素明更事多則學術益練而不以私智聞天下驗其學術者在試政之初而稽其更事之練者在報政之日此我

朝御史之設上沿古代而簡才試職之法視古加詳簡即官之最才者試職臺中臺試才始授御史秩衣豸錦操白簡與紀綱事蒞事三載報政天官部部試又才上其最

華陽洞藁

卷之一

五

三〇三二

天子鳳書馳封

恩禮有加焉以紀綱地重而遴選之典慎也沙濱先生伯仲鼎立為海內文章家學邃矣已又入中秘洽覽千古煥已燁而又膏之學益加邃焉

國體之重事功之大皆其素所畜積也由中秘出膺臺選丰采言動標拂流輩出按部淮南已又按應天路兩部皆畿輔重地觸邪仆奸霜飛冰凍褒賢旌烈鑑懸衮華起墜革冗髮櫛縷分衣寒哺饑雨濡露滋布德施惠風熙日舒弘綱大紀較然如畫學術事功穎脫標樹報政天官部部課報最

華章綺誥覃封優渥焉榮矣世固有無實而冒浮榮

者先生本其家學所積中秘所覽以紀綱臺政試輒稱才如引穿楊之毅以命中也如上農勤于土物而有秋之報稱其所勤也榮非冒受榮益甚矣余竊見先生高芬沾丐如先生之事功由學術而先生之榮膺

恩賜由于事功之偉也太史書之垂且不朽俾後世睹青簡所載者如予今日所睹焉不其偉與敬拜一言為先生賀

送觀察使澤山馮公榮膺

簡命移鎮隴西序

華陽洞藁

卷之一

六

三〇三五

嘉靖乙丑夏澤山馮公奉

璽書觀察江南四郡四郡橫亘江海間稱江南重郡云維是紀綱之宜振者百執事奉職不奉職宜廉訪者刑宜平者戎行武備宜整飭者島夷之窺伺萑苻之嘯聚宜蕩除者咸有事焉四郡觀察之任又稱重任矣公以通才雅望茂膺

簡命紀綱南郡未期丰采所臨秋霜烈日列郡百司網挈目從羣情萬務髮櫛絲理建牙授甲虎機貌奮南人安公之德政恨得公晚也居無何天子念岷洮間戎事

詔公移轄岷州經畧西事南人德公而惜公之去也
皇皇如失咸相與疑且議曰西事信重往江海間被
封豕長蛇之擾厚集諸路勁兵兵連數歲易數才望
重臣始克削平今江海雖稍寧戢然兵家之勝貴于
未戰得公蚤圖豫待久以歲月南人之庇也人方庇
公爲江左長城公奚去我千金之家或司鎖鑰或司
負郭委受之重鈞也西土即鎖鑰也宜重然四郡之
賦當天下十七是負郭之膏壤也公能庇我俾江澄
海晏民狎其野以供井稅上下咸有賴焉公奚去我
解之者曰霖雨之澤千壤咸望善私者不能使隣境

華陽洞藁卷之一

七

本
四百九

不被家畜連城之壁羣觀而競求者塞其門非一賈
之積所能留也公負通才則東夷西羗咸需柔伏江
海洮湟咸需澄清寬民滯獄咸需舒氣百司庶職咸
需表率求者需應失者需獲公之一身四海羣生之
需也一路烏可以留公且天下有被其澤則其澤不
必在我達觀者之公心也四海一身八紘一室西人
亦吾人耳西人安吾亦與俱安矣得子必楚隘夫之
陋談也易守而兩郡之民交爭于境細人之私愛也
于是疑者解頤而罷因相與祝公曰公之西也不能
不繫南人之思維公西事奏績早登政府俾諸路

姓咸在膏潤中南與西無擇焉公之大賜也南人之
上顧也昔文正公由越州移鎮西夏而相業大相業
大而蒼生之沾溉者庶幾無一夫之不獲百萬甲兵
森列胸抱公視范公何讓焉由西土之經畧以基相
業以庇蒼生以遂先憂後樂之志公視范公又何讓
焉敢以是爲公祝公將行三邑邑大夫徵言于予以
祖公之行予敢採閭閻之戀公祝公者文之用敬陳
于車前以祈公蚤慰南人之思

送參軍陳文峯入賀序

華陽洞藁卷之一

大

本
三百九

也及其去桑梓客殊方回首故山雲樹萬里一旦逆
旅中途同里之雅則懽甚比相見談故里山川風俗
數舊遊誰健話山中叢桂無恙則又懽甚故曰去家
旬月見所嘗見于國中者而喜人情乃自古言之矣
予綰符出守謝里中故舊萬里之官自吳徂越自越
徂楚去鄉未遠徃徃遇鄉人暨當年同宦游者差足
慰藉及入楚過長沙浮湘江涉沅陵踰夜郎而西脩
坂絕壁極天無際瘴雲成霞蔚蔽故山道所邁逢皆
雕題垢面獸視鳥言者一步堪一淚也斯時也思與
中國之人邂逅面目已難况里姻鄉舊得一良晤喜

不自持矣。參軍文峯陳君與予同里。官滇。予入滇。君遣吏持刺南郊。候予。予見君。刺則大喜。比入郭。見君。君吳語相問。勞暇日。官舍清樽。促席話舊。談瀨渚華陽風景。屈指數里中。長老誰在。江南芳艸。憶王孫未歸否。吳江新秋。蓴鱸風味。當益佳勝。開顏披對。恍若故里。湖山蒼翠。映座而樵歌漁唱。隱隱起雲林烟水間。不知客身萬里也。予既喜得君。依傍官次。如隣晨夕。過從以慰旅懷。而君以入

賀行矣。君官滇七年。今以便途歸里。畫錦照人樂矣。乃予視君。不色喜。與僚友分携。頗有離別可憐之色。

華陽洞藁

卷之一

九

本
四百

及讀君所遺奚囊諸稿。經畫滇務者什伍。他文辭中亦無莊駑仲宣懷土之語。予異焉。嘗觀古人感國士之知者。以國士報之。即吞炭漆身之苦。甘之如飴。況區區宦途險遠。適于燕寢簿書。勞瘁安于衽席。凡以報知己之遇也。君宦滇。滇之上官才君。盤錯奸伏之剖。摘多屬君。君當事。揮霍風生。雅稱上意。上益知君才。益器君。君感知遇之殷。方且據其素所蓄積者。以報知己。深林長谷之樂。不勝其上下四方之志。瀨渚華陽之思。不易其金馬碧雞之戀。固宜爾也。乃予則浮湛即署。十有四年。遠投蠻府。非知我者。希乃我之

可見知于人者無所有耳。然則予之宦情鄉思。烏能與君比。絮濃淡哉。予題鄉書屬君歸寄。書中無長語。祇命童子爲我掃除湖上艸堂。護持松桂。以待倦游之人。君過江東。入金陵道。經鍾山。爲我致聲山靈。毋遽移文檄我。

送郡伯近沙袁君入 賀序

今海內列藩省以十數。滇最遠。滇所轄郡以三十數。麗江最遠。遠夷不可以中國之治也。守以土夷而僚貳則參設流官以羈縻之。官茲土者什不一至。即至亦無官次可居。尋解印綬去。予謂臣之事君東西

華陽洞藁

卷之一

二十

本
三百八十四

南北惟所命之。奚可擇夷險以爲去住。昔兩漢振奇之士。有上書請使絕域者。居其地娶妻生子。功成而後歸報。豈不毅然大丈夫哉。世有千里馬。謂其能千里也。登脩坂造絕磴。顧影驕馳。沛艾滅沒。即羊腸鳥道。當前坦若歷塊。始以千里稱也。使擇地而投足。遇險而却立。斯款段等耳。方臯伯樂之所不睨也。近沙袁君以楚才起南中。歷官所至。有聲其拜麗江守也。人咸惜君負國士之才。置之遠裔。君獨投袂登道。履危涉險。束馬懸車。絕無難色。見于顏面。至滇上官奇君才。不以守麗江。凡一切事之盤錯者。錢穀甲兵之

當磨勘振刷者滯獄之當決者郡當署者橫族之當
仆者閭閻疾苦之當咨詢者郵傳供張之當節縮者
一以屬君君當事才益標見若走九于九仞之坂沛
無滯礙也若庖丁操發矧之刃以解牛而恢恢乎有
餘地也于是知君信才上下益倚爲重而名益大起
予已雅知海內有君矣及予自尚書部出守滇郡君
方署郡事予行至半途君函書遣使迎予發函誦書
則皆叙平生神交之雅予既雅知君及見書則又喜
君之知予也昔玄德因文舉遺書相屬乃喜曰文舉
乃知海內有脩予雖不敢望玄德之萬一而君之知
華陽洞叢卷之一

廿四

予則過于文舉矣及入滇見君傾益而嘆莫之逆也
昔人謂逃空谷者聞足音而喜使其時有韻人雅士
衣褒衣歌郢曲相過即空谷之羈孤不減于鈞天帝
鄰之盛麗矣工之易器而操則器與手不相習使有
郢人示之以運斤成風之技則雖拙工可無苦竄之
慮矣予去國萬里爲羈旅之臣夷楚與居侏僂與語
亦空谷之逃也君郢產也高論雅韻一郢曲之遺響
乃予得屬耳焉使予居夷而忘空谷之羈孤者君之
遺也予自筮仕尚書部十有三年不親民事一旦出
守遠郡郡事不素習若工之易器而操也畫一之規

一一可守君故郢人也以郢斲示我矣使予易器而
無血指汗顏之慮者君之教也方且晨追暮隨以扣
君之所得而君以拜表入

賀行矣君之英聲茂實翔洽中外茲行也當以清華
待君酬出守之勞矣君之守滇也遥瞻北直

天顏萬里長切廟廊之懷君之登廟廊也回首南夷
舊游萬里能無雲樹之思乎茲晨殘暑方退一葉初
飛祖席郊陳青山對酒酒半賦屈原遠游之篇歌宋
玉悲秋之辭以侑離觴君撫觴笑曰予楚人也歌楚
聲祖予甚善乃再拜登車而別

華陽洞叢卷之一

廿三

賀朴厓林大夫平寇膺獎序

朴厓林君予不識其爲何如人未之面也予知朴厓
賢則聞之僚長靜吾君云靜吾予予爲省僚而朴厓
于靜吾爲邦大夫靜吾談其邦大夫于予曰大夫實
賢大夫昔以文學拜真陽博士爲博士最才則以才
推擇校文滇省其校滇省文也予獲與偕焉予于是
時識大夫益翩翩儒者也然未睹厥衷已而擢尹吾
邑吾邑雖當百粵中然視他嚴邑稍淳簡易治大夫
治吾邑不擾一與民休息門無苞苴里無呼哭聲晏
如也予于是時又知大夫長者益有古循良風焉

境西控潯橫東引高廛諸郡潯橫徭寇時出沒境上
機毒矢挾利刃禦人勢張甚先是當事者命將部狼
兵壁要害地以脩非常及寇壓境狼兵壁其傍者不
敢發一矢大夫獨奮衣起謂僚吏曰諸君第無恐大
夫一取狂獠耳即帥鄉兵薄賊破走之斬首十餘級
賊大潰境復帖然夫大夫司文教則能宰吏治則能
治軍旅平寇則又能若大夫者豈非今之能臣哉臺
使知大夫能檄褒之士民德大夫不知所報願乞一
言以揚盛美予聞之瞿然起曰有是哉信如君言則
大夫者千古之通才殆近之矣近之矣然通才難才

華陽洞藁

卷之一

廿

本
四百九

全故通通則出之以應萬務揮霍縱橫惟其所投不
竭譬之千金之家家所畜甚具需珠王者以珠王應
需紉綺者以紉綺應即日應百需不匱惟其積厚畜
廣而所出裕也自偏才用事于是始有闕而不舉之
務談詩書者不能勝甲兵而武夫悍將寄以民社且
虜使而奴辱之矣諸司百職角立朋分若百家衆技
各爲專門而不相通世道將奚賴哉予與靜吾爲計
部卽歲較部所賦數百鉅萬軍旅所需什九百姓疲
于枝梧矣凡以饋給將士靖寇而衛民也如邊檄郡
邑長吏咸能殫寇保境以庇其民則守令皆將編民

皆兵無論可免調募之擾即申索奏留可省什五儲
實而民舒矣然而未能者通才難也予每以是望于
守土者聞靜吾所稱道不覺振袂而樂談如此靜吾
如以予言有當于大夫請持以遺之

賀郡伯豫齋林公榮陟序

郡伯豫齋林公佩二千石章綬守雷雷治已守吾潤
潤復治以治行高第擢都轉運理浙離公之僚友相
顧曰以公之重望深資入堪寺卿出當方岳而乃以
轉運陟耶即公不薄茲陟任能之謂何華陽生曰古
者名山大澤不以封吳擅煮海之饒遂倔強江淮間
華陽洞藁

卷之一

廿

本
三百八十二

教化則典禮樂者重今

天子隆堯舜儆戒無虞之治單于款塞烽燧澄息及
時閒暇崇大計振長策以保萬世寧宇一時大司農
卿貳簡才望大臣居之豫桑土實儲備而鹽筴所入
當歲儲什三轉運則與大司農相臂指以理儲者視
二千石高第簡授之隆重也千金之子坐于高堂之
上日召賓客揮麈高談玄言傾坐簾農賈耕織不

屑問何以賄百需而長守富特流爲宴人無難焉
國家萬務竭集使百執事皆爲大以餘虛高壓視食
貨不屑其若國計何何謀國之疎也公之擢理鹺政
選能以重

國計也昔予爲即時獲從公尚書省公雅負經濟之
畧而出之以豈弟疑重臨事務引繩墨持大體予私
心嚮慕之是時公以年資當出守竊自念得以吾郡
當公幸甚久之公竟自雷移守吾郡又自念昔所嚮
慕者得與郡人共之則又幸甚公至郡以故所引繩
墨持大體者煥休吾郡郡之百務不動聲色以次振

華陽洞藁

卷之一

五

舉郡人藉藉頌義曰公之德政風熙日舒萬室安堵
里無追呼我耕于野爾賈于塗式歌且舞以恬以愉
予時歸卧山中不能詣公階序面凝膏馥頌聲洋洋
巖谷間沉浸濃郁視昔卽曹時沾被何止什百而公
以右遷解郡行矣公之視離復以故所務引繩墨持
大體經畫其間以臂指大司農而上稱
聖天子儆戒無虞之意

國計不恃公增重哉昔王敬弘有云吾欲使汝處不
競之地有味乎其言之也士大夫服官臨事非獨才
智難也亦不競難耳競心侈則將移其奉公之意養

交借資以要市于上計濬速較崇卑日以薦廢除書
爲競競國家亦何賴哉驅車井陘之隘方軌擊轂以
爭道則覆壓相尋停策緩轡人疾我徐卽百兩填溢
不移畧俱前揚舠而涉大河卽九曲之紆迴鼓舵夷
猶而進絕孟津歷底柱可計程至含茂棄楫騰檣撒
波以爲捷溺不免焉以競敗也公初以名進士起家
宰邑有聲不競臺諫而安卽曹居卽曹有聲不競藩
臬而安郡職治郡有聲不競方岳寺卿而安轉運公
今視華階要路爲井陘大河循塗沿流徐驅而進天
衢萬里扶搖沛艾孰能尼之公茲行也仰則實儲脩

華陽洞藁

卷之一

其

三

稱
上意俯則厲雅操以倡恬風府僚郡人爲公躍躍延
首

序

贈觀察使麒山羅使君上計序

麒山羅使君持憲節觀察南中，南人稱平茲且上計闕下，僚舊祖行遠郊而以贈行之言屬予。予惟滇去畿輔萬里至絕遠矣，遠故勢隔而羣情鬱不上通，即有寬欲言且達者不能什一。強家乘其噤不能達也，謂南人可奴虜使聚大豪匿狡窟中時出而蹂藉辱懦稍蚕食之，且盡不厭。即有姦如山不受簿責，南人華陽洞藁卷之二

岩之

天子知南人所疾苦簡才望大臣開府鎮讐之而觀察使與開府相臂指持三尺法以裁強仆姦而置之平廟堂以使君故嘗爲御史持法平侃侃嶽嶽有聲朝野已又忝南藩政南事素諳觀察能當開府無如羅使君賢時使君方入

賀道拜茲

命南人聞使君廉訪南中且至老穉舉手相賀曰是故嘗忝省政以衽席我者茲且復至我耕于野爾賈于途左食右粥交相哺煦至驩適矣乃其爲姦利者

望風寒魄鼠伏窟中不敢出聲氣使君既雅負重望以風采動南人比至則不動聲色指顧呼吸而法行如流水傾者平寬者白慘者舒需者獲焚者理則又無不人人相賀曰吾固知使君賢使君來南人藉以無究南人幸甚滇雖檄外絕域而人藉使君通達隱抑如侍輦轂下依日月末光咸被輝潤惟使君畜積素具而素所挾持大也惟時祖席既陳諸道咸集起而觴使君爲壽金齒許大夫避席言曰予部金齒金齒省之右臂也阻山帶江外控諸蕃茲兵戢戢消而民狎其野者使君折衝力也敢不拜賜張大夫酌而

華陽洞藁卷之二

二

四

進曰予視師臨安臨安襟帶南交左綰百粵爲滇要害要害守而黠夷不敢睥睨者倚使君重也提學陳大夫又酌而進曰使君故嘗以道德經術表南海南海士至今宗之今予亦承茲役使君且以承蜩之技授予豈惟予一人之幸實南士之幸徐大夫又酌而進曰滇省以曲靖諸郡邑爲門戶賈者出途行旅即次山穴中蠻夷機毒矢剽賈旅以爲嘗今者不發一鏃疆場不駭出途者悅巷處里居者不見兵革惟使君討謨能輯東土也是使君之嘉惠也湯大夫又酌而進曰予視師滄海上駐省肩背菁夷方以封豕薦

食予方藉使君紆籌捷伐之而使君行矣使君其謂何屠大夫則又酌而進曰予所部皆省會地大奸猾根盤其中賴使君靈輿艸難而禽獮之民獲蘓醒則以所部附省臺臺政行而地重僚佐之交相成也使君之紀綱也諸大夫以次觴使君且徧予從後起而屬大夫曰諸大夫歸功使君甚善予不佞不復頌使君功惟使君爲

聖天子簡授以重南臺臺政有所樹威

天子功也予聞漢臣奉詔對者其議曹王生屬之曰天子即問君治狀君不可有所陳對宜曰皆聖主之

華陽洞藁

卷之二

三

培

德非小臣之力也比入對如議曹言天子嘉其有讓笑曰君安所得長者之言而稱之予不能如議曹從君北面倘入

對慎無忘王生長者之言

送邑侯劉肖巖奉 召序

隆慶己巳夏科臣奏侍從員關請召郡邑諸臣最才者入脩臺諫

天子下其事吏部

召郡邑臣有聲者二十七人而劉侯以賢良高第首與焉繼至解諸監司刺史膏車戒行鄉大夫士暨民

之老若稚者攀侯之轅留之莫能也悲焉觀士民之德侯則知侯之有德于士民良深宋儒有言事君者在誠與才合侯之繫士民之思其以是哉益誠者政之興也才則載而行之者也匪誠即智畧輻輳或以文具而鮮惻隱之實就其一時亦足藻績久之無以繫去後之思故誠難西京吏治庶幾三代然見事風生者不入循吏傳傳所列皆當時所稱長者明政理之尚誠也邑大夫最稱近民故其于誠最急何則一邑猶家也一邑之民猶家之子若孫也常人之情見于他事或可浮飾至于理其家務待其家之子若孫

華陽洞藁

卷之二

四

培

未有不以誠而文具相應者其分親而其情有所不容偽也能知視邑如家視民如子雖欲不誠烏能已哉劉侯豫章之才子也器度淵雅德意懇惻幹濟揮霍綜理詳密誠與才乃其素所蓄積者其蒞吾邑也弘美遠畧未易更僕數乃其視邑如家視民如子則歷歷可述焉清約自持三年一日即一縑之需不市于肆供億節縮為民惜財若治家者費出纖毫恒恐過侈以致匱也晨出而聽政于堂訟者盈庭裁剖明決曉喻剴切直者固德侯之明曲而被罪者亦帖然稱平曰侯罪我固當若父母之于子撫字之固仁而

怒撻之亦仁也賦役哀而爲志較若畫一若家有常業籍其數以示規也吏抱簿書詣前罷行裁自獨斷權不旁落吏無要市若嚴主約束家傭私不獲逞也正供租調酌時緩急而或亟或徐咸適其宜若家有逋負稍盈即時償焉不遺他日之累也吏不呼門農狎其野賈安于肆若治家有經子姓童僕各安其業而無土木供饋之擾也頌聲載途恬無德色薦剡交上澹無矜容若克家者即有創樹不期人之知且譽也侯之德政未易殫述要皆視邑如家視民如子本之誠切之心運之疏亮之才耳夫人情雖不同未有

華陽洞藁

卷之二

五

三百九十六

不愛其父母者親之則依濡之則治遠之則悲以思侯以父母之恩恩其民民有不以父母之德德侯者乎留之不能而悲焉一誠之所膠結牢不可解也夫上之採訪十得其九下之于上百聞百實蓋身被心洽所覲覲審也監司之推賢信美予又采市謠巷頌調其音節歌之祖道以代驪駒之章歌曰我侯矣止民之熙熙父母孔邇我食我衣室家無擾含甘濡滋我侯行邁民將曷依侯在青瑣我民式歌以思甘棠之蔽芾我侯之遺歌關載拜登車而別

送劉念慈擢憲副視師固原序

國家以陝西諸鎮爲右臂而諸鎮以固原爲走集開府固原聯絡諸鎮以扼匈奴之吭者總制大臣也與總制相臂指展諮議餽所部戎務者臬之憲大夫也憲大夫不輕授授必胸中有甲兵者念菴君由司徒大夫拜陝西按察司憲副視戎固原此其任至隆重矣大夫之之鎮也部諸僚餞之都亭有惜大夫之別者舉觴觴大夫曰大夫典吾部劇曹曹所隸多官府畿甸錢穀暨軍國漕儲又時詘未盈也大夫談咲揮霍轉詘爲盈曹務晏然即他曹有焚結不解必以問劉大夫大夫出數言焚結立解今大夫去余余

華陽洞藁

卷之二

六

三百九十四

部即有緩急奚所諮而剖焉物力大屈奚所籌而盈焉今之人酒食游戲之交適千里且有離別可憐之色矧大夫與予輩相爲輔車以議大計今一旦千里能無介然于懷耶大夫撫觴咲曰願諸君各崇令德即天涯亦比鄰矣有賀大夫者觴大夫曰大夫官吾部年勞才望宜內陟暨陟弗內也陟外臺憲臣視北地戎事益太阿之利必斷鴻鵠剽犀象利斯別焉以之剖脫割腐鉛刀先之矣固原爲諸鎮重地舉以委大夫知大夫爲太阿足當一面耳他日壻匈奴之脫繫名王而獻之

闕下必大夫也語曰聖王有金城大夫且為金城顧不盛與大夫咲曰兵難遥度侯至彼畝之耳予從大夫之後亦願進一言俟擇今之議塞外事者曰貴獲信勇枵腹而使之肩百金不能議足兵必首足食其說信然矣然鎮兵不飭則敵至不支鯁鯁然議調發議召募調募滋煩則給餉滋廣輿金輦餼以輸塞下者接軫輸者未及還軫而告匱之檄復至矣漏卮無時可實也柰之何計部不虛且竭耶無具甚矣由是議足食者又在治兵鎮治兵則調募省而轉輸寡轉輸寡則兵食舒而兵伍強此在抱利器者轉移整頓

之耳今大夫所部非秦之北地乎秦風故武敢小戎之役雖婦人猶能誇其軍容之盛以奮同仇之義秦之所以擁蔽函制山東囊括四海者用秦人耳古今人不甚相遠今亦未可謂秦無人也此在大夫加之意耳大夫昔官部曹既能足儲餉以舒邊鎮之急今居節鎮其能強鎮兵以緩轉輸之勞必矣吾部終始咸賴焉茲不暇遠引往代以期大夫

先朝余肅敏公經畧西事功薄日月西人至今賴之初公之西也亦由計部大夫往公嘗自云吾樹功塞上得計部之力居多蓋甲兵錢穀交相資耳大夫宦

履遠接肅敏他日經畧之功顧不相伯仲耶夜光之玉其價連城高矣他山之石牧豎所不睨玉人顧有資焉予敢進狂談以自方于他山之石

送曹西野擢憲副飭戎天津序

西野君以文學起楚中伯仲聯翩為楚之文獻家已起家第進士高第守許許下稱曹大夫賢蓋籍籍云由許陟司徒部大夫故事州刺史入為部大夫者州若部年勞得并錄侯陟大夫自州入部年勞宜右陟乃君顧不即陟也曰俟報政祈

恩封封吾父母即弗早陟猶陟也既而積資累勞歷

年多果得封其家大人如其官而毋封太宜人義冠綺帔並輝高堂人皆榮之曰孝哉曹君能其官施及其親榮其親故遲其陟楚中又籍籍稱曹大夫孝友矣昔周郊頑民不靖周天子不任文法之吏而以屬孝友之君陳宣王中興之治垂光史冊至今照人耳目者有孝友之張仲在也今

天子中興之治上軼周宣而燕趙郊頑民禦人雀狩中於是詔吏部簡張仲君陳華持憲即除戎脩以重畿輔吏部以君應

詔陟君山東按察副使持憲即飭戎天津或疑若君

陳張仲非法吏故其臨民得以孝友之治治也今君職在執法振武而一以溫良慈翼行之得無少鷹鷂之志乎是不然君之職臬官也臬者準也準之義平也禁網之設不密不疎而法始平法平而民始不奸法一苛則傾矣法傾即有殺人之威而奸不懼然爲善者懼焉士會非持法太急者晉用之而晉之盜奔秦卻殺說禮樂敦詩書晉之三軍增重焉故曰惟良折獄又曰有文事者必有武備君之孝友文學素具則飭戎之具具矣然君才自王佐佐伯者不足方駕君且遠揖君陳張仲于千載之上與之頡頏矣君陳

華陽洞藁

卷之二

九

東郊之治爲四夷咸賴張仲治內內順治而外威嚴今日治功豈惟郊輔賴之若夫弛張舒慘之宜君之素所蓄積者不敢以曠者所聞語師曠也是歲也同部擢者十有二人郡刺史九人僉按察司事一人按察司副使飭戎者二人其一即君也諸君同部時朝則綴行鳴珂對銜聯署公退則並馬相徵逐長安道中相好也一旦萍梗散矣部諸君惜別興懷崇酒于觴觴君都門外柳風吹袂花日曛筵渭城歌殘乃再拜登車而別

送丘鑊橋擢刺南陽序

余自結髮偕鑊橋君第于鄉未識面也已而偕計吏北識君于邳堤射湖間時君負國士才望睥睨流輩顧獨不鄙余每以小友呼余抵掌談古今必刺刺語余浮淮泗沂呂梁入徐舍舟而車又携余同車予每見君登車攬轡瞻目四顧左眄豐沛感大風之歌而興猛士之思導鳧嶧並汶泗吊邾魯之故墟而緬懷孔孟馮軾而瞻若有覩焉飛鏹雄鄭馳旆燕趙郊訪古慷慨悲歌之士低徊躊躇而不能去時人莫測也余時觀君意氣勃勃視勲業可立談取云暨試春官不即第三上始第余又後君之第一紀亦獲一第補

華陽洞藁

卷之二

十

司徒郎時君已爲司徒大夫矣余復得綴君班末君顧余咲曰予昔呼子爲小友今何如矣蓋傷歲月之易徂而勲業難以立談取也余雅重君意氣幸又同署事無纖巨必就正于君君必披懷相告公退之暇翰墨盈帙必出以相示依君晨夕視昔有加焉居無何君督漕真州葦而使還道聞南陽之命寓書容齋黃君以贈言屬余余謂容齋君與君友善不減余文過余遠甚乃顧余授簡何居容齋君曰子爲掌故故事部之贈言出掌故手又鑊橋君所屬也余不獲辭乃追惟往昔見君之經畧于意氣間已大奇之矣然

未徵諸行事也暨君出宰巖邑邑大治上下稱之曰能

召拜司徒視儲重鎮入掌曹務中外又咸稱之曰能
能聲蓋隆隆起矣今出刺名郡郡有邑之親而尊則
什倍之有部之尊而兼總群務則過焉親則政流而
澤易洽尊則勢順而政易流羣務兼總則左揮右霍
莫能結束而通才可大布焉今旰食宵衣立行且遠揖虞
廷之岳牧視古良二千石瞠乎後矣此固曠昔旰食
掌而談者餘二十年而見君徵諸行事云余聞南陽
故多才雲臺之傑龍翔鳳翥隆中布衣出而抗魏蹙

華陽洞簫

卷之二

士伯

三百六

吳伯仲伊呂皆南陽產也君試下車延攬必有懷奇
負傑如昔人者出與君上下其議矣今之談山澤事
即善堪輿家不若牧人漁叟何則居其地而語之稔
也以君之才治多才之郡而獲才爲治郡之助是猶
燎原之炬其燭已熾又從而膏之光必烈矣容齋君
聞余言而頷之以質于部之諸大夫諸大夫曰子知
雙橋君深矣言或有當也趣書之以遺君于南陽郡
齋

送鄭壺陽諫議叅浙藩序

壺陽鄭君以戶科都諫議擢浙藩左叅政濱行青瑣

僚案徵言贈君而以旰食宵衣屬予蓋以予典計部而
君官戶科嘗議計部事有共濟之義義不可無言以
贈予及見君居侍從時言論丰采標拂古人蓋傑然
才矣又誠與才合每事持大體切時務更僕未易數
也第舉與予旰食宵衣共濟者言之君觀時事嘗條便宜上
請議邊需議汰冗議徵逋議漕額議開例議蠲賑議
逆培剋其灼見利弊若扁鵲洞見垣一方人也其切
中機宜若操穿楊之技發必破的也其崇猷宏議蹕
厲風發若登千仞之坂走丸也議下計部部如君議
舉行耗者盈漏者杜廢者節培剋者懲榘餒者嬉賦

華陽洞簫

卷之二

士伯

三百六

不涸竭而民亦稱便惟君之議是賴君之徵福于計
部又未易更僕數也會浙藩缺左叅政浙爲東南首
藩而賦視他藩倍之適當師旅饑饉之後物力稍稍
屈矣

聖天子南顧宵旰謂宜以舒寤治禁之才往治之天
官部雅知君才又知君之忠誠足以濟其才乃以君
應

詔譬之千金之家有負郭膏壤必授克家者理之則
業愈起不仆也君昔議萬里外事于禁掖中已如身
歷窮閭下里親所隱伏髮櫛掌視矣矧今褰帷行郡

華陽洞業卷之二

三

三

邑訪郡邑所疾苦者所宜建立者宜培植者宜裁抑者宜屏斥者視昔地近而勢專矣近則所親見愈真專則所盈縮弛張愈當崇猷宏議一朝身自舉行不必假手于人而政行若流藩政所樹視禁掖所議若券額不盛與予德君之舊義而期君之新政大率多計部事謂職司所關耳乃君之諸僚所贈則宏矣遠矣吏科諸君爲之賦南山君曰美哉期我以民之父毋貳吏治也戶科賦七月君曰美哉周公治幽之事周之盛也吾且率侯疆侯以共興穡事矣禮科賦鹿鳴君曰美哉謂我當賓藩內之士佐治也兵科賦無

堵之役乎他日政成譽洽膺

衣君曰美哉其誨我以海嶠之事乎吾且足食足兵以奮同仇之義焉刑科賦駙虞君曰美哉示我以不殺之義矣工科賦鴻雁君曰美哉勞來還定在與百簡在之召入爲上卿諸君迎揖于都亭君必下車揖曰昔日拜諸君之贈業已徵諸行事矣乃知君子僚友果能德業相勸以有成也若予言則何能自附于愛助之義

送方聽泉擢刺瑞郡序

六卿分職而司徒卿列位四卿之右設官之意至隆

華陽洞業卷之二

三

三

重矣後之務虛高者稍薄其官曰司徒劇曹曹所隸諸務最繁又遷陟視他曹後也即楚且劇也以治楚理劇之才當之楚劇迎刃解矣而才益因以標顯才顯而遷陟不後矣即後亦非奉公者所急也至若即官出補郡守則又曰守恒調耳去卿輔甚紆華階捷塗有寺卿云夫郡守出當一面奔走州邑大夫順指如意監司以守爲大吏雅敬守守所建白輒可其議行之衣金緋坐堂上顧盼而光流噓喻而膏洽宣上德行已志以封植郡境者惟守能也而顧有重內薄外者此何以稱焉今夫金之在冶曰我且爲鼎彝不爲鏐鉞已爲不祥之金矣况鏐鉞之適用又非鼎彝所能耶千金之家談禮樂以爲高飾繪玩以爲華井畝蕪廢不治帑度竭于無經之糜不問流爲窶人無難焉士大夫之用世猶器也其理國事猶家事也或爲鼎彝以重清廟或爲鏐鉞以解盤錯或崇文物以章聲華或務居殖以濟實需交相贊以適于用則可耳舉一而遺二昂此而抑彼天下之務有闕焉而不週者非懷公心濟實用者之所諱也聽泉方君學實而才高行芳而志潔其起家進士累官司徒大夫即爲才大夫頃者

天子簡重望大臣理儲塞上選即屬之最才者從方君以才受知大臣獲從方其攬轡漁陽揚鑣交河左貯遼海右顧上谷諸鎮盈虛瞭然掌上退而持籌幕中以贊大臣之議上之歷歷可行此其才可與飾虛高者比能量力耶君之賢于人遠矣夫賢者所居地地重邇者江右多警宰相擇賢守守諸郡以重其地會瑞郡郡守缺而君之賢足以重瑞天官部擢君守瑞瑞待君以重而君將何以治瑞哉以君之才而行其實學問瑞所欲惡罷行之于其稿瘁者煥休焉即父母之保赤子不怠于此矣地親勢便上下無格宵

華陽洞藁

卷之二

五

惟千寢晨達于境即順風而呼聲不迅于此矣崇禮教爲干櫓結人心爲保障即金城百雉不峻于此矣政成人和士頌千庠農歌于野商旅舉于市口鑄貌祀久而不忘即鍾鼎之所勒不求于此矣華階捷塗不與易焉漢西京之治上薄成康史歸其功于黃霸文翁諸人而承明金馬之貴游談諷議非不蔚然芬郁也而吏治之盛不藉以輕重焉

先朝劉忠宣公爲尚書郎有聲宜陟寺卿公願乞一郡以行所志卒之豐功大烈得外補之力爲多由古今所觀聞較之内外之間果孰重孰輕耶

郡所更嘗脩他日卿輔之用行且伯仲忠宣而西京之循良于竹帛間矣顧不盛與部之諸大夫君之行而以贈言屬予予遂述君即署之才出守之重爲贈

賀郡公杜華南陟尚書虞部員外郎序

郡大夫華南杜公負茂異之才第戊辰進士更歷郡邑以且十年乃其治邑邑治治郡郡治部使者疏其治績薦之薦書凡十七上矣天子聞而異之召入宿衛陟尚書虞部員外郎以行先是大夫宰益

華陽洞藁

卷之二

十六

都適益都大饑大夫設方畧沛膏澤嗟枯潤稿民獲蕪醒歲以大有嘉禾瑞麥隸秀兩岐益都人頌大夫異政政聲翔治遠邇以治邑高第

聖書召入脩臺諫選會在事之臣創昔年海夷猖披議簡才望爲海上長城以重南服朝議推轂大夫擢同知鎮郡大夫以故所治邑者治鎮操承蜩之技以張設經畧坐清海氛波澄烟霽御輯水兵鷹隼擊聽鞠兩造神摘鏡懸清查錢穀髮櫛絲理嗟拂枯瘁風熙日舒登進才俊鑑空衡平清操堅持玉瑩冰寒德政種種更僕未易數即古循吏傳所載且爲退舍

焉會久任法行報政後又且踰年徊翔不調大夫安其官無少陸沉之色見于眉宇而奉職益虔郡人嘖嘖嗟異曰大夫之能其官非特才望優也蓋偉量遠識足度越今古云昔范蔚宗傳杜公君治行首叙其誅橫殪寇以安所部次及其推賢讓功退安閒冷恬風冷冷拂人東京循吏以公君爲稱首而杜母頌聲洋洋千古大夫其苗裔耶何政績譽望之相似耶大夫長城東海得公君之威安于郡職得公君之恬父母孔邇頌聲洋溢得公君之譽其他弘美瑩節似又過之自漢建今二千餘載蓋有兩杜母云今大夫入

華陽洞藁

卷之二

十七

本
三百九十六

爲尚書掾捧郡邑殊績上報

天子褒異勞臣改容而優異之台鉉可指日登矣大夫故長安里中人也晨出而垂紳鳴騶謁

聖天子于丹陛暮入而衣綵稱觴娛家大人于高堂昔時同學之士仰大夫之勲位必瞻望賞異曰大夫少日經術文章固知有今日也里父隣叟見大夫之車服必旁窺竊嘆曰大夫少日頭角穎異已逆知今能沛艾萬里也不有餘榮哉昔韓魏公以相人治相作畫錦堂以誇里人而蘓長公記之以侈其事愚不佞不能操長公之筆以上記堂下奉郡伯諸公委爲

述郡人之德大夫者以代杜母之頌云

送田育菴擢保寧守序

今上振策吏治以覆育蒼生神明所照纖翳盡屏頌者屋冢宰之位驛

召重望大臣居之大臣素賢一切體

上德意慎問百執事上下之而于民之師帥尤加慎焉一時出守專城者彬彬然皆古岳牧才也盛矣惟時司徒大夫育菴田君以才爲大臣所推擇陟保寧郡守君之僚舊榮君之陟又榮君爲賢執政所陟賀君而屬賀言于予予謂觀人之賢以所舉之賢觀之

華陽洞藁

卷之二

十八

本
三百九十四

則其賢莫可飾譬之宋人以其所珍襲者示人即玉也人猶燕石疑之而按劍相盼惟出于和氏之所鑿採則無間識與不識同然一辭曰此連城之珍也今育菴君爲賢執政所鑒採是以連城之珍登和氏之筭也君之橫金衣緋綰章綬頤指州邑之長吏奔走之非君之榮也君爲賢執政所舉而才與行克堪其任不負所舉君之榮也予以即吏從君之後每一接睟顏雅論則益如飲醇予已識君爲仁人矣已又見臨事劑量不動聲色恢恢游及則又識君才華藉藉有兼長焉執是以徵福郡民渾厚精明兼施並布即

古良二千石且爲退舍矣蓋二千石之職親民之職也親主慈而二千石之職主寬世有持一切之法磨鍛其民而操切之元氣且索民且不堪其所引以自解則曰有德者能以寬服民其次莫如猛此其說非也鄭以區區之國介于晉楚二大國之間疲于奔命矣然卒能逆折強隣之睥睨全其社稷以子產之政寬而其民和也其屬太叔以猛也知太叔不能以才用寬而憂其防之決也其曰有德者能以寬服民其次莫如猛是不以有德許太叔而次太叔其意蓋可知矣人見太叔以寬敵鄭則從而和之曰寬難予謂

華陽洞藁 卷之二 十九 本 三百九十五

寬非難才以用寬而其防不決焉難論治體者未可以太叔不能用寬而謂寬之足以敵治也育菴君仁而才是能以才用寬者其之郡也必能和以舒民敏以起幾明以照奸貞以秉節行是四者政成人和化且大治民咸歌舞之矣漢之王褒刺蜀吏稱民安作爲中和樂職之詩使人歌之宣上德以侈其盛史氏張大其事至今使人擊節君所刺地即褒之所治地也敷政游優協氣薰蒸民之歌盛德者行且上追其崇之餘而播之爲盛世之音矣觀風者采而陳之政之徵也君之報

上知而行其素所蓄積者也二三大夫雅知君故咸以是願望君子遂述其意文之遺君以附于古者贈人以言之義

送吳左川守姚安序

嘗觀兩漢多振奇之士有請使異國立功者有願試盤錯以別利器者間關數萬里外如陟戶庭束馬懸車凌歷險阻如行衽席上其豪舉自喜不以遠且劇難爲意氣亦奇矣哉及觀曾子固送江任序則又言仕者便于近任而苦于遠適則又何也男子生而桑弧蓬矢以射四方則馬往非所宜適之地而奚遠近

華陽洞藁 卷之二

二十 本 三百八十二

之擇今夫馬以千里名謂其能千里也朝刷燕冀夕秣吳越坦視九折一日千里而恒若有餘使其行不越疆擇地而投足則何以千里稱也士之不動心于夷險即遐邇一視斯其中之早蓄而豫待者固千里才也左川吳君由司徒大夫擢守姚安古夷蔡地在西南萬里外且其地華風夷俗參處錯置喜則人怒則獸統御撫綏之術稍失其宜則按劍相矜敢于犯天子之命吏艱矣君拜官後意氣甚適難色不少動于顏面方且橫金紆朱膏車秣馬別其所嘗往來者問路所從望南中行矣君之早定而豫待者烏可淺

見測哉蓋投之至艱而不危者氣足以勝其艱也承
蜩之技乃凝于神貴習也忠信篤敬可行于蠻貊貴
誠也左川君起家禮部歷司徒大夫典禮樂司錢穀
幾十餘年其千吏事乃夙閑而素習者又其爲人不
露才喜事恂恂然有古長者風蓋慈祥惻怛人也本
之至誠而老成更事之識又足以行其誠懷抱利器
適茲土吾知其能樹偉績于萬里之外者敢俟君報
政以實予言

送邑侯周用吾陟南京尚書比部郎序

用吾明府宰吾邑報政三閱月尋以治行高第陟南

華陽洞藁

卷之二

廿二
三百四十六

京尚書比部郎先是廷臣上言今時守令由數易不
樹遠圖吏治所最急無如久任便

天子入其議

詔主爵者行之而間遇茂異不淹以一切乃明府甫
踰報政而陟急茂異也明府以茂異陟顧不居臺諫
侍從而居郎曹又南也則何居蓋南都根本重地自
我

高皇帝定鼎後迨及二百餘年法久而刻幾輔內外
巨豪大狹稍稍盤窟其間爲奸利網濶則容奸文深
則傷恩安所得仁人長者以鎮壓之明府之南陟崇

茂異以重根本也昔李康惠公負蓋代之才起家宰
太湖太湖人北面神明之亦南陟比部郎未嘗負其
才地薄卽爲郎益標樹穎脫聲望益大起省中至今
揚公之騰馥以重卽公不負卽公自卽累官開府強
胡徙幕入登八座功扶日月養望自卽曹始也卽不
負公當時度公陟臺諫侍從者豈不奕奕今皆湮沒
無聞而海內獨知有公省中稱先大夫賢亦獨知有
公乃知大丈夫享大名流休光以垂照竹帛者不在
彼而在此也明府治吾邑湛恩藏澤蓋蒸蒸厚矣以
仁勝今持三尺法按畿輔奸伏以法勝行且易器而

華陽洞藁

卷之二

廿三
三百九十八

操乎抑將持故所游如治邑時耶嘗聞愛嘉穀者必
能圖滋蔓保善類者必能伏兇人藝禾除莠不易農
而治覃恩飭法不易材而任子產古之遺愛也而卒
以刑書治鄭子太叔不能遵其遺軌崔苻之盜幾敝
鄭惟仁者能持法不傾乃自古記之矣明府仁人也
其持法也必能本之以惻怛哀矜之心而時其舒慘
斧斤芒刃參用而遞施運斤成風游及恢恢出其治
邑之故技時措之耳明府治邑與康惠公同陟官又
同養望卽曹將又同安知後之稱明府以重卽者不
與稱康惠公同耶予自

上書自免歸卧林壑顧有天幸遇邑大夫賢吏不呼門四境安堵終歲不識縣庭時與閭巷長老輩話豐年頌太平誇邑里安謐如入畏壘之墟而沐康桑楚之澤也明府之陟能無介然于懷敢效若耶山谷間父老蒲伏道左謝劉祖榮之賜而申之以言

送邑侯劉蓉川奉召之京序

蓉川劉公起西蜀對公車第甲戌進士宰洋洋治以洋不足以當公移宰吾邑邑又大治直指使者露章以薦其茂異數矣竟以治邑高第奉

璽書召入脩臺諫選邑之博士先生林君胡君奚君

華陽洞藁卷之二

三

三頁九十一

輩徵予言贈行予觀西京吏治庶幾三代班氏傳循吏獨首文翁而其傳文翁治蜀事首艷其崇文教優師儒徵福蜀人蒸蒸日上他如露才喜事奕奕風生峻觚稜持文網束下如束濕若趙張輩則于列傳才其揮霍而不列循吏中乃知擅循良之聲者在彼不在此也先教化而後文法也公蜀人也文翁化蜀即去今垂二千載遺券騰馥如史氏所艷者猶隱映乎錦城王壘間公必挹其韻采素矣以故公之宰吾邑也即他湛恩懿政更僕未易數乃豈弟作人崇文教優師儒視文翁無讓焉蓋古之治教出于一而民牧

即為師帥刑政即為禮樂紀綱即為文章厚下安宅即為造士作人故師曠氏曰天生民而立之司牧使師保之勿使失性以治教之出于一也猶之千金之家飾館塾儲經史延師傅以教習其子弟子弟知學克自樹立即農賈未閑而家聲亦振先文教也公之治邑也躬純孝以正士風先介潔以勵士節敦長厚以培士氣明經術以標士習一本之以忠厚惻怛之意躬行心得之化而其重學右文橫經坐講度德校藝優餼復役教莫非治保境息民程書勤政履畝清賦湔滌濇淤治莫非教治教出于一而士民咸賴蓋

華陽洞藁卷之二

四

三頁十三

古之遺良也得文翁化蜀之遺規而潤色之以福邑人邑人之德公親于父母而邑之士德公思于師保史氏且採其事與文翁同傳千載之下且艷之而興起矣公今入為侍從依傍

日月論大政議大教斤運樞旋章奏晨入而夕報可猶之順風而呼聲加迅而響之所應倍遠也博士先生既以化成顯陟為公賀又且以政本增重為朝廷得人賀

送郡伯袁竹溪之嘉興序

今兩畿之外列藩省以什數浙最大金浙控吳泡越

負海帶江列郡以十數嘉興最大大非幅員延袤之謂謂其擅土地之上腴物產蕃而文獻之會盛也昔人謂嘉禾之豐歟關江西之盈虛其地大物博乃自古記之矣郡之文獻自陸宣公以還雲滄霧集乃今則魏第崇階恒當全省什四故浙郡惟嘉興大郡大則治其大宜才才弗大弗任也適千里者不乘款段必過都歷塊者可群萬人而標之趨必樹標于萬人之上爲衆所具瞻斯其高足準也故治大郡甚難邇者

聖天子詔吏部慎評衆職先于守令吏部奉

華陽洞臺

卷之二

廿五

本
三百八十二

詔爲郡邑擇良守今至于守大郡必擇其尤良者擢馬竹溪君之擢守嘉興吏部知君足稱

明詔也君以明經專門魁丙辰進士英聲茂實蓋隆隆起矣已而拜戶部郎已又遷戶部貴州司正郎司故劇曹隸北邊重鎮羽書徵發急于呼吸君當勦勦中左籌右畫訖無匱輸晏如也此其才顧可與尋常度長絜短耶以君治劇之才出刺大郡培其素腴者振其稍頽者潤其槁者豐其虛未盈者以君文學道術之隆標式群彥疑者析譁者定弘且毅者赴多岐者一即古良二千石爲君退舍矣何則有其具也夫

富以治庶教以成富王道之經也富之藏也在下斯在上教之興也有源斯有委微逋實儲所以治標重農賑乏所以培本班馳馬驟所以茂華仁陶義淑所以敦實治標而遺其本醫之劫劑也茂華而忘其實工之繪事也標本華實之間弛張緩急之宜在君加之意耳君之之郡也同部諸大夫以予爲君之里人又雅知君屬予以言贈君子言則何能少裨于君哉牧人遇豢龍氏于途與之談牧事豢龍領馬已而過其室見其所豢者大而術又甚具愧焉曰吾過矣吾言何足以告子曰子之言雖不能盡吾術然告我則忠矣君其以子有牧人之忠乎姑領之而姑試行之

華陽洞臺

卷之二

廿六

本
三百八十九

序

賀邑侯許少微報政拜封序

我邑侯少微公起家第進士宰績溪績溪大治主爵者以績溪不足當君侯移宰吾邑邑人北面神明之吾邑則又大治直指使者薦書交于

闕下暨報政考功考功上其績

天子賜

璽書褒異之封太公如其官於是君侯奉

華陽洞藁卷之三

璽書拜

恩于邑太公奉

璽書服命服拜

恩于家邑之士夫相與賀于廷農夫抃于野商賈相

與慶于市曰君侯以

天子之命官推子民之政爲邑人之父母太公以君

侯之父母拜封君之貴爲

天子之命官始則邑人沐父母之恩德君侯曰德太

公已則邑人藉

天子之寵命報太公因報君侯既以爲君侯賀且以

自賀云君侯之徽福我邑人也蓋古之所謂誠與才合者與誠以保民則家人父子休戚交通才以運誠則當機中窾經緯輻輳自君侯臨吾邑也敝政如洗惠澤如流賦役盡一如髮櫛如絲理應劇剖疑如承蜩好賢如緇衣造士如指南折獄如衡平清衙如水稼守空舍如貧家里絕追呼四境安堵如畏壘深仁懿政更僕未易數而尤有出于恒情所難者邑無冤民矣隣邑之冤獄未白者咸賴以白則難兩造奉鞠直者頌明宜爾矣曲而伏法者尤嘖嘖頌公則難賦有期會良民時輸矣狡者之積逋悉按籍以償則難

華陽洞藁卷之三

二四

戶口之登耗民風之奸良咸入坐照矣窮鄉僻里甲舒乙慘此瑜彼瑕即有土著者所未知而無不周知則難百廢具舉而費不出于閭閻則難百需咸裕而下不知有供億則難君侯之易其難者誠與才合而躍矢破的也以君侯之才宜早登瑣闥幸縣官采臺諫言行久任之法乃邑人獲遂借寇之私情耳然望隆而資日深尋當

內陟赤子方安慈母之乳哺而一旦九霄是將焉依解者曰君侯通才也宰一邑則有大造于一邑宰天下則有大造于天下一邑治則一邑徧受其福天下

治則一邑與天下均受其福昔魏相相業標拂西京
而其英聲茂實自宰茂陵時業已籍甚及登相府称
上意以贊中興元康之治茂陵亦與被焉吾邑君侯
之茂陵也他日登鼎鉉以弘相業邑人被澤不倍于
宰邑時耶碩漢法祗以父之爵爵其子不以子之貴
貴其父弱翁即有相業未嘗有相封也乃
今制得以子貴父與漢法殊計君侯執政時太公未
及耄期奉

犀誥服鶴錦拜上相

封典則弱翁又當讓榮矣

華陽洞藁

卷之三

三
伯

賀郡侯吳公報政拜封序

郡侯吳公起家第進士持郡卿理郡郡人神明之臺
使者薦書交于

闕下越三載報政考功考功上其績

天子下璽書褒異封父康野翁如其官

制詞咸美詞云故事藩臬郡縣百執事邇黃綬而上
以逮金犀即聲籍甚資不三載而陟不封即資及三
載薦疏不數不封故卿大夫宣力四方能因遭逢之
偶年勞之懋封其親者僅什三焉即能封其親能及
親徒未衰躬被

命服結先生齒讓僅什一焉故

恩封難今侯奉親教以遊宦宦達奉

君恩以封親親徒樹立之大遭逢之盛不兩兼哉焚
香開函

天語珍重湛恩淋漓紫泥燁燁照人侯衣錦衣朝翁
于堂翁衣錦衣受侯之朝郡國守相衣錦衣謂翁于
廬翁衣錦衣受郡國守相之謁里人嘖嘖欣艷曰翁
起布衣徒步不習博士家言不階賢科一旦弁戎冠
垂大帶服鷩錦袍與郡國守相相揖讓得無以即君
官貴耶至顯融矣乃里人知翁因即君之貴貴也不

華陽洞藁

卷之三

四
伯

知翁自挾持者貴耳吾聞齊魯間故多奇偉澹蕩
之士遇則雲蒸龍變薄日月凌霄漢以樹旂常之績
不遇則蟬脫鴻冥隱于棋逃于酒以適其適而時有
所借一見其奇莫可羈束若翁者所謂奇偉澹蕩人
非耶聞翁居里中任俠自喜好施與以赴人緩急對
客談棋覽勝呼酒以自愉適時時讀佛氏書持偈觀
空以洗塵礙時人莫識也此其中豈可以淺深測哉
其教子策名樹勲一見其奇耳翁今服纓冕之華而
不以案牘勞形列命官之貴而不以朝忝俯躬班階
秩之崇而不以黜陟畏人享祿養之腴而不以錢穀

染指談棋呼酒持觴觀空猶然故吾也昔魯仲連先生者齊魯間奇偉澹蕩之士也因聊城之危一見其奇以成排難解紛之功旋歛其鏑以高輕世肆志之節聊城翁之里也仲連先生高風遠韻猶可彷彿者乎翁今貴其子因貴其身以見其奇見其奇不用其奇以全其高此其一闔一闔莫可羈束者得無聞鄉先生之風而興起者乎若夫侈冠服交守相如里人所欣艷非所以見翁之大也然山川不宰霖雨之澤蒼生終得出雲之恩良治不要干鏐之利劔客竟償千金之直甘澍之需迎刃之斷徼福我郡人脩矣敢

華陽洞藁

卷之三

五

三

不再拜以頌名山良冶之功

送沈劍南視儲淮南迎養序

劍南君少負逸才豪吳中吳中咸識君振奇人也君嘗自謂丈夫當飛纓揚鑣策勲萬里之外終不齷齪環堵中乃其時君之高堂春暉未昇棟宇交茂君將以色養屬伯氏無內顧憂得專意四方暨君登進士太夫人甲子垂垂暮矣已又失伯氏君于時內顧之念戚戚眉宇間每語其友人曰予今何敢談萬里外事予當守環堵奉吾母養耳乃太夫人不欲君守環堵奉養也曰汝志在萬里第行汝志無以吾養汝

君重違太夫人意起家官戶部即然眉間內顧之色恒隱隱在也曰吾往嘗餉雲中已又餉上谷束馬懸車遵太行踰白登涉桑乾即王遵叱馭不險于此矣又嘗詣山陵陪祀登北山望江東親舍千里白雲依約即梁公之徘徊興歎不戚于此矣飛纓揚鑣何能易吾烏烏私情吾且抗疏歸里中終不忍竊祿殊方使吾母無養也居無何部當遣官視淮儲疏君之名上

請

天子可部請命君如淮視儲淮去君之里數程而近

華陽洞藁

卷之三

六

三

平湖片帆崇朝可達太夫人即高齡如淮不難君于是色喜曰吾今乃得養吾母又得不廢職守養吾母志君之友人亦為君幸曰劍南君豈不忠孝矣哉仕不違親養不違

君夫將母之孝王臣所難板輿之娛娛母于閑居耳非官署榮養也乃君顧兼焉其如淮也外則綰符計儲注盈杜漏動輒稱職內則承顏順志稱觴舞綵融洩洩樂也彼此馭之勇奉輿之歡白雲之瞻春暉之報悉于宦游兼脩之君豈不忠孝矣哉予又聞漢淮南王王淮南好長生之術八公山仙人歎王將長

生王門者難之仙即拂衣去遺餌墮丹能仙其雞犬使其說荒唐淮去八公近矣八公山仙人能無往來其間者乎君能以誠孝上動

天顏仙且感君之誠款門長生太夫人矣其誠門者無以其不能駐衰却之然則茲行也豈惟以祿榮爲太夫人養耶聊且以長生之術爲太夫人壽

送吳崑麓教長垣序

崑麓君少負茂異之才起吳中視古偉丈夫事業可揮霍取然猶謂事業以賢科爲階戶而賢科以舉子業進也猶階之有級戶之有扃鑰也有司設階戶以

華陽洞藁

卷之三

七
伯

待士士即才稍不循級以升階持鑰以啟戶即麗如鄒枚雄如楊馬亦逢按劔崑麓君乃稍抑其豪爽橫逸之氣倪就時式即就時式而豪爽橫逸之氣卒不可遏抑時時標起篇中君既高自許可雖屢滿戶外獨喜與予輩三數人爲文章交青山僧屋客船遙夜對床論文一切塵調凡格悉從抹鍛伸紙淋漓互求印可予閱舉子文往往引寐每誦君文未嘗不爽然自失也一編出書賈梓之轍獲高價流傳海內無不人人知有崑麓君一時名公碩卿咸欲君出其門下君當是時睥睨雲霄已在平地顧以數奇例當舉禮

部者九而以服不試者二以檄損者一以失卷以疾作不終者二方其失卷而不終試也主司業已奇君文以巍科待之矣乃竟以試不終止也惋惜者久之若此者豈非天哉君故昭曠以數數爲造化所苦乃舉進士科一擲之願受學職云諸公雅知君才重惜君止君君意堅不可止得長垣教諭有惜君者曰以君之才金門玉署待以扶搖乃顧陸沉閑冷耶有寬君者曰唐以詩登才孟襄陽最才竟不能以詩第昌黎文起八代之衰顧四黜于禮部始知科第之不足盡人乃自古惜之矣君宜自寬然予最知君君通才

華陽洞藁

卷之三

八
伯

也通則無所待而無往不宜無往不適也亢而不能抑非通也詘而不能伸非通也嘗誦莊生之寓言矣知效一官宋榮子笑其所待之卑列子御風而行視待一官以自效者高矣猶待風而御也必若乘天地之正御六氣之辯以遊無窮始爲無待予謂莊生之言玄矣而非通也階可循戶可由而循焉由馬與御風乘氣同也風可御氣可乘而御焉乘焉與循階由戶同也無所待亦無所著也楊文貞之勲業陳白沙之名理不階賢科御風乘氣而無待者也君將薄賢科不屑乎文貞白沙之坦路待君高馳否則君于學

職特署耳進士舉不格也君其奮伏櫪之志振鬣沛
萬駿辟易矣亨途兩在君意固無著也若必待一
第以自效得之則躍躍以喜不得則戚戚以悲若不
可生者恐為宋榮子笑矣非所以語君之通也予為
此言將書之于縑以贈行君領之曰故人知我

賀郡倅丘虹岡陞南京戶部主事序

隆慶戊辰虹岡丘侯來刺吾潤未幾治聲大起郡人
德侯者頌侯曰吾侯賢御史行部上下列郡吏治必
最侯曰丘別駕賢賢聲翔洽遠適于是

天子知侯信賢遷侯司徒即侯奉檄將去郡三邑邑

華陽洞藁卷之三

九 本 三百九十五

大夫屬賀言于予且以祖行予謂侯之樹聲內陟也
盖由于不薄吾郡云侯其真知輕重大丈夫哉嘗觀
中世士大夫重內輕外或因事外遷則其中不能無
少望甚或卧里中待陟不一至其地即至亦負恃素
貴鄙吏事不問一切務為虛高偃蹇寄傲山水觴詠
淋漓宴嬉吏以簿書請麾去之漫不可否不則計歲
月訪除目待遷視去其官如去傳舍無論蒼生失望
即遷陟亦以廢職後矣是不知官級者非以榮身也
所以行吾學術以康濟生民者也適乘之具也視為
適乘之具則可內可外可要可散而康濟之具適所

乘可施而烏可有所低昂于其間耶西京吏治庶幾
三代史氏所最稱者黃霸朱邑傳邑則不誇詡其立
朝之事而標揭其桐鄉之政傳霸則不許可其入相
之功而表著其潁川之蹟郡邑之職重也乃自古記
之矣初侯之出倅吾郡也由司徒即遷焉省即內掾
郡倅外僚如世俗所重侯宜視郡職薄不屑為乃侯
視郡顧愈勤聲愈籍甚郡政所分典者僚友所資藉
者諸邑所稟承者士民所仰待者出其素所挾應之
若走丸于千仞之坂沛無底滯間署邑事郡務百需
髮櫛絲理一一可著為式昨拜表入

華陽洞藁卷之三

十 本 三百九十一

賀單車蕭然行色如水入都懷短刺謁其所嘗往來
者叙寒溫道故情之外無他言若侯誠能虔于奉職
恬于媒進真知輕重者哉侯于司徒省今且再入輕
車熟路愈益沛艾其所樹立宜有進于治郡時矣南
畿根本重地錢穀所儲當天下什四職司財賦儲備
加裕而緩急足恃昔庚申之變特以處置稍失機宜
狂率叫譟橫犯大臣聲搖畿甸一時當事者相顧愕
眙莫能誰何使其時有敏達如侯者宰制于平日變
可無發有應率之智如侯者鎮壓于臨時變即發不
搖今侯之南陟也得非

上意假之以重根本哉客曰侯之南陟信重省郎六品官耳侯之第進士垂及十年又兩以治行高第陟也階猶六品得非久淹哉曰予固已言之矣志于遠大者惟計勲績之何如而所乘之淹速不問昔陳文惠公久于外其故人子弟勉以進取公曰惟久然後見吾守卒之相業輝奕伯仲韓范聲施後世公固侯之里人也侯蓋聞鄉先達之風而興起者他日勲績上薄文惠俾里人相傳曰吾蜀名卿有守有爲者前有文惠後有丘侯不甚盛與吾邑王大夫與侯有同里之雅雅知侯爲予言侯居里中時即負國士才望

華陽洞藁

卷之三

十一

培
三頁七

思以先憂後樂之志康濟生民者蓋其素所蓄積也今日政成聲樹夫亦膏沃而光輝耳因王大夫之言益驗予之頌侯也不諛

送鍾王陽使吳省母序

司徒部設照磨廳于堂之左隅凡郡國所上圖籍暨諸衛所廩籍皆關白于廳廳之事視部諸曹最簡乃其班在部諸曹之上朝若叅必首廳磬折俯仰視廳廳與部大夫不齒議即燕集諸大夫不以齒先廳其班視諸大夫最崇事簡而班崇授必大臣之後廢補者他流莫與焉王陽鍾君以先侍郎之廕補部廳君

訥訥然若不出諸口至談吏事了了若素習爲吏者君退然如不勝衣至于磬折俯仰則鵠峙鸞停容止甚都諸大夫雅重君曰君之賢先侍郎之貽耶曰予生也晚不及侍先侍郎余先大人奉先侍郎家訓第于鄉尋亦背棄予又不及侍先大人予母從先大人稍記憶先世事然母之孀也少予方在襁褓伶伶僂僂弱也母弱予不以語予比長母始舉先世事語予曰某某爾祖之貽也某某爾父守爾祖之貽以世其家也然此特千百之什一耳顧其勲履在上國甚具曷往觀焉予奉母氏命如上國受令官即吾祖侍郎

華陽洞藁

卷之三

十三

培
四頁九

公所官部也稽諸掌故遺芬剩馥在焉昔時珂珮恍若琅琅聞也予得與聞省中事步履循矩矱不逸者晨夕面先侍郎耳吾獲見先德于省顧不獲侍吾母于堂母年踰耆又鮮兄弟嶺海萬里慈顏杳隔悲馬會東吳逋負不輸部命君持檄檄諸郡邑趣之輸君且因使程之便省母持其先大夫之遺芬剩馥歸以語母諸大夫祖君之行而以贈言屬予予何以贈君哉予聞大臣之後最賢者起巍科列崇階與先臣埒輒沾沾自喜曰吾能振家聲矣乃其世德舊武猥以長物置之是何異掇浮英而棄碩果也昔周之君牙

繼其祖父爲司徒周天子命之曰世篤忠貞曰率乃祖之攸行鍾季明爲漢司徒掾史稱其溫良篤慎而其子迪其孫繇能世其先德至今耿耿照人君繼先侍卽爲司徒卽彷彿君牙而迪繇又君之先世人也君將奚從君昔奉母教而學于家卽能聞先大夫之訓于家繼奉母命而仕于省卽能見先大夫之貽于省君之紹祖休而養母志至章也推此志以繩其世德舊武則今日之所躡崇矣無以階資不若先侍卽而自阻顯矣無以科名不若先大夫而自却孝矣無以不能承顏于慈幃而自苦此諸大夫之期君而望

華陽洞藁

卷之三

三

木
三百八十六

君之遄來也王陽曰諸大夫之期我遠矣敢不拜嘉乃再拜登車望南中去

送蕭蒙南陟巢縣教諭序

蒙南蕭先生以楚才起明經拜吾邑司訓訓弟子員先生標格端凝望之知其爲長者扣之學術淵雅持論一出于正弟子北面事之甚共信師說甚篤咸交口稱之曰先生賢先生既賢而吾邑又隩區境無賓旅卽使者行縣歲不一二至無迎謁勞故先生之教弟子甚專而邑弟子故俗雅不樂遠遊守故廬誦習無館穀他方者故弟子受業于先生之門甚親先生

公退齋居齋前碧梧十尋離立左右塔除瀟灑清衙如水先生日哦其間有舞雩遺韻弟子燕見者先生肅衣冠延之見見必從容坐談稱說今古玄致纏纏聞者欣然覺有得也以故先生未嘗晨鳴鼓而趣之升夕鳴鼓而期之散而弟子時時樂就先生之教者德行文學雲蒸霞起盛矣先生教弟子雖愷悌謙治而介持嚴峭之操屹不少假一辭一受一出處動依名節嶮然不滓卽教道素行而倦遊之意時時見眉宇間人情時事稍不當意卽拂衣求去弟子安先生之教不忍先生釋也相率詣先生留見先生不可留

華陽洞藁

卷之三

十四

培
四百九

則又相率詣縣大夫請曰弟子甚安先生先生實賢顧大夫止先生行大夫義諸弟子之請詣先生曰弟子甚安先生先生毋行先生留先生重大夫暨弟子之請乃留然拂衣之興隱隱在眉宇間未忘也久之賢聲益愈大起陟巢邑教諭去弟子知先生不可留然其留先生之意竟未能釋乃自相慰藉曰昔先生欲舍弟子而去也譬之家有塾師無故而謝其主人杜門家居則主人暨弟子執其裾留之矣今先生以陟而行也譬之塾師爲隣人所嚮慕闢館加崇享幣加敬弟子所受業者加多則舊館人當以義自止古

語云人失弓而人得之先生之道苟行于他邑不必在我也于是乃相率詣予徵言贈行予謂今之學職長貳叅設如其職長得專行者什九貳得專行者什一如其賢而爲士類所信從則長貳無擇焉今先生之教吾邑乃貳也事之罷行不無少壓而道德經術爲諸弟子所信從已爾今先生教巢長巢之教矣以其道德經術雅足信從者行之以無所壓之職守猶順風而呼聲固加迅焉嘗謂兩漢儒林傳當時學士以經術稱者其高第弟子立朝議國是決疑疑必守其師說持爲高論曰吾師之所云若是人見其持論

華陽洞藁

卷之三

五
三
百
六
十

之高也必驚問曰子大夫何師而所云若是他日有立

朝守師說論天下大事者必先生高第弟子也荆山產王價重連城先生荆人也所造士猶荆山之玉聲價固當連城重矣

客對贈王陽君陟官南臺

王陽子由司徒陟南京御史臺都事客有談南中之勝以誇王陽子曰金陵佳麗獨擅江左名山大川迴合襟帶鍾阜北枕鳳舞龍翔天塹西界躍金沈璧燕磯瞰大江之雄天關開洞門之勝又荒臺古槩之

下吳宮花草賸馥遺芬猶氤氳氤氳襲人也躡屐以登柱笏而望則奇觀勝狀爭妍競爽使人應接不暇公退之餘探幽選勝飛觴舉白宴嬉淋漓亦宦游之至適也子其有意乎裨謔野而獲游息亦以舒抱而曠觀政之助也王陽子對曰江山信佳麗乃所以護王氣而重根本之地非所以供宴遊也且吾聞御史以動搖山嶽爲稱職吾且以是贊臺僚之風采而顧因名區以恣逸樂効閒游公子縱侈于觴詠吾恐厥官之曠且懼林壑之聳謂也吾則不暇謹謝客客曰晉代衣冠擅風流于江表揮塵清談玄風洒然大暢

華陽洞藁

卷之三

六

培
三
百
九
十

遺聲餘韻于斯焉在子之官斯地也署固清華簿書彈擊之事不煩諷議曷以燕閑引王何之瀟灑而與之揖讓于千載之上綺論雄辯弘闡玄理即稷下之談天者且爲之卷舌是猶納蘋末之清飈以濯煩襟飲涼夜之沆瀣以沃塵吻也老氏故柱下史首闢玄關授人以鑰玄其足尚乎王陽子對曰晉人所值其時暗厭焚垢之緇也高談玄理托而逃焉然晉俗亦因以頹壞方

今隆堯舜之治士大夫務崇實政以經世務玄虛且大斥焉又老氏守黑守雌與俗浮湛而臺臣之職在

辨清濁之分以激以揚吾乃尤而効之奚所恃以贊
臺綱謹謝客客曰金陵古多詞人翰士揚葩振藻先
後如林晉人發其咏玄暉叔寶之徒侈其音太白夢
得之流赴其節吊古興懷臨桃葉之古渡以賦新詞
尋臨春之遺趾以歌玉樹和澄江如練之高詠寫白
門烟柳之雄章挹秦淮之明月嗟商女之悲歌大篇
一出紙價能高麗句驚人花鳥深愁此亦性情之怡
暢也登高能賦爲丈夫子大夫又奚讓焉玉陽子對
曰南朝歌曲之妖艷皆導欲宣淫之尤者吾且因御
史之觀風采詩擇其正聲譜之樂府以被管絃上追
華陽洞藁

卷之三

十七

三百七十九

風雅之盛以歌咏太平吾有志焉騷人之流連光景
無裨于王風民俗者不暇敵精于斯也客休矣諸大
夫聞玉陽子之對而知其志之所尚正也曰是能贊
臺中之風紀而偕諸僚友相與以有成也者乃屬掌
故氏述其意文之以從吏玉陽子而成其志又因以
爲別

送高少川承將樂序

少川君結髮時以子壻謁予先伯翁予幼從甥館見
君動止繩墨擇地而蹈退居如不勝衣言訥訥然如
不出諸口予已知君有古長者風而伯翁亦時時語

人曰高壻賢暨予以舉子事大司成南雍而君適從
南雍卒業相見甚驩僦寓比舍晨夕數過從見君之
左繩右墨視甥館所見時益謹愿因思伯翁昔時所
言不妄許可歲乙丑予以先宜人服闋

北上補郎而君亦以謁選天官偕予連舟行天涯密
親情款益篤既而君以待次未及馳輕騎歸而予亦
以使事南下及予使竣歸

朝而君亦以待次期及至矣予每公退訪君客舍中
見君杜門危坐不妄交一人非親舊相召不出寢戶
他還人居長安里中者比比懷刺躡履日伺候于公

華陽洞藁

卷之三

大

三百八十四

卿之門其輕俠者則又飾裘馬酒食游戲與游開公
子徵逐狹斜中而君獨謝絕交游反鎖空舍持其所
携書讀讀竟時過予借書持歸舍中復讀予因嘆羨
君之左繩右墨擇地而蹈不與時俗相浮湛者蓋其
天性然也已而天官識君爲篤行君子擢丞將樂是
時予已拜疏謝病歸矣予方卧里中而君歸謁先伯
翁墓祠因過訪予予兄弟輩見君衣冠楚楚容止甚
都竊自喜曰高文雅恬默借使當昔時選人各挾厚
資市當路當路者視資以第甲乙不則倚勢人書謂
賈善地高文持一空橐坐舍中待選將無壓焉而一

丞奚由是亦有天幸今茲選路清夷竟持一空橐坐舍中得承咸以是爲君賀予以爲君非特天幸忠信篤敬可以動王公行蠻貊天官方持繩墨以尺寸選人而君能左繩右墨尺寸寸以當上意其入穀固當君之如將樂也持其左繩右墨尺寸寸者以守官歲舉吏事則必不速官謗而丞且有聲于是昆弟輩又相與賀君曰上既以篤行丞丞不負君君能以篤行爲丞君不負丞乃舉首相揖而別

贈醫士何省充序

昔太史公傳方伎叙倉公事謂其能見垣一方人蓋

華陽洞業

卷之三

九

培

神其識也懸神明之識外形骸以照隱伏若辨黑白則鍼餌之投靡不中的其術斯已奇矣故聖賢貴識未有舍識而聖者也人之一身陰陽所含五行所附異養而殊感流傳勝伏雜然而不齊和則平戾則疾和與戾之間不能以髮洞垣之明世不恒有而視疾者視諸診切之間至虛有盛候太實有羸伏幾微之分非識不辨也不辨不治豈惟不治用其術于識之所不及而以意量疾量之而不中則轉微爲劇反順爲逆以至于不可藥人且寄我以死生縱不能生之乃從而墮其生耶故脉家恒以識生人識非無所因

襲而用其所創見也古有所稽前有所承則識遠而其術不踈昔之聖人爲醫藥以濟夭死辨析脉理驅滌乖和回旋元氣補益真和軒岐氏之書可考而知也乃其爲書也累世不能入其奧故醫不世其業不良也京口何氏世有名醫聲其先彦徵君以軒岐之學事

先皇帝先皇帝異之屢

賜宸翰榮光燭天一時學士墨卿賦詩什以張其事于是皆知彦徵君其後子孫世相講求彦徵君之學學遠而其識益邃故何氏代多名醫而省充君尤能

華陽洞業

卷之三

二十

培

以高識已危疾與疾而問醫者醫不能辨且治也乃之省充君君辨其所難辨噓其枯而起之于是又知有省充君云環川盛子以疾如京口訪醫醫以爲亢也以亢治之而不愈乃之他醫醫以爲羸也以羸治之而益殆三易醫而稿然骨立幾不能生矣乃謁省充君治焉君曰子奚亢奚羸氣之流行于一身猶水在地中也洩其涸則竭隄其濫則潰識可洩可隄之勢而節宣之則平子之疾將潰矣若防大川焉逆其怒流而障之能無潰乎是醫之過也疏瀹其壅滯流暢其榮衛可以一藥而愈矣如其言而其病良已省

克君于是爲有識矣理而析奇而不隨診而辨之也若燭燎鑑懸矣辨而藥之也若庖丁之游及矣若繳穿楊之矢而命中無虛發也其藥而已之也若衣之煥寒食之止餒還至而立有効也得軒岐之三昧而精于家學者也環川子歸謂其虛菴子曰省克君活我子曷爲我謝之以言余謂省克君進于伎矣神解疑疾智也起敝潤稿仁也克昌厥先孝也通乎此者進于君子之道矣獨醫也與哉環川子曰子知何君矣爰命書之于繚以贈君于皆春堂

洞藁

卷之三

廿

華陽洞藁卷之四

金壇張祥鸞著

序

壽元輔少師徐存翁六十序

代作

七代之隆列位衡撥者或以精一執中或以典學終始相道儒道出于一而皇治純純則不已而永賴之烈壽且萬世推其盛雖與日月爭光可也宇宙間惟日月最壽易曰日月得天而久照得天者得天道也故記曰東西相從而不已是天道也天道得而一元以宰之陰陽之精以凝之黃道九行以經緯之元會華陽洞藁卷之四

運世相循相推而代明者如彼卒莫消長天道得而其照久也古之相業隆並日月則有旂常以書之非以耀勳也猶之日月得天而久照也七代以還惟孔子以儒道行相事然其時暗柄不專持特攝耳由漢迄宋名輔輩起聲施夷夏非不奕然隆赫矣乃史氏所傳儒學道學者卒不能一兆于夢卜非投置閑階即山林而已耳一時勲治出入王伯而求賴之烈不可再覩者才氣用事而儒術微也後之談相者于古則曰知道而後宅百揆于後世則曰不學無術儒道相道分而治功之汙隆隨以殊異猶之藝谷者設

芳者芳顧所務何如耳然儒道在天地間與一元之氣竝久有噓吸而無存亡漢宋之世元氣斂喻之時也喻則必噓而

國家適當噓暢之會矣其噓暢也必麗于人以昌大其醇和而我存翁宗師實爲元氣之麗矣

國家積德百年而

孝皇履極維時貞元交而太和之精益液宇內光嶽降靈之時也翁生

皇上龍飛之始萬年中興之運茲焉肇開地天泰而

君子道長之時也翁登朝弱冠登朝歷試中外餘三

華陽洞藁

卷之四

二

三百六十一

十年歷年多施澤于民久而相道升聞股肱喜起之時也翁相君猶天也相台垣也天不毀則台光長明以類從也

聖天子睿德格玄壽旦萬年一時元輔黃髮老成長國家之元氣此天壽平格之時也翁壽是翁之生也有所自而其相且壽也有所爲非偶致之矣方翁之麟驥

盛朝也高談仁義扶翊儒術障百家之狂瀾而濟吾道之源淵導而東之而斯文壽居侍從也先匡洛而後適間崇皇王而黜伯強而

君德壽出持文衡入典成均也進爾雅而退華繪惇儒碩而薄才智而士習壽陟貳銓宰則將大長厚而鄙浮競而官常壽晉居宗伯則惇和別宜伯仲夷夔而禮樂壽暨秉台衡則弘化論道調千古未還之元氣登之熙泰而

國運民命壽是翁之遐紀即千百甲子非翁之壽也論道昌明相業隆永斯文大開

皇運無疆翁之壽也翁之忠誠其願壽

國也甚于壽身况國壽與身壽並遠社稷蒼生不重有倚毗哉翁之壽甫一甲子而海宇祝頌之聲驩若

華陽洞藁

卷之四

三

三百六十一

雷動民有所欲天必從之矣某觀風南國采民風而陳之而民之頌翁祝翁者敢并采之以獻諸壽筵頌曰於維相君斯文宗主道接孔孟業掩申甫以儒道相登三咸五民之欣欣式歌且舞祝曰聖賢之生一元參伍祿位名壽天之純嘏日月之升晨晷未午黃閣千年清風萬古

賀鴻臚卿方麓王公六表序

方麓公之辭卿而還里中也越三載始耆即耆而玄鬢渥顏不減少日鸞停鶴立僊僊乎若冲舉而九霄也健矣杜門著書盈篋中對客談時事纒纒尊俎間

且折衝千里也神王矣豈公雅能脫離塵海如蟬之
脫吟清颺而歛膏露嶠然不滓故能健且王乃爾耶
不佞猶憶爲郎時與公同朝是時炎門熾天請謁如
市公獨僦舍城陰散衙就舍杜門讀書懷中刺字滅
不知所投時接公眉宇隱隱若烟霧起未幾竟拂衣
歸及不佞解郡歸而公復徵爲尚璽大夫尋陟寺卿
通顯矣予采真雨花牛首而公携尊訪予郭南僧舍
則見公眉宇間復隱隱烟霞起再越歲而公又拂衣
歸公蓋古之介士也雅潔晶瑩之節可度世可駐衰
而不可緇磷即維車服牽纓冕而其中之蟬脫而風

華陽洞藁

卷之四

四

本
四百八

陰露咽猶然故吾也是以青鬢渥顏踰艾登耆流光
代謝而心遠神王亦猶然故吾也昔胡質父子世持
清操上動天子之問前史稱艷之公之先大夫遲菴
先生清風遠操標映朝野而公又世濟其美源潔而
流益澄瑩所從來遠矣古稱貞人入水不濡入火不
化神定而操持勁也公持世節以游人間敷歷清顯
不知爲通歸卧里杜不知爲高甫冠登第不知爲蚤
耆又優游不知爲晚中定而適乘者不能入且不能
撼也昨冬晏辱公念犬馬之齒拜贈言之重道標期
叙姻婭故情謁謁且引白傳司馬公洛中耆社以寓

接引之意不佞何敢附公臭味頌兩疏乞歸出處之
迹稍堪望公後塵乃公髮玄而予則蕭然白矣公頽
渥丹而予則稿然衰且瘁矣駐顏却老公能以勁節
奪造化而予則不免頽委豈出處之跡與中之所操
持未能合併也抑仙凡骨相司命宰之而衰榮任其
所乘耶昔謝監願入遠公之社公逆其未能遺世却
之今辱公接引公或有以許我矣公持堅白駐顏却
老揖群仙開長生之宴且百度未已敢不儼然登堂
再拜申南山之祝

賀李隣泉封君六十序

華陽洞藁

卷之四

五

本
三百八十四

予自登朝初以同里故識隣泉君燕市中先是弘治
間倣漢家徙郡邑豪實諸陵故事隣泉先大人自予
里徙燕家焉已而生隣泉君於燕遂爲燕人隣泉君
雖燕人然待故里人頗反厚有從故里來者人人以
隣泉君親已相善也數相過從每相對道里中事問
里中江山何狀禮樂衣冠文采風流何如京華中閭
閻間少年多任俠自喜呼鷹走馬探丸結客不治家
人產業隣泉君視諸少年所爲薄不爲也折節學書
書即工已而遭家中落棄舊學操計然任公之策治
賈人事家復大起予于是時已識君沉光抱奇隱賈

人中非庸人也時諸郎尚幼業已稍稍露頭角矣及予更歷中外再見君而君視故所操任公計然事則又薄不屑爲買學士家言授諸郎君讀諸郎君受父書能讀伯子第進士累官訥言而仲子亦繼起列位鴻臚負君以訥言貴兩拜

封命通顯矣出則乘安車行都城中揖讓縉紳先生間衣冠甚偉入則時時召賓客高會客多賢豪長者鳴琴彈棋呼盧舉白極懽而罷退則坐燕寢中含飴弄孫諸孫牽衣婆娑舞相樂也頃厭城郭風塵治別業城南偃息其中佳水翳簷幽花被徑釣簾燕坐道

華陽洞藁

卷之四

六

本
三百九十九

書在几喀馬遺世眉宇間數烟霧起予私心竊高之嘗聞之惟至人能遺境以游情常人之情待境而適境不能兩值則情不能兩適士大夫榮通籍之貴者拖珠鳴玉持梁刺肥境至豪華也然情倦意移則思青山白水之徜徉茂林脩竹之偃仰不能無欣艷馬山澤之臞采山釣水餐霞怡雲起居無時惟適之安耳目肺腸悉爲已有境至怡曠也然棲羽檣枋仰視天池之扶搏不能無枯槁憔悴之悲殊境拘碍若蓬蔭之羨俯戚施之羨仰交戰于中不能自遂日見其不足而已今君佳境兩適俯仰自由條馬分庭實游

而偕通籍之榮修馬林卧遺世而爲山澤之臞樂常有餘而中無不足樂莫適于享其所有餘而勞莫瘁于強其所有不足李伯陽曰跛者不立踣者不行蓋言強其所不足者多自敝也今君佳境情洽神暢氣和不跛而立其立可久不踣而行其行可遠啓長生之途而優入壽域于茲焉在世稱伯陽氏得長生久視玄境由不跛不踣之言類推之大較可知也君豈其苗裔耶何其事之偶相類也里有耆舊卿大夫過其廬則式有家慶則相賀隣泉君所謂里之耆德非耶今年春秋六十訥言華服錦衣登堂拜家慶同里士

華陽洞藁

卷之四

七

培
三百八十三

大夫游燕者謁予言奉賀且祝予乃述君情境所宜壽者偕諸君往壽之并述君家伯陽遺言以致祝辭

壽荆水南七十序

萬曆戊寅春二月某日比部大夫水南翁壽七十翁之子壻王伯子謁予文往壽之予因憶昔訪姻問舊登翁之堂見翁頽面方頤鸞停鶴立翩翩然若冲舉者諸郎君娟秀文采奕奕標起翁方延文苑家與之講業嗷誦比屋里中隱隱起文獻聲已而翁之仲子考功君繼諸父起高第官比部而翁因封比部大夫鳳書頌

恩鵬袍團錦榮顯矣年登七袞頰面方頤鸞停鶴立
視昔尤更伉儷蓋學養生家而有得者與養生家言
有曰精神之于形骸猶國之有君也神躁于中而形
悴于外猶君昏于上而國亂于下也故養生在神適
適必待境而境不兩適今夫縉紳先生起家通籍乘
堅策肥珮玉紆朱賓客填溢門若田竇境適矣乃簿
書期會勞其形行牽止杞拂其衷毀譽升沉危其慮
則思一丘一壑以濯煩囂故逃祿者鑿坯辭榮者焚
魚一適則一遺境不兩值也山澤之臞抱琴行吟采
山釣水耳目肺腸悉爲已有境適矣乃枋榆之棲羽

華陽洞藁

卷之四

八

三百九

不能不企羨天池之扶搏則北山之移終南之徑緇
染不免焉殊境異域彼此拘碍若蓬條之羨俯戚施
之美仰交戰于中而不能適故境難若翁所履之境
則兩適矣今翁不離茂林之下出則乘安車衣錦衣
自郡邑大夫以上分庭抗禮議時政得失談閭里疾
苦從吏當塗罷行之俾里人陰被其膏潤入則課農
圖娛釣弋訪佳山水時時召賓客高會說平生話桑
麻舍飴弄孫相樂也時或就養考功官次程不信宿
錦衣侍膳綺饌列鼎問考功君所進退賢不肖爲誰
能當

聖天子任屬否能不負所學否舊都江山足饜游眺
興酣東歸偃仰林壑嗒焉遺世不鑿坏而隱不焚魚
而逸不離北山而仕不假終南而遺境蓋兩適也田
開之云善養生者如牧羊然視其後者鞭之翁已兩
適則無所後而不假于鞭者也得養生之境非耶年
登七十仙仙乎若持挾姑射之神人而與之接袂蓋
所優之境適而其神全也神全則能游神域外而遺
境以爲適遺境則泊視穠郁樸視紛麗其來不却而
情無所待其往不留而意無所著故曰忘歡而後樂
足樂足而後身存蓋遺境也故知翁之壽因境而壽

華陽洞藁

卷之四

九

三百八十二

之永因遺境翁試驗之信能儵然域外而境無所係
乎則壽考自茲遠矣

賀郡侯鍾西星壽序

萬曆戊寅之夏我郡侯西星公由司空尚書大夫奉
簡命佩二千石章綬來守吾郡垂及一朞而政成教
立湛恩四洽聲奕奕起矣已卯夏四月某日爲公初
度辰郡大夫栢亭毛公董登堂上壽維時緒風清和
江山韶麗
空青漂碧撲尊俎間
毛公酌
而祝曰維茲郡越在江介爲江右重地維予職司飭
戎膺保障之寄而萑苻繁竊出沒烟濤以窺伺鎖鑰

自公戾止俎豆經畧折衝足寒郡不逞之魄江澄海晏萬室安堵我公實江左長城也予蓋有憑焉顧公福祿壽考永奠之邦則幸甚張公酌而祝曰維群爲財賦重地維予在事督賦適因漕梗賦必先期以便漕我惠孚而期會信不煩追呼諸縣奉檄通者輸輸者時先期而郡儲亦實予不忝厥職公之賜也揚公又酌而祝曰予郡之水曹也郡以一衣帶之水爲漕河咽喉歲晏漕多淹溢又諸縣畝漕如織灌輸倚以爲命惟公石畫定于上予受策胼胝上下便之公之懿政如川之方至更僕未易數而予所藉以勤

華陽洞藁

卷之四

十

四百八

事德公多矣吳公則又酌而祝曰公昔起家第進士出理三輔劇郡以文詔著聲今柄郡政坐堂之上訊鞠迎辦公持其綱予理其紀境無冤民恃公之神明也周書曰哲人惟刑無疆之辭屬于五極咸中有慶請以是爲公祝諸大夫之祝公倫矣予郡人也沐公濊澤百于諸公頌公之德若繪天地祝公之壽若舉海岳何能贊一辭雖然名公鉅卿之生必乘文明之運函靈淑之氣其生也有所自其出也有所爲我公徽降在嘉靖中興之時昌熾之運適邁其盛而初度之辰又當首夏愚聞之董生云陽常居大夏而以生

育長養爲事六陽之位乾德之亨亨者嘉會也亨嘉之氣益然溢于宇內無論萬彙熙皞即一卉一木亦含滋向榮色澤沃若芳郁襲人乘陽德而函亨嘉之氣也公之誕辰乘亨嘉之陽德以文明天下享壽蒼生也天之所授也且也公攜李產也攜李數勝負五湖襟巨海三吳清淑秀傑之氣蜿蜒磅礴而東走于茲焉鍾崇大雅登危科以文采勲望照海宇者當三吳十五無論往代如襄毅項公莊簡鄭公太保吳公咸以偉望崇功後先輝語云地靈人傑于茲獨也玄圃之王價必連城攜李玄圃也公產玄圃祿位名壽

華陽洞藁

卷之四

十一

三百八十六

繼三公以重連城予已逆觀之矣然公之勲秩壽考天之所生地之所鍾以福我蒼生也雖欲申一言之祝則消塵何裨于海岳

壽謝虬峯太夫人序

昔吳之良冶鑄劍劍成利極吹毛後藏豫章間光燁燁上薄星漢張華雷煥望氣識神物藏伏所發而拂拭之虹彩歛起霜鏹凜凜照人夫吳冶鑄之華煥氏鑒採之神物遂爲天下用不沒沒焉非良冶不能鑄神物即良冶有神物非華煥莫覓也治氏與華煥亦交相成哉虬峯君豫章間才子也懷利器謁春官郎

春官部校文有曹太史先生者識君文章光燁燁照人曰此豫章劍氣也而取焉予與虬峯同爲先生門下士先生每見每器之曰謝子才他日斷割天下大事解根節之盤錯如破竹者必謝子也予輩因先生言益重虬峯君又與予同舍又同觀御史臺政每慷慨論天下事寬髀竅理可揮霍斷割予輩亦曰虬峯君才君之曾大父文莊公爲

先朝名狀元聲華在

國史勲烈在海宇道術文章在家學自文莊公後謝氏世爲豫章文獻家太夫人能以文莊公家學教虬峯君學成而才益標起豫章間人咸曰文莊公有

華陽洞藁

卷之四

士

三百五

孫太夫人有子暨入太史先生教人又曰先生有高第弟子吳冶之爐不鑄黃白華煥之目不銛鉛刀太夫人以文莊公家學鑄利器以待太史先生之擇先生擇才才虬峯之利器以顯太夫人之教治氏與華煥交相成者客曰虬峯信干將才也操之刺玄犀截高羽或鳴之以馳伊吾之北宜矣今用以令一邑果百里之才乎曰

聖天子重吏治擇良吏吏郡邑衽席黔首平湖又海濱巖邑非懷利器往不拆必缺天官部識虬峯而重

委付焉是亦華煥識豫章劍氣也虬峯懷利器適茲土操發硯新及外寒潢池之魄而內以濡沫其赤子光燁燁照臺省上臺省之甄材者又以華煥具眼識君而柄任焉若虬峯者莊周氏所謂天子劍非耶予于是益信大治氏之功君之行也衣錦衣迎太夫人祿養因叙太夫人冶鑄之功爲壽

贈葛公八十壽序

葛仲子過予湖上草堂稱其族父葛公義甚高問其年則又最高蓋八十春秋矣氣完神王仙仙乎若冲舉霞表與浮丘洪崖輩結袂而遊無窮也予雅

華陽洞藁

卷之四

士

三百九

聞公名今又聞公之壽而康也心艷之蓋古之列仙者流與非耶公登嘉靖甲辰進士宰巖邑茂異聲奕奕照江左行且右陟尋倦遊拂衣歸高卧東山餘四十年青壁丹崖隱起烟霧中世人可望而不可即知公者謂之負經濟之才而未盡用其才真氣盡而不費畜而常溢壽而康乃爾耶抑造化界與不能兩盈薄榮華故豐壽考酌彼益此脫福隆長耶是皆知公之粗者予聞古者通才可顯可晦可凡可仙可涉世亦可遺世而卒不可籠係倏焉舒其華于一第一命以徼福蒼生倏焉藏其真于一丘一壑而蟬蛻塵滓

卷舒闔闢翩翩乎翔于千仞之上而中無所著無著故無係累無係累故無不足而萬境皆適適故氣舒神王而壽考無疆蓋龍德而神者也龍之爲物也能田能淵能乘雲氣窮乎玄間而復能潛且蟄神而無方也公其猶龍乎顯晦仙凡涉世遺世通爲一境而無方龍德而神者也方公之第而仕也已洒然埃壒之外毀譽得失不能搖其中而定其歸卧東山也不知昔之所服何官今之所居何地廟堂山林不知其境之異同此足以見公之大而無方之神猶龍也八垓之廣挾以扶搖華胥之勝宅以寢息日月之華挹

華陽洞藁

卷之四

十四

四百九

以吞吐沆瀣之情酌以酣潤真氣完而神王且壽矣公家稚川辭常侍而邑宰辭邑宰而羅浮高風瑩節照映千載史氏贊其棲真事外全生之道最優公蓋得家法之淵源而頡頏偃息先後一揆也第公之所宰邑不若勾漏之有丹砂東山之勝不審視羅浮何似會稽故多佳山水襟江帶海東走赤城赤城仙人或往來徜徉其間公倘有所遇乎則稚川之羅浮在公几席間所著丹書仙傳必有與抱朴子內外篇相羽翼者則公之完仙骨以永仙齡也即公家篋司中舊物耳他日東望紫氣起會稽東山知羣仙觴公于

山中結烟霞社也乃予益心艷之矣

贈宋奇峯六十序

予不識奇峯宋君未之面也君客予邑主予舅氏家垂數十年時予方遠遊尋

上書乞歸卧湖上草堂却掃杜門而君亦老而歸歛竟未之面也今年登六袞而即君太學生某歸歛上壽介予外弟謁予文往壽之曰奇峯起歛中少即以才豪于歛嘗習儒歛之俗右賈而左儒竟逃儒而賈起高資質子錢收什一之息中年而病病間讀岐伯氏書稍稍聞秦越人遺術而用其術已病病已入資

華陽洞藁

卷之四

十五

三百八十

拜太醫院掾奇峯則儒衣冠揖讓縉紳先生間爲卿大夫矣已又緣其少所習儒教諸子儒已而諸子竟儒伯季聯翩游太學而仲補邑文學咸彬彬有文而君喜其少所習儒竟傳也益愉快耆而益神王仙仙平行且拍肩洪崖浮丘而長生也予聞外弟談宋君平生而得養生之指云養生家曰神不擾則丹結蓋山澤之臞絕遠人羣揮扇緇垢屏去囂紛寐養而玄居恬熙自娛真精獨完也宋君持籌幄中營三五商低昂計盈縮以役其神神擾而丹奚由結碩年耆而益王與養生家不相券合何也蓋神非以玄寂爲

不擾而以當幾爲不擾神用而當幾則迎幾而解廓然無礙洒然無著無礙則無欣無戚無著則無緇無白而神愈悠閑境愈熙適緣是以遠浮返真而成丹浮丘洪崖不習于此矣漆園論養生借喻庖丁解牛其說甚辨庖丁歲不更刀踰十九年而及若新發于硎其鋒久而銛銳完好非匣而藏之也日搏擊宰割也當踟躕四顧以神迎幾目中已無全牛體解之間無非竅理左揮右霍游及恢恢意閑手愜迄無闕礙而神益悠裕不擾養生之玄境也善養生者在養神善養神者在善用神善用神者在善迎幾迎幾以用

華陽洞藁

卷之四

十六

本三百八十六

神用之以不用也用之以不用則意暢境適視天下之事無一礙突無一拘著塵空潔于泉石市朝清于岩穴呼籌幄筭寐于禪窟通萬境爲一途藐千齡爲晨夕而長生莫遂于此矣宋君抱庖丁之才而神解萬事用孔氏之學而儒其子用陶朱之策而素封其家用岐伯之術而貴其身是能迎幾用神而恢恢游及者也其耆而康也歲不更刀也行且見君神王丹結登上壽踰期頤而再拭發硎之刃

賀御史鄒蘭谷太夫人六十序

代作

御史大夫蘭谷鄒君奉

召歸院便道朝其太夫人于時太夫人春秋六十矣大夫駐節鉞于門登堂上壽而客有謁予文爲太夫人壽者大夫自爲即時與予善故予雅知大夫亦因以知太夫人若太夫人者無論其孀節閭教之粹潔其卓識遠見蓋有出于偉丈夫之上者語曰作善者壽昌使斯言而信太夫人顧不千歲哉太夫人之孀也蓋未及中年云今夫孀嫗之愛其子也百倍于恒蓋失其所天以子爲命即疾痛勞苦之微必撫摩愛護置之于安設履險蹈危以冒不測則呼號抱持痛沮而力挽之必脫于險乃止恒情大抵然也夫人當

華陽洞藁

卷之四

十七

本四百九

先大夫之捐館也愛其子豈異于恒情及大夫爲御史時權貴人潛竊威福之柄摧折士大夫之氣而牢籠之即有豪傑之士奮不顧身稍加詆斥晨詆而夕弄之矣昔人所謂風采消委之餘雖豪傑有所不能振起非斯時也哉方大夫封事之入也不及于難者其間不能以髮人人危之矣自恒情處此母必曰吾夫亡吾子不可以許人子必曰吾母在吾身不可以許人使人人而皆若是也杜稷事竟誰賴哉太夫人能忍其所愛而許國以子大夫能忍其所私而許國以身均有見于其大耳及其手拂霍翳登霽日月

興之業繁然復新一時頌德者咸謂汾陽臨淮摧陷廓清以佐中興古今之偉績也然滋蔓之寇猶在四方力猶可施乃其憑依城社根盤屈據爲腹心元氣之係牢不可犯者此其艱難險巇不百倍于尋常哉是大夫之功有出于汾陽臨淮之上矣太夫人卓識遠見乃至于是用是能忍其所愛耳至今享太平之樂德夫人之恩者自士君子以至于里監田傭咸頌肖大夫之像而俎豆之頌且祝之矣天降時雨山川出雲德兩澤者德其所自知山川之功祝大夫者祝其所自知太夫人之壽

華陽洞藁

卷之四

太

本
三百八十五

壽彭鑑塘八十序

予不識彭君何如人未之面也君之姻氏楊太僕周文學與予善爲予言君之義甚高至言所享年則又高蓋八十甲子矣君家近市不市人游也里有繆南村先生者厓壁清峻人莫敢望獨喜與君游君亦喜與先生游平居花木一區棋一局客到把酒看花拭枰對奕欣然忘世與之言仕進則曰業已屬兒輩矣人有以急抵君者必厭其意以去邑大夫以鄉飲賓君君不往若君者蟬蛻乎聲利之途徜徉乎埃垢之表嶙然不滓者也聲利埃垢之障洒然懸解則榮辱

不能搖其神嗜欲不能侵其性名位不能勞其形信哉君之壽而康也乃其所自爲也昔嵇中散著養生論云君子知形恃神以立神須形以存故脩性以保神安心以全身言能養也至唐子西作古硯銘以喻養生則曰硯之壽以世計硯靜者也靜者壽言貴息也予深有味乎兩人之言三復誦之持爲養生真詮而客有難予者曰壽貴能養乎世有濡首酒色奔走貨利而黃髮渥頰者有屏嗜欲薄滋味能經禽戲以求長年而年反不逮何也壽貴能息乎尚父耆矣奮鷹揚之勲而壽益遐頰子不見諸侯樂道陋巷而卒

華陽洞藁

卷之四

九

本
四百〇九

莫能期頤則又何也是不然天地不齊之氣流行傳化而人各以不齊之量受之厚者薄者實者虛者相去不啻什之與百譬之陶魏之富日揮千金雖終歸于盡猶可以供數十稔之費窶人之家苦事節縮以給衣食猶慄慄不能卒歲也犀兕之革綴以爲甲日被之以當利鏃未易穿裂衣魯縞而行枳棘中不數步敝矣虛且薄者不養不息焉是窶人而侈陶魏之費魯縞而當利鏃之衝也能養能息焉雖窶人無枵腹之慮魯縞而什襲于笥中也彭君之稟受其爲陶魏乎爲窶人乎爲魯縞乎爲犀兕之革乎予未之知

也然觀其壽而不衰也是陶魏而事鄧縮犀兕之華藏之笥而什襲者也予又聞商之賢大夫彭祖最壽君豈其苗裔耶何其壽而康也君或抱長生異術非世人所聞則予之所云能養能息猶未足以窺君之一斑也予頃緣病不勝官上書乞歸思逐山澤之臞采芝木談參同以却病祈年今聞君之長生也心竊向慕之願接杖屨望見顏色君儻以予爲可言乎幸教之一言

壽孫母虞孺人七十序

孺人曲水君之室予外舅石湖翁季妹予小子之妻

華陽洞藁卷之四

二十

本
三百八十二

之姑也歲癸亥之十月壽七十外舅率其子若姪往觴之而命予致辭于壽筵往予謂外舅時會孺人歸寧因得謁孺人于中閤孺人不作世俗兒女子語所語有士人風異焉已而見曲水君長身玉立任俠自喜意豁如也家所蓄古圖書甚富雅喜與賢豪長者游一時賢豪長者多君意氣亦喜與君游詩云知子之好之雜珮以報之以雜珮之義從吏于中者孺人賢也及曲水君棄賓客孺人收君所蓄圖書授諸即君讀諸即君受父書能讀學成而才有聲士君子之林則以孺人之母儀賢也孺人之先大夫詩公高

風奇節嶽嶽標起而予外舅輩俱能以文采行誼世其家聲家之賢聲流洽閭閻孺人之婦德母儀足賢者孺人之父兄賢也昔范曄傳曹大家事天子令其校書東觀至使學士大夫伏閣受書其事甚偉所著女誡七篇東征一賦母儀婦德甚具本所自来則班叔皮父子繼起爲東京巨儒文章地望光照史冊大家素所閑習蓋有得于父兄家學云今孺人之賢淑視大家不知何似其有父兄風則庶幾焉夫玄圃所產玉其貴連城琢爲圭瓚塋登清廟即離去故璞久而奇姿瑩采炯炯照人惟所產之地異而其賢殊也

華陽洞藁卷之四

廿

本
三百八十七

天地秀異之氣流形傳化鍾爲賢淑則所在護持俾其久而不散孺人之真淑固秀異所鍾也百福護持遐享上壽宜矣猶彼玄圃之玉爲清廟圭瓚而國家世守承爲宗器即金銷石毀而王之什襲珍藏猶之在璞時也此理之常無足異者外舅領予言命書之壽孺人于忘憂堂中

壽胡母吳太孺人八十序

胡母吳太孺人予不識其何如人也母有仲子官中書予蓋自中書識中書君云中書君從子太學生客齊予如齊中又自齊中識太學生生揖予曰吾父泉

山君古孝廉也往官嶺南去吾祖母遠不勝烏鳥私情上狀天官部乞身歸天官部可其狀歸歸而驩太孺人忘憂堂中綵衣翩跹相樂也已而太孺人顧吾仲父竹山君曰憲吾甚安汝兄養汝無以吾養淹汝汝第往取一命以大汝門吾志也汝無以吾養故乃傷吾志汝第往于是竹山君奉太孺人之命往起家

華陽洞藁

卷之四

三

四百九

中書爲鳳池供奉官太孺人聞之色喜曰衣綵在堂衣錦在朝吾有子矣夫孝廉君能養母以寬中書君內顧之情乃中書君始能安其官以養母之志蓋伯仲交相藉以驩母也予獲知母又獲知中書君伯仲

華陽洞藁

卷之四

三

四百九

馳皆千里才也才子孫能千里而母之驩顧不千里與即流覽八表不憚于此矣晨甘夕昔市脆擊鮮孝廉輩又以茹霞觴桃之樂樂母也若母者豈非神仙人哉予又聞仙之上藥有玄霜絳雪茹之則精凝而壽遐然精凝不如神適母之神適矣壽顧不千歲哉八袞又奚足云壽

王太夫人六袞壽言

萬曆甲申冲宇使君奉使塞上使事既竣衣錦衣歸朝其母太夫人于堂時太夫人春秋一甲子矣十月其日其壽晨也使君則又衣錦衣拜太夫人于堂稱

華陽洞藁

卷之四

三

四百九

觴上壽申無疆之祝夫人之甥段生弘璧謁壽言于予予曰夫人何爲生曰母實賢母丹陽葛公女也家故素封母視素封無如也斥紉綺不御比歸予舅氏舅氏當諸父群從昂貴時以門地高里中母視門地豪華無如也舅氏雅負其才及見諸即君又才往往對客目諸即君曰是且第高第是且都貴官客目笑舅氏有譽兒癖乃母即知即君才弗才也顧趣之學曰無負汝父之才汝也及使君魁禮部第進士高第回視舅氏所許可若持左券取償客方神舅氏之識而母顧曰是亦億中耳且趣仲季學如往日趣使君

學也母之賢淑更僕未易數其大都若是予曰是足以壽母矣昔敬姜不因文伯之貴而廢績貴而能降也德耀不因孟氏之紈綺而薄荆布富而能約也前史稱艷之即千載後其澄瑩餘輝猶英英照人也夫人不濡綺麗不矜豪華母儀闔則始伯仲敬姜德耀而與之掩映矣顧不賢淑哉蓋天地有盛氣人適乘之爲富貴壽考氣即盛顧忌多取養之以節約則愈益繁昌益縣邈譬之千金之家絨其帑庾不糜其盈溢而徐出其羨則可以長守富而永不爲窶人是能養其有也天地以盛氣福澤人而人能函其盛而不

華陽洞藁

卷之四

廿

四

致衰涸者恃能養也故曰能者養之以福今夫人服敬姜德耀之節約以養福福且無疆行且見即君官日崇祿日厚才名日起隆五鼎之養修九命之錫介萬壽之頌不俟祝而可駢集也段生聞予言而頷之持以壽夫人于忘憂堂中

勅封黃太安人七十壽言

余祖母與黃大夫母同出王族大夫與余爲中表兄弟云大夫佩二千石章守瑞飭郡閣奉母氏王太安人就養于瑞越二年年七十月十九日寔誕辰也其侄王生伯相從瑞來携蘭陵爵金壽太安人于瑞

因乞壽言于余余問太安人萬福何似王生曰太安居瑞意甚得大夫晨出而蒞政于堂退而朝太安人于閣太安人必問曰若治郡日行善政凡幾所郡邑人德若何事興利除害何狀屬吏循良幾人直指使者薦書幾上窮山幽谷咸被若惠澤否有遺庇否大夫條對一一當太安人意于是色喜曰若能徼福瑞人是能以祿養又能以善養也太安人既安太夫之養益愉快年益高神益王不衰也余聞王生言知大夫能壽母也太安人顧不千歲哉人情願貴其子者非徒覲封錫之榮侈祿餼之養以自腴也階命吏

華陽洞藁

卷之四

廿五

四

之貴以策勛揚名不負所教也初大夫成進士官司徒即報政考功考功上其績天子下璽書封太安人安人翟冠綺帔輝映北堂崇顯矣太安人不侈其榮大夫拜郡橫金衣錦北面朝太安人太安人翟冠綺帔受大夫之朝若固之也不驕其貴顧獨勤勤于大夫之樹名奏績是太安人素所教子者大也嗣是政成望隆階愈崇福倉生愈遐驩母愈益愉快矣昔人有勤于王事不遑將母以爲遺恨大夫有將母之孝又能因王事驩母以成其孝仕不違親忠以成孝大夫所以壽母者大也遂書之

以貽王生壽太安人于郡閣

壽雙溪呂君八十序

茂城里諸王予祖母家也予歲時謁祖母如茂城里之西水上白屋翛然門徑幽野問之知爲雙溪呂君家君之子某少業儒補博士弟子久之念親老因爲諸生不能代親治家人產業棄之走

京師輸財助邊例補儒官時予官尚書部相會長安官舍又知雙溪君有子云今年冬予表弟王君某過予謁予文壽君曰雙溪君吾外翁也春秋八十高矣少居龍湖洮水之間因自號曰雙溪居士他無可述

華陽洞藁卷之四

共六
三百八十三

者近水田一區率家人力耕足供伏臘有書教子讀補諸生已循例入貲補儒官以耕讀持門戶稱清白家予之先大夫以耆德爲縣官所重賓爲大賓吾外翁與焉蓋長者也今年仲冬下泮爲八十初度辰新秫登場春秫釀酒溪上故饒魚鰕又雞豚初肥市鮮擊肥堂布壽筵召賓客親知稱觴于堂願乞一言爲重予時屏居養病謝絕應酬文字久矣以表弟情不能却又雅知呂君賢不可却也聊書一言致之曰君家尚父起渭水登後車年亦八十矣鷹揚商郊定鼎郊鄩何壯也君豈其苗裔耶即名位勳德不相其

壽而康何相若也嘗聞之天畲其名位者必豐其壽今君之名位勳德雖不敢望尚父庸知壽之遐永不過之耶請俟他日以驗吾言

菊軒居士大耋壽言

居士家吳門吳之俗文居士顧愿慙少文一切纖華輕艷吳人所習者薄不爲也與人交坦無他腸雅好善聞一善嘖嘖稱賞曰佳人佳人聞一不善掩耳欲走曰柰何所爲若是吳人多清臞蕭洒居士獨豐頤厚背舉止端重動循矩矱有齊魯風吳諸豪挾之游少年場中趨鞠蒲博亦嘗一爲之然非其好也尋謝

華陽洞藁卷之四

共七
三百八十八

去杜門却掃開徑種菊食三閭之落英挹柴桑之佳色寒香冷艷芬郁几案間榜其軒曰菊軒人遂稱爲菊軒居士云居士風槩既不類吳人又雅不喜吳中纖華輕艷中歲拂衣辭諸少年所嘗往來者依其如徙居平陵竹屋一區流水繞扉塵境四隔蕭然有世外風韻已而以仲女室予則又樂予里中風土買宅買鄰老馬課僮耕牧含飴弄孫晨起盥洗焚香誦經齋板端虔如對世尊暇則擊節高歌倚筇長嘯時人莫識也舊里三徑即荒蕪不治而寒香冷艷猶依依夢寐中云昔人云菊花之隱逸者也居士好菊而以

菊榜其軒始隱逸者流與予嘗讀古隱逸傳其人往往薄榮利耽閑寂沉冥林壑去人境惟恐不遠逍遙塵外爲山澤之臞惟山澤之臞最壽蓋其外不眩于紛華中不搖于喧濁常靜常玄呼吸烟霞厭飫芝木與列仙拍肩挾袂游無何有之鄉故嵇叔夜謂其導養得理以盡性命上獲千餘歲下可數百年惟山澤之臞能超然獨詣耳居士厭薄吳俗三徙其居漸遠人境殆所謂山澤之臞非耶今登大壑而豐腴厚背不減少日強步善飯晚益神王殆猶菊之寒香冷艷芬茂晏景面視艷陽桃李不足以當一顧居士既似華陽洞壑

卷之四

廿

三

菊之隱逸又似菊之晚芳詩曰惟其有之是以似之始此之謂矣嗣是頤養傲霜之節以繇晚景叔夜所謂千百遐筭可持左券以俟耄耄又奚足云

華陽洞壑卷之五

金壇張祥鸞

序

賀劉太夫人六十壽言

萬曆丙子秋蓉川劉侯奉其太夫人泣吾邑侍養中閤越明年丁丑春爲太夫人六十壽辰邑之士大夫稱觴上壽而中閤深嚴不能一望仙輶登堂北面遙申祝辭曰君侯有大造我邑人非獨君侯之賢乃太夫人者賢也記曰天降時雨山澤出雲蓋言有開必先也霖雨滋漑萬物甘澤津津洽矣而報出雲之功

華陽洞壑卷之五

一

則名山大川封表而俎豆之報其所先也太阿之鋒虹彩翕歛射人上决浮雲下絕地紀古今稱神物焉其所鑄則大冶氏之力也君侯之甘澤足霖雨蒼生則太夫人當居山川出雲之功君侯之才鋒足斷割紛劇則太夫人當擅冶氏鼓鑄之力惟太夫人爲君侯之賢母也故足爲我邑人之慈親惟君侯爲邑人之父母也故足爲太夫人之孝子詩曰豈弟君子民之父母親之也親之也者猶親之愛其子子之恩其親也親之愛子也古人有寧棄千金之璧負赤子而逃者蓋情之所鍾獨至也子之恩其親也一日之養

三公不易蓋恩有獨隆舉天下莫以尚之也故以愛子之心愛其民則其愛篤以祝親之心祝其上則其祝誠君侯以太夫人愛子之心子我邑人邑人以君侯祝親之心祝太夫人君侯夕領慈訓中閤晨布惠政于堂堦視我境內皆赤子待哺于慈惟之側者食之猶恐其饑煥之猶恐其寒教之猶恐其逸佚之猶恐其勞撫摩濡沫之猶恐其有傷藹然太夫人恩育我侯者也感我侯子惠之政父母孔邇之頌萬壽無疆之祝不之君侯而之太夫人邇惠澤之源而上之也太夫人子我侯而及我侯之赤子邑人親我侯而

華陽洞藁

卷之五

二

四百五

及我侯之親幃一豈弟父母之仁交相孚洽間不容偽也嘗考地志青城峨眉抱靈淑秀異之氣扶輿磅礴而蜀重其間往往多神仙人太夫人者得非仙媛化身下游人間生英嗣普度衆生耶然神仙之說多荒唐知道者弗談乃青城峨眉靈異之氣鍾于太夫人以生即作神仙乃人中仙也母儀貞淑清衛如水纖塵不滓即瑶池阿母姑射神人不繫于此矣錦衣映臘梅觴懽舞即茹仙桃飲沆瀣不甘于此矣天和肉頤長庚同求即仙家長生不永于此矣

紫誥覃恩翟冠霞帔翩翩北堂即披雲霞乘烟霧吹

簫馭鶴不榮于此矣太夫人蓋袖蛾眉青城之仙風以披拂人世者也語曰作善者壽昌則父母孔邇之頌得壽之基又曰至人不死則萬壽無疆之祝得壽之理有基無壞理得而數從之因知太夫人之晚福自此遠矣

壽段後南七十序

里有賢者則其里重賢者壽昌則里之人咸勸于善善人多而里益重昔鄭康成以其學倡北海北海榜其里曰鄭公卿年登七十爲書與子謝人間事矣四方學士如王伯興輩雲合影從宗爲麟鳳北海人薰

華陽洞藁

卷之五

三

三百五十九

其德而善良者不知凡幾康成不爲里人重哉後南段次公里之文獻名族也丙子某月日春秋登七十矣予猶記憶少日識次公于弱冠時即已引繩墨端容止高自標持持論一出于正鸞停玉立韻采照人已私心嚮慕之時長公雅負才地豪宕自喜先大夫遺書萬卷貯閣中一旦發篋流覽旬月披獵畧遍已棄去不復顧籤軸零亂几案間次公收父兄遺書珍玩而沉覆之務挹其腴以爲身心實學久之津津有得焉含英茹華世德作求者也以其學授其子若姪亦津津有得焉起家逢掖娟秀沛艾稱其家聲者也

又以其學見諸行事動依名節里族之疑未決者說
未平者逸未絕墨者得公數語規切聳聽之各厭其
意以去標崇鵠正大雅不羣者也堂無雜賓庭草嘗
合門俯稻畦桑竹覆垣清風泠泠洒人商彝周鼎蒼
然古色者也公殆抱元氣而獨完者乎元氣之鍾淳
而不漓其運也徐而不迫其固護充益也循環縣永
而不散不竭公之醞藉冲玄澹無世味所以世其先
德者以詩書禮樂不以富厚紛華學成而授其後之
人挹不暴炫厚積徐發為遠到器元氣完也天地間
惟元氣最壽抱其固護充益循環縣永者以度世
華陽洞藁

卷之五

四 本
三百九十三

其壽也仁者之壽也其壽而昌以食先大夫之報也
賢者之有後也語云天道無親常與善人太史遷常
疑其說以次公觀之天之定久矣是宜表公之間為
文獻里以矜式里人俾知仁者之必壽而賢者之必
有後也砥行立名者且為振袂暴厲恣睢者且為泚
頰庶幾移其楚俗于莊嶽回鄭衛之聲于英韶也既
以壽公因叙公之壽有關於里人者如此

壽潘百愚先生大耄序

萬曆丁丑春吾師百愚先生壽登大耄門生故舊登
堂為先生壽而以壽言屬余惟不佞自束髮從先生

北面受書迄今垂四十年久矣回憶先生少日負茂
異之才標起賢豪中一時名公如文溪鄧諫議介菴
章侍御輩咸以國士器之從游者傾邑里雲合影赴
先生經術淵雅旁獵群籍橫經揮麈坐談胸中所得
以授諸生霏霏纒纒證據今古若執金篦以開蒙翳
諸生虛往實歸持為嚆矢以當有司往往破的及先
生拜博士以師萬載餘姚兩邑兩邑諸生受先生經
術則又持為嚆矢破的以起高第先生學術淵源而
師道立也自先生棄官歸隱餘二十年士習江河莫
復可隄縫掖之士棄實學為紆轡競捷路如奔市無
華陽洞藁

卷之五

五 本
四百八

論漢疏宋箋即叩以經傳正文不能舉其辭盈篋堆
案皆賈肆穢墨號為時義者剝腐綴陳以冀倖萬一
經生若此道術不為天下裂乎曩見先生試有司人
人咸指目之曰是且為諸生冠已而果冠即萬一差
後咸藉藉相顧愕眙傳以為駭異曰有司失人乃今
諸生入試人人不能自必誰甲誰乙人亦莫知所指
目雖晨最而暮殺亦安以為常無駭異者蓋中無實
得而緣飾假借一跌莫能復振耳安所得先生倡實
學以回頽波乎先生之壽而康也典刑猶在大夫有
咨焉士有疑而質焉洪鍾猶足應叩顧憲老乞言之

禮已墜于地士是所習持論卑卑信劍首之一呖足當里耳黃鐘大吕久矣希聲學術之謂何先生睥睨頽俗莫可誰何經術文章置不復談獨以故所獵群籍穠郁作爲聲詩以自怡悅歌詠茂林之下聲出金石時人莫識也間常語門人曰吾聞華陽句曲之間多山澤之臞老踰百歲顏如渥丹孫魯環侍者俱已垂白而老人獨健翩翩若冲舉者因知先生又且蟬蛻於經術聲詩之表啓玄境離塵礙挾山澤之臞仙仙乎作真之遊以頤性養壽是其深衷所寄也今登大塗而神益王眠食如少日蓋本之經術以涵養性

華陽洞藁

卷之五

六

本
三百九十一

真怡之歌詩以瀟洒襟度托之探玄采真以游詠天和嵇叔夜曰導養得理以盡性命上獲千餘歲下可數百年若先生者所謂導養得理非耶千百遐壽持左券取之爾請以是爲先生祝

賀曹太學盤溪夫人六十序

萬曆丁丑之秋七月既望太學盤溪君之夫人壽一甲子矣太學雅所善友人且往觴于堂維時炎暑方熾主人謝客客相顧曰主人謝客甚堅柰何夫人仲弟纓橋生曰吾姊壽宜賀吾姊丈太學君壽尤宜賀客曰太學未耆且壽辰未屆生云宜賀何居曰太學

之生也蓋正德庚辰閏八月皆云自庚辰逮丁丑八月且再閏焉幾歷一甲子而八月僅閏是太學初度幾歷一甲子僅再值也蓋希曠之奇遘也故曰宜賀客曰唯唯姑徐之俟太學初度並賀暨閏月望暑退秋深天高氣澄玉露方溥長庚映彩客且登堂爲壽而以壽言屬華陽生生曰予自束髮偕太學君同舍讀書莫之逆也情好懽洽垂四十年如一日焉論文之暇往往披心腹談家事曰予家大人辛苦起家予小子不足以嗣之家聲之謂何予挾策游四方從先生長者講業無內顧憂而先業不墜惟室人賴也吾

華陽洞藁

卷之五

七

本
四百八

耳孰焉比予時時過太學里中則家僮數百指力農農無惰窳歲登稔倍于隣百廩充羨問之則曰餉餽豐而時則夫人督庖者勤炊而厚給農力而登豐則夫人力也桑陰蔽野蚕婦宵征飼葉竟夜繅績盈杼問之則曰主母督侍人勤蚕織繅帛溢于篋笥卒歲不需于市則夫人力也兒學于傳館玉瑩蘭芬夫人從史于中擊鮮進醴以豐潔師筵則夫人中饋素飭也太學學于外已又學于太學耕桑所入倍饒而先人所貽業倍起委諸郎君于外傳而學倍進則內助賢而太學所以語予者足信也予因而推之太學生

華陽洞藁

卷之五

八

本
三百九十三

賀客客必撫觴笑曰華陽生之言左券哉

壽韓懷竹社丈七十序

丁丑秋七月丁酉懷竹君七十初度時殘暑初退庭
飈薦涼君之社客登堂稱觴觴君且賀君曰君誠足
賀矣春秋七袞何其壯且富也君曰老人衰而貧客
言其無當于予耶客曰君何不自喜予之所云壯者
以齒耶云富者以貲耶君少而喜長者之遊一時賢
豪長者亦喜與君遊每置酒高會無車公不樂當其
放歌浮白宴嬉淋漓孰不岸然自豪願偕君白首百
年耶顧今追昔曾日月之幾何而逝者溘先朝露存

華陽洞藁

卷之五

九

本
四百〇八

者疎若晨星而君獨伉儷善飯挾里中懽友對酒度
曲作少年場中勝事長松勁栢離立于冰崖雪嶠之
間晚益森聳昔之繁葩緝卉欣艷春風者獨安在耶
君挺冰雪之姿以度世即耄耋猶然壯時耳茲不可
以壯賀乎而云衰耶君之負郭舊業分授諸子獨率
一蒼頭耕田一區僅僅足供伏臘君誠貧昔蜀之富
人欲以貲助嚴君平君平曰以君之貧而助予之富
何也富人未解君平曰予每見君殖貨役役惟日不
足予賣卜日得百錢積于無用君非不足而予非有
餘耶今之貧夫貲擁素封日夜持籌披籍責逋負計
三五其橫有力者扼人之吭奪其咽下之食以自厭
敵精役智以求必獲精竭智窮而溪壑未足即寢夢
中猶逐逐不安枕而因以詫于人曰吾富人亦曰某
氏富茲非君平之所謂貧耶君不役智而意常閒不
敵精而神常王視廩有粟可炊視篋有帛可衣則舍
飴弄孫對客彈棋悠然自適遇風日晴美則携友登
眺觴歌盡日凡佳山佳水林花溪月造物無盡藏者
收爲環堵中娛玩之資君大不貧矣君何不自喜而
辭客之賀予自上書解郡歸息交絕游獨愛君韻度
結社茂林之下花晨月夕遣童子棹小舟迎君必

至至則坐茂樹話桑林拭枰對奕烹蔬命酒惟飲信
宿君不能多飲予亦以肺病止飲君每對予飲必奮
氣相持即傾數斗興猶未酣若劉項對壘不樹降旗
亦雄矣哉邇歲偕予登華陽洞天訪葛稚川陶隱居
陳迹仙仙乎有陵風之想已又游秣陵諸名山登兩
花眺牛首望長江西來如練詠謝玄暉詩起千古遐
思棲霞看月尋明徵君樓隱處翩翩然有遺世之意
詩曰七十老而傳君今七十宜傳萬事總可遺蜨業
已約秋風掛帆遊陽羨泛梁溪絕錢塘東以見天台
武夷諸名勝列仙人若穉川隱居者流儻一遇焉當
華陽洞藁卷之五
三百五十五

壽虞夫人六十序

虞夫人者少龍文學之配司徒大夫龍湖公季女太
史公含齋先生之姐予姻友盤溪大學之息之姑也
今年七月某日春秋六十矣太學君謁予文往壽之
予因追憶嘉靖中偕少龍君同日補博士弟子已又
偕君挾二三友人作文章社當君主社則夫人從中
擊鮮治糈宴社容太史先生因語予曰宴實予姐手
也姐蓋有先大人之風云往正德丙子先大夫以諸

生試御史御史高其文置上第曰此場中射鵰者也
即往第矣乃先大夫不遽往蓋太夫人時方姪姐且
就館先大人曰婦人就館危事予忍以一第故忘糟
糠妻置其危不念耶且得第孰與得子樂遂解裝不
往至七月某日太夫人免身即姐也于是太夫人語
先大夫曰日者謂君歲行在子甚吉得兒吉矣得第
且再吉可以已事推也先大夫乃往竟第如太夫人
言今夫一卉一木當其吐華耀采即傍柯餘葉皆含
滋沃若一氣所周流也姐生當先大夫之第蓋家慶
所逮其生而慧且才有先大夫風固當先生所以語

華陽洞藁卷之五

士

四百九

予者如此逮今幾三十年而所語事盈一甲子矣撫
今追昔不禁感慨因憶先生所言足驗云予猶及見
司徒公深中高視遠畧標起當布衣諸生時即起贊
比素封又教其子及第蓋里中典刑也即如太史先
生言夫人之才且慧似司徒公亦奇矣方夫人之適
虞也家稍稍中落夫人纖勤拮据取貲貸子錢餘二
十年舊物頗恢復家益豐饒教子治儒學成而咄咄
過人此其類司徒公足驗矣昔巴清亦一閨媼耳擁
丹穴起高贊致萬乘之主築臺以標其能而史氏亦
列之朱公計然之間以侈其事古語曰健婦持門戶

亦勝一丈夫蓋婦才固有宜用時耳夫人治家未知與清孰多乃其有先大夫家風則太史先生之言信也其宜富壽康寧孰是作左券取償足矣閨閣秘邃即饒他美非外姻所與聞可無談

壽曹竹阿八十序

友人曹子汝信讀書予西庄別業兒輩師事之一日別予歸無他言兒告子曰曹師尊君竹阿翁八袞壽辰有家慶予聞之趣買繡裝軸敬拜一言爲壽予自束髮與汝信伯仲爲文字交迨今垂三十年憶昔初訪汝信里中登堂揖翁翁甫中年而予時方少翁今

華陽洞藁卷之五

三

三

大耋而予亦冉冉老矣翁標格淳質衣冠甚古襟度洒洒無風塵色能談說古今事誦古人詩歌當情境如學士家予游四方閱人頗多顧木強不能諧俗意所不合即終日相對無一語聞世俗語掩耳不願聽拂衣去以是歷數平生深交指不幾屈獨喜翁古澹可交而翁父子暨諸族子亦謂予坦率無他腸喜與予交歲相過不知凡幾每過從則推去城府披豁談笑語雜雅譴信宿不能別別去猶依依戀慕也自是兩家更相開館邀致讀書無數歲間一日予自讀書處早有所適行里許漏未盡四鼓殘月隱約馬頭見

叢薄間一丈人曳杖行就視之則翁也急下馬相揖問何之曰往田間治農吾驚焉而翁之從子則謂予曰吾季父治家人產業甚勤苦方田事急夜分即攬衣起及收穫時夜漏下數十刻未寢即寢猶起持挺數數巡場間行不休用是起家漸饒厚廩有餘粟筐有餘帛井稅早輸吏不呼門經年不見縣官足未嘗及城市暇則覓棋客與棋盡日未酣比曉又過門相呼矣當其對枰時家人有以事白者里有持金錢償者呼翁翁不顧曰吾方有公事爾姑去是以知翁四體雖勤而游神塵外善自怡逸也戶樞不蛀車軸不

華陽洞藁卷之五

三

三

朽勤也縈公帶索行歌耄耋無恙尚父垂綸渭水比登後車時春秋八十高矣與熊羆之士鷹揚商郊其神素逸也頃予過翁兩新霽道渾即壯夫猶凌競行翁乘輕履行泥中步不欹怯心竊壯之從容語予曰比年家事分授兒曹不關白予三商而睡高春而起了無一事曩雅好棋一時棋友凋謝殆盡諸少年奕見予至稍稍引去無可與奕者即如翁言則翁之強健猶昔而昔時所勤苦所寄興者亦一切屏絕棲神澹寂以完其元精元氣壽考不更遐遠哉古者山林膏德邦大夫就而乞言過其廬則式翁今參黃茂林

之下清風獨行闔不顯聞予謂天之畀福不能兩盈榮名壽考一盈一虛翁今厚積薄顯而移其福以永年則壽而康移其餘以庇後之人則子若孫積學而文富而好禮天之福翁果豈耶抑嗇耶翁聞予言當為解頤一笑

舅母高夫人壽六十序

世稱貞婦者謂不重其有完節哉乃其持完節老也蓋亦有難易焉兒媳門祚蕃盛可憑即早失所天而以禮義素閑者咸能自持無難惟夫遭家多故宗枋不斷如帶卒能植孤定傾濟險以登于安而完節不

華陽洞藁

卷之五

十四

言十三

瑕者人情所難也予舅母高夫人持完節以歷今茲壽蓋六十歲母之壽而康也宜賀不倍于恒人哉昔舅氏見背時母年未三十外大母金夫人春秋高矣遺孤伶仃俚俚甫三數歲耳顧視中外訖無憑藉太夫人痛舅氏日夜泣母欲寬太夫人忍淚不敢泣日鍵其中閤抱兒太夫人前導太夫人弄孫以嬉其故業去而藉存者什二三遺稅濫役日謹其門昔時諸童能給事縣官者業已散去稍餘一二蒼頭僅堪耕牧催科者至不能案籍以稽徃徃倍償以去後復鍵門舖兒以惟太夫人艱難脩嘗者餘三十年左枝

右梧手扶宗枋保持遺孤迄于成立今外弟才慧軒舉有先大夫遺風外持門戶而內以驩母于堂優游榆景頤養天年如狂飈驚雷之已止而天宇澄霽耳目閑爽襟懷和適也如松栢之經隆冬蒼翠傲然不改柯易葉當層冰積雪之既融而千歲奇姿愈益森竦而堅永也詩曰惟其有之是以似之母素秉松栢之奇節今履閑爽和適之境顧不能千歲哉予憶先宜人稱說舅翁泣官清節嶽嶽表表夫臣節婦貞殊事同道母之雅持全節雖由天植得非先大夫清白之風有所倡耶先大夫壽最高享年八十有二母之

華陽洞藁

卷之五

十五

言十五

永年得無似先大夫而過之耶予幼依舅家最親長而宦學四方起居久曠茲因上書乞歸適逢母六十壽辰竊自幸獲偕諸弟敬持一觴百拜而上之壽筵踞陳千斯年萬斯年之祝

壽薛母六十序

薛仲子當偕計吏舉進士禮部有司款門勸駕趣之行仲子未即行也曰姑徐之予方有家慶予母甲子六十矣徐行未晚也既緩有司之趣入而踞請于母母頷之乃召賓客徵文辭置酒高會觴母于堂客謂予與仲子游屬壽言于予予曰予未拜仲子母不識

華陽洞藁

卷之五

十六

四百九

母何似然與仲子雅相善性偕仲子北游絕江沂淮
浮汶泗涉澤沱必連檣行舍長安客舍則又與仲子
同舍也從容論文每質一經義仲子即能誦今時名
家文了其義試禮闈夜漏未下即授卷有司就舍矣
予是以知仲子之才而文也予倦游歸過訪仲子則
屏居負郭深巷構書屋數椽聚弟子講誦其中謂予
曰家近市不能却掃謝客客過予者屢滿戶外懼舊
學之荒也擇負郭無人處斬之蓬蒿而圃于其上庶
幾可以避囂而保舊學不墮手予又以是知仲子之
力學而其學宜振也飲醍醐者知酒人之善釀齋禁
華陽洞藁

壽王巽谷六十序

興陟屺之悲者即升華陟要不以彼易此矣仲子既
學成而第以慰嗣又不急于第且仕以悅母人所不
能兼者仲子兩得之也嘗觀天地之氣和則生保其
和不散則久故自其變者觀之雖能觀桑田滄海之
屢更而點籌于其傍者亦終歸于盡自其不變者觀
之一念之和保而不散則天地訢合之氣常在可與
同久也蓋悅則和和則久而壽此理之常予固知仲
子之能壽母也客曰何居曰仲子能驩母

華陽洞藁

卷之五

十七

三百九

往壬申歲巽谷君春秋六十里中諸長老輩持壽觴
往觴君子以赴尚書期急不及往觴惘然若有負焉
今年春上計天官訖歸里中而君之春秋則六十有
三矣乃君之貌視昔愈渥丹堂構愈完美堂之前水
木愈益清華乃獲從長老觴君為高會因自念少與
君同遊時少年場中君方魁岸自豪蓋翩翩佳公子
也歲月幾何君忽踰耆而予亦冉冉老矣君之先大
夫觀察雅負識量少即才君君負其才地傲世自可
視逢掖試有司文可無學而能乃旁獵百氏之穠郁
沉浸之作為古文辭標拂流輩客有謂文于觀察公
者公屬君代君代文即如觀察公文觀察公益才君

君既讀古文有得益高自標持視博士家文如已嘽
禁嚙而欲復啖水酪索然味盡矣乃厭薄不屑爲
而有司持博士家言試士如持累黍之度以待合一
不合即才且文亦遭按劍是以君負高才卒不能以
才一當有司之累黍而得以所得于百氏者益沉浸而
大畜之世之榮途利津一切抹鍛鑿池種樹構精舍
其上儵然嘯咏客至呼酒豪飲淋漓宴嬉托以自逃
時人莫識也君之所宜壽乃其自爲耳君之先大
夫厚施薄享而畜其餘以遺君故君才君之才不試
而歛其餘以葆先大夫之遺故君之所畜益腴而不

華陽洞藁

卷之五

六

四百九

竭其所宜壽一矣世之才士競榮途如奔市一不獲
所競輒消沮抑鬱若不可生即獲而散精于角逐殫
力于媒謁膏爍而薰爐矣君獨勇謝紛競玄覽超忽
因境自適視世之齷齪爲風塵役者如坐佛筵而下
視苦海也宜壽二矣昔嵇中散學老莊保惜性命其
自許曰采藥山阿散髮岩岫永嘯長吟順性養壽其
志非不皜然瑩潔也乃卒不能挾綱避繳以完其天
年今君高翔寥廓遠絕樊籠弋人釣徒仰首冥冥不
復睥睨其通脫足自完宜壽三矣君負三宜壽則今
日偕里中長老高會酣適吟嘯庸知所挾挾拍肩非

洪崖浮丘倫耶其鑿池種樹築精舍讀書其中庸知
非宴西池崑閬儵然往來采瑤華飲沆瀣入長生之
門耶俟君登大耋歷期頤上壽以徵予言

壽吳芟湖六十序

予自上書解郡歸浮湛閭里偕里中耆舊結社湖山
間暇相過節相召壽相賀也今年七月丁酉壽懷竹
韓次公七十已又以閏八月庚子壽太學曹君茲嘉
平月戊申則芟湖君六十壽辰也蓋一年三醉壽筵
矣芟湖少負不羈豪宕結客時時游平康里中不問
家人產業業稍落已而大悔悟謝絕故所游諸少年

華陽洞藁

卷之五

九

三百五

歸率家僅力耕于芟湖之上早作夜息戴星出入纖
勤自持回視少日事若兩人然舊業稍稍起君故重
然諾里中有爭者質成于君君居間爭者兩息人有
以急抵君君必紓其急以故人人德君思報君而君
竟無德色人以君之無德色也愈益德君思報君以
故雄長里中得行其意而業以大起沃壤連亘歲入
豈饒堂構新麗几榻鮮潔堤湖曲爲池養魚種樹客
到呼酒徵歌放舟澄湖葭菼蒼翠落壺觴間水禽沙
鳥容與傍人回望屋角參差樹杪蓋亦一佳境也然
君雖對客飛觴放歌浮白而勤生競時之色隱隱見

眉宇間湖光映坐賓客喧笑顧君之意常在持籌按籍耕雲牧雨間也觀其襟度直欲狂奔盡氣追朱公計然之絕塵而與之肩隨始愉快耳蓋人之恒情勤之獲故味之愈甘味之甘故勤之愈力君既以纖勤獲豐饒即年近晚暮而勤生競時之心愈益矜奮對客談耕作籌三五話州邑中事口津津不倦故知君以勤有獲味之甘而勤之益力也嘗聞烏獲舉千鈞若引芥及其老也杖而後行強有力者不能遠時也騏驥之壯滅沒追風老而伏櫪志在千里壯心未耗也故勤生不若養生養生者長生之術也競時不若

華陽洞藁卷之五

二十

四十九

順時順時者達時之智也四時密移成功者退功成而退挹所以順時知進而不知退是亢龍也大塊假我以形勞我以生佚我以老老不知佚是鍾鳴而夜行也昔衛之端木叔家累萬金行年六十棄其家事散其珍寶車服蓋古之達生者君今與端木叔年相若矣即不能如叔捐家事散所積然稍稍歛挹其狂奔之氣以佚老養生亦達時之智也仙凡境界相去何止萬里然出此入彼間不容髮脫凡境可望仙界獲仙界即登壽域矣然凡境未易脫也習氣所錮也君嘗能脫豪宕之習以入纖勤顧不能脫纖勤之習

以就退挹耶狂奔恬愉仙凡境界在焉君能辨此壽域舉足登矣君雅能入予言者故予之壽君也不以祝而以規

譚母荆安人八十壽言

予從子超室譚仲子之息既月將款門申子壻之禮會仲子母荆安人介八十壽辰超請壽言于予登堂為壽予聞安人乃別駕心齋君之配也予猶及見嘉靖初士習崇實學別駕君故恂恂篤行君子也其學術猶務實得御史試諸生奇別駕文取冠諸生尋以選貢貢入太學為太學生別駕即為太學生而崇實

華陽洞藁卷之五

廿一

三百八十二

學務實得愈益奮勵不怠久之授官宰縣佐郡所至著循良聲則以平生實學有力焉方別駕下帷時不問家人產業藉安人拮据于內助薪水費以故別駕無內顧憂得專意事業則安人之賢也別駕遊宦四方與安人偕宦成名立瑩無瑕翳安人之助也既而別駕倦遊歸有丈夫子三人各能樹立以持門戶家聲益起不墜安人之教也安人相夫子業儒而儒成遊宦而宦成教子而子成安人顧不賢哉今登上壽子若孫賢而文家益起經誦聲洋洋里塾間中閤開靜含飴弄孫以娛晏樂暇日接隣媼里嫗談里中事

目所及見者某氏始而盛終而衰某氏子賢某氏子不肖某氏老而健某氏未艾而衰謝自顧舊業恒盛子若孫恒賢年及而恒健不衰謝若南山之鞏固峯巒森聳與天壤齊下視浮雲之卷舒倏聚倏散也若蒼松翠栢貫四時不改柯易葉而笑穠桃繁李競媚春風榮不踰時也顧不愉快哉安人當晏景而所直愉快則意適而壽益無疆此恒理也行且見堅松栢之資享南山之壽以徵予言

華陽洞藁卷之五

廿一

三百八十八

華陽洞藁卷之六

記碑

金壇張祥鸞著

止足齋記

明陽談子官鴻臚若干年一旦上疏

闕下曰臣涕南中布衣躡蹻擔簦謁選部部授臣鴻臚負獲從羣臣瞻日月末光

聖天子恩天造地負隆矣顧臣邇嬰衰疾羸不勝官伏願

陛下哀憐之放歸田里俾采芝木石穴中攝胚潤稿

華陽洞藁卷之六

一

以扶餘齡臣聞雨露能滋病葉君恩能生羸臣臣不勝惓惓昧死以聞疏入

天子可其奏詔之歸秣馬膏車歸矣徧謁其里人之宦燕者且曰往吾嘗買山構雲五湖間置齋焉榜其上曰止足以見志自繫官于朝蠅蛸滿戶矣且懼林壑之聳謂也行若遺居若繫舡焉若有負今幸

詔許歸攝吾且脫駕吾齋止矣齋屋數椽應門無人道書盈几彼連雲甲第朝歌鍾而暮狐兔者孰與吾齋之幽齋前無媒迳開青苔日厚終南之遙信捷孰與吾齋之夷齋居休沐鵬冠不彈彼珥貂影纓不三

機不止者孰與吾冠之適賦遂初說息機融融洩洩樂也不知俯仰之間復有何物可以易吾齋是歸也庶幾不媿吾齋矣然吾名齋之意蓋有味于老氏之言云老氏曰知足不辱知止不殆乃孔子顧稱之曰老子其猶龍耶夫龍神物也巨濤激之雲氣扶翼之迅雷飛雷搏擊輝耀之薄層漢水九土迨夫雲霧電止天宇澄朗龍且斂甲戢鱗壑壑而淵潛矣龍不蟄且潛日擾擾塵壤間褻其威龍可狎而騎也龍其不神矣哉老氏之授書閔尹而西也老氏之所為龍也吾慕焉澹焉齋居如蟄如潛吾且為龍斯吾所為止

華陽洞藁

卷之六

二

本四百三

足也世固有宦成乞身歸者良田大屋里稱素封盛賓客麗歌舞飾裘馬豪其間井以斯為足吾非不能致此也顧吾之所足在彼而不在此耳孔北海白司馬世所謂名人雋士非耶坐客常滿樽中不空足矣卒寒裳以就曹氏之波府有餘帛廩有餘粟家有聲伎之樂足矣卒不能止江州之行有待于外而後足者適媒辱而招始斯人也幸無辱吾齋客聞其言而隳之為之賦式微明陽子曰愛我哉規我以止道也為之賦衡門曰知我哉謂我止而能樂也揖張子曰曷為我記之吾且持之歸置之齋中

丹陽縣公田記

侍御文峯陳君按江南也紀綱諸郡邑興利祛奸維時諸郡邑大夫賢咸能舉行如侍御君意丹陽君所部邑邑故有公田蓋前守吳峰林君括湖之淤為沃壤者寺廢而寺之田莫適為主者隸之公命民田之歲籍其入以待賓旅委積行且二十年而侍御君按其地君慮其久而寢弛且淆也檄邑大夫覆其事其畧曰維爾邑有公田以待公需蓋良法也法即良不覈將焚利即公不禁將漏維爾邑其按田之頃若畝凡幾民之受田而輸者幾氏歲輸幾何因歲輸出之

華陽洞藁

卷之六

三

塔三百五

以供賓旅委積者幾歲輸一入公積禁無旁落有犯者坐之爾邑能事事維爾邑才維時邑侯李君最才履其實如檄上之侍御君復命列其田之在公者民之田于公者碑之衢以垂示永久而徵記于予予惟公田者因田之在公以公其利于人也惟其利公于人也人視其田若脫兔之在壻可競馳而並攫者于是始有移甲為乙而腴者瘠盈者縮矣始有侵攘官租擁而私之歲所登不輸者什九矣公田名存而實亡而利之公于人者微矣彼一夫之家受田一廛私田也世守之以為仰事俯育之需即里之橫者莫敢

侵其耕貪者莫敢睨其積在公之田公田也人願得
以焚其疆盜其入是私者人反不敢干以私而公者
反足以媒私何也起于公道之不行而人各私其身
也一廛之田身所庇也公田所以庇人也不能以愛
身之心愛人于是不能以治私之心治公公田之足
以媒私者非公之不足恃而奉公者非也有司不能
奉公于是視公田若秦人爲越人守土即有侵越不
問田所入爲奸胥所擁不治監司下其事于邑按之
苟具文書相應不覈柰之何公田不胥而爲私也李
侯蓋奉公者也視公田之可以紓民艱也若家有負

華陽洞藁

卷之六

四

四百八

郭胥以卒歲蕪而不治足以重饑寒之累也所以守
其疆畔以隄侵越者顧有禁而不理者乎視公田之
入也若農之有秋即遺秉滯穗可充廩積而不忍棄
之塗也所以防漏卮者有遺孔乎視公田之可著爲
令也若起家之人創爲世業欲千載不圯也所以思
終畝耒者有不堅如金石乎斯則侯之奉公以稱上
意宣下澤也乃知侯與林君後先濟美而奉侍御君
之德意行之邑也能上下相與以有成也數君者皆
能以天地萬物爲一體以扶植公道不墜也蓋于公
田一端有徵云侍御君名某林侯名某俱閩人李侯

名某越人

臨清司空行署重刻題名碑記

國家營建工恒需于陶陶恒于要會地臨清故要會
吞汶濟漳衛諸水建瓴滄渤檣艦蔽流而南北者蓋
蛸毛集也因北艦之集而以所陶附之北輪於輸便
臨清建甌厥陶焉便輸也視其事而督之輸者司空
大夫也大夫坐行署視事而署故有題名石題諸大
夫氏名若里第也邇徐大夫以上十有六人咸書于
石石久而剝剝又左方盈也無以待嗣至者大夫泰
谷君曰是且暗前大夫名又右多贅書宜刊刊其贅

華陽洞藁

卷之六

五

三百五

則左方虛而嗣至者不俟更名咸得書焉於是醵其
剝蝕者刪其贅者復刻故所書氏名繼以泰谷君名
而虛其左以俟嗣至者書焉如蝕而復光如隘而復
拓斯大夫所樹石也而大夫之樹名于齊甚似其所
樹石焉初大夫拜

命如齊蓋在嘉靖己未歲云歲己未

三毀肇工已又有城都工工之需于陶什伍陶之倍
恒什九司空部謂陶事急宜選才大夫往而部大夫
泰谷君最才于是以君應

詔而君如齊則興幸有裁程 皇有紀 疾徐有節 杜漏

費有防却倖獨有閑陶者良輸者赴需以營構者拓
大夫之功樹矣功樹而名以蔚起而前大夫之名籍
以大光于是新其石書焉表名以永其光也是功之
彰也夫功之有名也猶榦之有標膏之有醖也鄧林
之榦其標信崇然並植者復翁鬱焉崇益蕃矣白鳳
之膏其醖信遠繼熾者復從而沃之醖愈遠弗熅也
大夫培榦以崇標沃膏以騰醖而前大夫之名賴以
益光名賴大夫以益光而名之書諸石者俟大夫以
復新是大夫之所樹蓋耀往俟來而標醖之所揚遠
也謂大夫樹名似其所樹石豈非然哉故曰惟其有

華陽洞藁

卷之六

六

三百八十九

之是以似之若謂樹石祇以志宦履耳標與醖奚賴
是以遠是未覩夫詩書所稱夫子來之役開岐豐之
基播和之工扶郊鄩之鼎乃自古記之矣諸大夫誠
厚自培沃以大其名即岐豐郊鄩之功可與度長絜
大雖詩書所稱又何以加焉他日且有視石間之名
若鼎彝所勒者顧不偉與石初樹于嘉靖甲午歲樹
二十餘歲而剝蝕剝蝕且數歲而大夫新其舊重樹
焉樹之時嘉靖辛酉某月某日也

重表漫塘先生墓記

先生受朱子之學于黃勉齋而以其學羽翼吾道于

紹熙端平間高風卓行邑里尤深親炙邑至今北面
俎豆之至崇重矣顧其墓歲遠而圯樵兒牧豎躑躅
其上不禁士大夫過之不式蓋蕭然廢墟也先是邑
大夫松石少保詢故老披荆棘訪焉未獲也暨鶴溪
任侯而始獲其地于沙墅之陽斷碣殘志僅可辨識
即其地封樹之已又給墓田于其裔孫而復其賦若
役俾世守焉侯之意斯已勤矣餘三十年梅墩林侯
至振文崇獻式敦化本表先生之墓而樹之石而後
先生之咳貌若可彷彿若九原之復作可爲依歸古
之哲人爲邦表賢者之宅里以樹風聲朱子守南康

華陽洞藁

卷之六

七

四百八

軍封劉凝之之墓而史冊以爲美談侯之所脩舉實
似之蓋吾道在宇宙間流傳迴薄而恒寄其脉于賢
者賢者道合即千載而臭味不殊所崇尚同也道在
先生故能致其邦之大夫曠數百年而封其既墟之
墓道在邦大夫故于先生之墓更相封表永以不墟
不然桓山之柳銅雀之陵非不崇且侈也賢者過之
視之若讐人之壘爲之回車况復其墓于既墟之後
哉林侯又將伐石爲墓之門垣扃護之而廩其守墓
之裔孫繼先繼先辭廩而以門垣請侯欣然義其所
請領之未幾召入青瑣行矣夫表以表之門垣以扃

護之而守其表志門垣永俾勿壞在人顧先生之後
人不大蕃今特僅僅如綫耳起子文之後而俾先生
之墓永有所託者在邦大夫至于先自樹立以稱諸
大夫封植之意則在後之人奮其無忝之志以慰先
生于九原耳墓封于正德庚辰逮嘉靖庚申而林侯
樹之表表四載爲嘉靖癸亥而邑後學張祥鸞記其
事

保定府脩學記

吾郡郡學之建所從來遠矣建而圯而復脩且增
葺者不知凡幾記之石而樹之學庭者或存或毀不
華陽洞藁卷之六

八

三百五十五

可殫考記所存與故老所傳者則能称董大夫云董
大夫脩于弘治癸亥而學始增脩嘉靖中東洲屠君
青峰汪君先後來刺吾郡增脩潤色咸與有勞而學
益脩且華焉迄嘉靖癸亥而廟學故所葺者稍稍圯
矣郡大夫嚴君鳩工飭材支傾易朽文以丹雘廟學
諸楹咸仍前大夫之舊其建聚奎樓于廟之東偏移
名宦鄉賢祠于戟門之東西偏則大夫之更始也工
始于癸亥三月落成于歲之七月越四月而告成事
記尚缺而未樹至乙丑歲晴湖張大夫至始命郡博
某庠生某乞言于予曰願賜之記且垂之教予聞之

國以學造士士以學華國交相賴者也先王之政本
也學圯而不飭俾士之遊于其中者如入窶人之室
神阻意索而氣以弗振無具甚矣茲非有司之缺政
且不華國乎譬之養騏驥者居之新開沐之清泉餽
之錦韜不必鞭箠使之而神駿之氣完則過都迅于
歷塊三軍之士怵幕府之森肅聞征鼓之嚴明則神
悚志歛而勇且超乘是惟作氣之術先而其具飭也
士之華國以才而用才以氣成天下之務者氣也大
夫之脩學振士氣于精神之間以鼓其聲譽也不言
之教也多士將有興乎觀廟貌之崇嚴也則宗廟百

華陽洞藁卷之六

九

四百〇八

官之富若著若存神游于千古之上矣觀庶配之森
列也則曰美哉昔賢之升堂入室者其在斯乎步趨
若可躡馬瞻敬一亭而恭誦宸翰之昭揚也則曰大
哉洋洋乎聖謨也哉日月宇宙萬世其炳煥已望啓
聖之祠則曰美哉是其先三命益共而起循牆之敬
者乎又爽然自失矣仰堂序之臨也則曰盛矣哉廣
居正位大夫所以與民由之者若是是弗可曠也登
尊經閣而見畱書之府也曰美哉其觀我以東壁文
昌之麗乎聖學盡在是矣見名宦鄉賢之俎豆于祠
也則曰九原可作吾其有景行矣乎禮門義路向之

以出入也曰美哉吾聞君子之所履在是采齊肄夏
鏗然有遺音焉挹泮水而歌魯頌之章入射圃而動
矍相之思此皆士之游于學有所得焉而興起者也
皆實學也上之脩學以教也不言而可述下之以學
自脩也弗語而時觀是皆動之精神之間而作其氣
者也教之善物也昔周之東郊爲王畿重輔懼民之
無學也簡命元臣往師保之以示之訓曰簡厥脩亦
簡其或不脩學之貴脩尚矣保定

皇畿西輔爲

天子股肱郡即周之東郊也上之所脩仰法乎三后

華陽洞壘

卷之六

十

本
三百八十

下之所脩庶幾乎多遜則畿輔增重

國家增華功宜倍于他郡矣不然徒炫宮牆之崇麗
而中無所得即使日誦習于其間固已曠安宅舍正
路而入于幽谷矣非夫也古司徒氏典邦教而以鄉
三物教萬民今予獲典斯職尤願教行于吾鄉而異
多士之學脩也多士知大夫之脩學不在于飾堂構
侈藻繪知予之記學不在于誌歲月籍名氏則大夫
之功庶乎藉之以不朽而予之願望抑亦不託諸空
言矣嚴大夫諱某滇人繼嚴大夫而落成者沈君諱
法淮南人今茲徵記而樹之石者張君諱某亦滇人

橫山水洞記

去昆明池而西幾三十里爲龍院諸村村凡八村之
田凡若干頃田稅歲輸縣官凡若干石村故枕山而
襟水水即昆明池池抵村地勢隱起差其頃倚狀可
立上游走凡以故池水不可逆引而仰漑村之負山
而田者無論愆陽即旬日不雨土脉輒龜裂歲輒不
登中歲他境稔而茲境不厭半菽民苦之村迤西三
十五里爲白石崖崖故有泉其山形隱起則又高龍
院諸村什九度崖泉可引而東以灌然橫山墻立于
前岸然峭阻先是議鑿山之凹爲渠引泉踰山而東

華陽洞壘

卷之六

土

本
三百九十四

乃其山石脊而土麓石堅不可鑿議鑿其麓麓自西
以跨千東五十有八丈村農裹糧荷鋤戴星而作且
息者紛若蟻之營堙踰歲訖無成績方伯敬亭陳公
以省耕至問焉衆告之故公曰茲吾事而以疲若等
吾爲若成之乃謀諸右轄獅江陳公計其費可三十
金移議御史臺報可二公乃檄掾董茲役曰德先汝
往視疏鑿相度規畫以樹爾功洞可高五尺廣二尺
斷木如高廣之數以支傾圯俟功成徐易以石發帑
儲三十金授之上下其工之直以廩焉曰獻榮汝往
率德先功曰俾汝其嗣德先獻榮以督諸役之力者

不力者前後掾悉矜奮如檄已又檄舍人袁應登佐掾以轄群工應登簡工之不習者請以礦夫代公可其請召朱禎輩二十人以屬應登分東西鑿鑿幾半而道不值公齋宿以禱于神乃值始于隆慶庚午迄于壬申春易掾者三掾以直盡告者五告即議發先後五發帑發百有十金訖功會公以乞休去獅岡陳公繼公愈益振策諸掾尋以成工報靈竅朗闢洞中可偃蹇行公又趣掾引白石崖泉東達橫山連山奄亘溝山腰以引泉蜿蜒紫紆四千一百三十八丈廣盈尺深踰咫尺泉抱山而東赴若帶西綰若白龍挾兩

華陽洞藁

卷之六

十一

四百九

偕山勢俱來若王虹下飲潛入洞口由洞而東出噴薄淪連堰潞而渠分村之耕者需濡稼者需漑植者需滋畦者圃者需潤不雨而澤不禱而免于旱稿民甚便之而德公之功乃歌曰橫山之麓可屋可田白崖之泉可引可沿山麓可鑿伏流潺湲茲麓既闢不淤不顛漑我稼穡充廩盈厘我公之績億萬斯年曷俎豆之以輸我虔予聞民之頌公益偉公公官滇滇故金方境饒金銀氣鑿山求金者所在霧集山崩乃壓焉徼外蠻夷中產珍石采色晶瑩石故產于井入井以求者繩繫以入往往墜井中不起亦大艱危矣

二物者寒不可裘饑不可炊俗多冒險浚求而五穀者一日不得則饑寒至利澤當前藐不起事惟上所率之耳語曰明君貴五穀而賤金玉乃自古記之矣二公治滇聞以礦告輒報罷而實貢又奉

詔停寢至稼穡所需即穴重山匪斷流發帑鳩工不靳焦勞不辭蓋視民所天不寶玉而珍不兼金而貴其急政遠畧在此而不在彼也真知輕重大丈夫哉昔周以農開國周召守家法以綿遐曆賦幽風以諷王而却越裳氏之貢芟棠以勤農而告王則曰不貴異物賤用物二公之遐識周召之遺矩存焉是宜記

華陽洞藁

卷之六

三百八十二

十三

其事以詔吏茲土者

曹氏祠堂記

曹文學伯仲氏倡宗人建祠祠其先自顯考遡而上之以逮十世祖某咸秩而祠焉有祔而無祧有宗而無別祠五楹楹設巨龕奉所祠主祠之前甃石爲臺廣容百人奉祠者列以稱事軒其臺之前軒如祠之數以燕群昭群穆之與祭者歲時伏臘宗子率十世之子若孫遠及魯玄踈踰袒免者咸儼然造祠下北面虔舉祀事俯仰有儀裸獻有節祖考之靈若著若存若洋洋乎其享之也祀畢而燕群昭群穆獻酬交

錯情好歡洽環視曾玄之遠袒免之疎其始爲一人之身孝友睦嫺之情油然而興藹然其親且昵也祠之徽福于先人也文學間以語予而屬予記其事予曰合祀非古也禮祀四世有祔斯有祔有宗斯有別禮之裁也紫陽文莊之所裁不有可稽乎而合祀也文學曰禮緣人情者也人情所安則禮雖先王未之有可以義起也今夫人有一廬之業貽其後之人必籍田宅帑庾分授之甲此乙彼無相淆焉世之恒俗也乃其獨行君子則有同居累世而不分財者有共被而寢老不異室者此何以稱焉莊生曰室無空虛

華陽洞藁

卷之六

十四

本四百九

婦姑勃谿情安于異不強其同甲此乙彼固善陸生曰荆懽同株鳥悲異林情安于同不強其異世不分財亦善事死養生悉情也有祔有祔有宗有別猶之甲此乙彼以異業者也于祔于祔于宗于別合祀焉猶之世不分財而同居者也悉情也情悉禮也吾非不知袒德逮下之久遠也又非不知精神上交之有限也顧世不分財者自所生之親遠而及于袒免之疎又逮而及于袒免之外邈不相屬者咸聚爲一室共炊而食同績而衣即非恒情不猶愈于持曠林之戈爭尋常以相吳越者耶故吾考吾祖同堂以懷神

同豆以薦享聲容笑貌聚爲一室共炊而食同績而衣追古之獨行君子也不死吾親之心也故曰與其過而廢之也寧過而立之予聞而領之若文學者殆事死如事生者也禮以義起也曹氏爲吾邑善俗家有長者之風人有惇睦之義勤生而力本崇儉而黜靡入其里如入畏壘之境平居無故一錙之費靳不妄捐至鳩材建祠即傾貲不靳祠之宏敞靚麗什倍居室其篤于孝友知所輕重哉文學諱某太學諱某能以大雅之風世其家

余氏尚義堂記

華陽洞藁

卷之六

十五

本四百八十四

歛人余生賈予邑與予仲氏善仲氏語予曰余生家歛之半沙里族蕃而族之人不能無豐約其先大人某懼有因約而廢禮者捐若干金構堂三楹容麗輪奐聯其大宗以下逮逮袒免之外冠于斯婚于斯喪祭于斯俾世守無斁因榜其堂曰尚義云余生介予謂伯氏文記之予曰古禮尚矣紫陽瓊山之所考定世服行之吾聞有宜于廟者有宜于寢者今不于廟于寢而一切于堂何居仲氏曰吾聞禮後宜禮有宜于土俗者則雖先王未之有可以義起也今舉族之人豈約不齊若十指然有寢中環堵不蔽風日者必

待其立廟立寢而後舉禮不幾于廢禮乎今堂立而族之富者寢者咸登而舉禮視堂若廟視堂若寢是族之人無廟而有廟無寢而有寢也是堂之助也記曰與其過而廢之也寧過而立之殆斯之記與且歛俗喜賈賈于外者什九方其逐三五之業客遊江湖同室千里即脩而萍聚尋復雨散今歸而拜家慶于斯堂接席燕集見長者起敬焉見親者起愛焉惓然思洽若一人之身陸士衡云荆惟同株鳥悲異林喜合惡離物情大抵然也今聯九族之踈千里之遠爲一人一家則堂之助也自俗薄風漓人私其家固有

華陽洞藁

卷之六

十六

音作

擁良田大屋以自豐而視其族之人無一瓦之覆一椽之庇者若秦人視越人之瘠甚則操實沉臺駘之戈相閱于曠林者今不費族人一銖而堂構崇麗俾人咸有寢家咸有廟而世世咸有秉禮之風是又足以儆漓風而振薄俗者予聞仲氏之言而知斯堂之建見崇禮之義焉見敦倫之義焉見激漓振薄之義焉是足爲尚義也已予不識余生未之面也因仲氏所以語予者書以遺之因以置之于壁

重脩三賢祠記

三賢祠祠邑之先正張文簡公王正肅公劉文清公

而俎豆之以矜式後學者也所謂鄉先生沒而祭于其社也三先生生于宋季宗孔門之學以標拂流輩樹爲勲名持爲風節蔚爲文采宋史列傳傳之矣邑之鄉賢祠祠之矣嘉靖丙戌鄉大夫憲副王公臬疏請建正學書院尸祝三先生崇特祠焉久之書院改爲御史臺邑大夫顏嘉會建祠學宮之左奉先生祀榜曰三賢祠祠久稍圯邑侯許公謁祠見祠之不飾非所以妥靈虔祀即聚材鳩工構堂三楹門垣整葺塗壁藻繪傾圯者森敞剝蝕者色澤而功告成則萬曆癸未年季秋望日也夫道猶標也標必特起斯足

華陽洞藁

卷之六

十七

四音九

鋒瞻導趨標起于百人以上百人望而趨之矣起于千人以上千人望而趨之矣特起滋崇景行滋廣崇特祠于書院所以示標也道統猶宗法也宗法有宗子有別子即有別子例無別籍先生視從祀諸賢猶別子之于宗子也附祠于學宮猶別子不別籍也所以明宗也附祠學宮而復特祠者既以明宗又以示標也標崇則學者爭趨宗正則學者之趨咸歸于一祠之所以矜式後學也標即崇久且待植宗即正久且待振後學即矜式久且寢弛待提撕侯之脩祠所以植標振宗提撕後學也祠脩而宮牆若增而廣階

序若增而高先生之學若增而輝奕後學之矜式若增而淬礪望標以趨繼宗而起者幸生先生之里過先生之故墟舊墅其遺芳積馥猶然氤氲襲人九京可作願為依歸焉入先生之祠瞻宮牆階序之森繁大雅典型若著若存若臨之在上高風灑然廉頑立懦曠世之下覽德輝而興起者若親炙于當時也此侯之脩祠以崇道脩道以立教也侯以通才邃學宰吾邑神明德政更僕未易數重道崇儒造士振文以敦化本脩祀蓋其一端云侯名弘綱浙之東陽人第萬曆庚辰進士

華陽洞藁卷之六

六

丹徒邑侯徐賓梧去思碑

賓梧徐侯起家第進士宰寧國有聲主爵者知侯負治劇才而丹徒故江介劇邑乃移侯丹徒丹徒人北面神明之已歌舞之已又喁喁私相語曰侯甚宜吾邑邑人德侯之施思久厭其膏潤為數世利侯之徼福邑人蒸蒸厚矣顧英聲茂譽翔洽遠邇觀風使者薦書交于

闕下行且入秉鈞軸肯為吾邑留耶會有天幸

天子入廷臣議詔郡邑大夫久任即有茂異得增秩毋數數弁髦之邑人聞

詔則又躍躍以喜曰

聖天子乃肯念蒼生以我侯乞我永綏我邑人

思至渥也久之竟以使者薦書列治行高第入為司勳即濱去邑農輟耕賈罷市闐衢隘陌擁侯之車不得行既知不可留乃相與乞侯之履舄以存遺愛且祠而俎豆之而樹碑于祠以識去思因謁文于予予賢之曰父老思侯侯誠賢然史稱何武所居無赫赫名常以去後見思若侯之異政標起湛恩四洽邑人德侯者神明之且歌舞之矣奚侯去而後思江上丈人曰凡人情有所需而未遂則思有所係而不忘則

華陽洞藁卷之六

六

思方侯之未至也寒者思衣饑者思哺學者思教寬者思直租庸之未均者思平供億思節勞且疲者思息思潤侯至而整頓盈縮百務絲理深仁淑澤家培而戶溉凡昔之思而未獲者一一咸遂其所需侯在吾何思蓋侯在而思遂故忘侯去而思在故思猶赤子在慈母之懷夫復何思及去親遠而音容隔天末片雲亦結寸心矣自侯之舍我赤子而北也履邑庭瞻堂序則思侯疇昔披牘聽政游及盤錯曾于斯也入膠庠聞弦誦則思侯橫經造士憲古振文曾于斯也桑陰翳野禾黍暎道則思侯疇昔爰棠省耕褰帷

履畝曾于斯也天斬安流百雉安堵則思侯疇昔折衝構俎荏苒屏息曾于斯也江山映帶雲嶼離立則思侯疇昔露冕行春題咏淋漓曾于斯也津亭南北舟車旁午則思侯疇昔揚舲而來乘傳而去曾于斯也侯之遺澤存也邑人之思也曰老氏有言太上不知有之其次親之譽之侯以太上之治治爾邑爾邑人親之譽之且碑之非庚桑楚之所避耶曰侯誠以太上之治治吾邑吾儕小人何能游太上之天古史氏傳循吏者即一政一令一謠一頌亦侈其事而書之千載之下照人耳目如昨日事夫獨非因民之親

華陽洞藁

卷之六

二十

三百八十三

且譽者垂示不朽耶祭酒第書之遂述所聞于丈人者書之繫性之石

肖巖劉侯去思碑

正德中劉莊襄公宰吾邑邑人神明之公去而人德公之遺愛不忘歷數十年予猶聞長老輩時時稱說公德政如昨日事遇新令至則私相評語曰令何如昔時劉公賢即平時聞他邑邑令賢又曰某令賢得如我劉侯不予生也晚不及侍公每聞故老稱說公異焉及公樹勲邊陲光薄日月聲施海宇位登三孤爲一代名臣乃曰故老所稱說足信哉公之後餘五

十年而肖巖劉侯來泣茲土政通人和聞遺老相語曰侯之賢莊襄公之後一人耳然則金壇稱賢大夫者蓋有兩劉公云侯宰吾邑三年以治行高第

召入爲侍御史邑人聞之則大喜曰吾固知侯其入也不爲諫議必爲御史今果爾自卿大夫下至市巷阡陌田傭村豎轉相傳語嘖嘖欣賀不置比人從

京師來群聚問侯起居何狀立朝丰采何如治邑時居第何在得佳問則又大喜轉相告語以自慰籍平居里巷相聚談往往指某政某法曰此我侯昔時所張設也某利某害曰此我侯昔時所罷行也交相頌

華陽洞藁

卷之六

廿一

四百六

說刺刺不能罷大要若長老輩頌莊襄公云空同先生曰王之功忘父之思蓋君子出而以天德王道爲治當其時上無苛政下無窮民閭閻老稚終年不識縣官左食右粥嬉戲如小兒狀不知其樂也久而追念疇昔恬熙景象未有不愴然悲悵然思藹然歌且頌者譬之父母之于子其恩罔極方其承顏堂序間交相煦哺不覺爲懽比及去親遠遊羈旅天涯未有不寢悲而夢戚者陟岵則思望雲則思人從故鄉來無暇他問必先問父母衰健何似日飲食多少無恙得如昔日不惟其至恩膠結于心而不可解耳詩云

樂只君子民之父母若劉侯者古所謂民之父母非耶侯以父母之親親民有不以父母之思思侯者乎于是邑之父老以人心思侯不忘請予文碑之衢以垂不朽予謂至不朽者莫堅于人心金石爲下侯之德在爾心何假于碑父老曰昔周公思召公而愛其所爰之棠襄城人思范忠宣公而名其所植之桑爲著作林古者思其人尚寄其思于一木而況于石乎予于邑人中德侯最深者遂因父老之請書人心之繫屬如此尚侯侯之勲位與莊襄公方駕以信吾言

丹徒邑侯楊公去思碑

華陽洞藁

卷之六

三

本

縉紳先生吏茲土有功于民民德之頌之且俎豆之亦由行古之道也自民僞滋而世遂緣僞以議誠頌之在事之時則見以爲援上而干澤頌之顯融之後則見以爲倭貴而獻諛信如所云則畏壘之民悶悶醇醇雅不善諛當庚桑楚之在事爭尸祝之何也召伯入爲三公至尊重矣南國之人思其遺愛而歌其所爰之棠甘棠之什數千載後令人擊節則又何也顧所頌誠當即議誠爲僞而誠益顯如召南如畏壘即箝其口亦不能使其瘖也情之由衷也晉江楊公起家名進士宰丹徒吾如丹徒丹徒人德之頌之時以

公猶然在事即非援上亦親炙其德政故歌舞之耳及公治行列高第直指使者露章以薦凡十數上奉璽書召入而其行也士民攀戀填衢塞途時猶以公初去邑赤子戀慈母宜爾也及公登青瑣爲諫大夫餘三載邑人之德公戀公而頌且思公者益深于去邑時則公之實政湛恩結于人心者深也公之履舄高躡五雲而立朝丰采奕奕江城間譬之威鳳已翔于層霄而九苞之麗采猶拂岐陽之孤桐也是公之遺愛也邑人之思也邑長老輩則曰野人不知威鳳何狀狀公之遺采不知類否所知者公之德政徼福

華陽洞藁

卷之六

三

本

我邑人則饑歲之梁肉初寒之繒纈也厭梁肉者思其腴御繒纈者思其溫此邑人之思也夫邑人知餉其饑燠其寒而求其思抑知爾公且爲說之霖雨俾天下無饑歲且爲衰之冬日俾天下無沍寒不推食而飽梁肉忘腴不解衣而燠繒纈忘溫忘則思之遂也是公雖去邑而公之德政恒在爾邑去邑能繫爾思德政恒在爾邑能遂爾之思

郡大夫北潭馬公去思碑

郡邑大夫職在親民親之也者猶親之于子也親之愛其子也即其人素僞求有愛其子僞者子之德其

親也。即其人素諛，未有以不情諛其親者。故郡邑大夫之愛其民，民之德郡邑大夫也。若父子之間，惻怛至誠，交相洽孚，風之甘棠，雅之父母，千載之下一唱三歎，有遺響焉。古之遺愛也。自民風不古，偽滋諛競，有吏不長者，而部民狀其德，政頌之，監司因以要市于上，而詫于里人曰：「郡邑德我甚，則祠而像之，碑其績，譽之，而上亦借以爲聲名及車轍出境，未幾度勢，力不能相寒燠，過其祠，不睨上兩旁風遺像，剝蝕不葺，碑沒茂草，不省此特効諛以冀煦沫，故利在則頌之，爲父母利去則蔑之。」如胡越非國風小雅之遺響也。

華陽洞藁 卷之六

廿四 本

也。郡大夫北潭馬公佐吾郡若干年，政成擢尚書戶部員外去，尋又擢河南按察司僉事。郡人德大夫而思之不忘，鄉耆歐陽清輩謁予文以志去思。予知大夫以右擢解郡去也，歷今茲若干年矣。郡人思之而圖以碑其遺愛，惟其久而思之也，則其思也誠，惟其解郡久而碑之也，則其碑也非諛。使大夫不以德政而以寒燠之權借助于下，則雖碑于昔日，亦沒于茂草矣。茲寒燠不相及而後思以碑之，大夫何以得此于下哉？使郡人不德其遺愛，而以煦沫之利要市于上，則雖父母于昔亦胡越于今矣。今煦沫之所

而猶碑以頌之，不置也。郡人何爲而効此于上哉？是可以見大夫之有德于郡人也。若親之于子，一出于至情之惻怛，而間不容偽也。郡人之德大夫也，若子之于親，終身慕之，而間不容私也。清輩復述大夫之德政，屬予書之。碑予謂大夫德政可思而不可書，子之于親也，自有生之後，逮于沒齒之時，一髮一膚皆親恩也。故曰：「昊天罔極，而終身慕之，未聞指數枚舉而嘵嘵然頌之。」曰：「某日食我以甘也，某時燠我以衣也，某事貽我以安，而某言訓我以善也，使可以指數枚舉，何以云罔極？」大夫之德政，親恩也，故曰：「可思而不可書。」蓋不可殫書也。東京名人黃叔度最賢，范曄列傳不書行實，而祇書群賢所交譽，叔度之高，照人千古，房杜相業，獨步貞觀，蘓長公曰：「傳無可載之功，詎非以不可殫書哉？」故可思而不可書，正以見大夫之大也。于是郡人樹碑于金山之巔，以臨大江，曰：「俾我後之人興高山仰止之意，江之永矣之思。」

華陽洞藁 卷之六

廿五

華陽洞藁卷之七

行狀

封戶部郎中先大夫方溪張公行狀

金壇張祥為

先君姓張氏諱楫字汝濟別號方溪張氏之先自晉司空華伯子禕以散騎常侍從元帝渡江而南官建業而句容爲建業輔邑張遂家于邑之戴亭里宋末常侍公二十五世孫志雲自戴亭徙居金壇之後陽干傳三世而太十公自後陽徙居方邊太十公子暹官御史孫瑛令於潛而方邊長氏蔚起爲衣冠家於

華陽洞藁卷之七

潛公從兄環爲先君曾大父大父諱昶號松軒處士父諱鵬號溟南公金壇故隩區而其地沃衍可耕又憲朝征徭薄文網疎濶邑人皆安于耕不樂隸學官籍聞長老言成化間御史行縣試諸生縣籍民間子弟待試往往叩頭祈脫得脫即大幸故張氏自於潛公後無以賢科顯者松軒公溟南公雖能讀先世書亦祇以財自娛不願爲諸生乃其鄉行淳至邑里中至今稱長者必曰松軒公溟南公云溟南公一日夢神人抱兒授之曰謹視此兒後且爲官人己而先君生公奇之稍長令受書外傳治舉子業業且垂成而

溟南公老不任治家人產業舉所治業分授先君先

君退而自念曰人不兩能爲書生窓間而父業顧置

不治不治將落乃取故所爲文焚之視家傭耕先宜

人爲前進士萬安令孫公女萬安公一子幼愛先宜

人如子不忍遽令去側又雅知先君才家事可屬乃

贅先君甥館屬以家事先君任兩家事甚辦萬安公

寡言自可對先君言則刺刺不能罷曰張壻甚解事

果才嘉靖壬午偕先宜人辭萬安公而歸歸而視諸

傭耕甚勤苦無間大寒暑夜漏未盡即起不巾履操

篋鑰啓戶外趣諸傭之田乃入洗沐以爲常家僮數

華陽洞藁卷之七

二

四

十指分布耕牧無一游閑者或召賓客則呼耕牧者

暫入給事推駮不能布席曳屣踉蹌行客去復趣

之之田曰一夫不耕或受之饑況中人之家可令一

人游惰耶田事急時即親舊問遺不遺一力萬安公

常戲之曰張壻使僮如使金先君治農雖勤苦然經

畫慨然耻齷齪織畜不爲視他齷齪織畜者所殖顧

反羸一日集族子輩從容語曰先人丘墓賴若等祀

守今者子孫蕃蕃則勞而祀守不能皆虔與若輩約

祭祭必時家有慶視所慶事大小出資有差不如約

則籍其實歲爲一人掌之累資治門垣買祀田而

儲其餘歲脩葺永著為約子姓輩皆曰如約嘗念
溟南公初命之業儒尋以治生故舍儒而農也曰吾
無以卒家大人之志吾以屬之兒輩乃購學士家言
教兒輩讀不令視戶外事不肖孤嘗跪而請曰兒願
携書之四方從明經家受業先君止不遣曰兒在吾
耳目前稍逸可引繩墨約束之去吾遠無論文藝甲
濡乙染稍不自持懼汝壞也竟止不遣迄今以約束
故稍知循繩守墨不大顛躓者先君教也庚子不肖
孤舉于鄉先君戒之曰兒毋以蚤第故視天下事易
也竟以木疆不悟教旨妄意僻遠誦古文辭才卑意
廣訖無成功屢黜于禮部始掉頭却顧而業已遲晚
不率教之罪尚忍言哉由先君少嘗治儒內持鑒裁
雖未嘗自表見而其發為教誡時一見云嘗慕燕趙
間形勝多賢豪欲北遊是年冬携不肖孤計偕歷徐
兗羸博之間坐車中驚沙簌簌撲面曰中原信都會
然風土惡無如南中佳也自是不復有北遊意後不
肖孤官北地迎之北曰是非吾昔遊地乎昔固苦其
風土今吾又衰吾不欲往竟止不往而與里中父老
結真率社月必擊鮮飲醇談說平生相樂也每當春
日入華陽山中隨俗禮茅君茅峰上已乃探古洞天

坐茂樹濯清泉信宿山家常苦山路登陟難捐百金
道士伐石除道十餘里以便山行湖上菡萏開時召
比鄰借童冠乘月操舟直造佳處嘯歌起舞舉大白
浮之酒酣以往奮袂睥睨曰丈夫得時則雲蒸龍變
樹功萬里不則舉時事一擲之訪佳山水宴嬉淋漓
亦足寄傲何能作轅下駒踟躕塵埃中耶人亦因是
窺見先君雅志非浮湛閭里者家居時時遺書都下
曰父居里中甚樂毋以父衰老故亂爾方寸然守官
難好為之無踰忠勤庶謹也不肖孤拜父訓服膺不
敢忘嘉靖乙丑歲不肖孤以戶部員外郎一考吏部
吏部上其事
勅封先君戶部福建司員外時先君鄉居乃冠服拜
命縣庭縣大夫乘以安車函
制書前驅送歸里第尋遇
今上登極覃恩百官
誥封奉政大夫戶部山東司郎中甫再踰年兩拜
封命兩命咸美詞云初先君布衣時以耆德為有司
所推延為鄉飲大賓亦嘗往及從鄉大夫之後蹤蹟
不履公府公府有問遺亦不往謝角巾野服徜徉阡
陌間偕鄰翁里父相歡如平生絕無幾微振矜之色

見于顏面人見先君不振矜也亦樂從之遊不能去
客或有言某事屬某官可關說解者不應第促觴觴
客客亦竟不復言平居築室不崇華侈及架樓恭置
誥勅則雕繪米黼榮

上賜也初先君嘗病痺得仙方何生所服之愈人以
爲爲善所感愈且五年丙寅秋哭兄之喪慟而傷神
痺因增劇家僮來都下閱家書檢無父書大驚問之
則曰痺不能書即草疏乞歸會

先皇帝棄群臣山陵未畢疏具不敢上憂慙三閱月
而病竟以病疏上

華陽洞藁卷之七

五

詔許歸歸而見先君卧榻上不能起悲且泣先君亦
泣自不肖孤乞歸後侍藥踰年痺竟不能愈戊辰歲
四月初七日卒天乎痛哉先君廣額厚背豐頤方口
長不滿七尺而行坐屹屹不傾倚暮年神藏氣完相
者以爲晚福甚遠而竟止于斯斯則不肖孤罪逆上
通于天天故奪吾父以殃禍不孝耳天乎痛哉先君
孝友天植器度深沉事溟南公色養委至終身一日
溟南公長厚謙約無間識不識咸稱公爲善人而因
益稱張氏爲善族先君雅有父風溟南公以爲類已
父之先君八歲母王孺人卒後母朱孺人嚴無能當

其意者顧獨稱先君賢曰是善事我初先君當諸兄
分田宅時方讀書齋中不知分訖徐授之籍先君受
而藏之不問久之人或語之曰汝業孰與汝兄美先
君第領之不言恐傷父意失諸兄懽也每夕從田間
歸必挈壺樽從諸兄飲諸兄亦各治壺樽會飲夜久
乃罷先君襟度坦夷絕無鱗甲人或睚眦之不報曰
閭里中見面不越宿人睚眦我而我亦睚眦報之若
賈豎女子爭言至淺薄矣人益服其雅量對客沉默
若不能言每有所言則平實切事情如一粟一帛皆
可濟實用無浮浪者里有爭者不之公府而之先君

華陽洞藁卷之七

六

先君出數言解立解其爲人所信服如此年二十二
而薨先宜人先宜人婦德夙閑敏慧過人先君雅重
之白首一心扶立門祚先先君六年卒塋家右祖塋

乙丑

勅贈安人丁卯

誥贈宜人生男四人長即不肖孤祥爲娶虞氏累封
宜人次祥輝娶王氏次祥鸞邑庠生娶歐陽氏次祥
庶娶虞氏女一人適舉人于君孔蕙孫男七人聲娶
孫氏教聘馮氏懿聘虞氏起超嘉穀穀俱幼未聘孫
女八人長適隣山徐君子次適庠生育泉曾君子次

許聘按察司僉事方麓王君子次許聘國子生盤溪曹君子次許聘戶部員外澹庵賀君子餘幼側室楊氏無出先君生弘治丁巳歲二月十七日距卒之歲享年七十有二不肖孤等卜以今年八月初八日合塋先冢人之兆痛惟先君潛德隱行比之古人孝弟力田者不知何似顧治經中奪既不能以經顯教子無聞又不能因子顯晚荷

恩命足顯融矣而天奪之遽竟不克大顯緬惟古昔巖穴之士藏馨埋照一經良史作為佳傳則千載誦義信乎人之處世無論顯晦借輝名言咸足表著先

華陽洞藁

卷之七

七

三十七

君不能顯于身猶異顯于後者實賴宗工鉅人之言文足行遠也是以投血忍痛敬述行實上之而五內慘塞記一遺二言無倫次大懼不足以辱采擇儻不卑寒細而賜之銘豈惟先君受賜自受氏以來實咸賴之謹狀

張母孫太安人行狀

先安人姓孫氏祖諱謙封南京戶部主事考諱見成化甲辰進士仕終萬安縣尹妣金氏孺人孫世居邑之丹鳳里逮萬安公偕仲兄第進士起家而伯兄子侍御公已又第進士繼起以世其家伯仲若姪焉立

為簪纓門而孫氏族隆隆大矣萬安公尹萬安當弘治戊午入

觀携家行生母告安舟中先是萬安公二男子俱殤公故詩書家而家所遺書未有所屬顧母性慧甚檢篋中書闢婦德者時女紅之暇授之習母由是雅知書又雅知服行書中義侍萬安公金孺人雖雖祈祈有古賢孝風公撫之曰惜汝不為男即男也當繼汝父第美公性故廉稜負其才地高自標致不輕許可邑豪家始婚數輩皆簡斥不字及予父廼字曰夫非張次公兒乎次公長者也是其後宜大時先大夫溘

華陽洞藁

卷之七

八

三十八

南公雅以長者稱里中故公獨心許云母踰笄萬安公有男矣然伶仃僂僂幼也未解事公獨母素善驪公公不忍令去側乃以正德戊寅贅予父甥館居久之母思舅若姑年垂暮暮懼婦職之缺且家人產業卒難選治請于萬安公歸公義其請釐裝命之歸時嘉靖改元八月也歸而事溟南公暨後姑朱孺人極孝謹朱孺人性嚴難當其意者顧獨屬意母曰是善事我終姑身無一失姑意張故耕桑家而母貴家女或疑其不閑蚕績乃母顧反勤于蚕績出里嬾上廩困門鑰躬操廚饌躬視不假于人未明起率諸婢子

治糈餉耕。不則治麻泉縫剪事。無一咎厥者。性絕警敏。不踰中閤。而外舍遠墅事。一經遙履。即奇中曰。某所耕者。勤視之。果勤。曰。某所耕者。惰。其業宜。蕪視之。蕪矣。事有勞結。父不以他語。而入語。母解矣。父所接賓客。舍人從中。衡度咸識其賢否。家人服母之明。訖無敢起欺負意。雅意儉素。非歲時喜慶。不御統綺。非祭祀賓客。不擊鮮平居。曳絺茹糲。晏如也。溟南公業故腴。父以公少子。舉腴者。歸諸伯兄。而手其敝。且瘠。自安母居之。復安力作。卽費餘十數年。敝者。葺瘠者。饒家稍稍起。初。萬安公釐裝歸母也。曰。汝姊裝富于

華陽洞藁

卷之七

九

四百八

汝什伍。今籍其數。授汝徐當償汝。如汝姊數。母曰。嬾人歸夫家。奈何復仰父家。且忍與姊絮多度寡耶。謝不受。萬安公意卒不釋。父之以別墅田六十畝。授母。業曰。以償汝裝。母重違公意。受之。然卒不以其租入爲簪珥費。市膏。購書。延師。開塾。教諸兒學。兒與隣兒共學。隣父或曰。汝兒才事塾師。儀若饌。宜倍吾兒。母聞之。儀若饌。即倍于隣兒。兒知學。即喜。學過。苦。即從容慰勞之。曰。姑徐徐可矣。兒或嬉。亦不謫過。弟謾爲溫語。提撕之。兒悟。卒不敢捨其學。以嬉。嘉靖庚子。不字焉。第于鄉。母喜且憂。曰。兒甫弱冠。學未老。輟第。吾

懼兒志之盈也。及試春官。不第。每不第。歸也。母未嘗一言及得失。但曰。兒勞苦休矣。歲已未。聞兒第。曰。可矣。兒年強仕。始第也。不孝。授戶部主事。庚申。奉使符視權齊中。迎母如齊中。就養。居旬月。忽忽起。故鄉。兒女之思。趣舟歸。因語兒曰。仕不必顯。要于廉。猶之女不必妍。要于貞。女非貞。即妍。醜益彰耳。仕非廉。即顯。垢彌甚耳。爲蹠而受之。不敢忘。由母習聞。父兄清白聲。且所獵書傳中。見古孝廉人可師。故所云若是。歷歷可訓也。不孝。迎母時。具一幘袍。獻母。母曰。寘之。此非命嬾服乎。今未拜。

華陽洞藁

卷之七

十

四百六

恩命而服命服。非制。聞者知母明于典禮。云母別不孝歸也。不孝。念去母遠。年又高。時時遣僮詣家。問起居。僮自故鄉來。母猶手製諸孫衣鞋。寓京邸中。知母無恙也。一日。忽心動。晨出。遇家僮。持母函。聞至。天乎痛哉。尚忍復言。母性慈。異甚。生兒不忍付乳。保兒疾。問醫。祈神。靡不虔篤。兒或啼。即大寒暑。夜必坐撫。啼止。迺寢。兒遠遊。持其踵泣曰。幼不忍以委乳保。今忍委汝千里外耶。愛兒然。愛諸孫。又無不然。兒反不能少盡。烏私情于膝下。以報罔極。而竊祿于外。病不嘗藥。喪不及含。尚能強息忍痛。以道吾母平生哉。母

生弘治戊午十月初七日卒于嘉靖壬戌四月十一日享年六十有五歲男四長祥為戶部河南司主事娶石湖虞公女次祥輝娶王君女次祥鸞邑庠生娶丹徒東橋歐陽君女次祥應娶嚴州府經歷竹屏虞君女女一適舉人于君景素孫男六長聲聘太學生敬軒孫君女次教聘馮君女次懿聘戶部員外郎江陰劍南沈君女次應陽春陽東陽俱未聘孫女五長許聘徐君子次許聘庠生育泉曹君子次許聘山東按察司僉事方麓王君子不孝祥為謹卜以甲子歲八月十五日奉母柩窆于家右祖塋父命為曰汝母華陽洞藁卷之七

士

前翰林院編脩文林郎含齋曹公行狀

公諱大章字一呈別號含齋曹之先山西解梁人宋初徙居金壇數十傳而為公大父將仕郎廣公父諱邦彥舉正德丙子鄉試嘉靖戊戌除戶部司務以公貴贈翰林院編脩蔡氏贈孺人戶部公有知畧屢舉禮部不第用其才起家素封居官有聲即署間事具養齋尚書志中公生而精敏絕倫幼即能日誦數千

言戶部公試之文援筆立就有驚人語年十五補邑諸生時戶部公奉使還里中將携公之官例補太學卒業太學庚子應順天鄉試文已入彀且第矣以號訛罷辛丑戶部公丁內艱歸公亦歸周生士佐者越之名士也識公長安里中相友善延歸講業樂天精舍公流覽群籍而尤絕喜紫陽全書沉覆淹洽充然有得也周生故習陽明先生之學又旁挹陽明遺書參互之奇正迭用而理學益融丙午卒業南雍祭酒程松溪先生雅有學術談說名理試公君子貞而不諂論公立論大意云君子之道易道也易之乾繫以

華陽洞藁卷之七

士

四

利貞而坤則利牝馬之貞貞一也而隨卦變易斯其為貞而不諂也祭酒欣賞之曰貞諒之義得子高論始明擢第二尋舉應天鄉試初戶部服除而北也且復携公北上卜不吉卜南試吉是年戶部公以八月十三日卒于北公北不竟試矣以試南而第人以為龜有知也公奉戶部公窆于南洲墓而廬于墓側感濕股痛尋愈是時諫議樞庵王先生以疏論分宜免官家居公故先生門人也時時造先生精舍談道論文先生雅器公曰子之才且為江南文苑生色一第易耳自墓廬抵先生所遠且十餘里野服徒步人遇

之不知其爲貴介也。里人有誣公于郡守者。守由諫省補郡。且借一舉子作態。持公稍急。公不爲動。市人之黠者。承守風旨。無故而譁其門。公不較。亦厭其意。以去。癸丑計偕之京。抵京正月晦矣。公自度理學已遂。復得縱橫家言。以資流覽。入市市蘓氏集。坐客舍中。閱僅三日。曰。得之矣。比入試。飛揚沛艾。若起眉山而授之穎也。舉禮部第一。尋對公車。風格神采奕奕。長公制科。賜第一。甲第二。授翰林院編脩。初瞿文懿公以經業擅聲嘉靖中。公心艷之。嘆曰。彼可取而代也。試禮部時。故所善周生業已魁甲辰。即京師矣。見

華陽洞藁

卷之七

三

言父

公文曰。公之科名。當在周郎之右。果會元及第。度周郎而上。埒文懿如所期云。官翰林甫三月。蔡孺人卒于家。奔喪南歸。寔孺人合于戶部公墓。公既起高第。貴重一時。佐郡宰邑。皆同年生。而周公如斗。以御史按江南。二載又公同遊太學。綰帶交也。故守款門。若折謝過。而挾守危公者。人人自危。公悉置之。未嘗借交。備却也。人益多公長者。服除。復除翰林院編脩。典內書堂。授中貴人書。中貴人則人人德公曰。名師名師已未春同考會試。

嗣皇帝季年。四方貢瑞交于

闕下。禁直諸公拜表獻頌。

西齋宮。而表若文。出公手。必佳。分宜語其子世蕃曰。曹翰林今之才子。汝曹物色否。世蕃素貴。倨不下士。大夫獨以父言。陽浮慕公。將引爲重客。公故華亭相。公高第弟子。又負其才地。不屑就世蕃。已目攝之矣。會又爲飛語所刺。疑出於公。嚙之。遂假考功令。坐有疾。致仕。公負高才。起巍科。人皆仰其崇峻。峻樹以佐太平。顧列官開曹典筆札。事試未百一。遽中睚眦。歸人人惜之。公歸意甚得。聞其先大夫樂天園。斥大之。鑿池壘山。架樓構堂。長堤畫橋。映帶齋閣。奇花嘉樹。

華陽洞藁

卷之七

十四

四

覆石照水。紫翠撲几。席間時時挾賓客。坐石臨流。文酒賞會。相樂也。已又塋城南別墅。什于樂天園。廣池澄碧。奇石離立。花柳夾道。亭閣參差。倍益秀野。結廬龍山。全勝勝其廬。曰在田廬。風日晴美。畫舫載酒。隨意登臨。極歡而罷。公雅好客。客常滿座。人人以公爲親。已傾吳楚。燕趙間人。舍外舍如歸。先是盜剽公金去。久之獲。事連楊之富賈。賈寔持千金屬客居間。事聞御史各捕客。客持金亡去。誤意金入公。以曖昧奪官。公一厄于權奸。再厄于賈豎。人人究之。公不爲動。好客不少衰。載酒微探。奇賞勝意。甚得也。第以中

華陽洞藁卷之七

十五

晉元

年喪其二子冉冉暮矣而子未舉不能無怏怏踰年舉一子足自寬矣以故患氣虛餌益氣藥太過藥發痰劇日吐痰盈斗遂卒公生于正德辛巳某月日卒于萬曆乙亥某月日享年五十五歲公性孝思淳至弟于鄉不色喜顧反悒悒人疑公才高不首弟問曰公薄一第乎何悒悒乃爾公不荅不越宿而戶部公凶聞至矣非純孝素篤何能越數千里外神感也官翰林時心動不怡將上書乞歸爲當路所厄再越日而蔡孺人訃至公呼天而慟曰天乎予昔弟于南予父卒于北予茲弟于北予母卒于南一第何物俾予

華陽洞藁卷之七

十六

三百九十三

而沉思靜繹不如也知公神清而濁不能挽及足助瀾也詩學李青蓮文學太史公平生詩文授草書記不復問故多散逸不存存僅十二三耳公之子壻袁校梓行題曰曹太史先生集初戶部公富甲邑里及官京師以千金授舍人質什一之息金垂盡公未嘗按籍問也廩故豐溢歲乙巳米踊貴或語公曰貴出如糞土計然策也公方挾冊不應未幾價大減人有惜其虛棄千金者公不顧以故公之季年雖減父之產乃亦見公胸次矣公配王氏封孺人生二子一女伯子曰祖見縣學生娶溧陽史少卿孫女仲子曰祖聞聘無錫安太學如盤女二子先公卒女適太學生于君斗聯季子祖鶴蔣出聘無錫侍御渚女祖鶴將以某月日奉公窆于南州舊阡乞銘于文章鉅公孺人弟王文學壻于太學謂不佞從公遊最舊習知公授簡不佞狀公敬述行實俟採擇焉謹狀

封戶部主事默齋賀公行狀

萬曆甲戌當大計群吏維時計吏咸上計

京師瓊守賀君邦泰自瓊至予亦自黔中至會逆旅中相勞苦已予問君曰尊公健否曰父幸健予之守南康也雖去父千里猶能時時起居差足自慰暨徙

廉父念其遠也稍稍動色矣自廉徙瓊則嶺海隔絕萬里父入暮年止一子置之海外即父爲好語慰子予獨何心頃以上計之便省父里中既見喜且泣父亦泣已又審知父病新愈則又泣父亦泣不勝烏鳥私情行且表請歸養即蒙

聖天子哀憐許之死不恨是時君方以治行高第且右遷而家人持公凶聞至矣君泣且語予曰子雅知吾父其爲予父狀狀曰公諱錫字汝用別號默齋賀之先爲慶氏商出齊慶父其避清河王諱易慶爲賀自漢侍中慶純始賀之南徙自宋給事中允中始徙

華陽洞藁

卷之七

七

言

丹陽自給事中曾孫善甫始善甫子德高任鎮江路判其季子欽自丹陽徙邑之桂仙鄉蔣墅里自路判公以下避元亂不仕世以文獻高其門故邑稱蔣墅賀爲文獻門云欽生以忠以忠生敦敦生玘即公父也公父有丈夫子七人而仲父璩無子公之仲兄某出後仲父尋卒而公以次當後仲父故公稱仲父而呼父爲伯父云公生而慷慨有才具方介自可不依阿渙忍浮湛閭里少以明經補國子生卒業京師故相費文憲公方開東閣客四方奇士見公奇之將客公而公以父沒里人稍睥睨之歸而力持門戶起資

高埈素封市學士家言授瓊州君讀曰吾以家難不能卒吾志其爾之待嘉靖某年謁選除中城兵馬司副指揮中城

輦轂下地居人半戚里中貴諸勢家燕趙豪竄籍勢家憑城社爲奸利公籍諸豪名上御史法之豪以不橫文書行無梗訟者持牒求直立爲直之人人稱平上官才公即隣境訟牒多屬公庚戌秋虜薄城下

天子震怒大臣斬西市百官皇恐待罪上官檄公治行間諸需公受檄倥偬間經畫整暇立以辦告乃見謂敏于應卒視他即無如也以年勞報績贈所後父

華陽洞藁

卷之七

太

言

如其官歲癸丑資當右陟而公倦遊矣因自念家故素封瓊州君時又有聲諸生間爲荆川先生高第弟子大事可屬乃曰丈夫不能重七尺日磬折官長前錄錄自苦耶上書乞休歸歸五年而瓊州君第進士又若干年瓊州君官戶部封公戶部陝西司主事初瓊州君之弟也公寓書京師曰吾幸及見汝第尚期及見汝策勲清時不負所學耳君授莆田令莆故嚴邑時又海夷薦食境上勢張甚人多爲君危之公獨毅然縱吏君曰丈夫勤慎持官即劇且險恢恢游及矣汝趣行母爲人言所動君奉公之教治莆海夷日

夜窺莆。君居危城中三年卒能以勝算完莆。君去
半道而莆陷矣。先是有妄傳莆破者。公獨曰。吾先能
使莆完。此傳者妄也。已而莆果完。瓊州君爲郎兩都
出守三郡。公之教誡一如所以教治莆者。故君更歷
中外夷險一節。竟以治行高第受上賞。聞者多公之
教。因知公之畜積者素。而其具未試也。公孝友淳至。
達識雅量。徃徃度越尋常。禮爲人後者。降其所生服。
公喪所生母鄧孺人持服三年。待次吏部。當謁選。以
服未三年。不徃。初公父伯仲同居。不分財。而仲卒。公
後仲父當受故業什五。僅受七之一。而推其六。讓諸

華陽洞藁

卷之七

九

伯仲及所後母宦孺人卒。篋中遺資公當獨受。而亦
以讓諸伯仲。鄧孺人卒。資倍于宦公。一無所受。又以
讓諸伯仲。即讓故業不受。而露其才鋒。稍稍管殖。久
之所殖日羨。歲盈。竟起高資。雄峙諸伯仲間。視故業
倍饒矣。一日廩燬于火。公不爲動。從容祝曰。是以不
我積乎。安受其燼。即義也。幸無燼。火滅竟無燼。公亦
無喜色。劇盜白晝斬關。剽其千金去。隣邑獲盜。詰盜
金盜承以爲公家金。邑歸公亡金。公不受。曰。業已亡
之矣。盜詞連里人。云是嘗爲向導者。里人窘其婦子。
抵公叩頭請死。公竟脫之。初中丞海公巡撫江南。持

一切之法。以裁強家。因濫及富。而賢者公亦被誣于
中丞。下其事司諫。召公簿對。司諫大不直。訟者將坐
之。公爲請得無坐。中丞瓊人也。瓊州君守瓊。公恐君
銜之。遺書曰。海中丞古之遺直。其崇儉禁靡。江南人
便之。禮者舊以風境內。太守職也。故君每過中丞之
里。必式時節。必問遺聞者。嘖嘖誦義曰。公于是乎長
者。公性儉素。服御飲食。斥去豐華。非召客不擊鮮。及
禮賢。好士。急人之困。則慨無所惜。捐金買田。備蒸嘗。
聯族姓。動合古道。云今年某月日。冒曉寒出吊姻家。
且爲題其神主禮度。詳雅坐客。共賞其健。坐中痰病

華陽洞藁

卷之七

二十

三百七十八

驟作竟卒。公生某年月日。距卒之歲。享年七十有三。
配巢氏孺人。贈安人。先翁十年卒。子男一人。即瓊州
君。

居士雙湖黃君行狀

居士諱棟。字士直。姓黃氏。常之宜興人也。生長洮瀾。
間。因號雙湖。居士云。居士先世福建浦城人。遠祖允
宋紹興間。官金陵。而宜興爲金陵輔邑。樂其風土。遂
負力山襟。洮水家焉。因名其里爲上黃。傳五世而端
友以迪。功卽大其門。迪功生子登。受尚書嘉靖中第。
于鄉。而門族益大。起數傳至居士之曾祖。授祖濟隱。

華陽洞藁

卷之七

廿一

四百九

德不仕而伯祖金仕至南雄府同知有聲濟生簪君父也負奇自喜繼南雄君家學登弘治甲子第文譽標起費文憲公甚器之一時名士從而受業者如雲受室芮氏生二子長即居士也居士生七歲而孤少長穎異咄咄逼人讀父書行且振起家學同里芮少涪先生與居士有世講之雅雅知居士居士從先生業業垂成矣遭中外齟齬力支家難乃棄去舊學持門戶治家人產業年十六而贅邑之尹氏室室母儲夫人少寡無子持孀節甚苦居士偕尹事儲甚謹尹尋卒儲母依女若婿以老女又卒惟子婿焉依居士

華陽洞藁

卷之七

廿二

四百八

湛間里者平生質行淳至力于爲善其夢中語云有好子孫方是福無多田地不爲貧皆爲善佳話因勝于廳事以見深衷云持身介潔人與之金錢不染指面折人過不隨俗俯仰顧坦易無他腸好事者載酒從之飲即懽然就飲時時急人之困人有負不責償終身不識郡邑長吏一丘一壑徜徉其間誦唐人詩以自娛間學晉人法書以寄情賞諸他少年游閒之戲一無所好萬曆甲戌某月日以疾終生于正德己巳五月二十七日距卒之歲享年六十有六初室尹氏一年而卒繼室以王氏金壇茂城舊族子二皆王出長體軋第甲戌進士娶儲君某女次體坤邑庠生娶臧村儲君某女女二一適同里儲君某子先卒一適太學生儲某孫男四長耀袞娶庠生單君某女次耀義聘曹太守某女次耀德聘同邑儲君某女次某未聘孫女一許聘武進章君某子進士君第進士京師將拜官而居士訃聞歸以是年閏十二月十四日奉居士塋于力山祖塋維是墓中之名未銘將乞言于學士宗工而以狀屬不佞不佞大母出茂城王氏與居士配王夫人有姑姪之親不佞與進士爲母族外兄弟不敢不受簡遂次居士行實如右俟采擇

狀謹告

華陽洞藁

卷之七

廿三

七

華陽洞藁卷之八

金壇張祥鸞著

行狀

脩職佐郎國子助教致仕崑麓吳君行狀

萬曆丙子國子先生崑麓君致其仕歸其友人張祥鸞歎君之廬相勞苦已相期作三江五湖之遊是時君神王亡恙也越四載棄賓客逝矣余泣而吊之以文而君之伯子衡州君輩將以正月四日奉君之柩寔于沈庄村之新阡過余泣而以狀屬余謂余之習君也不獲辭則受簡而狀之如左狀曰君諱欽字宗

華陽洞藁

卷之八

一

高姓吳氏崑麓其別號也吳之先為常之無錫人自君之高祖清徙武進之城南家焉而為武進之間右家自君之從兄徽偕君輩兄弟父子第于鄉者六人第進士者三人而為武進之文獻家清生元元生大倫君父也室蔣氏生君君生而魁梧磊落少即豪舉自喜稍長就外傳受毛氏詩能了其義落筆出驚人語大父父奇之曰是兒必且大吾門嘉靖己亥補弟子員丹陽是時荆川唐先生方山薛先生鳳阿姜先生談名理傾海內君皆北面受業挹其腴發為文采遂為三先生高第弟子丙午舉應天鄉試試禮部歸

不就舍。携書入金山僧舍。取六經子史。瀟洛關閩諸書。日夜淹覽。沉覆之而學益深造。壬子丁父憂。服闋授詩平陵學識。愈益昭曠。乃東海內名家時義。手自標評。拂末俗之靡曼。獨存典則。粹然一出於正。題曰正脉。崇正始也。流傳海內。無不人人賞艷。無不人人知。有吳先生者。比入試。則人人引君首屈一指。榜出。無問識與不識。則咸問吳先生第否。知不第。則又咸相顧愕眙曰。失士失士。其試丙辰也。文甚高。翰林澤峰吳公潯陽董公閱其卷。以國士奇之。且置高第矣。君竟以二場入院。時持卷偶墜。稠人中倉皇無從覓。

華陽洞藁

卷之八

二

四百八

不竟試罷。吳董兩公相顧惋惜。比徹棘召君問故。君告之。故則又惋惜者久之。君即不果第。亦知爲文苑家。所器重。益自高。許可曰。視吾腕在扣囊底。所餘猶足游及也。及屢試屢罷。竟不能一當公車。君即困于公車乎。而名日益高。學士先生東西行。有不之公府而之君之廬者。君開襟高論。纒纒傾坐。坐客常滿。榜其軒曰長嘯軒。時時對客嘯咏。以耗壯心。云君既屢遭按劍。而諸郎君文采咄咄逼人。悵然曰。吾茲舉。吾事屬兒輩矣。陰慶辛未。謁選部。部雅知君才。惜君曰。以子之才。盡俟再舉。君已決策。堅不可奪。除長垣縣。

學教諭。一時惠文使者暨郡太守諸公咸才君不欲相吏。聘主元城書院。檄所部諸生受業。門下趙魏間文學挾策響至。君首引繩墨。以束諸生。曰。有忠定公典刑在。已乃舉其平生所得經術文章。示爲指南。一經指受。咸知含箴悔及門晚也。故事舉人署學職。得試春官。君署學職。人猶以樞上之千里期君。君竟以名高爲觀風使者。上最不及資。右陟國子監助教。蓋異數也。君既入爲助教。祭酒委重君。六館諸生人人喜得君。竊自幸曰。是固平生所仰止者。得侍宮牆。幸甚。尚書鑑川王公文選。即劉君大受。兵部郎馮君子。

華陽洞藁

卷之八

三

四百八

履遣子受學。咸物色君。佇君清華會典簿。缺掾有觀署其事者。祭酒知掾墨舉以屬君。而掾已目攝之矣。君又持法以裁胥吏。覈其軋沒。掾見謂以繁形其墨。益銜之。媒孽當路。補君汀州府通判。君得報慨然曰。吾既厄于公車。前途可知。一學職烏足以當廼公。悵文采不少。聚見聊復爾耳。世既棄君。平君不堪棄世。耶。終不能婆娑郡邑間。作簿書吏矣。遂拂衣歸。歸名其庵曰未了庵。客有問君名庵之意者。君笑而不答。曰。君負高才盛氣。發爲文章。足以及第矣。而不第。試爲學職。聲名籍甚。足致清顯矣。而竟不大顯。

得非君之未了事耶。君復笑而不荅。君嘗以才自豪。謂功業可立就。慷慨語予曰。大夫錄于縣官。會當以長纓繫單于塞上。為青史添一佳傳。安能碌碌輒下負七尺耶。君之名庵之意笑而不荅者。蓋在于此。是時伯子之鵬已舉于鄉。丁丑舉進士。拜衡州府推官。已卯仲子之美舉貢士。而季子之龍復舉庚辰進士。天之畀君者。尋以償君。而君名庵之義竟不易也。故知君之所未了者。意蓋有在。君歸杜門。藏名齋閣。瑩潔聚古奇書。名畫焚香。燕坐隨意。展玩客至。則出所畜傳觀。鑒賞風日晴美。挾社友扁舟蕩漾。覽勝探奇。

華陽洞藁

卷之八

四

三百九十九

興到賦詩。淋漓卷帙。而興益豪。乃其怛世之色猶隱隱眉宇間。竟齋未了之志。以歿。惜哉。君生正德丁丑五月初六日。卒于萬曆庚辰十月二十八日。享年六十有四。配蔣氏。郡庠生三山蔣君輦所出。出繼為思夷。蔣君卓女生男五人。長之鵬娶臨武知縣嶼南王君堦女。繼娶同族工部主事雪栢王公子錦衣衛千戶山橋王君珍女。次之美娶丹陽庠生魯庵賀金女。之鵬側出。例授鎮江衛鎮撫。

欽除薊鎮寬甸峪提調。娶邑庠生桂巖馬君長春女。次之珍補郡庠生娶江陰太學生石湖謝君子見滄。

君錫卿女次之龍娶無錫丁未進士陽湖邵君德女。女一適無錫太學生繼山浦君承學子夢陽孫男十四人。世寧世登世貞世良。鵬出世濟世彰世克。美出世晉世豫世益世臨世觀。珍出世翼世翔。龍出長世濟娶文肅公曾孫郡庠生仰思王君承緒女。次世寧娶江陰通政司叅議潢溪夏公範女。次世登娶宜興庠生九臯萬君士宜女。次世彰娶丹陽鴻臚寺序班裕庵賀君淳女。次女貞聘溧陽太學生禹門陳君應雷女。次世晉聘邑庠生橫川陳君子問心君二典女。次世豫聘小村顧君子辨女。次世良聘邑庠生松巖。

華陽洞藁

卷之八

五

四百〇八

董君應朝女副使後峰董公孫次世益聘育吾沈君教女。次世翼聘戶部郎中蔡庵楊君以忠女。次世克未聘。次世臨聘從甥省懷高君大順女。次世翔聘四川按察司副使毅齋蔣君致大子郡庠生際明君良臣女。次世觀未聘。孫女十人。長適邑廩生靜庵劉君應時子廩生純仁。次許字吳江縣南陽府推官杜偉子錫復。許柳塘蔣君信孫璧。次許字太學生崇雅李君可學子錫未字。美出次許字前毅齋蔣君致大子良佐。鵬出次許字丹陽廩生華字荊君郊封子天錫。太學生萬松荊君文煥孫次許字丕承王君子家遇。

華陽洞藁

卷之八

六

四十八

太學生少南王君業孫美出次許字吳縣京衛經歷
玄室金君子吳鶴出次許字刑部郎中施君夢龍子
芳泉次許字宜興故邑庠生楊君孝密子有傳福建
布政司叅政安吾楊公孫龍出曾孫一人未聘世濟
出曾孫女一人未字世寧出君性孝友慈愛備至父
至愚公中年遭家難君直于有司脫父難即脫難而
猶以父難抱恨終身言之淚淫淫下也年十二喪母
將孺人即能斷哀治喪晚喪繼母徐孺人其哀毀一
如喪將孺人者仲弟峯有文君笑曰第五之名何減
驃騎坐無仲不懂對諸郎談經論文每得佳境擊節
欣賞對客舉篇中俊語誇客嘖嘖不已有下第歸者
溫語慰藉之曰顧汝學何若學成一第直需時耳諸
郎君竟以學成聯第如所語也衡州君拜官歸登堂
上壽比之官君屬之曰行矣勉之持三尺法理郡能
令郡人稱平持是壽我甚善居常以舊學課孫刺刺
不休君之急客有古任俠風越舉子鄒生炫客死江
陰君當計偕之京已登舟北矣聞之趣回舟出橐中
裝治棺斂歸其視始北其急人之困類如此聞者莫
不高其義云所著詩若文若干卷藏于家未梓君之
交游半海內而最相友善者吳江杜君偉同邑徐君

華陽洞藁

卷之八

七

常吉暨不佞祥鳶也平生以道義事功交相期待經
術文章互相印可聞一善若驚舉以相示見一賢若
賞介以相友自結髮追茲白首莫之逆也疇昔戊午
之歲君得危疾卧負郭僧房中馳書百里外召余輩
至榻前屬以後事君泣余輩亦泣已察君血脉治也
從容爲好語寬之越旬而病良已君笑曰子能作枚
生七發乎乃能已吾病一笑而別迨今二十五年猶
記君顧託君今病且歿而兩君游宦殊方獨余猶得
哭君几筵然則狀君奚所授簡爰述耳目所覩記叙
之備采擇焉謹狀

贈戶部司務怡齋廬君配利孺人行狀

今天子即位覃恩群臣其即官格于例未能封其先
世者

詔許移封司徒郎玄石廬君

詔贈其父戶部司務乃諸子曰先大人歿若干年矣
墓石未銘非敢後也蓋有待也今獲奉

恩詔贈官幸甚謹持此以報先大人地下子最知我
幸以先大人狀乞我君諱某字怡齋其別號也

居惠之博羅自先世某始曾祖某祖某父某俱隱德
不仕君少習舉子業補府學諸生君爲諸生下帷誦

讀父北崗公耕于別業不能從乃其心感然不忍往從也每半旬輟誦讀一往別業觀省往必持醪擊鮮驢北崗公竟日乃返返復誦讀不輟如是者七年念北崗老不可晨夕間也迎之歸北崗公輟耕歸歸而益持醪擊鮮驢北崗公融融洩洩樂也平居却掃謝客里人鮮識面者即未識面然無不人人高其義里有爭不能直曰何所得盧君乎盧君來直矣乃相率質成于君君出數言折之爭乃直黎村老人服醜死其族子韜寬李通判訟之府府不能直李卒被寬邑令知李通判究然念韜故黠非金錢莫解也即金錢

華陽洞藁

卷之八

八

四百八

解韜非得韜信服者居間不能持韜問曰爾素所服者爲誰韜以君對曰是故稱長者重然諾可信令乃駕往邀君居間持三十金一牛遺君解韜韜業已聽解乃監司持其事不聽解韜以牛若金還君君責以信義韜卒解雅爲里人所推服類若此君雖治儒然家世業耕故知耕見諸內弟捨耕以嬉也趣之耕卒聽君耕而業不大落平生好惡分明不依阿脂膏見一善嘖嘖稱道不置見一不善怒形于色髮指冠起蓋古之遺直云居家務節縮曰儉德之共也客有過君者君必治觴觴客極驩乃罷讀書課耕之暇携童

子灌園時花種藥徜徉唵嘯購書教司徒君學學成登丙午第癸丑舉進士不第歸而君以寢疾語司徒君曰上以賢科舉汝汝以賢應賢如張羅峰尚書吾卿典刑也躡其高步始足稱賢蓋君之治命人亦因識君之平生云配某氏譚塘鄉人父某母某氏年若干歲歸君君故勤儉而孺人力爲勤儉以當君意簡斥紉綺珍玉澹如也顧喜蠶織怡齋君營居室孺人手自治厨饋漿餉諸傭作人司徒君夜讀孺人則夜績趣之讀夜必漏下二鼓乃寢兒女子爲妾媵出者孺人待如已出性寬仁御童婢不妄鞭策雅好施與

華陽洞藁

卷之八

九

四百九

鄰有以囊貸者貸之無吝色此其內行淳至克助怡齋君者君贈司徒郎戶部司務生某年月日卒于某年月日享年若干歲孺人生某年月日卒于某年月日享年若干歲以某年月日合塋某山予與怡齋君生隔嶺海萬里介紹未通也何能狀君然君之伯子玄石司徒與予同爲郎尚書部相善暇則相過從談其先世事甚具吾耳熟焉爰以司徒君所談說狀之如右

勅贈余孺人行狀

孺人姓余氏京衛舍人山之女贈太僕寺主簿默齋

楊君側室浙江布政司理問孟元生母也舍人溧陽人太僕君世爲溧陽名族由諸生補太學生魁岬自豪雅爲州里所重娶倪文清公女久之無子友人李伯常文學與舍人善知舍人女賢可室君即媒李文學往聘之舍人諱君名家子遂納君聘而以孺人歸君孺人歸于楊若干年生理問君理問君生若干年而太僕君卒卒若干年而孺人亦尋卒卒之歲三月初十日合塋太僕君墓孺人卒且塋若干年而理問君主南太僕簿三年考績吏部

華陽洞藁

卷之八

十

靖己亥歲正月二十八日享年四十有一子一即理

問君娶吏部尚書王文肅公僂孫女應天府經歷文炳女也孫男五長振文娶同邑鴻臚彭君若年女次振邦娶浙江都轉運武進謝君教女俱邑庠生次振道聘同邑庠生狄君同然女次振民未聘次振綱娶太僕少卿史王陽孫女錦衣衛指揮食事繼書女也孫女一聘同邑狄同魯先是嘉靖壬戌子爲郎尚書部而理問君由南太僕考滿至他鄉姻舊相見甚驩比舍寓長安里中暇則相過從往往談及先世事頗具君以考稱職

勅贈考默齋君如其官嫡母倪氏
勅封孺人已又上疏

闕下曰臣待罪南寺奉職無狀伏蒙

聖恩天覆地負不罪臣尸曠錄臣年資父贈母封榮矣即捐糜不能仰報竊念臣生母余氏實生臣教臣婦行孀節瑩無瑕缺未沾

一命查得

國家例生母贈封恩數許比嫡母伏望

皇上普溉雨露不遺微芥

聖澤下及九地矣臣不勝烏鳥私情昧死上請疏入

華陽洞藁

卷之八

十一

三十四十三

上可其請贈孺人如例是時予與君比舍君上疏時予與觀疏草君因從容語予曰母實賢母歸先君時年甫及笄即能持婦道當先君意先君賢之曰是善侍我倪孺人見母婉慧能相助理家人事亦賢之曰是善佐我予祖母阮疾母侍藥連旬月不解帶及先君疾則又侍藥日夜不去側比危籲天祈代哀切不欲生及卒持孀節甚苦平生雅喜約素不以家溫贍故服御華綺終身弋綈澹如也刺繡縫紉烹飪蚕績手自執其勞以率先諸婢子或止之曰以媼之家而主猶績如自苦何母不顧先君昔棄時予方若干歲

伶伶俤俤弱也。里人弱予稍睥睨予。孀母孤兒幾不免于媒孽者數矣。母泣且自念曰。楊氏宗不斷如帶者。恃有此孤耳。然立孤難以一未亡人而爲其難懼不免。念外姻獨陳氏姑可藉。乃避予于陳退而捷其中。閤左枝右梧擁孤保業。如防之制水以逮今茲者。母力也。予自襁褓時。即一衣一食一言一動。毋必教以正。如古小學遺訓。予能勉循繩墨不逸者。母教也。積德累善。脩營茶苦。祿不逮養。今幸忝

聖恩。荷茲褒贈。厥亦有天道哉。理問君所以語予者。如此予耳熟焉。及予移疾歸。而君亦以浙江理問丁。華陽洞壘 卷之八 主 三百五十一

倪孺人憂歸。一日過予。請曰。吾母余孺人卒。且塋若干年矣。而墓石未銘。蓋有待耳。今幸荷贈典。恭奉聖恩。慰母于地下。將乞銘于文章鉅工。而子最知我。幸以狀乞我。遂以昔之所聞于君者。狀之如左。脩采擇焉。

虞石湖先生行狀

先生姓虞氏。諱書字天錫。別號石湖居士。虞之先家陳留宋季諱南者。徙金壇若干世。而中丞公謙起家。成祖列位九卿。事具名臣傳中。中丞公生禎。禎生璣。

璣生韶。韶生逋庵公。逋庵公登弘治壬戌進士。令建安守安陸。所至有異政。顧以伉直不諧。時未老拂衣歸。先生爲安陸公伯子生。而穎敏內腴。不喜標炫。人人目爲質行君子。未之奇也。即安陸公亦不大奇之。安陸公宦遊四方。以家事屬先生。先生治家人產業。務當安陸公意。然非其好也。顧雅好讀書。取先世所藏書。日夜讀博綜。今古務。其嚮久之充然。覺有得也。作爲詩歌韻調。鉤然詞致。丰葦方之諸唐。未知堪列誰右。要自吾邑文苑家。儲光羲戴叔倫諸公。以還復得先生。一振遺響。當其對客酣飲。或扣以今古。

華陽洞壘 卷之八 主 四百九

揮塵縱談。上自墳典。下及稗史。近及今代典故。霏霏纚纚。語致踈亮。確有證據。坐客莫不盡傾。人始奇安陸公有子。即安陸公亦奇先生。悔不令治經。取上第。顧陸沉布衣中也。乃先生襟度超忽。恬于榮利。世事一切抹鋟。視貴公子侈紈綺。飾裘馬。炫耀里陌。薄不屑爲。又不喜持籌算。經營什一。爲富家翁。日取古今學士家言。諷誦之。里有雅士。徒步四五里。造其廬。陰滿竟日。風日晴美。行田間。視田傭耕作。怡然有帶月荷鋤風度。即家事豐約不問。催租者。謹其門不顧。有詩云。了得催租人去後。典衣沽酒復高歌。蓋其真錄。

云先生既淘洗塵滓高自標持取其所得于古昔者一一視爲可行先是安陸公以方介棄官歸家徒四壁立先生田曠土千餘畝需其入以佐費安陸公藉以復饒作孝義軒記賢之郡人倪四遺十金于道先生得金立道左移時俟四至還之四叩頭謝曰公子活我人有過其僕僕偶卒過者大窘束身請死先生曰若徒手安能殺予僕僕死命耳若無罪盜有竊其穀者覺盜償穀而持金自贖先生曰盜穀償穀足矣奚金贖爲卒却之里中藉藉誦義曰中丞公雅有陰德諸公子能世其德卒生義人邑大夫不下布衣久

不聞有睚眦之者人以是爭相引慕爲長者先生生弘治戊申歲卒于嘉靖某年月日享年若干歲即安陸公妣芮大宜人室丹陽荆氏繼室宜興張氏生男郊和女適某其季則予室也孫某出郊等以某年月日葬先生某原其墓石未銘將乞言于宗工翰卿以掩諸幽某以子壻知先生甚具敬狀行實俟采擇焉

例援指揮僉事一川于君行狀

友人于次公時時語余曰家有李父實賢王武珩謂濟以上人也大父契玄先生奇之曰是甚類我以家學屬季父云予因次公語習君雅知君君姓于氏諱浚字深中別號一川始祖樂善君自河南涉金壇生洮溪君茂茂生宣教公庸二宣教公生月潭君潤潤生贈右副都御史盛盛生契玄先生君父也先生諱鑑第成化甲午應天鄉試數上公車不第久之宰萬載縣以伯子中丞公貴封右副都御史先生淹邃理學著中說以談名理學者稱爲契玄先生先生有文夫子七人君行第五伯兄位歷中丞仲封侍御季弟倅州丞邑而君中歲棄諸生例授四品階伯仲貴金緋銀艾奕奕照閭里里人艷之君當父兄貴盛時不以貴介自喜務折節學問期不負契玄先生所屬

以明經補邑諸生尋以例補太學生君遊太學時鄒東郭先生蔡白石先生諸名公碩儒倡道學南都下學者霧集而君得北面受業諸先生之門充然若有得也屢試有司不第嘉靖之季江南中倭督府急軍興檄所部入貲授官君奉檄應督府募入粟千石授指揮僉事戎冠錦衣橫金飛蓋乘堅策肥行里中然非其好也是時諫議樗庵王公司業孟河馬公方雅雄爽以道德文采爲里中典刑皆賞君標格樂與友善結白首姻社莫之逆也先是君爲諸生時即治制科業間以計然朱公之策分授諸僮治家人產業久

華陽洞藁

卷之八

十六

四百九

之家埽素封君竟不持籌按籍一問囊中資幾何以故中歲囊中資數匱而竟不持籌按籍問也邑大夫城邑城屬君倡邑人君捐金鳩工所城當邑之什五尋倭起海上聲搖郡邑邑恃城無恐君力也邑大飢君出粟治糜食飢者藥病者棺死者掩不能葬者上其事觀風使者使者義之表其門曰尚義君平生好施與喜賓客嘗焚千金之券以釋貧不能償者人皆德之隣者丁生濟老而貧君極意贍遺數匱數贍即丁亦視所贍若篋中資不數數聽君君亦竟無德色也賓客一傾蓋即坦懷禮遇各厭其意焉延緒銀飛

觴度曲燭跋月斜而興愈酣狎四坐歡呼起舞而君動止端整不亂君傾意食客客亦有背君者君不街之顧反厚海中丞撫江南裁橫族稍稍失平黠者乘上之偏睥睨富人而君亦被搆有司不直搆者當坐法君竟脫之人益知君長者君長身濶膺方頤豐背中年無子時時顧影自寬曰顧有偉如廼公而難子耶則大笑已而果生子且才則又曰顧有才如吾兒而難一第紹家聲耶則又大笑其磊落豪舉如此君生弘治庚申十一月初六日卒于萬曆己卯六月十八日享年八千歲母萬太淑人生母湯孺人室范氏

華陽洞藁

卷之八

十七

三百五

側室蔡氏子一囊太學生蔡出娶武進王郡推納言公女女三長范出適太學生虞君立道二蔡出適諫議樗庵王公子庠生維坦三蔡出適溧陽戶科給事中史君繼辰太學卜以其月日葬君花橋蔣乞銘太史氏以垂不朽而徵狀于予因叙次公所以語予之所以習君者脩采擇焉謹狀

華陽洞墓卷之九

志銘 墓表

十亭季公暨配湯孺人合葬志銘



進士季君膺其父十亭君九年而第進士第進士二年而喪其母湯孺人孺人喪一年而進士君啓十亭君壙改葬五里塘而奉湯孺人柩合葬五里塘新阡持其所爲狀乞銘于予按狀君諱錦字某號十亭松之華亭人也自君五世以上不可譜可譜者曾祖懋德祖丙父浩爲南溪娶張氏生君及君弟銓而卒

華陽洞墓卷之九

一

繼娶周氏生銓世居華亭之仙山里南溪君故治儒聚書滿架病不能卒業願諸兒中惟十亭君露頭角早家之書籍盡以與之曰是兒才是能讀書者君讀父書甚勤苦里之顧白齋先生明朱氏詩君受詩先生爲先生高第弟子嘉靖庚寅以明經爲諸生御史試諸生賞君文高每居諸生前名藉藉起一時受學門下者傾里中霧集里中稱學有淵源者必曰十亭先生云君讀六經百家言每有所得則研硃評點或寫其肯綮語手之讀沉浸穠郁作爲文章爲一時學者師顧七試有司不第暨中年卒不第也乃舉故

華陽洞墓卷之九

二

四百

所業授進士君曰汝好爲之以償汝父未竟之志遂結屋松南而耕先是君七歲失母事後母以孝聞奉南溪公之教力于學而又以其餘力治家人事不以譁南溪公南溪公卒傾橐中金治喪不以語諸弟兄仲弟于厄而厚推與季弟資兩弟德君念及君即泣數行下曰伯氏愛我君之孝友經術標拂流輩少師存翁以其長君太常少卿舅君而覺翁司寇與君同筆硯爲布衣交相善也其爲鉅公顯人所推賢如此君少即秀異同里湯君潤識君于兒時心異之曰吾女不以字凡兒季氏兒賢宜字即以女字君是爲湯孺人孺人年二十二而歸君君方治舉子業而家人產業孺人一從中區畫分任童奴濟虐爲盈不以重十亭君內顧憂得專意于學暨君屢誦于有司則爲好語寬之及十亭君卒泣謂進士曰爾忘爾父之授爾乎吾聞成均多賢良文學汝往從之游學宜成學成宜顯以成爾父未竟之志即爲裝趣之行登乙丑進士進士君既第尋有祖母周孺人喪孺人召進士君歸終喪歸踰年而孺人卒十亭君生某年月日卒于某年月日享年若干歲湯孺人生某年月日卒于某年月日享年若干歲子一人即進士君娶某氏

女二長即太常少卿繼齋徐君配次適庠生某孫男一如山縣庠生娶秦氏孫女一許聘庠生何三畏曾孫女二尚幼以隆慶元年十二月二十一日合塋五里塘之原銘曰

懷瑾握瑜宜大其門胡嗇于躬而于後昆維茲碩人令德作配以夫子隱以嗣子貴有開必先是維天道厚積徐發卒食其報維五里塘雙壁並瘞孰銘茲名爲太史氏

兗州同知松與劉君墓志銘

代作

松與劉君以二守守兗嘉靖甲子十二月十七日卒

華陽洞藁

卷之九

三

三百六十九

于兗州孤某自充扶襯歸卜以某年月日寔于其原乃抱西川侍御狀詣予乞予志其墓而銘之予以姻故雅知君又侍御所爲狀能狀君狀所具即予所睹聞則君之可志可銘非予孰志非予孰銘志曰君諱卓字子振松與君之別號也君先世家興州由興州徙清苑家焉則自君之七世祖清始清生仲敬仲敬生海海生鑑鑑生進進生涑涑生止止歷上海登封學職而劉氏稍稍以官學顯則自登封君始登封君君父也登封君能教而君受登封君教能習君以故少輒有文入爲郡諸生輒以有文著聲嘉靖丁酉第

順天府鄉試試禮部不第退而益肆力于學學益老乃竟齟齬不第歲丙辰拜潞城尹已未由潞城陟知

河州已又自河州陟同知知兗郡漕河事君之歷官積九載三命累今官潞城巖邑難治君治潞顧反易一切屏去苛急長養以膏澤起墜嚙枯興學植才上官更十餘輩咸嘖嘖稱能聲藉藉起矣移治河州視治潞時蓋恢恢游及而能聲益以大起崇學校以敦文籌茶馬以脩武酌興革以便俗懸條約以懷遠所列十事五條咸經畧大方河人德君立生祠俎豆君而碑君之政績于祠志不忘焉君更歷州縣兩著華陽洞藁

卷之九

四

四百八

能聲益振勵自喜將大宛厥施于兗然卒因治充盡瘁以沒嗚呼惜哉以君之學宜芥拾上第乃竟齟齬于禮部不第以君之才宜致位通顯乃竟浮湛州郡間不大顯豈非天哉君性故孝友登封君易簣時君不逮待訣竟抱慟沒齒輯父所著書暨父交游所贈遺詩若文梓之題曰檢齋全錄以寄終身之慕云君母孫氏蚤卒後母蔡氏君事蔡一如事孫祿養若干年益虔不怠季父遺孤章君從弟也君弟章如弟同母弟章竟賴以立豈非孝友矣哉君生正德乙亥距卒之歲享年五十配許氏子四長惟恂園子生娶侍

御君女次惟恪庠生娶殷僑女次惟愷聘賈文卿女
惟情幼未聘女二一適主政某之子公選庠生一許
聘某孫男三長孫保孫喜孫銘曰

學成而仕乃屯于資膏沃而光不屯于施君之不負
所學者不在彼而在茲埋玉樹于九原千斯年于斯
萬斯年于斯

曹春垣墓志銘

曹伯子卒其遺稿零亂篋中父太史公悲不能閱其
舍人檢篋中得詩若文若干首吳江沈子倬序之且
梓予讀之傷焉語曰長筭訕于短日顧不謂伯子哉

華陽洞藁卷之九

五
三百七十一

伯子少即文采天假之年停蓄之挾其盛氣沛艾脩
塗執禦乃竟以短日屈耶予自蚤歲與太史公讀書
白龍別業時曹子甫三數歲家人抱立案側弄紙筆
戲眉眼如畫神采英英照人予舉數字屬之對即應
聲對其後屢然及應他客對則又然是時予已備曹
子而以賀太史公曰即君早慧雖太史公亦自喜曰
兒果慧後曹子從太史公京師時予亦游京師而曹
子從予談舉子業已能獨尋通達掉鞅高馳別數年
再見則更造邃境矣予自見曹子襁褓中以歷今茲
屈指踰二十年每見每覺有進蓋浩乎未見其止也

而竟止于斯以死耶予嘗聞士人治舉子業誠毋作
古歌詩曰懼業之禁也乃曹子治舉子業則能賦古
歌詩又間學蘓黃法書業竟不焚顧反益甲子歲選
隸學官試有司有司奇其文每首第之已而問知爲
曹太史子則又賀太史公有子云丁卯夏御史檄郡
縣試士而曹子病客有止之者曰吾不試吾無以安
家大人兩歷郡縣試即病中猶能作過人語取高列
然其神則已憊矣暨御史試而病益不支乃已猶語
人曰吾無以安家大人人以是知曹子意有所重云
曹子故貴家然雅喜澹寂視貴游子習氣薄不爲也

華陽洞藁卷之九

六
三百七十二

曰何哉彼楚楚者曹書武侯寧靜致遠澹泊明志二
語勝齋中以見志終日危坐一樓披閱群籍
國計時事一一證據今古畜以待問或遇賓客滿坐
抵掌高談一坐盡譁曹子退然若不能言謹定徐出
數語辨答語致清玄經緯分明往往屈其坐客客亦
交口譽之一時賢豪長者願與爲忘年交此其中所
得不有出于言語文字之外者哉高風勁羽足能橫
絕千里恨未表見不可志所可志者僅僅以文字而
又多爲時式所局不大肆以逞雅非其至者然則予
之所以志曹子者則何以哉曹子孝友性植太史公

忤權貴人歸以未報

君相國士之遇稍快快曹子從容跪請曰大人不能事權貴人而歸甚善彼事權貴人實敗名即貴顯孰與大人高太史公往患瘵疾曹子憂甚願身代王夫人賢而慈曹子每事必入請乃行弟祖聞以瘡卒曹子哀慟骨立此其厚于倫理者曹子名祖見初字紹明後更字應變別號春垣祖戶部司務贈編脩邦彥父即太史公母王氏封孺人初戶部公止太史公一子願早見孫孫舉而戶部公官戶部卒竟不及見因命名曰祖見志祖所屬意也曹子生而有夢空中奏華陽洞藁

卷之九

七

異樂送春牛至者因字曰應變號曰春垣志祥也曹子生嘉靖乙巳閏正月二十日卒隆慶元年十月初二日年二十三歲配溧陽史氏女二以今年十二月二十三日塋于城南西庄之原銘曰

天不壽子胡畀以文方張而翕方躍而沉天道無親常與善人子也不弔儻所謂命靡常而天難諶耶

鄉進士勵庵于君墓表

予友勵庵于君卒匍匐往哭之哀比塋送之墓題其主則又哭之哀而表其墓曰鄉進士勵庵于君之墓先是戊辰歲君舉進士不第歸見予問勞畢即慷慨

語予曰丈夫抱策明時當取上第位清華以行所學否則退老一丘已矣即使他日題吾墓曰鄉進士某人之墓甚善予是時謂君氣盛而志決心切壯之已而怪其語不祥詎知斯語竟識耶乃其識則達矣君姓于氏諱未字次公初號少素後程祭酒先生器君曰以子之才厚自勉勵足稱國士遂號曰勵庵志不忘師訓也君丰神秀朗美鬚長髯鵞停王立顧盼燁如望之知其為翩翩佳公子也少負俊才父中丞公奇君才禮四方文苑家最才者與君游君讀書玄解自可作為文章鉤然有聲絕不為塵埃湊泊語君是

華陽洞藁

卷之九

八

時視功名可立取已而屢不利于有司益自矜奮謝其所嘗往來者結桴園池中而舍于其上池水四遶竟謝客而携書籍樓誦其中沉穠浸郁者久之乃伸紙援筆淋漓自喜目無全牛矣一日飲予輩酒半袖出一編掀髯唸誦文既藻潤辭又清越坐客盡傾曰子第矣是年試南雍果首第祭酒程松溪賞君文曰是蘓長公賸馥也乙卯與予讀書別業篝燈論文從容語予曰予與子三折肱矣有司持彙黍之度以繫才才即左馬與度爽其遭按劔固當今務為文從字順一不爽于彙黍之尺寸登壇必矣閱數月視君文

約束逸氣不橫而清越之音卽琅琅中律別予北試予曰子今第矣果第校文則槐野王公元峯袁公也兩公者與程祭酒先生俱以理學文章豪絕一世而君見許可則君之所造謂文章家上乘非耶乃其後四黜于禮部而其氣盛志決之死不少前却如向所語予者故予壯君而冀君之再舉而君竟已矣惜哉君高負識鑒視天下事可恢恢游刃中丞公雅多大畧有疑事必咨君君心計往往出人意表予與同舍時中丞公往往往命與至別業與君語每領之良久乃去問君君告之故予益多君智畧而遲君之未試也

華陽洞壘 卷之九

九

君又時時談古今事逆計成敗得失證據墳史辭鋒輻輳一一破的及當公卿貴人前更相扣質語致愈益踈亮聞者偉君可屬大事云君性孝廉九歲母沈淑人疾君侍疾日夜不去側嘗藥而後進及卒哀毀骨立祖母芮太淑人極愛君飲食卧起必置諸左右君亦時時承顏以懼太淑人事繼母賀淑人脩極孝謹閭中百需咸當其意淑人亦喜曰是善事我諸父昆弟即祖免外咸問其所欲周贍之曰此先世一人之身也舅族有貧者買田宅給之不能守復買給之如初授家學教諸子學先義方而後文藝卒致祭自

樹立咸爲千里才而家學竟傳御家清整僅數千指循循如也無一恃貴家勢睚眦人者卽爲里人所睚眦亦不直僮而爲好語以謝里人里中皆稱歎曰于公子長者君雅好施與貸人千金一旦焚其券不責償舍人有以金錢質什一之息者悉罷之人有鬻田宅者不之他而之君君知其以急抵也昂其直授之必厭其意以去初邑倉居郭外盜起海上兵火壓境邑大夫危之君捐地移倉城中以脩非常已又捐粟三千助浚吳之役御史義之榜其門以旌賢云君之高義邑里所恃爲緩急類如此使其得志而施之其

華陽洞壘 卷之九

十

利賴不益溥哉君生正德丙子十月十四日卒于隆慶庚午二月七日享年五十有五曾祖諱盛贈右副都御史祖諱鑑弟成化甲午尹萬載縣封叅政贈右副都御史學者稱爲契玄先生父湛弟正德辛未進士累官都察院右副都御史贈右都御史母沈氏贈淑人繼母賀氏封淑人配吳碩人宜興宦族先君九年卒子男六長明照國子生室虞氏次光烈縣學生室卞氏繼室徐氏文熙縣學生室史氏孔蕪辛酉舉人室周氏繼室予妹女一適無錫華之亮俱吳出進卽定卽側室出孫男六長王振次王成王立王德餘

未名孫女九君以隆慶辛未十二月二十三日辛亥
歸窆于邑之潘庄原。君才文章爾雅卓自表見矣。又
或弟或不弟。君才鋒穎曩處睥睨世事欲躍欲翔。足
以見君之大矣。又以不弟未盡表見。予故表其槩于
墓石。俾後世有知君者。

華陽洞藁

卷之九

十一

華陽洞藁卷之十

金壇張祥鸞著

祭文

哭母文

維嘉靖四十一年七月晦日。兒祥鸞痛苦餘魄至自
都下。入幃呼母。母不應。哭。母母不聞。立求一死。從母
之視于九天之上。尋母之魄于九地之下。庶幾容聲
可接。以訴心骨之痛。是兒之死。愈于生也。然又恐以
死重母之戚。強息復生。天不能升。地不能入。母之聲
容終不能一彷彿。心骨摧立。終無路自申。越三日。乃

華陽洞藁

卷之十

忍痛飲泣。哭訴于母。聲當徹天。淚當及泉。以庶幾吾
母之或聞也。凡母之愛子。人情之常。吾母之愛兒。則
百于常。兒生不忍付乳。保必自育。餽極辛苦。視兒飲
食之多少。以爲憂喜。兒不多食。則手自持盂。隨之。百
方誘之。食食則喜。否則戚戚。不解頰兒疾。則晝夜不
解帶不寢。食遣人四出問卜。吉則必寬。否則頓足大
號。恨不能身代也。疾已乃止。兒或啼。即大寒暑。夜坐
撫抱。達明。母知書。兒就師。夜歸。母自訓兒。誦書曰。無
懶慢。以致師怒。責也。師或怒。責太苛。母則不樂。曰。何
苦兒至是。兒或不當。母意但咄咄自語曰。辛苦養兒。

乃不能得佳兒耶終不忍加捶撻愛兒然愛諸弟皆然及愛諸孫又皆然昔兒舉于鄉適有弟喪母聞兒舉不喜顧反泣曰恨不使汝弟見也兒七試北關每行輒持兒泣數行下曰昔不忍置汝于乳母之懷今乃忍使汝崎嶇數千里外耶兒不第歸母不愠問途路辛苦則歔歔泣下及兒官于京有孫方幼每食必引之膝間鋪之食孫不在母側亦不食撫摩其寒暑疾痛猶諸兒也及孫從兒于京每僮僕來必惓惓寄聲囑兒愛養寄衣鞋必自縫製孫得母手製亦呱呱感泣恨不能即歸依母也母之賢德兒不必訴母之

華陽洞藁

卷之十

二
四百八

慈愛其大且著同于天地者兒不能訴其纖細周惻天地不能施者兒常倚以爲命貫在五內如咽之欲吐稍欲吐其一二而痛迷哽塞卒不能盡吐也此其恩宜何如報兒負不報之罪擢髮不能盡數姑舉其日夜痛心自罪者陳之兒不肯不能早歲奮身祿養吾母于未暮之年比暮當乞身歸養時始竊祿于外以致不獲一面訣兒罪一也兒昔以使事歸進一袍于母母不服曰俟封後爲汝服之兒之辭母遠游屈指秩滿祈一命以終母志以申兒報秩未滿僅一月耳天即奪吾母去兒之惡逆上通于天致此兒罪二

也往曾迎母于官舍訥舍湫隘不能安母又婚嫁事急未旬月即歸畏途千里風波驚悸往返徒苦母未嘗一日驩也兒罪三也親疾飲藥子嘗母疾踰月痛苦呻吟兒不能以孟藥進兒罪四也聞母疾華時無他語惟問京中人歸否冀得兒一信以瞑兒不能趣童早歸以瞑母目兒罪五也古有母嚙其指而子知者母病且逝兒不知時方有國慶詔群臣衣吉兒當衰麻時尚衣吉不知釋疾痛疴癢不通于親兒罪六也母之恩如彼兒之罪如此使兒之死可以贖母魄且不釋况兒不能即死母不能終贖天不可籲地不

華陽洞藁

卷之十

三
四百八

可控腐心裂肝痛何能已母在兒自外歸必從容慰勞今歸母不知無慰勞者矣昔母行坐有常處至其處必逢母今故處依然在也母不逢矣家事無大小往必問母今事至如將復往問母忽忽行數步空惻惻然母不在問無答者矣昔母或歸寧或以慶吊往妯娌家家輒空然無主家人徬徨無依惟恐母不速返今終無時返矣家人昔總于母家務帖帖今焚且譁矣然又不事事母平生辛苦起家未明即聞母起促諸婢子治厨餉農績者紡者皆不敢怠終身無一時宴安坐也今不聞督促聲諸婢子怠矣即欲以一

日宴安安毋不能也此其痛恨何時能已母或聞兒之訴也兒之痛猶少泄也母或不聞終當從母于九天九地以訴此痛矣母其有聞耶否耶

祭太史曹舍齋

公之捐賓客而逝也文昌墜芒詞林掩綬凡知憐才者孰不酸楚悼惜况予辱公國士深知餘三十年痛悼摧裂能不百倍至慟無文何能陳一辭然公之才名在海內文章在禁苑行藏在氣運去來在仙籍亦無庸讀辭也所恨者平生自許以靡文瑣節其言曲謹非所以事公丈夫相許當以道義規弼共登周華陽洞藁卷之十

四 三百五十一

行詎意遊宦無成羈旅頻年殊方萬里音塵隔絕無犯無隱之義無因一致于左右所恨以負公者一也及公以高才賈忌橫被口語予又賤不及議無能直其事于

朝致公音蒙曖昧抱枉以歿所恨以負公者二也比衰病乞歸方擬病已得侍左右顧因疴羸頽卧杜門田廬削迹城闔公感末疾無能扶掖造問起居所恨以負公者三也負公于往昔者既悔不可追報公于身後者猶自擬可及易簣之言矢天心許偃客之忠吳朔友之存武古人持此以報知已于九原者青史

照人傳曰使死者復生生者不愧其言敢持此以許公公其諒我否乎神明耿耿如臨如在直陳哀衷庶其鑒聞

祭同年丁後溪代作

憶在

先朝君子彙征公起淮海獻書

大廷巍科獨步瀛島先登王堂供奉振藻飛聲承明侍從論道橫經晉陟少宰待次台衡大雅獨持不愧科名歸卧倚廬望繫蒼生共期安石起佐太平天胡不弔棟折榱崩文星霄墜白日晝冥

華陽洞藁卷之十

五

三百五十二

天子曰嗟失我凝丞縉紳曰嗟隕我老成文苑曰嗟喪我典刑黔首曰嗟奪我依憑憶昔偕公並馬飛纓二十年久義敦弟兄聞問哀楚百倍恒情繫官南臺一水盈盈不能奔吊哭公之靈淮南叢桂霧暗雲橫山陽隣笛魂消涕零生芻一束百里薦忱

祭國子先生吳崑麓

自昔別兄逃虛屏跡平生親串竟疎良覲知兄神王晚景康適云胡一旦遽棄賓客音問不聞夢感范武素車奔哭不及易簣兄之才氣豪爽英特睥睨五都含吐七澤文苑高步千人辟易予自傾蓋迨茲垂白

聚則相憶別則相憶垂四十年宛如旦夕論文對床
談玄接席評章今古淋漓翰墨予所欣賞兄必擊節
兄所瑕類予必彈射獨存大雅一洗綠綺持爲嚆矢
足堪破的不謂所操竟同齊瑟甲戌之春兄方通籍
予以計吏晤君直北官舍一尊細話胸臆予尋乞歸
兄補郡職長咲拂衣冥鴻避弋天且未定三槐手植
即君繼起聯翩接翼兄足自寬楚弓楚得歲在龍蛇
賢人竟厄茂陵遺稿山陽隣笛懷舊洒淚寒風悽惻

祭鄉進士于勵庵

君之才華蔚若鸞鸞使其起自白屋蚤能一鳴驚人

華陽洞壘卷之十

六

三百三十七

一飛冲天顧因地高爲時所指目竟遭按劍逸翮久
淹君之風骨翩若神仙使其以之度世固能浮丘挹
袂洪崖拍肩顧因才高爲時所物色竟嬰世網含其
真詮君固因地高以掩其才因才高以畜其年然寧
爲蛾眉以招妬不爲嫫姆以取憐寧爲豫章以遭伐
不爲樗櫟以自全先大夫之家學君傳其盛諸郎君
之文苑君開其先表崇者影遠膏沃者澤延百年之
脩短不足爲君之欣戚一第之利鈍不足爲君之輕
軒焉昔叨同舍曾共青瑣對床論文揮麈談玄久辱
管鮑之雅尋結秦晉之緣予少君之五歲已先君而

華顛君髮添黑飄鬚渥頰昔疑君能度世後每信其
果然孰知大壑歲舟忽負之而宵遯山陽隣笛紛涕
泪之潺湲

祭阮中丞代作

惟公挺生南服麟騷鳳鳴春省登第天曹秉衡清階
華秩茂實英聲脩途萬里沛艾騫騰蒼生卜公之出
處以爲舒慘諸鎮視公之去留以爲重輕左盼沅湘
坐令江流澄晏右撫夜郎立見夷祿廓清四海想公
之丰采九夷識公之姓名某昨經開府停驂識荆揮
塵高談一縱一橫知公氣吞雲夢胸盤甲兵聞移鎮
華陽洞壘

卷之十

七

三百三十七

于三楚屹江漢之長城固將寬
聖主之南顧撫瘡痍以輯寧行且見旂常之書績炳
彛鼎以勒銘胡昊天之不弔奪
邦家之典刑脩明星之宵隕溘晨露之先零郡邑長
號而罷市阡陌野泣而輟耕結愁雲于九嶷慘悲風
于洞庭采白蘋于湘渚厄玄酒以憑誠上以勸老成
之逝下以致景行之情

祭曹伯子春垣

嗚呼春垣爾今曷歸昨予問疾榻前謂爾之血脉治
也而何慮爾爾寬憂平氣進藥而任醫爾曾首肯以

答予曰久爲造化小兒所苦奄日就于摧頽暨予再訪病已愈危然猶意危可使安也詎意一逝而莫追爾今年幾何矣忍于棄高堂捐賓客與世而長辭行脩者天忌才高者數奇子安短折長吉早世乃自古其若茲天之間氣間一發而蔚爲卿雲也不崇朝而掩其輝爾實間氣所鍾條往條來烏能與世之謏謏者競脩途而並馳憶自蚤歲頭角嶄露食牛之氣長與予遊則鵬搏鯢怒行將南徙于天池文章經術家學是師學書得晉人之韻學詩挹唐人之遺高論傾坐磬折有儀予每逢人稱說項斯是宜踵家大人

華陽洞藁

卷之十

八

三

之高步繼登藝苑大昌厥詞詎知未逮子安長吉之年也竟露溘而冰漸猶彼卿雲華不崇朝雖天亦莫之能遠然間氣之迴薄無往不返爾爾乘是氣以流轉也再世以慰故人之思爰賦招魂式效楚此生芻一束玄酒一卮臨風泣奠遙結長悲

祭同年曹見川憲副

疇昔登第同群四人君年最少意氣嶙峋青霄高步誰君絕塵君獨顧予情好倍親觀政同臺僦居比隣勝遊並馬高論開襟首宰巖邑賢聲大振召入青瑣爲

帝近臣侃侃嶽嶽抗疏批鱗直道南遷予吊江濱君過訪予五湖之濱酌醴樊杜情好論文顧予兒息可屬高門遂圖蘭契爰締葭如義同管鮑情結朱陳君方之官予將乞身君謂清時未可隱淪人各有志鍾鼎山林君官太末予竟投簪生平同調吳越參辰尺書曾寄眠食時聞知君無恙王事克勤知君才華今之鳳麟知君宦况如日方晨宜登鉅要康濟經綸人亦有言天地不仁鸞鵠蹶蹶王碎珠沉朝野悲楚痛失名琛凶聞忽來疑夢疑真驚慟投地渡盡南雲江山無色白日晝昏即有巫咸不堪招魂起君九原痛

華陽洞藁

卷之十

九

三

恨無因生死交情束芻致忱

又祭太史曹含齋

乙亥之春公棄賓客歲華流轉條馬七易鳳雛毛羽漸成五色爰奉慈命營公窀穸南洲舊阡先公所卜青山如几平湖如席梓霏瑞靄常護壽域公昔廬居予從講業評章花月沉履典籍萬里層霄從茲奮翼餘三十年恍如旦夕松栢不剪神道猶昔三徑無恙宛見履跡平生徜徉歿且娛適神所憑依在茲玄宅爰卜我龜已報墨食埋玉茲原足安體魄文章黃主光芒東壁北風畫翼涕洟橫臆

祭孫敬軒

嗚呼維靈太樸不雕內行淳至古貌古心古葛天氏
交游賢豪高自標致辟雍翱翔天官待次予之無良
不予退棄舊姬新姻茲焉三世如葭斯倚如魚斯麗
謂可百年永托末契君之助德昔由淑配斬斬壺務
楚楚中饋家人產業安于置器君實賴之訖無廢墜
恬不內顧賓客高會奈何中年淑人見背神傷氣殂
如失指臂予昔歸

朝在丙寅歲與君握別顏色憔悴君雖不言已識君
意浮踪一隔渺焉天際存問起居遠書不繼家童南
望陽洞蒙卷之十

十言集

永報君奄逝驚悸悲楚自投于地故人哀情天涯涕
淚君之食報宜如取寄云胡不祿為造物忌人多尾
全君顧王碑仁壽之理茫無可異匍匐敢遲昧方淹
滯今茲乞歸獲拜神位桑梓依然親知凋瘵總帳寒
颯情慘五內束芻以吊采蘋以祭靈其念舊斯格斯
矣

祭阮中丞代作

嗚呼古之大臣言論丰采關乎治體指顧呼吸關乎
人情國是獨持廟堂重于九鼎精誠孚格膏澤被乎
八埏苟所見之已定秉直道而必行是以詔獄可赴

逆鱗可撓當疾風以挺勁草薄層漢以樹高名於維
清愍山嶽降靈古之遺直今之典刑風裁嶽嶽丹崖
青壁之孤峻意氣稜稜秋霜烈日之嚴凝湛思汪洋
和風甘雨之浥潤文采表表景星慶雲之並明中立
不倚之識建折衝之長策百折不回之勇折城社之
依憑苟有利于

國家固無愛于死生

聖天子拊髀惜頗牧不生于今日邦大夫式閭思文
子復作于九京

覃思封樹

華陽洞蒙卷之十

十言集

天語哀榮俾脂膏哭涕者聞風泚顙砥行立名者仰
德服膺予雖與公不及同
朝綴行上下其議論猶獲近開府仙里延攬其芳馨
門堪羅雀悵賓客之雨散第僅旋馬欽風韻之冰清
絮玄酒以致虔采渚蘋以荐誠于以致曠世神交之
感慨樹廉頑立懦之風聲

祭某封君

於維封君耆舊之良其後宜大為
邦家光惟邦伯之體在詠詒卿大夫之賢者以屏翰
封疆賢如封君過廬當式有喪拜馬束芻是將昔與

即君識面恍若接封君之神采尋見即君事業又若
挹封君之義方茲以官遊之轍獲登君子之堂宿草
盈阡雖不及披杖屨之清風圖書四壁猶得挹手澤
之餘芳聞布衣之時已表表乎不同于俗爲封君之
貴又恂恂乎不易其常宜其食報後人寵膺

封章云胡棄五鼎之榮養挾飛仙以徜徉獨不見卷
阿之巢以育雛鳳鳳翥丹霄巢毀岐陽玄圃之璞以
孕良玉玉登清廟璞碎崑岡是以昭氏之瑟有成必
有虧鳬鶴之脰孰短而孰長所恃以不亡者惟鄉評
之無愧後人之克昌然則如封君者雖九原之不作
華陽洞藁卷之十
三十五

祭許少微夫人

於惟夫人瑤池列仙雲幢芝蓋來自九天爰配君侯
四德夙全侯起巍科鳳翥麟騫神明德政保我黎元
四境如春日麗風恬伊誰相之夫人之賢咸祝我侯
伉儷百年並受帝眷上應台躔恭遇鳳綸頌

恩日邊翟冠我霞帔翩翩閭閻德日茂家慶永延謂
天有知與善福謙詎意仙侶竟鮮塵緣振衣千仞夙
駕雲輶赤子不辰慈母棄捐蘭摧楚曉晷短虞淵更
祈犀誥早慰九泉銜悲陳詞上瀆几筵蘋蘩蘊藻野

人之度。

祭朱太谷母郭太安人

服美錦之麗密者知機窓之女紅觀明珠之晶英者
識重淵之瑞驪驪之抱珠不以自媚而願照乘以耀
其奇女之製錦不以什襲而願補袞以燦其輝若太
恭人之教子也抱珠織錦不積之以自珍而太谷大
夫之遠宦也照乘補袞以養太恭人之志而厚其施
方允熊羆教教大夫學也明珠映掌雲錦盈機已而
起家魏第歷官中外爲賢大夫也四方被女紅之覆
而頌淵驪之遺是太恭人之致望于子者以四方之

華陽洞藁卷之十

三十五

業爲三釜之養大夫之致孝于母也以孤矢之志爲
綵衣之嬉皆甘不躬食有餘滋枕扇不親寢有餘怡
牽裾膝前不必爲合各天萬里不必爲離是大夫雖
宦遊四方也未嘗一日不侍于慈幃予輩行役東土
大夫焉依左規右勸晨追暮隨惟慈氏之教是賴得
以微寵靈于令子而日饜其光儀是予輩雖未拜慈
顏于北堂也亦未嘗一日不面其德音之徽人從蜀
道來報太恭人安也大夫乃安其官以寬其萬里之
思予輩聞太恭人安可以安大夫于官也繪畧陳頌
以祝壽考之維祺乃太恭人顧奄然逝也不少駐其

雲輜大夫聞訃哀毀骨立而予輩亦不能止橫臆之
涕洟然大夫忠于其官以成其孝太恭能教子之忠
以成其慈淵竭驍逝機發人推明珠美錦常爲世之
所珍而不漸是可以瞑九原之目而止風木之悲顧
予輩宦羈天畔既不能卮玄酒傍畫堂以申一芻之
敬又不能留同寮之芳鄰而止素車之西蜀魄夜怨
峽猿霄啼棲雲黠黠鳥道嶮巖悵惻身以西望紛愁
緒之凄其

華陽洞藁卷之十一

書

荅杜靜菴書

弟夏晝南還逢人每問歸旆然未敢謂傳者的也承
惠書始知歸信的矣雖未能瞻對而饑渴之懷頓爲
一解晉陽勝遊所得更多新刻之賜已窺一斑恨不
能即造左右仰扣洪鍾奈懸想何冬日北上幸示消
息使弟得一候仙舟于丹陽津亭素抱少得傾布至
率也對客草狀附復并謝雅情殊不能一一

華陽洞藁卷之十一

荅門人沈函菴書

今秋之事爲執事首屈一指奈何復遭按劍令人不
敢復決天下士矣有養者談笑以需時耳辱書惠遠
及感感但晤對未期奈何吳中勝遊此野性所便病
父在榻日夜侍藥無間能去左右恐負良約耳適有
客在坐使者告歸復急草畧復狀申謝殊不能萬一
也尚容嗣寄惟亮之幸甚

荅張靈壘書

神交大雅已餘十年面領高論未能竟即令人更深
別後之思乙丑春晚入燕擬得良晤天涯去住兩不

相值悵然者久之遠書無便不能一布區區然清輝
嚴潔無時不入夢思也索居孤陋忽辱錦緘可當一
面會驩喜欲舞病不勝官還朝之期姑置之俟稍健
掛帆東泛仰噴應門肯以新得教我是許貧人入寶
山矣大幸大幸朱丈行促短書報謝不能縷縷史漢
選二部侑緘而已不足以辱牙籤也

荅張壺梁書

高論雅欵長記當年解携後竟入風塵如武陵漁者
輕別仙源復還凡界不堪回首矣昨秋長安中逢陸
尚寶先生荷瑤編遠貺如入高齋聽面教也因問及

華陽洞藁卷之十一

二

三百六十八

道優始知有太夫人之變羈旅天涯恨不能一伸匍
匐之誠罪歎深矣今夏謝病歸來僵卧經時尚未躬
致束芻每誦多病故人疎之語不覺三復屏居索寞
忽枉長書高求恍然舊病去體矣百泉先生所評良
是不敢復贅昔人謂文章如良金美玉市有定價非
人所能低昂雅叨忘形之愛何敢獻諛仰負虛懷耶
承示遊焦山之期區區當作地主奈朱丈書到已在
臘後想已無及怏怏新年病身稍健春風小航鳴榔
東泛一傾饑渴之懷并謝踈曠罪過也小詩二律報
謝但信口直言情素耳不足教不足教李北山詩二

冊侑緘

寄方兩江書

俗吏汨汨塵海中况味甚惡所幸客舍近接芳隣每
一披對大雅奉聆高論則塵襟冷然如浣一載間拜
賜不知凡幾所宜深感深謝者又多在于綺筵華貺
之外也西風客路每動并州故鄉之思祇以里有高
賢不能不依依耳燕市早春可作良晤上林花鳥專
待詞人品題陽春高調當洗耳傾聽也家禮序自揣
鄙薄不敢受簡長者之命又不敢固辭入舟謾書成
篇殊是醜甚如衣錦而戴田冠甚為不稱便羽未達
華陽洞藁卷之十一

三
三百四十五

足存也

荅于勵庵書

弟病伏苦廬百事不復經懷即經懷旋復忘之矣塵
榻塊坐如一面壁頭陀閑冷境界衰倦容狀不堪對
親知道也兄丈道履清佳即君競秀家聲蔚起足為
州里標望甚盛甚盛茲審有青蠅之說辟之蟬蛻撼
樹抵足自損素負海度不當以之動心而資之為切
磋砥礪之地則兄之上達駸駸矣素辱忘形之雅故
敢冒進狂言如不以爲迂而納之則兄之愛弟即弟

之所望于兄者也使者行急匆匆覆狀不脩

與杜靜臺書

去年辱臨先母之喪往復千里通家骨肉之愛平生
幾人哀感入骨矣山中清齋不能申難黍之敬雖道
義襟懷不在盤餐俗套間然弟之無以爲情則歉報
之深日夜切切不能少寘也不肖已畢先人之事邇
來無他遠圖惟于林間水上築書屋數椽種樹編籬
日偃仰其間娛以忘貧且以忘老不能對鏡矚白與
少年輩爭驚于名利場中故人知我肯以是許我乎
茲以舍齋久仰大雅欲令其即君受書門下擁篲實
華陽洞藁卷之十一

四
三言六三

與王麟洲儀部書

昔年車騎入燕時傾都士人如覩威鳳謂陸平原兄
弟入洛未如今日也時爲卧病長安里中聞之攬衣
強起顧一瞻大雅以慰久濶因病疏已上不敢出郭
咫尺清光無緣仰覲恨恨何如吾丈茂實英聲豈待
區區推贊平生仰止之懷獨有所宗不惟吾榜得公
而重屈指海內可方駕者有幾李濟南以文章雄伯

中原吾丈伯仲與之鼎立不覺奪妍非敢獻諛昔人

謂文章如良金美玉市有定價非人言所能低昂焉
復云然如譽金贊玉亦大贅矣南省借重毋云散地
李何邊徐不聞長居清要然文采表于後世者果誰
擅之清衙如水畫書滿前賦景則白門花鳥俱爲深
愁吊古則李青蓮劉賓客亦爲却立金陵江山不能
助公反爲公所助益增佳勝也甚盛甚盛先君以山
澤散人揣分何勝垂光但人子爲親之心無所不至
私竊謂材木不問樗梓一經班倖之手則人人珍爲
奇製不論其本來之卑凡矣即使平生無傾蓋之雅
華陽洞藁卷之十一

五
三言六六

猶當強顏祈禱幸辱年誼之末則不肖所以圖先
君之不朽者能不哀懇于門下耶蒙不鄙寒細賜書
慨俞不肖得持此以報先君于地下矣世世子孫叩
恩無既謹先叩頤上書布謝候領賜稿荒迷中陳感
激之私披哀切之情漫無倫次

答馮少洲督學書

平生不能爲文而竊好人之爲文讀公文未嘗不思
觀公顏範也柰一別六年日奔走風塵俗客相對不
復昔時吐聲氣矣茲辱長者記存麗緘高詠自遠垂
惠誦之而悠然趣鏗然即覺齒牙間香也不文者得

與海內至文者交不謂增氣色哉拙詩一帙奉上請正扁舟美人可方駕西子否投我以明珠而報之以魚目愧矣鄭山人高朗多奇信盛名之下無虛士故人才進想所欲聞敢附言寒喧無益之語筆不贅

與謝四溟書

僕山中懶人橫當百冗七尺之軀盡屬之酬應何能文一詞所幸春明景麗佳卉美木森榮媚足下感時自喜則大篇高詠淋漓搖蕩品題模寫遂爲佳致前翩翩一顧恍飛仙自天而下即塵中汨汨而二三華陽洞葉卷之十一
六 三百五十五

荅海剛峯中丞書

南都蠡動仰仗威明鎮壓小民皆獲寧居矣邇者人情洶洶更甚于昔知貪夫因求官傾貲汚吏以黷貨失職剥民見骨畧無慘容此臺下所當憐而察也僕性愚黷不敢妄爲論說特以執事下詢故欲以禪海岳而冀高明采納率爾奉覆幸恕不恭

荅于勵庵書

事起意外不勝駭愕然終不能誣白爲黑也吾輩雄視千古世態炎涼奚足芥蒂昔人云困于小人乃進德之助則今日之多口爲兄幸不爲兄戚也來諭謂外護周密足防中潰之虞則加一分意思便費安排兄素高明不宜進責亦愚者之一得故人之忠告耳此覆

寄黃梅瞿生九思

江湖遠涉雅意斯已勤矣自媿謫薄竟塵青眼傾蓋高談助我良多行跡轉蓬不能久攀玉樹江頭揮手離別可憐之色彼此同之如志向不殊即南北各天華陽洞葉卷之十一
七 三百五十五

荅吳川樓督學書

竊東吳一僇父耳不學無文顧私心竊好文每獲學士家言誦之口津津覺齒牙間香也嘗妄評二百餘年來得空同先生立起衰之幟已又得門下暨李濟南諸公再樹標鵠文苑大不寂寞番半生尚未及門良媿無志向聞開府南海上且願裹糧涉五嶺一承咳唾通審使節駐隣藩清輝益近延佇益渴方擬齋

宿函狀專布區區顧荷遠書珍重千里垂存長晚三
復儼侍獲寫問聆面教也簾中長門古體六代名家
固當北面近體亦當令諸唐却立耳一嚮幸當更賜
飽厭全鼎不禁垂涎不禁欣戚生南來作一浪遊耳
先是客有談南中山水佳者聊假之官之便一償烟
霞夢思至則日磨折長官前緇塵滿衣反博山靈一
笑屈指秋晏便踵吾家季鷹故事長隨烟霞作釣徒
三江五湖間矣五嶽生事仰知門下徐待麟閣功成
後耳儻果前期當豫報山中猿鶴也惡詩三諱吳蓬
神教知雷門不拒布鼓乃敢率爾上襲惟唾而置之
華陽洞藁卷之十一
八
寶山奇珍擬上謁時稟祈而賜茲不敢賣

與少宰魏確庵書

為自昔年郎省中瞻依履舄餘光親炙經綸長策一
一奉為師保之教既而明公開府塞上東胡徙幕想
望丰采更倍昔時峻望日隆上動夢卜鈞樞入秉海
內士大夫動顏相慶咸起連茹之望焉昨因除服補
吏旅候台額于長安第中明公垂憐陸沉之久改容
驚問且感且媿已而客有言明公會延譽于廟堂之
上者則又且感且媿昔人有用九九之伎以致士者
豈明公追念往昔曾有薄伎如九九可備緩急之使

久荷記存耶自誓策驚磨鈍可幸無罪以上報明公
知己之恩數奇才下竟不自免三至之言慈母不能
有其子明公顧意某之罪狀不宜至是開襟延詢既
明其無他則急為前雪拯之泥塗授以郡職捧檄驚
悚感恩欲泣竊念明公惜才之心無間鉅細如一卉
一木苟非穢蔓亦念其長養之不忍無故摧伐俾
得自遂耳昔人謂天地能生之而不能庇之于摧折
之餘父母能愛之而不能出之于罪譴之中今沐明
公大造之恩同于罔極始知斯言味長矣下情激切
矢心天日思效尺寸以報恩遇之萬一寢且驚而餐
華陽洞藁卷之十一
九
且咽也

寄李激川通政書

昨午都成再入一時知舊運翻樞要者什九而弟獨
徊翔如昨荷台丈不以雲泥易視禮遇倍于尋常旬
月之間四叨華宴教言諄惻情款懇至感知己之恩
莫知所報自顧策驚奉職可少隨履焉時領雅誨而
事竟有大謬不然者重荷台丈明曾參之無罪力為
推轂復得齒于士大夫之後銘珮可言自顧數奇多
病宦情落落幾欲乞身恐當道諸公以憚遠見疑病
疏三發而三止茲復力疾強行又恐以愆期賈罪忝

何惟台丈有以教之

寄沈劍南僉憲書

弟平生宗信兄言過于神著昨午歸來退耕之意已
决自信堅不可撼矣及聽兄一言輒復易慮雖不能
自持之誤實由宗信吾兄之深也春日開府別後自
越徂楚尚爲中土頗覺不惡過楚而西險道間關一
步堪一淚也六月始得入滇郡中寒陋險惡之俗案
牘忝謁之冗奴顏婢膝之辱俱不敢憚可置勿論到
郡未半年大獄屢起弟以一人全當委屬煩于厄者
數矣日夜坐虎穴蛇藪中晨不保夕奈何以父母遺
華陽洞藁卷之十一
十
體妻子倚賴之身輕試千危萬苦之地此不敢對家
人道惟對吾兄言之耳新朝大清仕路敕諭一頒絕
域孤臣復見天日不覺懽舞昨爲權貴人所屏逐者
相踵量移咸加秩矣不才投荒兄所知也今日尚守
瘴鄉乃自知罪人才下固宜爾耳區區腐鼠久拚一
擲弟因信兄之過深入苦海旦暮當投効長嘯而歸
對兄細談苦情也

答朱虛谷書

莊生云逃空谷者聞足音則跣然而喜僕之投荒萬
里何止空谷乃荷故人遠書垂及喜不自持矣復荷

懷舊之作感深欲泣如在山中對清輝論文也僕此
出此行凡平日知己皆爲吐舌乃自誤至此已媿山
靈深矣復何顏面問山臨水耶金馬碧雞今尚未識
何狀兄聞之當爲一絕倒也

寄謝虬峯侍御書

丁卯長安一別久且六年別後茶苦顛躑脩嘗之矣
懷抱願對細談如咽者之欲吐也今春過杭擬叩開
府一傾倒逢驄駕行部剡中買舟涉江興盡而返乃
知山陰安道情景古今偶同登富春瞻望丰采殊覺
江山動搖也弟堅卧青山業已成癖此出此行非面
華陽洞藁卷之十一
士
談不能悉辱知愛之深想亦不待面談能悉也呂某
乃蒼南兄伯氏也天涯會面問及蒼南因數臺中舊
遊踈若晨星獨尊文撒撒表表爲吾輩增氣盛矣盛
矣囚渠東歸展墓附狀起居尊文雅厚故情相見時
應動舊遊之思也

又

秋晏呂鴻臚使南詔使旋歸越曾函肅狀附申起居
之敬未審曾達記室否尋見邸報知南都文衡仰借
台重南士從此振矣焉雖羈窮天涯喜舞躍躍大破
愁顏回思昔年臺中追隨旅舍隣傍篝燈清話已曾

擬有今日。乃知標望所屬果若所期。南中士習。邇日趨捷路者。什九務實學者。不能什一。文體衰萎極矣。今尙宗主斯文。起衰之功。當駕昌黎此國家元氣所賴也。弘治中戴恭簡公亦曾陶鑄茲土。士到于今。頌之不衰。此貴鄉先達也。盛美照人。曠數朝相後先矣。某非獻諛于左右。辱知愛之深。擬望不啻口出耳更。鞅南夷東歸未卜。來秋上計時。或能一登臺端也。先此拜狀。萬里披誠。榮戟森嚴。不敢他竇。

魏少宰書脩而未寄

春莫楚西逆旅中。恭拜賜書。北望叩首。長跼捧誦。一

華陽洞叢書

卷之十一

士

三

言一感激也。竊念丈夫生世。間官階升沉可置弗論。惟名行玷缺。則平生瓦裂。此持身者所爲兢兢也。某徊翔下僚。十有四年。自甘沉淪。猶恃名行。僅能自持。得齒于縉紳之後耳。昨逢銷骨之毀。則并平生之所辛勤者。俱喪之矣。仰荷明公正色昌言于上。直曹參之無罪辨不疑之無他起之甯中。復齒士類。是爲之得有此生者。天地之恩。而使此生之不瓦裂者。明公之賜也。焉豈敢謬爲諛言。以仰附于知己之末。惟至息交激于中。自不覺吐瀝感戴之誠耳。自揣數竒多病。絕意仕進。然萬里瘴鄉。不憚間關者。惟念明公扶

植恩重。不敢自棄。思效尺寸。以報再造。豈知小人福薄。分過災生。西南金方風氣。尖厲盛夏。停午中州。人不能勝。單絛。而此中猶熨然襲裘也。撫時按景。疑非人間。雖百方調攝。薄寒中肌。栗毛豎。病者什五。某以久病之餘。踈理薄質。不柰侵凌。至郡未幾。尋遭重恙。荒微無醫。又鮮藥物。僵卧待命。天涯孤旅。病魔鄉思。不能對妻子一言。四顧空舍。心骨沸熱。微軀不夙惜。省郡萬冗。勞若牛毛。非可卧治。更懼曠墜職業。以負明公驅使百苦。填臆擬上印綬者。屢矣。復念明公素加培植。一旦擅自投擲。是誠何心。敢力疾拜狀。萬里

華陽洞叢書

卷之十一

士

三

馳控伏望興哀于無用之地。許得東歸田里。以就醫藥。如未即填溝壑。舊構草堂五湖之上。聚書數千卷。收召魂魄。夙夕樓誦。以竟未卒之業。或少有所得。勒成一家之言。以不虛此生。則志願畢矣。恃明公垂愛之雅。敢忘分肆言。不敢對他人道也。

寄葛誠源太守書

昨向天涯。擬近清輝。款話桑梓。纓夢思雖云萬里。作吳語一空談。江東風味猶在七箸間。也不意疲馬方駐。而大旆已悵然失望。領書教雖未接。清輝已如侍聲咳。談江東事矣。宦情鄉思不敢對人贅言。每思

古人投荒者必能以山水自娛不則以暇日讀書與聖賢對談柳之未州歐之夷陵或選勝探奇或暇檢故蹟是亦江湖佳况也今有投荒之苦而復困之以冗是茹荼食栢而復嘗之以膽矣言之哽咽冬晏函狀遣吏仰布專敬狀緘矣有報高車入大理者吏發而復止深懼稽晚惟祈海度優亮良晤未即日望內徵之便入省一傾倒耳尺素竟不能一一也

與曹見川憲副書

春半作萬里之別歲晏繫萬里之思中年兄弟竟此踈隔雁飛不到每誦為俗諺乃今身自蹈之若非命華陽洞藁卷之十一

古

三百六十一

有苦星必不轉蓬至此夷方貧陋危險已體先哲之訓勉行之矣但宦遊十年大不愜于貴臣潤色文采則指為狂防檢名行則指為迂即欲立尺寸以報知遇徒為後生描畫耳明秋上計便當拂衣歸不預人間事花下高歌林間散髮以老吾餘年不大快耶更冗驅人日無閑晷篝燈作書悽咽不能一二

與李漱川書

夏日楚西道中捧台翰開誦一言一感激也恐負雅教竟向天涯間關萬里夏深始得抵滇夷郡荒陋初見不免動色尋讀陽明先生何陋軒記不覺洒然居

夷如華矣但簿書期會百倍他郡橫人大獄悉承躬治第久卧空山世路業已抹鍛昨年不能自持誤向風塵今復待罪冗郡自顧如學禪比丘養成枯寂一旦賣入賈肆器塵臭處左熏右蝕呼籌算縉之聲日夜紛紛回想山中靜景恨不能即尋徑竇滅影空谷耳恃厚敢冒言未嘗為他人道也

與黎瑤石民部書

都中仰瞻丰采大慰想望之私縱觀高旨傾聽玄言則又覺四大爽然矣海內文章家高自標植而言弗中矩即教牙佶偈字句求工終不能奪足下奇也別華陽洞藁卷之十一

五

三百六十一

後得北遊諸稿雄麗振藻隱隱欲作盛唐語大是氣色明興二百餘年稱博學能詩無如李何作身後戰場無如足下鄙言數首何敢效顰倘稍足裁剪足下幸無撫掌

寄潘百愚先生書

鷺昨南歸得侍几杖日領玄教每遇風日清美安車枉臨田廬呼酒召懽友談說平生林鳥送歌簷花索笑自謂五侯不易此樂必可終身也已將塵路浮名一切抹鍛詎意普星照命如夢如迷猛離極樂世界

誤入苦海間關萬里鳥路險惡一步堪一淚也春半別違宮壘夏深始得抵郡郡竟貧陋此亦學者素吏常事但大獄頻起元惡睥睨日居蛇數虎穴謬爲上官所知盤錯悉委解紛日夜勞勞訖無閑歇勉自友吾期不負師教回想林居舊樂恨不能即時拂衣以求遂初願竟爲上官所持不敢啓口歸計竟成蹉跎稍暇即想道候萬福溪樓唵嘯佳句盈紙不知賞音者竟當誰屬耶懷竹終是佳人想時時過從一清話幸勿視此樂尋常如寫想像此景界如鈞天帝都耳明秋上計定可稅駕傾告苦情當信此言不欺也回

華陽洞藁

卷之十一

十六

中

雁峰遙遠蓄稽脫幸勿罪踈曠種種不能縷布

與黎瑤石書

平生木彊負氣動遭世網足下顧不憎反加憐焉似以文章氣即可收入藥籠脩佐使者不佞何人辱公青眼豈高人意氣投洽耶別後容輝漸遠不禁戀戀間誦足下新詩則振蕩心目宛然覩顏範而獲聞世外語也柰栖栖道途三閱月而至郡郡幾半載始拂案塵整筆硯不文者則又無可爲文視在長安停盃展翰把酒論心真令人起今昔之感且也簿書堆案日夜勞勞不能放歌高嘯以舒壯懷特鑒烟瘴雨中

不廢詩興耳足下以爲何如升庵先生筆近得之滇郡者奉覽

答沈劍南金憲書

昨年歸來修葺田廬栽時花木爲終老計人有勸復出者飲以醇酒令不發言言則復飲令不復言乃止入春自持益堅人亦不復相勸適華翰下頒高義厚情即古人中求之指不再屈語云斷酒白首銷糟而朽不佞未會望見酒家便腐腸矣蒙諭且不堪逃耻况堪復折腰諸貴人前耶

寄曹盤溪書

華陽洞藁

卷之十一

十七

中

長憶春時遠送盡吳地始別別時見兄眉宇間無離別可憐之色豈不以親知宦遊自是喜事即萬里遠行有喜色無感容使兄見弟歷盡艱難當絕裾相留矣險道辛苦不必贅言夷郡貧陋可笑危險可駭世所未見乃知權奸投我此地大是毒手仰賴皇天有眼上官相知不幸中之幸也然勞錄亦已甚矣屈指歸期直待入

觀便程東歸一見耳弟居此不負素教勉強策駕求少立名行稍可持此以見鄉曲之面幸別時兄見教責殺作腰纏今日賴此爲衣食柴米之需不然恐不

免有菜色耳。說與世人。定不相信。雖兄亦不信。如此。賴有張半溪目見。想能細談也。在此忍貧忍苦。而鄉人定以爲享貴享樂。寃哉。寃哉。歲晏家信不通。心緒昏亂。不能盡達亮之。

寄曹育泉書

弟無斷人也。平生受無斷之累。不知凡幾。及受累始。自悔曰。誤矣。誤矣。及再誤。則又再悔。訖不能去。無斷之病。相厚如兄輩。竟亦不以無斷箴我也。今日之行。一步一恨。及抵郡。復思乞休爲上官。所持未能脫離。苦海諸兄。愛我見我。誤行送我。而不留我。上官知我。

華陽洞藁卷之十一

大

言

見我欲休留我而不送我。是愛我知我者。皆我害也。羈孤萬里。已堪悽斷。况復歲晏搖落。卿書無信。東向翹首。一望一淚也。新院有傾蓋如故之雅相。見初即以場事相託。坐此遲上計之期。徹棘後始可卜歸程耳。來秋洗耳捷音。得連轡北上。同認長安舊遊處。幸甚幸甚。努力欲言。不知幾何。聊布萬一。

寄吳川樓書

平生想望丹崖。隱起霄漢間。時時思一攀躋。未能也。茲因客程之便。一瀆關人。幸荷降屈。尊重開襟。延接三辭。高筵聽教。信宿言言膏馥也。世尊普度。令法堂

前地步寬綽。使鈍根者亦與參叩耳。別後車中珍捧瑤篇。端玩細噏。忽覺千巖霜錦。萬壑寒流。紛撲襟軾。間與篇中韻采。聞妍競爽。如身侍几杖。傾聽揮麈。高談忘却間關。苦道中也。既而回瞻官牆。忽已天際。不禁悵然。令人頓思拂衣。追隨高步。更扣未聞玄論。一切世間事。不置齒牙間。不大快耶。會湏求償此願。終不能作轅下駒。受鞭箠驅策耳。足下亦肯許可否。伏舍人之力。投館如歸。竟無誰何者。問程近楚西。望拜書。統謝種種雅情。客路匆匆。不能具言。

寄李激川書

華陽洞藁卷之十一

九

本

轉蓬萬里外。天上容輝復能良。覲喜幸百倍于常。客舍兩月。荷撫教。肫惻延欸。勤重豈以弟在飄泊中。更當加憐耶。感激又百倍于常矣。之郡之教。仰審垂惜。至愛敢不肅奉。但險道如戟。庖然病身。無論不能至。即至蠻夷中。無醫可傍。藥物性味。與中土所產。本草所載。絕不類。將何所需耶。即能立尺寸。須藉微軀。在耳捐軀而能服官。此弟之所不解也。例簿嚴于貫魚。既不能度甲而用乙。孤踪困于枯轍。又不能移遠以就近。左審右顧。籌之已熟。途窮而無所之矣。遂敢函

上陳荷尊丈素憐必能為弟封進荷心泉年兄素知必能為弟早覆倘藉台鈞得

請放歸田里獲近芝木稍驅病魔再造恩也二史會編一部奉覽乞命入

寄何心泉選部書

夏日病中得除書見尊丈榮轉選曹不勝忭躍惟尊丈數世受國家隆遇所謂喬木世臣也尊丈又負海內重望世濟其美樞衡入握必能東獨見舉國士以上報

聖主之恩下答蒼生之望舉動當萬尋常矣為辱教

華陽洞壘卷之十一

二十

下最久敢冒進狂言以効涓涯竊嘗稽之往牒驗之已事天之生材難國家之養材又難知其難而愛護憐惜之則一世之材無論足一世之用數世可恃為緩急也正德中逆節四起石畫之臣雲布中外尋致底定而人心不搖是名公鉅材數朝長養愛護之所貽也此已事之明驗也邇日人材之蕃碩不減弘正間因經袁州新鄭之手數十年之長養不能勝二人之摧折有識之士言之酸涕長養愛護于摧折之後惜材之意當百倍恒時矣

聖君賢相召執事于茂林之下而授之柄得無重有

所屬乎所謂愛護長養者非舉施于材不材而無所區別也病株避壤則榮木蕃滋下材避路則賢者方軌退不材正所以惜材也為樵不善宦病不勝官卿曲不舉側薄不先不材之尤者宜早乞退休避賢者路非敢憚險託疾以求自便也為雖不材亦嘗景行先哲而竊其餘光矣昔胡端敏公入為郎曹父之始得遠守瘴郡為之驚下不敢望端敏之萬一然不擇夷險亦願竊効其一二焉顧兀然骨立骭離天涯無所裨補徒致自隕壽之已熟無容首鼠病疏伏祈早覆倘因芝木得延殘喘自今以至沒世皆尊丈之賜

華陽洞壘卷之十一

廿一

與石東泉太僕書

陸沉蠻夷中恐不得復瞻丰采幸因入計適會便車還朝竟慰良觀客舍寒宵促席舉觴談及往事足供一笑茲事有司命者主之智者不及謀巧者不能避也復何怨尤荷念瘴鄉險遠有憐惜之意感德百倍于恒矣但當道持例簿甚堅又才地素下不足塞眾望會頃已耳即側簿不堅才地不下如司命何以李廣將畧得遇武帝宜稱上意帝顧授指衛青云李廣畧奇無令得當匈奴恐不得所欲至論驃騎則曰有

天幸乃知自古人主不能違天命以用才寧置才以用福耳。小人福薄分過禍生。即曹無福誤徙蠻府。蠻府無福合歸田里。他復何云。心泉年兄敢借鼎重病疏求一早覆。俾得高枕無量之賜。無量之感也。

報唐疑庵儀部書

絕域飛蓬

帝城重到恍如再世。覲容輝醉高筵。蒙撫教則又恍如夢中也。既而知其非夢。非再世喜幸不禁矣。別後寒食抵家。屏居田間。混跡耕傭。力田供稅。灌園種樹。舊書數篋。置窓間。意所欲觀。手檢一帙焚香坐閱。見華陽洞藁卷之十一

華陽洞藁

卷之十一

三本

寄李汚南書

別後荷遠書惠教數數。每一開緘。即萬里外恍如對面也。風塵馬蹄。八閱月矣。無論險道。雖安車蒲輪亦憊矣。况病身不奈驅馳。何能久禁困阨。都下嘔血數口。杜門將息。旬日方得復舊。深悔不能自持。冒吾堂

之戒。想亦憐之也。暫歸就醫。俟稍健方能就道。上官有問。懇望委曲善辭。此以身相託。亮能留神也。但內召在即。恐不能久淹耳。萬弗遣人相迎。路遠塵費。往復至祝至祝。

寄吳崑麓書

三年萬里復見。顏色喜可知也。即日奉清燕。聽高論。未能大慰饑渴。柰客舍去高寓遠。又病卧旬日。竟不能大親熱也。雅情則過領矣。別後至德州見錄知春選失。即君又失。警弦柰國士何。南行偕丁全州登泰山。謁闕里。風花滿路。客程不惡。但回首容輝漸遠。華陽洞藁卷之十一

華陽洞藁

卷之十一

三本

殊耿耿耳。寒食後抵家。舊穀已沒。倉廩空虛。不問問篋中書無恙。足濟吾事。囊之入別墅草堂。誠家人毋以家事關我。即衣食婚嫁不饒。給以儉薄足之。是亦助貧之奇策也。城市削跡貴游。回車草堂前。舊植花木。稍已敷榮。灌園之暇。發篋攤書。焚香誦閱。誦不期記。閱不求解。意有所會。即忻然起舞。自幸晚年得新知也。間携幼子。挈弱孫。樹底花陰。婆娑調舞。或與耕傭牧豎。爾汝問答。如一野人。原不出仕者回想昔時風塵辛苦。如蛻凡入仙矣。弟之少無宦情。兄所知也。昔年徙宦之事。亦兄所知也。野心如弟。又困之以奇

寒腐鼠之一擲恨晚矣。兄方高馳天衢，弟非以野逸情景詭言以誤。但仕宦濃艷，時常存一分閑談滋味，庶不爲人所操耳。尊冊謾書上，敝帚可笑，惟唾而置之。秋晏東泛，吊靜臺兄當劇談旬日，并話兄動靜也。

又

昨冬晏萬里還家，不信宿即別家。別家不覺苦，以長安多故人，可作良會，更惟于家耳。比至客舍，寒宵先荷剪觴，過存舊好，萍聚高歌，舉白天街，醉別霜月，橫空豈盈虛有數？遠人苦楚多時，天亦以樂事償之耶？嗣後招携數數，每會必極，惟始罷良會，倍歡于家果。

華陽洞壘

卷之十一

廿四

三

如擬矣。春半奉別，不禁戀戀別家，易別故人難何也？南行登泰山，謁闕里，紆數程抵家，海棠已謝，賸有牡丹木香，故留春色待主人耳。因樹軒前花竹稍已成蹊，足堪棲誦，墮甌不須復顧。願兄勿復談及也。或有使程之便，一顧野人于蓬蒿中幸多矣，但恐習炎日久，不堪復近寒談耳。兄非其人也。沈劍南近日住敝城十日，竟不一過寒家，但折簡相召，一會想位高金多，待故人當如是耳。此亦一奇事，并附聞以發一笑。

荅賀澹菴書

草草登慰，叨領盛筵，款教未及，狀謝顧辱，翰貺遠存。

慚感無任，承諭遷拜諸事，弟閉關謝客，除書絕不與聞。開緘始知樞要中，又一番更新矣。奉教知感，弟視此境界，不但灰冷，且覺厭苦。凡事起一厭心，則不可強所不樂，如綺饌滿前，厭心一起，則美惡易味矣。非敢說言恬退，歷數所遭往事，自信的有命分，分有所限，稍欲強有出入，恐轉禍爲福耳。歷視世事，往往有驗，遂一意謝絕。秋初遣人進病疏，北上臨時奉還，此不敢爲他人道，惟吾文可也。

華陽洞壘

卷之十一

廿五

本

華陽洞藁卷之十二

金壇張祥爲著

書

荅洪賓吾書

僕宦游無成抱丘壑之志十年久矣昔乙丑之春偕令伯尊丈連舟之京丹次開襟披對已悉區區平生昨荷寓書云山中不可無公深感故人知我乃不能早自引決首鼠至今恨晚矣病疏業已北發顧荷萬里遠書招引勤重門下之愛我備矣顧僕病不勝官能感而不能奉教奈何但西向叩首布謝舊愛種種

華陽洞藁卷之十二

并謝審有入

賀之行錦衣東歸江上津亭儻能一晤幸甚

與曹含齋太史書

前日之會未爲不驩何必見戴安道耶但紆途登擢庖人多一破費此又莫之致而至者耳奉別後舊恙復作一卧及旬台命久稽無所逃罪近日入小庄養病精神稍復便當呈稿不敢再緩春光將半桃李含萼再遲旬日當更繁華且舟車候杖屨龍山泚水之間亦有會心佳處可賞清明後更當遠泛矣拜名稿羹牆熟味尚容侍側細評謾賦數首并前所呈亦改

數言具別幅乞指教門戶幸甚

與袁筠崖書

舊聞貴里牡丹多佳品須勞從者爲買數本蒔之小庭爲書屋增景也野人無營惟灌園種花爲生事耳

荅王繼山選部書

丈夫遭時咸願有所樹立弟昔年之事尊丈所知也數奇至此自惟丈夫樹立已矣莫冀已復念命吏不當擇夷險且十年浮湛即署無所短長即蠻府或可假之少立尺寸遂聞關南行可幸無罪昨冬晏隨例

華陽洞藁卷之十二

二百二十二

朝抵家不殊傳舍自擬朝回時先當造候奈往返苦道餘二萬里久且七閱月兼以冒觸瘴癘憊憊侵凌厄然骨立扶策行數步便如復登窮山喘咳咄咄頽卧旬餘未能蘊醒坐是未及登瀆亦未及拜書先瀆顧荷記憐數百里翰使遠存教言款切尊丈之愛弟脩天顧弟病甚但能感愛不能奉教奈何倘藉藥物病稍已扁舟東造踞陳情曲非短書所能一一也

與曹見川書

憶昨高齋對酒細論心曲行藏路岐已定矣別後藉庇病疏得

請不覺兩腋習習風舉想尊丈亦為第一撫掌也遂
蒿中無他可言灌園之暇圖書歲月別有世外一種
滋味惜不堪持贈耳但習懶日甚交游書問百不一
通即辱至愛如吾丈亦經年不函一狀問訊懶慢可
知湖南兄兄弟中難得者出守屬郡足堪臂指乃竟
有此得聞雨淚洗面天之生才甚難何摧折之易耶
歸觀必賴鼎力矣茲因舍親儲博士宦常山為臺下
屬吏敢求培植博士少負高才屢試屢冠庠士竟齟
齬一第晚就學職思欲行其平生什一乞推桑梓之
愛以餘潤振之彼此受賜無量矣恃愛顙瀆萬祈留
壺陽洞藁卷之十二 三

荅陳文峰書

癸酉秋晏南中別違回首不堪屈指矣歸後屏跡深
林時事隔絕知舊間尺牘亦俱罷閣高軒東歸未及
專致下情顧荷翰教遠寄開緘如對清顏在南中官
舍時也佳刻倫見經畧欲訪南中後來諸事非面領
不能悉即今時令尚暑暑退當從瀨陽西謁高第以
傾種種也

與吳昆麓書

弟沉冥蓬藿與朝市久成絕域除書百無一聞兄之
拜郡不知也親舊音問百無一通兄之旋錦不知也
邇因家僮從外來始傳兄領郡之信且云南還多日
矣始知此身遠在世外即親厚如兄亦不能聞所當
聞悵然悵然即擬造晤細話不平之懷因衰年火病
逢暑增劇不能杖藜先拜狀專叩儻之官之期稍緩
俟炎暑稍退體中稍佳當卧一小航過東問僧舍借
榻竹間傾話信宿也弟林卧日久愈酣高枕回想世
味便堪作嘔兄當自審儻伏臘稍足則未了公案一
付諸即君完結第當引五湖烟霞捧納雙袖共享此
華陽洞藁卷之十二 四

寄張婁江少叅書

京華拜違後歲月不堪屈指矣中間不能函一狀起
居者因茶苦輒輒連違倫管邇又遠守蠻府為絕域
中人遂踈曠至此昨冬晏上計得再遊長安故舊落
落如晨星矣不勝感慨客有從東方來者敬詢台候
萬福治聲藉藉山川增重聞之如挹風采于披對間
也第多病倦遊萬里長途不堪再涉行且自免耳何
能復首鼠兩端耶茲因藩別駕官延平以即吏屬役

臺下敢拜狀先容伏惟推愛垂拂不勝感刻之至

與毛斗壩金憲書

丁卯春都城一別使華回首歲月垂及十年矣中間雖拜狀起居竟不能瞻近清輝得慰耿耿也邇年飄泊蠻中崇臺萬里益遙延竚審憲節所臨丰采奕奕當與延平劍氣增高其盛甚盛如弟宦遊無成邇又多病嘗聞武夷山中靈草可服仙蹤可尋會當棄官而東作采真之遊耳茲因潘別駕倅延平爲臺下屬吏謹函狀一布下情潘故雅士素行繩墨擇地投足必能謹奉紀綱無隕墜者伏祈推愛借之吹拂樊間

華陽洞壘卷之十二

五

本
三百三十三

弱羽藉天風而九霄矣不勝懇懇

與吳崑麓書

夜堂對江細挹高論頓忘漏永別後歲華冉冉更不禁長年之感宮牆在遠更愴素居之懷吾輩既勇脫塵羈七尺吾可自由佳山佳水孰非吾環堵中物耶昨擬買舟隨兄于三山五湖之間因償價稍遲業已他屬釣徒家計止在一葉福分固有限耳春來水落涉不盈尺即一葉亦不堪推移暫阻良會新水稍長當就筆床茶竈過候甌勝梁溪石湖之間逢適則止興酣復移東君諒肯假我兄以爲何如弟叨兄道義骨

肉之愛餘三十年矣被以膏馥老不棄捐生平之幸也兒輩顛蒙不足以望即君步趨竊願受業門下仰承陶冶倘可脩執鞭之役則道義骨肉之雅永繼一脉感德世世矣昨敢冒請即荷慨然兄之所以賜我者即我之所望于兄者也歸即掃舍設榻以待春風茲當節後想家慶已畢函狀專迎令孫書屋庖廚宿已整候所謂通家者裘馬可共薪水可同種席可分僮僕可更役也昨兄猶以此見却豈同室之內宜有藩籬耶慎勿復云

答吳崑麓書

華陽洞壘卷之十二

六

本
三百三十四

書翰西來脩悉清况捧讀數過炎暑中兩腋習習風舉也今年鬱蒸作劇秋半未減邇來結廬水上引流遶屋種樹成陰移榻臨渠把書聽鳥回想昔時束帶騎馬蒙塵觸暑赴期會理簿書日暮不能息肩痛定思痛令人起撫今追昔之慨因思弟之勸兄謝政未為失策也擬中秋之前操舟過謁邀兄看月石湖聽曲虎丘柰煩暑中人亦且咳不能強出又負一年佳事矣悵然令即令孫俯屈荒寂弟不能申通家之敬兒輩不能盡師友之禮罪歉可言惟祈推累世忘形之愛寬之耳警弦兄上書不報懷抱何如書籍滿腹

此中光景何所不有。味古人升沉往事亦可藉以自寬。惜無能面接一談。知已入懷附言。

荅石東泉書

兄丈下車甫越月耳。即荷翰貺。不遠數百里。吊亡問舊。高情肫惻。古道再見于今矣。竊謂東郎鉞之重者。未必當山川之勝。適吟眺之歡者。未必操勳業之樞。仙署蓋兩兼之。六一先生之後。復聞繼響。盛矣盛矣。茲以病身畏寒。未能躬詣。墀下申賀。容春初策蹇。專扣閣人。分勝槩之半席。且傾積緒也。

荅胡蓮渠侍御書

華陽洞藁

卷之十二

七

三百四十一

昔在京邸。追隨無隔時日。分手以來。各天一涯。不以爲遠。一字不達。不以爲疎。忘形之雅。彼此同之也。兄以建言被逐。真御史矣。弟以拙宦乞休。能免鑿坏之誚哉。丈夫生世間。樹功萬里。固其素志。志有不投。則抽簪勇退。肆情山水。間私爲論。著勒成一。家言亦足不朽。何能負七尺同草木耶。蒙索鄙稿。不敢自外。謹錄數章。仰辱玄覽。持布鼓獻之雷門。不足當一笑也。足下能爲藏拙否。

與賀澹庵書

弟閉關日久。即隣家聲咳亦不相聞。使華之南。不知

也。昨童子入郭。還始得畫錦之報。自驚候晚。即擬造賀。且話闊懷。恐賀客填門之時。未得從容揮麈。先拜短牘。用代躬覲。遲日登堂。細傾種種也。

荅劉泰宇別駕書

拜遠後。函田間鄙語。上瀆顧荷明珠垂教。拜賜良多。靖江借重。江山盡入品題矣。邑東有孤山。俯瞰海門。亦一奇觀也。公暇覽勝。必多高詠。春和病減。當詣郡齋。躬領大雅也。書屋前種竹十餘箇。雨稍風業已覺。可人雪中簌簌。更有佳韻。野人樂事。敢以附聞。承委謨豫齋公祖賀文。猶責陽春之歌于啞人。不能轉舌。奈何。惟笑而置之。不宣。

荅萬勵庵大宗伯書

不奉挹清輝九年矣。作如此分隔。即少日不堪況在。褻境奈何。緣閉關以來。兀兀作一枯禪。親知疎冷。非人情也。日卧小園中。澆花種樹。外手一編。與聖賢對談。客有責文至者。貧不能買。假書于人。亦思飽厭。此世外一種滋味。似與門下同之。蒙念舊不譴。惠書珍重。故情諒諒。益增悲嘆。且書中無他語。欲共結清社。徜徉山谷間。不佞何人。得攀崖壁。此謝康樂所深願。而不能者。來春擬面叩高齋。作信宿歡叙。且邀同作。

王女山潭之遊也第恐容狀衰倦即見面亦不能如昔年痛飲狂歌耳

與姜鳳阿大司成書

寫以病疏得

請歸當杜門參謁交際一切抹撥昨方麓遠歸遠行亦未能一晤拘腐容狀堪憐通方者一撫掌耳尊文不訝野人廢禮顧對親友間往往謂不佞樸無他腸稍可少置蒯緱之末不惟深知已之感乃因一言認拘腐之爲是不知疎野之爲非也鮑叔於管子多取而知其不貪財事讐而知其不貪生惟世所不能知者獨能知之乃爲知己耳不佞何敢自附管鮑但荷尊文一言一顧之重則蘇長公所謂以千金與人而人不以爲德以一言許人而人死之則不佞德尊文之意也面叩既已蹉跎起居又復稽慢恐無以自解謹函狀先陳下情百一惟垂亮垂宥幸甚

與馮飭山書

憶昔光祿第前獲瞻行馬故情鵲鵲露漑百種尋以得請歸伏菰蘆中故舊尺牘曠不一通即知厚如吾丈亦無一字起居豈惟鵬鷗殊境邈不援接亦因久病廢禮竟致寂寂耳回首當年京兆府中曾隨高表

作少年場勝遊迄今垂四十年矣歲月如此人何以堪大凡仕宦臨舊遊地倍增一勝吾丈開府聽政即當年聽鹿鳴處也餘響尚堪彷彿否同時聽歌兄弟尚堪屈指否即今兩都惟吾丈暨震涯兄南北相望耳人才有以少爲盛者國士之重一雄萬人也念此不惟慰晨星之感且如日月雙懸宇宙間矣林間病人當藉之以誇閭里也

北召在即前驅經丹陽道中杖藜野服一候清輝傾話積懷也

與楊震涯大司空書

華陽洞藁卷之十二

十本

寫自昔年上計時瞻履餘光于長安第前荷垂屈尊重開襟延接豈以三十餘年故舊落落晨星不肖猶強顏冗階得望重塵耶奉違後歸卧蓬蒿但與田傭山老話耕牧數晨夕而已恭聞出居開府功高分陝入柄大政光拂上台不敢函一狀仰布賀私者自分伏蟄之虫屏息籬間即聞九臯之嘹唳何敢喁喁作聲妄附應和耶茲因壻父曹塾有絆衣解戶之役外則爲郡縣所窘已破家什四內則爲驢廳所持復破家什五閭閻疾苦必臺下所欲聞敢冒分上陳乞賜片言拯之枯魚之東海也惟不罪草野之僭越幸

其

與吳王成書

荒野淹屈幾半載矣不能躬致殷勤罪重罪重西庄初夏新綠撩人擬枉文車借輝草樹奈小兒痘瘡餘症未平悸不自持即欲詣館下一送亦不能奈何高文俱入妙境恃愛評賞亦未能盡妙處也扇頭題字因懷抱作惡醜更甚于平日咲而置之

荅洪賓吉太守書

一遠大雅久且八年尺書竟不能萬里乃寸心則時時萬里也曩聞拜郡之報

華陽洞葉卷之十一

十一

三

廟堂衡鑑南中雨露兩深欣幸然竟不能持一絨申賀至今猶歎歎也不佞抱病田廬混迹釣徒耕傭間相與數晨夕耳草堂長書花陰偃仰忽漢吏扣門荷遠書雅餽珍重開緘拜賜如對清顏知前驅已束積懷願談何止萬種先專僮候問行李如果江行當扶策丹陽郭外一望鷓首也

荅賀澹庵書

別後掩關不入郭數年矣故人書狀不到亦復數年野人懶慢尋常尊丈雅知我者竟不罪疎曠也忽辱遠書珍重佳幣稠疊拜賜良厚感謝感謝來翰疑不

佞穢專文之進是習枋榆而咲九萬也以不佞之退爲達是執黃門而稱貞也謂溟鯢澤雉各適其適則可耳平陽蒲坂具瞻丰采亮咨舜選之遺風足起千古遐想停車延攬三晉英雄翩翩入轂楚藩借重進賢之上賞也高目標樹上報

君相知已之恩禹弗子之時也錦旋在即擬登賀時晤談經畧而別翰云及婚期豈以田舍翁不足與言大計祇以兒女子之事語之乎一咲政府虛左還朝之期豫可屈指此事徐待此時未晚也謹勿匆奉覆不脩

華陽洞葉卷之十二

十二

三

荅商博士書

不佞屏跡田間習懶已久蘿徑外便如絕域瞻望宮牆在百里內杳如天上矣乃時時從門下高第私淑大雅若侍几杖間挹清輝也日者鄙言仰讀真雷門之布鼓耳顧荷高篇遠惠報瓊之感深矣長跼細詠草堂生色拜賜珍重何啻百朋謹對使附狀申謝

報石東泉少司馬書

昨年拜狀附北羽遙申起居伏承台翰賜教九霄丰神宛獲良觀忽忽再更炎暑矣蓬蒿中遙聞大拜燕賀無階但私爲蒼生欣抃耳九塞塵清中國相司馬

所折衝也。古語云：堂上有奇兵，信矣。爲杜門日久，抱甕之暇，攤書竹間，與古人對語，娛以忘老，且以忘窮耳。昨繼山年兄使回，承垂念，曹孤賜之厚惠，顛墜之時，方望援天上，適蒙沾酒，感切萬倍，謹爲代謝，并布迫切之情，伏祈留神。

與胡雅齋中丞書

爲自昨秋拜違顏色，茲復不敢再申起居，以分懸上下禮絕，嫌瀆，但退伏山中，飲吸膏露，自饜且自幸耳。竊聞古人以紀綱比脉理，神醫問脉不問肥瘠，蓋以脉治而瘠者竟肥矣。恭遇臺下紀綱獨持百職，奉法

華陽洞臺卷之十二

三本
三百七十一

湛恩普溉，即一草一木亦欣欣生色，爲叨覆育如春禽自鳴其太和之適，非以喉舌獻諛于大造也。台鼎虛佇，燮調相業，即移承蜩之神措之耳。蒼生不勝拭目望外，竄爲年誼親情所迫，越分冒昧，不勝戰慄之至。

荅王華岡書

不佞仰止高賢，抱饑渴之懷，時時也奈一病久連三月，環堵之外，便如千里，不能挹清輝，聽高論，良爲病魔所苦。即病中對客論吾邑文采，必引公首屈一指也。茲荷大篇惠教，直若飫饑腹而潤渴吻矣。嘗竊論古文時文，宜出于一公，誠足以當之。今岳壽文下屬

謹當受簡，但病餘神未還舍，不能構思，能遲旬日，俟稍健，或可呈覽耳。

荅楊思默書

爲衰年抱病，伏田廬中，率園丁灌園種樹，聊以養病。追思良晤，往事不堪屈指矣。承念及翰存，如對容輝。賢郎炯炯，王立吐言不凡，遠到器也，促席論文，知胸中已有蹊逕，聞鄙言領畧了了，以如此年紀，有如此器識，大成必矣。自愧老去，無文舊學，不入時格，恐無以相益，有負下屬耳。拜腴儀，感荷使旋，附狀布謝。

華陽洞臺卷之十二

古
三百三十五

與劉泰宇別駕書

村居索寞，過辱高軒，寵賁感荷教貺，即草樹亦欣欣生色矣。登山不能執御，山靈應咲，俗物無意興也。別後承台翰，委書鄙作，自顧敝帚，何敢仰塵記室濡筆，而復又閣者屢矣。諱醜逡巡，竟致稽緩，罪重罪重，強顏漫瀆，當唾而置之耳。承分韻勉賦，呈上，敢求登山高篇，垂誨拜賜，珍重矣。外俚言一軸，奉謝枉顧雅情，灌漑厚澤，山樵田儂之謠耳。

荅王繼山書

昨秋晏夜，堂侍燕，懽醉清教，別後痰咳侵凌，無論

泰侯即題一短牘且爲閣筆坐是曠不起居奈何方
杜門僵卧忽聞即君過敝邑竟不能扶病入郭一延
清輝顧荷垂念賜翰賜儀故情藹藹感激感激荆石
公乃愛登仙人人稱艷此必獨鍾異氣所致恐閉關
脩鍊尚隔境界耳凡濁之見不識高明以爲何如

與胡蓮渠書

昨上謁荷開襟款洽醉湖山間久踰半旬峯巒泉石
藉韻采互相映發即搖落韶麗百倍于恒戀戀不能
別別後不能不戀也來春發華陽之興當作山中主
人即令先報山靈矣買舟不諧雖因辦資稍緩亦野
華陽洞壑卷之十二

人無回舫福分耳更湏瀆

南兄作媒耳可容筆床

與杜華南書

生屏居巖谷絕口時事已久但進賢之事不能默默
敝郡不經歲考九年矣人才壅塞于寒窓之下企足
膠庠眼穿吻渴者如蜩毛而集也使歲考之法數如
新法之期則進學之多寡宜如新法之例今歲考未
必如期而進學必欲如例則白首蓬蒿者殊爲可憐
茲逢臺下手握文衡閭閻孤寒彈冠慶幸聲如沸雷
且學院雅相憑信百年一時也伏望破格作興他日

得寸進者人人追感恩造萬萬矣

與劉容川書

生抱病杜門從來不敢以一字奉瀆茲見關係地方
事如不以告是不忠也見鄉人被冤而不申是不仁
也乃敢冒言近有行商經敝地感急病客死路傍當
首准批埋訖里中惡少讐害素某匿名首案行拘懇
望加察此風行則鄉民不能必其命而奸讐詐計之
俗紛起矣謹瀆

寄于景素書

春日聞高弟之報大喜夜半起坐至明已又聞伯仲
華陽洞壑卷之十二

翁瞻聯弟則又大喜曰盛事盛事富貴自是君家舊

物不足喜喜君子連茹遭時樹勳爲青史添佳傳耳

承遠書及昔年夢徵此亦事偶符耳館選首與更好
佳音天時向暑百凡珍重使行甚急未能盡懷容嗣
布不一

答于景素書

遠書佳貺燕感珍重且審清衙萬福治聲藉甚良慰
離索前承惠兩家料義已見留神理學茲復荷古作
垂教益占潤色文采仕優所得乃爾甚盛甚盛丈夫
遭時功業文章足堪表見乘盛年盛氣早自樹立謹

當拭目

內召定在春日面領雅談有期也靖節先生舊里元屬所部陶詩格調風韻獨步千載而其集惜無善本被諸家浪評敗其真境耳政暇能一切掃去諸評獨存正文命工梓之流傳海內必多賞音者係部內文敢附言高明以爲何如

又

書珎重開緘宛然良覲承憫念連枝周謝讀罷不崇酸涕天道悠悠竟莫可問奈何邇欲學古人之遺世者以自逃且以自寬學漆園則不能玄學竹林則

華陽洞藁

卷之十二

十七

三百十五

不能酒竟無所托以自逃且自寬也猶然故吾耳秋日報政便途還第得傾衷曲也承惠兩家粹意足爲兒曹指南感重百朋矣積懷千種尺牘不能一一

又

昔年報書後不能通一緘起居謂緘書不足以盡衷曲擬專一走候竟冗冗未能遂致踈隔昨秋承惠試錄且審入穀者一名士足賀足賀適會澹庵脩詢宦蹟江省當首屈一指

內召可跂足俟也令姪高第鳳毛森蔚郎君學問定

此即當題美也

荅鄧縵洲書

僕蓬蒿中灌園人也推不知文顧少顙喜論文足下負俊茂之才起里中淹醉騷雅顧肯過野人之廬惠我膏馥僕即不知文知足下言言文也別後猶覺衣裾間氤氲氤氲襲人拜貺良多病未報謝茲復荷尺牘燕之佳銘推枕開緘誦枚乘之發霍然病已讀陳琳之檄足愈頭風清明後當拏小舟唱榜柁歌一扣湖上齋閣也艸艸狀覆并謝

又

問奇仰扣精廬溪雲堤樹能作主人大雅清輝宛入

華陽洞藁

卷之十二

十六

三百五十二

良覲茲荷尺牘垂存高詠傳教珎重百朋矣秋風短棹再期佳會對客草草謝覆

又

小詩寄辱高齋荷手翰過譽多媿舊稿零落篋中已敝帚置之矣昔人云馬用文之況不文之尤者乎剗剗姑徐徐耳承翰囑感謝并覆

華陽洞藁卷之十三

雜文

奏疏一

金壇張祥鳬



奏爲薦舉遷謫官員以備擢用事臣聞明君需才以集事賢臣需氣節以用才才者氣也氣盛斯節勁而才以標顯然得才難聚億兆之衆求良吏之才千僅得一焉卿才相才萬僅得一焉故曰千人爲俊萬人爲傑蓋言難也知其難故得則寶之失則惜之稍逸則微加柔伏以曲成之而不忍久棄盛時下無遺才

華陽洞藁卷之十三

一

上無廢事者用此道也豪傑之才感時撫事慷慨論列往往過激此才士之習氣也故惜才者不以一眚掩德而使過賢于使功于直臣之犯忌諱稍警之以鞭影尋起之于泥塗知久創之後逸氣約束而調良之德成也原任南刑科給事中今謫楚雄府知事某風裁稜稜正論諤諤負百折不回之勇夷險一視聖一介不取之操豐約兩忘沉淪卑幕不薄其官投置遐荒益勤其職領郡委則森整軍伍橫障氛祲而瘴簪之蛇豕聞風屏息署邑事則剖決滯獄噓沫疲民而窮山之瘡痍濡澤更生公務旁午根節之盤錯恢

恢游及官舍蕭條冰壁之清寒炯炯照人橫逸之氣消融于柔伏之後調良之德增益于衡困之餘有才如此奚忍終棄于下位臣謂才猶器也函牛之鼎不以烹雞大小之用殊也才猶水也水居下不能上流無以溉遠水在天上需之爲雲可以從龍需之爲雨可以澤世上下之勢異也執器使之宜者大器不小用懷惜才之心者上才無卑位若某者以上才而具大受之器者也語曰千鈞之重加銖兩而移方今聖治雖隆賢俊雖衆加之一才亦銖兩之益千鈞也伏願

華陽洞藁卷之十三

二
三百三

陛下俯念人才之難得憫惜逐臣之久創

勅下吏部將某破格擢用則于

聖治未必無小補矣

奏疏二代作

一本爲遵

詔陳情懇乞

天恩俯賜改封以廣孝思以勵臣忠事臣聞聖皇之御臣子法以裁恩而恩或不可裁者有法外之意以廣恩是以恩流而法亦不撓恩普而忠益加勸臣山西解州人由進士原任山東淄川縣知縣恭遇隆慶

二年

恩詔在外七品以上官員曾經撫按保舉二次者給與應得

誥勅臣侍罪縣職五經保舉幸合

恩例臣父侯某原任直隸邳州判官從征紅羅妖賊露宿行間勞悴遵疾乞休于上官屢不得請病不可支棄官回籍嘉靖二十八年吏部考察以臣父在逃為民臣謂職官逃則削籍者法也為其以貪酷敗已逗法網傍竊徑實潛脫也臣父原無逗網罪狀特以病不勝官棄職全軀耳吏部冊籍明可查証居官行

華陽洞藁

卷之十三

三

三

優原可前白臣後陞授刑部廣東清吏司主事隆慶三年奏討前任應得

勅命該部提覆以臣父原係為民事例格不允封臣實不忍先身而後父本身及妻

勅軸不敢領者久之隆慶四年臣改授浙江道監察

御史蒙

恩倍渥報父倍切竊念

國家有法外之恩而臣不能祈

恩以榮父臣父有可白之迹而臣不能白父以祈

恩臣獨何心伏觀

大明會典內一款凡兩京官應請誥勅封贈其父有犯罪問革為民不該受封子將誥勅奏請移封者取

自

上裁欽此臣援引奏請上析法外之

恩該部題覆仰荷

先帝聖旨侯某准移封欽此欽遵給領

勅軸臣父授封山東淄川縣知縣臣荷殊恩即捐

糜不能報答隆慶六年恭遇

皇上恩詔一兩京文職官員未及三年考滿者俱與

應得誥勅如品同而職銜不同照見任改給署職者

華陽洞藁

卷之十三

四

三

與實授有願移封者聽若先已移封今給與本等誥勅欽此臣父例應改封該部因隆慶三年不允奏封之故題不允改臣念恩罪不並施先後無二例臣父已受

先帝之封是

先帝已白臣父之無罪也臣父得受封于

先朝即可改封于今日也臣父今非以邳州判官

乞封特以淄川縣知縣改封耳仰稽

先朝之恩典既有明徵伏觀

今日之詔例又有明款臣父當與

恩例審矣雨露之恩普溉萬物不忍一卉之不滋臣
何忍仰負浩蕩之恩而致臣父不在普溉之中耶昔
穎考叔嘗君一羹且思歸遺其親况臣叨沐
恩遇顯融優渥烏鳥私情其何能已是以敢冒
天威昧死陳籲伏乞

敕下該部再加詳議如果臣言有據容臣父改封或
准今次移封則

恩流而一定之法不撓恩普而臣子之忠益勸矣

華陽洞藁

卷之十三

五

本
百三十六

啓蒙條約八款

一曰定志向大凡人之終身作用只在念頭起處念
頭正則作用皆正一生受用念頭邪則作用皆邪
一生受累童蒙之時正是念頭起處決擇正當喫
緊蒙者矇也師以絲蒙猶刮去目中矇翳指以正
路所在也矇醫不開冒然狂奔必墮坑塹矣矇者
獲覩則長趨穩步行遠升高坦無傾跌故曰蒙以
養正聖功也

二曰培生意童子之學如草之初甲花之初蓋生意
微釋而未暢達必因其資之所近聰明時有一竅

華陽洞藁

卷之十三

六

本
三百八

迎而導之滋透露養引誘使之日漸舒發不至阻
遏方能充長小學之教在收放心心放而遽收之
必覺其苦苦則阻遏滋養之法不急不徐不苛不
縱誘掖引導使之歡忻踊躍無厭苦之意則生意
森發教言易入矣古人教童子使之歌詩詩有音
節能使精神鼓動血脉流暢皆善誘之方也一切
課程量其材質之可及而授之如人行十里者使
之半十里而止則意氣安閒常若有餘而樂于向
前矣

三曰習威儀童蒙之時血氣未定肌膚之會筋骸之

束尚是脆軟導之正則易正如杞柳嫩軟之時制為栝棬不必費力及其壯勁則費矯揉矣凡氣皆上升者上升則易驕凡氣皆舒散者舒散則易縱小學之法教之恭敬所以抑其驕也教之安詳所以歛其縱也凡一進一退一唯一諾皆有儀則乘其血氣未定之時而止邪于未形也

四曰教誦習童子讀書先要口齒清利字音明潔正目注視正身端誦勿左顧右盼勿口誦心馳一句一字先將家常話眼前事細與訓解使其知書義則易記知書味則喜誦

華陽洞叢書卷之十三

七

三百七十五

五曰習書法昔人論書謂其如立行如行草如走童子乃方正之時使其學真務要端楷楷書以頽姜為法雖未可驟語乃拙射之穀率也倣中日驗佳字幾何日多一日則加獎勵日少一日則加警朴六曰習對偶童子當使學對字義有虛實字音有平仄因學對始知調適矣六義五聲亦可類知他日屬辭比字諧聲合節自不錯繆而無章

七曰慎交友陽明先生謂朋友習染如油漬麵不覺深入此善喻也况童穉之時中未有主更易緇染大而倫理威儀小而飲食衣服每因所見以移其

好樂不但居學當擇良友居家居鄉處鄰戚一與正人相交不覺自入于正每見人家子弟一遇輕薄少年導之飲博淫放以至于亡身喪家不可不慎故曰胡越之人生而同聲及其長也累數譯而不能相通使越人自幼而適胡則胡語矣長而適胡未必盡胡也故擇友尤蒙養之急務也

八曰正倫理讀書為學學為倫理也童子所與不廣就其身之所接有尊長有敵體有卑賤事尊長以孝敬待敵體以謙和下至童僕外及鄰里禮貌言辭一一皆要中節暴厲之語聞狠之氣痛自剋制不以加人平時讀書為學皆要此處體認古人說體認二字最好體是身體以身之所有與所誦習相質證也要使書中所載與身上所行不隔一層方是體認

華陽洞叢書卷之十三

八

三百五十九

表 萬曆癸酉雲南

擬宋增置制舉六科群臣謝表 景德二年

景德二年某月某日具官某等伏蒙

皇上增置制舉六科謹奉表稱

謝者伏以

帝典肇稱萬國際

文明之景運賢科弘啓群材溢彙進之亨衢

頒丹詔以諭蒙區

綸音雷動

臨彤墀以

華陽洞彙 卷之十三

九

賜清問縫掖雲從文苑流輝士林生色臣等誠懼誠

忤稽首頓首上言竊惟天地之生才不類恒區

別而朋分帝王之立賢無方當囊括而器使四

門廣闢集八元八愷以亮工六行咸賓聯三宅

三俊以事帝漢舉賢良方正猶譏其舍驥而服

駕唐試博學宏辭或嗟其進竿而退瑟才堪集

事何擇骨庫之早智可策勲當解疊臣之縛逸

卿材以資晉結網已疎求國士以退秦儲才不

豫豈如

昭代肇闢弘規茲蓋伏遇

○○○○

聰明睿智

文武聖神

華渚毓祥吉應

慈帟之夢

青宮養望喜回

聖祖之額值建隆庚申日光兆

帝圖之禎瑞迨乾德丁卯奎纏儀文運之英華纂

祖

考之鴻基泰山磐石啓人文之昌運風虎雲龍

華陽洞彙 卷之十三

十 二百三十四

幸璧水以講尚書遠軼園橋故事開瓊林以宴進士

遙分

上苑春暉猶謂設科不足延攬英雄復增制舉于

以網羅豪傑

青霄賢路旁招岩穴之隱淪

絳闕公車誕登膠庠之髦俊開天闕以選騎神奇

空大宛之蒲稍創雲構以徵材輪囷傾鄧林之

杞梓道德文學集衆美以聯步天衢才識吏能

會群英以同登雲閣錄帷幄之才以折衝千里

收熊羆之士以撻伐四夷列選六科必求經文

緯武之器儲才兩府行當出將入相之崇仰

側席之懷

躬賜臨軒之試經生學士紛慶幸以彈冠劍客材官蔚連翩而入穀允矣

盛王之曠典信哉髦士之禮門麟鳳巢仁趾瑞苞之並貢珠淵玉圃夜光明月之咸珍臣等躬逢連茹之期敢負積薪之愧仰慚召伯矢吉士之詩千卷阿願効王褒獻賢臣之頌于

聖主伏願

廣求賢而精考課東

華陽洞藁

卷之十三

十一

本一百九十九

離照以辨忠邪內君子而外小人升泰階以阜民物

世臣培

國家之喬木壯猷重疆場之長城臣等無任瞻

天仰

聖忻躍感戴之至謹奉

表稱

謝以

聞

策

萬曆癸酉雲南

問國家致治之大端在造士任官士習吏治之醇疵王道之污隆係焉三代尚矣奇士良吏西漢為盛儒林傳載經生博士雲蒸霧集其經術文章孰優乃文士不入儒林傳經術文章抑二致與循吏傳所載進長厚而退嚴明德化才智抑不相為用與今士習吏治回視西京孰醇孰疵士習吏治亦通而為一否與茲欲登才進良軼漢氏而上追三代之隆其道安在諸生以士自待行且有吏責者其各言爾志毋諱

華陽洞藁

卷之十三

十一

對君子之明體也以正學而其適用也以全才學不正則或華而不實或實而不華無以明道術以豫經世之基才不全則或弛而不張或張而不弛無以廣事功以達養盛之用兼華實以並茂正學也時張弛以妙運全才也然膏沃而後光燁實又所以滋華華之不茂亦其實未充耳弓調而後求勁弛又所以豫張張之不勁亦其弛未宜耳嘗稽三代以上學出于一求其孰為道術且不可知經術文章奚能辨其殊途求其孰為事功且不可名才智德化烏能別其異致世

道不古俗學行而偏才用明經者薄翰士之過
浮摛文者鄙經生之過鑿專門拘方若遽除之
不能俯臧施之不能仰甲可乙否以相訾剛克
者議惇大爲過靡柔克者指明作爲過激朋分
角立若治氏之不能斷梓氏之不能陶不合不
分以相詬求其全體大用合一而時措內聖外
王并包而順施亦千百之什一耳故嘗以明經
而不文即窮幽探奧亦爲朴儒藝文而畔經即
締章繪句亦爲詭談剛而不能柔太剛則拆非
剛中也柔而不能剛太柔則廢非柔中也是惟

華陽洞藁

卷之十三

主

三本

學俗而不醇才偏而不合明體適用之道微矣
風俗之升降王道之汚隆于是焉分有識者未
嘗不慨世變之江河而思起三代之英于九京
也三代以還漢之西京得人獨稱盛焉稽之班
史儒林傳以列經生自丁寬以下咸稱宿儒或
因門人謝歸而易道遂東或慕師傳絕學而遺
子授業或抱不傳之遺經而衍先聖之淵源或
授門人以尚書而動時主之欣賞咸邇師友之
脉以成一家之學者然文采不大表見而長卿
之詞賦上掩三閭子雲之絕倫見稱桓譚文人

之雄也傳不列焉則知漢之士習先經術而後
文藝敦本實也乃傳中若孔安國傳先聖之家
學闡典謨之微旨經術明矣而尚書一序溫厚
爾雅與易繫相表裡回視子虛上林之浮華若
荆玉燕石之殊采宋儒疑其不似西漢文字此
正儒者之文滌塵滓而飄然遐舉者也是經術
未嘗無文膏沃而光燁者也有循吏傳以列治
行自文翁以降咸稱良吏或治去太甚不因衰
頽易掾或化崇愛利不以笞辱加人或坐僮子
授經而文教興或愛小民如子而名稱著咸務

華陽洞藁

卷之十三

十四

三本

任德之化以存惇大之體者然嚴毅不聞兼施
而趙廣漢之摘發如神何並之馳斬橫貴才吏
之選也傳不與焉則知漢之吏治進長厚而退
操切存大體也乃傳中若龔遂以明經起家以
儒術飾治德化洽矣以渤海出威稜震疊不動
聲色境盜奔潰回視子都子高之驚繫若騶虞
狹狷之殊性漢史稱其忠厚剛毅有大節此正
全才之治起孤標而偉然高峙者也是德化以
運才智弓調而射遠者也雖然漢之醇儒吾得
一董仲舒焉窮春秋之旨而經術醇明應天人

之對而文章爾雅史不列于儒林固知漢以儒
林名者咸得爲正學非耶漢之良吏吾得一汲
長孺焉清靜無爲致東海之大治風采凝峻折
淮南之逆節史不列于循吏固知漢之以循吏
稱儲爲全才非耶我

國家以明經育材以經義校士通經學古者如林
含商咀徵者成市英聲茂實翔洽遠邇巍第殊
勲照映後先上薄董生平揖安國翩翩盛世之
鉅儒也明經者本求涵詠義理以融釋胸次証
據子史以達觀昭曠由是沉浸穠郁含吐英華

華陽洞藁卷之十三

五

三言

而文生焉經之以周情孔思綿之以日光王潔
經術精華即爲至文文章雅醇莫非經術所
謂實豫而華茂者也造士之盛典也乃今習偷
而趨愈下士窮一經讀未終篇擬有司之試而
卒啟章句之分析無師友之傳而不知節脉之
貫屬子史百氏聖經羽翼士不置于案賈不鬻
于市或叩馬則愕顧而不能舉其名或試焉則
茫昧而不能知其處至其操觚伸紙不能據其
胸中之所得掇陳拾腐徒以葺其口耳之勦襲
及其試有司也鏤冰爲巧州邑所優者不能必

之乎監司其試監司也乞鄰爲有監司之所錄
者不能必之省闈有司以明經登賢賢者如是
授之以政能無製錦之慮耶此士習之弊所當
亟爲轉移者也郡邑以科貢任長吏以雜流任
參貳尚德化者海涵春煦任才智者鸞舉鳳生
薦書列其偉績輿頌暢其賢聲固能拍有渤海
方駕淮陽卓然大雅之不群也司牧者本期以
實心實政煦鋪長養疾痛苦樂通爲一體教行
化洽如是而不率法始行焉苟有益于民杜排
群議而必行苟有當乎機宜冒不韙而必發長

華陽洞藁卷之十三

六

三言

厚中和即爲嚴明嚴明適即莫非長厚所謂
調而射遠者也吏道之所宜爾也乃今才分不
同識見殊致長厚者以爲當與民休息破觚斲
稜以容奸爲大體決防徹藩以循默爲安靜守
故事以踵頽襲敝苟歲月以積資待遷本無鷹
鷂之志而藉口鸞鳳以掩其短下將何賴焉其
以才智用事者炫明矜察操下急于束濕露才
揚已賈譽捷于奔市密禁網以殲橫即元氣之
潛損不顧急期會以赴事即罷民之被窘不知
國家爲民社任吏吏治若此能無查負之憂耶此

吏才之偏所當曲為調劑者也夫學術者君子所需以濟事功者也士習偏而不正學術敝矣安望其吏治之醇事功者君子所藉以行其學術者也吏才偏而不全事功卑矣何以驗其士習之正轉移士習者在選舉明經者必究其師友之淵源脉絡之融貫而析言破律者黜業文者必取其經義之精華心得之義理補葺勦掠者斥士習庶幾一變矣乎調劑吏才者在考課溫良仁厚者審其不偏于無斷沉靜安舒者驗其不失于後時斯為柔中而可陟否則黜焉聰

華陽洞藁

卷之十三

十七

中

明疏通者識其不流于太察勇猛剛強者鑑其不涉于太暴斯為剛中而可庸否則斥焉吏治庶幾其一易矣乎雖然君子之學也將為聖賢立心一行不醇有愧于聖賢吾身有餘責焉奚待選舉而後勸君子之仕也將為生民立命一夫不獲有負于所學吾心有餘懼焉奚俟考課而後懲選舉之勸懲所以待中才非所以待茂異也考課之黜陟所以待凡流非所以待豪傑也茂異豪傑愚生未之逮也而有志焉

問先哲論平天下而曰生財有大道曰生之者衆

蓋生者天地之大德也四民惟農能生他皆所以靡之者周以農開國綿祚最久遠厥有自矣嘗謂農桑並急周官一書論農甚具而桑缺焉何也乃國風戴記則往往見之漢之文景重農詔貴長吏甚詳懇而亦不及桑貨殖傳則謂千樹桑與千戶侯等而漢詔遺焉何也後世若崇陽兌權茶之稅襄城遺著作之思桑之切于農所從來久矣今之蚕桑徧海內而吳越間最著滇去吳越阻山萬里不桑不蚕即尺帛亦遠市亦何憚而不樹植與茲欲令長吏勸農蕃宗陽

華陽洞藁

卷之十三

十八

本

襄城之業風土宜否諸士生長于斯其詳言以為有司之一助

對天地有自然之利而王政有導利之權天地之大德曰生因所生之利以立民之命國家之聚人曰財因天地之利以阜民之財天地之所生不殖不滋王政之所聚不導不流殖之而滋非益之以其所本無也因民之所利而利之至足也導之而流非強之以其所不樂也因民之所便而教之至順也殖之蕃導之流而衣食足至仁也衣食足而民人悅國氣舒至治也愚生觀

風土之便審樹藝之方念此至熟也請因

明問而悉數之于前古語云人情一日不再食則飢終歲不製衣則寒衣食者民生之所必資農桑者衣食之所必需一人耕之十人聚而食之欲求無飢誠難況于不耕而冗食一人蚕之十人聚而衣之欲望無寒誠難況于不蚕而坐靡譬之于水廣其源而徐達其流則其流長引其流而顧塞其源則其流竭農桑者衣食之源也衣食者農桑之流也嘗稽傳言生財不言理財不言興利而言導利聖人見利益于天地之

華陽洞叢書

卷之十三

十九

本
三百五十八

間本生生而不息也因而生之使阜本源源而不窮也因而導之使流此王政輔相天地之宜以定經制之規左右民物之命以弘阜成之治用此道也七代盛王惟周享國最久遠要其開國因后稷樹藝以立有相之道子孫世守以享太平之業至周公作周官以經綸康濟亦惟上沿先公之懿矩三農生九穀之制分列甚具言農而不及桑蓋農之于桑猶其于稼也農則必桑桑非農不植也當其時在上則公桑蚕室之必躬所以明有事也夫人齋宿以獻蠶所以明

有敬也在下則伐遠揚以滋植所以明力本也

執懿筐以采蘋所以明婦事也及其成則黼黻文章以交神也我朱孔陽以華躬也勤而適勞而不悴盛世太和元氣盈溢宇宙閭閻里巷之民嬉嬉如小兒狀迄今猶可想見開衣食之源而導其流有此具也後世若張忠定之治崇陽仆茶樹桑既免權茶之擾又獲蚕績之利民德之不忘范忠宣任襄城檄民藝桑治蚕民懷之以著作名林二公庶幾乎王佐之才也觀民之利桑則太史公稱其利益等千戶侯詎不信

華陽洞叢書

卷之十三

二十

本
三百五十九

哉今蚕桑之利徧海內而吳興之俗獨勤植桑必蓄培溉必腴浴種必時飼葉必勤結蠶必瑩繅絲必潔富者被純綿之麗密而市其餘以致儲積之盈溢貧者免祁寒之咨嗟而貿其入以償公私之逋負北亘澤潞東連島夷航海輿金市其門者蠅毛而集惟力本勤故獲利厚惟獲利厚故力本愈勤此吳會之俗其勤桑大抵然也滇處西南徼外其情苦飢寒而利衣食與吳會同風土之宜桑農家之宜蚕與吳會同農稍知耕而蚕桑則猥爲長物置之耕而不桑必靡其

耕之所入以易衣耕以給食而衣復資之一業而二者需焉柰之何民不飢且寒也飢寒切身慈母不能有其子上安得有其民柰之何民不窮且盜也不桑則致農之貧農貧則驅而之盜民已屈矣而競靡好華之俗又從而劇之游賈以土著之不桑也販帛于萬里之外以濟其無因斯從來之遠且艱也坐肆以要市高價所售必倍土著因俗之不桑也市帛于賈肆因其所需不可缺也聽其要市所酬必倍中土之一纖微外之二纖也中土一金之直微外二金之直也

見之移人也人情雖甚愚未有不樂溫飽惡凍餒者非病狂喪心未有裂衣拒食而樂于貧且盜者其轉移警覺之權有五一日風導以移其習夫言語不通或累數譯莊徽置而齊語習文翁以蜀之少文也資士入觀都會歸而轉相覺諭蜀竟文采茲宜令州邑各遣一人入吳躬習其俗時溉繅飼之方貿易盈溢之利得于目擊必欣艷之歸以語人當有莊徽文翁之轉移也或疑其憚涉則官資以直市帛貿絲歸而售之如故所資之數輸官而自收其羨見利而不憚于閭閻人情也此易俗之一便也善風導也二曰利誘以作其勤民之趨利如水之走下未觀其利而先勤其事非所以責耕傭也吳人力桑非徒以自衣亦以易厚利也漢人論貴粟在以粟為賞罰茲欲南人知力桑之利莫如貴帛貴帛在令入賞之掾吏以帛代貲而以其所入當官吏廩祿之什三遠賈外販禁毋入疆一帛一纖必市于土著市者衆則桑者獲利必豐獲利豐則農者務桑愈力此易俗之二便也設利誘也三曰檄樹藝以作勤周制植牆下以桑而宅

不毛者有里布之罰晁錯曰貧生于不足不足生于不農不農生于不地著滇境曠土彌望即有樹植利其果實可市而桑則藐不知勤未見其利益而習于故俗久也風導利誘民既知利矣檄里胥專諭務俾種植如檄不毛不地者罰如令或疑土瘠不蕃不曰沃土之民不材瘠土之民向義乎昔人指桑疇爲羅紈不毛不地是裂紈毀綺而抵之塗炭也此易俗之三便也檄樹植也四曰懸厲禁以警惰語云一夫不耕或受之飢一婦不織或受之寒是以敬姜貴而猶

華陽洞藁卷之十三

廿三 三百七

績婦無公事休其蚕織周道之所以不振也滇俗尚靡而好逸游其浮窳者飾裘馬侈飲博日游都市不緣南畝婦無采桑之風而有好游之習先民云一日不作百日不食懸厲禁以革敝俗男務耕桑婦勤蚕織此易俗之四便也禁游惰也五曰懲末作以絕技巧王制錦繡珠玉成器不鬻于市漢詔云雕文刻鏤傷農事者也錦繡纂組害女紅者也人之才技華實不兩能農桑衣食實也雕鏤錦綺華也識治體者不以華勝實務本業藉以富易貧今滇俗雕犀刻象鏤

鐻刀劍爭妍競巧沿爲恒俗夫是數者寒不可衣飢不可食而務焉農桑衣食一日不得而飢寒至顧舍此而務彼炫華而忘實此所謂舛也愚以爲工商浮靡之末技一切禁絕驅而轉之南畝此易俗之五便也杜末技也導之以本業則生之者衆足供其所需防之以厲禁則靡之者寡不傷其所生王政之大經也民情在順導不在強率習俗在潛移不在驟革此王政之微權也雖然周以農桑永祚非獨其制善也公卿大夫執親蚕之禮以標勤崇素絲之儉以防侈

華陽洞藁卷之十三

廿四 三百七

身教豫也利導之詳而又身教之端持此以轉移民風登之王道何有

表

恭賀

皇上登極表 代察院

伏以

鼎命新疑

五位正大君之統

離明重麗八紘觀

至德之光運際

熙朝天開

元聖恭惟

華陽洞藁 卷之十三

皇帝陛下

神姿天縱

聖德日新

隆純孝于

九廟

兩宮承

正統于三皇五帝當

守成而懋

重光之德掩周室之文孫聞勸進而出再讓之

漢家之令主

廿五

本一百一十一

中天地以宰民物

統華夷以主綱常

寶位垂衣

皇極建壬申之夏王衡齊政

曆元開癸酉之春瞻

冕旒于九重瑤墀委珮執玉帛者萬國

金闕闡鍾

聖容如日如雲照臨四海

皇言為綸為緯鼓舞萬民臣問俗問閭

帝力潤堯衢之耕鑿采風郡國樂章登禹服之謳歌

華陽洞藁 卷之十三

伏願

聖學與常布不同親賢遠佞

皇圖與乾坤作配軼帝逾王

益弘大化于無疆

永顯太平之有象

恭賀

皇上登極表 代都院

伏以

元開寶曆

聖皇弘建極錫極之規

廿六

本一百一十三

位正瑤宮大禮肇尊

親養

親之典

慈顏胥悅

純孝並隆恭惟

皇帝陛下

統繼堯中

德先舜孝

竇聰明以作父母有血氣莫不尊親當

一人履帝位之初正

華陽洞藁

卷之十三

廿七

本
一百五十一

二聖崇母儀之日

仁聖皇太后舉

鴻基以傳

宗子仁配坤元

慈聖皇太后孕

龍德以肇中興慈鍾

震器極盛難繼有開必先虞頌英皇猶不能善嗣君

于繼世周歌姒亦未聞隆母道于同朝

淑德交輝一時無如

今日

徽音遠映千古獨掩前休肇稱上儀

御鸞輿以告

清廟式崇

尊號端龜筮以卜佳辰

王音述罔極之恩引輔臣以授簡

金冊揚匹休之德命宗伯以宣綸卿雲護丹掖窓

疏

春暉並永景星拱

紫微垣位

婺彩重光宴洽

華陽洞藁

卷之十三

廿八

本
一百七十二

慶成百辟醉瑤池之玉醴

詔蕃

恩賚萬方分瓊露于

金莖臣

三朝榮遇再逢

帝典之維新萬里瞻依恍覲

天顏之有喜伏願

推至德要道以順天下四海濡不匱之恩

體乾父坤母以子域中群黎熙樂只之頌

恭賀

皇太后表

代布政司

伏以

禮隆

大內六宮儼

正位之崇

孝篤淵衷

萬乘極尊

親之至

養以天下歡動域中恭惟

皇太后陛下

華陽洞藁

卷之十三

廿九

二頁中

順德性成

令儀天賦

體坤元以配

乾健助

先皇克正其終扶

震器以開泰階啓

今上能虔其始

樛木逮恩于壺內恭旨繼響于周南

五位龍飛肇舉盛時之大典千官鵠立式崇禋之

上儀見

金冊之高擎函捧

宮雲五色渙

王音以誕布文搖海日重輝女史記

動記

言並操彤管昭容傳

警傳蹕交擁

翠華臣等職守南藩神馳

北闕想像

慈顏有喜舖張

盛美無前伏願

華陽洞藁

卷之十三

三十

二頁本

燕寢凝和坐享

一人有慶

龍樓錫祉永綿萬壽無疆

恭賀

皇太后表

代按察司作

伏以

闔闔天開式舉尊

親之大典

掖庭春盎肇稱

正位之上儀

盛美無前

聖孝不匱恭惟

皇太后陛下

德茂中宮

儀端內則

嚴內言外言之出入彤雲層護青蒲瞻

母道

君道之光華綵仗平分

丹陛扶

真人建維皇之極德配兩儀上

華陽洞藁

卷之十三

三十一

本
一百三十六

徽號酬

罔極之恩歡騰萬戶

授詞頭于學士遥聞

天語之丁寧捧

制冊于上公仰觀

慈顏之悅豫臣等持節日南欣覩

紫泥之頒鳳馳神

天北遥瞻

丹宸之

飛龍伏願受

一人北面之朝尊之至養之至

應百辟南山之祝千斯年萬斯年

恭賀

仁聖皇太后表

代察院

伏以

天迥

坤寧肅

母儀以正位

龍飛乾始懋

聖孝以尊

華陽洞藁

卷之十三

三十一

本
一百三十六

親化洽

兩朝歡傳九域恭惟

皇太后陛下

聖慈夫植

淑德性成配

先皇資內則之風開啓

今上仰

慈顏之睟穆金鋪春靜六宮寂出閭之言魚鑰晨扃

三殿寢垂簾之議當

聖王正始之日報

慈闈罔極之恩詞頭裁自

宸衷

召侍臣以授簡

詔語文成典誥

宣宗伯以擎函

一人儼北面之朝百辟獻南山之頌是誠

聖心之純孝允爲邃古之上儀揚

睿德與日月並明

金冊晃彤雲高映頌

聖恩與雨露同潤

華陽洞葉

卷之十三

三

中一百五

王音驚彩鳳遙傳臣持繡斧南巡率萬民同呼萬歲

傾丹心

北面隔五服遙望

五雲伏願

德凝坤靜

瑤宮絕內降之恩

運履鼎新玉食享萬方之養

恭賀

慈聖皇太后表

代察院

伏以

椒殿凝和應珍符以開

元聖

楓宸議禮奉

寶冊以陳

上儀原一本以酬

恩合萬方以錫類恭惟

皇太后陛下

先天毓秀

應運孕靈為

社稷以發震祥流虹啓

華陽洞葉

卷之十三

三

本一百五

聖承宗枋以新

鼎命扶

日行天貫魚遠却座之嫌鳴雉秉脫簪之德

宮闈輯睦上追虞室之二妃戚里恬愉下掩漢京

之諸鄧

徽覽崇而

徽音益顯

大禮成而

大孝以降

閭闔霞開學士草冊文以呈

御覽

掖庭雲護

昭容傳警蹕以肅朝儀慰

先帝在天之靈遂群臣尊

主之願臣聞

鳳詔之遙頒恍覲

慈顏咫尺整牙冠以率舞疑隨法從班行伏願

春永西池百遍見蟠桃之散錦

福深東海六宮賦樛木以攄丹

恭賀

華陽洞藁卷之十三

皇太妃箋 代布政司

伏以

柱掖凝香誕

元良以御世

椒庭茂祉隆

聖孝以酬恩禮絕六宮

詔傳萬國恭惟

皇太妃殿下

夙闡坤德長發

震祥

端壺範于

先朝正

母儀于今日

躬衣締之儉德彤管持書進辭輦之謹言

翠華駐聽當

聖主履端之日上

慈帟正位之儀太史卜辰五色日華呈瑞侍臣捧冊

九重霞彩敷文臣等萬里觀風戀

主頻瞻直北

百年興禮服官留滯周南伏願

華陽洞藁卷之十三

嗣徽音于太姒太妣曠今古以重光

繼令聞于

慈慶

慈寧協後先以濟美

恭賀

皇太妃箋 代布政司

伏以

懋德椒宮嗣

徽音以瑞世

發祥虹渚生

元聖以御天

有開必先

極盛難繼恭惟

皇太妃殿下

睿安淵默

令聞昭宣

媲美塗山誕啓

敬承之令主

匹休周社肇基

過曆之洪圖扶

華陽洞藁

卷之十三

三七

本
二百五十六

瑞日曉出岵夷照臨萬國起

神龍高飛海宇化育群黎禮必隆于所

生式崇

徽號

恩欲報于罔極肇舉上儀

詔諭普天恩被遐陬浹洽

簾垂匝地香飄

合殿氤氲臣等班隔鵷鸞望

九重而據素賀同燕雀馳萬里以披丹伏願

福隆仙掖天符人瑞凝休

德享

帝心

聖子

神孫濟美

啓

賀楊冢宰啓代鄒作

伏以台垣凝瑞天和長盛彤闈壽域開祥月令平

分朱夏德隆福遠膏沃光流恭惟某官坤道承

天嶽靈瑞世

華陽洞藁

卷之十三

三八

本
二百三十八

廷對三千禮樂弱冠登科胸盤十萬甲兵強胡徙幕

分本文于關輔蟬聯邁漢室之諸楊開甲第于蒲

都鳳彩映虞廷之群后歷中書二十四考郭汾陽

猶不遇清時居空同千二百年廣成子尚多歎峻

烈大業遐齡之蓂茂微公其誰與歸

聖君英辟之交逢曠世于今再見賈使儒潞公之丰

采兒童知君實之姓名樞密重登紫塞澄清萬里

銓曹再入青雲茹拔群才位三孤以貳三公坐沛

甘霖澤世首八座以擎八柱起扶

瑞日行天登

朝四十五年旂常勲茂介齡六十三歲劍履班崇綵
袖承歡蔚鳳麟之英嗣朱門上壽紛貂錦之貴游
天心壽平格以翊

中興

帝眷優老成以佐昌運其高山仰止恍挹秀色于中
條遠道夢思儼接清輝于北斗披寸忱遙申燕賀
函尺素肅布魚緘

按院啓

伏以塵清裨海百城肅象簡風生節屆佳辰千里
觀駟車電轉恭惟其官儀庭威鳳瑞世神羊憲節

華陽洞藁卷之十三

三九
三百八

霜飛萬壑豺狼宵遯恩波露潤千山草木春回紆
九重西顧之憂達聰明目代五月南巡之禮用夏變
夷風伯戒塗閭里挹時薰以解阜雨師灑道華夷
隨登攬以澄清逢蒲節之清佳起居萬福抱葵心
之丹赤傾布寸忱某等效義叔官宅南交勉布南
訛之政仰韓公名高北斗願致北面之恭伏願不
麾消効慨賜海容

按院啓

伏以桂闕飛丹多士際攀龍附鳳之會蘭臺揚采
群僚仰經天緯地之文恭惟其官詞林名重憲府

標崇奉

簡書按部南滇映文昌流輝東壁維茲萬曆元年科
開癸酉爰卜八月七日辰在甲申祇肅迓筵候駟
車之燕喜監臨文學入藝苑以持衡願乞照臨之
末光與沾太平之盛典

部院啓

伏以玉節臺高萬里仰憲威霜凜金方氛靖百年
際文運天開恭惟其官位應紫微望隆赤舄文經
武緯儼吉甫之憲萬邦泮頌片歌宛魯侯之育多
士於人文以漸盛議解額之當加封章晨

華陽洞藁卷之十三

四十一
三百九十九

奏

俞旨夕頒四十五之科名網羅豪傑二百年之曠典
振舉維新誰云當雲蒸龍變之時共知荷旋乾轉
坤之力卜仲秋之七日率文學之群僚當鎖鑰苑
以掄材合循故事以張晏敢祈台光之貴采佇看
文宿之增輝

黔國啓

伏以建牙萬里炎方荷夷授全消開府百年裨海
仰將星高映恭惟其官金貂胄遠帶礪盟堅禮樂
資積德以彬紛庠序借餘波以溉潤秋分蟾闕登

文士以挹祥光典重

天朝命儒臣以愚藻鑑茲特仲秋七日式陳清暑一觴祈節鉞之貴臨增章縫之采色

按院啓

伏以棘徹晨闌國士應泰階而彙進華香秋野賓
筵協小雅以登歌恭惟某望重西臺文高北斗當
聖主龍飛之始開文苑以持衡會髦士豹變之辰引
群才而入彀朱絲繩直爭傳崇雅黜浮王筍班清
共慶羣麟附翼輿人賀得士獨冠平時諸生獲登
門共誇奇遇啓省堂以張晏謹齋沐而卜辰願借
華陽洞藁卷之十三 早一 本 三百〇
台光俯照四筵之俎豆庶覃惠普沾一榜之章
縫

部院啓

伏以重鎮遙臨茂偃武脩文之績鴻鈞獨運弘崇
儒興學之規恭惟某望重三台班聯八座霜華肅
開府爭看氛靖九夷雲彩蔚層霄共觀光聯五緯
下士一當顧盼赤驥空群凡材咸荷陶鎔青萍長
價茲逢

聖皇之御極首闡賢科仰藉鈞臺之重儒議增解額
與登虎榜人人歌舞鴻恩獲造龍門世世誇傳盛

事約文當霧岩曉霽天高金馬碧雞鹿宴逢華野
秋香士集南金大貝戒卜人以擇吉肅啓上賓鈞
樞率髦士以張筵望塵遙迓軒蓋

黔國啓

伏以武功開國二百年喬木世臣文教作人一萬
里青雲高路恭惟某高華世胄青茂年姿吹角西
風萬徵夷氛遠息建牙南土

九重

聖澤遙瞻士類霞起雲蒸咸資陶冶賢科麟近鳳蕭
共際

華陽洞藁卷之十三

早一 本 三百七十三

休明宴敞鹿鳴士爭鵬擊敢拜書以邀劍履式清道
以候軒車

座主啓 已未會試

伏以東壁開祥芒彩照青藜之閣

上台啓瑞文光搖丹鳳之樓昌運欣逢時髦競秀恭
惟宗師

日邊法從海內文宗花照曲江首折一枝春色雲香
瀛嶠上聯萬玉仙班長楊夜直子雲金馬啓登方
朔振藻麗昭回之雲漢白玉堂高校文回大雅之
風猷朱絲繩直當草茅之暇開東閣以進群英暨

百年今強半。况復春分後。徵逐高陽徒。十千沽一斗。
村中無吏人。花間有惟友。世事總浮雲。醉鄉堪白首。

村居坐雨

辭秩罷朝忝村居。狎農圃種樹八九株。稍稍蔭環堵。
無營起常晏。與柳茶烟午。不聞當關呼。時聽幽禽語。
匡床淨無塵。蕭然坐寒雨。夕風轉淒緊。落葉不可數。
隣曲事農作。往來寡朋侶。課兒誦文史。呼童問禾黍。
舊業讀與耕。茲外無所取。伊昔秉微尚。中情頗豪舉。
老大始登朝。曾無一字補。歸來安寒劣。誰云薄簪組。
優游良在茲。無悶豈獨古。

華陽洞集卷之十四

二 本
三百二十五

荷池夜集

涼夜迎風館。列席俯清池。朱花嬌綠水。綽約神仙姿。
露氣一何馥。暗落黃金危。皎皎雙玉童。倚曲吹參差。
一吹池水碧。再吹山月遲。高歌堪累日。不問夜何其。

石湖訪舊

黃葉落不盡。平湖澹無波。泛舟湖上來。訪舊青山阿。
長揖謝故人。六載今重過。豈不念清標。遠道成蹉跎。
向來山中月。依舊清光多。呼酒斟酌之。君起爲我歌。
歌長山月落。醉顙亦已駝。揮手別君去。奈茲良夜何。

虎丘山房

僧屋翠微半。窈窕青苔路。空林無鳥聲。白雲自來去。
遠尋素心人。直到雲深處。振衣臨高臺。夕陽在紅樹。

花朝鄭園登臺

弱齡秉微尚。曠懷在塵廓。願挾列仙人。連翩遊五岳。
榮進非所欽。誰能淹宦學。抱策逢休明。中年仕宛洛。
不識金張第。詎慕子雲閣。澤雉厭樊籠。羈縻懷舊約。
故人賞我趣。邀我共行樂。花辰既在茲。清樽復不薄。
夕陽臨高臺。西映青山郭。花開一何晚。枝頭幾紅萼。
對酒惜花遲。猶勝悲花落。

晚春書莊水亭

華陽洞集卷之十四

三 中
三百四十五

十日不出門。出門芳草晏。遠岫晴雲滋。緒風啼鳥變。
高樹夾廣路。雜英滿遙甸。入寺不逢僧。經聲隔松院。
嘯坐小山西。紅藥當堦亂。曲池清且漣。明滅孤亭畔。
蒲葉綠於水。藤花落如霰。斗酒價十千。春衣聊可換。

直河道中

泛舟遵長河。河水廣且深。青青河畔柳。上有鸛鳴禽。
感此懷所離。戀波青山岑。故山日已遠。杳隔子微音。
攀柳折其條。願寄千里心。路長渺難越。愁賦江南吟。

下邳吊子房

子房本俠士。意氣橫秋旻。志在翊亡韓。養士輕黃金。

劍術豈不偉。惜非古所欽。磬折進墮屨。奇編獲名琛。
佐漢既龍躍。報秦亦淵沉。素願一以酬。封侯非夙心。
長揖謝主組。鳳凰翔千尋。英雄已云歿。圯橋橫古今。
高風不可攀。長淮空自深。

濟上晚行

水落不盈尺。舟行悵多阻。對此明月光。青宵泊狂渚。
夜闌新水來。稍覺舟人語。解纜及晨流。孤帆曉容與。
攤書坐蓬窓。風簾散微暑。遠視浮雲征。飄飄薄何許。
豈不戀舊山。隨風忽遐舉。感此賦行邁。含情獨延佇。

丹夜聞笛

華陽洞葉卷之十四

四

三百五十九

粼粼綠水波。皎皎明月光。客舟美清夜。披衣坐匡牀。
笛聲一何幽。臨風激清商。行雲澹容裔。落梅紛飄揚。
能令客愁減。能使煩襟涼。曲終烟月墮。空餘關塞長。

東郡道中早行

雞鳴庭樹曉。漏斷晨星踈。濃霜白於玉。皎皎塗堦除。
攬我征衣裳。出門復驅車。數里始辨色。并屋炊烟初。
日氣結朝霞。絳色橫扶餘。已欣遠懷曠。復懼塵眼舒。
馬嘶驛樓近。晨風吹白榆。計程尚千里。歲宴歸吾廬。

招隱山樓看月

長嘯翠微半。山月忽東上。松際露清光。攬之不盈掌。

惟友兩三人。開窓坐閑敞。宿鳥赴幽期。飛泉遶清響。
有酒旨且馨。有月皓以朗。長吟招隱詩。臨風寄遐想。
公子歸去來。山中瑤草長。

題閔道士山樓

仙人喜樓居。架樓青山曲。嘉樹一千章。色映窓櫺綠。
調鶴白雲端。汲澗華陽麓。來往不逢人。馴鹿閑相逐。

東平道中

驅車涉長道。荒塗曠無人。斜陽澹古木。驚風翼征輪。
候館莽牢落。日暮寒城闌。停驂一以憇。振我衣上塵。
庭樹集歸鴉。依依得所欣。如何客遊子。不念平生親。

華陽洞葉卷之十四

五
三百三十一

東郡道中望岳

晨風吹微雨。道上春草生。青青楊柳枝。搖蕩春風情。
下馬折楊柳。上馬春雨晴。半濕錦障泥。雙翻碧蹄輕。
結束從事衫。浮雲共南征。左挾黃與綺。右携尚子平。
五岳遠行遊。尋芝采其榮。顧盼收宇宙。一咲青山橫。

西庄小樓看雨

小閣敞疎雨。簷端繞佳木。迴風一披拂。柔條亂新綠。
水長欲平橋。汨汨穿疎竹。棋聲藥院深。花香苔徑曲。
手持南華經。開向窓前讀。會心在千古。翛然抱茲獨。
白雲山中來。伴我林間宿。

壽同年顧侍御乃翁

翩翩鹿皮翁。皎皎神仙姿。少從翰墨場。高負國士奇。
抗迹謝軒冕。而賦歸來詞。言彼伯陽氏。千古同襟期。
訪君滄海曲。手翳雙紫芝。贈之五千言。酌以沆瀣卮。
玄風一以暢。大藥復在茲。朱顏信可駐。千秋長若茲。

舟行德州道中

傲吏不通俗。風塵聊日夕。朝來初放舡。喜作行春客。
鷗輕芳杜洲。烟薄垂楊陌。岸花盡冥冥。野塘春拍拍。
社鼓隔村家。郵籤傳水驛。風靜布帆收。日暮遠山碧。
綠樹入窓虛。纖月隨舟白。對此有好懷。况復逢寒食。

華陽洞壘 卷之十四

六 三百六十一

春郊晚眺次岑嘉州韻

芳郊一以眺。落日明孤松。未著看花屐。空負花外峯。
花枝向我笑。聊爲清塵容。天遠急歸鳥。村近聞昏鐘。
橋外吏人稀。客裡佳節逢。既欣宦情薄。復喜新醅濃。
但恐芳菲時。忽逐逝水東。睥睨傲黃綺。動業輕夔龍。
千古并與沉。共付盃酒中。念彼滌園叟。高論齊窮通。
而我寡諧俗。襟期與之同。花下白接離。日日歌春風。

懷仙吟挽董西嶼暨配

秋色天際來。搖落一何早。清霜被廣陌。芳樹率已稿。
頽景移朱顏。誰能長壽考。君家北海曲。門對芙蓉島。

中有神仙人。樓居何窈窕。招尋海上翁。相將拾瑤草。
仙遊詣所歡。花煖青霞曉。豈不念舊廬。脩途倦塵擾。
傷哉風木情。泪盡孤雲眇。哀慕若為傳。緘書寄青鳥。

其二

西池桃葉清。池波搖淨綠。娟娟池上人。千歲顏如玉。
侍兒美清夜。新翻羽衣曲。母氏烟霞儔。塵世悲離齷。
識曲聽其真。願躡神仙躅。西飛訪丹丘。鶴車一何速。
花覆雲英橋。月白麻姑屋。豈知忘憂花。猶媚北堂旭。
寸草戀春暉。望之心斷續。

朱虛谷顧陵陽訪余草堂遺以詩扇

華陽洞壘 卷之十四

七 三百六十二

故人江上來。遺我白團扇。上有長相思。羽聲清且辨。
感君明月珠。報之青玉案。春酒美可沽。春蔬青可薦。
花前第高飲。莫待花如霰。

題鳳岡世隱

鳳鳥不再至。青山空薜蘿。中有橋與梓。結根山之阿。
豈無棟梁意。其如斧斤何。清風灑萬壑。冷然激頽波。

七言古

甲馬營舟中雨懷

奔雷殷地長風急。濁河倒捲飛濤立。高雲垂天驕不
開。亂雨洒窓疎復密。雨歇船窓雲氣流。筆床霞濕書

未收涼生遠樹動。暝色海天五月如高秋。遙憶南中
梅子黃。榴花照眼。芙蓉香。韶光多在故園好。行人不
思歸。故鄉高歌一曲。江南弄。唾壺擊缺。關山長。

中秋龍山玩月

明月海上來。清光泛空碧。今夕何夕。秋半徂。露冷江
空。楓葉赤。杜若青青。傍酒船。湖光十里。平如席。携酒
登山。拾明月。披衣咲坐松間石。青天不動彩雲流。銀
河倒瀉。千山白。高陽酒徒飲且歌。細和霓裳羽衣拍。
桂花亂撲黃金盃。玉宇瓊樓幾千尺。君不見。廣寒宮
中幸君王。天柱峯頭醉豪客。風流笑挾飛仙遊。勝事
華陽洞。藁卷之十四

八本
三百五十一

月夜芙蓉

白露塗屋霜華清。芙蓉花開池水平。池邊亂葉落無
數。風吹簌簌微有聲。我思美人瑤之圃。別時缺月今
復盈。良宵對月遙相憶。手采芙蓉寄月明。

贈蔡春臺憲副

春風走馬長安陌。杏花殷紅柳枝碧。金鞭高揖接丰
神。才名知是邯鄲客。文章爾雅卑荀楊。許身自比契
與稷。分曹初拜尚書郎。六載金門侍交戟。高談名理
傾四筵。坐籌國計據長策。是時予亦綴鷗鷺。常觀隋

珠與和璧中興。天子思良牧。清望逼人。中選擇。

九重新佩太守章。吳洲花草生春色。素絲之風自典
刑。紛華一洗澆漓革。中和樂職連袂歌。雲淨吳天江
月白。循良不數漢西京。事功儒術相緣飾。拂衣一旦
謝時去。茂苑甘棠思邵伯。季通不挫高自持。青壁丹
崖一千尺。南顧上勞。當寧憂特為蒼生起。安石露
冕重來赤子迎。動地懽聲附良覲。江左長城堪屬誰。
旋見丹霄頒使節。惠文冠高霜簡明。海波不動平
如席。坐看晉盜盡奔秦。萬室欣欣樂耕織。丈夫遭時
莫蹉跎。會令青史書奇績。君不見唐虞股肱喜且良。
華陽洞藁卷之十四

九本
三百五十二

千古高名垂竹帛。

山陵雨中夜行

黑雲垂天驕不飛。密雨亂洒行人衣。千峰夜色暗如
墨。騎馬却向峰頭歸。兩夜山行亦不惡。隔林楓葉紛
紛落。問程不復辨東西。僕夫遙指昌平郭。

客舍病懷

長安病客悲秋風。病中鄉思千萬重。殘書懶讀堆作
枕。藥裹自檢頻開封。長生欲問仙家訣。華陽洞口饒
芝木。青山烟樹望中微。不待逢秋也驚骨。
雲林雙壽歌為朱太庵乃翁少叅公作

仙人家近青城山。仙人樓居清且閑。無媒徑路長。瑶草別有風日非。塵寰焚魚廿載別。湘渚著書一咲來。函關鳴駒入谷白。皎皎鰭鮪滿樹紅。斑斑蒼松錦石。兩黃鸝綠。瞳玄鬢。雙朱顏。養馴青鳥。解報客。覓得丹砂成大還。鴻冥已羨網羅遠。鳳毛況復雲霄間。壽厄進酒酒更綠。壽筵對花花復殷。春花春酒一千度。青城仙侶常追攀。

春晝坐雨寄方兩江

與君同是江南客。翻向殊方成莫逆。君持孤操高嶙峋。青壁丹崖一千尺。年來著書長閉關。應門無人花

華陽洞藁

卷之十四

十三本

逕開松陰滿床晝。寂寂苔痕點石青。斑斑養花天氣晴。復雨拂檻花枝嬌。欲語朝來擬看習池春。欸段却因泥滑阻。君詩方駕謝宣城。筆陣更比孫過庭。春興臨池三百首。頓令紙價高咸京。

為韓鑊湖題鑊湖圖

丈人眉宇烟霞生。湖上結廬幽且清。平分二水夾銀鏡。舍南舍北湖光明。齋中著書一千卷。清風斷續飄書聲。鑊湖之水何盈盈。高歌一曲濯我纓。垂綸已結釣徒社。忘機復與沙鷗盟。一朝鶴書赴隴首。主人結束遊漢京。官閒自喜蕪吏隱。遙向天台看赤城。宦遊

十年歷楚越。草堂之靈空。復情文江博士。文仲子官舍相逢意氣傾。為君拂拭一幅練。解衣般礴圖丹青。忽收湖色入縑素。霏青撲翠如天成。草閣四涵千頃。王王波黯淡。浮窓櫺重洲。複渚奔回互。遠山極浦紛縱橫。垂楊宛轉晴沙淺。疎葦叅差烟水平。樹底恍聞響漁笛。樹杪依約懸魚罾。掛君中閣閣如水。空青縹碧流軒楹。君不見鏡湖當年賜狂客。輞川之圖傳右丞。地因人勝。古今事此圖。以君為重。輕湖因君歸得賓主。湖因圖好。逾聲名。山人昔醉湖中月。披圖如在湖上行。對君漫寫鑊湖曲。綠漪吹壁湖天澄。

華陽洞藁

卷之十四

十一本

題華岡王進士母蟠桃園

生綃一幅霏紫烟。烟中冉冉來群仙。玉盤朱實雲霞色。苞奇孕瑞三千年。桃實桃花池上春。瑤池阿母即芳隣。題書為報春輝永。春鳥西來第一巡。青鳥書從天際來。即君衣錦上林田。上林春色仙家酒。併入高堂萬壽杯。

懷竹吟為同年魏敬吾舍人賦

西江之竹青如玉。江上丈人澹如竹。風前瘦影鳳凰枝。塵外幽標鳳凰粟。鳳凰雛傍之啄。復棲十年養得苞羽齊。鳳凰飛上鳳池去。寒林回首愁雲低。寒林烟烟

青玉叢。削成鳳管吹春風。春風一曲鳳池曉。鄉雲五色當晴空。聽此低徊百感生。宮商恍是舊枝鳴。月明菱繞西江曲。江上清風空復情。

書贈吳康野封君

康野先生玄鶴姿。青霞片片明鬚眉。姓名已落列仙傳。偶向人間餐紫芝。高陽之社百斗酒。橘中之樂千枰棋。東郭藏名翳烟霧。匣中長劍收虹蜺。元陽絕技世未識。汝南善騎誰能知。丹厓青壁一千尺。手培玉樹含華滋。明堂需材收巨麗。詔書十道徵珍奇。瓊標一旦登職貢。文彩照耀黃金墀。天子顧之動華陽洞臺。卷之十四 士 三百廿

顏色 賜書褒美 恩淋漓 九重春色到黃金
命服新裁錦陸離 高堂五鼎簇綺饌 永享祿養登期頤

贈歸震川太僕丞

黃金臺前初日升。司僕還朝飛旌旌。連錢汗血入燕市。爭看繡陌麒麟聲。君才自是承明彥。昔曾奉詔芙蓉殿。而行賈駸去經年。雲錦百群空獨見。定知曾到渥洼潯。天馬歌成好自吟。龍媒購得登中廐。誰道君門萬里深。

題曹君家慶圖

君家伯仲才且賢。新溪卜築從何年。綠水抱村遠城市。風俗太樸義皇前。古心古貌古巾舄。鬚眉一一生雲烟。高堂燕居設家慶。春風習習紛吹填。左圖右書列今古。荆花棠樹同芳鮮。彈棋不減橘中樂。撫弦細詠康衢篇。高風聯翩洒纖素。一段佳事千年傳。

兩後昌平道中

九月山城風怒號。弱雲飛盡霜天高。雨後山光淨於沐。青青遠暎征人袍。停車村郭日初午。行厨香醪膩如乳。高陽酒徒意氣豪。平生不樂繁簪組。君不見淵明愛酒懶折腰。身後青風一千古。

華陽洞臺卷之十四

十三 一百八十七

華陽洞藁卷之十五

金壇張祥鸞著

五言律

春日借吳昆麓沈劬南杜靜臺飲城東水亭話懷

水抱柴門曲橋連草閣塵清尊憐此席啼鳥憶吾廬
楊柳春分後桃花寒食初買山是何日小築子雲居

其二

雲靜水容澹烟輕山翠微一尊逢落日孤興到漁磯
碧草未堪把青春強半歸忘機鷗鳥識故故傍人飛

華陽洞藁

卷之十五

一

月夜觀歌者

群玉山前月天台洞口花月隨歌扇白花插舞鬟斜
影瘦驚衣露杯香落臉霞背人傳細語此路是儂家

城南鄭尚書別墅同省中諸寮餞曹劉二副使

錢戴表孫四郡伯次黃玉岩韻

其二

春盡平章宅餘花爲客留橋橫桃葉渡亭俯木蘭舟
酒任提壺勸人逢連壁遊裨謀野日刺刺未能休

端午前一日省中午坐

畫衙清似水視草一揮毫庭午樹移影風涼鶴墮毛
才微慚薄祿吏隱稱閑曹本乏清華夢非關欲避囂

其二

端陽明日是仍向客中過時序殊方逼交情舊園多
水村梅子雨江浦竹枝歌莊鳥歸何日愁來祇自哦

同韓饒湖泛舟訪直峯昆季

野航坐知已盡日話閒情木落青山遠波澄白鳥明
揚帆沙岸過吹笛浪花生知近高人宅橫塘竹外清

題育泉書樓

華陽洞藁

卷之十五

二
三六

此日登樓客相看畫舊交孤烟村外屋疎竹檻前稍
把酒憐山色開窓數鶴巢題詩新月白冰硯帶酣敲

其二

孤樓清曉眺月迥媚黃昏暗樹全依檻寒流曲抱村
一盃憐故舊饒鬢任乾坤疑就龐公飲青山是鹿門

龍山晴眺

山靜坐長日日長山更幽杯行時鳥語簾捲午陰留
細草牛羊徑芳蓀鷗鷺洲登臨惜餘景歸棹任夷猶

莊城道中

酒伴秋風裊騎驢過霸橋醉携餘興往仍赴野人招

綠樹連村暗。青旗隔水飄。莊生真我輩。傲世著逍遙。

送楊四尹升陝西倉使不拜致仕歸湖南

不作河西掾。賢哉幕下郎。荆吳雙佩劍。江漢一歸航。
天濶冥鴻遠。春深杜宇忙。湖南舊業在。日夜柳條黃。

吳江舟夜與涵菴話舊

昔別是何地。青山今在茲。問年驚歲月。對燭話心期。
酌我黃花酒。報君青桂枝。蒲稍自神駿。天路任高馳。

其二

問酒蘭陵市。孤舟坐月明。百年吾偃蹇。萬里爾橫行。
劍氣衝星紫。歌聲應筑清。乾坤須我輩。不必問君平。

華陽洞藁卷之十五

三
三百二十五

永慶寺贈東白上人

振衣尋白杜。步屨到青林。維樹圍僧屋。垂藤裊梵音。
閉門流水住。掃逕落花深。咲對支公坐。禪枝下夕陰。

其二

寺到曾遊處。新成背郭堂。竹含他日翠。松偃舊枝蒼。
馴鴿依僧靜。閑花咲客忙。讀書臺下草。祗爲鄭玄芳。
別中菴入舟遇雨留宿悟亭山房

不盡青山興。仍留惠遠房。孤峰黃葉雨。短榻白雲堂。
棋罷聞清梵。燈懸傳妙香。逢師談浩劫。塵海夢能忘。
訪張靈壺不遇

青壁一千尺。丹梯兩度攀。亦知草玄者。元隔世人間。
樓盡雲俱入。庭空菊自斑。夫君不可見。帶月抱琴還。

韓國瞻壽六十

久客歸桑梓。逢人每問年。夫君登六秩。綺席會群仙。
婚嫁事已畢。田園性所便。韓終元爾祖。丹訣好誰傳。

其二

鄉里推耆德。亭亭玉樹高。郎君紛沛艾。賓客盡賢豪。
壽酒能千度。年華任二毛。三公端不易。脩竹舊林臯。

秋晴泛舟過董家舍

秋水碧如玉。秋樹紅於花。酒船緣岸轉。溪路逐村斜。

華陽洞藁卷之十五

四
三百二十三

菱荇亂柔櫓。鳬鷺狎淺沙。所親居近遠。隔浦問人家。

城居樓曉

樓卧當遙夜。林聲似雨聲。擁衾數更漏。呼僕問陰晴。
未及營寒事。先將解宿醒。故人曾有約。晨鵲傍簷鳴。

丹陽道中夜泊

細雨丹陽郭。新寒小雪天。孤舟繫遙夜。亂葉落疎烟。
一斗吳姬酒。三百水衡錢。淹留問叢桂。高詠小山篇。

過曹見川汝山別業

相逢無一語。相約看青山。村逕行人少。松陰滿路斑。
到門流水住。對屋數峰閑。不枉談玄者。平居多掩關。

其二

平生山水興一一故人知暢以會心處兼之對酒時
石門康樂夜輞水右丞詩不謂千年事清幽併在茲

其三

別墅清江曲翛然背郭堂奇書紛四壁嘉樹藹千章
一水斜連寺孤雲低度墻主人草玄罷掃徑款求羊

其四

亭子翠微半綠堦落葉平憑虛臨木杪眺遠問山名
烟火村村午峯巒面面晴澄江靜如練長對謝宣城
與吳崑麓沈涵臺臨水坐月呼酒聽歌二首

華陽洞藁

卷之十五

五

三百三

半醉携餘興河邊問酒船聽歌仍此地看月似當年
相別一何久相逢倍惓然病中書不到更乞故人憐

其二

客散月正好奈茲良夜徂咲披白鶴氅去問酒家壚
惟友能盈坐嘉蔬不滿盂洞簫低度曲傍席水平鋪

霽山吟贈錢醫

江上山如繡奇峰半入城隱君開小築行藥愜新晴
竹裏衣裳冷雲收杖屨清嚴花軋更落風送點棋枰

其二

罷霧三山曉峯巒滿郭青曝書花院敞晒藥竹門扃

石上拾瑤草松間采茯苓生涯總幽事誰識少微星

張壺梁書來問遊吳并寄百一詩賦此報荅

索居堪歲晏喜接故人書不謂辭官晚能令見面踈
聲詩美無度眠食近何如君問東遊日芳洲杜若初

其二

長憶吳門別空江落木天容輝入夢想書札慰風烟
懷袖三年字郵筒百一篇踈麻未堪折何以贈高賢

延陵吳陽塘七十

延陵存遠胃千載尚稱賢鄉里知門地兒孫記歲年
田疇八口飽桑柘數家連春煖尋瑤草西看是望仙

華陽洞藁

卷之十五

六

三百十九

入山遇晴

到山日未午輕雲收薄陰黃鳥時一嚙青林信幾深
晴光嬌草樹空翠濕衣襟試問采真者瑤華儻可尋

雨後登華陽洞山樓

步隨流水去窈窕再經丘樹密疑無路峰迴忽有樓
飛花對酒落啼鳥坐枝幽最喜無人識閑雲共去留

山房聽雨話舊

會心不在遠聽雨坐山堂况與故人對自然清話長
翻因行樂處悵憶少年場訪舊今誰健能無愛景光

登玉皇閣西眺

仙閣一以眺對此西山烟樹紛可數雲峰盡覺低
心閑愜玄境身健狎丹梯不道登臨晚靡蕪深已齊

山房感舊

勝地何年別時時入夢思重來讀書處山色復如斯
澗水杯前落峰陰屋角移洞天塵不到舍此欲何之

書鶴峰道士冊

海鶴前身是青山獨據梧羽衣渾短畫仙骨自清癯
導引今能否飛升定有無山深忘歲月疑在舊蓬壺

西庄次潘百愚先生韻

亂水抱村流村居清且幽涼風吹木葉與客步林丘

華陽洞藁

卷之十五

七本
三百十五

巷暝歸黃犢波澄漾白鷗雨餘沙尾沒晒網並漁舟

新秋泛舟過西庄聽雨話舊四首

放船秋水落能載兩三人坐愛清波影輕搖白氈巾
到門終繫纜藉草便垂綸野飯無兼味嘉魚色勝銀

其二

蓬蒿長門徑客到旋教鋤稚子炊菰米隣家饋野蔬
浦沙雲淅淅梧竹雨踈踈草閣晝如水坐聽兒讀書

其三

雜樹園深屋脩簷翳短牆避人混樵牧見客懶衣裳
聽雨生秋鬢聞蛩夜對床壯心驚老太一倍惜年光

其四

歷歷韶年事分明昨與今不因清話久那悉故情深
歲月且遲暮官曹豈陸沉所欣同巷陌伏臘每招尋

秋夕與客泛湖

輕舟不用櫂載酒去閑閑杯泛蘆花底魚跳蓮葉間
澄波與天遠明月隨人還松屋當深夜應門未上關

其二

沙溟舟仍進汀寒蘋自花半湖落雲影一水入蕙葭
人語眠鷗起杯乾纖月斜漁村近堪指燈火兩三家

重陽後庭中晚步

華陽洞藁

卷之十五

八本
三百

叢菊幾枝吐重陽昨夜過美人別我去懷抱柰秋何
月露闌堦砌衣裳舊薜蘿手携小兒女顧影舞婆娑

新河北堤野酌

落木千章冷清溪一道斜褰衣坐不徑把酒酌黃花
觴滿含醺減盧成帶咲誇秋風三十度幾醉故人家

其二

野水通明滅秋花紛陸離徑紆紅樹合心遠白雲知
魚鳥親人慣牛羊歸巷遲猶言村際好殘席更須携

因樹軒落成

草堂絕低小剛喜傍青林叢竹分疎翠交柯落細陰

鳥啼春寂寂花暖晝沉沉已自經過斷猶言隱未深

其二

小閣藏深樹衡門傍短籬種桃紅逸屋引水綠平池
晏坐圖書靜晨炊烟火遲不須掃蘿徑無客到茅茨

春晴泛舟登龍山

一春今日好與客泛新晴野水綠于染青山近若迎
岩花嬌送酒谷鳥巧呼名歸路漁村晚林扉敞月明

山下園池

山簡清狂甚春風醉習池桃花明綠水百舌語青枝
重到憐今日曾遊記昔時歸舟堪再泊柳巷夕陽遲

華陽洞藁卷之十五

九本
三百六

池閣

鑿池強半畝呼作小滄浪窓白開銀鏡簾虛似野航
水花軟照影徑竹澹生涼好是風波隔匡床午夢長

靈虛觀偕沈劍南諸丈飲

王貢今誰是塵冠懶復彈聊逢故人話能放酒杯乾
窓靜朱花近亭虛翠栢寒醉餘騎馬去纖月照歸鞍

春日別家北上

莫唱陽關曲誰禁柳色新加餐故人語仗劍宦遊身
草綠天涯路花明舊國春祇應蓬矢意雙髮入紅塵

京江月夜惜別

春江明月夜不是別離時酌以桃花酒贈之楊柳枝
轉蓬身共遠倦鳥意俱遲明發天涯路青山惱夢思

度淮春晚

朝辭桐栢水時序又殊方河抱中原轉天園遠樹蒼
緒風啼鳥變紅雨落花忙坐惜春芳晏高歌西日黃

客路病起

病後宦情減閑中白晝長忽驚衣帶緩仍怯麥風涼
細讀嵇康論兼抄陸贄方臨觴揮不御吾欲戒垂堂

舟阻東昌

行路難如此蒼黃旅思迷濁河繁魏博宿槩逗青齊
華陽洞藁卷之十五
十本
三百十五

開塞繚屋滿乾坤皂帽低長風吹白日又落暮雲西

五月望潞河舟夜

潞水潄餘漲燕山雲外微又圓蓬底月頻換客中衣
路近心逾急鄉遙夢亦稀漢京冠蓋滿懷抱欲何依

和合驛晚泊

茅屋繞三戶蕭條古戍間塵鷺紛似暮雲起黯如山
燕趙悲歌地乾坤遊子類一官仍執戟祗益鬢毛斑

其二

涼生微雨後帆落夕陽初白鳥王堪比紅霞錦不如
驛亭無候吏土銍有村居水宿關河夜三田見望舒

京邸病懷

重露塗朝瓦晴曦上小簷
素塵封藥裹蛛網掛書籤
乞假朝參懶逃虛吏隱
蕪故園重九近籬菊憶陶潛

靈壁道中晚行

長亭一尊罷日落歸鳥邊
單車傍柳瘦馬嘶寒烟
遠山淡將夕明月皓已圓
客程還幾日好上五湖船

下邳午日

去歲逢茲日曾於客裡過
今年端午酒又負碧山阿
看曆夏將半簪符鬢欲皤
宦情吾自薄其奈使華何

其二

華陽洞藁

卷之十五

十一

三百五

他鄉逢午日亦復愛佳名
不競南中度而趨北上程
采蒲青滿把開酒綠盈罌
此日山中杜應憐客路情

登黃樓讀蘇子遺碑

茲樓一以眺風景渺愁予
睥睨全繁楚河流曲抱徐
遺碑文定賦剡墨長公書
麗藻天吳避狂瀾久晏如

其二

蹇予多古意起讀黃樓碑
棟宇雲浮動文章錦陸離
河驕平野圻山斷暮天垂
室邇人何遠憑欄有所思

河決沛上汙道刁陽湖

水宿無更漏褰帟問夜闌
客心雲影亂鄉夢雨聲殘

不為別家易那知行路難
途窮相識盡十日不彈冠

其二

孤舟淹楚澤信宿斷人烟
極浦沙如雪迷津水似天
掛帆導宿莽繫纜傍隣舡
辛苦風波路殊非靜者便

寄沈虹野太原

故人緘尺素遙寄太行西
中有加餐字殷勤手自題
文章元入室桃李復成蹊
上苑花饒笑春風待馬蹄

其二

已恨鄉關遠那看知舊疎
故情君自好高論近何如
吾道應陳醴窮愁合著書
晉陽雲樹渺落日正愁予

華陽洞藁

卷之十五

十一

三百四

滄洲雨餘晚行

殘虹移斷雨爽氣入船涼
高樹夾廣路亂蟬鳴夕陽
欣逢堯舜世偶別巢由鄉
干主無長策鵷班媿舊行

其二

今夜渾沌月應憐倦客遊
鄉心一尊酒村寺數聲鐘
試看天涯路何如塵外蹤
故園長夏晚新水長芙蓉

春分大佛寺同賀澹庵朱虛谷話懷

乞假尚書省尋真到白雲
東風幾日春事已平分
歲月誰能駐瑤華心旰欣
僧堂晝如水松影落苔紋

其二

知子好芳華行春每共携已云花事近奈比故園逢
同對一尊酒各言千里思江南梅柳樹日夜發華滋
朱虛谷書齋紅梅

小閣美清夜盆梅傍酒明暗香微脉脉冷蕊故盈盈
稍學桃花面仍含玉樹情不須重索喚已覺逼人清

其二

青錢不曾數買得江南春傍酒疑沾醉臨風畏損神
品流元絳雪色相豈紅塵倘入羅浮夢朱顏更惱人

送張東原守臨洮

含香辭漢署懷綬赴西河漸覺舊知少其如遠別何

華陽洞業

卷之十五

十三

三言九

宦情秦地月民事函人歌行矣追前哲君才古太阿

其二

同省當年舊重逢獨有君竭來憐比舍忽漫惜離群

送前門道行渭水濱共看新太守五馬五花文

送劉魯峰謫六安二守

稷下談天者爲郎亦左遷臨風別瓊樹上馬揖金鞭

勿以雲霄迥而云雨露偏君看青史上遷客半高賢

其二

素捐不復道其奈盛時何酌以一尊酒兼之五噫歌

不索佩蘭芷道路慎風波定見開宣室還君白玉珂

朝天宮習儀後偕省僚出西郭尋寺登臺

野寺平橋外村家亂水間淺沙清可浣垂柳弱堪攀
坐石情俱愜看雲意自閑祇應與朋好盡日對青山

其二

覽勝那無酒登臺況有山杯前千樹合塵外一僧閑
鈴響風微動簷空雲未還以吾兼吏隱騎馬到柴關

其三

落日臨高臺禪扉樹杪開已無俗士駕況有故人盃
片雨輕塵浥千峰空翠來烟光紛向夕笑挾萬彊回

送薛雲澤守都勻

華陽洞業

卷之十五

十四

三言十

落葉滿長路殊非送遠時一杯從此別五馬去何之

郢曲君清越吳鉤我陸離高歌晚相贈萬里共襟期

其二

歲晏長安道逢君又送君楚材今出守冀馬忽空群

回雁峰南月夜即天外雲鷺聲應藉甚僚舊定先聞

題張斗澗宦海萍踪卷

殘暑長安市相逢話舊遊世人頻按劍吾道自虛舟

名已循良甚官仍經術優即今塵海宴行矣是安流

省直

不掃堦前葉能令省署清印封吏人散慙白道書明

自是少公事非閑無俗情庭柯下斜日歸鳥擇枝鳴

出省晚歸馬上口號

散衙初就舍歸路王街西仰面看山色垂鞭信馬蹄
歌鍾高甲第冠蓋隘沙堤澹暉元吾事卑枝稱穩棲

冬夜過朱虛谷

下馬尋惟友斜陽未掩關談玄心共愜對酒意俱閑
昔別是茲地重逢非舊顏行藏君莫問終夕話青山

其二

冉冉歲云暮沉沉夜未央清燈君共我麗句羽蕙商
看月霜塗屋論文書滿床故人堪比舍不信是他鄉

華陽洞藁卷之十五

五

本
二首

長安月夜懷舊

歲晏美人去其如客舍寒錦衾應洛浦明月自長安
以我孤懷遠知君行路難清光那可贈遠懷夢耶卿

山陵秋祀

古戍黃花亂園陵白露凄碧雲山近遠紅葉樹高低
烟火村家午郵程睥睨西寂寥陪祀日松栢護寒谿

華陽洞藁卷之十六

金壇張祥爲著

五言律

春日龍泉觀

曲澗縈丹壑流泉響翠微松陰迎小隊花氣透單衣
拍檻呼魚躍開籠放鳥飛釣竿頻入夢莊寫幾時歸

湧泉寺

單車行樹杪草屐到僧家旋汲泉龍水新烹穀雨茶
峰稠凝暮靄松暗落輕花歸路携餘興寒帷看月華

近華村采蓮

華陽洞藁卷之十六

一

候家開水榭宛轉水中央舟雨青簾濕溪風白苧涼
魚潛深見影花靜不飛香咲折青荷葉持爲碧玉觴

其二

蓮葉綠於水蓮舟輕似雲好懷逢酒伴孤興入鷗群
山色晴兼雨溪流合復分采芳動盈把持贈太華君

橫山雨行

公暇省耕去農家半翠微綠疇新水足白屋吏人稀
崇巒雲籠樹山行雨滿衣青林烟火午稚子餉田歸

其二

細路林端曲奇峰雨外晴草香知麝過衣濕覺雲生

竹粉風前落泉聲石上鳴喜聞田畝說蠻俗慙勤耕

江西道中兩行

不斷楚天雨山雲日日驕溪喧春野碓峽東卧崩橋
村午烟猶暝車遲路轉遙獨芳行處采半濕佩蘭若

萍鄉道中曉晴

林端上初日天迥萬山明露綴青枝重霞連翠壁橫
烟中芳草積石上溜泉鳴仰面看高鳥摩霄六翮輕

思湖泛月

落木村村急清溪岸岸分星河浸空濶風露散氤氳
月色一夫水蘆花十里雲扣舷掉歌發慷慨漢橫汾

華陽洞臺卷之十六

春日雜詠

柔風春服減遲日小簷明覆砌花陰薄紫簾柳色晴
圖書惟木榻鳥雀獨柴荆芳草青堪拾緘題寄友生

其二

小墅清溪曲疎簾作四隣花開留好客酒熟及芳辰
屋角丹藤繞梁間紫燕馴所欣投秩早得看故園春

其三

散帙移長晷焚香閉小齋疎花紅覆石細草綠侵堦
賞勝流光轉逃塵始願諧倦遊宗慶士觀道獨澄懷

其四

佳樹村村合晴峰面面浮渚香芳草積風澹釣舫流
嬌鳥啣花語輕鳥挾子遊已堪足吾事此外復何求

早春野望

新水沒漁磯遙林收夕霏柴門堪小立沙鳥自孤飛
臘閨梅花早官休賓客稀所欣元夕近不夜月輝輝

園居

人境重重隔溪流宛宛分竹陰飛翠雨花氣結晴雲
籬缺牽蘿補園蕪植杖芸禽言能細繹幽事賴先聞

春晚

好鳥啼春曉晴雪護草堂日高忘與柳天暖減衣裳
華陽洞臺卷之十六

洗硯抄花譜釣簾看海棠欄干閒徙倚巢燕落泥香

春社

天氣近寒食村居遠市朝翠低新柳弱紅潤雜花嬌
聽鳥頻移榻看雲偶過橋隔村春社至曾赴野人招

寒食

小雨作寒食東風吹散綠翠露楊柳眼紅濕海棠枝
細草香生榻新流綠滿池小亭花正好曾與故人期

暮春連雨

小窓一夜雨新水曉平池翡翠啣紅蓮駕鸞戲綠漪
村中農圃社桑上陶常詩不謂沉湎者翻能傲昂鼻

草堂雨坐

柴門新水漲更覺遠人群藥裏堪時檢爐香手自焚
竹聲池閣雨花氣草堂雲最喜人間事年來抱不聞

西庄初夏

高枕應吾道衡門豈世情對床紛樹色入夢亂禽聲
雨氣露書濕茶烟隔竹清美人天共遠一水暮盈盈

草堂初夏

桐葉碧如玉桐陰薄似雲森沉坐草閣次第續蠶書
花氣露書濕鶯歌傍竹聞玄珠自滄海薄俗徒紛紛

初夏朱星河過訪

華陽洞壑

卷之十六

四本

景晏憐春去山空喜客來繁陰嘉樹合細雨雜花開

傍竹嘗新茗蔬倒綠醅與君第沉飲勲業已塵埃

積雨

積雨蓬門掩連陰草閣涼荷香池上榻雲氣竹間房
岸岸新流沒村村濕霧黃釣艇迷去住長繫短籬傍

雨晴晚步

晚零乘輕履溪遙步落花夕陽低草閣烟水帶漁家
巢暖鴉雛長風柔燕子斜無嗟紅似雨新綠喜交加

初夏小園積雨

小亭媚初夏雜樹綠於烟簾隙窺幽鳥難逢

掃書聽池雨俯檻數荷錢連甍知何物元非靜者便

其二

緒風長桐葉積雨落蕭微祇喜構常綠其如春又歸
道書鹿皮几初服薜蘿衣漢落堪湖海誰云應少微

初夏晚起

已知無客到亦復啓晨扉刺水新秧長衝人乳燕飛
書聲隔簾竹荷氣透綈衣百畝欣常稔無嗟生事微

晚倚

堤樹攀條倚菱歌隔浦聞微風禾黍氣落日牛羊群
草屨涼沾雨黎笳冷帶雲可知何胤叔曾誤謝微君

華陽洞壑

卷之十六

五

月夜溪泛

酒舡輕泛泛野月白紛紛經樹即堪泊逢鷗亦與群
面看讀書屋背指隔溪雲行樂從吾適人間莫遣聞

其二

浦樹維舟慣汀烟蕩槳連月高雲借彩風淡水生姿
暢以江湖興燕之魚鳥期遠山更無賴重碧晚參差

西庄避暑

即事從吾適誰云傲獨醒屋連瓜地綠門俯稻畦青
荷氣涼高枕槐陰暗小亭日長池閣靜細讀太玄經

其二

初日斜穿竹流雲細度簷焚香長閑閣讀易靜釣簾
隣舍漁樵接生涯農圃蕪地偏心更遠清愛揖陶潛

蓮舟泛月

日氣沉山紫荷花照水明香含風細細影浸月盈盈
妃子華清浴神君洛浦行向人嬌欲語解語恐傾城

夏夜西庄溪泛

水漲孤村沒溪深十尺強放舡向空闊暗撲渚花香
疎簫漫波冷輕風吹面涼濯纓問孺子吾道合滄浪

其二

水合遙天碧人從鏡裡遊落霞沉片錦初月浸纖鉤

華陽洞壺

卷之十六

六

三

風露寒三伏星河動九秋草堂知不遠歸任釣舡流

夕泛

暑氣晚來薄雲陰澹不移舟涼經樹歇襟爽任風吹
水葉搖波冷沙鷗避櫓遲清溪九幾曲曲曲月輪隨

其二

落霞散餘綺明滅亂流中遙愛前溪好元知一水通

小舟輕載月高柳澹生風閑適真吾事遠將靜者同

育泉過別業夜話

雨子寒驢瘦相尋過水村凌兢踏寒雨剥啄扣柴門
功業良時晏文章大雅存晚涼池閣敞懷抱慰清樽

其二

別君日已久相憶每登樓萍梗今宵會梧桐昨夜秋
聲連青子落坐樹綠陰留細話年來事何如馬少遊

與莊我同水村泛月次韻

君問年來事乾坤一釣槎開樽醉北海揮麈談南華
天濶金波麗沙明溪路斜無庸誇海若秋水自村家

贈方立齋過訪

年來不入郭親串日已疎落葉滿窮巷高人叩吾廬
濁酒墻頭過寒花堦下舒問君五湖色歲晏復何如

秋晚舟行

華陽洞壺

卷之十六

七

三

風日重陽近湖山待勝遊波光映書卷帆影起沙鷗
紅惜楓林午香憐蘆橘秋滄浪垂釣者瀟灑一塵舟

秋日西庄

水葉飛寒雨幽偏門巷秋晚知無事貴翻吟少年遊
農圃從吾適湖山每自由黃花紛披逕陶令舊風流

秋晚庭中玉蘭露葉可愛

秋日照庭樹參差露葉明半黃秋色淡疎翠晚寒輕
覆石苔痕靜橫窓書籍清枝頭含細蕾春信已堪憑

送楊鍾魯入觀

綰綬江城重鳴翠化日長朝元周典禮報政漢循良

委珮層霄近沾衣合殿香薦書連十道珍重達明光
至日壽陳迪功

未識元龍面因風贈短章誰云歲將晏已報日初長
黃綬郎官貴青城石髓香群仙堪結社高會十千場
題畫

手持玉如意脩然抱遠心松聲擣空翠石氣流清音
躑躅青山曲逍遙脩竹陰笑奴捧詩卷半是輞川吟
冬日過新溪二首

當年讀書處今歲再經過賸有清狂在其如老大何
呼盧頻得采對酒更當歌十日平原飲猶云未足多
華陽洞藁卷之十六 八 三百十一

其二

高齋坐寒雨清話自相親當路無知己空山有故人
花生銀燭煖香送酒杯頻行止無拘碍吾今已乞身

聞曹太史生子喜贈

喜事聞人說知君得妙兒未為湯餅客先寄弄璋詩
入掌明珠重探巢雛鳳奇不須驚歲晚仙果子生遲

賀王纓溪冠帶

群從紛纓見夫君獨考槃休文羸緩帶貢禹老彈冠
月旦推名舊風雲入夢寒春來開壽宴莫放酒杯乾
偕丁少鶴賀澹菴遊普慈寺

出郭共尋真松風吹角巾茶烟僧舍午草色石壇春
話舊聯雙鬢談空淨六塵重遊元有約交自布衣身

延陵毛子鏡上吳郎有北遊之約甲子除夕登
樓對雪披惠連雪賦朗誦數過呼酒條然獨酌
忽起山陰訪戴之興敲東賦懷

流光移甲子蓬鬢換年華雪映樽中酒寒侵勝裡花
山陰高士興剡上美人家三月桃花水春風擬泛槎
其二

登樓披雪賦把酒看冰花脉脉因風亂霏霏隔幔斜
江寒銀泥澹樹冷玉交加慷慨歌黃竹容顏任歲華
華陽洞藁卷之十六 九 三百十三

南城眺望

層城曠遐矚秋色已如斯岸岸水痕落村村禾黍垂
青山懷謝眺短棹羨天隨今古輒坤內江城幾路岐

長安春思

幾醉長安月重看上苑春江南芳草色天畔未歸人
紫袖三年夢青山萬里身花時今又早無那二毛新

西山秋望

快閣臨飛鳥遙天入斷峰白雲山面面紅葉樹重重
空翠當杯落晴光刺眼穠願言隨楚客木末采芙蓉
園池

小池梅雨霽簾影轉青梧戲藻魚生子啣花鳥哺雛
徑香芳草積砌冷宿雲鋪水長苔磯沒垂竿狎釣徒

紫薇花下看月

明月生東海清輝濕未乾天空雲影散林靜竹光寒
影浸銀河白香飛桂子丹紫薇低覆砌冉冉露花團

乞歸

杖策遲干主焚章早乞歸頻繙高士傳常著野人衣
黨籍無名字滄洲有釣磯侯家豪五鼎誰識北山薇

江城秋晏次姚長山韻

搖落江城莫能生宋玉愁風塵蠻觸境歲月髮毛秋

華陽洞藁

卷之十六

十

百八十六

心遠千山令息深一劍留振衣歌罷藻三覆未能休

華陽洞藁卷之十七

金壇張祥萬書

七言律

送趙汝泉視儲遼左

逢君畫省即相親况復同看濟上春詩榻清冷塵外
社官衙瀟洒客中隣風前燕筑歌殘暑匣裡吳鉤贈
遠人萬竈雄雉今待爾便宜早向漢庭陳

其二

衡水孤帆五兩輕半舡書畫照人清知君少負封侯
相送爾高歌出塞行春雨過屯催種黍秋風遼海看

華陽洞藁卷之十七

封鯨鯢魚珍重傳何處一片孤城驃騎營

臨清月夜別友人

月隱高城夜柝鳴仲宣樓上送君行對床未盡平生
話擊筑先歌慷慨聲滿地江湖孤客夢十年燈火故
人情山中舊社如相問為報風塵髮已星

其二

與君早歲即相憐重釋情親二十年鏡裏流光新白
髮山中歸夢舊青槐一樽酒盡荒城夜三疊歌殘落
月天心折此時家復遠真鴻無賴故翩翩

昌平館中懷趙汝泉

潞河樽酒惜分岐贈遠情多折柳枝海氣微茫行節
遠塞鴻妻斷帛書遲霜清古戍聞邊笛月白斜窓惱
夢思別後世途聊復爾風塵輕染素衣緇

德州行殿朝王

春風行殿倚雲開雉尾平分寶扇迴伏簇鑾輿花外
度恩頒寶玉日邊來君王真是龍兼鳳侍從還同
鄒共枚此日微臣同獻頌退朝携得錦香回

丁未計偕與方麓連舟北上今復同官東郡感
舊賦懷

獻書曾共孝廉舡十載重逢各問年兩世青箱名烟

華陽洞葉

卷之十七

二
三百千四

烟三春駢馬畫翩翩縹緲塵濟上雙蓬鬢草樹江南二
月天雲白鄉關心獨遠殊方聊得使君憐

送李西野二首

鄴下多才自建安使君今日復登壇三年畫省郎官
貴千里皇華客鬢寒官舍為隣憐並馬離筵分手勸
加餐天衢見說平如掌去矣休歌行路難

其二

霜天徐引渭城杯離思翻嫌急管催惜別共憐芳草
歇相逢早及杏花開風塵西北還戎馬原野東南半
草萊君去若承宣室問借籌須仗洛陽才

送紀文泉之任南都

柳絲青拂渭城斜別馬蕭蕭古道賒白下名高消暑
客却卸春暎錦衣花數聲離笛江南曲五兩東風天
上槎君到秦淮相憶否停舟應問故人寒

送蕭總戎

居延塞外霍嫖姚身作長城萬里遙老鷹千群聞姓
字右賢諸部識風標建牙朔郡展開府呼酒新豐夜
脫貂白首乞身承異數霸亭醉尉避歸輶

秋日齋居

天畔西風一雁初畫衙靜掩似山居開軒掃葉驚馴
鳥傍架齊書落蠹魚青鏡謾憐蓬髮改白雲應怪故
人疎消埃未報空縷見直北頻瞻畏簡書

送羽士姚麓居歸京口

輕別玄都萬樹桃拂衣遙訪五陵豪干戈滿眼身千
里歲月驚心鬢二毛鶴氅琴囊行色遠南徐北固夢
思勞關門令尹遙相待咲指東來紫氣高

上巳日寄鄭虛舟

三月三日春可憐百勞聲裡花如烟臨邛大夫有佳
客廣文先生無酒錢放歌誰和舞雩曲洗硯獨憐蘭
亭篇我欲從之問奇字出門無那春風顛

送鄭徵君赴吳次泉之聘

樽酒相逢雙鬢疎。梁園賓客近何如。天涯歲月頻看鏡。海內才名久著書。媿我未能酬雅興。憐君先已贈瓊琚。洛陽三月看花者。連爾春風花下車。

舟夜

鳥飛欲盡暮雲空。斜戴南冠獨倚蓬。木葉聲乾風簌簌。簾簾影亂月融融。支離身世青山瘦。存得年華近水東。秋色滿缸書畫淨。令人却憶米南宮。

其二

片帆何處泊黃昏。白水青林月一痕。砧杵聲聲楓樹屋。漁樵三戶夢花村。蕭疎半白馮郎首。搖落堪憐客眼昏。南去雁書何日到。西風回首舊江門。

華陽洞集

卷之十七

四

三百五

客中歸思

青山一別故人稀。張翰秋來歸未歸。南浦關心芳草歇。吳江入夢紫萸肥。差池社燕歸人語。狼藉溪雲傍水飛。祇是尚書期會急。故人勞贈北山薇。

飲朱使君浣俗堂

使君留飲為停槎。浣俗堂中初放衙。風颿海天吹白日。亭臨水郭帶蒹葭。相逢可使樽無綠。放浪那看興有華。天畔宦遊歸未得。白蘋又吐楚江花。

洛河秋夜坐月

露冷風高落木天。客程初繫洛河船。懷人夢遶芙蓉水。奉使空歌杜蘅秋。秋色暗隨蓬髮老。月華應共故鄉圓。親帟今夜遙千里。綵袖清尊憶去年。

過曹史宅感舊

斜陽立馬思依依。往事驚心歌式微。京口父辭雲樹渺。長安重到故人稀。梧桐葉落寒生砌。燕子梁空暮掩扉。苦憶文園病司馬。掉頭歸去解朝衣。

山陵道中古院午憩

鳳舞龍飛護寶陵。群山佳氣望中層。雲閒聊得褰帷暇。山好昨因載酒登。澗道蘼蘼紫白水。石門寂寂帶蒼藤。鼎湖龍去山河在。泣向西風淚滿纓。

華陽洞集

卷之十七

五

三百七

送吳崑麓南還

懷君千里憐芳草。君到真堪慰索居。結客少年雙劍在。論文清夜一燈虛。燕臺元識黃金駿。宣室終思痛哭書。莫對離筵歌伐木。轉枝黃鳥正愁予。

其二

桃花杏花無數紅。美人別我歸江東。文章怪底憎命達。驕驕遠莫誇群空。春風此日郢中曲。世事當年塞上翁。知我者希我逾貴。伯陽合是人中龍。

送沈虹野歸吳

才名海內沈休文十載論文獨有君
夜榻話殘燕市月春帆歸去越溪雲
飛花無賴愁中劇啼鳥生憎別後聞
道氣百年長好在陽春歌罷惜離群

其二

范蠡湖頭春水生夕陽曾記放舡清
相逢疑對楞伽寺送遠俄驚古北平
玉樹瑤花他自好高山流水若爲賡
亦知國士元清廟早晚公車召長卿

常莊餞劍南

常曲花深芳徑開春風滿飲故人杯
堦翻芍藥稍將燕陽洞藁卷之十七
六三十一

吐亭俯沙鷗閒自來趙舞燕歌雙送酒
煖雲晴日一登臺風塵城郭終何事
枝上催歸緩緩催

其二

雲薄高城片雨過雨餘新水綠於荷
紫駟隊隊嘶芳草弱柳枝枝嬌綺羅
輕燕似憐如舞舞啼鶯細和大堤歌
故人一別風烟隔落日江南奈遠何

送高省庵宰彭澤

鳳凰臺畔少年場秋色同分桂闕香
並馬幾回燕市客雙鳬此日漢庭郎
華簪初戴頭仍黑錦纜徐牽日正長
天畔遐心共湖水送君南去到潯陽

其二

除章初下五雲邊春入江城花欲然
好讀西京循吏傳還乘南國孝廉舡
微書應列魯恭績捧檄今知毛義賢
君去試看官舍柳青青猶憶義熙年

送劉念庵憲副兵備固原

繡衣使者去翩翩隴樹秦雲路幾千
部曲欣傳開府姓侍臣咲贈繞朝鞭
風生憲節清榆塞火照降旗歎右賢
飲至歸來頭尚黑麒麟高閣日華邊

其二

城頭驛路入金微一道寒霜傍馬飛
畫省乍辭清夢華陽洞藁卷之十七
三十四 七

隔蕭關初度故人稀籌邊樓啟傳宵柝
執法臺高晃署輝西顧只今勞聖主對
君慷慨賦無衣

題鍾王陽世恩節壽冊

鍾即文采繼元常奉使初辭漢署香兩
世清班登畫省三朝舊德照青箱海天
孤月娟娟白瓊島仙桃宛宛芳祝罷南
山拜家慶春輝暖映紫霞觴

送汪象泉僉憲入浙便程省母

繡衣初染御爐香結束青駟出建章
一路風雲新使節片帆烟雨舊江鄉
崇臺畫永門如水方岳秋高月似霜
咲折葵花贈行色丹心日日五雲傍

其二

與君同是宦遊身千里長雲入夢頻舊國共憐親舍
遠殊方祇喜故情真皇華初拜彤庭詔家慶欣看彩
袖春天畔使星看漸遠南中先慰倚門人

寄學憲馮少洲校士浙中

才名不數漢儒林大雅千年獨此心念我能投青玉
案報君賸有白頭吟暮雲片片江東路流水冷冷空
外音奉 詔求賢真不忝燕臺駿馬萬黃金

其二

美人東去幾長亭鳥自嚶嚶雲自停吳地月如燕市

華陽洞葉

卷之十七

八
三百十三

白越中山似薊門青即看風雅登周鑄定見賢良人
漢庭南斗竟天橫紫氣青霄何處避文星

洞簫倚歌

嬌歌細管倚金屏一曲霓裳月滿庭弄玉樓開青鳥
下莫愁城近彩雲停聲當換羽含顰轉調入悲秋掩
淚聽總是昔年歌舞地重聞清樂不勝情

初夏新溪午集

綠樹欣欣十里陰更憐山水送清音五城樓敞群仙
至萬竹堂開二仲尋棋局日長啼鳥換酒杯香膩落
花深此生自可醒還醉翻笑三閭澤畔吟

送朱鹿谷歸靖江

走馬東風二月天相逢意氣未央前看花常曲美清
夜結客却郎誇少年饒劍不堪分驛路一樽聊復對
離筵臨岐莫誦江淹賦芳草天涯正黯然

其二

天上薰風吹錦衣離亭樽酒送將歸高城罷霧柳逾
暗遠水無波帆亂飛求友林鶯啼恰恰留人檣燕語
依依定知後夜相思夢長共澄江明月輝

辛亥丁巳兩偕吳崑麓沈劍南信宿石潭山房

癸亥二月重登而二君遠矣感舊留題

華陽洞葉

卷之十七

九
三百二十七

宿雨初收曉放艇布帆斜掛舊江天雲留松磴午猶
濕檻俯沙鷗春可憐閣影靜依波面石磬聲遙落海
門烟故人同別江樓月客與風塵又幾年

其二

西風吹笛白蘋洲同上江心明月樓夜靜漁歌相款
乃波澄欄影自沉浮青山有夢憐知己白髮無情欲
滿頭濯罷塵纓歸棹晚不禁雲樹故相留

秋晚高湖吳郎載酒送別

十里湖光一鏡平酒舫如葉泛空明遠山氣紫日半
落白苧歌清涼暗生秋興不禁風策策美人況復三

英英伯勞飛燕東西路無語同含一水情

無題

仙子樓居絕四隣。瑤華開遍不逢人。清歌細咽秦臺月。微步輕嬌洛浦春。睡起腰肢連竹瘦。坐來眉黛共花顛。芳蘭采采香盈掬。暗托東風贈所親。

雲居寺同何蕭山登城午眺

雉堞高臨湖上峰。勝遊真喜故人逢。遙村烟火青林午。絕壁松篁翠蓋重。平海東流荒宋歿。大江南抱隔秦封。山中猿鶴能留客。歸路斜陽何處鍾。

別西湖歸途賦懷

華陽洞藁

卷之十七

十

三百七

酒船芒屨已經旬。湖上仍留未了因。入棹恍如投逆旅。憑山猶似別情。人松門蘿磴懷陳蹟。楓葉蘆花認舊津。短杖重遊知有日。向來魚鳥定相親。

病居言懷

青山久憶采蘿無。拜疏歸來病未蘇。止飲已欣無酒債。蠲租更喜少官逋。乞身願賜湖名鏡。住處堪教谷姓愚。倦客在家貧亦好。風塵曾媿府中趨。

初夏晚起

曉起池塘新水平。炊烟不動四隣清。放稍疎竹弱無柰。挾子幽禽馴不驚。園果半黃和露摘。水田分綠帶

雲耕長貧詎是因官薄。懶性從來不治生。

送沈七秀才赴試南都

槐花古道白門秋。結束輕衫意氣遊。遙憶南朝盛文采。即看吾子繼風流。驪珠錯落三千字。桂闕參差十二樓。新榜晚開京兆府。定知國士得應劉。

秋日携友泛舟登龍山

蕙葭瑟瑟柳絲絲。短棹無帆輕自移。湖上人家杭稻熟。山腰亭子辟蘿垂。天圍亂水晴逾碧。秋落遙峰瘦更奇。樽酒故人清話懽。得歸反悔乞歸遲。

其二

華陽洞藁

卷之十七

十一

三百八

謝病歸來卧茂陵。愛山真似憶良朋。每從小閣開窓看。更向西風載酒登。穉竹短松綠磴曲。落霞孤鶩映波澄。賦成招隱休題壁。古調誰如陸士衡。

新河載酒天荒秋泛

高筵已醉菊花天。更洗殘樽上酒船。斷雁一聲秋似水。遠山百疊樹如烟。青蘋風颭寒吹髮。白苧歌清緩扣舷。謔語醉中渾不記。踈狂應仗主人憐。

其二

送送同登湖上舟。一談一笑坐夷猶。殘霞漏日澹將暝。落葉傍船寒不流。酒榼蔬盤真率飲。汀花溪水淺

深秋興來觴酌無巡數不問曾傾幾百壽

曹園夜飲得池字

赤欄橋畔水平池弱柳枝枝拂地垂一曲艷歌金縷
細十千美酒玉山歌露香舞袖沾花濕夜久殘樽就
月移高會百年吾輩在倍因春好願春逢

穀雨龍山載酒贈席上歌姬

雨歇南山背郭青女郎連袂踏花行身輕洛水嬌無
語家在邯鄲舊有名鄧雪醉聽渾欲舞峽雲不斷自
多情青樓薄倖曾誰似每為留春春恨生

題李秀岩白雪山房

華陽洞壑

卷之十七

士

三頁中

公子西園小築成縑塵不到迥含清圖書靜映牙籤
冷簾幙輕搖玉樹明賦擬謝公寒照坐歌傳郢客暗
飛聲懷人良夜堪乘興欲向山陰道上行

登君山飲眺

背郭青山擁坐隅西風斜日徧寒蕪潮分沙縣江南
北地圻蛟龍窟有無駭浪紛飛搖雉堞斷崖離立俯
天吳春申古墓無碑碣落木千山空伯圖

登靖江孤山望海

孤峯拔地起江濱吳楚提封一嶼分天落海門低似
水山浮澤國渺如雲蛟宮日射黃金暈石壁苔滋綠

王紋東望十洲還幾許欲尋瑤草訪神君

題朱虛谷扶閣

江抱吳天日夜流夫君家住小瀛洲波光分映疑浮
犀山色南來半入樓白雪當筵飛郢曲青虹射水解
吳鉤瀟留莫漫憐叢桂獻賦公車正黑頭

江陰城西看菊

矮屋疎籬雙徑開板橋斜跨水萦迴拂筵風細香園
坐撲酒雲明錦作堆佳節不妨過落帽寒花賸可送
深杯霜枝露蕊清人骨歸路斜陽首重回

朱鴻臚頤文學過訪

華陽洞壑

卷之十七

士

三頁中

薜蘿鑊徑寂無媒春晏何期二仲來詩律五言高白
壁鶯花一樹照深杯髻華久別添衰颯懷抱相逢得
好開見說買山同結社白雲深處讀書臺

江陰道中

十月吳江楓葉黃寒雲繞舵送孤航亂山斜日低帆
影荒成西風急雁行長路車回窮阮藉故人書斷懶
嵇康相逢何物堪相贈水國芙蓉昨夜霜

登仰蘇樓

松下逢僧半舊遊西風同倚仰蘇樓禪談堪悟生公
石搖落仍悲宋玉秋錦字千章開斷壁女牆百雉枕

長洲登臨况復偕懽友每到山中信宿留

虎丘感舊

萬壑秋風落木天青山曾到憶當年紅塵已換繁霜
髮白社重尋舊日綠悟石軒清僧更寂可中亭好月
初圓指揮如意談空色細數天花落滿前

上徐存翁閣老代曹太史作

六最台垣相業高五雲常映錦鱗袍丹心日麗當霄
漢黃閣風清淨海濤萬駿群空收國士千官禮絕引
仙曹金貂不數汾陽後池上春深長鳳毛

陸道南六十壽詩

華陽洞藁卷之十七

十四

莫是當年陸士衡江東騰有舊家聲明經少列諸生
籍遺世終歲慶士名荏苒歲華更甲子浮湛閭里老
昇平與君同齒君逾健幾欲相從問養生

贈邑侯陳白野陞湖廣二守

茂宰清名誇絕倫郡章初下主恩新天衢萬里翻
翻兩花縣三年慶慶春棠覆江城憐召伯蘭盈楚曉
吊靈均別君騰有吳天月永夜絃歌比屋聞

其二

露冕行春向楚天湖南風物挂帆前三湘落日先憂
淚七澤秋風哀郢篇彩鷁衝花惟載鶴宦衙吸露獨

聞蟬南洲見說多高士可是陳蕃榻尚懸

贈董少伊進士出使

洛陽公子最才華彩筆能生五色霞兩代賢科高接
武三朝世德舊通家丹山威鳳雙飛翼赤縣甘棠一
樹花畫省相逢談往事使君忽漫向天涯

贈臨淮侯李秀岩

公子翩翩漢李膺清門如水好誰登祇憐裘仲開三
徑肯狎金張向五陵身近天顏知有喜官蕪貴介
若無憑倚臣地望元清切光映台階最上層

秋夜偕黎瑤石李秀岩山房話懷

華陽洞藁卷之十七

十五

賜衲參寥出鳳城詩囊禪錫照人清湖山有主曉逾
碧水月無塵秋更明窓綠已添新竹影亭虛重問舊
鷗盟法筵盡日人如堵應看空花落滿庭

華陽洞藁卷之十八

金壇張祥薦著

七言律

西湖秋泛

湖上峰稠亂晚晴每逢佳處問山名
偶因寺好頻停舫貪為波澄不記舳
斜抱連環千嶂合平分雙鏡六
橋橫更堪歲晏芙蓉冷永國西風日夜清

湖心亭晚酌

湖心亭上半虛無身在英英白玉壺
涼雨初收峰似點高雲不動水如鋪
杯前芳杜青堪把檻外馴鷗近

華陽洞藁卷之十八

可呼指點渙燈認歸路絕憐烟景晚模糊

昭慶寺僧樓聽雨

小閣夜聽湖上雨故人瀟灑對床眠
寺雲飄檻濛濛入簷溜循涂細細懸
散逐松風清萬壑旋隨僧梵洒
諸天曉來沙路休全濕擬趁新晴上酒船

題崑麓長嘯亭

裘馬從來傲五陵草亭高卧白雲層
神蛟夜舞千瀟立威鳳晨鳴萬籟澄
北海長風吹越石蕪門朗月照
孫登匣中躍躍悲雄劍曾使夫君意氣增

焦山訪郭五遊

浮玉峰前訪隱淪丹崖青壁總嶙峋
定從郭璞傳詩格疑與焦光作後身
五嶽烟霞青竹杖三山花鳥白
綸巾知予亦是悠悠者樽酒招尋月色新

楊州赴朱白野侍御飲時臺中官梅正開即席賦之

拂衣偶跨楊州鶴覓勝仍看官閣梅
豪笑謬乘何遜興品題元待廣平才
暗香細細浮瑤砌冷蕊盈盈近
酒杯祇為和羹有佳實早花先傍使君開

宿焦山水晶庵

一椀夜坐水晶庵僧屋無塵月半龕
江浦天低潮暗

華陽洞藁卷之十八

二
三百五

長海門雲冷酒初酣寒傳鍾梵聲俱入
龍抱星河影倒涵禪榻怪來清到骨
始知枕席近烟嵐

甲子歲除賦懷

江春殘夜入詩家準擬春來事事佳
雙鬟任渠更玉曆東風泥我拾瑤花
早梅拂檻仍含凍曷歲懷人欲
贈麻細數庚辰逢甲子蹉跎四十五年華

花朝有約

花朝會與故人期夜散柴關遲所思
小閣憶君同倚處曲欄憐我獨憑時
望中落日青絲騎夢裡東風瓊
樹枝可是海棠如有待春分猶自看花遲

官舍偶成

薄俸携來便買書，何妨客舍食無魚。肯因吏俗詩懷減，翻喜官貧幻夢疎。却掃細評高士傳，問奇偶過故人廬。英雄事業浮雲渺，燕市斜陽吊望諸。

病歸

三疏承明暫乞休，拂衣開伴赤松遊。風塵肯暗芙蓉劍，詞賦能驕杜若洲。一路寒山霜後色，數聲連雁客中愁。寒營強飯長生訣，到處丹丘總易求。

其二

病身宜逸未宜休，為就丹砂賦五遊。落葉半帆青雀舫，歸心千里白蘋洲。瘦憐沈約頻移帶，詩和張衡半

華陽洞臺卷之十八

三

是愁。註罷叅同應什襲，還朝儻許故人求。

長安古寺別僧

一夜霜風墮白榆，荒原寒色片雲孤。登高已過黃花候，送酒仍勞碧玉壺。僧屋隔烟圍雜樹，牛鍾和葉落平蕪。閑看畫壁曇摩相，為問何年再折蘆。

其二

帝里山河古北平，由來年少重橫行。角聲寒應邊聲動，劍氣遙連朔氣明。結束貂裘朝射雁，相邀獵伴醉呼鷹。從軍閭地初連北，笑讓奇功不用名。

天津道中歸興

未歸無奈鄉心急，歸矣其如道路長。晴日大河寒蕩影，朔風衰柳慘成行。思家頻賦江南曲，行役高歌杜宇聲。昨夜尺書傳驛使，已將家慶慰高堂。

舟雪

使程歲晚下長安，雪滿關河行路難。遠水不流瓊作岸，亂山半出玉成巒。凍雲接地歸鴻斷，古戍無人獨樹寒。疑入剡中迷去住，一航夜色倚篷看。

張秋遇冰

流澌十月下東平，歲晏風塵薄宦情。天末雲高寒暮色，汶陽水落動寒聲。關心江國家千里，屈指郵籤路

華陽洞臺卷之十八

四 三百三十三

幾程。賸有爐香與書卷，閑中心跡共雙清。

滄洲贈徐龍灣

曾於翰墨識君才，中歲相逢郭隗臺。傾坐容輝青玉立，臨風笑語夜珠來。江南麗藻徐陵體，河朔清秋庾信哀。熱市黃金高北斗，鹽車早晚購龍媒。

飲徐龍灣官舍

霜落澤沱十月天，與君一見一相憐。開樽細酌烏程酒，洗硯高題白雪篇。庭鶴不鳴心共寂，城雲無色意俱玄。他年天目山中社，儻許重聽流水絃。

東郡道中早行懷古

霜白天空驛路迴中原懷古獨低徊
寒帷忽見海雲結憑軾徐看山色來
魯殿齊宮深蔓草秦封漢禪入荒苔
只今誰解歌風雅遙憶當年季子才

徐州登戲馬臺

群山迴合擁徐方望眼平臨鳥路長
斷壁中開危磴立飛流西下濁河黃
風塵伯業偏安地戎馬中原古戰場
最是楚官堪涕淚荒臺無樹倚斜陽

放鶴亭晚眺

往事消沉歲月更古亭瀟灑若平生
山人杖屨雲霄

華陽洞臺卷之十八

五
三百十七

識太守文章鶴並清華表即今歸夢杳
夕陽依舊傍簷明欄干徒倚幽懷遠
白石寒泉非世情

渡盱眙山吊古

樹杪飛流蕩日黃長淮中斷限徐楊南
來王氣開陵寢西去山河壯帝鄉
風颯珠林雲斷續天高鷺嶺鳥徊翔
當年開府臨戎地古木無枝傍戰場

飲招隱山樓

昔年杖屨訪山靈曾醉桃花水上亭
快閣再登芳樹綠一樽重對晚峰青
窓含江色當杯落風送鶯聲隔竹聽
日暮隱君招不至碧雲如玉滿空庭

其二

僧樓開對晚峰開山靄蒼蒼山月來
靜影不驚幽鳥夢清光斜落故人杯
暗泉遶戶松蘿合暝壑生風草樹迴
欲買小山種叢桂結廬高傍讀書臺

江行入儀真

清江白舫坐夷猶江蒸青青江水流
山列金焦吳地圻潮連淮海楚天浮
十年塵滿開河鬢五月涼生水國秋
落日千峰射波赤布帆無恙近真洲

其二

青天不動大江平打鼓揚帆覺岸行
波底倒看峯影

華陽洞臺卷之十八

六

三百三

直海門背指浪花明問津楊子猶吳語
聽曲長干半楚聲好采江籬垂雜珮可
因幽事緩王程

觀瀾亭逢吳鳳泉舍人避暑

舍人遙別鳳凰池避暑中亭岸接離檻
俯荷花嬌欲語波涵柳色澹生姿一枰
棋罷城陰落獨樹風清鳥夢知李杜文
章照千古手摩蒼蘚續遺碑

登太白樓

城高徑仄酒樓開賀監邀賓騎馬來
笑解金龜斟舉白醉攀宮錦重憐才
夜即遙隔梅花笛鏡水誰同運葉杯
良會重尋無復昔崧山空棹酒船回

其二

天上仙人十二樓笑騎黃鶴下瀛洲賦詩倚馬三千
首呼酒當壚一百籌供奉已辭清禁直浮沉聊為醉
卿留千年遺貌仍瀟洒偶坐猶如話舊遊

送須檢校

馬上相逢白面郎金鞭高揖問同鄉一官初捧尚書
省千里遙趨刺史堂驛路霜清楓葉赤山城風煖荔
枝香已憐送客仍為客况復瞻雲數雁行

壽頌封君

南極中霄醫紫氣遙知佳氣動星文夕郎鳴王留青
華陽洞藁卷之十八 七

璚家度開筵在白雲舊德百年周壽考清階九命漢
封君廣成定結長生柱日日西山鸞鶴群

壽段河諫議乃尊七十

河上仙翁食紫霞青山對屋種瑤花年當杖國身仍
健官拜中書鬢未華五鼎即看齊綺餼九還初報熟
丹砂題詩憑寄雙青鳥紫閣峯前弟幾家

寒食雨懷

天畔孤惶好向誰况逢寒食雨絲絲鄉遙無處寄來
曉景晏還期春去遲止飲甕頭餘舊酒禁烟客舍冷
晨炊遙知綿上經行者指點青山說介推

署中詠懷

拙宦無媒任陸沉病懷日夜憶長林誰能適越資章
甫祇合逃塵避足音歲月暗催雙鬢雪君親併苦百
年心草成歸疏未能上倦馬天涯春又深

送李夷川謫守同州

文園一卧幾經春画省重來少故人十載郎官猶執
轡九霄封事獨批鱗共言受諫逢今日更道徵書起
逐臣此去定非明主意可知無賦吊靈均

晚春遊韋莊水亭

黃鳥關關喚友生主壺美酒繫絲繩花園亭子移時
華陽洞藁卷之十八 八

坐水遶欄干盡日凭肺病忽因茲地減髮華奈比去
年增懷中歸疏明朝上吾亦江東張季膺

乞歸

病免還家尚此身風塵祇益髮如銀買書能向閑中
讀辭祿元知歸後貧三徑無資聊種竹五湖有主但
烹蓴買山應被山僧怪林下清時見一人

送劉迪功丞德平

芳藥花開別友生一枝遺贈故人情彤墀初捧郎官
檄赤縣先傳少宰名祿可代耕元不薄丞非負爾即
為榮遙知邑吏郊迎處麥隴薰風馴雉鳴

飲招隱泉亭醉眺昭明讀書臺

十里桃花錦作堆花香無賴逐人來泉聲細細流苔
徑松影娟娟落酒杯一曲平原招隱揚千年帝子讀
書臺登高作賦愁顏破不是江南庾信哀

甘露山堂別筵次育泉韻

楊柳條長臨水綠櫻桃花暖照人紅江光滉漾僧窓
外山翠參差杯酒中芳艸欲迷歸去驛夕陽初暝最
高峰故人笑語能傾座不向離筵影轉蓬

瞿生九思自黃至吳受業於予適予北遊不及
相與信江游揮手而別

華陽洞藁卷之十八

九本
三百三十三

書劍遠辭黃子國孤舟千里賦浮湘半江帆影青山
瘦兩岸桃花錦浪香楚客離騷元宋玉中原文獻竟
陳良別君明發揚州路望入南雲一水長

其二

京江三月水如苔江上逢君識楚材萍海乍驚雙劍
合客程無奈片帆開喚愁草綠湖南路含笑花嬌掌
上杯臨別贈之明月色漢陽春樹首重圓

春莫渡江行儀真道中

朝來行色愜新晴吹面風和別酒醒官柳送人侵慢
綠鄉山留客隔江青遊絲故買桃花片嬌燕初飛杜

若汀親舍白雲猶入望不堪蓬蹟又長亭

渡江後寄友

東風吹暖柳花天君向東吳我向燕分手曾動捐珮
意掛帆仍寄齊江篇容輝漸覺望中遠親愛翻從別
後憐瓊樹枝過雲水隔屋梁清月夜娟娟

孟城雨後望湖

片雨初收驛路塵湖光晃日迴浮銀棹歌猶唱江南
曲燕語如憐客裡人細草微風寒澤國淡雲晴絮送
殘春海天風物仍依舊歲月惟催白髮新

實應湖阻雨邵禎數年兄贈詩即景賦二章報

華陽洞藁卷之十八

十本
三百八十八

之

花落那堤新水渾使君灘畔泊黃昏烟光淡拂垂楊
色海氣遙連過雨痕楚岬小山懷帝子江天芳艸憶
王孫孤舟獨夜堪愁絕賸有陽春慰旅魂

其二

繫纜共聽湖上雨逗帆同阻石尤風殘春楚水沙棠
楫落日淮山桂樹叢海內文章陳伯玉船窓書畫米
南宮新詩勞贈瓊瑤重欲報雙金妮未工

月夜聽舟人吹笛

官舫如家頻泛泛澄波似練故漪漪半帆暮色關山

月一箇清風楊柳枝靜愛水龍吟斷續旋驚天籟酒
妻其倚歌亦有江南客樂府曾傳古別離

天津夜泊

風高海郭暮帆收夏半凄其直似秋月色浪聲寒傍
榻遠鍾殘柝暗隨舟天垂碣石銀河落雲盡滄瀛貝
闕浮佳氣中霄明紫極行人指點說皇州

舟次夜話

短燭生花映薄帷海天涼雨夜絲絲三更清話益尊
灑千里鄉心滿篋詩吏隱不須嗟宦拙消埃祗愧報
君遲匣中賸有芙蓉劍醉後重看更陸離

華陽洞壘卷之十八

士
三百三

送張斗澗年兄謫建昌傳

科名早歲共賢書岐路年來見面疎燕地故人惟爾
在漢京循吏總誰如會聞薦疏推奇績何事書空起
謫居劉向傳經官不薄定知清譽動公車

送留暮岡任建寧簿

閩越年來百戰餘君今佐政欲何如山城畫室無杼
軸吏事盈庭有簿書才在不妨官祿薄時清未可宦
情疎延平神物窺人過慎爾腰間雙湛盧

壽費舉人母六十

仙班朝別下蓬萊甲子今更第一回朱紱早憐影

散絃衣重見桂叢開春暉在再逢萱砌秋色平分落
壽杯定報仙籌添海屋麻姑書信好頻來

賀瑞芝早朝

鑰聲初啓掖垣扉金水橋前動曙暉官柳含風吹珮
玉金莖垂露滴朝衣上公告瑞登清廟太史書祥下
鎖闥闔闔齊開遙北望五雲高傍御床飛

中秋雨

門掩空庭木葉清偶逢佳節愛佳名坐憎風雨渾無
賴悵憶嬋娟空復情良夜已憐經歲隔清光何惜一
宵晴停杯細數當年事曾見中秋幾月明

華陽洞壘卷之十八

士
三百九

省夜

暮裏明河帶苑牆蕭蕭亂葉下微霜風迴寒柝沉遙
堞天近疎鍾出未央共道漢庭方貴少可知顏驄尚
爲郎一官無補思田里歲晏南中橘柚黃

送丁少鶴謫延平

歸門霜印雁飛高握手都亭解珮刀客裡情親君又
別天涯意氣向誰豪漢京辭賦流傳久閩地瘡痍屬
望勞此去不因明主意那齊且莫註離騷

其二

才人下嫁出邯鄲舉俗猶將國色看不道蛾眉逢妬

易却憐純扇別君難秋風吹面頻看鏡幽事關情好
佩蘭賸有遐心隨片月夜深還照掖庭寒

送李吳川監允小灘便程歸趙

驛路霜清劍氣寒皇華南向使君灘紫泥頒勅新開
府畫省含香舊漢官麗藻春明驕鄰下錦衣晝煖照
邯鄲中原飛輓芳籌策聖主元知稼穡難

贈蕭鴻臚

蕭郎結客盡賢豪贈我腰間金錯刀尊酒共看鵲
月鄉心同憶廣陵濤朝儀徐引仙班靜委珮遲歸畫
漏高作吏風塵詩總廢對君聊復一揮毫

華陽洞藁卷之十八

三

本

書友山卷次韻

白石青山幽且深洞門雲氣洒衣襟謝公別墅開枌
欂杜老茅堂帶檜林叢桂調高招隱士荷蘭操遠汎
清琴孤峯靜對成賓主隱几長哦伐木吟

壽顧封君

通家已忝莖中舊杖國欣聞河上公繡幃觀風歸陝
右紫泥傳詔到江東架樓高貯封君勅開宴還招比
舍翁珎重仙郎遙獻壽丹書頻探下崆峒

再授官謝恩

金吾簇杖曙鍾初起傍丹霄拜鳳書地省再登新命

忝朝班重入舊僚疎夾城花映中官第馳道雲連學
士廬才薄遠慚楊執戟河東無賦待吹噓

重典掌故

鳳闕東臨畫省開當年掌故此重來逢人莫話郎官
舊報主堪驚歲月催懷刺補衡高偃蹇積薪長孺獨
遲迴壺壺擊缺仍豪舉笑對黃金百尺臺

吏散樓居

散衙初出尚書省退食聊開倦客顏憑檻夏雲流粉
堞登樓烟樹隔青山詩成祗合頻焚草官拙何妨獨
閉閣聞說公卿今下士薛公東閣竟誰攀

華陽洞藁卷之十八

古

本

長安秋望

秋風吹雨過桑乾霽色澄鮮立馬看黃葉亂飛千雉
冷青天西落數峰寒君親恩重曾誰報鄉里書來
稍自寬郎署浮沉驚歲晏同人偃蹇不彈冠

送王繼山守武定

春風同醉杏花天一卧青山又幾年弟新承明主
賜專城已識使君賢寒予愁似張平子羨爾才如玉
仲宣自是辭人堪岳牧東方五馬去翩翩

送吳崑麓會試

野水孤舟一葉輕掛帆徐赴海潮生檣聲帶月清殘

夢江柳迎霜落曉晴文苑年來誰獨步交游歲晚自多情細推造物盈虛理行矣期君悔盛名

其二

霜白天青木葉疎故人行行李且馬如劍冲南斗寒開匣文擬西京早上書勲業未須傷歲暮才華遠勝識君初說詩海內傳匡昷好入承明侍禁廬

送蔣教諭

燕城雨濕晚沉沉送客都亭解珮鐔經術分明秦博士文章爾雅漢儒林離觴細酌榴花酒古調高歌樸棫吟誰道官閑門似水共看良冶鑄南金

華陽洞藁卷之十八

五

天街月夜聞歌

風恬九陌淨纖塵燕市行歌遇酒人片月高懸鳴鶴夜五雲晴簇未央春遠家江總頭顱日識面何堪樂府新帝里交游誰獨健祗因衰謝倍情親

贈吳崑麓

國子先生官舍清著書滿架獨藏名床頭長劍生雲氣袖裡玄珠吐月明瓦注等閑浮世事綈袍眷戀故人情天涯懷抱堪誰向何得逢君却盡傾

乙丑 聖節早朝

玉漏合風出禁城垣門初啓報朝盈鳳樓高矗宮雲

近象輦輕移庭月明動地歡聲呼 陛側配天 聖壽應河清近臣應識 君王喜鵲立丹霄最上層

其二

四十四回逢 聖節萬邦萬歲祝充封鎖傳金鑰開三殿旗閃銀河傍 九重南極壽光連寶座紫微佳氣護飛龍瑤階呼舞年年事 御壽嵩高第一峰

呂梁

連山中斷水門開高束長河驕欲迴流沫千層紛濺雪怒驚百折殷奔雷參差石勢迎船出傾瓦帆檣破浪來世路風波那可道不禁登岸首重回

華陽洞藁卷之十八

十六

使還渡江

楊子春殘賦遠遊車幸歲晏渡歸舟帆移山色如相逐江靜波光似不流長路載驅衣帶緩故人重見鬢華秋高堂封秩 君恩重夙夜能忘國士酬

西庄春事

橙籬宛轉竹蕭疎斜抱清溪小結廬春煖果園開印灌雨餘瓜地綠堪鋤花間客到惟歡友案上風翻祗道書文史仍教兒輩讀勿云吾已負公車

其二

綠樹陰陰屋數間蓬門雖設晝常關經春新酒身初

健長日捐書境倍閒凭檻喜堪涼雨至開窓任放莫
雲還地偏心遠丹丘在青史功名各駐顏

西庄友人過訪

參差花影覆蒼苔竹裡茅堂午未開啼鳥喚將春睡
起應門報道故人来旋梳短髮冠斜岸半敞閑窓書
罷堆懶慢尋常君莫笑滄江一卧愧群才

華陽洞簫卷之十九

金壇張祥萬

七言律

西遷道中言懷

青山已卜種瑶花又著紅塵染髮華自信懷忠盟白
水誰能顧影避含沙泥途日涉同漂梗候館宵投似
到家不爲君恩深未報肯因薄祿向天涯

真定曉發

可知遷客寸心違况復新秋一葉飛鉅鹿晴雲明短
劍渾沱曉日照行衣投閑誰道官增秩恋主堪禁帶
華陽洞簫卷之十九

臧園拙宦半生仍道路西風無柰故山薇

真定哭楊裁庵老師

曾記先朝庚子年霜前一侍惠文冠伯牙未奏高山
調豫讓先當國士看恒嶽隕星秋色冷渾沱沉劍夜
光寒乾坤知己今誰在轉覺人間行路難

順德道中午憩

燕趙驅馳一駐車悲歌懷古獨躊躇處囊誤作平原
客去國慵題樂毅書白苧迎秋風颯颯青槐垂屋雨
疎疎問程南走邯鄲道悵憶才人下嫁初

過邯鄲黃梁祠

客路南來又幾程西風一十九長亭亂山傍馬晴逾
碧芳艸撩人秋更清往蹟尋常行處在畏途依約夢
中經邯鄲道左神仙祠試問盧生醒未醒

衛郡晚來望太行

千峰日射曉雲流半是看山半宦游天入太行分晉
衛地盤牧野認殷周拂衣輕別長安道倚劍遙瞻故
國樓五嶽何時雙屐遍西風短髮好禁秋

獲嘉聞雲南命

初拜監官度太行忽傳新命下昭陽雲霄能辨孤
臣謗道路驚看太守章已拂青蠅分白壁休言閭歲
華陽洞藁卷之十九

二
三百廿

厄黃楊平生賸有桑弧志聊看昆明到夜郎

登燕門嘯臺

踏閣攀林上翠微荒臺無主有雲歸太行北走蒼虬
舞王屋西奔彩鳳飛烟樹萬家分井落風泉百道帶
巖扉懷人恍惚聞長嘯高立丹崖一振衣

蘇門觀百泉

蘇門此日果幽期魚鳥親人似舊知穿竇綠漪明錦
石礙人朱實墜青枝亭臨流水宛成趣峰帶殘霞
闌竒家在江南山更好風塵自笑棄官遲

嘉興同沈劍南登烟雨樓

新晴同泛李膺舟載酒遙登水上樓日氣倒沉天似
浸波光四繞屋如浮觴飛樹杪分新綠雲隔溪南攪
暗愁長路無媒堪獨伴感君顧盼贈吳鈞

清明吳門舟中叙別

岸柳汀花簇暖烟布帆無恙掛江天自疑勝日同遊
舫不分茲辰是別筵親舊已知前路必辭華倫覺故
鄉妍宦情如水君休問一曲驪駒一黯然

嘉興寺閣雨眺

林端飛閣入雲孤四顧江山古伯圖百雉人烟連越
微千峰蒼翠帶吳都雨中春樹紛堪數海上神仙恍
華陽洞藁卷之十九

三
三百十三

可呼南去故人看漸必思君長憶采蘋蕪

留別劍南

一麾出守向天涯海內君為鮑叔牙已信楚臣非盜
璧猶憐漢使遠乘槎離堂細雨茶蘼吐官路東風楊
柳斜回雁峰南無驛使相思誰為寄梅花

富春江行

午風無力布帆欹篷底看山獨酌遲兩岬好峰青不
斷一江流水綠相隨陰陰堤樹啼桑扈嫋嫋溪烟唱
竹枝不奉君恩過出守誰能到處徧探竒

其二

潮落天空入富春晴江曲曲水粼粼詭容驚山
路靜影浮窓雲傍人嘉樹成蹊林似屋澄波見底石
如銀十年一劍酬恩晚林壑休朝隱未真

豫章侯館逢賀南康移守廬州

楚水飛花攬暮春相逢同是倦遊人十年懷抱燈前
話千里關河衣上塵當路已憐知己必殊方轉覺故
情親匡山君去誰為主明發章江獨問津

其二

當年漢署共含香今日猶懸太守章虎竹再移蠻府
重雁書不到海天長豫章雄劍分雷煥合浦明珠識

華陽洞藁卷之十九

四
三百二十

孟嘗向炎方予更遠寒鴉日影隔昭陽

登廬山文殊臺觀瀑

曲磴盤雲絕復通振衣天半御長風石垂怒瀑飛晴
雪澗插奔崖飲斷虹昔日峰陰侵寺冷隔湖霞彩射
波紅青山到處憑雙屐白社無勞却謝公

白鹿洞

山人騎鹿住青山鹿去山空石屋閑哀壑風清流水
咽孤亭日暮白雲還峰聯五色凝烟紫松合千章落
影斑林卧久耽高士傳丹崖容易一躋攀

長沙吊賈生祠

嗟君去國意如何白日咸陽失太阿直道逢時猶棄
置孤忠籌國奈蹉跎居文采江山重遺廟丹青歲
月多往事不須啣絳灌由來世路是風波

貴州道中

斷續南雲天際流鳥飛不下萬山愁人烟索寞三家
市關塞蕭條五月秋分背苗夷新賣劍征西都護未
封侯五溪事業垂青史試問何如馬少游

其二

亂山高下控南交故壘新屯徧四郊隙地爲田如負
郭懸崖結屋儼危巢郵亭日暮憑雲歇戍鼓聲寒帶

華陽洞藁卷之十九

五
三百十

月敲關塞極天開郡國不從江漢問包茅

晉定逢林二泉憲副

長安分手悵何年天畔相逢是偶然笑我宦情元落
落看君使節自翩翩建牙吹角三苗靖束馬懸車六
詔連衢路屏營懷抱盡雙魚別後若爲傳

其二

承明三入故人疎舊好相憐君共予晚漏趨朝常並
馬脫衙出省每過塵浮雲一別遙開府遠道三年少
報書忽漫相逢驚喜定却疑梁月夢回初

貴州道中兩行

晨風吹雨濕行衣狼藉殘雲傍馬飛
蠻府遠投吾道是瘴江西渡故人稀
脩途躑躅天疑近遠道間關山似圍
却笑吾家張博望使華曾傍月氏歸

渡盤江

連山牆立萬峰青江勢中分雄建瓴
疊嶺瘴開雲影入亭林雲薄午陰停
波環夷夏浮光怪地圻西南開巨壑
遮莫土人矜絕險臨風結束一揚舲

渡關索嶺

萬尋高嶺抱雲斜晨起攀登午尚賒
嵐氣濕衣俄作雨瘴烟蒸日忽成霞
鵠鳴聲切程千里宦海身遙天華陽
洞葉卷之十九

一涯舊業雖貧堪穩卧何時歸種邵平瓜

南中秋思

憶昔悲歌燕市中鄉書猶得寄南鴻
年來更逐孤雲遠歲晏曾無一字通
獨夜暗愁連蟋蟀故園秋夢到梧桐
駐顏不信丹砂訣勾漏何須滯葛洪

黔中文昌閣晚眺

粉堞西盤百雉長倚雲飛閣傍文昌霞
連太華峰陰紫日射昆明海氣黃官拙
殊方客偃蹇年登諸縣集沉亡更情無
奈青山笑老大猶懸太守章

南中歲晚書懷

南冠無賴向風塵歲月能催客髮新
殘臘萬家楊柳色玄冬千樹杏花春
雲橫直北孤臣遠家在江南舊業貧
以日交游傾管鮑年來誰憶未歸人

寄毛鳳池

天涯旅抱近何如酒肆藏名生事踈
脫穎趙都登上客兌冠秦殿召中書
年華半百傳新帖鄉路三千慶舊廬
念我南遷張道濟夜即萬里寄雙魚

寄家書

故園東望亂山重回雁峰南雁不逢
萬里一官身似鶴十年孤劍氣如龍
梅花隴首春堪寄尺素燈前手華陽
洞葉卷之十九

自封已報平安慰兒女更教繞屋種芙蓉

萬曆改元日

杯酒椒盤媚晚衙東風又喜到天涯
王衡初轉迎青帝銀燭高烧吐絳花
北極慶雲春萬里南中爆竹夜千家
飄零忽憶先朝事幾度茲辰侍翠華

南中鄉思

當年俠氣結賢豪邊暮那堪覓珮刀
留滯又逢新典禮交游誰問舊絺袍
靡蕪奈逐南雲遠關塞應憐北斗高
何日故園歸偃仰細斟美酒讀離騷

詠懷

幸辭負擔綴鷓鴣 聖主恩深未棄捐 久宦轉貧張
仲產遠游曾賣貢 生田住來僮僕能 蛩語寄到家書
動隔年澤國鱸魚秋可釣 好隨烟霧向江天

登太華山望昆明池

白閣青崖赴海泥 人春色落杯前花明曉散千峰
錦松暖晴飛萬壑 烟檻俯風帆輕似葉 柳藏漁屋渺
如船 攀翻叢桂思公子 投贈能無招隱篇

其二

松際僧樓虛且清 松枝疎處看昆明 山連西竺菩提
老地 圻南溟海鶴橫長笛吹殘孤月夢 釣船過盡夕
華陽洞裏 卷之十九 八 三百十八

波平羣雲直到雲深處 好鳥迎人復一鳴

大德寺同葛誠源看雨

寺下群山翠且重 寺前飛雨暗千峰 倦游同是江南
客 勝賞堪陪塵外蹤 遠樹連村昏度鳥 流雲赴峽暮
歸龍 天南六月如秋晏 涼颯緇衣坐晚鍾

送鍾文峯別駕入 賀

碧雞山下雨初收 涼颯行衣六月秋 贈遠媿無青玉
案 居夷賸有黑貂裘 長安重到逢 新主故里初歸
問 舊游無賴昆明池 上月隨君東去到楊州

其二

萬山當路碧參差 對酒高歌生別離 因送故人歸北
關 倍令越鳥憶南枝 舊衙獨鶴隨行李 遠道清霜點
髭絲 京洛故人如問訊 道余為郡揔無奇

早春府僚邀飲圓通山亭

百尺丹崖曲磴通 孤亭雲際俯琳宮 撩人無柰春如
海 結客真憐氣似虹 山色浮杯霞重碧 花枝圍坐亂
殷紅 一麾誰道江湖冷 太守猶堪號醉翁

登五華山樓用前韻

窈窕青山一逕通 閑隨孤鶴到禪宮 澄波照檻開銀
鏡 古堞當樓偃玉虹 匝地柳搖濃淡綠 壓枝花簇淺
華陽 洞裏 卷之十九 九 本 三百廿三

深紅浮雲天際輕 如葉動葉軋坤一塞翁

沅江晚渡

楚江晚渡泛寒雲 兩岸青山一鏡分 沅水悠悠帶冰
綠 峽猿嗷嗷隔溪聞 沉冥岩穴龐公宅 搖落風烟宋
王文 九晚即今蕭艾滿 更從何處覓蘭芬

宿萍鄉

未從季主卜窮通 歲晏單車走朔風 湘浦蕙葭霜降
後 萍鄉更鼓雨聲中 髮華天畔禁秋色 劍氣床頭耿
夕虹 過盡楚城家尚遠 歸心日夜繞江東

臨城驛飲譚明陽官舍

客亭五馬昔曾諳劍珮東歸再駐驂偶過故人為地主
共將鄉語話江南杏花照座紅爭麗楊柳撩人綠
半含明發天涯分去佳亂山回首隔烟嵐

清流關晚渡

斷崖離立楚關開春色憑高入望來花雨半飛紅作
陣雲山四合繡成堆英雄割據餘形勝龍虎紛爭共
草萊茲日驅車南度急囊囊懷古一低徊

桃源吊古

峽束溪迴走白沙亂山無路認仙家秦人舊宅空烟
霧古洞遺碑自歲華水落漁舟橫野渡雲深樵徑失

華陽洞藁

卷之十九

十
本
三百七

桃花仍聞瑤草青堪拾好問迷津一泛槎

宿靈石寺

群峰迴合亂春陰斷壑雲藏古寺深飛錫迸泉開寶
地種松巢鶴護珠林隋唐臺閣猶丹腹海岱烟霞自
古今禪榻觀空坐超忽佛燈照雨夜鍾沉

其二

丹梯窈窕拂雲登路入諸天訪上乘古寺常傳三世
火山深擬有六朝僧塔浮松院浸峰影碑卧苔堦露
石稜勝地初開何歲月頭陀猶記佛圖澄

登太山

十二山河擁岱崇襟齊帶魯削芙蓉嶽雲晴捧天門
榜海日宵明玉女峰周殿有基餘氣色秦碑無字記
登封乾坤四望收今古高立層霄第幾重

其二

探奇千里一登山平子何辭梁父艱絕頂神君開絳
闕連峰紫氣護玄關霞明紅見扶桑外天近青垂大
麓聞海上飛仙如可挾更尋十嶽徧躋攀

贈郭慊庵太守

昆明池上萬山秋露冕初逢郭細侯太華雲晴曾共
眺上林春早復同遊一麾出守誰青眼萬里歸朝尚

華陽洞藁

卷之十九

十
本
三百十六

黑頭買駿定須從隗始使君五馬總驂驪

其二

長安挾轂問君家繡陌西連御宿斜池上鳳毛元傍
日斗間劍氣欲成霞傾都舊識桓生馬絕塞初歸漢
使槎紫禁朝回拜家慶錦衣春映北堂花

長安客舍崑麓過訪

畫角高城吹落梅寒宵風雪故人来相逢莫問頻年
事飄泊全停濁酒杯三徑未荒歸有夢一官如舊笑
無媒吳鉤在掌君珍重霄漢連翩總上才

燕郊偕朱鴻臚看春

三年天畔悵離群勝日郊行得共君紫陌生香塵似
海青絲飛輕騎如雲遺鈿墮曆春風亂載酒徵歌狹
路分京洛看花三十度西山蒼翠幾斜曛

留別毛鳳池

吾已歸乘張翰舟故人此地爲誰留賣文定是逢青
眼沽酒能無典敝裘舊業淒涼千里夢高懷瀟洒五
陵遊卜隣近傍金吾子將爲常何識馬周

別朱虛谷

辭君歸卧五湖西湖上蘼蕪綠已齊衢路屏營一櫓
酒輒坤去住數行啼贈詩在篋長相憶別賦銷魂醉
壺陽洞藁

卷之十九

十一
三百〇九

懶題鍾鼎山林總吾道朱公旦暮號鴟夷

訪蕭觀吾不遇

楊子江頭訪友生春江花月夜盈盈追遊曾記長安
道飄泊真憐倦客情塵榻不逢良夜話綠樽如對故
人傾醉中莫謾題凡鳥最是瓊枝入夢清

乞休

長路悠悠倦客情十年兩疏乞歸耕還家何似梁江
總學園堪憐漢邵平自識綿蕭勝照乘誰云抱玉微
連城少微中夜休相傍薄劣元無處士名

病歸

華陽芝木白雲邊採入頃筐芳且鮮畫省一從淹日
月青山幾度隔風烟養生旋學稽中散卜築堪依葛
稚川客到不須嘲尚白年來多病罷談玄

乞休得請

一笑投簪戴鶻冠浮雲過眼碧天寬青山待我長爲
主白髮催人早棄官伏櫪能忘千里志巢林聊藉一
枝安美人贈我元珎重報蒼曾無鑊玉盤

爲園

九重詔許解微官小葺園廬一畝寬酒熟先招隣舍
飲花開每約故人看門臨場圃收秔稻水滿池塘置
華陽洞藁

卷之十九

十三
三百一十四

鴨欄却憶當年身萬里郡齋獨夜夢漁竿

乙亥早春西庄看梅

徙倚欄干皂帽斜疎簾捲雪看梅花秣綠頻歲曾爲
客最喜今年春得在家遲日漸舒楊柳眼東風半綻牡
丹芳鏡湖不君王乞到處烟波好泛槎

其二

笑披初服返林臯小築精廬勝慕陶已買偏舟浮綠
水更依疎柳插紅桃春風荏苒來三徑歲月侵尋入
二毛却笑文章緣業在篋書重檢課兒曹

送王方麓尚寶之京

江天殘暑送君行路入秋風古北平卿月高分鳩鵲
影禁鍾重聽未央聲函擊御璽黃金重珮委瑤階
白玉明莫以清華少公事可無獻納蒼蒼生

其二

自兄曾誇兩曼容竟從天外得冥鴻蒲輪珍重三徵
後國士聲名一顧中大雅不群還自喜壯心未已爲
誰雄帝城再入緣明主不似陳生仗子公

書于景素扇

仙郎風度自翩翩更道文章已入玄抱策如君應遇
合待時以爾定逢年穿楊噐矢千夫辟照乘驪珠徑

華陽洞藁

卷之十九

十四本
三十九

寸圓走馬長安春似海漢庭丹詔正求賢

石湖訪王龍岡

青山曲曲水粼粼笑折梅花訪故人久別共憐衰髮
短相逢同說罷官貧輕衫瀟灑披雲氣小閣虛無隔
市塵舊業滿床書籍在喜看雛鳳羽毛新

登吳臺次法空上人韻

寺下澄湖湖上臺當年登處得重來千峰偃蹇雲齊
落二水平分天倒開飛鳥遠投蒼靄沒亂帆斜帶夕
陽田朗公詩好勞相贈併是空花入剪裁

劉泰宇別駕過訪

使君行縣擁高軒肯向蓬蒿問灌園白水抱村迎露
冕青山對屋入玄言風生匣劍鵝膏冷秋貯冰壺玉
露繁爲郡聲名傳漢史蒲鞭家法自淵源

送劉別駕遊茅山分得清字

雲白天高木葉清褰裳一笑亂峰迎泉因喜客連珠
漱山爲藏真草字橫流水琴鳴招隱操遊仙詩和步
屐聲洞天已隔人間世瑤草瑤花不辨名

送江問山山人采詩淮南

青山吾亦結幽期此去因君一問之木末芙蓉秋日
采淮南叢桂昔年枝關河行李新詩草海嶽風烟舊

華陽洞藁

卷之十九

五

百九十九

杖藜瑤草已憐天畔客江淹別賦復淒其

華陽洞藁卷之二十

金壇張祥鸞著

七言律

泛湖訪舊

菰花蘆葉亂高秋湖水如鋪淡不流興到與君尋酒
伴路迷隔浦問漁舟魚依蒲稗沉清淺鳬唼萍蘋任
去留白苧一聲拘礙遺可知吾道合滄洲

贈鄧纓洲釣亭

湖上烟雲壓艸亭新詩語語傲湛冥四簷花氣霑書
濕一榻波光拂劍青剡水風流高士傳桐江物色少

華陽洞藁卷之二十

微星行吟偶答滄浪曲翻引漁師笑獨醒

贈邑侯劉太夫人旌封

一從鸞影鏡中分手植瓊枝早拂雲已見賢聲旌直
指更看高第起即君弦歌洋溢三迂教綸誥淋漓五
色文誰道瑤池春獨永錦城風日共氤氲

送鍾西星太守入覲

雲高直壯曉霜清五馬如龍入帝城已道盤根遯
及解更留春色照人明電開閭闔聞天語風度簫韶
聞珮聲鈞軸元知登茂異冠君倘肯借蒼生

送劉蓉川

錦江春色麗朝霞為逐劉寬到若耶萬井甘霖膏綠
野一天明月浸清衛飛鳬又近昭陽日走馬重看上
苑花最是野人懷惠者遠從北斗望京華

送秦明石太守入覲

朔風吹雁大江橫五馬駢駢江上城朱綬即看天北
極賢聲元逼漢西京通明殿曉瞻華袞政事堂開
謁上卿郡國論功誰第一御屏高列使君名

其二

香飄合殿萬花濃玉珮晨趨長樂鍾天子臨軒咨
岳牧上公開閣引夔龍黃金函重頒中使赤舄才高

華陽洞藁卷之二十

動聖容最是蒼生思借寇遙瞻直北五雲重

題二松卷

山閣風清雲氣流蒼鱗離立舞靈虬歲寒不改千章
色仙籟能生六月秋夏社陰森扶寶鼎秦封尊重比
通侯何如丹壑儲高棟天上雙擎白玉樓

哭段慎菴表兄

垂髫兄弟忽華顛猶記同騎竹馬年已道嗣宗能傲
世詎知靈運竟生天箕裘冷落餘門第風雨凄其暗
几筵老去更堪悲逝水招魂無語淚潺湲

送何靜吾餉軍上谷取道南歸

關河樹色動新秋使者停車賦遠遊上谷長雲驕朔
氣桑乾倦馬憶并州材官感泣封敕詔候吏逢迎
博望輒都護徵兵頻轉餽何時笑飲月支頭

其二

驛路長風吹使華南歸何遜問梅花夜光劍洗蒼梧
雨畫錦衣明越嶠霞江冷芙蓉迎客髮天清木葉墮
仙槎三年上國觀周樂知爾携歸到海涯

見山兄七十壽詩

白頭兄弟共吹埴申子重更又十年杖國堪登耆舊
傳養生稍得悟真篇因隨澤雉神能王為避文犧地

華陽洞藁卷之二十

三
三百十九

自偏壽酒毋春新林釀百迴同醉小春天

秋夜同王玄靜虎山橋玩月

群峰四合水交流西望吳天一鏡收河影倒垂銀漢
冷月華涼浸桂輪秋半生身世堪沉飲到處湖山是
舊遊老去故人難見面停槎十日為君留

天街寺旅寓

秦淮西畔盡青山古寺疎桐對掩關客到每因青鳥
報僧歸嘗帶白雲還經聲隔竹禪房靜苔色連堦覺
路閑一別帝城三十載重游祇愧髮毛斑

登牛首山閣

僧閣高臨樹杪開金陵四望繡城堆奇峰斜倚諸天
近古木秋生萬壑哀晉代風流桃葉渡謝公文彩鳳
鳳臺音人已共浮雲散賸有長江天際來

其二

丹梯千曲捫蘿登路入孤峰最上層詭石壓簷危欲
墮閑雲飄檻靜堪憑江光飛練雄畿輔主氣成霞護
褒陵晉苑吳宮秋草合臨風指點問山僧

棲霞寺讀江總碑

僧屋高低倚翠屏飛泉曲曲樹冥冥半空晴落峰陰
紫絕頂秋生石氣青袖滿烟霞招隱士路隨猿鶴訪

華陽洞藁卷之二十

四
三百十三

山靈却思江令還家暮猶為徵君細勒銘

探山登白雲庵

樵徑盤迴畫亦陰僧家住處白雲深當門碧澗歌千
尺昔日蒼杉高十尋屨險自矜麋鹿性探奇真洽薛
蘿襟憑高細數南朝士山色江聲自古今

登北固山

孤峰縹緲赴江天白石紅亭樹杪懸一道澄波開斷
壁千林黃葉下寒烟鵬盤寥廓秋風急山缺西南落
日圓萬里中原勞北顧蕭梁陳跡酒杯前

寶界山秋望

梁溪溪上曉峰稠木葉聲軋宿雨收石磴中盤千樹
錦湖天四浸萬山秋臺高海色當杯落亭敞雲光拂
檻流指點夫椒談往事西來伯氣冷吳鈎

丙子除夕

爐香細裊結青霞銀燭頻燒吐絳花院院桃符換殘
臘村村糕勝送隣家喜看歲月高兒女笑領春風老
鬢華一樹庭梅新暑燠半含香玉拂簷牙

寄武陵博士王肖崖

與君一別隔天涯越樹吳雲幾歲華烹鯉忽開湘浦
札知君又看武陵花楚材一一遷喬木郢曲聲聲隔
華陽洞臺卷之二十
三言上
絳紗仙骨由來堪吏隱桃源春水遶清衙

遊善卷洞

青山窈窕入仙家細草生香一徑斜怪石擎雲歌碧
玉飛崖懸乳結青霞荒苔繡繡丹砂竈暗水浮來隔
洞花醉卧石床歸去晚僧厨烟歇供新茶

張公洞

洞門雲壓畫生寒一線天通萬王舍貪看境奇愁境
盡香穿山北出山南丹青暗撲仙人局金碧斜歌佛
子龕回首重憐形勝地亂峰無賴鎖烟嵐

荆溪道中

緒風吹面媚清和芳杜撩人引棹歌山色滿帆青似
玉水紋繞舵綠於莎五湖踪蹟常烟霧四海交游半
薜蘿是處洞天堪寄傲酒壚誰道邈山河

綠蘿庵

聽蟬關掩綠蘿柔白石磯迎碧水流不問主人閑看
竹因叅大士獨維舟塔陰晴落諸天境樹色寒生四
月秋我亦東吳垂釣者一竿烟雨一羊裘

寶界山

奇峰驕挾具區雄紫翠浮空落鏡中湖色盪胸天上
下山光撲酒水西東可吟亭俯千竿竹長嘯臺生萬
華陽洞臺卷之二十
六
三言上
壑風扣石長歌招隱曲浮雲依約送冥鴻

王女潭

深竹高杉路百盤絕憐飛翠落雲端澄潭射日浮空
碧峭壁流霞映坐丹石勢參差千澗落松聲蕭瑟萬
峰寒洞簫吹斷香壇冷不見仙人駐紫鸞

齋前壘石種竹

才微領郡媿無奇五十辭官莫已遲老去形容青鏡
識歸來踪跡白雲知花間除地堆拳石竹下開窓讀
楚辭回首當年堪自笑曾將混沌飾蛾眉

草堂春晝

草堂春晏清晝長小庭風細松蒼香紫燕定巢屋簷
暖白鳥啄砌莓苔蒼息交已無僂滿戶舊業賸有書
堆床沉冥林壑諧始願無勞季主談行藏

西庄看花

舊社相過總舊知暖雲麗日泛花枝清樽佳話情真
率重碧深紅錦陸離良會難逢留客久韶華易過願
春遲小欄芳藥開還好把酒重看莫負期

題柳贈別

東風宛轉柳條新攀折初榮贈玉人眉翠正逢三月
望絲長能繫百年春輕撩燕子昭陽舞低拂桃花洛
華陽洞裏卷之二十

七百十二

水神唱罷新翻芳樹曲半遮歌扇一含顰

春日過西庄

不到西莊垂一旬重來春色倍欣欣海棠枝重堆紅
錦楊柳條長散麴塵跨水小橋閑可倚街花馴鳥宛
相親晴和天氣逢寒食急遣蒼頭招故人

春日友人過訪

夾衣初薄暖初回甲子山中又幾迴看曆始知春社
到敲門剛報故人来細聽時鳥留連語笑指庭花次
第開時事不談心共遠祗憑清話送深杯

雙湖載酒西庄

林臯雨歇午風和珍重高情載酒過花鮮迎人嬌欲
語鳥知娛客巧能歌無媒徑路紅塵遠舊社交遊白
髮多忽謾逢春春又老與君日飲更無何

暮春連雨

小亭午坐靜鈎簾細雨殘花三月天點砌亂紅沾履
齒拂簷新綠濕茶烟春光照眼能忘酒麥冷侵衣未
脫綿溪水朝來添一尺柳陰堪繫釣魚船

初夏西庄

門外清溪接五湖綠陰如水水如鋪舍南舍北多漁
市村近林遙有酒壚簷拂新梢繁翠竹窓分涼影轉
華陽洞裏卷之二十

八百十一

青梧十年一覺長安夢歸訪烟波舊釣徒

與毛鳳池西庄夕泛

十里薰葭覆綠波垂楊疎處月明多輕舟泛泛依蒲
裊初服仙仙製芰荷四海交遊雙短髮百年天地一
高歌水村長日經過斷二仲猶能到薜蘿

西庄避暑

逃暑中林款故人竹梧深處動經旬獨醒引笑寧辭
醉對酒當歌不記巡覆坐繁陰蒼翠合定巢馴鳥往
來頻殘棋佳話消長日萬事無營懶是真

曉起

開門初日散遙田水氣浮村翳白烟遠樹參差霞錦
亂綠荷傾側露珠圓量晴料雨多奇中洗竹澆花得
靜便行遍苔蹊頭未櫛柳陰小立聽新蟬

田居白髮

柴門水遶四無隣長日科頭不見人心遠却疑身是
鶴地偏休鑷髮如銀灌園已解腰間組遺世慵彈冠
上塵自是形骸元土木能將堅白試緇磷

園居曉起

新沐朝來懶著冠疎花和露隔簾看不因今日爲園
樂誰識當年行路難田薄幸逢連歲熟家貧聊藉舊
華陽洞臺卷之二十 九 三百七

廬安衡門反鎖無人扣梧竹風清六月寒

草堂即事

梅雨絲絲草閣涼匡床玄坐漫焚香四簷綠樹繁陰
合一卷黃庭白晝長細和禽言成樂府寬栽荷葉製
衣裳笑看溪色明于玉新水朝添一尺強

西庄書事

輒坤落落著逃塵梧竹青青對結廬花徑臨池晨抱
甕松窓沾雨晚收書晉卿富貴曾三卻漢傳風流竟
二疏最是華陽西去近山中宰相舊隣居

新秋西庄書事

小欄曲曲紫薇開曲徑條條長翠苔殘暑已隨涼雨
退清風况逐故人来群鷗慣狎慚真隱五馬輕辭耻
自媒短杖角巾行樂處綠陰千頃水潏迴

田居秋夕

薄烟深樹晚冥冥風颭柴門敞未扃挾子輕鷗衝雨
白著花香稻覆畦青身辭朱紱爽仍健杯泛新涼醉
亦醒何物蒯緱堪顧盼無勞望氣識青萍

雨後過西庄

清溪斜抱草堂迴白日輕舟去復來楓葉隔林霜後
紫芙蓉繞屋雨中開橋分野色隨斑杖牆翳秋陰長
華陽洞臺卷之二十 十 三百七

綠苔歲晏故人堪契濶移書為報熟新醅

西庄晚秋

蘿屋無隣長閉門芙蓉秋水自成村退耕喜及筋骸
健小築欣看松菊存農圃生涯供伏臘江湖身世任
乾坤更堪心跡雙清處風竹蕭疎月一痕

十五夜新溪醉月

晴雲散彩月輪圓桂闕飛丹落綺筵曲度霓裳收萬
籟河翻銀影界遙天平原十日雄談裡天柱孤峰醉
眼前何似故人常對面飛仙笑挾自年年

壬午冬晏西樓看山

雪後群山紫翠寒西樓暮色愜憑欄參差樹分邊
合狼藉歸雲濕未乾閱世可無千日醉
林差足一枝安
龍頭歲晏沉雙鯉
重梅花香所懷

王生悅之少負俊才為諸生有聲其好也頌
好吟吟成津津自喜久之回視博士家言枵然
魚味語人曰人生貴適志耳惡能淹歲月轉下
負此七尺耶一旦拂衣作兩都之遊草堂雪夜
過子話別賦長句一章贈之

東雲狼籍雪初晴
感懷君千里行五噫歌高孤劍
暗二京賦就彩毫明
遊梁文采枚都尉入洛風流陸
華陽洞藁卷之二十
十一
三百三六

楊柳枝詞

楊柳枝黃拂地垂
美人綽約開腰肢
教坊學得如意
舞樂府翻成絕妙詞
老去桓溫增感慨
少年張緒競
丰姿瀟灑三月春
如海莫管長條綰別離

飲含齋席間歌者以扇索詩漫賦

楊柳青青映翠眉
笑持紈扇索題詩
定知別後春風
面不減當初
瓊樹枝湘竹舊痕懷
帝子漢宮明月憶
班姬卷舒長傍卿
懷袖猶向東君入夢思

贈黃生白完

草堂背郭徑魚媒
一蒿誰乘紫氣來
爾雅聲詩長
體淋漓翰墨求
和胎桐陰冉冉
飄棋局竹色娟
酒盃高論喜逢黃叔度
索居鄙吝頓能開

王華尚進士歸省

使者乘輅省北堂
羅衣猶帶上林香
青雲高第第三遷
教烏鳥私情萬壽觴
花暖瑤池明錦帳
春長綺閣醉霓裳
他時國史登佳傳
應許芳隣接孟光

送孫藕塘學博

連雲甲第舊家聲
獨守青氈起一經
才貢南金驚價重
教分東海看春生
一門桃李官非冷
四壁圖書夢
華陽洞藁卷之二十
十一

贈王生悅之重遊白下

白門秋色愜重遊
落木西風拂短裘
吳郡陸機元入洛
君家王粲舊依劉
詩成半是江山助
賦就堪令花鳥愁
旅舍無魚還自笑
懷中刺戟向誰投

其二

六朝文苑倚雲開
江左諸王總上才
巷入烏衣猶自好
堂空燕子為誰來
家聲籍甚尋源委
詞格清新換體裁
秋興翩翩凡幾首
詩題半是鳳凰臺

贈何御醫

曾記長安抱病時相邀對榻話軒岐風塵愧我非仙
骨方技疑君是上池供奉資深中使識君臣藥在世
人知拜恩歸院新街換三十餘年舊侍醫

丹陽郭外偕丁少鶴泛舟話舊

十里松陰濕暝烟故人一見一相憐酒船風煖丹陽
郭茶盤雲鮮王乳泉清話又低楊柳月深杯肯負杏
花天對床曾記長安夜白水青山又幾年

春雪梅花

花信風嬌花事遲梅花春半未盈枝暗香稍稍能相
媚冷蕊娟娟不自持影落清池搖水鏡標殘雪瘦

華陽洞藁

卷之二十

十三

三百十四

瓊姿細看疑是羅浮夜月淡參橫惱夢思

癸未春閨聞事

老去逢春事饒一春兩度見花朝舊醅將盡新醅
熟鶯語時燕燕語嬌青帝多情遲去住碧山有社屢
招邀近聞時事更棋局笑對東風欲棄瓢

田居書懷

自入青山戴鶻冠曾無一字到長安漁樵歲月少塵
土朋舊晨星見面難春水浮村舟一葉草堂背郭竹
千竿短歌長嘯閑行樂誰識紫公善自寬

舟次贈洪芳洲使君

畫舫清簾識面初薰風五兩片帆徐醉披宮錦仙堪
並細挹玄談玉不如同巷竟逢通短刺應門先報駐
高車知君雅好論文客為向臨卽問子虔

秋夜小酌席間次崑麓韻

清樽細酌敞山堂笑語能生四座香詩格當年何水
部風流此日漢田郎涼侵白苧收團扇夢繞青山憶
對床忽漫相逢又離別薰葭東去曉蒼蒼

送王龍岡之官懷石湖舊遊

王孫草綠莫烟和忽漫逢君柰別何斜日酒船鷗外
檣青春桃葉渡頭歌風流迥照長洲苑意氣還清建

華陽洞藁

卷之二十

十四

三百十五

水波不是年來因宦違榜伽輕別舊松蘿

丹陽道中別意

醉別城東遊俠場片帆烟雨下丹陽木蘭舟穩江潮
午燕子樓空離恨長憔悴青山連客瘦蕭條寒雁共
雲忙美人只隔盈盈水何事悲歌別故鄉

草堂秋晏

草堂秋晏露華清叢菊紛披繞砌明香引簷風飄細
細影含霜月弄盈盈傾壺小飲憐清色隱几微吟
落葉最是寒芳禁歲晚肯從桃李競衰榮

華陽洞藁卷之二十一

五言排律

小樓海棠

樓坐被花惱。况茲三月中。參差含細蕊。淺淺簇新紅。
笑口酣初日。香魂夢晚春。盈盈輕著雨。嫋嫋不禁風。
飛燕昭陽殿。楊妃太液宮。枝柔絲欲墜。韻遠色疑空。
燕蹴脂版。蜂迷玳瑁叢。洛陽一萬樹。風格好誰同。

送潘春樓太守朝元二十韻

丹詔徵圭璧。明堂御覲旒。驅車辭郡國。飛旆向

華陽洞藁卷之二十一

一

皇州復寫天風送。冰壺夜月留九霄。皆雨露五馬總
驂。騶端笏聯鷄侶。番紳入鳳樓。彤墀承委佩。清漏間
鳴球。庭燎綠堦簇。爐香合殿浮。瞻天北辰近。捧日
慶雲流。異政臨軒問。訐謨側席求。策勲周九牧。上計
漢諸侯。元宰應開閣。群公合借籌。課功堪獨步。增秩
好誰優。帝里憐重到。官曹悵昔遊。栢臺留諫艸。鳳
掖刺詞頭。出守名逾重。歸朝歲已周。舊僚談往事。故
吏引鳴騶。雅負蒼生望。仍深廊廟憂。江城懷露冕。萬
室起歌謳。

過寶應湖

送虞拙軒赴永昌郡幕

曾憶垂堂戒。翻成浪梗遊。深春青雀舫。疎雨綠楊洲。
蛟室連雲動。烟波抱日流。乾坤開楚澤。星野帶揚州。
影瞻天俱入。波搖地欲浮。平堤控淮浦。曲岸束和溝。
樹色紛高下。帆陰遞去留。孤城遙若塊。亂屋渺如舟。
緩帶看芳杜。鉤簾起狎鷗。盪胸銀鏡晃。對面玉壺秋。
戍鼓沙村外。津亭溪水頭。當年遊宦處。重試舊吳鉤。

華陽洞藁卷之二十一

二

三百五十五

江海應吾道。乾坤總宦遊。無嗟程萬里。亦是郡諸侯。
作客誰青眼。之官尚黑頭。千山南詔路。一葉薊門秋。
離曲催三疊。新詩緩四愁。嶠雲隨去馬。瘴雨濕行輜。
舩。離天俱遠。驅馳水共流。夷歌聞異域。棘語認蠻陬。
楚王終堪獻。隋珠豈暗投。定徵虞秘監。丹詔下皇

贈徐龍灣

藉甚南州彦。才華夙絕倫。詞林某鷺鷥。苑走麒麟
何李堪同調。邊徐好卜鄰。飛揚拂流輩。蕭洒出風塵。
燕趙悲歌地。乾坤壯宦身。廟堂崇國計。鹽筴用詞臣。
黃海勞開府。征商待算緡。花明廳事午。句好硯池春。
留滯名逾起。回翔氣益振。地因遷客重。官為著書貧。
畫省含香舊。瓊枝入夢頻。十年勞想望。茲夕挹風神。

京洛論文夜河梁送客辰芙蓉未堪采何以贈佳人

貴陽吳川樓邀飲汪魯山園席間索詩謾賦

顧執李君御平生劇夢思紛吾在岐路幸爾拂璫枝
清夜西園宴高秋汾水詞才華自傾坐顧盼動生姿
大雅豈獨古良遊併在茲瑤花明綠酒主壺繫青絲
睥睨斜縈帶林暈杳蔽廚晚岸遙偃蹇詭石半欹危
洞暝青蘿翳更深綺席移殘山行不徑剩水渚平池
籬密鉤冠側蹊迴步無遲呼杯爭賞勝秉燭更探奇
雨氣侵衣冷雲光拂几垂乾坤容笑傲身世任支離
話飲存吾道分携恋故知晨風別孫楚湘浦寄江籬

華陽洞臺卷之二十一

三

三百九十一

渡泗慙盱眙勞見與相歎晨登山亭遠眺謾成

二十韻留別

遠道緇塵滿連旬罷濯纓一從淮泗渡忽覺物華明
使事仍隨俗歸心屢問程稍欣卿語似漸喜互寒輕
舟楫勞津吏盤餐杖友生誰知投館處翻愜看山情
危磴林端曲肩輿樹杪行晨嵐寒淅淅錦石曉熒熒
殿古丹青落亭虛紫翠橫碑殘惟有字泉澹不聞聲
凍雪枝間亞烟蕪湖外平波光搖戶牖帆色動簷楹
坐榻臨高鳥凭欄數廢城地雄桐栢水天濶魏公營
幽事林僧話丹房羽客迎初登憐窈窕久慙愛恣清

心遠雲相逐機忘鳥不驚無能拾瑤草倘許覓黃精
靜愛玄門邃誰攀朱紱尊猶來仍道路回首媿山靈

憶昔

一從辭白社回首十年強客路雙蓬髮鄉心一草堂
彈棋池上閣讀易竹間房訪友青山曲聽歌雙瑟傍
粗豪呼酒伴輕薄闢雞場謝客春山屐王生雪夜航
乾坤蕉鹿幻歲月隙駒忙勝事成今昨悲歌自慨慷
月留他夜白花剩故枝香秉燭元稹達持螯未是狂
佳辰仍在眼心賞可能忘

晚春遊常莊水亭

華陽洞臺卷之二十一

四

三百九十二

水綠孤亭俯林深曲徑迷雜花紛近眼高柳弱綠堤
磯靜鳬雛狎沙喧蘆葉齊藥欄隨徙倚蘿磴任攀躋
石几松陰下茶烟屋角西纖鱗依檻躍好鳥傍簷啼
絮暖紫蛛網片香落燕泥醉眠禪榻冷清話葛巾低
詩罷堪重詠壺乾可再携因之懷舊業桃李已成蹊

壽睦母徐氏七十

及笄逢家難青春別葉砭鏡驚憐瘦影釵鳳卸黃金
勁草終難偃明珠竟早沉立孤門祚在持節歲華深
度閭栢舟賦機窓鳥夜鳴音姬存趙意李密報劉心
喜見蟠桃吐休誇玉樹森它年貞婦傳好向汗青尋

七言排律

送錢南里兵部頒勅江東諸將

執戟翩翩漢署郎，分曹日日五雲傍。千年誰入孔顏室，四海君登李杜堂。獻賦禮闈同座主，傳經茗水共門牆。平戎疏就春衙散，出塞吟成逸樹黃。使節晨頒青玉重，鳳書曉降紫泥香。離筵弱柳垂垂暗，客路飛花故故忙。露冕頗遭沙鳥怪，掛帆剛映越山蒼。賜貂恩徧千夫長，挾纊歡驕六郡良。巴蜀今傳司馬檄，會稽爭看買臣章。江東乍到疑歸夢，直北頻瞻似故鄉。清晝錦衣雙負弩，薰風笠澤一鳴榔。定知杖屨華陽洞，藁卷之二十一

五

歌周雅遺報梯航欵越裳，聖主只今勞拊髀。捷書早晚奏明光。

五言絕句

村居雜興次潘百愚先生韻

屏居湖上村，相携塵外侶。看竹過隣家，不問誰為主。

其二

湖上看青山，山影湖中倒。湖光澹若空，山色青未了。

其三

天地著閒身，湖山入佳句。一曲滄浪歌，閑逐溪雲度。

其四

掩關坐青晝，落葉不曾掃。門無問字人，洗硯瞻詩草。

其五

華陽洞藁卷之二十一

農談忘日夕，山外白雲吐。豐年賽田神，隔水呼村鼓。

其六

客到無雜言，但話山中好。春風儻相携，尋山拾瑤草。

書郭五遊縞帶

沈約耽詩甚，腰圍太瘦生。不妨衣帶緩，五嶽好閑行。

獨寢

無營起常晏，盥罷日已晝。小閣對虛無，波光射窓牖。

華陽洞藁卷之二十二

金壇張祥爲著

七言絕句

出塞吟贈趙汝泉

離亭暮雨映千峰。君到胡關第幾重。醉裡不知人欲別。秋風還約采芙蓉。

其二

落日高樓賦載驅。秋山青映使君符。營州聞說炊烟斷。春色隨車忽到胡。

其三

華陽洞藁卷之二十二

十

莫怪離筵送客頻。封侯早趁劍鋒新。翩翩塞上皇華使。不是當年皂帽人。

其四

下馬長城片月孤。望中邊樹晚模糊。知君此夜關河夢。猶憶高陽舊酒徒。

其五

鐵騎材官六郡豪。人人盡佩呂虔刀。胡天月白聞清嘯。一夜匈奴北度遼。

其六

射鵰士飽曉張弧。汗血駒驕夜秣刍。幕府郎官儒作

將笑談面縛五單于

別謝四溟

烏角巾斜白髮明。驚人佳句玉英英。知君自是悠悠者。狗監無勞薦長卿。

其二

千年大雅委塵埃。此日聊逢謝客才。詩草滿床涼雨後。半庭斜日照蒼苔。

其三

官閑祇喜客頻過。此別番憐阻笑歌。詩格永嘉風骨在。紙題珍重寄羊何。

華陽洞藁卷之二十二

二

其四

天涯去住惜離群。擊筑高歌對暮雲。手執芙蓉秋滿把。慙慙驛使寄夫君。

七夕別齋中故人

布帆秋水去開閑。千里西風燕子顏。何事別君逢七夕。却疑天上異人間。

其二

銀河斜界碧天空。坐看雙星此夜逢。莫道人間有離別。雲涼還共五更鍾。

其三

七袞織罷下雲機。一水盈盈羅襪移。離別祗愁今夜短。相逢還恨隔年遲。

其四

搖落心驚宋玉秋。白蘋花傍木蘭舟。月華星彩天涯遠。應照穿針故國樓。

舟次天津津吏持符淮河口號朝之

海天涼月靜娟娟。獨夜長歌秋水篇。世路棄繻容易去。不勞候吏報郵籤。

其二

問津海郭一停舟。長路年來幾宦遊。醉尉却逢無賴

華陽洞藁卷之二十二

三

極似輕李廣。未封侯。

其三

使客浮槎一葉輕。荻蘆秋水幾長亭。不因津吏能留客。為采江鱸盡日停。

其四

靜啟蓬窓夜月虛。高城落木夜瀟疎。開門令尹休相逗。柱史年來懶著書。

山陵道中古院午懸

古栢陰陰覆石苔。西風道院客重來。丹砂欲問仙家訣。雲鎖閑門午未開。

送李月山分教開封

隣君少負謫仙才。歲晚相逢郭隗臺。此別莫嫌官舍冷。春風四座沐花開。

其二

夷門東下濁河黃。河上先生著易忙。南國典刑周大雅。東風桃李漢賢良。

其三

離歌慷慨日華東。遙指青山是洛中。君去試看伊水上。市槐如幄午陰重。

其四

華陽洞藁卷之二十二

四

三百千

謾卷詩書遠渡河。傳經劉向意如何。周南歲月堪留滯。閑賦春風樓榭歌。

省中齋居

吹殘城角月初低。庭樹和烟綠更齊。吏舍無譁幽夢醒。一群嬌鳥盡情啼。

其二

初聞畫漏報升衙。退食從容日未斜。閑訪同心過別署。笑看馴鳥啄庭花。

其三

吏散齋居獨掩門。庭蔬小摘媚盤餐。棋聲燈影松間

靜殘雨歸雲城上昏

其四

城闕沉沉禁漏遲攬衣起視夜何其滿庭涼月詩懷
愜一樹清風鶴夢知

華陽訪舊

桃花流水認岩扉仙子樓居傍翠微重到昔年行樂
處不禁懷抱獨依依

其二

尋真步入白雲扉碧澗青松舊路微山鳥一聲啼午
寂頓令清夢欲歸依

華陽洞壘

卷之二十二

五

贈豫章朱地理

武陵春水泛輕槎曾到山中第幾家欲問迷津烟樹
合勞君指點覓桃花

其二

扣舷不笑屈原醒一曲滄浪晚濯纓世路多岐君自
識章江如練為誰清

贈王地理

憂病年來卧倚廬買山無計欲何如今朝忽遇天台
客笑授囊中郭氏書

其二

先生家住赤城南坐拂長髯看夕嵐祗為耽奇涉湖
海青山佳處幾探攔

憶石湖四絕

石湖南望渺烟波無奈東風阻笑歌猶憶行春橋上
月夜深還照舊漁蓑

其二

溪流曲曲抱山清回首溪山空復情最是松間僧話
好波光如席近人明

其三

通湖閣上日初長曾看飛花共燕忙燕子重來花又
落看花舊侶各殊方

華陽洞壘

卷之二十二

六

二百廿三

其四

松風小閣細雲陰僧到惟論世外心一別青林塵夢
亂空憐山水有清音

重陽恨雨

滿城風雨過重陽籬菊無花閉草堂豈是催租敗人
興自緣索寞負年芳

無題

憶昔相逢十五餘春風江上再移居年來名冠平康
籍祗恨蕭郎不寄書

其二

花近青樓嬌狹斜浮雲一別冷琵琶相逢疑是潯陽
夜細語含淒問舊家

其三

不見當年團扇即雙垂紅淚濕流黃樓空燕子憐無
主勝有歌塵在画梁

種樹晚歸

種樹歸來村路晚柴門霜月白紛紛年來抵理林間
事新葺園廬住碧雲

晚坐悟亭山房試茶

華陽洞壑

卷之二十二

七

二百三十九

相如消渴髮雙華重試山中陸羽茶半啓斜窓看霜
月晚鍾聲裏落空花

午過夾溝驛

肺病朝來罷強吟茶杯棋局散幽襟郵籤忽報津亭
近坐愛舡窓度柳陰

徐北逢于屬庵南還寄書

珍重天涯雙鯉魚故人千里寄吾廬緘題祇有平安
字題字無多意有餘

徐子與遺予白雪樓詩集

塵下風騷說李生東吳徐孺復齊名遺予白雪樓居

詠絕勝中即得論衡

驛亭新月

下馬郵亭暮色幽樹西新月冷銀鈎清光明夕勝今
夕伴我南歸江上樓

楊州望江南山色喜而有作

楚城南下即吳關花裏辭家雪後還二十四橋橋畔
路隔江笑認舊青山

賀朱虛谷買妾廣陵二絕

二十四橋春水流瓊花滿樹壓枝柔幽恣不著風塵
色移種君家白玉樓

華陽洞壑

卷之二十二

八

二百廿八

其二

十里朱樓簾不垂美人樓上聞娥眉笑移國色歸金
屋好是風流杜牧之

寶應湖晚泊懷朱射陂先輩

射陽湖上摘仙家為訪仙人一繫槎舊業祇餘書滿
屋不禁清泪洒瑤華

其二

不識君家瓊樹枝流傳風雅亦吾師典刑豈逐浮雲
散落日平湖有所思

其三

玉皇香案舊詞臣那向人間久陸沉獨鶴何年跨君
去江籬無色憶知音

其四

一麾出守卧潯陽郡閣三年消渴長封禪無書堪應
詔滿江秋水杜蘅香

其五

澤畔重尋楚大夫高詞賸有萬明珠招視賦就夫君
遠一水盈盈片月孤

其六

不見當年朱孝亭小山叢桂遠含情向誰印證離騷

華陽洞藁

卷之二十二

九

三百五十一

鮮祗恨吾年後汝生

宿州道中曉行

古驛垂楊散曙鴉山村初日暎桃花逢人盡說江南
近喜及花時得到家

其二

杏艷桃嬌麗日遲客程春色鎮相隨到家猶是花開
候傳語東風莫漫吹

其三

清明雨歇曉雲寒一樹梨花濕未乾遙憶故園花更
好年年春向客中看

定州道中

燕郊近接古盧龍覽勝無嗟數轉蓬夾道垂楊三百
里征車盡日綠陰中

渡淮口號

長安回首宦情微一片歸帆帶雨飛漸近故鄉饒樂
事西風澤國蟹初肥

潘秀才草堂看花

市橋西帶碧雞坊兩樹梅花一草堂滿地落英紛不
掃半庭苔色襯寒香

其二

華陽洞藁

卷之二十二

十

三百五十二

青竹堂開白屋貧碧桃花暖綠樽春留連花竹移時
坐真率何曾問主人

平夷道中遇雪

朔風吹雪暗千山計吏驅車檄外還自笑不如班定
遠未侯先入玉門關

春晝聽禽

落花封徑笋生籬飛絮撩人水滿池愛聽晴鳩啼午
寂綠陰深處立多時

新月梅花

讀罷黃庭纖月斜春風小院鎖梅花暗香稍度東隣

去錯認西湖處士家。

紅梅

曾是羅浮夢裏人，肯教素艷點紅塵。
祇緣國色朝酣酒，半掩朱顏怯早春。

池上置橋

脩然草閣俯青郊，水抱柴門百步遙。
客到每嗔花徑隔，柳邊新置赤欄橋。

蓮蕩泛月

蓮花白白出人頭，蓮葉青青礙入舟。
明月一天花十里，廣寒清夜太真游。

華陽洞藁

卷之二十二

士

二百十

買舟

曉窓百舌數聲啼，雨歇春流綠滿堤。
買得扁舟小如葉，憶梅撐過野橋西。

偶題

一曲高歌四座傾，纖雲不動暗塵凝。
手持紈扇西風裏，誰識班姬不語情。

郡城聞鶯

江郭塵收宿雨晴，曉窓風細送鶯聲。
茂林碧樹青如水，何自山禽也到城。

春晴閣坐

翠烟輕織柳絲低，綠野平鋪草色齊。
為賞新晴登小閣，半村斜日杏花西。

入郭

孤舟細雨泛東風，一路桃花十里紅。
為赴故人花下飲，兩年兩度到城中。

早春西庄晚步

白閣紅橋綠水灣，梅花宛宛竹珊珊。
歸雲狼藉春陰薄，徐步村西看晚山。

小園長夏

小閣生風石枕涼，午時酣睡到斜陽。
池西亂竹分蒼翠，半映書幃半映床。

華陽洞藁

卷之二十二

士

二百十

其二

梧葉交加覆井欄，綠陰如水畫生寒。
案頭書籍風吹亂，信手攔來枕上看。

題画册

松陰偃蹇走蒼虬，蕭瑟風生六月秋。
放杖坐看天似水，清溪半浸碧山流。

其二

郊連山外塞天遙，會獵胡兒掩騎驕。
半醉臂鷹呼部落，笑看風際急霜鵞。

新嘉驛亭新月

小憇茅亭夜色幽
樹西新月冷銀鈎
清光明夕勝今夕
隨我南歸故國樓

其二

郵亭休沐拂征衣
亭樹黃昏獨鳥歸
坐擁寒爐改詩草
依依纖月照簾帏

舟晚

柔櫓聲寒蕩夕陽
白蘋花亂覆魚梁
美人盈盈隔秋水
欲寄芙蓉道路長

其二

華陽洞藁

卷之二十二

十三

二百五

西風落木水增波
望裡湖天入棹歌
好景不將君共賞
酒烟溪月奈愁何

春途口號

下馬郵亭折杏花
一枝笑插接籬斜
客途莫道東風惡
春色猶能入鬢華

其二

巾車半敞去閒閒
楊柳絲絲綠可攀
點綴春光三百里
人從畫裡到青山

送金別駕侍養歸楚

高雲縹緲送冥鴻
祖道爭看邴曼容
到日慈顏知有

喜衣裳笑認別時縫

其二

岐路晨風吹葛衣
陳情令伯宦情微
與君萬里同爲客
忍送君歸未得歸

閨門夜泊

閨間城畔賦吳趨
霜落天高片月孤
香徑屨廊秋草合
西施無夢到姑蘇

初夏晚起

竹裡蕭齋啓曙暉
紅塵不到客來稀
案書零亂爐香細
一榻清風看紫微

華陽洞藁

卷之二十二

十四

百十三

絕筆

解郡歸來十四年茂林深處白雲邊如今又脫塵凡
去家住蓬萊身是仙

其二

欲謝塵緣久未能十年枉自學飛昇如今得借天風
便移住天台最上層

華陽洞葉卷之二十二

十五

華陽洞葉卷之二十二終



ZW 21181886584122

華陽洞葉二十二卷

兩江總督
採進本

明張祥鸞撰祥鸞字道卿別號虛齋金壇人嘉靖
己未進士官至雲南府知府是編文十三卷詩九
卷祥鸞多與嘉靖七子相往還而詩能不涉其窠
臼然所造則尚未深也